

續修四庫全書

五〇九・史部・詔令奏議類

丁文誠公奏稿二十六卷首一卷

〔清〕丁寶楨撰

.....

10/10/95

丁文誠公奏稿

光緒十九年
刻成於京師

丁文誠公奏稿 序

序

蓋聞人臣之事君也欲行其志於天下則必有堅定之議沈毅之操與其事相終始雖復成敗未形誦謗交集而苟利國家死生以之蓋其見理也審則其行之也果有不知無不言有不言言無不舉有不舉舉無不成成王之告君陳曰必有忍其乃有濟孟子之論舜說諸人曰動心忍性嗚呼士大夫苟出而圖天下事忍與不忍之閒身之功罪民人社稷之利病安危繫焉其不可不量而後處也審矣吾鄉文誠丁公之練鄉兵擊賊也戰數不利議者以為詬病公毅然決然蒙難而益貞用卒拯捍桑梓聲聞於天其後撫東督川凡有所設施與所建白率本乎疇曩所

序

自樹立置一切毀譽於度外一政之弛張一論之獻替其始益利未著也則有疑者忌者又從而撓阻之者往往中旨申責部議詰難危疑震撼之交手不及措口不及辯諸或瞻顧重慮思稍稍因苟就便以塞悠悠者之口舌而委蛇之而公顧嶢然不欺其志自反而不撓逃其所守奏咨往復動千萬言務使吾所陳說其是非大白於天下以無負乎上致下澤之本意而已之功罪不與焉如撫東之截擊捻匪整飭吏治督川之裁夫馬局修都江隄創滇黔官運此其利弊之尤大彰明較著者今奏議具在可讀其書而論之也嗟乎一子產也孰殺孰嗣反覆於輿人之口使公當日稍有不忍其不威惕勢禁重為疑忌者之僂笑

也幾希子曰小不忍則亂大謀信乎謀天下事者之非忍不成也余往者嘗綜觀中興諸佐如胡文忠清理漕賦曾文正忠襄治師江皖左文襄平定回部始未嘗不眾難羣疑履顛涉沛然卒勢而後治危而後安功在一時澤及數世何者謀定於審行成於果成敗得失爭幾微於忍不忍之間文誠先後繼起於數公之列其功業軒輊未可知而堅定之識沈毅之操抑若造車者之合轍則益信古今賢豪苟出而圖天下也未有志同術道同方自立於不敗之地而後可以大有為於天下端棻官御史時亦頗挾其區區竊附於古人獻言之義今老矣忝竊高位懼不足以自信讀公集則又不禁怦怦心動也樂觀奏議刻成因擬

序

公當日立言建業之大旨書於簡端以告當世之有事於天下者而即以自勵云光緒十九年十一月姻愚姪貴筑李端棻謹序

丁文誠公奏稿

編校姓氏

貴陽羅文彬總校

華容張荀鶴

開縣李本方

高郵楊 芾

瀘州高 樹

貴陽陳 田

丹徒陳鴻綬

嘉善錢紹楨

平越楊炳勳

奏稿

編校姓氏

開建梁旭培

長安薛秉壬

貴陽黃士俊參校

子壻陳洵慶原編

姪婿陳夔龍重輯

男體常體晉敬刊

孫道源道敏恭錄

丁文誠公遺集首卷目錄

上諭二道

懿旨一道

御賜祭文一首

諭賜入祀京師賢良祠祭文一首

御製碑文一首

國史本傳

山東巡撫請建祠疏

山東巡撫請列入祀典疏

貴州巡撫請建祠疏

墓誌銘

首卷目錄

誄詞

貴州專祠碑文

光緒十二年五月初七日奉

上諭四川總督丁寶楨秉性忠誠清勤練達由翰林帶兵勦賊歷受

先朝恩遇外任知府洊擢封圻前在山東巡撫任內籌辦軍

務悉協機宜朕御極後擢任四川總督於地方利弊認

真整頓實心任事勞怨不辭前因舊疾增劇籲懇開缺

疊經賞假調理嗣已力疾銷假方冀醫治獲痊長承倚

畀遽聞溘逝悼惜殊深加恩追贈太子太保銜入祀賢

良祠照總督例賜卹任內一切處分悉予開復應得卹

典該衙門察例具奏靈柩回籍時沿途地方官妥為照

料伊子丁體晉著賞給郎中伊孫丁道臣丁道源丁道

首卷 上諭

津丁道敏均著俟及歲時由吏部帶領引見用示眷念

蓋臣至意欽此

光緒十二年五月二十九日奉

上諭陳士杰奏已故督臣功德在民懇准於山東建立專祠一摺四川總督丁寶楨前在山東帶勇勦賊勤勤懋著並於地方賑務河工及清理訟獄興建學校等事無不實心經理洵屬功德在民丁寶楨著准其於山東省城建立專祠以彰忠藎而順輿情欽此

首卷

上諭

二

光緒十五年正月二十二日欽奉

慈禧端佑康頤昭豫莊誠皇太后懿旨從前軍務緊要封疆將帥之臣運籌決策戮力同心或未歲全功或始終勤事論其謀國之忠均屬聲施爛然勳名相埒茲當歸政之始追念勞臣所有功績最著之原任四川總督丁寶楨著賜祭一壇欽此

首卷

懿旨

三

御賜祭文

朕惟朝廷西顧無憂賴岷嶓之作鎮師保上流是總悵箕尾之攷精深眷典型特頒奠輟爾原任太子少保四川總督丁寶楨忠貞克篤沈勇有謀選並朔皋嚴助早官太守禁稱頗牧畢誠出任供軍時當桂管生烽荏苒符接警率江湘之銳士以禦龐勛積潭岳之威名有如唐介速臨渤海期靖潢池爰自監司俾躋開府履艱危而益壯試寵辱而不驚顏真卿之扼平原事本難於諸將李朝隱之拘興貴節取重於

先皇朕謀帥總師任人圖舊資范韓之偉略控巴蜀之名區

少府節財治行則文翁遠媿鹽官修法度支則益部偏

首卷

諭賜祭文

四

充竭忠悃以籌軍躬真盡瘁求遺章於屬纊語不及私於戲克已奉公思舊欲同於光武念功存德垂恩將繼於沔陽歆是苾芬格夫靈爽

諭賜入祀賢良祠祭文

朕維資壯猷於元老冀奇厯福艾之有徵溯遺愛於蓋臣慨智勇功名之誰嗣勳業既昭於專閫馨香宜報以崇祠爾原任太子少保四川總督丁寶楨芸館蜚英竹符典守義無逃於金革胸早富於甲兵陶侃摧江河之鋒權輿下傳蔣勛據關山之隘保障長沙譽播楚邦簡居齊郡始秉六條而按俗繼承八命以開藩疆寄旋膺時艱彌亟牙璋起旅思清三輔之塵羽檄飛芻兼餽諸軍之食用能薄黃巾於半渡捷獻梨河埽白騎之四馳風清海岱

先帝詢謀方岳晉秩公孤下竹筴交終報金隄之塞建旌持

首卷

諭賜祭文

五

節遙為玉壘之臨屬朕尚在沖齡眷求碩德嘉謨屢告誠慤畢宣薄賦而裕軍儲禹筭富侔於山海寬徭以恤民力錫符恩逮於鄉閭平生守法遇近習而不阿外任持廉信贏財之盡屏金甌待卜忽陳危懼之辭銀策書功恆塵老成之念於戲明禋肇祀南康久係夫輿情朝服冠纓西蜀定傳夫畫像英靈不昧茂典欽承

御製碑文

朕維三蜀宣猷天府控井維之勝九原興歎星精感奎宿之躔矢篤業於一心稱寵榮於十賚特申丹詔俾勒青珉爾原任太子少保四川總督丁寶楨館列紅蘭禁標瓊樹從戎奮於墨經作郡縮夫銀章固衝要於巴陵播循聲於岳麓泊乎提刑陳臬建節開藩修防而不廢農桑類申怙之臨北海除寇而盡收器械儼法雄之固東萊方鎮爰居官銜用錫王景奏築隄之績萬戶澹災李膺揚破柱之威百僚憚采制兼兩鎮跨躡健牂籌濟諸邊轉輸滇隴鹽政修而水脈察法本市官徭役罷而田功興歡騰葑屋集成一品倍深遠慮於吐蕃躬率三軍將擬開心於諸葛考其言行諡日文誠於戲詔從哀額已聞齊相之祠題紀清忠永墮蜀人之淚世承休命名壽豐碑

首卷

御製碑文

六

國史本傳

丁寶楨貴州平遠州人咸豐三年進士改翰林院庶吉士請假歸丁母憂四年遵義教匪楊瀼瀼犯平遠寶楨募勇擊走之進勦普定狎夷破水塘各巢又敗賊定番州擒首逆吳鳳祥等敘功

賞加五品銜並

賞戴花翎六年服闋會苗教遽起巡撫蔣蔚遠奏留寶楨協

防省城得

旨免其散館授編修尋馳解平越州圍破甕安土匪賈復保等八年

記名以知府用十年授湖南岳州府知府同治元年正月調

首卷

國史本傳

七

長沙府知府十一月

特旨署理陝西按察使未履任二年正月授山東按察使

命募軍隨勦捻匪科爾沁親王僧格林沁奏令勦辦東昌賊

宋景詩旋劾寶楨擅議招撫下部議擬降三級調用

上改為革職留任三年遷布政使四年僧格林沁戰歿曹州

以所轄境內未能加意協助下部議議上得

旨加恩降四品頂戴留任如故五年給事中孫楫御史朱鎮

勅寶楨貽誤各款

敕督辦三省軍務大學士曾國藩查覆略言寶楨帶兵勦賊

俱奉僧格林沁劄委而行原參各節多係傳聞失據

其截賊臨城時所部亦無淫擄重情功多過少官民

尚無閒言疏入

諭免置議旋以防守省城諸事協宜

賞二品頂戴十一月

命暫署山東巡撫出東平督防六年二月升授山東巡撫寶

楨以制捻非馬隊不利而緣營馬兵既難得力招募

馬勇絕不可用東三省營兵又與勇不相聯絡疏請

挑募東三省壯丁三千赴山東訓練勦賊

上以所籌洞中窳要如請行山東鹽岸疲弊寶楨奏請改歸

官辦先課後鹽運至河南設局派員經理於藩司運

司兩庫借銀五萬兩限二年歸還下部議行三月挑

濬沈口河宣洩東西兩岸積水洩出民田二十餘里

首卷

國史本傳

八

增築河牆五月捻匪由河南入鄆城鉅野攻沈口而

分股從濰河海神廟偷渡河牆不守

上以寶楨籌策無方下部嚴議褫失守地段總兵王心安職

斬都司朱萬美以徇先是湖廣總督李鴻章奉

命督師勦捻建議於膠萊河及運河築牆遏賊蹙諸海隅以

淮軍東軍南北分段認守賊之曠牆西竄也

嚴旨責李鴻章與淮軍統領山東布政使潘鼎新均交部議

處寶楨在防守禦未能嚴密扼截致賊飽颺厥咎亦重革

職留任並摘去頂戴十二月逆首賴汶洸就擒復寶楨職

賞頭品頂戴七年捻酋張總愚自河南北趨定州近畿戒嚴

寶楨聞警即馳至東昌調集各軍挑精卒八千馬隊

千人率已革總兵王心安副將莫組紳齋五日糧倍

道北援

上以寶楨一軍北上迅速奮勇可嘉疊

諭褒獎賊以北軍大集遂南陷饒陽寶楨亟遣王心安等回

擊敗賊魏家村復饒陽城敗賊茶園又遣莫組紳追

敗之肅甯

諭曰丁寶楨由山東督軍北上首先奮勇派兵擊賊獲勝保

衛近畿深堪嘉尚著即整頓師旅相機進勦寶楨慮賊回

竄山東仍率軍駐防東昌旋敗賊在平海豐七月張

總愚敗死捻逆蕩平

賞太子少保銜十二月入

首卷

國史本傳

九

親仍回任八年太監安得海私出山東矯稱採辦

御衣寶楨奏

聞即飭屬嚴拏獲之泰安訊實具奏得

旨就地正法並隨從太監人役等斬絞如律九年法蘭西以

教案啟釁寶楨密請於山東各海口酌定兵數分別

布置並練兵駐德州等處備緩急

上聽之十年疏請整飭水師提關稅銀十萬購礮船練兵分

防榮成縣石島海口及登州府天橋海口並分守各

礮臺十月以病乞罷

賞假三月毋庸開缺時鄆城侯家林河決注運運道被阻州

縣多淹河東河道總督喬松年請俟次年興工

上以水涸堵築易為力

命速塞之十二月寶楨力疾奏請自往督工

上深嘉其獨任艱鉅十一年二月決口合

諭曰丁寶楨勇於任事督率有方未及兩月克竟全功著交部從優議敘先是河決銅瓦廂穿運入大清河至是寶楨

借署漕運總督文彬合詞疏請堵合銅瓦廂決口復

淮徐故道疏下廷臣會議十二年九月疏請開缺回

籍修墓得

旨賞假一年毋庸開缺瀕行疏言銅瓦廂決口情形在東省

自宜先塞張家支門防黃大局宜先就石莊戶施工

其築隄界連直隸計二百七十八里此次河水東趨

首卷

國史本傳

十一

東省受害甚深運道關繫亦重不得不亟圖辦理凡

應行事宜自當悉心覈議籌定全局俟後任查照與

辦不致誤時並繪具圖說以上十三年十月回任石

莊戶決口猶未舉辦河水奪溜南趨山東江蘇安徽

水患延數百里自濟甯至宿遷運河南北兩岸長隄

衝刷殆盡

上方詔直隸江蘇山東及漕河各督撫會議奏辦寶楨至即

奏言臣方回任非不知河務之難儘可俟各督撫臣

委員查明再同覈議會奏時已交春勢難舉辦即可

卸責竊見目前水勢泛溢民生既遭沈淪運道亦同

廢棄祇以今春事機一誤功倍大而費倍增再不及

時籌辦明歲伏秋汛臨淮徐以下何堪設想而災區之獨緩窮黎之賑濟度支所損尤多請

救下部臣籌撥實款百五十萬迅速解東以應急需奏上即

率道員潘駿文赴勘石莊戶情形復奏言石莊戶口

水勢寬深勢已無從著手由石莊戶下行十餘里南

為荷澤之賈莊北為開州之藍口水勢稍束然口門

尚寬二百六十丈兩崖水深七八尺中間深一丈五

六尺請即以此作壩基從賈莊堵合正溜由藍口分

溜引歸舊河則由張家支門王老戶下注東南漫水

皆可斷流然後並籌上下游兩岸隄工疏入

上是之

首卷

國史本傳

十二

救戶部照所請款數即行指撥毋誤要需先是日本因通商

構釁頗以兵船窺伺福建臺灣

命下沿海各督撫會籌寶楨在賈莊工次密疏大要請精練

水師各技經營船政機器各局購船則鐵甲宜防海

口戰宜兼用輪船舳板籌饒宜就釐金照各州縣錢

糧正雜之例不容弊混舍此而別求掘煤開礦即使

獲利亦多隱患至海疆有事則利於持守而不利於

輕戰戰勝彼不過損一二船而止不勝則我損實多

又以蒙古黑龍江人樸勇可靠請併吉林奉天四省

精練四萬人防北邊報

聞光緒元年三月賈莊口合

上嘉寶積力膺艱鉅督率有方子優敘十一月遵

旨籌辦海防疏言山東宜防要害三一於煙臺之通伸岡

八蜡廟及之采山東莊各築圩設礮臺一於威海衛

劉公島及島口兩面各築礮臺並於海外密布水雷

閉一門留島北口門爲我師出入一於登州城北彈

子渦山頂及城南沙埂並長山島西各築沙土礮臺

並在省城外濼口創設製造機器局

上悉如所請二年八月擢四川總督十二月入

覲

賜紫禁城騎馬三年三月遷陳川省敗壞情形請裁總督

司道節壽陋規撤各州縣夫馬局清理積案劃清交

首卷

國史本傳

三

代虧挪嚴拏匪匪鹽梟整飭邊務操練兵勇並以四

川歲有按糧捐輸八十餘萬病民爲最將徐圖蠲除

得

旨嘉勉七月以四川行滇黔兩邊鹽岸廢弛邊引積滯至

八萬七千餘張羨截積欠一百三十六萬六千餘兩

請改爲官運商銷於瀘州置總局并竈分置廠局鹽

岸分置岸局廠局就井竈市鹽授之岸局岸局受而

售之商人凡黔邊額引及近邊各屬計引悉令鹽道

移交總局並清釐從前各積引以次帶銷又帶行近

邊之永甯瀘州納溪綦江合江涪州江津南川各計

引及酉陽秀山黔江彭水各邊引以杜侵越又以貴

州徵權有礙運銷請

旨敕禁貴州鹽釐各局卡由四川歲濟銀如其權數奏定

章程十五條派候補道唐炯督辦於藩庫鹽庫川東

道夔州府各關釐稅借銀五十萬兩舉辦限八年歸

還疏上得

旨下部議行灌縣都江堰舊制用竹籠盛石子作人字隄

歲費千金寶楨議改易巨石籌費九萬派署成縣龍

茂道丁士彬及署灌縣知縣陸葆德興辦又奏請於

四川省城創設機器局製造槍礮火藥

上皆報可四年以疏保永不敘用之已革道員李燿南開

復頂戴留川差遣未將原參情節詳敘坐降三級調

首卷

國史本傳

三

用

上加恩改爲革職留任寶楨復請舉辦滇岸官運並帶行

近滇邊之宜賓南溪屏山慶符長甯高珙筠連興文

江安馬邊雷波各計岸仍帶銷滇岸歷年積引下部

議行先是東鄉縣役袁廷蛟聚眾算糧知縣孫定揚

妄稟請勦前總督吳棠遣記名提督李有恆率軍彈

壓李有恆稟護總督文格告變遂劫殺民寨文格查

辦不實自請議處及寶楨到任奉

旨查辦寶楨擬結袁廷蛟論斬李有恆革職孫定揚軍臺

效力尋翰林院侍講張佩綸劾寶楨輕縱

上再命四川在籍前兩江總督李宗羲查奏仍

諭寶楨覆覈具奏更正比宗義寶楨奏上情節仍不符又
前修都江堰隄工復壞言官交章劾論官運鹽務及
機器局事多不實

詔遣禮部尚書恩承都察院左都御史童華往按之先鞠
東鄉獄以情節不符不卽定讞疏請

赦刑部詳覈又奏都江堰工續撥款項未經奏明隄工能
否足恃尙未可知機器局應請停辦寶楨時以都江
堰事先下部議降三級調用卽行革職

上加恩降三品頂戴留任如故祿丁士彬陸葆德職恩承
童華又奏官運鹽務利少弊多請或由官運或改官
督商銷寶楨爲權官督商銷官運官銷官運商銷三

首卷 國史本傳 古

者利害得失奏上之而恩承等續劾鹽務出納不實
疏下戶部酌覈具奏奏入

諭曰據戶部奏稱川省自開辦官運後疊據該督奏報邊
計額引全數銷完復銷滯引至一萬餘張所收稅羨截
釐暨雜款至一百餘萬兩是該局之有益課款似尙可
憑滇黔引岸久懸見在甫經著有成效未可遽行更改
各等語卽著丁寶楨將官運商銷各事宜悉心區畫慎
始圖終封疆大吏整頓地方公事固不可動於浮言亦
不可操之過蹙務令裕課恤商便民均無窒礙方爲不
負委任其在事官員尤宜隨時督率勿令日久生懈設
有始勤終怠或將來徵收漸絀不能如前撥款不能按

期解足及不恤商力不便民用等情則咎有攸歸必惟
該督是問尋刑部讞東鄉獄孫定揚李有恆擬斬監候
上以寶楨擬罪輕縱會面諭兩司將原詳內李有恆輕視
民命等語刪去迨經覆查又不悉心斟酌始終偏執下

部議革職

諭曰丁寶楨平日勇於任事操守甚好惟性稍褊急遇事
操切是其所短四川吏治廢弛民風浮靡該督到任後
竭力整飭不避怨嫌且於鹽務力排眾議變通辦理規
復滇黔引地卽爲復還淮岸之計自應責成一手經理
以觀後效丁寶楨著賞給四品頂戴署理四川總督該
署督當仰體朝廷棄瑕錄用之意於力求整頓之中仍

首卷 國史本傳 五

勿操之過蹙凡用人行政一切虛心體察實事求是務
令吏治奮興商民樂業方爲不負委任儻辦理無效率
負殊恩必當重治其罪懷之慎之尋疏劾四川按察使
方濬頤優柔瞻徇鹽茶道蔡逢年貪劣朦混各款並
發前道傳慶貽撥釐填羨弊分別褫職發遣六年以
新疆平定錄籌餉功予優敘出使大臣崇厚之獲咎
也寶楨奏請出使俄國自效並請於直隸東三省選
募精壯五六千人駐直東交界處需餉銀約三十萬
卽就官運鹽局撥濟得

旨覽奏慮遠思深於此事辦理一切情形極爲透澈所請
前往與俄人辯論一層與朝廷意旨正相符合現已有

旨令曾紀澤前往東北邊防亦漸布置川省一切事宜
正資整頓該督惟當悉心經理以副委任會有

旨保舉人才寶楨薦四川建昌道唐炯文武兼資山東濟

東道薛福辰精廉強正山東候補道張蔭桓爲守兼

優足備任使時言官復奏劾都江堰奏報不實

上命成都將軍恆訓查奏恆訓覆陳堰工分水不勻致有

衝損亦無涸出民田八百餘畝之多並奏鹽務病商

病民流弊甚大

上仍命寶楨據實明白回奏旋

諭曰隄堰保衛民田大利大害關係甚重鹽務改章創辦

尤宜慎始圖終該署督惟當實力實心認真經理以期

首卷

國史本傳

七

經久可行固不可憂譏畏譏稍易初念亦不可剛愎偏

徇自護己非朝廷實事求是丁寶楨將來功罪總以有

無成效爲斷不在此時之剖辯也是年裏塘土司所屬

查余野番叛附瞻對圍攻土司寶楨遣員勦撫事定

爲勘界立碑杜藏番侵越又勦我邊廳雷波廳夷匪

平之七年以官運鹽務局查明歷年遺失無著水陸

殘引三十一萬八千八百三十三道疏請造冊咨部註銷

又請豁免歷年積欠屢追無引之羨截五十五萬五

千二百三兩

允之四月復授四川總督十一月撥解官運鹽務徵收釐

稅銀三十萬兩交北洋大臣充購船防海用先是寶

楨以川省年豐飭屬勸辦積穀備荒百石取一至是

報存積穀一百七十三萬餘石又以川北米少爲撥

鹽釐買儲倉穀二萬七千六百餘石十年法蘭西稱

兵越南雲南巡撫唐炯出關督師擅自回省致山西

等處相繼失守

嚴旨革職解京交刑部治罪寶楨奏陳唐炯四川雲南政

績代爲乞

恩又於援黔官弁殉難懇請建祠捐內鋪張唐炯從前戰

績

上切責之下部議降三級調用仍

加恩改爲降三級留任十月

首卷

國史本傳

七

慈禧端佑康頤昭豫莊誠皇太后五旬萬壽

懿旨嘉寶楨轉饒援兵共摠忠愛予優敘尋屆

京察

上以寶楨久膺疆寄任事實心交部議敘十一年英吉利

遣使馬科蕾來議印度西藏通商事出使大臣曾紀

澤謂宜先與藏番議定目前卽不遽許通商亦當准

其游歷令無阻閱

上命寶楨會商駐藏大臣遴員切實開導藏番寶楨覆疏

言西藏戾很勢難理論若臣遽派員往說該番不從

勢難姑容必將生釁未與洋人通商先與喇嘛構禍

似覺不合臣已馳書駐藏大臣先爲開說然後委員

入藏又言英人此舉決非注意西藏殆借以通四川
大道耳夫通商本有重慶之約特因輪船不能上駛
故別出此計以求遂其欲藏路一開則四川之全境
失四川失則中國之藩籬壞臣年來製器練兵縱不
敢全操勝算而勝負之數差可自主惟有竭盡心力
以冀上報

朝廷他非所計也既而藏番堅持不可游歷之議不行而
英吉利尋併緬甸復

命寶楨密籌熟計先事圖維寶楨請於川藏接界之巴塘
駐防二千人於裏塘駐防千餘人豫籌三四月米糧
資令前往因奏言數年前俄羅斯曾遣官赴藏游歷

首卷

國史本傳

六

擬從新疆哈密由川前往嗣亦慮有阻闕遲遲未進
現聞改由新疆取道和闐可徑達後藏並募纏頭回
民為導似此無怪英人畏彼通其後路故欲與藏通
商也以西藏一隅而兩大並爭其間籌辦亦殊不易
臣初到川曾請

賞准廓爾喀循例入貢實以西藏為全蜀藩籬廓爾喀又
西藏屏蔽用示羈縻去年廓國商民為前藏喇嘛番
眾所劫廓曾囑其謂非前次展

觀蒙

大皇帝厚恩難與唐古忒罷兵又去年法國越南事劇廓
曾曾越藏呈訴自請助攻法人是其感

恩嚮義確有明徵當此英俄窺藏事機緊要懇

恩准予該番嘉獎益堅其內嚮之心不但邊域增一障蔽

兼使異族少一援助川藏全局均有裨益奏入報

聞九月以病乞罷

上慰留之十二月再疏陳請

論曰該督莅川有年辦事認真成效卓著朝廷倚畀方深

豈可遽萌退志著再賞假兩月安心調理毋庸開缺十

二年三月寶楨力疾銷假四月卒遺疏言外洋和約

萬不足恃止可以安為攘不宜重外輕內

皇上春秋鼎盛指日

親政應請舉行日講以裕

首卷

國史本傳

九

聖功

帝道之隆要在近賢人君子遠宦官宮妾勿以財用不足

而進言利之臣勿以時局多艱而行苟且之政固結

民心即所以深培

國脈疏入

諭曰四川總督丁寶楨秉性忠誠清勤練達由翰林帶兵

勦賊歷受

先

朝恩遇外任知府洊擢封圻前在山東巡撫任內籌辦軍

務悉協機宜朕御極後擢任四川總督於地方利弊認

真整頓實心任事勞怨不辭前因舊疾增劇籲請開缺

疊經賞假調理嗣已力疾銷假方冀醫治獲痊長資倚

昇遽聞溢逝悼惜殊深加恩追贈太子太保銜入祀賢
良祠照總督例賜卹任內一切處分悉予開復應得卹
典該衙門察例具奏靈柩回籍時沿途地方官妥爲照
料伊子丁體晉著賞給郎中伊孫丁道臣丁道源丁道
津丁道敏均著俟及歲時由吏部帶領引見用示篤念
盡臣至意尋

賜祭葬

子諡文誠嗣山東巡撫陳士杰奏陳寶楨勳績請於山東
建立專祠

諭曰已故四川總督丁寶楨前在山東帶勇勦賊勳勤懋
著於地方賑務河工及清理訟獄興建學校等事無不

首卷

國史本傳

三

實心經理洵屬功德在民丁寶楨著准其於山東省城

建立專祠又以雲貴總督岑毓英等請

敕於貴州省城建立專祠十五年正月

慈禧端佑康頤昭豫莊誠皇太后歸政追念前勞

命賜祭一壇子體常甘肅鞏秦階道體勤山海關通判體仁

候選知縣壽鶴進士刑部主事體晉

恩賞郎中孫道臣兵部主事道源光祿寺署正道津正二

品廕生刑部主事道敏甲午科舉人

山東巡撫臣陳士杰跪

奏爲已故督臣功德在民懇

恩於山東建立專祠以順輿情恭摺仰祈

聖鑒事竊據前河南撫臣李慶翱等聯名公呈已故四川

督臣前山東巡撫丁寶楨同治初奉

旨簡調來東正值捻匪鴟張之會該督臣帶勇勦捕身先士

卒戰勝則卷甲疾驅日行百數十里不勝則整軍復

進毫無卻心勦撫兼施勸勞懋著閱數年始克將任

柱賴汶沈張總愚各股以次蕩平地方賴以安謐並

先於省城加修石圩以衛城外居民戰守旣備寇不

生心其戰功之在東省者如此大亂之後民多游手

首卷

東撫奏疏

三

該督臣勸諭四境種樹桑麻著有蠶桑帖說分行東

省復慮訟獄繁多傳訊擾累乃檄現任候補官吏各

抒所見擇其切中時弊者著爲理訟集議飭各州縣

實力奉行訪有貪汙劣蹟立即參劾不少姑息其爲

民興利除害者又如此大凡民不知義多由學校廢

弛該督臣引爲己責省城舊有濼源景賢兩書院膏

火微薄諸生餽粥不資該督臣設法加增膏火延名

師主講每課親行按臨並於西城外置地一區建立

尙志堂作觀星臺優給膏火招延積學之士聚處其

中相與講求天文度數測量地輿廣狹及西法算學

等事東省近多博洽閩通之士皆該督臣培植提倡

之力也性喜崇儒重道尤憐孤寡貧民豐稔之歲勸諭紳民積穀備荒光緒元年東省大饑開倉散賑奏請蠲緩冬漕二十萬石以紓民力九十兩年山東水患頻仍該督臣自捐鉅款倡率川中官紳捐資助賑運東接濟並令其子主事丁壽鶴帶銀來東親行散放是年開挖小清河協銀十六萬兩俾得即時告竣涸出田畝為利甚溥此其公忠體

國不分畛域實有古大臣風東省士民感念生前德政咸思報以馨香擬在濟南省城建立專祠春秋致祭合詞懇請具

奏前來臣覆查該督臣潔己愛民血誠報

首卷

東撫奏疏

三

國撫東政績實而可徵此外如堵築侯家林買莊兩處大工早暮與勇夫同艱苦省費以數百萬計尤為人所難能江南州縣至今德之茲該紳等聯名呈請洵屬愛戴至誠合無籲懇

天恩俯准將已故四川督臣前山東巡撫丁寶楨在於山東省城建立專祠春秋致祭之處出自逾格鴻慈謹專摺具陳伏乞

皇太后

皇上聖鑒訓示謹

奏

山東巡撫臣張曜跪

奏為捐建已故督臣專祠告成請列入祀典由地方官春秋致祭恭摺仰祈

聖鑒事竊臣前准禮部咨光緒十二年五月二十九日奉上諭陳士杰奏已故督臣功德在民懇准於山東建立專祠一摺已故四川總督丁寶楨前在山東帶勇勦賊勤懋著並於地方賑務河工及清理訟獄興建學校等事無不實心經理洵屬功德在民丁寶楨著准其於山東省城建立專祠以彰忠藎而順輿情欽此欽遵咨行到東當經臣行司轉飭遵辦凡屬士民無不歡欣鼓舞咸仰

首卷

東撫奏疏

三

朝廷飾終之典至優極渥而斯民不忘之忱藉伸報享並據紳士前河南巡撫李慶翱等以城西關廟舊有尙志書院係丁寶楨任巡撫時所創立講堂後為主講者住宅基址甚寬規模亦正公同商推擬即就此改建專祠其書院西偏尙有隙地另為主講者添蓋公所以備棲止稟經臣委員勘明尙屬相宜批令照辦現已據報一律工竣書院公所亦均蓋造完整由署藩司福潤委員驗收實係工堅料實規模寬廣洵足以壯觀瞻而垂久遠詳請具

奏前來相應籲懇

天恩飭部列入祀典由地方官春秋致祭以彰忠藎其修

建經費均由東省官民設法籌捐樽節辦理並未動
用公款請免造冊報銷所有捐建已故督臣丁寶楨
專祠告竣緣由理合恭摺具陳伏乞

皇太后

皇上聖鑒謹

奏

首卷

東撫奏疏

西

貴州巡撫臣潘蔚跪

奏為已故督臣能捍大患以保鄉邦懇

恩於原籍貴州建立專祠以崇勳績而順輿情恭摺仰祈

聖鑒事竊據黔省在籍官紳二品頂戴記名道黎庶昌等

稟稱已故四川總督丁寶楨係貴州大定府平遠州

人咸豐三年由翰林院庶吉士丁憂回里四年八月

桐梓縣民楊瀝瀆倡亂次年由遵義竄擾大定以西

逼近平遠勢頗披猖人情惶懼該故宦家本素封即

散貲財招募本籍丁壯得八百人率領防勦連戰皆

捷平遠得以轉危為安甫議遣撤適安順狎匪滋事

官軍勦辦失利升任雲南布政使前署安平縣事吳

德溥以書乞援該故宦即率所部赴之未及一月破

其堅巢十餘處賊又以平維時下游苗匪教匪相繼

煽起各路紛紛告急省城戒嚴前任巡撫蔣蔚遠奏

以該故宦幫辦勦賊事宜奉

旨俞允乃增募四千人自成一軍防守省城旋即馳赴下游

都勻鎮遠一帶督辦以勦為防轉戰五六年殄滅賊

黨甚多攻復平越獨山等城均經奏明有案此數年

中其軍雖由官給子口糧實則饟項支絀十不一應

該故宦輒出私財贍軍迨至咸豐十年

簡放湖南岳州府知府始將勇營遣散而家資亦耗竭無餘

矣黔省遭亂二十餘年追溯鄉人保衛全垣之功其

首卷

黔撫奏疏

西

卓卓稱著者惟該故宦毀家紆難眾皆折服無異辭
揆諸功德則祀之義於禮甚宜及其巡撫山東合圍
討賊則有削平捻逆之功北援

畿輔則奏固安先入之捷堵築侯家林賈莊決河下與
夫役同艱苦籌辦齊晉兩省賑務視飢溺如一家尤
屬人所難能此外政績尙多未易臚舉嗣總督四川
裁撤夫馬局使民困漸蘇修復都江堰潤出田地數
十萬畝創辦滇邊黔邊官運收復公家已失之利歲
百餘萬佐益

國家尤屬因時制宜與胡林翼之改折漕曾國藩之設
督銷局事同一轍非操切所得而成該故宦勲績雖

多在他省而其生平血誠報

首卷 黔撫奏疏 奏

國遇事不避艱險不辭勞怨身膺疆寄有年其於黔省
暨平遠州原籍未嘗增置一廛經營一宅而居官儉
介立志皎然不欺堅定卓絕有齊晏嬰唐楊綰宋張
詠之遺風足使頑懦俱立不愧為臣事之師此尤鄉
人所仰望矜式而願瓣香尸祝者也紳等擬於貴州
省城建立專祠由地方官春秋致祭合詞懇請具
奏前來 臣覆查該故督 臣捐資募勇克敵保郡未膺

簡命之先已竭公忠之矢厥後東平捻逆北輔

京畿戰勝成功血誠報

國即可為衛黔之明證黔省士庶至今德之茲據該紳

等聯名稟請洵屬出於至誠合無仰懇
天恩俯准將已故四川總督 臣丁寶楨在於原籍貴州省
城建立專祠春秋致祭之處出自
逾格鴻慈謹會同雲貴總督 臣岑毓英合詞具陳伏乞

皇太后

皇上聖鑒訓示謹

奏

首卷 黔撫奏疏

奏

皇清誥授光祿大夫贈太子太保四川總督丁文誠公墓

志銘

朝邑閭敬銘撰

同治七年春捻匪張總愚擁逆數萬自晉而豫漸犯

畿疆北蹂定州款及保定勢且燎原去

禁輦僅二百里

朝廷震動至

遣宿衛之旅出

國門備寇當是時有越境聞警炳燭會軍僚所部騎伍

兼郵入援一夜數百里猝出賊前轉戰雄任深祁

高肅之交復饒陽城倥偬之際其他將帥多得詰讓

而一軍北上首先奮勇往迅速保衛近畿之

首卷

墓志銘

无

褒不絕於驛

詔凡六下聲赫中外則山東巡撫丁公也八年秋有樓船衝

尾自潞津來沂運河南下旗繪殊異侶倂都甚力人

健師歌兒浮屠詭處其間奪觀駭聞嘶呼佚揚所經

爲之下無敢發者蓋安得海以太監稱有密遣而山

東巡撫執而鞠之謂大臣未聞有

命汝曹私出制令所無必詐無疑奏言置於法亦丁公也公

諱寶楨字穉璜貴州平遠州人曾祖考公俊生員祖

考必榮四川昭化縣知縣考世棻鎮遠府學訓導祀

鄉賢以公封皆光祿大夫曾祖妣李祖妣黃妣諱魏

皆一品夫人鄉賢四子公第三魏夫人出少能文有

操略道光二十三年舉於鄉咸豐三年成進士改庶

吉士會母喪里居遵義楊澧澧造亂蔓平遠公起毀

家練鄉兵衆始難之公曰賊至家豈吾有耶募壯士

出奇計戰漸及遠澧澧平當事奏留公黔軍給其儲

朝廷嘉公行閒除編修異數也公之能軍自此始既授湖南

岳州府知府遣所練待饒金十餘萬籌者以爲憂公

取五百集而謂之曰遭時變亂累父老子弟協力捍

閭里恍惚十年死者已矣子與諸君幸無恙今被

命將行庫饋不給其何以堪視諸君徒手歸則皆泣下曰公

破家急難吾衆亦以義起必有求乎公行矣公亦泣

卽日而別蓋供億之少解旋之易軍興以來未嘗有

首卷

墓志銘

无

也抵岳州粵賊石達開方寇楚而陳玉成由金陵上

竄鄂渚南岸州縣盡陷賊岳不守者四公至以死誓

方略堅密民悉返城以完越歲爲同治元年調長沙

嘗值客軍數千將不在鼓噪公請於大府貸發三萬

金斬其倡五人頃刻而定旋擢山東按察使晉布政

使躋巡撫始至東用兵者六年善恤將士能推有功

賊往來剽忽公乃卷甲窮驅人樂爲之急又銳於乘

勢不主晝疆自守而與跨壤諸連帥和衷戮力其後

諸軍會聚先後殲羣賊任柱賴汶沈張總愚等逆酋

悉平皆於山東中原肅清暇嘗東登蓬萊歎息而返

於是盡整吏事厲僚屬務持大體不爲刻猷而器量

恢豁廉剛有威苟遇優冗之夫猥緩之政則必痛摘
深剔事之所係在

國與民則必行其志而後已黃河入東其始決侯家林
及賈莊也東南幾為澤國羣工集議莫敢當公慨焉
自請植立沙干冰雪中費不半原估卒以集事撫東
且十年吏治稱於天下光緒二年擢四川總督在東
久故視蜀中百務皆窟墮嶄然設施人不能堪謗至
京師

朝廷知公深不為動公得畢其力無鉅細必舉復都江故
隄還民田數十萬畝裁汰夫馬民困大蘇川鹽久敝
利官胥

首卷

墓志銘

三

國家歲失成利百餘萬公創滇邊野邊官運法悉收復
之計自通籍至兼圻初治軍旅繼任封疆迭以殊勞
賞孔雀翎一品冠帶太子少保

紫禁城騎馬

恩大寵渥功偉績張而未嘗以一好自娛一息弛學問凡
有興革不避怨嫌奏議咨臚動數百千言不假手於
人其矜然不欺其毅然不撓其知有

國而不知有身其天性然也督川亦十年光緒十二年
四月二十一日薨遺表聞

九重震惜

贈太子太保

子諡文誠

賜祭葬祀賢良祠並建祠山東行省
朝廷亦知公於山東朱邑之桐鄉也者初公夫人卒值黔
亂不獲歸請於

朝葬山東歷城縣華山之陽至是有

詔仍葬公於東喪之歸郊野祭弔相屬奔者望者悲者歎
者則有述軼事者曰公始至東忠親王方燧淄川賊
王向見督撫兩司不設坐公至門謂同役

國事坐則見不然勿通左右大驚王聞之遽加禮焉聞
者稱公並賢王也其實微公無以成王之賢也然以
余觀公生平處大事無所趨避多矣此又足道哉公

首卷

墓志銘

三

娶諶夫人男子五體常體勤體仁壽鶴體晉女子五
適黃桂茶適陳洵慶俱嫡出字吳以業未字者二孫
四道臣道源道津道敏俱體勤出公薨之次年體常
等將以九月二十五日葬公於前阡而以銘幽之文
不可缺也乞敬銘為之於戲余忝知公公之德不以
人言充歎者也雖不文又焉辭銘曰

萬物自柳之浮萍賢者自松之茯苓巨人自人之列
星噫嘻文誠惟公之生其氣英英惟公之歿遺疏在
闕其光烈烈川亦匪遙山亦匪高惟公之靈驅瀾巨霄
孰黔之西孰魯之北其精在天是安其魄

贈太子太保兵部尚書四川總督丁文誠公誄詞

湘潭王闓運撰

惟光緒十有二年四月甲申四川總督平遠丁公薨於位於戲哀哉凡聖哲之功德必自視其欲然鬱其才而有餘猶得志之或難竊微生之逢辰交當代之英賢拯橫流而既康竭菁華而遂蹇惟伊人之徐步特孤立而參天逮爵祿之穹崇藩西南而十年果克終其令名謂五福之獨全彼史衰而眾謗必考績而議焉夫孰知其孤忠固齋恨於重泉表厥德於素旂乃並世而莫先懿青衿之肇升感達人之延譽光舊德而文通宜早翔於玉署當

首卷

誄詞



顯帝之初服既寇筵之蟠互方側席於弘寶應闕門之天籟

選文館以爲階輟侍臣而奔禦嗟江介之傾覆延河淮而昏霧惟沉潭之僻遠愚民牽於蠻聚吏闔弱而惶怖士遷流而靡據顧空拳之無張亦命駕而趨去感仁墳之一言遂取義而赫怒承

通詔而練鄉惟曾丁之克成曾選士於衡湘截粵饑以餉兵公局促於巖谿積貧寡之疲氓初指困而毀家終貸粟而靡應撲燎原其已難率飢軍而轉行雖百戰而百勝亮無功而無名眾莫恤其孤危有

皇鑒之獨誠遽分符於岳陽俾騁足於康平又狂寇之大來委新守以空城結餘民以信義俟萬挺之旬羈方河

沛之風塵

朝旁皇而論帥彼南師之弗北雖名將其猶戒獨單車而赴急曾不顧其危敗披荆棘以立軍驅市人而爲隊歷二使而恢恢美將吏之和會躋

顯命以授鉞參湘淮而並轡逮六傳之紛馳遭二寇之內吳鳴鎗驚於近郊戎旃阻於河外朝士駭於傳烽盧胸屯而自潰聞孤軍之獨進行八夜而弗寐雖明知其蹶將壯當熊以爲快通寇怖其天降皇穹佑其忠介彼曾胡之勤

王乃請

命而猶待固其知之所及非夫人之所貴遠齊魯之獲安撫

首卷

誄詞



黎子以其蘇聯百吏以同心方千里而應桴有矯僞之乘傳馳輦下而莫呵驚朝至而夕禽美執法之無邪昭

三聖之平法靖官府之敖吳憫水行之失道歎無禹而民魚慨河隄之多漏請獨任夫疏杷凡眾人之所畏公沛若其有餘豈侵官而好功將思外而思居躬負土以親隄嗟霜雪之在鬚鎮表海之雄邦逢鯨鯢之跋扈託互市以求通乃耀兵於五口登之采而慨然備不虞而經武造樓船以橫海限戎馬以列樹胡猛志之未試已改督於西土當沃淫之久荒又虛傲而情慮危上下以征利扇廉風而無親惟黨人之騰謗惜二

星之不照徒披拾於細故不務全乎體要陷文法以
三褫賴

聖朝之明保鑒重臣之瞻言翔焦明於雲表方柱石之不
傾何見愠於羣小歷三考而績熙遂丕變於貪暴始
為蕨垢之藪今有康衢之繇諒功成而無憾何修短
之足弔營四海而曠觀孰憂國之如家逢此世之佞
儂感達人之訏謨吁貪夫之馳騫固兩利於戰和謬
發難於求地又窘迫於比戈傷兩役之驛騷悲不豫
於俞都抗急疏而請使舉偏師以伏波

皇不昭其深憂惟勇毅之是嘉世乃保其愠愉譏出位以
揚夸俾坐觀其淪胥枉夕歎而朝嗟位徒極於優隆

首卷

諫詞

三

身不與於榮華哉長恨而蓋棺志不遂其奈何於戲
哀哉侍清塵於華陽忝邦政之必聞憤憂辱之無臣
每對食而忘飧思環海之受兵若羣蟻之圍鯤願一
奮夫鱗鬣出南溟而翼雲運造膝之奇謀將請對以
密陳時冉冉而多留老浸浸其欺人謂聖賢之如何
增志士之酸辛昔虎視乎南荒料緬甸之必亡連身
毒以窺俄實藏衛以自強眾聞言而驚怖如河漢之
無杭願懦夫其可立儻修甲而偕行譬屈生之謀楚
磨蛟龍於津梁信斯言之可樂滋來者之哀傷陟升
皇而逝兮獨遺我以棲皇慨奇人之難觀心每念而
如湯於戲哀哉維曠世之高識實不累於一身容穆

然而深憂心泰爾而常欣實屈己而推賢好彥聖以
利民藹沈靜而汪洋若凜秋之又春文闡誦於過目
藝偶涉而如神惜見轍於世務眇標致於青雲憂流
風之可接亦絕代而無倫美知命之識微將守靜而
歸真不忍見而先訣猶枉餞於江津未五旬而告終
何臣質之獨存汎江淮而履霜遠送公於隧門指必
死以為期猶恐累於知人於戲哀哉

首卷

諫詞

三

誥授光祿大夫贈太子太保四川總督丁文誠公貴州專

祠碑文

遵義黎庶昌撰

光緒十一年四川總督丁公奏請建昭忠祠祀公與中丞唐公炯援黔之軍之死事者

詔從之明年眾議建祠於貴陽省會之南雪厓洞之側四月祠未成而公薨遺疏入

天子動容嗟悼

詔葬公山東歷城與諶夫人合

贈太子太保入祀賢良祠

予諡文誠躋於中興輔佐之次未踰月山東巡撫請建公

專祠於濟南維時唐公方以越南事繫部獄庶昌丁

首卷

貴州專祠碑文

美

憂在籍乃走省城集耆老搢紳大夫而謂之曰當咸

豐之際黔亂肇興苗教並發省城兵饑兩絀坐致困

斃各省方救死扶傷不暇何有蚍蜉蟻子之援丁公

毀家起鄉兵擊賊捍關里由近及遠救安平援貴陽

勦平越獨山甕安麻哈守都勻馳驅五六年軍事稍

定省城危而復安其後北平捻匪護援京師中原肅

清撫山東督四川前後且二十年勦業尤磊落動宇

合而其平日植躬儉介志意皎然不欺有禹墨之遺

烈使頑懦皆起黔自建省以來名臣碩望接踵代興

考其勳德之隆未有如丁公者也且以本籍故事言

之李恭勤尙書也治行爲乾隆間最楊勤勇果勇侯

也平定新疆川陝王壯節朱勇烈王壯勇大臣死殺

者也或裂尸斷臂或累世效忠劉松齋天下之清官

也教匪之亂無役不從以至石侍郎抗天津之難陶

文節殉都勻之守然而通祀不過名宦祠不過昭忠

鄉賢未有旌特殊異之典豈

朝廷忘之哉亦由鄉人簡略無任事者之過也今丁公勳

業尤盛若釀金請建專祠事既應法且慰鄉人仰止

之思感發興起欽登來哲其於臣道未必無裨皆曰

諾於是合四十八人上言巡撫潘公爵潘公以

聞得

旨報可其明年唐公出獄復以巡撫銜赴滇督辦礦務道

首卷

貴州專祠碑文

美

出貴陽經理祠事前敘永廳同知華國英佐之又明

年落成吾友莫庭芝寓書來告祠建於雪厓洞與黔

軍昭忠祠相屬於是庶昌大書其事於麗牲之碑並

爲之辭使可歌以侑樂公諱寶楨字稚璜平遠州人

咸豐癸丑進士辭曰

圖雲兮關東爛朝日兮瞳矐紛龍蛇兮在戶叛陸離

兮新宮豆籩陳兮咽簫鼓羅滿庭兮惟黔士女公之

靈兮亘霄騎箕維兮回翔以下子弟兮八千被犀甲

兮彗戈鏖勇氣之兮昔日相患難兮後先孰爲生兮

孰爲死公之靈兮宜願而喜悲游子兮故鄉魂魄猶

思兮樂此願公留兮勿歸公歸去兮黔士心悲撫瑤

華兮延伫建芳馨兮以遺我來者臣有則兮士有師
我銘質兮公知之

首卷

貴州專祠碑文

天

頭品頂戴四川總督奴才奎俊跪

奏為已故督臣功德在民紳士公懇捐建專祠以隆報

享據情代奏恭摺仰祈

聖鑒事竊據四川在籍紳士翰林院編修伍肇齡羅光烈

胡峻等呈稱竊維崇德報功乃

朝廷之鉅典明禋肆祀為閭里之微忱考案牘於魯黔人

矣祠堂鞏固溯典型於巴蜀允宜俎豆馨香伏查原

任四川總督丁寶楨自光緒三年由山東巡撫升任

來川查明川省吏治刑儆民力竭蹶於興利除弊諸

大端靡不悉心整頓如川省武備廢弛經該督臣

申明紀律勤加訓練營務大為改觀並於城東設立

首卷

四川總督奏疏

天

機器局遴選中國工匠仿照西法製造槍礮火藥堪

備臨敵利用同治初年蜀亂未靖始創設夫馬局供

應兵差迨後軍務肅清而各廳州縣積習相沿仍藉

支應兵差名目任意苛派有較正供浮加至數倍者

該故督臣到任立即奏請裁撤以紓民困川省山多

田少戶鮮蓋蔽一遇水旱偏災時虞艱食該故督臣

目擊情形深為顧慮釐定妥章飭屬勸辦積穀共儲

一百三十餘萬石嗣值荒年藉資振濟賴以全活者

甚眾初川省鹽務積弊最深滯引至一百一十萬餘

張之多欠解羨截銀亦積至一百三十六萬餘兩該

故督臣奏請改為官運商銷設局辦理至今積引暢

行歲增帑銀百數十萬成都一帶囑匪充斥搶劫橫
行該故督臣飭屬認真緝捕一有弋獲立正典刑使
崔苻斂迹良善得安凡爲

國爲民之事無不次第舉行艱險不辭怨勞獨任力疾
銷假遂以身殉迄今川民思之輒爲隕涕該故督臣
前在山東巡撫任內歷辦諸大政遺愛在民又以翰
林在黔省捐資募勇保衛鄉邦均經紳民合詞籲請
前山東巡撫臣陳士杰前貴州巡撫臣潘蔚奏請建
立專祠先後奉

旨允准在案公懇據情奏請准於四川省城建立專祠列
入祀典春秋致祭以彰蓋績而慰士民感戴私忱其

首卷

四川總督奏疏

罕

建祠經費當照黔魯章程統由官紳募捐不敢動用
公款等情呈請具奏前來奴才查該故督臣丁寶楨
在蜀十年民夷安堵其實政允爲後來所矜式首裁
撤各州縣夫馬以恤民而固根本繼革除各衙門規
費以恤吏而杜貪婪又裁減各處釐金清釐虧挪以
裕庫儲而供支撥至其設立官運局創辦滇黔邊計
鹽務爲數省啟無窮之利益而開

國家大宗之饒源厥功尤偉奴才入川以來卽訪知該
故督臣政績兼考輿論衆口一詞茲該紳等聯名呈
請洵屬出於至誠合無仰懇

天恩俯准將已故四川總督臣丁寶楨在於四川省城建

立專祠由地方官春秋致祭之處出自

鴻慈謹據情恭摺代奏伏乞

皇太后

皇上聖鑒訓示謹

奏奉

硃批著照所請該部知道欽此

首卷

四川總督奏疏

罕

光緒二十五年八月補刊

丁文誠公
奉高二十
卯歲

光緒十九年
刻成於京師

丁文誠公奏稿

卷之一目錄

升署陝臬謝 恩摺 同治元年十二月初二日

遵 旨赴山東酌帶湘中弁勇摺 同治二年二月初二日

迅赴東省現抵河南許州摺 同治二年五月初一日

遵 旨勿庸折回皖北摺 同治二年五月十四日

沿途查勘地方賊情片 同日

升授東藩謝 恩摺 同治三年九月二十一日

兼護撫篆謝 恩摺 同治四年十二月二十四日

東網疲累暫緩加價帶徵另籌京餼摺 同治五年一月初七日

馳赴濟甯商辦軍情片 同日

奏稿卷一目錄

豫捻折竄東境移駐東平防勦摺 同治五年二月二十五日

籌辦防勦事宜交卸撫篆回省摺 同治五年三月初一日

賞還二品頂戴敬陳下悃摺 同治五年十月二十六日

接署撫篆出省巡閱河防摺 同治五年十一月十六日

查看隄工河防回駐東平摺 同治五年十二月初八日

調兵換防兼籌防勦摺 同治五年十二月二十三日

募黑龍江壯丁訓練馬隊摺 同治五年十二月二十三日

馬隊營制章程摺 同治六年正月十一日

查覆濟陽縣徵收錢漕摺 同治六年正月二十三日

酌給黑龍江壯丁整裝銀兩摺 同治六年二月十九日

升署陝臬謝 恩摺 同治元年十二月初二日

奏為恭謝

天恩仰祈

聖鑒事竊 臣於同治元年十一月十七日接奉湖南撫

毛鴻賓行知十一月十六日准兵部火票遞到議政王軍

機大臣字寄同治元年十一月初二日奉

上諭陝西軍務需人本日已明降諭旨令丁寶楨署理陝

西按察使矣著毛鴻賓即飭該員刻即前往新任毋稍遲

緩不准藉詞奏留將此由五百里諭令知之欽此又同治

元年十一月初二日內閣奉

上諭陝西按察使著丁寶楨署理欽此跪誦之下感悚莫

名伏念 臣黔中下士知識庸愚由咸豐癸丑科庶吉士回

籍辦理軍務經前貴州撫 臣蔣蔚遠保奏奉

旨著毋庸散館即行授職編修並

賞戴花翎嗣以勦辦苗教各匪出力奉

旨著記名以知府用旋奉

簡放岳州府知府調補長沙府知府未効涓埃方深悚惕

茲復仰荷

聖慈畀以臬司重寄自

天錫詔伏地汗顏竊思秦中為燕冀屏藩臬司乃刑名總

匯况當軍務孔亟漢回構衅宜權勦撫以兼施髮捻交訖

須合經權而互用 臣以菲材膺茲鉅任惟有殫竭血忱盡

力馳驅以冀仰答

鴻慈於萬一除俟撫 臣委員接署長沙府篆將經手事件

交代清楚即行起程馳往外所有 微 臣感激下忱理合恭

摺叩謝

天恩伏乞

皇上聖鑒謹

奏

奏稿卷一

奏稿卷一

二

遵 旨赴山東酌帶湘中弁勇片同治二年二月初二日
再 臣復接奉湖南撫 臣毛鴻賓轉行承准議政王軍機大臣字寄同治二年正月十一日奉

上諭毛鴻賓奏遵籌赴東將弁一摺已明降諭旨將丁寶楨補授山東臬司矣湖南距東較遠若募勇成軍需費浩煩不如就地取材毛鴻賓所奏尚係實在情形即著飭令丁寶楨揀調文武將弁數十百人由湖南酌給行資攜帶赴東募勇訓練現在東省軍務毫無起色急須知兵大員前往次第辦理丁寶楨既久歷行間務令剋期前赴新任斷不可稍涉逗遛致負破格殊恩欽此仰見 聖主軫念地方勤求武備之至意跪誦之下感激涕零伏

奏稿卷一

三

思東省地兼齊魯壤接燕趙勇敢好義之士素不乏人特以紀律未嫻遂致臨事張皇難期得用當此人心散漫之際如欲募勇立營自必擇有勇知方之員派充營官預為申明號令以一其耳目整飭部伍以束其意氣訓練陣法以齊其心志指揮進退以壯其膽略而又須挑選敢戰之哨長隊目什長等作為領隊無事則率其操演臨敵則導其攻擊庶幾將弁勇丁相維相繫習之既久心志克一呼應自靈然尤須營哨各官與統兵之員平日情意相孚乃能令行禁止如身使臂略無扞格之患 臣初到東省人地較生倉卒挑選或恐難期浹洽因念近日湘中兵勇天下稱強其中歷陣最久之營哨各官及百長隊目什長等尚

屬易覓且 臣前經帶勇辦理湘省邊防舊部營哨等官雖經遣撤多未遠散一聞招集皆樂於隨營効命是皆曾經 臣同甘苦親戰陣之人若帶赴東省募勇編營即分派管領以湘省之營制戰法訓練東勇習久易收實效茲擬稟商湖南撫 臣精挑弁目勇丁共三四百人並請籌發行資銀兩軍火器械由 臣迅速招集整頓行裝趕緊帶赴山東稟知署撫 臣閻敬銘招募勇丁立營訓練仍祇候 硃批如蒙

聖恩准 臣

陸見即將所帶員弁勇目暫由署山東撫 臣派員管帶 臣謹星馳赴京叩謝

奏稿卷一

四

天恩跪求 訓示伏乞 聖鑒謹 奏

迅赴東省現抵河南許州摺同治二年五月初一日

奏為在途疊奉

諭旨欽遵督勇迅速前赴山東現已行抵河南許州恭摺
覆陳仰祈

聖鑒事竊臣於三月初八日督帶勇丁千名由湖南省水路起程至沙市改由陸路於四月十一日行抵樊城十三日在樊接奉兵部遞到議政王軍機大臣傳諭同治二年四月初二日奉

上諭前據閻敬銘奏三月十二日起程赴東當經諭令迅速赴任復據毛鴻賓奏臬司丁寶楨募足勇丁千名於三月初八日由水路前赴湖北改由陸路赴東此時諒已起

奏稿卷一

五

程在道矣山東捻教各匪疊次肆擾淄川縣城為圍匪劉德培等所踞而東昌降匪復嘯聚直隸山東交界處所肆意焚掠軍務處處喫緊僧格林沁督師北上勦辦正當得手而苗沛霖於該大臣離皖之後又復糾眾占踞懷遠縣城公然分道犯順不得不令僧格林沁權其緩急移師南下惟山東軍務緊要該省既無得力之兵又無知兵之將僧格林沁一離東省勢將決裂丁寶楨所募勇丁定能得力前已據報起程著卽星速馳抵東境遇賊卽擊務將各股匪次第翦滅俾東省早就廓清方為不負委任將此由六百里諭知閻敬銘並傳諭丁寶楨知之欽此當卽欽遵恭錄並將在樊趕緊添雇車輛裝載軍火一切定於四月

十八日自樊督勇迅速前進各情飛遞山東撫臣閻敬銘

計已據情奏

聞茲於四月二十六日行抵河南葉縣保安驛地方復接奉兵部火票遞到議政王軍機大臣傳諭同治二年四月十九日奉

上諭前因苗沛霖復叛僧格林沁卽當統兵南下諭令丁寶楨迅速赴東迄今為時已久尙未據該臬司覆奏著再傳諭丁寶楨勿論行抵何處卽行兼旬前進迅速赴山東接印任事與閻敬銘會商勦匪各事宜俾僧格林沁得以統兵南下毋得稍涉遲誤欽此臣跪誦之下倍深惶悚值此東南兩省大局攸關曷敢稍事稽遲自應欽遵兼程前進惟查臣現行抵許州相距東省尙有一千三百餘里目

奏稿卷一

六

今天氣陰晴無定北方泥濘難行且東省賊眾紛煩臣一經入境謹當懷遵聖訓遇賊卽擊而到省之日更須馳辦各路股匪斷不能一日停留有誤事機該勇丁等跋涉長途行走過急不免疲乏堪虞現飭各將弁等無分風雨每日進行七八十里計五月中旬定可到省臣入境後惟有確探各股匪緩急情形與撫臣悉心籌畫次第速辦期於迅撲賊氛俾僧格林沁得以剋日移師南下稍冀仰紓宸廑所有臣在途疊次欽奉諭旨現在督勇迅速前進緣由謹恭摺由驛覆奏伏乞

皇上聖鑒訓示再臣此次拜發摺件係借用許州印信合併聲明謹奏

奏稿卷一

七

遵 旨無庸折回皖北摺 同治二年五月十四日
奏為勇隊剋期可抵東省現在欽遵
諭旨勿庸折回皖北免致紆途延誤恭摺覆陳仰祈
聖鑒事竊臣於同治二年五月初二日督勇行抵河南許
州當將在途欽奉

諭旨迅速前進各緣由奏
聞在案茲於五月十三日行抵山東濟甯州接奉兵部火
票遞到同治二年五月初六日議政王軍機大臣奉
旨另有旨欽此同日復奉

奏稿卷一

八

上諭丁寶楨奏在途接奉諭旨現在行抵許州督勇前進
一摺前因唐訓方奏皖省情形緊急當經諭令唐訓方張
之萬於丁寶楨一軍抵豫時截留由汝潁一帶徑趨皖北
本日據丁寶楨奏五月初一日已抵許州連日督勇疾行
計月之中旬可到東省等語丁寶楨所帶勇隊連日已將
次入山東境界如業經在豫省截留即著張之萬飭令赴
皖如已入山東地面即當察度緩急相機進剿勿庸再行
折回轉致紆途延誤將此由六百里傳諭丁寶楨知之欽
此臣跪讀之下仰見

皇上睿慮周詳明燭萬里欽感彌深伏查臣現已行抵濟
甯相距東省僅三百七十餘里計限月之十八日定可到
省到省之後即行前赴淄川大營稟商親王臣僧格林沁
撫臣聞敬銘先將東省各股匪緩急情形通籌全局然後

於勦辦之孰先孰後兵勇之應分應合布置妥協以便次第辦理並一面察度淄城地勢賊情應何如籌畫攻勦之處自當殫竭愚忱隨時稟商撫臣不遺餘力迅圖攻克以期仰慰

聖懷所有臣督勇剋期即抵東省欽遵勿庸折回皖北並到省後即赴淄川商辦勦匪各緣由理合恭摺由驛覆奏伏乞

皇上聖鑒訓示謹

奏

奏稿卷一

九

沿途查勘地方賊情片 同治二年五月十四日

再臣此次係由豫省東北考城縣一路行入東境經過東省曹州府屬之曹縣城武單縣濟甯州屬之金鄉魚臺兗州府屬之磁陽甯陽各縣沿途細查地方情形如曹州府屬人情較為强悍其前次所稱長槍會匪業經上年勦辦殆盡刻下民情似覺安謐並以本年二麥有收入夏以後雨水霑足秋成亦可期豐稔或不致再有事端金魚磁甯各縣人情亦甚安靜臣於接見各地方官時諄囑其妥為安集沿路與團練紳耆相見俱剴切曉諭令其隨時認真辦理鄉團以資防衛至鄒縣北龍池股匪臣於道經濟甯一帶即專人前往密探據稱該匪占踞之鳳凰山四面遠

奏稿卷一

十

闊界連沂州泗水曲阜滕縣各府縣山形地遷疊嶂層巒路徑迂曲其山之周圍約計四旁各五六十里荒杳無人該匪老巢盤踞山中其巢東西約二十里南北約十餘里不等內共聚集十三村賊眾約三四萬人裹脅者亦不少外尚有捻首李成所帶南捻二千餘人亦在其內所踞寨門築石牆三層四圍靠山之處築石牆一層牆上皆排列槍礮所以防我兵之攻勦也現在我兵勇駐紮該處者約計共有萬餘人遠近分紮不一皆因該處山深路狹難於進取臣以現在賊情及匪等所占地勢詳細審度竊以為該匪巢穴深處萬山之中而山外周圍數十里皆曠野荒郊在該匪之意將以阻塞我兵使之不能進紮然後可以

遂其負隅自固之計我兵現在若但駐紮山口作遠攻之勢不惟出隊頗難卽日日出隊與爭而往返百餘里我勞賊逸我飢賊飽不爲所敗已屬幸事安能期於得手必須四面合攻步步爲營同時並進以分賊勢約定各路兵勇直逼賊巢山脚絕其出路又復與之死戰數次使其知畏然後乘間窺隙智力並用庶幾可以得手現在淄川股匪近接省垣深爲肘腋之患自不可不迅圖攻克然此股賊勢既衆地形亦險亦須早爲擘畫臣於稟見撫臣後卽當將所揣情形稟商辦理以期無誤事機所有臣沿途經過查看各府州縣地方並現在賊匪情形理合附片具奏伏乞

奏稿卷一

十一

聖鑒訓示謹

奏

升授東藩謝 恩摺 同治三年九月二十一日

奏爲恭謝

天恩籲懇

陛見仰祈

聖鑒事竊臣於同治三年九月十四日接奉撫臣閻敬銘

行知九月初四日准內閣鈔出八月三十日奉

上諭丁寶楨著補授山東布政使欽此當由布政使臣貢

璜移送藩司印信文卷到臣謹於九月二十日祇領任事

當卽恭設香案望

闕叩頭謝

恩訖伏念臣黔中下士樗櫟庸材由翰林院庶吉士在籍

奏稿卷一

十二

辦理軍務

特旨授職編修

簡放湖南岳州府知府調補長沙府知府署理陝西按察

使調補山東按察使未報涓埃彌深兢惕茲復渥承

恩命洊擢東藩聞

詔自天悚惶無地竊念山左屏蔽

畿輔藩司總匯錢糧財賦之綜覈宜嚴饒需之籌備尤急

而整飭吏治通達民隱事事均關緊要臣以菲材膺茲重

任雖冰淵之自慄實隕越之堪虞惟有仰懇

天恩准臣赴京

陛見跪聆

聖訓得所遵循庶幾勉竭駑駘稍冀仰答

高厚鴻慈於萬一所有微臣感激下忱並願懇

陛見緣由謹恭摺叩謝

天恩伏祈

皇太后

皇上聖鑒訓示謹

奏

奏稿卷一

三

兼護撫篆謝 恩摺 同治四年十二月二十四日

奏為恭報微臣兼護撫篆日期叩謝

天恩仰祈

聖鑒事竊臣接奉撫臣閻敬銘行知欽奉

上諭閻敬銘奏力疾回省懇恩賞假等語著賞假一箇月

在省調理其巡撫印務即著丁寶楨暫行兼護緊要事件

仍由閻敬銘辦理欽此臣旋於二十三日抵省二十四

日委中軍參將覺羅緒承濟南府知府蕭培元將山東巡

撫並鹽政臨清關監督關防印信暨

王命旗牌書籍文卷等項齎送前來臣當即恭設香案望

闕叩頭祇領任事訖伏念山東地廣政煩治理非易當此

奏稿卷一

四

捻氛暫靖民困未蘇防堵撫綏均關緊要臣在藩司本任

勉盡心力時以叢脞為虞現值兼權撫篆仍縮藩條深懼

弗克負荷惟有隨時隨事與撫臣悉心商辦凡地方營務

驛傳鹽課錢糧漕米海防關稅一切事宜督飭文武員弁

實心經理力圖報稱斷不敢以暫時兼護稍涉因循以期

仰報

高厚於萬一除恭疏具題外所有微臣感激下忱並兼護

撫篆日期理合恭摺叩謝

天恩伏乞

皇太后

皇上聖鑒謹

奏

奏稿卷一

十五

東網疲累暫緩加價帶徵另籌京餼摺同治五年二月初七日
奏為東網疲累請將鹽勛一半加價及帶徵銀兩仍准展緩並將指撥京餼另行設法籌解恭摺具陳仰祈

聖鑒事竊照東網北運鹽勛加價前因商情疲累經據臣閻敬銘請自同治五年為始一文加價每引應徵銀二錢二分以一錢一分仍提充饌下餘一半銀一錢一分及咸豐九十年兩年帶徵銀一錢一分一併展緩兩年再行啟徵嗣奉部議以同治五年奏撥京餼案內於東省加價項下已撥銀七萬兩若將一半加價及帶徵銀兩展緩兩年則所收數目停減又須改撥仍令提解備用奏奉

諭旨遵行當經撫臣行司覈辦去後茲據鹽運使盧定勳

奏稿卷一

十六

詳稱轉據各商呈稱東省疊被水患兵災引票各地幾無完區灘場多被水淹獲價一切莫不昂貴兼以近年水陸轉運腳價較前長至數倍成本過重賠累愈深一文加價與帶徵並交較正課增至一倍及上半年勉力完交實已筋疲力竭本年正課尙恐趕辦不及若再責令完交加價勢必貽誤課運該司復詳加體察以東網商散引碎疲累已非一日上年加價帶徵與正課同時並納交款喫重商力實屬難支現在開辦新綱各商畏葸不前幾無一引領運若不量加體恤恐商情渙散即差追提比領運難期起色實於正課大有防礙擬請仍照前議將加價帶徵銀兩展緩兩年其卸退官商欠交咸豐九十年加價並無正

課可顧仍照限勒追完繳所有部撥京餼七萬兩並請另為籌解等情詳請具奏前來臣查東綱北運鹽劬加價因商力日形疲累節經分別減裁議請展緩均將詳細情形歷次奏明在案茲奉部議因本年京餼業已撥銀七萬兩未便以收數停減復行改撥仍令提解在部臣慎重京餼按款指撥籌畫具有深心何敢再事瀆陳惟思鹽務重在正課而正課全恃銷引引不銷則課絀雖加價不見其多引全銷則課充即減價亦不覺其少現在商力日憊聞此加價之說不准展緩似成定例輒致裹足不前若欲盡力追呼勢必致額引停銷徒有加價之名轉無完課之實所以迭次請緩者非專為姑息商人實為多銷引票多收課

奏稿卷一

七

款但京餼關係緊要加價請緩則已撥之七萬兩必須另籌補苴臣等再四思維擬於東省應解各路協餼內除地丁正耗外凡藩運糧道各庫無論各項零星款目由臣等隨時設法勻挪砌湊移緩就急總期將京餼七萬兩湊兌解清以符原撥之數不致稍有短絀其本年應徵一半加價及帶徵銀兩仍當籲懇

天恩俯如前請展緩兩年俾商人得以盡力趕辦新運不致貽誤如此變通辦理庶部庫無改撥之煩而東綱免誤公之累於京餼鹽課兩有裨益至此大騰挪湊解實因京餼撥定加價萬難催徵恐於要需有誤不得不設法兼顧以後所有京餼伏乞

飭部將加價停撥感沐

鴻慈實無既極現在春運正開領引無多事關鹽務大局不揣冒昧理合恭摺附驛具陳伏乞

皇太后

皇上聖鑒謹

奏

奏稿卷一

六

馳赴濟甯商辦軍情片 同治五年二月初七日

再接准兩江督臣曾國藩來咨定於本月初九日由徐啟程赴濟甯察看軍情即由曹州前赴歸陳進紮周家口等因查東省防勦各事原歸曾國藩督辦故前屆逆捻東竄東省飭軍防勦均經彼此函商以期協力現曾國藩移紮周口去東較遠此後一切防務及調動各軍籌布情形均須預為商定非面議機宜不能詳悉現在撫臣閻敬銘尙請假養疾臣擬日內即行馳赴濟甯面見曾國藩商議軍情期有定算惟省城撫藩兩署係臣兼理事件煩多耽延日久即虞稽壓臣到濟商定後即日馳回省垣以重事務合計往返程期不過十日內外合併聲明所有微臣暫行

奏稿卷一

九

出省面商軍情緣由謹附片具陳伏乞

聖鑒謹

奏

豫捻折竄東境移駐東平防勦摺 同治五年二月二十五日
奏為豫捻折竄東境現在飭軍布防並即移紮東平以顧北防各情形恭摺馳報仰祈

聖鑒事竊臣因兩江督臣曾國藩來東赴濟甯商議軍情會經奏

聞在案臣於本年二月十五日兩江督臣曾國藩於本月十九日先後到濟當經商議防務以曹州邊界地勢遼闊防無可防且屢被賊擾土瘠民貧賊亦無甚希冀擬將東省各路防軍均即調赴內地以防運河自濟甯起至黃運交匯之處一帶連營駐紮專守運河以防東竄力保完區其曹州一屬曾國藩自認以所派臬司潘鼎新一軍及各

奏稿卷一

十

路追勦之師與之角逐俾東軍扼之於內援軍躡之於外以收夾擊之效正在計議未行忽於本月二十二等日接據各路探報據稱逆捻張總愚由襄城西竄新鄭一帶突於十七日賊騎已至汴省西北各鄉勢欲東北趨竄等情當查逆情已由豫省北趨必將窺伺東省亟應嚴防布紮難於臨敵抽兵故前議未及即行因飭東省駐防之總兵楊飛熊八營仍駐荷澤之金堤集防其由考入荷之路副將王心安八營仍駐曹縣之魏家灣防其蘭考入曹之路復飭知府王成謙統帶常武十營馳赴開河袁口一帶嚴防運河北路以顧腹地其金嘉濟甯一路已經曾國藩飭派臬司潘鼎新一軍馳紮嘉祥以顧南防業經分飭遵行

去後二十三、四等日復據駐防魏灣營中探報該逆馬隊竟向東境奔竄於二十一日已至曹考交界之許河寨長樂寨一帶又據定陶縣稟報二十三日逆騎竄至該縣境林窪喬樓一帶大股賊捻均在後未動各等情伏查捻騎剽疾晝夜狂奔已入東境其後股必將廣至曹郡地當瘠苦無從得食勢必蓄銳東趨圖擾腹地臣得信後當即飛飭駐曹之魏家灣金堤集兩路防軍勿論賊從何途竄入均卽勒軍迎擊截勦務遏其鋒如賊已繞從我軍之後卽兼程繞截趕出賊前遏其由鄆鉅渡運之路一面飛飭駐紮開河各營嚴密防守臬司潘鼎新一軍亦卽進紮嘉祥期於金鄉鉅野兩路可以迎勦至濟甯地方已有曾國藩

奏稿卷一

三

駐紮調度臣擬拜摺後卽行移駐東平督飭開河十營布置運岸兼顧省南及河北防務以期周密除到東平布置後再將情形馳報外所有逆氛已入東境及各路籌布防勦並臣移駐東平督辦河防各情由理合由驛馳奏伏乞皇太后
皇上聖鑒謹
奏

籌辦防勦事宜並交卸護撫篆回省摺同治五年三月初一日
奏爲連日籌布防勦軍情並微臣交卸護理巡撫篆務回省日期恭摺馳奏仰祈

聖鑒事竊臣於本年二月二十五日曾將捻股竄入東境分路飭軍防勦並臣移駐東平督布河防各情具奏在案臣拜摺後卽行馳赴開河袁路口安山一帶親巡河岸察看運河形勢查自開河以南有蜀山馬踏南旺各湖濱隔運岸逆蹤稍難竄突長溝一帶曾有曾國藩督飭潘鼎新駐濟之軍兼顧河防或可無慮惟自開河以北直至靳口三十里內河身極窄水勢尤淺處處可虞上年逆匪兩次竄運皆取道於此自應嚴密設防臣因飭知府王成謙督率

奏稿卷一

三

常武各營並調泰安營兵丁二百名密布該處連營駐紮其自靳口至安山相距三十里因兵勇不敷分布又飭派東平州挑募團勇五百名協同分駐其沈家口地方向爲黃河穿運之處近因淤墊過高水勢極淺已派副將閻鳳山一營駐紮以期聯絡惟該處長有十餘里水淺岸平徒步可涉而東省兵力實已無可分調前派總兵趙三元所帶利捷中營礮船水師一營梭巡河面與岸上旱隊互爲聲援現擬飭知該鎮再添雇礮划二十隻駐紮沈口上下一帶與閻鳳山之營相爲援應稍壯聲威其黃河北岸防務臣亦飛飭沿河各州縣督飭民團駐守河岸並飛調東昌營參將韋應麒范縣營守備姚鴻烈各帶勇丁分布要

隘又飭都司楊長林管帶利捷左右兩營礮船水師會同直隸礮船於壽陽范漢一路嚴密梭巡以重河防臣分布後當於二月二十六日移駐東平以期居中調度連日接據曹郡各營及各地地方稟報據稱二月二十三日駐紮魏家灣副將王心安各營探知賊股由考城攔入東境當卽於是日出隊扼擊行至曹縣之呂寨地方卽遇賊馬成羣蜂擁而來望見我軍愈集愈衆經副將王心安督飭遊擊王正起居中迎擊總兵陳錫周參將宋延德分爲兩翼接應鼓行而前衝壓賊陣小有斬擒賊勢不支遂卽潰散該副將等督飭各軍乘勝追逐直至考城之許河寨王莊一帶始行收隊回營乃該逆由曹縣入東經軍截扼遂復折

奏稿卷一



從東明荷澤交界竄入東省定陶鉅野境內據駐紮金隄集總兵楊飛熊稟稱探知該逆復行入境當卽出隊迎擊行至半日未見賊匪大股僅遇邊馬紛馳經軍追壓遂狂竄迤北而逃等情又迭據各州縣探報該逆自經我軍扼勦遂多放邊馬肆出奔突牽制我軍其大股晝伏夜行情狀詭祕現聞均屬集於荷澤之半截隄鉅野之太平集一帶副將王心安會同總兵楊飛熊兩軍扼之於南王心安復分軍飭王正起帶馬步五營赴鉅野一帶繞扼東趨各等情伏查該逆股自二月二十二日入東境經我軍扼截未敢卽行東犯而盤旋於鄆鉅之交業經七八日之久彼處無從擄掠勢必東趨開河袁口沈口之防最爲喫重現

飭令河岸防軍嚴切防備期與西路之軍前後夾擊惟東省兵力僅足撐持而勦洗逆氛必賴大枝勁旅現經曾國藩催調李昭慶追勦之師剋期來東期可收取殲之效而免衝突之虞此連日布置防勦之情形也臣兼理撫藩兩署事務督軍在外遂不能兼顧省中兩地分心正深焦急幸撫臣閻敬銘以軍務緊要未敢因病耽逸致誤地方因力疾來營督視軍事俾臣可以回顧省垣茲於二月二十九日由省到東平營次臣卽於三月初一日謹將山東巡撫關防一顆鹽政印信臨清關防各一顆暨在營旗牌文卷各等件派員齎送臣於交卸後卽兼程回省以便布置省防而免貽誤除由撫臣再將防勦情形隨時奏報外

奏稿卷一



所有微臣連日籌布各路防勦軍情及交卸護理巡撫篆務暨回省日期各緣由理合由驛恭摺具奏伏乞
皇太后
皇上聖鑒謹
奏

賞還二品頂戴敬陳下悃摺同治五年十月二十六日

奏為渥被

天恩瀝陳下悃懇

收還成命以責後效而飭戎行仰祈

聖鑒事竊臣於同治五年十月二十五日接奉撫臣閻敬

銘行知同治五年十月二十日內閣奉

上諭山東布政使丁寶楨前因髮捻竄擾所轄境內未能

助勦降為四品頂戴比年以來逆匪屢圖東竄巡撫閻敬

銘出省督勦該藩司布置省城防守等事宜均屬妥協尚

知奮勉丁寶楨著加恩賞還二品頂戴欽此跪讀之下感

激涕零伏念臣一介庸愚疊邀

奏稿卷一

奏

恩遇自慚非分未報涓埃前因髮捻竄擾轄境未能助勦

負咎滋深乃蒙

寬典僅示薄懲感

矜恤之逾恆非意想所敢及茲以逆匪屢圖東竄辦理省

防復荷

聖恩賞還頂戴自

天聞命伏地汗流竊惟微勞必錄原出

聖主之殊恩而圖報未能實屬人臣之隱疚臣自念去歲

曹州之役親王僧格林沁督兵追勦臣奉令駐防濟甯既

不能奮勵戎行立除頑慝又未及躬隨戰陣共挫兇鋒乃

以戎機偶失竟致喪我重臣方今罪人未得

國家之雠憤在心逆賊猶張地方之瘡痍滿目臣撫衷循

省悚惕莫名即以本年逆匪疊次竄撲河防仰賴

天威保全無事而在外督辦者則撫臣閻敬銘之力也在

事效命者則各營諸將士之功也臣株守省垣寸籌莫展

雖辦理防務實屬職守所當為若遽仰邀

曠典寢饋實有難安伏祈

皇上俯鑒微忱

收還成命俟臣日後犬馬報效稍有微長或逆股就除再

需恩膏俾益勵後效以贖前愆庶幾渥被

隆施問心差覺無愧臣不勝感激悚惶之至謹恭摺瀝陳

伏乞

奏稿卷一

奏

皇太后

皇上聖鑒訓示謹

奏

接署撫篆出省巡閱河防摺同治五年十一月十六日

奏為恭謝

天恩並報微臣接篆日期及出省巡閱河防各情恭摺仰

祈

聖鑒事竊臣於同治五年十一月初七日接奉撫臣閻敬

銘行知同治五年十一月初三日奉

上諭閻敬銘奏因病懇請開缺一摺閻敬銘著賞假三箇

月安心調理山東巡撫著丁寶楨暫行署理欽此又接奉

傳諭軍機處同日寄奉

上諭閻敬銘奏勦辦髮捻股匪籌防黃運兩河情形並因

病懇請開缺一摺丁寶楨接奉此旨即著馳赴東平接

奏稿卷一

辦防務各等因欽此伏念臣材識庸愚毫無報稱疊邀

恩眷未効涓埃茲復仰膺

簡命署任封圻感悚交并惶汗無地惟念撫臣積勞養疾

正值防務綦嚴不敢固辭自耽安逸正擬束裝馳赴東平

適接撫臣閻敬銘函稱以賊蹤遠竄業經奏明回省交卸

飭臣暫緩起程趕將藩司衙門庫款一切及省城應辦各

事妥速料理再行出省以免錯誤因遂暫緩行期本月十

三日撫臣閻敬銘力疾回抵省垣隨於十六日飭派中軍

參將緒承濟南府知府蕭培元齎送山東巡撫關防鹽政

臨清關關防各一顆暨

王命旗牌及文卷等件前來臣謹即恭設香案望

闕叩頭祇謝

天恩謹領任事訖竊查東省急務軍旅為先而時值嚴冬

河防尤關緊要現在髮捻逆股遠遁豫疆頃據探稱已由

汝甯南竄去東雖已漸遠但賊情飄忽防仍不可暫鬆茲

查黃運兩路重防均經閻敬銘布置周妥惟慮軍心或有

懈弛必須親往巡閱加密籌維臣現擬於本月二十一日

隨帶員弁親自馳赴河北濮范壽張查閱黃河一帶防守

情形再由張秋過河從沈沈口安山直抵濟甯沿運河隄牆

各路防營均行細為查閱再行回駐東平俾軍心有所戒

備防務益臻嚴密臣衙門日行文卷當飭署藩司代折代

行其緊要一切事件仍包封送行營由臣逐日詳覈辦理

奏稿卷一

總期矢勤矢慎勉竭駑駘以仰副

鴻慈於萬一所有微臣感激下忱暨接篆出省各日期理

合恭摺具奏伏乞

皇太后

皇上聖鑒謹

奏

查看隄工河防回駐東平摺同治五年十二月初八日

奏為查看濮范隄工並巡閱黃運兩河布置防營現仍回駐東平各情恭摺具奏仰祈

聖鑒事竊臣於十一月十六日曾將出省閱防由河北直赴濟甯查看情形具奏在案當於十一月二十一日隨帶員弁由省起程直抵濮范彼處舊築金隄一道因本年黃流浸灌均形坍塌經撫臣閻敬銘飭派兗沂曹濟道文彬督率沿河州縣勸諭民團將濮范沿河一帶舊隄另行修築加高培寬當經該道督飭濮范觀朝聊陽壽莘冠等九州縣均各勸諭紳民捐資出力迅行興工據各屬報稱多已陸續完竣臣因親行沿隄閱看所修隄座約寬三四丈

奏稿卷一

无

高亦一丈二三尺不等尚足抵禦漫水衝溢惟觀縣壽張尚未一律完工已嚴飭其趕緊修築復順隄查閱河北防營自濮州起至豆腐店止係直隸兵勇分守地界徧築河牆高寬亦均逾丈牆上安設垛口分立礮臺各軍沿牆挨段駐守布置亦極周密其張秋黃運交穿之處現值水落河分三汊亦經提督傅振邦督飭兵勇於河身澗復處所橫列營牆三座層層駐守並將各號礮船分起布守黃運兩河兵力足相聯貫臣因由張秋過河由沈口運河沿牆查看直抵濟甯所有運河各營先經撫臣閻敬銘布置均已妥協刻因水勢消落各營均於隄下加挖重溝安設木柵並於河內設船敲打水凌各營勇丁均屬齊整直至長

溝百餘里之內一律如式尚為足恃其長溝迤南防地原

係曾國藩奏明歸淮軍布防昨經督臣李鴻章函商撫臣閻敬銘擬將長溝濟甯至石佛趙村一段八十餘里之地撥由東省設防抽出淮軍赴徐以為游擊經閻敬銘函復以東省兵力甚單現屆天寒河凍河北之防尤為緊急刻下調撥多營駐防河北勢難兼顧請俟立春冰融之後黃河防務稍鬆再將河北防軍酌調接防商定在案現屆春令將至亦應預籌布置臣因赴濟甯南北一帶沿岸察看情形彼處隄牆亦經淮軍各營修築完整分段駐守其石佛之南新店一帶地勢夏秋之間積潦成湖可以無須兵力現時水涸二十餘里均成乾地又南陽湖一帶河冰凍

奏稿卷一

三

近在在可虞先經臬司潘鼎新派該營水師礮船四十餘號分巡湖濱以資守禦惟地長人少深慮空虛適潘鼎新一軍在單縣駐紮臣以駐軍邊圉無險可扼不如暫回駐濟期為周市當與潘鼎新商議意見相同因咨商李鴻章飭將潘鼎新一軍調回濟甯暫行駐紮與張桂芳李昌樂各營互相聯絡專顧濟甯南北一段運河以重冬防俟明年正月再由東省派軍接守此連日察看河防及密籌布置之情形也連日接據豫省探報據稱任賴股匪已竄至湖北麻城黃陂一帶張總愚股匪仍在陝西藍田一帶盤旋去東均各甚遠臣因冬防喫緊未敢以賊蹤遠遁稍形鬆懈仍飭在防將弁逐日戒嚴一如臨敵之際嚴籌環布

仍一面勤加操練準備出勦以作士氣臣於本月初六日
回駐東平行營以期就近督率除再將辦理情形具奏外
所有查看濮范隄工及巡閱黃運兩河防營各緣由理合
恭摺馳奏伏乞

皇太后

皇上聖鑒訓示謹

奏

奏稿卷一

三

調兵換防兼籌防勦摺 同治五年十二月二十三日
奏為抽調河北防兵赴濟甯一帶接換淮軍防地並酌量
分布運防兼籌勦兵各情恭摺仰祈

聖鑒事竊查運防汛地前經曾國藩奏明自長溝池北歸
東軍防守長溝池南歸淮軍防守嗣李鴻章函商擬將長
溝濟甯石佛趙村一段均歸東省設防抽出淮軍以為游
擊經撫臣閻敬銘議以冬防河凍河北防務緊要已將運
防各軍酌調河北此時力難兼顧俟立春後河水消融河
北防務稍鬆再行移軍接守濟防經臣前次奏明在案刻
下將近春令今年冬暖河水凍結尙不甚厚日來漸就泮
散河溜寬深無虞偷越自應如閻敬銘原議將前調防河

奏稿卷一

三

北各軍酌量調回並將運防各軍量行南移迅換淮軍之
防俾淮軍騰出以便李鴻章隨時相機調度游擊茲計淮
防汛地自長溝至趙村共七十餘里原係提督張桂芳總
兵李昌樂各軍分守又趙村至新店因湖水乾涸亦成平
地臣前經暫令臬司潘鼎新兼顧現在已經換防均應一
律接守茲擬將提督傅振邦所帶青萊等營兵丁七百名
及遊擊郭大勝馮勝林兩營勇丁一千名調赴濟甯之南
自新店起至趙村一段設守將道員王成謙所帶常武馬
步十四營調赴濟甯一帶自趙村起至長溝一段勻布設
守自長溝至開河一段內外皆隔重湖冬令冰結必須布
兵設險一屆春融皆成沮洳賊難偷越且長溝開河兩路

均有勇營足敷守禦可以毋庸兵力自開河至劉老口一段原係常武軍防守汛地現調回河北防軍副將莫組紳同知劉時霖二營共一千二百人設守均限於明年正月初十日一律到防自劉老口以北直至沈口原係總兵楊飛熊王心安副將王正起三軍分布現均令仍照舊段分紮至河北之防雖屆春融冰泮亦宜加意防備現仍留參將韋應麒遊擊陳占鼇姚鴻烈王壽朋各路兵營並礮船水師照舊駐紮是河北之防地險牆高兵力足資憑守當無足慮惟曹西一帶迭經匪擾現在守局稍定將來賊果東趨不能不抽兵游擊以遏兇鋒臣現籌令王成謙騰出七營暫紮安居與副將王正起八營作為戰兵飭其勤加

奏稿卷一

三

操練准備游勦此現籌調軍接換濟防及布置各防營並預備勦擊之情形也查東省兵力本屬無多而饟項又形支絀臣職司軍旅惟有就現有兵力勉力圖維連日斟酌布置已定日來接據各路探報任賴各逆現由湖北應城竄赴天門京山鍾祥一帶盤踞張逆股匪現尚在陝西之藍田盩厔渭南附近一帶游弋去東均各較遠惟賊蹤忽奔竄靡常現在各營將士守備均屬周密臣復時加稽查不使以賊蹤較遠稍存鬆懈所有調軍換防並預籌防勦各緣由理合恭摺馳奏以慰

宸廑再臣前月出省恩逮署中各事未及清釐本年大計經撫臣閻敬銘奏請暫緩現亦屆期趁此賊蹤較遠

臣擬於本月二十三日拜摺後暫行回省趕緊辦理如有賊警仍當兼程馳回行營以期兼顧合併陳明伏乞

皇太后
皇上聖鑒謹
奏

奏稿卷一

三

募黑龍江壯丁訓練馬隊摺 同治五年十二月二十三日

奏為擬請變通募勇章程招募黑龍江壯丁訓練馬隊冀成勁旅以利攻勦恭摺仰祈

聖鑒事竊惟用兵之法審勢為先得勢則可以制勝失勢則宜於改圖方今捻逆奔竄無定恃馬力以恣獷悍而又得地利以盡馳驅禍連數年擾及數省雖有勁兵終難制其死命此誠馬步之勢有不相敵而計之急宜早變者也顧或謂今日各省之中無不知南北異宜日以挑練馬隊為急然挑練之法非將營兵配以馬匹即係招募馬勇謂二者俱難得力何也緣營馬兵本屬無幾加以近來兵制廢弛馬兵率多無馬強為練習筋骨已多拘攣即騎坐

奏稿卷一

五

亦恐不靈就使需以時日訓練成軍控縱雖可自如而馬上施放槍礮終形扞格置之軍中以之偵探接應則可用以之衝鋒冒鏑則不能且餵養馬匹尤難得力此馬兵之難於得用也馬勇出於招募一呼可數百人類皆四方湊集挾馬持矛藉軍營為求食之地心志絕不相習技藝亦不熟練閒有技藝可觀能於打仗而勇怯不一即進退不齊縱使督帶得人接仗之時終覺參差難於收效且應募者素非善良之輩約束一不如法則擾害及於地方每遇道撤易流為寇是往日訓練之方更資為盜賊之用此馬勇之絕不可用也於是請調黑龍江馬兵應用者聞近來東三省兵丁多經外調漸不如額故外省所請多亦不

過一千名少或數百名大凡馬隊制勝施於曠野宜多宜聚分合自如近來捻寇之馬動輒數千故得逞其狡計今以數百馬隊遇絕狂鋒寡寡之勢既殊強弱之形立見而黑龍江兵丁往往有營兵習氣非本地之人不能管帶故與勇營終不相聯接仗亦彼此不顧况東三省馬隊要非見賊即能戰也調之到營亦須寬其時日勤加訓練乃漸可用若驟調其來即驅之使戰亦不得力各省所請東三省馬隊多不能見功者未始不由於此我

奏稿卷一

五

而練之不得其法也 臣再四思維計欲制敵於北方非馬隊不可欲馬隊之得力非用東三省之人不可今該處兵丁恐難多調然調兵則慮限於額募勇則但視乎人向聞該處民人多以打生為業素習騎射馬槍技藝本其所長如能仿照各省招募勇丁之法選派員弁前往彼處挑募樸實壯丁按照勇營章程設立營哨編成隊伍勤加操練必當得力騎射素嫻訓練自易一也無東三省兵營之習氣而有東三省兵丁之技能二也捻賊未平足資攻勦賊平之後易於遣回免滋流弊三也調東三省之人至東訓練同為北地水土亦宜較之南省兵勇來此尤為便習四也由內地自立營哨則易於管束且與兵勇亦相聯絡五

也顧或者曰東三省募勇道里遙遠未爲得計然湖楚之軍近亦多調赴豫東陝甘各省相去四五千里未始不遠卒未聞憚其遠而不來也惟所慮者該處民人言語素不相通茲擬調之遠來必須先募通曉內外言語者數人置之軍營以爲通事方易施其訓練臣到東四載熟察勦賊之情形詳審馬兵之利鈍有斷斷非此不爲功者用敢不揣冒昧思欲變通成法冀効一得之愚如蒙

俞允臣卽籌備餼精選派妥員前赴東三省挑募壯丁三千名並請

敕下該三省將軍遵照俟東省員弁到日由該將軍遴派得力之員會同招募分起陸續管帶來東由臣分立營哨

奏稿卷一

三

酌定陣勢親自督帶訓練以備攻勦至此項應需馬匹過多採買不易仰懇

天恩俯准仿照督臣李鴻章奏於牧羣籌撥健壯馬三千

匹解送該省卽於挑勇成軍之時按名點交各勇騎帶前來以便看養而資迅速所有招募川資及口糧一切俱由

東省籌用竊計此項三千馬隊如能訓練成軍較之步勇

萬人尤爲得力練成之後臣再將步營量爲遣撤截長補

短期於兵餼兩有所濟至一切招募及編立營制哨隊並

支給口分薪水各章程均應俟奉

旨准行後由臣悉心妥議再行詳細具陳臣愚昧之見是

否有當謹恭摺陳伏乞

皇太后

皇上聖鑒謹

奏

奏稿卷一

三

馬隊營制章程摺 同治六年正月十一日

奏為遵

旨籌議募東三省壯丁訓練馬隊營制口糧薪水各章程

恭摺覆陳仰祈

聖鑒事竊 臣於同治六年正月初一日接准兵部火票遞

到同治五年十二月二十七日奉

上諭丁寶楨奏請招募東三省壯丁訓練馬隊一摺據稱

制捻之方非馬隊不能得力而綠營練習馬兵既難得力

招募馬勇又絕不可用東三省兵丁往往有營兵習氣與

營勇不相聯絡亦不得力擬請變通成法派員東三省挑

募壯丁三千名來東立營訓練等語所陳各節均尚不為

奏稿卷一

三

無見即著丁寶楨將一切招募編立營制哨隊並口分薪

水章程悉心妥議詳細具奏俟奏到再降旨諭令東三省

將軍遵照派員會同招募該署撫所請在牧羣籌撥馬匹

著一併俟奏到後再降旨辦理欽此跪誦之下仰見我

皇上籌備戎行芻蕘必採之至意欽感莫名伏念招募東

三省壯丁訓練馬隊事屬創舉事既創則法無可因所有

一切營哨之制訓練之方口分馬乾之需薪水雜支之費

非妥議規模覈定多寡不足以資遵守 謹就步隊與馬

隊其間或同或異各情形互相參考其中有可以仿照步

勇章程者有必須另立法紀者有宜於參用舊章者因勢

制宜悉心覈議如挑選壯丁取其樸野而去其輕滑取其

的實而防其冒充取其互保而嚴其私逃此則招募之法

馬隊與步隊無異可以仿照步勇章程辦理者也至於分

營列哨馬隊宜少不宜多少則呼應易靈多則指揮不便

臨敵決戰馬隊貴散尤貴整散則馳騁自如整則紀律不

亂而且步伐止齊分合進退操縱率多變化機勢要於迅

捷此則營規戰法馬隊與步隊迥殊必須另立法紀者也

若夫壯丁口分馬匹乾銀員弁薪水營務雜支各項既須

力求樽節又必得其飽騰則惟有酌量現在之時勢參考

舊日之章程期於不啻不濫然後兵饒兩有所益近日募

勇口糧章程湘勇出省則經曾國藩奏明每名月給銀四

兩五錢至四兩二錢楚勇出省則經胡林翼奏明每名月

奏稿卷一

早

給銀四兩五錢山東奏募楚勇則經閻敬銘每名月給銀

三兩六錢專指募湖北楚勇而言湘勇則不在此例 臣由

湘到東奉

旨募帶湘勇每名照湘勇酌減六錢月給銀三兩九錢此

則步勇口分之有舊章可循者也又查僧格林沁馬兵章

程馬兵每名鹽菜跟役駝馬月支銀五兩六錢五分三釐

而一應米麩草料豆多出於州縣之供給故東省州縣

於僧營皆有軍需報銷歷經奏咨有案是僧營每馬兵一

名名為月支銀五兩六錢五分三釐實則多至七兩七八

錢不等名雖減而實則增故馬兵尚不至於拮据至於楚

軍馬隊每名約在七兩六錢之數此則馬隊口分之有舊

章可循者也夫遠道募勇該勇丁間關跋涉千里從征食
用較近地加昂告貸無親友可助必須厚其口食乃可以
養其身而用其命也且募勇與調兵不同兵有行糧坐糧
之分有俸賞行裝之費勇則專賴日給口分所以養身養
家者均在此更不能不稍爲優給今招募東三省壯丁
來東遠則三千數百里近亦二千數百里較之雇募楚勇
尤爲遙遠而東省連年賊擾客兵來往過境幾無虛日米
麩麩料豆草日見昂貴錢價亦日見加增計每勇一名非
日給銀一錢二三分不能自給每馬一匹非日給乾銀一
錢二分亦不敷餵養若但求節省使壯丁口食不足則必
至有打糧之弊馬匹餵養不足則必至成瘦斃之形又况

奏稿卷一

聖

馬隊修補鞍履之費釘掌之費燭油之費更須酌量給發
萬不能稍從減省且臣自帶勇到東從不分毫撥派州縣
所以杜其藉款冒銷之習也茲若口分一切不稍爲優給
雖欲不藉助於地方勢必不能一經藉助則日後冒銷各
弊必不能除是減實在之支給徒增無名之開銷軍需之
濫實由於此此次招募馬隊其口糧馬乾薪水雜費各項
應請參用湘楚招募馬步各勇舊章酌中損益覈明定數
以期士不飢而馬不疲斯於軍行有裨臣謹詳加考覈議
定章程十四條繕具清單恭呈

御覽如蒙

俞允臣即咨行黑龍江吉林等處將軍都統知照並應請

敕下該將軍都統於東省委員到日遴派得力大員會同
辦理俾得迅速募齊分起管帶前來趕爲訓練以備攻勦
至臣前請仿照李鴻章奏請調撥牧羣馬匹係因買馬經
費款鉅難籌是以懇

恩派撥近聞該處馬匹亦因頻年調處過多孳生日少恐
不敷調若俟往返籌商又慮久延時日臣現擬另行籌款
自行買備相應請

旨敕下兵部俟委員到京時迅發護照並請

飭知沿途各關免其抽稅感戴

鴻慈實無暨極所有遵

旨籌議招募馬隊營制口糧薪乾各緣由謹恭摺覆陳伏

奏稿卷一

聖

乞

皇太后

皇上聖鑒訓示遵行謹

奏

謹將東省酌議募練馬隊章程分列條款繕具清單恭呈御覽

一壯丁宜慎選以期得力也查東三省人向來以黑龍江爲最可用吉林次之此次募丁擬專募黑龍江但該處自軍興以來征調不少隨調隨撤其中亦恐有多年在營漸染軍營油滑氣習者選募時宜擇烏拉打生之人多募如募不足數則以年力少壯言貌樸拙者詳加挑選如舉動伶俐言語輕肆之輩概不入選

一選募宜取保以資稽察也查東三省壯丁多係未食錢糧名爲閒散其人皆有戶口冊籍在官可考無慮來歷不明惟近來多有內地民人轉徙到彼謀生者此次募勇原

奏稿卷一

聖

係專用東三省土著之人期於樸野得力既防內地遷徙民人藉此冒充且調之遠來亦恐間有逃亡無從查考選募時宜取具的實連環互保甘結應請該處將軍派出得力之員會同挑選每挑取一人須查明其住址及有無父母兄弟妻子並詢明保人若何取具甘結二分一存該處將軍衙門一帶回營存案以杜冒充並備日後逃亡可以按冊查拏卽事平之後遣撤回籍各有稽考不致散漫無歸致滋流弊

一成軍宜分起行走以便約束也自東三省募勇來東道里遠則三千數百里近亦二千餘里沿途行走一切尖宿地方必須安頓以便約束且所募既多如須募齊後一同

前來恐選募既需時日到後又須訓練必多耽延近來賊勢蔓延急不能待自應趕爲辦理此次選募擬委派結實明練文武大員二人隨帶營官二十四人督同挑選每營官二人招募二百五十人卽爲一營歸其管帶如募成兩營卽飭分爲一起管帶啟行前來隨到隨練俾前到者既經練熟後到者卽可照樣操演庶不致曠延時日可應急需

一營制宜簡練以期節制也凡用騎兵與用步隊異步隊全恃人力人數雖多亦易節制呼應故步勇均以五百數十人或六百數十人爲一營騎兵則人力與馬力並用人數過多則易於雜亂且得用全在馳騁人多則馬亦多閒

奏稿卷一

器

時操演指揮自能如意一經臨陣若人數過多一切進退步伐前後相去較遠雖十分熟練亦恐氣息一刻難通不免參差貽誤茲擬酌定以二百五十人爲一營三千人共分十二營十二營分爲前四營中四營後四營每四營中又分出前後左右各一營每一營中以五十人爲一哨分爲前後中左右五哨如此則各歸各伍不致人數多寡參差用昭畫一

一管帶宜擇定以專責成也營制既定以二百五十人爲一營必須設立營官二人一正一副互相鉗制每遇操演副營官專司領隊正營官專司督隊臨敵亦然一營之中前後中左右五哨各設哨長一人以爲一哨領隊各哨五

十人俱歸哨長約束訓練五十人之中又分十人爲一排於十人中擇一人爲什長管帶九人至十二營分爲前中後各四營應另揀派統領二人分統前後八營其中營卽歸主將督帶以備陣陣督隊分路策應之用如此則統領嚴管營官營官嚴管哨哨長嚴管什長層層節制彼此相維相繫庶事有專責方得指臂之助

一隊伍宜申明以免混亂也各營旣分營哨則隊伍急須派定俾勇丁各有職司得以專心演習茲以每哨之五十人分爲五排每排排長一人餘四十五人以前左右三排共二十七名作小槍手中九名爲弓箭手後九名爲長矛手如遇操演或臨敵每隊排長執矛旗領隊各騎兵分執

奏稿卷一

望

槍箭長矛隨各排長向前每一隊分爲五排小槍在前弓箭繼之長矛又繼之彼此挨次而進不可間斷

一行列宜分定以示整齊也隊伍旣分急須明定行列以清耳目前旣分十二營爲前中後各四營凡遇操練及陣陣時自須各立旗幟各分旗色以便識認各營壯丁令各認旗歸隊如前四營之前後左右營不得混入中後營中後營亦不得混入前營卽前四營中每一營之前後左右亦不得自相混入中後營亦如之切不可稍涉錯亂以免淆雜擁擠之弊平日訓練此爲要緊臨陣尤宜加意

一練隊宜按序以明進退也練丁旣定行列尤宜預分先後凡遇操演及臨陣時前中後各分爲三起依次前進不

可凌躡每一營副營官執令旗一面在前領隊正營官執令旗一面在後督隊每營二百五十人分爲五隊各相離半箭地平平立定視營官之令旗進退上下各哨長卽執各哨旗分領各哨隨之不得亂離如第一排鳥槍進或從左旋折下第二排鳥槍繼進亦從左折第三排亦如之須用連環槍互爲上下其第四排弓箭手則張弓搭箭作勢向左第五排長矛亦伸矛作勢向左右折亦如之如槍手折回時賊乘機突我則弓箭長矛齊上迎拒俾槍手得以裝槍繼上各營均照此進其中後八營則視前四營進退如前勝則各隊繼進前退則中四營接應前進後四營分隊旁抄總期相機策應不准卽退

奏稿卷一

望

一陣法宜講明以期制勝也西北用兵與東南迥異緣東南皆步賊其地又多山川溝塍之險兵行過整則難免叢雜喧擾之弊故用兵宜散中見整乃可得力西北極平行而賊又盡用騎兵行過散恐一被衝突易至散漫難收大爲貽誤然不散則又慮擁擠不開故用兵總宜整中見散以便互相聯絡卽散之中仍須各自爲整其要在於不使敵騎得以衝突而我又能馳逐肆勦方爲制勝大約用騎兵之法其要有四一曰衝二曰繞三曰裏四曰抄茲擬定操練之法各營中以五十人爲一哨每營五哨各整各哨相間繼進每哨五排亦各整各排相間輪上循環無端各營中務令散中有整整中有散斯爲合法其槍法總以進

步連環爲准如遇敵交綏以前四營作前敵分爲四路乘勢直衝連環小槍隨進隨下左右環抱不令歇聲中營居中亦分四路立定視前所向作爲兩翼隨勢接應後四營則於前營初見敵時卽由後分四路或分兩路散布遠勢由左右包裹而前四出盤旋以伺敵人之隙若前四營直衝不勝則疾趨分進環而裹之以分賊勢賊若詭譎不受包裹則前後八營各分八路四面兜擊或分兩路對面夾擊中四營則從旁分抄或從後截勦期於層出迭應不致爲賊所乘或可期戰勝之效

一營哨宜津貼以杜侵蝕也此次訓練馬隊擬由主將自行統帶中軍四營其左右翼則分設統領官二員各帶四

奏稿卷一

七

營共爲十二營仍每營各設營官一員幫帶官一員每營之中又分五哨每哨各設哨官一員所有統領營官各員應請照例支給鹽糧等項銀兩至各營哨官每以千總把總微弁充當其例支口糧每月不過五六兩尙不及一馬勇之數而其一切費用較之勇多至數倍未免較少擬請每名除例支口糧外每月各加給津貼公費銀二十兩以資辦公而杜侵蝕此外營中應需文武員弁親軍小隊及醫生獸醫等以備辦理文案稽查彈壓偵探軍情押運糧餉等事差遣均請查照軍營定章支給應得例支鹽糧等銀其一切軍火器械號衣旗幟鍋帳鞍轡等件統由軍需總局照例製造發給分案核實報銷該統領營哨各官既

有例支銀兩足敷辦公此外不准違例濫支並嚴禁假借公事名目在各勇名下剋扣一經查出立即嚴行參辦以重公帑而肅戎行

一勇糧宜酌中以期飽騰也勇丁遠道從征必使食用不之方能責其踴躍用命近年楚湘各軍出省征勦歷次奏定口糧銀數或四兩五錢或四兩二錢以至三兩九錢三兩六錢不等均隨道里遠近酌量增減所以體恤征夫振作士氣也此次創議自黑龍江招募馬勇比之楚湘各路尤爲遙遠所有該勇口糧應略爲加增以示鼓勵惟近來庫款支絀不得不於優厚之中仍思撙節之法擬請每勇一名從減援照湘勇之例每月支給口糧銀三兩九錢其

奏稿卷一

八

什長統率十人爲伍中頭目應比散勇略爲加增擬請援照楚勇之例每名每月支給口糧銀四兩二錢均按大小建月扣算至每營應設藍旗三名專司號令旗鼓字識五名承辦冊籍文書均照什長例給與口糧該勇丁等既東餒無憂可冀訓練日精相與竭力馳驅効命疆場矣一馬乾宜優給以利追勦也軍行之地逼近賊蹤商賈每多裹足不前糧草時當騰貴若所給乾銀不敷喂養則馬匹易致疲瘦不任馳驅應請援照京旗及黑龍江等處馬隊成案每馬一匹每日支給乾銀一錢責成該勇丁加意喂養務令臚壯統領官隨時嚴密稽查其馬匹倒斃如與例定年限成數相符者准其官爲買補作正開銷儻有剋

減草料致令馬匹因而倒斃者除照例懲辦外仍罰令該勇買馬賠補並將不善管理以致馬匹疲瘦倒斃較多之營哨各官責革如此認真辦理庶士飽馬騰克成勁旅再馬匹全在夜間加意喂養方能壯健又閒時操練臨敵追勦鞍韉釘掌尤易損壞所有該勇丁應須油燭及一切修理鞍韉釘掌雜費擬每馬一匹每月另給雜費銀三錢以備各項急需應請一併准其作正開銷以裨馬政

一長夫宜酌加以供轉運也馬隊進勦賊匪利於便捷所有隨營應用鍋帳子藥糧草軍裝等項勢不能挈帶馬上致礙追逐閒遇勇丁連日打仗追奔及其戰勝歸伍人馬之力均已疲乏若責令該勇自行造飯及喂養馬匹則日

奏稿卷一

癸

夜不得休息縱極精銳難期持久擬請援照楚勇之例每勇二名給與長夫一名每長夫一名每日支給口糧銀八分以備運送鍋帳等物及造飯喂馬之用又長夫每二名合給騎駝一隻每駝一隻日給乾銀五分以便移營進勦時該長夫得以乘騎緊跟不致與勇隊馬步異形後先相失且該隊既有長夫則凡遇打仗之時有長夫爲之留守營盤馬隊自可全軍出戰無庸酌留幾成隊伍爲守營之兵是有長夫則一勇得一勇之用更爲一舉而兩得再此項長夫口糧較少應請就內地募充以歸簡便

一餘丁宜預募以備補額也勇丁從征多年必有缺額若俟委員往該處募補未免往返需時該馬隊中全用東三

省人又不容以各省人參入夾雜擬請於開募之時募足三千名外挑選樸實精壯者多募餘丁三百名來東以備隨時補額此項雖名爲餘丁另編一隊亦與各營馬隊同一訓練隨征卽與正勇無異應請照正勇一律給與口糧馬乾以示公允至購買馬匹亦請於定數三千之外另多買數百匹以備餘丁乘騎挑補缺額合併陳明

奏稿卷一

辛

查覆濟陽縣徵收錢漕摺

同治六年正月二十三日

奏為查明濟陽縣並未浮收錢漕及各屬照舊隨正徵收耗米緣由恭摺具奏仰祈

聖鑒事竊臣接准軍機處字寄同治五年十二月初六日奉

上諭有人奏風聞山東濟陽縣知縣陳乃忠信任戶書蠹役於漕米正額之外添索耗米錢文本年下忙照舊浮收眾民不服入署爭鬧幾釀巨案各等情所奏是否屬實著閻敬銘丁寶楨確切查明據實具奏毋稍徇隱原片著鈔給閱看等因欽此遵卽札飭委用知縣鄭錫鴻並飭濟南府另委卽用知縣張傑分赴該縣境內密為確查詢據鄉

奏稿卷一

至

民及同城教佐營汛紳耆鋪戶人等僉稱該縣漕糧係按例定正耗徵收並於由單串票內蓋用紅戳分晰載明正耗數目如書役有耗外加耗情事許隨時稟究民間未完漕以前有由單可查既完漕以後有執照為據絲毫不能含混各花戶均經踴躍輸將業已全數清完並無帶欠至該縣下忙錢糧調齊流水總報互相較對均係照例徵收解兌委無浮收苛索以及鄉民入署滋鬧情事該委員等所查若合符節稟由濟南府知府蕭培元轉稟前來臣覆查署濟陽縣知縣名來忠並非乃忠自接署篆以來辦事均係按部就班徵收錢漕甚為妥協輿論翕然果有鄉民入署爭鬧情事該縣距省祇九十里何至毫無見聞其為

風影之詞道路訛傳亦未可定茲經委員等確查稟覆

復加訪詢實屬可信理合據實覆奏惟折徵耗米錢文漕

務攸關有不得不縷陳者溯查東省徵收漕糧向係額徵

正米一石隨徵一五耗米一斗五升內係坐支車脚米五

升津貼旗丁米三升五合並食米二升共支米一斗五合

下餘米四升五合照例每升八釐變價交幫加增席片銀

三分運隨養廉銀六釐儘數支銷而委員盤費及漕船守

凍不在其內此應徵之一五耗米滴滴皆有開銷並非格

外浮收之實在情形也東省從前徵收折色州縣任意浮

收隨時加增各處徵漕原係正耗分別徵收者居多至武

定一帶從前有每石折錢至二十餘千折銀至七八兩者

奏稿卷一

至

民間不免抗違州縣浮收過多無詞可對則巧稱讓耗於串票內含混註寫民間因之遂不納耗此從前歷久徵收漕米正耗之實在情形也迨咸豐十一年撫臣譚廷襄奏明每米一石定為收制錢六千文並未分晰正耗彼時州縣浮收雖稍減於前亦未遵照定章如濟南兗州泰安濟甯曹州東昌運河以西各屬名為正耗分徵而弊混仍多或顯為勒折或耗外加耗有漕地方大率類此亦有向係讓耗之處正米多為折價亦不照章雖未收耗專以浮折正米為勻挪之計間有數處從前因抗漕滋事減價者民間納漕完正而不完耗刁健者遂以耗米為州縣例外之需正米則思完納耗米則輒為把持至於兌漕交幫時均

係官爲墊發此又咸豐十一年以後徵收漕米正耗之實在情形也同治四年撫臣閻敬銘因州縣猶有浮收更多耗外加耗民力苦累詞訟繁多必得照前撫臣所定十二千之數示之以信乃可以定民志因於窮鄉僻壤徧爲出示曉諭凡有米麥豆一升折收制錢六十文不准加增又恐間有讓耗之處民間不知耗米爲正銷之款隨於該縣請示稟內批令各屬照例隨正徵收一五耗米於由單串票飭令註明正米若干耗米若干不容含糊其孤貧兵米向不徵耗者勒令概行明白剔除不容稍有牽混各屬恪遵辦理鄉民亦無異言卽如四年鄒平縣民張循賜等來省呈控該縣有浮收漕米情事臣在藩司任內當將該縣

奏稿卷一

奏

撤省並提該民人等發府確訊覈明所收實係耗米並將該縣歷來徵收兌幫向章詳細查覈俱屬遵照定章辦理並無浮收隨提張循賜等詳加詢問復將正耗緣由細爲剖別該民人等恍然若失俯首無詞咸自願輸納耗米錢文並懇自行傳諭各鄉俾知耗米實係正供羣相完納本年收清毫無蒂欠可見從前有數處收漕正耗不分鄉民知有正而不知有耗自將正耗分晰刊明註定後鄉民亦知有應徵之正米卽有隨正之耗米並有應納之錢文彼此相安徵收極爲踴躍臣仍隨時嚴查示諭儻有格外浮收者立卽嚴參各糧戶或有抗欠亦必照例懲辦以期仰副

聖主慎重漕儲體恤蚩氓之至意再聞武定府屬之濱州蒲臺等處有因漕滋事之事該處風俗向多頑悍是否玩戶梗阻抑由該州縣辦理不善現經委員密查俟覆到再行分別覈辦合併陳明伏乞

皇太后

皇上聖鑒謹

奏

奏稿卷一

奏

酌給黑龍江壯丁整裝銀兩摺同治六年二月十九日

奏為議請酌給黑龍江壯丁整裝銀兩以示體恤並懇
救下該處將軍遵照妥速辦理早日成軍來東以備籌勦
恭摺仰祈

聖鑒事竊臣於本月十三日承准軍機大臣字寄同治六
年二月十一日奉

上諭前因山東議募黑龍江等處壯丁令特普欽遵備挑
選茲特普欽克蒙額奏遵飭各屬在於打生人內選擇挑
備卽著山東委員攜饒到日飭令會同認真揀選不得苟
且塞責所請援照徵調西丹每名給整裝銀二十一兩著
閣敬銘丁寶楨卽飭該委員遵照辦理等因欽此查軍需

奏稿卷一

聖

則例載征調京外各省出征官兵每人賞給整裝銀兩多
寡不等由出兵省分給發係專指調兵而言未嘗議及餘
丁也從前僧格林沁軍營奏調東三省馬隊該處因額兵
不敷遣撥遂以西丹應調每名議發整裝銀二十一兩亦
係由該處將軍都統發給從未由外省發過今東省招募
該處壯丁係仿照招募湘楚各勇章程辦理與調兵不同
原擬照章以成軍之日發給川資俟到營後再行支給口
分並無議給整裝之說茲若援照征調西丹章程給發整
裝銀兩則必照例由該處將軍都統籌給而款項過鉅該
處勢難猝辦若由東省籌解給發則勇丁既須給予川資
又須給發裝銀糜費亦覺過甚惟該壯丁等遠道從戎此

項銀兩竟至闕如亦非所以示體恤今為詳細參酌擬每
名酌給整裝銀十兩其沿途川資一切均仍飭承辦委員
照章按日支發於覈減之中寓體恤之意該壯丁等似亦
無所藉口第東省委員早已啟行所帶銀入萬兩尙有採
買馬匹鞍屨及添購烏槍各用綜計所費勢有不敷黑龍
江等處路途遙遠若俟補解整裝銀兩到日再行招募亦
慮需時臣再四籌度此項酌給整裝銀兩惟有東省與該
處將軍等兩處發給各任一半先由該處將軍發給五兩
俟到東後再由東省發給五兩如該將軍等以為必須全
給則東省應發之五兩卽由該處一併籌發東省隨後速
為籌解歸還庶期辦理迅速俾該壯丁得以早日登程不

奏稿卷一

聖

致延誤相應請
旨敕下該處將軍遵照籌辦至臣請招募此項馬隊原為
急須勦賊起見現在賊蹤回竄楚疆逆敵猶熾難保不鉗
而東走東省兵力本單雖河防密布邊界無險可扼必須
勦兵多集方資得力此起馬隊如早到東一日則早收一
日之效並懇
飭下該將軍等迅卽妥速飭辦毋稍遷延免誤事機所有
籌議酌給勇丁整裝銀兩一併請
旨敕下該將軍等遵照速辦各緣由理合恭摺馳奏伏乞
皇太后
皇上聖鑒訓示謹

奏

奏稿卷一

五

丁文誠公奏稿

卷之二目錄

商邱等處鹽務改由官運摺 同治六年二月二十五日

出省察看地方情形摺 同治六年二月二十六日

酌議協濟甘省月餉摺 同治六年三月二十日

察看地方事竣巡視黃運河防摺 同治六年三月二十日

布置運防回省趕辦秋審片 同治六年四月初七日

出省辦防改駐開河摺 同治六年五月初三日

捻竄東境力籌防勦摺 同治六年五月十一日

捻渡運河督隊截勦並嚴布黃防摺 同治六年五月十三日

捻蹤竄近省垣督軍扼勦摺 同治六年五月十八日

奏稿卷二目錄

捻逆東竄省垣安堵督軍追勦摺 同治六年五月二十三日

平度州馬蘭堡大獲勝仗摺 同治六年五月三十日

分段布守黃防片 同日

卽墨連捷設法蹙賊摺 同治六年六月初九日


會築河牆防局未能遽定摺 同治六年六月十八日

修整河牆並北路勦辦臬匪摺 同治六年六月二十九日

捻撲膠河官軍擊退現辦臬匪摺 同治六年七月初五日

協守濰西添營籌勦摺 同治六年七月二十日

擊散江境土匪力籌會勦片 同日



商邱等處鹽務改由官運摺同治六年十一月二十五日
奏為東省南運商邱等九州縣鹽務廢弛已久現擬籌借
運本督飭委員專辦以顧引岸而重課款恭摺奏祈

聖鑒事案查河南歸德府屬之商邱甯陵睢州永城虞城
夏邑柘城鹿邑及衛輝府屬之考城等九州縣向係東省
南運引岸銷引七萬八百一十道歷年疲敝已極迭經設
法整理迄無成效茲復飭司籌議據署藩司盧定勳兼署
運司衛榮光詳稱南運鹽務溯自道光二十九年因商多
疲累改為官商並運咸豐三年以後迭遭寇擾商民失業
遂致引積課懸同治元年忠親王僧格林沁糧臺派員試
辦專為濟饒嗣以銷數遲滯又經停止仍歸商辦年來竭

奏稿卷二

力整飭無如各商積困愈深徧地私鹽充斥難期振作南
運為北運貼近藩籬商邱等處尤為南運進私門戶若非
大加整頓不足以振頹起廢商辦雖曲加撫恤課款仍日
見虧短即另招股商而通綱久視為畏途招徠亦甚不易
悉心籌畫擬將商邱等九處引岸統歸官辦仍遵照先課
後鹽章程無論正雜捐款一律完繳領引春鹽運至河南
設局派員經理於引背後註定本商姓名使引窩不致混
減各該處離場干有餘里水陸轉運維艱必須預籌運本
方可舉辦先由藩運兩庫籌借銀五萬兩飭令承領之員
出具切實保結統限二年埽數歸還如此整頓綱而衛全
局於南北課運均有裨益等情請奏前來臣覆查南運商

邱等九處每年額引七萬八百一十道自道光二十九年
起至同治五年止惟咸豐六年分照額全領其餘各年共
計未領引七十九萬五千六百九十三道實為異常短絀
總由該處界連南北蘆淮兩私分道浸灌而歷年官商並
運未能一氣貫注又兼連年羣捻肆擾節節梗阻以致全
岸倒敗不可收拾同治二年前撫臣譚廷襄奏歸僧格林
沁由糧臺酌籌運本派員試辦以時勢過難議明僅完正
課銀兩雜款一切概行免交並議每包提銀二兩接充軍
饒乃自二年冬季起至四年春季止兩年之間止領同治
二三年引張五萬道仍有未領引九萬一千六百二十道
雖經遵照原議提銀十萬兩歸該糧臺支用而所議應交

奏稿卷二

正課並未扣除隨引完交仍在藩庫於協解月饒內照數
劃抵雜款則盡屬虛懸是僧營糧臺試辦兩年雖得銀十
萬兩而以正雜各款扣除合算僅得銀六萬餘兩且以兩
年應銷十四萬一千六百二十道之引祇銷出五萬道仍
屬引絀課懸毫無起色嗣以地方寇氛不靖益形壅滯隨
經撫臣閻敬銘奏明停止以同治四年為始仍歸東省無
論官商悉照先課後鹽章程辦理兩年以來雖屢飭商人
竭力籌辦而商力疲乏加以去年產鹽短絀鹽積運費等
項昂貴數倍從前而蘆私淮私又復日益充斥商人更視
為畏途雖令勉強承辦口岸仍難整頓臣再四籌維苦無
良策竊謂理財以充裕

國課爲先行鹽以疏通滯岸爲重當此商累引懸祇可通歸官辦力求振作或冀大局稍有裨益查歸德府所屬商邱縣係附郭首邑鹿邑縣係毗連安徽要區該二縣地處適中必須設局經理現擬於商邱縣設立總局鹿邑縣設立分局派委委員分投查辦其餘何處應設分店再由委員到境後查明稟辦其由場配運處所亦須另委專員經理並發木質關防鈐記以昭信守使之各專責成並由署設立鹽務局總司稽查惟統歸官辦成本無出卽設局應製一切墊底家具並委員人等薪工火食各項爲費甚煩且值此缺鹽之際鹽穰運脚倍形昂貴較之僧營糧臺試辦益形棘手茲擬先由藩運各庫籌借銀五萬兩作爲

奏稿卷二

三

運本藉資接濟統限兩年內埽數歸還其領引春鹽悉遵定章先課後引雜款亦均隨引交納不准分毫蒂欠至每年應銷引數處分亦照定例辦理惟積弊之後該委員等創辦維艱如能潔己奉公勤慎將事俾鹽引暢銷應請按照抽釐之例每屆兩年由酌覈分別從優請獎儻有墮銷亦卽照例參處此外若別有侵蝕營私情弊尤當從嚴治罪庶各有勸懲俾知威奮至按年照額督銷商邱等州縣不得辭其責緣行鹽全在禁私私梟充斥必致官引壅滯南運地方係屬隔省委員到彼試辦人地生疏若非地方州縣盡力協助必致呼應不靈惟近來地方州縣積習相沿一經官辦卽自謂無督銷之責意存推諉茲擬明定

章程委員試辦仍歸地方官督銷其查禁私鹽仍應責成實力經理如銷足分數照例甄敘再能拏獲大夥私匪卽行給予優獎儻因東省官辦意存膜視以致墮銷則例定處分具在必當執法以繩不稍寬假若聽私販入境不卽查辦卽當照例庇例隨時從嚴參辦應請

旨敕下河南撫申明例禁嚴飭各願考成切勿輕爲嘗試再南運各屬向來掣配永阜場鹽該場因上年黃水過旺納潮時與海水夾雜兼以秋雨連綿滷氣不升產鹽短絀而配運各地引票最多深慮不敷春運是以前經奏明借運蘆鹽並由本省各場酌量融借惟黃水漫溢非一時所能猝防永阜場以後產鹽能否暢旺實不可知而借運

奏稿卷二

四

終非常局現復酌籌灘本飭令永利場陸續開築新灘趕緊興曬以顧大局將來南運春鹽擬將引張改由永阜永利兩場隨時酌量配運庶可源源接濟至由場築鹽以及護運秤驗各事宜概照向章辦理並分飭場所各官及委員等隨時稽察嚴絕弊端其由場運赴歸德水陸迭更所有沿途偷漏瀝賣夾私等弊仍飭一體嚴查有犯卽行懲辦南運各商均係世業納課多年應仍留本商姓名並不革除俟辦理數年後察看引岸衰旺商本優絀情形再行酌辦刻下該商等如願由局販買轉賣亦聽其便第此事歸官試辦一切規模均屬創立兼以屢興屢廢之區亟圖整理能否無誤課款實未能確有把握惟以地方應辦事

宜亦祇期竭心力冀收得尺得寸之效現議銷售鹽包除正雜課款概行完繳及扣除成本並開銷一切局用薪工火食器用各項外但得稍有贏餘即儘數充餉務令涓滴歸公俾濟實用此外如有應行變通之處容臣隨時酌量奏咨除咨部查照外理合恭摺具奏伏乞

皇太后

皇上聖鑒訓示謹

奏

奏稿卷二

五

出省察看地方情形摺 同治六年二月二十六日

奏為恭報微臣出省由武定臨清東昌一帶前赴東平行

營察看地方情形並督辦黃運河防恭摺仰祈

聖鑒事竊臣於去歲十二月內在東平行營以出省恩違

署中一切未及清釐

大計展限亦已屆期值此賊蹤較遠必須乘時趕辦曾經

奏明回省辦理在案茲自回省後趕緊將

大計事宜督同藩臬兩司詳慎查辦業經完竣並將省中

一應公事部署稍定連日接據各路探報捻逆任賴股匪

現復由湖北廣濟黃梅竄入皖境潛山太湖並分股擾及

英山一路等情該逆飄忽異常將來非由光山固始竄豫

奏稿卷二

六

必由六安州一帶竄擾潁毫尋路東奔臣已飛飭東路沿

運滕嶧各州縣確探嚴防而駐防黃運各營亦須親往督

查操練並巡歷河牆以免日久生懈惟查武定府屬及臨

清東昌等處與直隸海口在在毗連恆慮私梟馬賊藏匿

雖經嚴飭各該州縣隨時查拏懲辦猶恐視為故常臣擬

乘此賊蹤尙遠之時定於本月二十七日由省親帶辦理

營務各員輕騎減從先從武定臨清東昌各路沿邊周歷

巡查藉以考核各州縣政事之勤惰俾共知儆惕認真振

作以靖地方到東昌後即由張秋渡河前赴運防駐紮東

平查看各營兵勇人數技藝並河牆應否添補先事預籌

完固用期周密其一切地方軍務各情形容當隨時奏祈

聖鑒至臣 出省後所有署中日行事件暨解審命盜等案
即委署藩司代行代勘緊要事件仍由臣 行次辦理謹將
微臣 出省日期恭摺由驛具奏伏乞

皇太后

皇上聖鑒訓示謹

奏

奏稿卷二

七

酌議協濟甘省月餉摺 同治六年三月二十日

奏為遵

旨酌議撥解甘餉謹將東省出入款項及現在應協各處
餉數情形酌量通籌擬定實數據實具陳仰祈

聖鑒事竊臣 於本年二月十三日承准軍機處字寄同治
六年二月十一日奉

上諭茲據左宗棠奏稱欠解甘餉各省督撫亦有難於兼
顧者請飭就各省情形擬定實數各等語甘省餉項支絀
必得各省協濟第軍務未平派解較多各省亦難兼顧莫
如由該省督撫就各省情形酌定數目按月報解較有實
濟著酌量情形每月究能撥解若干據實具奏各等因欽

此仰見

奏稿卷二

八

聖慮周詳體念籌餉之艱仍寓核實之意伏讀之下欽佩
莫名臣 竊維計餉之出必以歲入之盈絀為程而撥餉之
數必以所需之緩急為定茲計東省歲入惟有地丁一項
額徵三百二十餘萬除分解坐支外實計司庫歲收二百
六十萬有奇加以連年黃水漫溢捻逆紛擾除去災緩約
五十餘萬年中儘力催解不能過二百十餘萬之數舍此
別無他入之項此歲入之實數也而歲出之款則本省防
河兵勇口糧及製造軍火各用每歲約計一百六十餘萬
又本省綠營兵餉及青德二州滿營兵餉米折酌減支發
約計每歲亦需三十餘萬其協撥最急之項則奉撥京餉

三十萬固本軍饟六萬次則協解督臣李鴻章藩司潘鼎新之月饟共計每歲六十萬是皆分毫不能短少時刻不能拖延而核之司庫入款已短至八十餘萬之多此外各處協饟如奉省新疆陝甘陝西清淮安徽甯夏慶陽各月饟及新疆烏魯木齊伊犁各處經費協饟每歲合計尚有二百數十餘萬雖部撥頻仍司庫中實無實項可指然念時局艱難亦不能不挪東補西急資共濟如奉省陝甘陝西清淮安徽及新疆伊犁等處臣於每歲量力度時無拘多寡亦必勉為籌撥斷不敢稍存膜視無如東省入項無他每當委員守催籌措之窘寢食俱廢極冀捻患可除庶以本省裁兵之費為鄰邦協濟之需茲捻氛尚熾奔

奏稿卷二

九

突靡常東省為畿輔屏蔽黃運河防刻難稍懈而去冬又將淮軍認守濟甯一段防地撥歸東防因饟源無出未敢增兵現又選練黑龍江馬隊冀資遠勦是本省兵勇月饟萬難稍裁茲因左宗棠之奏仰荷

聖慈諭臣等酌量情形據實具陳臣謹將司庫出入及各省協饟數目通盤核計所出實數倍於所入挹注殊難措手惟陝甘軍情緊要左宗棠督辦軍務實西陲全局攸關若不力任饟精何資呼助然勉強多認將來無從設措臣與藩司再四籌商擬於無可籌畫之中每月力籌一萬二千兩解交行營以濟急需臣惟有督飭藩司極力措解冀資接濟至各處協饟但使力有可圖臣亦必盡力勻撥以

期仰副

宸廑所有酌量東省情形籌解左宗棠營饟數目情由謹

恭摺實陳由驛具奏伏乞

皇太后

皇上聖鑒訓示遵行謹

奏

奏稿卷二

十

查看地方事竣巡視黃運河防摺同治六年三月二日

奏為查看武定臨清東昌一帶地方情形並巡視黃運河防回駐東平恭摺仰祈

聖鑒事竊臣前將出省日期由武定臨清東昌一帶前赴東平行營察看地方情形並督辦黃運河防各情形由驛奏明在案臣拜摺後即於二月二十七日由濟陽齊東經歷武定取道德州折赴臨清東昌等處察看各府州縣地方民情尙形安靜惟各該府州縣與直境及海口毗連處所前因鹽價昂貴時有私販乘機浸灌迭經各該地方官設法擒捕近亦頗知斂迹臣沿途徧加誥誡復嚴飭各州縣不時親帶勇役與派出緝梟各營弁認定地段往來會

奏稿卷二

十一

哨並購擊著名首匪各州縣尙知奮勉不至視為故常邊圉漸期靜謐臣抵東昌後先查河北各防自沙灣至豆腐店係東省黃防汛地共有要口三道均經東昌府知府龔易圖妥為布置尙屬周密現在水勢漸長有險可扼足資守禦由張秋鎮渡河自沈口至戴廟一帶查驗河道查沈口河身淤塞前經奏明歸東省防勇挑挖臣於正月初旬即飭總兵王心安派勇就所淤汛地盡力挑濬現已一律寬深並將東西兩岸所積坡水放注洩出民田二十餘里悉資耕種挑出淤泥即將河牆加高培厚亦已增修完整臣巡歷河牆查閱沿運各營兵勇尙屬齊整技藝亦為熟習隄牆亦一律完固於三月十四日行抵東平駐紮此

出省後查看地方並黃運河防及各營勇之情形也查運

防汛地前經曾國藩奏明自長溝池北歸東軍防守長溝池南歸淮軍防守嗣李鴻章將濟防各軍調為游擊自長溝池南至新店八十餘里已於正月初十日後歸東軍自防東省防地較前更長百餘里已調在籍提督傅振邦督兵駐守頗為周密臣忝膺疆寄於應辦各事不敢稍涉疏忽現據探報任賴逆匪尙在皖鄂交界往來滋擾臣當趁此賊蹤稍遠之時務將沿河各營兵勇嚴覈虛實勤加操練設一旦有警冀於防勦可期得力所有臣出省查看地方情形並駐紮東平整飭黃運河防各緣由理合由驛具奏再東省於二月二十七八兩日連得大雨地畝深透閩

奏稿卷二

十三

省均霑麥田有收秋禾亦均布種堪以上慰慈懷合併附陳伏乞
皇太后
皇上聖鑒訓示謹
奏

布置運防回省趕辦秋審片 同治六年四月初七日

再臣前將出省查看地方並巡視黃運河防於三月十四日回駐東平各情形恭摺奏報在案臣到東平後復將沿河各營逐加校閱嚴為釐剔所有未能得力各弁勇酌量裁汰以節糜費並審度地勢就現有兵力騰挪布紮以壯聲勢而資截勦查河北防務現在水闊岸高布守已定無庸他慮惟運防地狹水淺專守牆則賊勢相逼難以測其淺深每遇搶渡撲牆不無驚惶紛擾之勢兼顧兩岸則我營所踞逆蹤難以輒乘且觀變乘機可收近守遠攻之效現於河東沿牆一帶以總兵王心安所帶東治八營勻紮沈口至靳口七十八里一段以總兵陳錫周所帶周字一

奏稿卷二

三

營總兵楊飛熊所帶吉勝四營勻紮靳口至開河三十餘里一段自開河至長溝四十里內外重湖河水漸漲賊難偷渡無須設守自長溝至新店八十餘里仍以道員王成謙所帶常武各營暨提督傅振邦所帶青州兵七百名勇丁一營挨段勻紮騰出副將王正起所帶振字七營並抽調總兵姚紹修參將馮義德張青雲副將張得魁莫祖紳守備廖楚勝等所帶七營共十四營扼紮河西自王壩口至開河一帶聯絡分布以為上下游擊之師查西岸地勢平行逆氛竄撲皆由於此最為緊要復調總兵趙三元所帶水師舢板礮船一營舢板礮船二營在安山老干碑靳口袁口開河等處擇要分紮與河西隊伍互為聲援如遇

擊勦即隨隊上下相機策應以臻完密東省兵力本單專守河牆或恐日久坐困分布遠勢則聲威較壯賊庶不敢逼我河干我師亦可隨處雕勦臣再四審度如此層層布置似較得力現在內外營牆均已完備迭據探報任賴逆股仍在楚境去東尚遠本年應辦秋審業已屆期其閒應緩應實臣須與臬司商確會勘期無出入現擬於初九日回省辦理秋審事件仍飭在防各營將弁勤加訓練不致稍存怠忽如賊氛稍近臣仍迅赴行營調度一切所有沿河內外布置情形暨回省勘辦秋審日期謹附片具奏伏乞

聖鑒訓示謹

奏稿卷二

四

奏

出省辦防改駐開河摺 同治六年五月初三日

奏為任賴股匪現由新野竄入豫疆勢恐北趨擬馳赴防所由東平改駐開河以便臨敵調度恭摺仰祈

聖鑒事竊 臣前於四月初七日在東平營次將暫回省城商辦秋審事件並沿運東西兩岸布置防守各情形恭摺奏報在案 臣回省後即將應辦秋審事宜與司道等悉心會勘刻已辦理蒞事迭接探報任賴逆股半月以來總在楚豫交界各處往來游弋據逃出難民聲稱該逆由鄂省就食殆盡屢思東竄以圖搶割麥禾頃又據豫省坐探委員並藩司潘鼎新稟函據稱鄧州飛報該逆於二十日大股竄擾湖北襄陽縣屬之雙河地方距鄧州二百餘里二

奏稿卷二

五

十二日竄至新野城外大股在城東南十五里邊馬已入鄧州東鄉三十里桑莊等處勢甚兇猛等語查新野鄧州均在豫西距東省尚遠然賊情叵測奔突靡常刻已竄入豫疆儻徑向北趨裕葉襄郟一路均該逆往來熟徑賊馬剽疾數日千里刻下麥苗將熟該逆既有東竄搶麥之說自不得不預為準備 臣擬即日馳赴防所相機辦理惟查去歲捻逆攻撲河牆均在開河靳口一帶游逞 臣前因此地喫重定議抽調王正起等各營出紮西岸預備擊勦期於內外兼顧此次赴防若仍駐東平似覺寫遠現擬改駐開河庶一旦有警已在敵前調度較為親切 臣查距南陽鎮十八里之谷亭一帶地方原係湖路當湖水漲發之

際本可無須設防近聞河水乾涸幾同陸地該處係淮軍

認守地段現派有淮軍管帶水師提督徐道奎一營駐守但恐水勢日涸礮船人力難施若賊竄曹境由此攔入殊於大局有礙 臣與念及此亟思力圖周密第念東省運防汛地自去冬李鴻章調出潘鼎新張桂芳各軍為游擊之師復將長溝以南至新店之八十餘里換歸東防刻計黃運兩防約共三百餘里地廣兵稀實形單薄因饒需無出未敢遽議增兵茲若再於南陽鎮以下勉強兼顧雖竭力籌辦日久恐難支持 臣現一面預行布置並專函飛商李鴻章安速籌議冀臻完密以維大局而顧地方所有 臣於本月初三日馳赴東平防所擬改駐開河各情由理合恭

奏稿卷二

六

摺由驛具奏至 臣出省後一切地方應辦事宜委署藩司盧定勳代行代勘緊要事件仍包封由 臣管核辦合併具陳伏乞

皇太后

皇上聖鑒訓示謹

奏

擒竄東境力籌防勦摺 同治六年五月十一日

奏為擒蹤由豫竄入東境 臣現駐紮開河調度各營力籌防勦恭摺仰祈

聖鑒事竊 臣前於本月初三日將任賴股匪竄入豫疆勢恐北趨擬馳赴防所由東平改駐開河以便臨敵調度並將淮軍水師駐防之南陽鎮谷亭一帶湖水乾涸亟須籌布各情形由驛奏

聞在案 臣初六日馳抵開河後初七日准軍機大臣字寄同治六年五月初五日奉

上諭李鴻章奏賊現竄新野東南之朱集水台等處據獲賊供稱有欲竄東豫之語如賊果東趨丁寶楨即派兵迎

堵等因欽此仰見 奏稿卷二

聖主先機決策訓示周詳無任欽佩查 臣於到防後迭據

探報該逆已竄入襄許舞葉等州縣汴省數十里外已見邊馬等情 臣速飭在防各營一體嚴防並逐段親歷查看

沿運河牆均各完整防範亦尚周密惟淮軍水師駐防之谷亭南陽鎮一帶前因河水乾涸礮船人力難施當派道

員王成謙前往查看旋據飛稟該處新店以東及南陽鎮一帶情形實為可慮 臣雖已專函飛商李鴻章妥為籌議

惟賊蹤已近若必待李鴻章籌定舉辦恐誤事機因趕築礮臺六十一座並就現有兵力勉為勻撥將提督傅振邦

所帶青州兵七百名暨勇丁一營移紮南陽鎮地方復於

該鎮之南面嚴飭魚臺縣李淦限五日內督飭紳民協同

兵勇趕築圩牆以資憑守又抽調紮出河西預備游擊之總兵姚紹修所帶兩營填紮傅振邦原紮東防汛地其新

店以東石佛開西岸一帶又抽調駐防靳口河牆之總兵陳錫周並駐紮河西游擊之副將張得魁兩營暨咨調護

兗州鎮總兵范正坦管帶營兵五百名在石佛開以下正西西北西南三路布紮為犄角之勢以與傅振邦姚紹修

各隊遙為聯絡並飛咨淮軍管帶水師提督徐道奎將該營礮船於該處上下擇要分布往來梭織以期周密所慮

湖水日涸能否有濟尚未敢知正布置間十一日申刻接各營探報暨鄆鉅各縣稟報均稱逆股已抵曹州府城外

七十餘里之白茅集鄆鉅之玉皇廟張表集等處已見邊馬放火由考城晝夜潛奔二百餘里竄入東境甚屬兇猛

又據常武營道員王成謙拏獲奸細趙振和一名供稱該逆蓄意搶渡運河圖擾東省各等語查山東東三府各屬

尚稱完善該逆垂涎已久此次窮力狂奔一日夜竄入東境二百里亟思乘我不備銳意搶渡運河 臣諗料該逆北

竄勢必出此因切囑各營守定後戰且以河西地方一望平原 臣調紮西岸游擊之師因抽調過多若預行出擊僅

足支持一路而賊勢過眾路路可分設我軍截勦不及轉落賊後是以督飭西岸各營晝夜哨探嚴兵以待俟賊蹤

稍近即便相機截勦一可以穩願運防一可以迎頭攔截

奏稿卷二

六

臣猶慮所籌未備復飭總兵趙三元將所帶礮船自安山至靳口百餘里勻段布紮用臻周密惟東省僅此兵數現因勻撥協防兵力頗形單薄不得不於東岸之濟甯東平汶上東阿各州縣飭令抽集民團協同營勇互守以助聲勢刻下河湖淺狹賊勢剽悍異常臣責無旁貸惟有竭力圖維於應防應勦各棧宜總當隨時妥為籌畫至黃防現在水勢漸漲賊蹤難以偷越臣亦不敢以水闊岸高稍形鬆懈刻已札飭營務處東昌府知府龔易圖督飭在防水陸兵勇嚴為准備並與直省防軍互相聯絡務保無虞以顧地方而慰宸廑所有賊蹤竄入東境現籌防勦各情形理合恭摺馳

奏稿卷二

九

奏伏乞

皇太后

皇上聖鑒訓示謹

奏

拾渡運河督隊截勦並嚴布黃防摺同治六年五月十三日奏為賊眾搶撲運河官軍慶戰不支河牆隳守現飛調南路各防營由汶上會合親督進勦並嚴布黃防以遏北竄各情形恭摺馳奏仰祈

聖鑒事竊臣於本月十一日將捻蹤竄入東境臣駐開河調度各營力籌防勦並抽調各營勻布淮軍汛地各情形由驛奏

聞在案臣拜摺後續接各路探報該逆大隊在鄆城黃家海蔡家林等處邊馬四出竄擾查黃家海蔡家林均距運河尚百數十里時值河湖水勢正涸深恐該匪乘夜狂奔當飛飭員弁持令沿運周歷確查並於沿河渡口派隊嚴

奏稿卷二

十

查俾奸匪無得混迹又將河中船隻盡泊東岸以清河面正布置間接派守沈口至靳口之東治平字各營飛稟該逆於十一日亥刻大股已從鄆城梁山間道直撲沈口河牆勢甚兇猛馬步各隊沿途游駛袁口靳口王中口安山八九十里匪蹤布滿查沈口河水淺涸臣早經計及因派平字右營參將金承德專紮一營以資堵遏嗣該營來稟臣以駐紮開河距沈口一百餘里賊蹤咫尺且此處地闊河淺又為該逆屢次竄東熟路當躬督親兵嚴防隨調西岸駐紮之兵前往接應又恐河西迂道莫及復飛飭派守袁口一帶之總兵楊飛熊暗中抽派站牆四成勇隊先馳赴援詎該逆狡計百出明攻沈口施放槍礮二十餘里絡

釋不絕我營竭力堵禦逆不得逞乃乘沈口兵勇鏖戰之時於戴廟水涸處突有賊馬數百騎步隊約四五百人衝突而至該處係平字後營都司朱萬美防守地段牆上勇丁見來勢兇猛亟放槍礮轟擊斃賊十數人該逆並不退縮馬上均帶洋槍隨手施放並令步賊跟蹤囊土填河繼以洋槍馬步一齊擁至其時總兵王心安在沈口堵擊聞戴廟十分喫緊亦帶隊馳至該逆愈聚愈多於對岸高阜用西洋炸礮對准河牆轟擊子落如雨復用火箭施放入圩民屋被焚驚亂兵勇站立不住遂乘勢擁上自子至卯鏖戰四時之久殺賊千餘人奪獲騾馬數十匹勇丁傷亡者計百數十人王心安等視賊眾我寡勢難抵敵即行收

奏稿卷二

三

隊楊飛熊等營行抵靳口見東岸賊眾麕至河西到處賊股搶撲已成腹背受敵之勢亦即折回自顧本營此賊搶渡運河官軍鏖戰不支河牆失守之實在情形也該逆現分兩股一股屯踞戴廟一股屯踞三里莊邊馬四散計該逆馬步共約五六萬人既經渡運省防喫重當即飛飭副將王正起所紮河西振字七營與總兵楊飛熊吉勝五營由臣親自督帶從汶上一路向東迎截以顧省防刻下賊已東竄南路防營可撤臣趕即飛調道員王成謙常武各營迅來汶上一帶合力進剿惟查現在黃防甚屬緊要已一面飛飭東昌府知府龔易圖嚴密防範又趕調傅振邦帶隊於張秋等處擇要布守並飭濱黃各州縣嚴查渡口

將船隻盡歸北岸以杜該逆北趨之路惟河牆綢繆一載為東北屏蔽東省完區藉此保衛一旦不守臣督飭不力咎無可辭惟有仰懇

天恩將臣從嚴治罪所有統帶東治各營總兵王心安分防地方未能督飭營官杜賊竄越應請

旨將該總兵先行革職看守交部從重議罪管帶平字後營都司朱萬美於認守地段不能力遏賊鋒致壞全局貽誤特甚應請

旨即就軍前正法以示懲儆其餘陣亡文武員弁俟查明具實奏

聞臣現惟有督飭各營即時追剿以冀稍贖前愆所有賊眾搶渡河牆失陷現調各防營相機截剿並嚴布黃防各情形理合恭摺奏伏乞

奏稿卷二

三

皇太后

皇上聖鑒訓示謹

奏

擒蹤竄近省垣督軍扼勦摺 同治六年五月十八日

奏為擒逆渡運東竄經前敵官軍馳追分股牽制復經後隊兜勦悉數殲除大股竄近省垣 督軍兼程扼勦恭摺仰祈

聖鑒事竊 於本月十三日在汶上營次將逆眾搶渡運東暨調營進勦各情形奏

聞在案查此次逆眾搶渡後銳意東奔 於十二日申刻在開河營次接到東治各營飛稟即親督副將王正起等各營馳援旋據探賊之大股麴集東平一帶邊馬擾出四五十里 以省城空虛亟須回顧當經飛調副將莫組紳帶領紳字霖字兩營由東平星夜馳赴省垣並以黃防緊

奏稿卷二

三

要飛飭東昌府知府龔易圖嚴為布守並調提督傅振邦總兵趙三元水陸各軍回防黃岸以顧北路 一面由袁口帶隊折駐汶上過其東趨並飛調南路各營於汶上會齊進勦十三日申刻該逆大股已竄入汶境戴村壩王泮莊等處城外東南東北十數里外邊馬百十成羣紛紛四竄當飭副將王正起總兵楊飛熊各隊分路邀擊該逆並不接仗十四日副將王正起等督隊追勦探報賊大股圍攻苑莊民圩王正起等催隊急馳進勦該匪遙見我軍即行解圍向東北一帶狂奔王正起等躡蹤追至甯陽城外賊馬或東或西忽多忽少搖惑我軍均經分隊擊退生擒髮賊十數名救出裹脅難民百餘人十五日寅刻王正起

楊飛熊暨東治各營探明賊之馬步大股由甯陽縣境之

岡屯北趨沿汶河行駛當即拔隊馳追 於是日午刻自

督道員王成謙所部常武各軍到甯據探稱賊先出甯境

分股竄擾甯陽東南之滋陽曲阜鄒縣中山集一帶 以

該逆狡計百出其分股旁竄實圖牽制我軍不敢一意前

進且為抄襲後路之計當即飭派道員王成謙督帶總兵

姚紹修陳錫周等四營出紮距甯三十五里之岡屯預為

攔截是晚見東南有火光數處十六日卯刻王成謙督飭

姚紹修等帶隊前進行至屯南十餘里茅莊地方該匪馬

步各五六百人紛紛回向北駛一見我軍即駐紮不動姚

紹修等督隊迎勦該匪率眾抗拒經我騎迎上施放連環

奏稿卷二

三

洋槍將首先執旗一騎轟斃並殺馬步百餘名該逆敗竄我軍兩路抄追其步賊翻山四竄經 先派常武營馬隊參將李炳武四面包抄殲除殆盡馬賊尚存二百數十名被姚紹修等營圍住賊馬多被傷倒陣斬一百餘名姚紹修及守備蔡忠順衝入賊中將執令匪首邵庭漳生擒馳出匪首邵元明等見勢不能敵率領餘黨聲言乞降總兵姚紹修陳錫周等即領弁勇生擒匪首邵元明解克終劉玉扶葉添佑侯妮蕭得勝李慎齋等共一百八十餘名並獲馬一百餘匹槍礮旗幟器械數百件隨即收隊該營等各將生擒老匪解驗 逐一提訊內有孔昭亮等四十餘名訊係被裹未久尚非甘心從逆當經分別正法矜釋其

邵庭漳邵元明等一百四十餘名均積年悍賊髮長二尺有餘悉行正法此後路各隊將分股賊匪殲除殆盡之實在情形也十六日探悉渡汶大股賊匪由東鄉夏張急趨萊蕪青石關意圖東竄因山路多險且經臣先期札飭該地方官集團防守逆不得過旋復折回泰安由新莊大路圖竄省門副將王正起總兵楊飛熊暨東治各營緊躡在後沿途截殺尾股馬賊百餘名髮賊二百餘名臣在甯小駐一日將東南股匪辦竣後即於十七日親督後隊進紮夏張策應前敵併一面飛飭藩司潘鼎新由濟甯取道滋陽曲阜速行進隊會合兜擊行至途次探聞該逆大股已竄近省垣段店一帶查省垣防務前接署藩司盧定勳來

奏稿卷二 五

稟已募勇丁四千名防守並與臬運各司及在省道府委員嚴為布置今有王正起等營緊跟賊後可保無虞當飛飭各該營迅速進剿並擬親督常武各軍由肥城長清間道馳赴省城抄出賊前與王正起等營前後夾擊庶期得力仍一面再行飛飭齊河各州縣將黃防渡口大小船隻嚴行封查一併提歸北岸並由省多派幹員前往巡查以期黃防周密免致北竄除續將勦辦情形再行馳報外所有連日擊賊並督隊進剿各緣由理合繕摺由驛馳奏伏乞

皇太后
皇上聖鑒訓示謹

奏

奏稿卷二 五

擒逆東竄省垣安堵督軍追勦摺同治六年五月二十三日

奏為擒逆避兵東竄省垣安堵現復督軍緊追並咨調淮軍分路兜勦恭摺仰祈

聖鑒事竊臣於五月十八日調派各軍先後追勦竄匪將分股殲除並督隊回顧省防各緣由馳陳在案臣拜摺後即由夏張督飭常武一軍前進行至天平店地方探報該逆於十六七兩日竄近省垣大股屯紮距省四十里之楊家台至碓口止經在省司道會督文武各員紳添勇集團晝夜防守所派前敵副將王正起總兵楊飛熊等各軍亦將趕到等語臣接報之下即親督常武各軍由閒道繞出肥城長清急馳二百數十里冀出賊前與各軍前後夾擊

奏稿卷二

三

痛挫兇鋒詎該逆見省防嚴密後路大兵相繼踵至正值兩夜乘閒潛逸竄往章邱鄒平一帶十八日午後王正起各軍馳到賊已陸續竄盡王正起等並不停滯躡蹤緊追臣十九日到省以省城根本重地復與司道等周歷城圩略加布置酌留紳字霖字四營交署臬司衛榮光統帶分紮各圩外以備緩急並飭該司道等會督在防文武員紳仍前嚴守以防回竄其黃防緊要復經飛飭遊擊楊長林督帶礮船即日向濟陽齊東青城蒲臺一帶梭巡並飭總兵趙三元將運河船板設法駛入黃河以資巡哨又飭郭大勝帶勇五百名守備王萃帶領馬隊二百三十餘名在齊河各縣上下游西岸分紮來往巡查又飛飭東昌府知

府龔易圖駐紮張秋督飭所調出各營兵勇在於濮范壽張張秋一帶嚴防並通飭濱黃州縣一體集團守禦足紓宸廑臣部署定後即於二十一日督帶道員王成謙所部常武各軍向東進勦二十二日馳抵鄒平接據探報該逆於二十日竄過鄒平二十一日竄赴新城池北一帶復接王正起等稟報我軍追勦甚緊該逆節節繞避略不停喘二十一日追過鄒平城北二十餘里已將馬賊追上甫經開隊攻擊該逆略一旋繞遂即狂奔不敢戀戰現復督隊馳逐二十二日已由長山追過新城等情臣思該逆詭謀避兵非前繞後追斷難得戰現在該逆探係由新城池北奔竄查新城池北僅高苑博興兩縣此外多係河道別無

奏稿卷二

三

可圖該逆若由博興他竄必由臨淄樂安一路逸出臣擬親督王成謙等軍於二十三日由新城分道繞出臨淄樂安預伏其前而令王正起等軍緊躡其後該逆若由高苑博興竄出當可攔頭一擊也惟是臣進勦鄒平一路係入東府大道賊由此竄入臣必得由此緊追一可以圖勦擊一可以顧城圩但賊勢甚眾臣一軍僅能跟追即有時分軍繞截深虞單薄查東府三面距海山徑亦多崎嶇若以一軍跟蹤而又有一軍由沂州莒州取道諸城穆陵關一路迎截而前必可得手現藩司潘鼎新已抵濟甯提督劉銘傳已抵鄆鉅兩軍皆在東境應即就近商辦臣已咨調劉銘傳一軍由莒沂向穆陵關一路前進潘鼎新一軍由

萊蕪向博山一路前進並飛咨督臣李鴻章迅速轉咨冀收速效臣刻惟有親臨前敵視賊所向就現有兵力跟蹤馳逐不令停留以免地方被害至勦辦之際遇有可以繞前截擊之時則分軍繞之以期痛勦除俟接仗後再將勦辦情形具報外所有賊蹤東竄省城安堵並督軍追勦各緣由理合恭摺馳奏伏乞

皇太后

皇上聖鑒訓示謹

奏

奏稿卷二

元

平度州馬蘭堡大獲勝仗摺 同治六年五月三十日
奏為捻蹤東竄親督各軍跟勦追及於平度州之馬蘭堡大獲勝仗恭摺仰祈

聖鑒事竊臣於本月二十三日在鄒平營次將賊蹤東竄督兵緊追並分兵繞截各緣由馳報在案拜摺後即親督道員王成謙帶領常武各營星夜由鄒平長山閒道疾馳一百四十餘里繞出臨淄以備迎截詎二十四日辰刻行抵金嶺鎮距臨淄三十餘里探報該逆已於二十三日夜仍由高苑邊境折回新城急向臨淄東北逸出前敵王正起各軍緊躡其後等語查該匪由高苑境折竄臨淄計日行二百三四十里避兵如此之速殊深憤恨當於是日抵

奏稿卷二

三

臨淄後飛飭王正起王心安楊飛熊各軍務必緊追不准稍息臣於二十五日即督隊由壽光跟追二十六二十七兩日追至濰縣昌邑賊已於二十七日午刻由昌邑之北于家莊渡過濰河向平度州一帶東竄王正起等亦於是日追至平度二十八日臣過濰河以河水驟發該處船不敷渡即搭橋速進因思該逆擾及東省未及半月盤旋一千數百餘里我軍日夜追逐每遇及賊之時該逆明知步不及馬總以騎賊擾我迄難接仗臣先於二十六日即函令前敵王正起等將所有該營營哨及差弁人等各馬匹湊積五百餘名交王心安管帶作為前隊並飭各隊精挑健銳六成隊伍分帶前進其餘均作後隊黃夜馳襲冀可

一戰痛勦二十九日臣抵平度接據王正起等稟報該營於二十七日晚追賊至平度卽據探稱該逆於是日夜大股全踞州城東三十餘里之馬蘭堡地方王正起王心安楊飛熊等會商定於四更出隊王心安帶領湊集之馬隊五百餘人先向東北潛進楊飛熊王正起帶領挑選之六成精銳會同守備劉家興分帶平字三營由東南直出各銜枚疾走二十八日未及黎明王心安馬隊行及馬蘭堡遇賊騎一千餘人甫經起行王心安卽帶隊直前衝進該逆見我騎兵無多來往相持約半時許不能取勝王心安奮勇大呼冒死衝突各勇喊殺繼進賊氣少卻我兵卽乘勢殺入立斃騎賊五六十名該逆見我兵猛進齊吹號筒

奏稿卷二

三

賊之馬步大股陸續齊集團裹而前我兵眾寡不敵王心安拚死衝突適王正起楊飛熊聞知王心安已經接仗急催隊從兩旁抄入劉家興從後掩至分三路撲進王心安見步隊趕到勇氣愈加卽直前將賊衝爲兩段殺斃馬賊一百二三十人賊見我兵一到分股抵拒王正起楊飛熊以連環槍礮擊其馬賊各斃賊二百餘名馬賊少退不敢前逼急令步賊猛撲馬賊紛紛旋抄我軍之後王正起等復分槍礮連環施放尾護後路而以長矛夾槍擊其步賊我兵各有關心奮氣百倍合力夾擊斃步賊一千三四百人後路馬賊又被劉家興分營攔截槍礮斃賊三百餘人自卯至戌力戰八時之久賊眾奔潰紛向東南東北逃竄

我軍乘勢追殺又斃步賊一千餘人馬賊二三百人至亥刻追及安賢莊始行收隊共計殺斃長髮馬賊九百餘人步賊二千五六百人生擒二百餘人中傷逃亡者千餘人奪獲騾馬八百餘匹大黃旗龍旗四十六桿刀矛器械無算查點官弁兵勇陣亡受傷約四十餘員名容再查明彙奏至賊被創後分東南東北亂竄前敵各軍亦於二十九日五更仍拔隊分投緊追臣接稟後以該逆被勦敗竄或南或北尙未有定正籌慮間復接前敵探稟賊敗仗紛逃三十餘里外連夜合股向東北急奔該營等亦卽合隊向東北緊追等語查該逆若竄東北必由萊陽棲霞招遠前奔惟賊情過狡或於敗潰後引我兵向東北追躡復乘間

奏稿卷二

三

折回膠州一路竄出莒州日照使我窮追無及亦未可定臣刻飭王成謙迅帶所部常武軍先行取道萊州迎截與前敵各軍會合夾擊如賊折竄膠州一路卽行馳回爲期尙不甚遠臣現祇可暫在平度適中之地自帶馮義德陳錫周二營並親兵四百名暫駐再視該逆所向以定行止並飛咨行劉銘傳潘鼎新各軍迅速前進以期合勦此後勦辦情形臣隨時馳報所有追賊獲勝緣由理合恭摺由驛馳奏伏乞

皇太后

皇上聖鑒訓示謹

奏

分段布守黃防片

同治六年五月三十日

再賊現在東境刻雖趨重膠州萊陽兩路而黃防仍宜嚴守臣迭奉

諭旨飭令嚴密堵禦二十八日又欽奉

諭旨東軍防守南岸勢難兼顧北岸應否將直隸東南各鎮之兵盡數調赴河干以資厚集之處著劉長佑崇厚相機布置等因欽此跪誦之下仰見

聖主神謨廣運體恤周詳莫名感悚查黃防汛地去歲曾

國藩奏明以范縣豆腐店為界與直省分防東省自豆腐

店以東至張秋沙灣為止計長一百數十里前經奏明飭

委東昌府知府龔易圖專辦在案茲賊已入東則河防自

范縣至武定屬之鐵門關綿長千餘里在在須防地段愈

長兵力愈增龔易圖一人萬難兼顧臣特為劃分地段俾

專責成自豆腐店至張秋仍飭龔易圖認守並調東昌壽

張濮州范縣泰安各營兵丁一千二百名華字道字兩營

勇丁歸該府調遣照舊布置自張秋至齊河咨請提督傅

振邦督帶青州兵七百名郭大勝勇五百名擇要布守自

齊河以下至鐵門關現飭武定府知府張鼎輔認守並調

副將張得魁莫組紳所部兩營與該府會商分哨布置復

飭各該府嚴督所屬州縣集團協助又將遊擊楊長林所

帶礮船分布自張秋至齊河一段巡歷總兵趙三元所帶

礮船自齊河至鐵門關一段巡歷另派候補道張文林於

奏稿卷二

三

上下游總司巡查用期周密其沿河渡口已嚴飭各該府督飭所屬濱黃州縣將小渡裁併大渡渡船盡提歸北岸遇有濟渡必須確查來歷始准放行兵勇官弁飭其嚴加防查以杜假冒昨接龔易圖來稟以張秋蓮花池兩處復經直隸派來都司陳春江帶礮船七隻大名府知府楊詠春派來礮船十二隻在彼協防又准直隸督臣劉長佑咨明飭派水師馬隊來東協助並擬抽調總兵劉景芳全軍俟河防緊要飭赴齊河協守通商大臣崇厚亦經調派洋槍隊在景吳交界駐紮布置益為嚴密臣惟有督飭調防兵勇暨各道府州縣實力堵禦並督現在追勦兵勇力遏兇氛一面咨請李鴻章迅催淮軍速進冀蹙賊於海隅聚

奏稿卷二

三

殲醜類以紓

宸廑所有分段布守黃防各緣由謹附片具陳伏乞

聖鑒訓示謹

奏

即墨連捷設法蹙賊摺 同治六年六月初九日

奏為賊由海陽折竄即墨縣境勞山一帶意圖南竄官兵由西南緊躡進剿連獲勝仗賊復回向東北平度萊州奔竄現擬相機攔截期於扼守膠萊河為合圍聚殲之計恭摺仰祈

聖鑒事竊 臣前於五月三十日將追賊至平度州境馬蘭堡接仗獲勝具報在案初七日奉到

諭旨該逆向東北連夜急竄丁寶楨飭令前敵各軍分投追剿惟逆股人數眾多騎又剽急恐其誘兵東追乘間折回膠莒南竄沂郡丁寶楨當妥籌兼顧杜賊回竄不可專事尾追致賊延蔓等因欽此仰見

奏稿卷二

奏

聖訓周詳決勝千里無任欽佩 臣於前次拜摺後連日迭據探報該逆被懲後日行益速二十九日已竄出萊陽前敵各軍仍躡其後三十日竄及海陽 臣料該逆必竄甯海入福山奔黃縣出萊州一路當飭道員王成謙於初一日帶營武各營馳赴萊州並囑其緩為進取俟賊入福山黃縣後再行於招黃兩縣分兵扼紮杜其出路以待援師合勦正布置間接據連日探報賊至海陽境內初二日向東北駛竄有擾甯海福山之勢乃行二十餘里忽折回海陽趨即墨沿海南竄初三日擾及金口我軍於初三日亦由三家園下鮑村等處向西南跟追已至五龍河等語 臣以賊既回竄即墨金口勢必由膠州一路竄出莒沂遂將萊

奏稿卷二

奏

州一軍撤回平度擬於初五日移駐膠州截其南竄之路旋接藩司潘鼎新來函以統帶鼎軍於初五日巳刻可抵平度商辦一切 臣略為停候是日潘鼎新帶隊趕到即與面商以 臣移駐膠州扼賊南竄平度為西竄大道即令該司暫駐以資堵截 臣遂於初六日拔隊初七日午刻馳抵膠州接據王正起等並即墨縣稟報該逆於初三日竄至金口後我軍於初四日亦抵金口賊知官兵追至即於是日由金口竄向即墨縣城各軍於初四日五更拔隊由金口追至雙山適賊攻撲民圩聞我軍追至踉蹌奔竄衣服器物遺棄載道救出裹脅二三千人賊竄撲即墨縣城經即墨縣知縣楊鴻烈督率團勇開礮擊退並出城追剿小有斬擒賊向勞山一帶竄逸是晚我軍亦抵縣城西南三里莊駐紮鄉民見官軍一到紛紛泣懇以勞山避難富戶極多亟求救援總兵楊飛熊副將王正起已革總兵王心安等詢悉賊眾在花院山鐵基口內相去三里莊十五里之遙肆行焚掠各軍挑選八成隊伍在城南取齊楊飛熊率領吉勝四營由正南進勦王正起率領振字六營由東南進勦王心安率領東治六營由正西進勦三軍一齊搶撲山口是日陰雨初晴該逆不料我師深入猝不及備四路驚竄王正起等率眾分頭趕殺斃賊甚眾我軍乘勢直搗自大廟至石町連破賊路十數莊馬賊以山徑不便乘騎皆下馬接戰抵死抗拒我軍均以刀矛儘力對殺後用

小槍連環繼進賊眾敗潰共斃馬步賊三千餘名生擒長髮數十人救出難民七八千人奪獲竹桿長矛無算王心安陣斬馬賊一名髮長二尺有餘皓白如雪詢之生擒髮賊皆云李姓曾封偽王現帶萬餘人等語即將首級懸示城門此次接仗王正起等以山徑叢雜恐各勇搶馬失事隻騎不准掠取所有賊遺騾馬均經殺斃時已二鼓始行收隊即在勞山口對面土嶺駐紮與賊相距僅八九里初六日辰刻我軍正擬出隊驟見該逆馬步無數從鐵基口山上下蜂擁而出我軍視賊騎過多未可輕進排列連環槍礮對賊轟擊該匪漸退仍歸入山口楊飛熊等以賊情詭詐必須設奇制勝會商於夜間潛偷賊營另選勁旅作

奏稿卷二

三

為接應是夜三鼓王心安率親兵二百人悄入山口行未數里四面山凹中喊聲振天陡出悍賊數千人磨聚而至王心安見賊勢過猛率眾衝殺而出適楊飛熊王正起率隊接應賊正追趕間被楊飛熊王正起帶眾橫衝吶喊截擊賊眾大亂王心安亦帶接應後隊隨擊斃賊約千餘人該逆自相踐踏屍骸遍野踉蹌奔潰昏黑之間未定竄向何處我軍暫行收隊因黑夜偷營哨弁勇丁受傷陣亡者約有數十人俟查明具報等情前來伏思此股逆匪既悍且眾兼以我步賊騎勢有不及而前敵各軍窮追日久深虞疲乏為賊所乘幸將士效命兩日之間迭獲勝捷稍挫兇鋒惟期各軍早日會集一鼓殲除庶足上慰

宸廑至 臣前接督 臣李鴻章來函以議定扼守膠萊河蹙賊海隅用收聚殲之效且約暫緩窮追實為上策 臣現極力照辦迭飭前敵各軍與賊羈縻偏出西南向東北遠逼 臣自行由西南攔截其回竄沂莒潘鼎新截其回竄平度皆冀漸次逼蹙以期集事惟膠萊河沙淤水淺縣長三百餘里能否確有把握未可預知現據探報及前敵來稟以賊經兩日擊敗後業經向膠州南竄行十餘里探知膠州有兵仍折向東北萊陽萊州一路奔竄 臣前與潘鼎新商定以賊走萊州即令該司移駐昌邑扼其西竄 臣擬自督王成謙所部常武各營確切探明後由膠州移駐高密仍防該逆南趨截其歸路現在督 臣李鴻章所派各軍均已

奏稿卷二

三

速進因道里太遠一時遽難趕及 臣僅就現有各軍相機分布不遺餘力所慮萊州萊陽以西一片平原 臣以一軍跟追兩軍攔截中間懸隔幾二百餘里能否扼截殊難期必惟 臣責任封圻既不能不為久遠之謀共圖滅賊又不能不救目前之急冀固完區是以前敵各軍不得不令其跟追又不可令其窮追祇得諄飭其由西南步步緩逼與賊牽制不即不離期合機宜而收遠效除再將以後辦理情形隨時具報外所有初五初六兩日勦賊獲勝並設法蹙賊各緣由理合由驛馳奏伏乞

皇太后

皇上聖鑒訓示謹

奏

奏稿卷二

无

會築河牆防局未能遽定摺

同治六年六月十八日

奏為會合淮軍分段築守膠萊河牆甫經動工探報賊已南竄防局未能遽定恭摺馳奏仰祈

聖鑒事竊臣於本月初九日將前敵各軍在卽墨勦賊獲勝該逆折竄東北各情形馳報在案十三日接奉

諭旨賊蹤飄忽若乘官軍未集聞風遠颺辦理又無把握卽著李鴻章飛檄各路兵勇迅往兜擊毋失機宜丁寶楨亦當督飭東省各營會同扼勦務將此股賊匪就地勦除

勿令兔脫等因欽此仰釋

聖謨莫名欽誦迭據探報該逆自卽墨敗潰後折竄萊陽於初九初十一等日由萊陽境內竄及招遠黃縣等處

奏稿卷二

罕

前敵各軍仍在後追躡十二三十四等日有竄入登福之報臣查該逆奔突數省已成流寇非偏困一隅四面兜

擊難期奏效臣前擬將該逆逼歸登福於招遠甯海黃縣萊陽分紮扼勦苦於兵力不敷曾經函商督臣李鴻章會

辦嗣於本月初五日接李鴻章來函議就膠萊運河設守再移守運之師接防膠萊河騰出各軍躡賊緊勦取勢較

寬逼賊較穩臣再四籌度於目前辦理情形誠為扼要之策亟應竭力照辦臣自平度移軍膠州後卽暫駐數日以

顧南路兼待各軍之至十一日藩司潘鼎新自平度移紮新河開提督劉銘傳亦於十二日進紮膠萊河西岸之瓦

廟口接據總兵董鳳高沈宏富來函該兩軍於十八九日

亦可到膠查膠萊河自北路海倉口至南路膠州之柳林口計二百八十餘里臣與劉銘傳等迭次函商自海倉以北尚有沙灘潮退時約餘長百餘里潮至時亦數十里不等該處灘岸不堪紮營築壘潘鼎新力任其難自海倉口守起中間折向濰河築牆扼守至新河關止約五十餘里劉銘傳自新河關守至大成寺約百零數里自大成寺以南六十餘里至吳家關擬歸奇鳳兩軍接守臣所部道員王成謙常武十營及臣親兵一營自吳家關守至柳林口計六十八里柳林口以南至塔埠頭十五里潮汐往來大半淤泥營牆均不能修築必須設法堵扼臣前於十三日拔隊赴海倉口行三十里聞賊有回竄西南之信臣即行

奏稿卷二

望

折回改道由高密前進以遏之十五日行至朱陽集探無賊蹤適知潘鼎新已商定在海倉口駐守臣遂於十六日仍折回膠州督飭王成謙各營於柳林口至吳家關一帶分段築牆又恐地長兵少難於分布復飭膠州副將玉山調發膠州兵一百三十六員名又添募壯勇九百名協同堵築銘鼎兩軍日內亦均已動工其吳家關以北至大成寺一帶俟奇鳳兩營到時即催其一律趕辦此河久經淤塞隄岸均係沙土統計每營汛地均皆五里有餘兵力殊嫌單薄現就目前竭力布置但冀賊迂迴數日防局或可有成乃十七日甫經開工是晚即接探報賊股自竄福山後狂奔三百餘里南竄即墨馬山一帶又據常武營馬探

回稱十七日清晨行至離即墨十五里之山頭圩見即墨西南北三面皆有馬賊環繞沿途探問即墨東北一帶直至七級村均係賊隊距膠僅六七十等語細揣賊勢大股均竄即境必由馬山向西南回竄圖向膠境南奔現在河牆甫經動工基址未立東軍以五千餘人布散六七十里閒無可憑扼非特無以杜賊奔突設遇大股搶撲軍勢渙散潰敗堪虞臣再四思維現飭王成謙一面於東北派探哨望一面仍趕築河牆得辦且辦以期力就防局如賊於日內銳意衝突亦惟有將各營挨段調齊盡力迎勦但得一擊為幸斷難兼顧防局轉致失機無補臣迭接李鴻章來函切囑臣暫緩追勦恐賊驚避脫走臣查此次賊竄

奏稿卷二

望

東境到處均未敢攻撲城圩皆以緊追之力前此軍勢未集防局未辦若諸軍離賊稍遠誠慮該逆得暇攻破城寨肆行蹂躪且仍路路可以竄逸臣因屢飭前敵一軍繞出西南追躡遇賊仍擊逼入東北一面嗣聞賊至福山已入海隅即飛調各營暫回膠州協守膠萊河藉以休養傷病俟防局一定即會合淮軍進勦現在各該營一時未能即到頃又飛飭由平度境內繞出賊前迅回膠州究未知能否趕及今膠萊河僅銘鼎兩軍及臣部各營已經施工其自大成寺至吳家關一節尚未動手惟均係甫經草創一有賊傲動虞牽掣以後防局能否有就屆時再行馳報茲謹將現辦及探報賊情恭摺由驛具陳伏乞

皇太后

皇上聖鑒訓示謹

奏

奏稿卷二

聖

修整河牆並北路勦辦梟匪摺同治六年六月二十九日

奏為近日賊勢未動亟籌修整河牆以杜竄逸並籌北路勦辦梟匪各事宜恭摺仰祈

聖鑒事竊臣於本月十八日將會合淮軍分段築守膠萊河牆等情馳報在案本日奉

上諭運防膠萊河防均待月餘之久賊蹤飄忽必不肯坐困登萊似應量為變通節節橫擊等因欽此仰見

聖謨廣運指示周詳無任欽感竊捻逆自十七日盤擾即墨後圖向膠州一路南竄二十日夜大麻灣柳林口東岸

賊騎往來窺伺大股相距僅三四十里維時河牆未就各營堵築站隊頗費經營幸得阻遏二十三日調回前敵各

奏稿卷二

聖

軍馳抵膠河東岸二十四日臣冒雨巡視河牆調船接渡各軍兩日後始抵西岸臣初以五千餘人扼守吳家閘至

柳林口六十八里其柳林口以南十五里不堪築牆仍須設法堵扼兵力本極單薄茲各軍調回揆段填紮兵力稍

厚而吳家閘以北至劉家莊十五里改歸東軍接防臣即撥派四營補紮飭其趕築河牆日內可以竣工藩司潘鼎

新因海倉口不能設守由新河口改向夏營灘河守至夏店計六十餘里平地築牆三十餘里兵力甚薄臣又分派

四營前往協助查膠萊河現因連日大雨水漲丈餘大麻灣以南水已突過河牆該處本無隄岸沿灘築牆多形坍塌日內雨意漸止水勢即見枯乾河牆現須重加趕築惟

該處多係漫灘沙性鬆弱非有重兵扼守難期完密柳林口以南至塔埠頭十五里雖經雇募民船安設槍礮暫資堵禦水落後亦須重加查勘嚴為設法其各營河牆均有衝損之處現飭其隨時修補不任疏玩至淮軍分防地段河牆亦漸次修築完備似此防局粗就自應力求完固以俟李鴻章換防諸軍到時即行抽軍會合進剿惟防地縣長數日後水落牆單扼守極為不易幸李鴻章添派宋慶王永勝兩軍陸續前發計日可到兵力較足至將來進剿事宜 臣自應亟籌重軍會合淮軍竭力辦理又恭讀

諭旨煙臺防軍是否足用奉天所留天津之洋槍隊五百名昨已據都興阿奏令回津著崇厚探訪情形妥為調度

奏稿卷二

聖

等因欽此 臣查煙臺在膠萊河東防局若成該處較形喫緊前經通商大臣 臣崇厚派來洋槍隊五百名防堵極為得力 現一面咨商崇厚酌度如奉天之洋槍隊回津後可否能令再赴煙臺會合前隊協防請其察看籌辦本日復欽奉

諭旨直隸晉州等處梟匪經劉雲鶴鄧在仁等分投追剿武定等處梟匪充斥又逼近捻氛難保不旬結為患著丁寶楨嚴飭地方文武各官實力勦捕等因欽此查此股梟匪 於六月二十四五等日迭據東昌府知府龔易圖二十日稟稱直隸晉州梟匪經官軍擊敗後餘匪二三百騎南竄曲周縣境裹脅人眾搶劫馬匹嘯聚已及七八百名

十九日竄至臨清州之子溝集二十日又由曲周之布村寨竄入館陶之張官寨柴家寨等處直逼館陶衛河西岸等情續據臨清館陶邱冠等州縣稟報情形大略相同當即飛飭龔易圖抽調防河東軍華字營勇五百名壽張營兵二百名前往勦辦其所遺防守汛地亦經檄飭委辦黃防之候補道張文林移紮張秋與直軍會同兼顧旋據龔易圖復稟張秋防務已面商駐防該處之直隸臬司張樹聲派隊兼顧該府於二十一日抽調東軍前往堵剿辦理尙為迅速 臣恐該府帶兵單弱又咨調提督傅振邦督帶所部青州兵七百名遊擊郭大勝勇五百名並調守備王萃馬隊二百名會同前進二十八日接龔易圖稟報該逆

奏稿卷二

聖

竄至館陶境後經釐局委員馬映奎緝捕委員耿光祐先期雇募壯丁五百名會同東昌營參將韋應麒於二十一日夜拔隊進剿該梟匪聞風回竄邱縣屬之馬頭村古營城等處向直境奔竄二十三日官軍仍前追剿華字等軍已抵館陶業經飛飭合隊勦辦等情 臣查此股梟匪若不亟為籌辦旬結嘯聚深恐蔓延惟慮該梟等兵來則散兵去則聚終無了局刻下雖已回竄自應會合直軍極力兜圍以期撲滅 臣已飛飭龔易圖會同傅振邦督飭各營會合直省追剿之兵實力辦理不得稍形鬆懈其武定府一帶亦已飛飭該府飭屬一併搜捕以防旬結如該梟等聞兵即散已密囑該府將所帶各隊潛布要隘處所嚴督各

地方官購綫密探四處搜拏庶幾根株可絕惟龔易圖前
經奏派辦理張秋防務刻下該府所屬館陶莘冠等縣均
與直境毗連臣已飭該府仍回東昌督飭各營專辦勦梟
事宜俾無旁貸其所遺黃防汛地除經張樹聲派隊兼顧
應飭候補道張文林一律會商照料以期周密所有賊蹤
未動現辦膠萊河防並北路勦辦梟匪各事宜理合恭摺
由驛馳奏伏乞

皇太后

皇上聖鑒訓示謹

奏

奏稿卷二

七

擒撲膠河官軍擊退現辦梟匪摺同治六年七月初五日
奏為擒逆全股搶撲膠州河防經官軍擊退並陳梟匪被
勦回竄直境現籌辦理情形恭摺仰祈

聖鑒事竊臣於六月二十九日已將修整河牆期於杜賊
竄逸並飭軍籌辦梟匪各事宜馳報在案查臣軍汛地係
通諸莒大道麻灣店口一帶又向為該逆南竄要衝歷訊
擒匪皆稱賊亟圖向膠州一路過河往青口歇息為斫取
竹竿之計自前月二十日河牆甫築馬賊即不時窺伺二
十七日後雨勢既止水勢陡消自店口以南河牆被雨衝
塌之處各該營因沙土鬆軟舊牆旋旋旋壞重立基址晝
夜堵築倉卒未就初一日辰刻平字右營汛地突見賊騎

奏稿卷二

七

數十匹烏水偷渡該營斃賊三名擒獲賊目李明山一名
賊騎遂遁是日巳刻賊股全渡沽河先以悍賊數百騎直
逼膠河東岸至店口一帶以洋槍礮轟擊河牆係屬吉勝
營汛地新牆甫經草創勢甚喫緊總兵楊飛熊督飭各營
力堵抽出親兵一營上下策應施放連環槍礮斃賊三百
餘名相持至未刻賊始向北略退繼而大股三四萬人廣
至分為二十餘起布列河岸猛撲闖子集常武軍曹標營
汛地道員王成謙親督洋礮隊登牆固守連發開花礮擊
斃賊數十名賊始向東南略移里許旋又紮定賴逆一股
緊撲吉勝營河牆任逆一股仍猛撲曹標營河牆王成謙
分飭都司高福德帶親軍一隊協同曹標營站牆連開炸

礮斃賊二百餘名又飭洋礮隊營官焦宗良協守吉勝營汛地王成謙親督大礮移向吉勝營河牆對准賊股連次施放將該逆紅藍白大旗轟倒斃賊數百人相持三時之久賊股盡向東南竄王成謙即飭參將李炳武帶馬隊一營渡河緊追直至沽河西岸砍斃賊約二百餘名奪獲大旗二十餘桿騾馬驢百餘匹營官李楹焦宗良等抽選奮勇助擊尾賊斬殺百數十名生擒百餘名沽河水勢較盛該逆被官軍擊敗後又被馬步隊追勦不辨深淺捨死爭渡淹斃一千數百名溺死驢馬不計其數是晚賊向東北竄去連日探報該逆自平度一帶回竄萊陽境內據擒獲賊目李明山供稱賊中有洋匪二名句結洋人百餘名到

奏稿卷二

兗

勞山口與任賴相見仍令潛回購辦洋礮查該逆句買洋人軍火臣先已慮及於平度州境追賊時曾囑登萊道潘壽在煙臺嚴加防範茲據賊供尤應確查防備臣即飛咨各省通商衙門傳知各國領事嚴為稽查並咨登州鎮及飭該道多募師船分巡海口嚴查洋匪出入以杜句聚其有海口各州縣亦飭雇募船隻派役嚴查惟該逆此次雖搶渡未遂勢不肯坐困絕地以後漸次猛撲不可不防臣現飭各營晝夜舉工所有重築河牆數日以內可以粗竣自劉家莊以北經淮軍分段扼守自必足資堵禦臣已函致其一體嚴防惟北路海倉口一帶藩司潘鼎新因不堪築牆設法辦理自夏店之石灣口起北接淮河南接新

河口平地築牆計三十里又因濰河不可空虛潘鼎新騰出兩營商東軍會合堵禦臣已派東治四營前往頃據潘鼎新來函濰河自夏店至新安莊六十餘里水勢日瀉其淺處亦策馬可渡新安莊至海口三十餘里水勢較深然亦不可空虛無人等語臣初議在北路扼守自六月十五日由高密途次接潘鼎新等函稱北路均歸淮軍設防臣布守南路臣專顧南路又值情形喫緊連日親督各營築牆站隊已不遺餘力北路情形有銘鼎兩軍分布無須分顧日內宋慶一軍已抵河岸冀可迅為堵禦賊在東境臣惟當力籌勦辦庶可稍慰百姓之心昨前敵各軍暫行調回助守實以賊既有可圖之機亦不容貪目前而昧

奏稿卷二

平

大計然自各軍到防後河東城寨日來告急只得暫為隱忍負疚吏民愧痛交集臣竊以防局一定即應迅力進勦且防地過長延日遲久恐生他變臣現在趕辦河牆力求完密督臣李鴻章俟運防稍固自即撥軍換防臣仍一面函商請其迅催各軍前進以期早日勦辦冀可不失機會臣亟俟替防有人即得督飭東軍力勦以顧地方至北路梟匪前經竄至南館陶一帶被官軍追勦竄回直境後前據東昌府知府龔易圖稟稱二十三日委員馬映奎耿光祐等追賊至邱縣之馬頭村一帶賊聞風竄逸搜捕餘黨張七等五名皆係積年猾匪伏匿僻村暗為句煽當即訊明正法二十四日該員等會同邱縣知縣程惠昌出境追

勦至曲周縣之龍瞳一帶僅騎賊二百名已向曲平等處
狂竄所有句結餘匪均各散盡獲賊目楊五一名殺賊四
名奪馬五匹該員等因連日窮追糧盡且直隸官軍已由
曲周境內向北接追因巡哨至鐘鼓集一帶二十六日仍
回館陶等語查此等匪股無兵則聚兵至則散是其故習
現經龔易圖飭參將黃兆昇帶華字營暫駐臨清之下堡
寺東昌營參將章應麒暫駐館陶壽張營遊擊陳占龍暫
駐邱縣之馬頭村如賊蹤回竄仍令出境勦辦若賊勢日
遠擬令壽張營先回河防華字東昌兩營仍駐臨清以資
彈壓耿光祜等素能密查伏匪蹤迹飭令廣布眼綫搜捕
黨類以絕該匪句結之萌至臣前咨調提督傅振邦督帶

奏稿卷二

至

青州兵七百名郭大勝勇五百名會同華字等營前進現
在賊股雖經竄散惟根株未盡仍虞句聚現令傅振邦仍
暫駐館陶臨清之間查看無事再行回駐原紮汛地會合
直軍防堵河岸所有捻逆搶渡膠萊河防經官軍擊退並
籌辦梟匪各情形理合恭摺由驛馳陳伏乞

皇太后

皇上聖鑒訓示謹

奏

協守濰西添營籌勦摺 同治六年七月二十日

奏為派軍協守濰西現經添募新營亟籌進勦並捻逆搶
撲新河口隄牆經豫軍擊退各情形恭摺奏祈

聖鑒事竊臣於本月初五日已將捻逆撲犯膠防被官軍
擊退並籌辦直境梟匪情形馳報在案臣與提督劉銘傳
藩司潘鼎新等籌築膠萊河牆北起夏店南至柳林口牆
工業經完整值南路水勢消落柳林以下又添出崔家渡
二十里急應堵築臣已勻撥四營一律築牆扼守漸可竣
工迭經總兵宋慶督帶豫軍六千人於初二日馳抵新河
口當即協同銘軍在該處堵紮總兵王永勝督帶開字營
於初十日到膠臣即騰出常武十營汛地讓開軍接守於

奏稿卷二

至

十二日換防即飭道員王成謙督帶常武營前往濰西填
紮空虛之處查此路初無防軍經臣前次酌派東治四營
會同鼎軍兩營築牆堵禦南起夏店北至辛安莊計四十
五里因兵力過薄特派常武十營前往擬抽回東治四營
令其先行渡河以備勦擊之用王成謙於十六日到防後
即將常武八營接東治營所守三十里汛地自辛安莊北
至下營六里尤為淺狹即派兩營趕築河牆一律設守據
王成謙確勘地勢因水勢消落與潘鼎新初次履勘之時
情形較異自下營至海口尚有四十餘里其小蛇廟魚里
鋪兩處水勢最淺已留東治四營暫緩南來即令就近布
紮恐兵力仍薄臣復咨調青州駐防兵八百名到彼處協

守惟竭力布置仍屬暫顧目前之計以後恐水勢日落下營至海口四十餘里須俟李鴻章調軍趕到仍應通築長牆方為周密昨接總兵宋慶來函十六日寅刻該逆撲犯新河口隄牆經該總兵督飭營官千總程允和力堵擊斃悍賊四五百名該逆仍致死猛撲適遊擊蔣尙鈞帶親兵三百人趕至奮勇直上各將士勇氣彌厲施放槍礮不絕該逆紛紛敗退復經該軍過河追勦斃賊極多奪獲騾馬四五百匹器械包裹無算復生擒老賊趙深王羅等三十餘名訊明正法頃據探報該逆向北奔突距下營等處僅三四十里深恐乘虛搶渡殊深焦灼迭接李鴻章來函約於月內可以啟程並擬酌帶萬人東來再抽運防各軍陸續進勦

奏稿卷二

奏

以河東圩寨急須援救且秋收在邇亦須有兵前進民閒始敢刈穫 臣兵三十一營現在南北分顧萬不敷用是以暫令各營共添募步隊九營馬勇五百名擬抽出防軍四千人令已革總兵王心安統帶過河躡賊覓戰以顧城寨兼助百姓秋收其抽出防軍地段即令新營補紮詎北路喫緊該革鎮四營不果南來 臣現擬飭東治營遊擊張勝全馳往濰西暫統北路所留四營仍飭該革鎮趕即回膠俟新營到齊即酌抽八營先令督帶進勦該革鎮尙知愧奮前在平度即墨迭以數十騎衝入賊隊連次接仗尙為得力今擬令其孤軍先進亟慰民望實屬勢不容已餘俟運河防軍來膠換防 臣再酌抽萬人協同進

勦至直境梟匪聞已竄至霸永一帶逼近京畿必須亟為撲滅 臣每一念及心急如焚不敢以距東較遠稍形玩忽現飭東昌府知府龔易圖嚴防本境句結但冀直兵擊賊南竄即派所紮臨館各處兵勇會合直軍極力痛勦以期消寇患而固地方合併聲明所有派軍協守濰西現在募營籌勦並豫軍擊退捻匪各情形理合恭摺由驛具奏伏乞

皇太后

皇上聖鑒訓示謹

奏

奏稿卷二

奏



擊散江境土匪力籌會勦片

同治六年七月二十日

再東省蘭刻與江南邳宿接壤素為幅匪出沒之區近年督飭該地方官嚴密搜捕長川巡緝漸稱安謐前據邳城縣知縣李煥稟稱探聞江省邳宿地方有漏匪高歸劉兆燦等分糾夥黨在於嵇灣堰頭成子岡等處嘯聚滋事而沐陽高塘溝陰平等處亦有土匪竊起當經批飭該縣督率團勇實力防範並移咨江省督撫飭屬勦辦一面飛飭沂州府長賡帶勇馳赴邳宿交界地方會同堵緝迭據該府稟報六月十八日夜間有邳境高板橋漏匪高歸又名高懶仔劉兆燦股匪三百餘人假扮逃難鄉民逸入蘭山邊境詭踞張家民圩焚掠該府聞信後即會同沂州營都

奏稿卷二

奏

司官錦堂親督兵勇於二十二日馳往勦辦該匪聞風卽於是夜乘雨棄圩逃竄該府等跟蹤追擊於二十三日追及於蘭境之郭里村西北黃山卽督飭兵勇上前迎擊殺賊二十餘人該匪四路敗竄因連日大雨道路泥淖不便窮追二十九日該府等又逼之於蘭境之青山套該處舊有避難村民在山頂修築圩寨石牆繚繞該匪避逼逸入其中負隅死拒該府等奮力仰攻斃賊多名各兵勇乘勢搶入山寨擊斃悍匪四十餘人生擒王四劉先禮二名卽行正法奪獲擡礮十五尊旗幟槍械數十件救出被擄男婦數十口該匪棄馬擲械爬山逃遁餘匪竄走邳境之董家堂石埠等處除傷斃逃散外僅贖五六十人並無槍械

詎該匪竄回邳境後旋又句踞芝麻灘民圩經江省派

參將張保聖遊擊陳書廷等督率馬隊追及圍攻該府等聞信後亦卽帶隊飛馳前往該匪復棄圩南遁七月初六日該府派弁探至合溝地方聞張保聖是日在白馬河與匪接仗適遊擊陳書廷馳赴近村調團協助由小河繞路突遇賊伏陣亡該匪竄抵邳境之堰頭一帶現在安徽撫臣英翰已派提督黃秉鈞參將牛師韓等酌帶馬步三千人馳赴邳宿會勦該府長賡督帶勇隊分布邳城所屬重坊西南一帶以便會合相機堵擊查此股土匪屢經斬殺勢極窮蹙惟沂屬與江境毗連各州縣向多伏莽深恐煽惑蔓延必須早日殄滅方保無虞臣以勦辦任賴股匪正

奏稿卷二

奏

在臬緊兵力難分已嚴飭知府長賡督募舊設勇丁並飭邳沂各縣會同江皖各兵一體相機認真兜擊務期早爲撲滅以靖地方所有竄擾蘭境土匪迭經官軍擊敗仍復回竄江省現仍會勦各情形理合附片具奏伏乞

聖鑒謹

奏



丁文誠公奏稿

卷之三目錄

擒逆竄過濰河調軍追勦摺 同治六年七月二十三日

勦辦回竄梟匪片 同日

擒竄莒沂分路追勦摺 同治六年七月二十九日

請 飭李鴻章統籌全局片 同日

擒竄江境暫駐沂州並北路勦匪摺 同治六年八月

擒竄邳宿移軍防勦摺 同治六年八月十一日

擊獲濟陽臨邑匪首請獎摺 同治六年八月十一日

利津海口現難疏濬片 同日

暫駐沂州分兵布紮摺 同治六年八月十九日

奏稿卷三目錄

擒竄郟城經勦折竄江境駐沂扼擊摺 同治六年九月初一日

督師大臣倒置是非請 派重臣查辦摺 同治六年九月初三日

沂匪就擒地方肅清摺 同治六年九月初七日

擒股西竄派兵截擊摺 同治六年九月十四日


擒撲蘭陵迎勦獲勝並派軍截擊摺 同治六年九月二十日

擊散竄東直匪片 同日

擒股北竄繞出泰安迎截摺 同治六年九月二十七日

鄉試展至下屆併科舉行摺 同治六年十月初三日

擒竄省垣督師扼勦摺 同治六年十月初七日



擒逆竄過濰河調軍追勦摺 同治六年七月二十三日
奏為擒逆由北路偷撲濰河全股回竄 臣 現據調防軍急馳追勦恭摺仰祈

聖鑒事竊 臣於本月二十日已將南路膠萊河牆一律築竣派軍協守濰西並籌軍先行渡河進勦等情馳報在案正在籌畫進勦間忽於二十二日卯刻接准提督劉銘傳函稱二十日五鼓擒逆偷撲濰河全股西竄擬即整隊進勦等因復接據道員王成謙稟稱二十日卯刻賊全股均抵海神廟以北土嶺屯聚距已革總兵王心安所分地段十餘里外馬賊撲竄河南王心安因該處無兵無牆不能聽其徑竄即督帶四營馳往迎擊斃賊千餘名而該逆馬

奏稿卷三

步數萬拚死搶撲勢如潮湧王心安極力拒戰復斃多賊該逆又於沿河上下十餘里分股猛撲王心安猶揮兵死戰陣亡營官胡祖勝一員哨弁七八名勇丁六七百名斃賊亦數百名奈兵祇四營廩戰良久眾寡懸殊無從扼擊王成謙於巳刻接到王心安之信惟時常武軍步隊均分布河牆河東均有賊馬游弋未便撤退該道即督帶親軍破隊四百名馬隊二百五十名並會同鼎軍馬隊一營前往策應甫出營門即見大股馬賊由東北沿牆直撲潮海集而來當即督親軍接仗炸礮洋槍更相轟擊步賊繼至該軍奮擊賊始由西南數里外竄去計斃賊目數名步騎賊數百名我軍傷亡亦數十名鼎營馬隊亦有傷亡常武

軍守牆各營得信後卽徑下牆守營賊股撲犯均經擊退該道當卽調齊隊伍跟蹤追勦等情前來臣聞信之下不勝憤懣查北路河防初議歸東軍駐守六月十四日臣在高密朱陽集接准藩司潘鼎新來函該軍與劉銘傳業已議定認守北路請臣卽折回膠州布防一切潘鼎新又以海倉口沙灘數十里不堪設守折繞平地三十餘里南接膠萊河北接濰河以鼎軍十營守之繼又以濰河西岸空虛無兵初次來函欲臣酌派數營協助臣原帶追勦之兵僅有十營以之分布柳林口至吳家口八十餘里萬無可撥嗣前敵各營調回卽派王心安督帶四營馳赴濰西潘鼎新以鼎軍二營會合扼守繼又以兵少地長函商東軍

奏稿卷三

再行分撥五六營以厚兵力臣時又添防柳林南二十餘里吳家口以北至劉家莊十六七里兵力難分至本月十一日淮軍開宇營到膠臣遂令王成謙騰出常武十營於十二日與開軍換防卽飭於十三日拔隊協助濰西原議抽回王心安四營以備勦擊之用臣以駐防南路距北路二百數十里迭據潘鼎新來函增兵正深疑慮卽囑王成謙於到防後確查北路情形詳稟查覈該道於十五日晚行抵濰東十六日會同王心安丈量海口潘鼎新因病未能乘騎不及同往昨據該道稟稱自石灣口起量至北海口止共計實有九十餘里均應通築長牆方能扼守與潘鼎新初次履勘之時情形較異需兵尙多該道知臣無兵

可分始稟報李鴻章速行添兵布守維時賊蹤相距新安莊祇三十里火光不絕該道以勢處偏迫不得不力顧大局以常武八營接守王心安所紮新安莊汛地三十里又勻出二營由新安莊以北紮至下營扼守自下營以上北海口三十餘里均係無兵無牆而魚里鋪海神廟二處尤爲淺狹潘鼎新與王成謙又議留王心安四營前往暫守飛稟到臣飛飭王心安速行移紮該處於十八日換防前往十九日始到二十一日接據王心安飛稟以該處海神廟以北尙有二十餘里應守之處無兵無牆現在賊勢已十分逼近恐被竄越臣以所部三十一營除抽調十四營協助濰西外南路八十餘里僅十七營布防已極單薄

奏稿卷三

北路空虛更無他營可撥臣前迭催李鴻章請迅調各軍前來該大臣輒以鄂軍未到爲辭躊躇緩發久深焦急竊自賊犯東境臣督師緊追不令停喘幸各州縣圩寨均尙保全自六月十六日回駐膠州會合各軍分築膠萊河牆並調回前敵各軍一律布守竭力經營實爲大局所牽冀就蹙賊海隅之議自前月十七日河牆開工該逆卽在南路窺伺二十餘日幸未竄越本月十五日該逆又窺伺北路十六日經豫軍擊退竊冀防局可就詎意濰西一路臣始終添至十四營盡力協助尙屬不敷分布以至空虛之地被賊竄越月餘之功隳於一旦焦憤填胸臣刻已撤調南路防軍擬取道高密安邱親爲督迫如賊南竄沂莒則

軍至安邱即可南向諸城進剿如賊由昌邑濰縣仍向原
路回竄臣當由青州馳赴長山章邱扼擊至萊蕪青石關
一路山徑較險該逆如由此西竄軍自青州進剿尙近至
此次力戰陣亡之營哨員弁勇丁容臣查明彙案請卹茲
謹將捻逆偷過濰西迅撤防軍進剿情形恭摺由驛具奏
伏乞

皇太后

皇上聖鑒訓示謹

奏

奏稿卷三

四

勦辦回竄梟匪片同治六年七月二十三日

再北路梟匪臣前經嚴飭龔易圖督率各營分路扼紮確
探如賊回竄較近卽行出境勦辦一面嚴飭各州縣查
拿內匪以杜句結茲於本月二十一日迭據龔易圖等稟
稱匪眾突於十三日回竄至直隸威曲交界之河北寨地
方當飭各軍扼剿並遣探濶入匪內探悉該匪定於五更
時偷劫官營參將黃兆昇等得信卽飛調分駐馬頭村之
東昌精捷兩營馬步會合一面整飭隊伍暗移營外東北
三四里許排隊埋伏留馬隊四十名在營駐守候匪眾來
撲卽行掩殺正布置間匪眾已全股撲至營前齊聲吶喊
所留馬隊當時出營格鬪誘敵該匪見我軍少四面包抄

奏稿卷三

五

該馬隊且戰且行漸歸大隊參將黃兆昇知縣耿光祐等
密飭隊伍排列槍礮嚴整以待該匪忽見大隊仍敢吶喊
齊進約有馬賊四五百名向前衝突勢甚兇悍我軍俟其
將近連放連環槍礮轟斃首先騎賊十數名餘匪中傷數
十人立時敗退各軍乘勢追殺適東昌營守備楊廷秀精
捷營守備王萃帶領馬步均由馬頭村趕到彼時天色微
明各員弁合軍急追至玉堂村左近該匪逸入村中適馬
映奎帶勇百名由館陶趕至卽併隊圍剿該村馬步奮力
齊進四面痛勦殺斃悍匪二百數十人奪獲賊馬五十六
匹刀子槍械一百七十八件餘匪受傷甚眾當時紛紛逃
散僅有馬賊五六十名拚死奪路奔逸我軍合隊直追遙

見該匪敗眾四路湊集不及二百均飛馬向南狂奔該員弁等揮軍緊追探知南面尖塚地方係屬衛河渡口恐其搶渡當合各隊繞向東面南追抵王莊地方該匪果折回東南奔竄正在王莊飲馬一見兵到立折向西南飛奔各軍極力追逐復斬獲後股餘匪十數人其餘匪眾搶命奔逃彼時天色已晚我軍連追帶戰盡一日之久人馬均不及食當進向尖塚覓食暫為歇息共計受傷兵勇數名陣亡六名容俟查明請卹現探該匪向西南張官寨一帶奔竄各軍定於四更仍行拔隊進剿等語查此股匪眾經此次大加懲創人數無多正宜乘此兵氣正壯一氣殄除現飛飭龔易圖等迅督各軍乘勝擊勦務期殲滅不准稍

奏稿卷三

六

涉鬆勁如直軍能即時趕到會合夾擊更可收蕩除之功所有勦辦回竄梟匪獲勝餘眾敗竄無多現飭速勦各情形理合附片具陳伏乞

聖鑒訓示謹

奏

擒竄莒沂分路追勦摺 同治六年七月二十九日

奏為擒逆撲過濰西由昌濰奔竄莒沂一路勢趨青口現督各軍分路追勦恭摺仰祈

聖鑒事竊 於二十三日將擒逆全股由北路撲過濰西王心安等軍力戰並檄調南路防營進勦各情形馳報在案拜摺後適總兵楊飛熊副將王正起暨東治四營各軍均已由防抵膠當即於是日卯刻親督前進行抵高密一面飛飭管帶常武營道員王成謙由濰縣向青州一路跟追迭據探報該逆由濰縣分股一竄安邱一竄昌樂臨胸均向西南奔竄等語是夜丑刻復據探報賊之馬隊於二十三日午刻竄踞安邱高密所屬之景芝鎮一帶距軍

奏稿卷三

七

七十餘里隨即令楊飛熊等迅速齊隊於二十四日卯刻親督前往迎勦詎行出高密四十里之金溝地方適值大雨祇得暫住二十五日卯刻督軍昌雨前進至三子莊地方距景芝十五里河水盛漲不能徒涉該處又無船隻正擬紮筏濟渡探報該逆已由景芝西南全數均竄向雹泉莒州一路勢甚飄忽等語以賊既他竄若再渡河徑由安邱進勦已落賊後且相去愈遠更難追及當由呈子莊改由諸城徑趨莒州冀可迎擊二十八日巳刻馳抵莒州接據道員王成謙稟報賊於二十五日巳竄過穆陵關二十六日該道督軍跟追過關賊俱竄西南沂水一路二十七日日該道趕至沂水賊又竄往東南似撲青口一帶而

去現仍督軍向東南緊躡其竄莒州一股據莒州知州陳兆發面稟賊於二十六日未刻竄距州城之正西西北西南各處二十七日馬賊二三千人撲近城關適由膠防撤回之徐州鎮總兵董鳳高帶兵過州適駐南關出隊迎擊城上亦施放大礮賊遂漸向西南一帶竄去現據探報該逆已竄距州城九十里之馬奇山一帶亦係往青口之道各等語查賊此次撲過濰西臣駐防南路相距過遠比及得信賊竄已逾二日追飛檄各軍行抵高密賊已竄過安邱正思催軍疾馳迎前一擊而該逆一聞兵到全數南竄又值大雨水發軍行節節阻滯及臣改由諸城至莒賊已竄過一日刻下賊蹤相去將近百里臣現飛飭道員王成

奏稿卷三

八

謙督飭常武各營由沂水緊跟前進臣親督王正起等軍擬走沂州府一路扼紮該逆若徑奔青口恐不過數日仍將回竄東境臣軍即可攔頭痛勦設該逆不果奔青口臣在沂州亦可乘其西竄盡力截擊臣惟有督飭各軍探賊所向設法力勦以殄寇氛斷不敢稍涉怠玩除俟追勦接仗再行馳報外所有賊現竄莒沂勢趨青口及臣督軍分道跟追截勦各情形理合由驛具奏伏乞

皇太后

皇上聖鑒訓示謹

奏

請 飭李鴻章統籌全局片同治六年七月二十九日再督臣李鴻章創扼守膠河之議實為勦辦流寇善策臣於六月初五日始接該大臣來函當允以十一營助守並即日由平度移軍膠州扼賊南竄之路嗣賊亦向東擾竄臣以機有可圖遂與提督劉銘傳等分段築牆李鴻章又迭次囑臣暫緩窮追將前敵各軍調回協防俟膠防辦定後撤運防之兵替接出勦臣亦慮該逆被追免脫並即調回前敵一律布守又幸各軍漸到兵力漸足該逆兩次猛撲均經官軍擊退防局漸有起色惟時疊奉諭旨嚴催李鴻章親臨前敵臣亦迭次函商請其迅發各軍陸續前來並請其進駐膠州督飭諸軍以速事機且言

奏稿卷三

九

凡遇諸事該大臣一到一札可了者臣與劉銘傳等往復函商十餘日尚不能了深恐貽誤言之非不剴切蓋膠河之防已就八九濰西一路空虛三四十里之地即使後路各軍不能即到若李鴻章早在前敵但飭各省防軍每營勻紮六七丈濰西空虛之地便可填滿該大臣仍以鄂軍未到躊躇緩發事機坐失悔何可追且運河防軍本為蹙賊海隅而設膠萊一路當各軍未到河牆未立之時辦理毫無把握則膠防輕而運防重及膠防已就八九自應急赴機會以竟全功豈容牽顧運防致昧當急之務今該逆已出牢籠若仍欲四面困逼再圖後舉則任逆雖愚決無再入膠萊之理若謂棄運東以資賊惟相與馳騁角逐

以圖後效則東蘇十府州之地關係至重又非十餘州縣可比豈容輕以嘗試且該逆南迫運岸必北突黃河李鴻章但籌運防未籌黃防其意以黃河天險無庸深慮然黃河毗連直東曲折幾及千里夏秋水漲自可無憂使各省兵力於八九月間便能滅賊則已若不能滅賊冬令冰合將有防不勝防之患彼時若以黃河歸東軍設守則賊在本境東軍四出追勦勢難兼顧防局若謂委之直隸非特兵力有限不敷調遣現在直境土匪迭發能否即時撲滅尙難預定東昌武定均與直境毗連土匪尤易潛滋若乘冬防喫緊之時或與捻逆句結則

畿輔攸關豈可全不顧慮臣曾與李鴻章婉曲函商謂近

奏稿卷三

十一

年尙無嚴寒惟立春前數十日最關緊要屆時或用礮船敲冰設法辦理時令之寒暖固難懸揣千里之堅凍恐非敲擊可以濟事李鴻章奏請防膠防運之時初未與臣商量及臣得信後始知運河之防本爲蹙賊海隅而設膠防就緒卽當撤調運河各軍陸續換防進勦其籌度機宜實爲不易之策臣自當竭力襄助冀就蹙賊之舉豈容苟爲異同今膠防隳守運河之防非獨無補於事抑恐有礙大局臣亦何敢緘默不言現在運河已辦而蹙賊海隅之說勢難再行臣職司守土刻惟有極力追勦至於統籌全局合無仰懇

天恩飭下李鴻章妥議辦理實於軍事幸甚爲此附片馳

陳伏乞

聖鑒謹
奏

奏稿卷三

十一

擒竄江境暫駐沂州並北路勦匪摺同治六年八月初四日
奏為擒逆竄入江境 軍暫駐沂州俟賊回竄迎勦並陳
近日北路勦匪事宜恭摺仰祈

聖鑒事竊 於七月二十九日已將擒逆勢趨青口 督
各軍分路追勦情形馳報在案 於八月初一日督軍向
沂州前進飛飭道員王成謙一軍由沂水一路緊躡賊蹤
跟追初二日 軍馳抵沂州接據王成謙來稟該軍躡賊
力追已於初一日馳抵十字路距江境三十里該逆避兵
疾趨已竄至贛榆青口一帶等語各營探報大略相同現
在提督劉銘傳等均於初三日由沂州南追東省王成謙
一軍前飭令其越境勦擊惟該軍冒雨窮追已十晝夜軍

奏稿卷三

三

士飢疲過甚其糧餼子藥因山路難行皆由莒州繞道前
進一時尚未趕到既令出境自應將糧餼軍火備齊庶免
前途掣肘是以令其暫駐數日一面視賊所向兼顧該匪
折竄東府之路一面催齊軍裝再為進止查擒逆雖竄入
江境不久仍將回竄 若再督各軍跟追不過一百餘里
即抵江境若徒慕越勦虛名該逆設一回竄必落賊後轉
致彼此兩失無濟於事是以暫駐沂州扼該逆回竄西路
要隘現擬督同沂州府知府長慶履勘地勢查看該逆如
由沂回竄何處可以設伏可以進兵一一審定即飭各軍
預為布置以待儻該逆回竄必可痛勦如該逆由邳嶧一
帶沿運西趨 亦飭長廣於邳州至沂州一路安設馬撥

連環探報一有賊趨嶧縣消息即時飛督各軍向臨城驛
一帶亦得迎頭攔勦至賊如回竄東府則 派紮十字路

之軍最為扼要王成謙一軍兵力尙單屆時或當酌撥一
軍前往協助 到沂後詢據長廣面稟幅匪高歸一股經
該府擊破後餘匪三十餘名逃竄四散現在沂境均就安
靖 查看情形相符仍面飭該府嚴搜逃匪以期久安連
日疊據東昌府知府龔易圖稟報直境匪股經東軍於七
月十四日在馬玉堂村擊敗後各營乘勝窮追十六日馬
隊先至廣平之平堦集被賊暗伏衝突傷折馬兵十二名
二十日華字各營在館陶之市村接仗獲勝並從賊中奪
回直軍哨弁邢福盛一員身受數十傷始詢知是日總兵

奏稿卷三

三

劉雲鶴追賊至市村猝不及防為賊所乘以至失利後東
軍趕至擊敗各匪始將該弁救回總兵劉雲鶴及各兵勇
均不知奔往何處嗣據邱縣查明稟報總兵劉雲鶴等聞
已陣亡賊是日被東軍追勦遂狂奔曲周西境又據稟稱
此股匪徒實係直東兩省餘匪在直境容城等處結股謀
叛其中匪首不一直境匪首楊三一名經直軍陣斬臨清
匪首王五一名經東軍陣斬尙有匪首張姓李姓一係南
樂人一係下堡寺人又館陶縣知縣鮑瑞駿密獲匪首胡
三一名供稱與匪徒約合擬句聚二三百人起事尙在審
究未即正法現在餘匪僅存二百餘名並不殺掠暗伏村
中遇步隊則極力狂奔追之不及遇馬隊緊追則結羣死

關稍不措意多為所乘直東各軍此勦彼竄是以未易得手臣現飛咨提督傅振邦督帶所部青州兵七百名遊擊郭大勝勇五百名會同龔易圖辦理所有華字營東昌營均歸調度並挑合馬隊二百名馬勇二百名令范縣營守備姚鴻烈管帶亦歸傅振邦調遣一面會同龔易圖嚴防衛河仍會合直軍相機進勦務期殄滅餘孽所有捻逆竄入江境臣軍暫駐沂州及近日北路勦匪事宜恭摺由驛馳奏伏乞

皇太后

皇上聖鑒訓示謹

奏

奏稿卷三

四

捻竄邳宿移軍防勦摺同治六年八月十一日

奏為捻逆現竄邳宿臣軍擬拔赴嶧縣一帶以扼回竄恭摺仰祈

聖鑒事竊臣於本月初四日已將捻逆竄擾贛榆青口臣軍暫駐沂州等情馳報在案查道員王成謙一軍經臣派十字路防扼東面初四日晚王成謙探知賊匪分股膺聚沙溝平上一帶與該營相距六十餘里王成謙乘夜在桑家莊設伏抽選精銳擬劫賊營疾馳六十餘里賊股又向東奔竄隨據日照縣稟報該縣境內復見賊蹤查日照與青口贛榆壤地毗連臣恐賊勢復趨重東路王成謙孤軍防扼兵力過單因飭王正起王心安兩軍於初六日拔赴

奏稿卷三

五

十字路與王成謙一軍連袂並令其向日照邊境探賊進擊臣督楊飛熊一軍仍駐沂郡值李鴻章於初八日督師到沂臣與面商一切是夜探報賊由海贛向西南紛竄臣因東北已無賊蹤即飛調王正起王心安兩軍回沂預備截勦一面飭派楊飛熊一軍於初九日出隊探賊迎勦該軍疾馳五十里至李家莊僅見賊騎二十餘匹楊飛熊督隊過河探聞賊股仍由南竄相距甚遠未及見仗隨據鄰城縣知縣李漢稟報是日申刻賊股自海州紛竄該縣東北鄉並撲近城關適原駐該縣之皖軍參將牛師韓等接戰甚力該令督飭勇丁策應頗有斬獲賊向西南奔竄疾走邳宿一路李鴻章於初十日由沂督師馳赴臺莊臣維

賊走邳宿必圖撲密灣一帶渡運若搶渡不遂勢將沿運北趨由嶧境西竄充濟逆蹤剽疾若待其由邳竄出嶧境臣軍駐紮沂州勢必又落賊後是以預派楊飛熊一軍於初十日拔隊進紮蘭陵鎮臣定於十二日親督王正起王心安兩軍向蘭陵鎮一路繞行進紮一面確探賊情如賊過臺莊必將由嶧窺伺充濟臣軍即可在滕鄒一帶迎頭扼擊如賊仍由邳境回竄沂屬則臣由嶧境回勦亦尙出賊之前至王成謙一軍臣拔隊後即令移紮沂州以防東北一面該逆飄忽靡定此防彼竄前扼旁脫是其慣技臣惟目下情形移紮嶧境軍勢似較緊湊緣該逆雖入江境不久定將回竄總宜預定截勦之路庶不致軍行處處落

奏稿卷三

六

空於勦事乃能有濟所有捻逆現竄邳宿臣軍拔赴嶧境駐紮情形謹恭摺由驛具陳伏乞

皇太后

皇上聖鑒訓示謹

奏

拏獲濟陽臨邑匪首請獎摺同治六年八月十一日

再濟陽縣團匪王汝訓係疊次奉

旨飭拏正法之犯同治三年經臣在臬司任內隨同前撫

臣閻敬銘拏獲正法本年五月捻逆竄擾東境濟陽一帶

河防正形喫緊該匪之子王長吉散帖聚眾倡為聯莊聚

團之事密圖叛亂在距城三十里之俎豆莊私立團局按

畝斂錢經濟陽縣知縣汪昉訪聞會營前往查拏該匪聞

信遠颺隨將匪局折毀詎王長吉始終怙惡復商同臨邑

匪首孫傑剛煽合匪黨三百餘名羣聚縣屬之王家塚大

寺內斂錢取米劫掠馬匹剋期起變逆勢漸張經濟南府

知府蕭培元濟陽縣知縣汪昉及防河副將張得魁等稟

奏稿卷三

七

報前來臣即飛飭該府縣及副將張得魁等帶兵密速勦

辦並飭副將莫組紳一體協勦茲據蕭培元等稟稱七月

二十六日汪昉確探該匪仍在王家塚大寺未動即密商

張得魁帶隊會勦是日戌刻張得魁帶勇乘夜銜枚疾走

至城外汪昉即會同濟陽汛外委尹畊帶領營兵二十名

探明路徑為該副將前導維時張得魁慮賊有外援商明

莫組紳督帶各哨由西南扼截濟南府知府蕭培元亦帶

省城防勇二百名同時趕到是時天未全明寺門未啟蕭

培元張得魁等督飭營勇先將王家塚四面圍住吹號疾

趨大寺該匪一聞號聲倉卒驚起各上牆施放槍礮拒敵

張得魁揮軍猛攻各匪拚死撲竄營勇奮力圍勦共殺斃

三百餘名卽於二十七日已刻將賊股全數殄滅一無漏網守備丁正先身受刀傷奮不顧身立將匪首王長吉生擒守備張嘉麟生擒匪首孫傑剛一名汪昉尹畊等亦將散帖聚衆之王曰佑並知情同謀之地方李長秀等卽時擒獲其餘勇丁陣亡受傷共二十餘名王家塚大寺係空地孤利官軍戰鬪三時之久並未傷及附近平民一人王長吉孫傑剛王曰佑李長秀等均經訊明正法梟示等情查東省捻患未靖直境土匪又迭竄臨清館陶一帶河北各州縣時慮有奸匪萌動濟陽縣河防緊要且與省城逼近匪首王長吉乃敢潛謀聚夥至三百餘名之多意圖乘機起變經該府縣及副將張得魁等會合力勦卽時將首

奏稿卷三

六

逆全數生擒匪股盡行殲滅辦理妥速隱消肘腋大患不無微勞足錄合無仰懇

天恩俯准將總兵銜副將張得魁請以總兵用生擒首逆之守備丁正先請以都司用並

賞加遊擊銜守備張嘉麟請以都司用生擒匪首之儘先

把總濟陽汛外委尹畊請免補把總以干總用並

賞戴藍翎濟南府知府蕭培元請

賞加鹽運使銜同知銜濟陽縣知縣汪昉請以同知直隸

州用以示激勸出自
鴻施其餘傷亡兵勇人等由臣分別給銀獎勵爲此附片具奏伏乞

聖鑒訓示謹
奏

奏稿卷三

九

利津海口現難疏濬片 同治六年八月十一日

再 前於六月二十二日准軍機處字寄奉

上諭御史朱學篤奏請飭籌防海口等語著李鴻章丁寶楨酌量情形會商辦理原片著鈔給閱看等因欽此 臣等當即札飭武定府知府張鼎輔督同利津縣知縣及委員等前往詳細查勘稟辦茲據該府稟稱委員乘坐船隻帶領舊有插標船親赴海口周歷履勘逐段丈量查得自鐵門關以下四十里牡蠣口為舊日海口自黃水出利津口歷年淤積皆成泥灘由牡蠣口正東衝開河身一道直長六十餘里橫寬上游三四里下游五六里不等水深自五六尺至八九尺不等緊接下游落北約十里河海相銜即

奏稿卷三

三

係河門水深七八尺寬十餘里為大平灣即近日海船停泊之處口內河身每至伏秋盛漲河面加寬河身即淤淺至五六尺霜清水落河面較窄河身即刷深徑丈不等河門每年東北遷徙無定若用船疏濬既難施工且此疏彼淤辦理亦難得法牡蠣口以下兩邊皆不能接岸度此形勢賊蹤斷難徑渡等語 臣覆查疏濬河淤必須有一定之所方能施工黃河河身遼闊灘淤開出並無定處無淤之處溜勢迅急加以兩邊均係浮泥船隻上下為難用船疏濬頗難施展且口門遷徙不常河身淤漲無定均係實在情形目前水勢較大白牡蠣口以下兩邊皆不接岸緩急實有可恃至冬令水落口門入海之處較盛漲時稍窄而

水勢匯趨一路其深自必加倍就現時河流查看似可無須疏濬至防務一切 臣前派總兵趙三元帶領礮船會同直軍在鐵門關一帶沿河梭巡復飭地方官派撥丁役協團逐段防範以資助守如交冬令仍當隨時留心辦理以

宸廑所有查勘利津海口現難疏濬各情形理合附片覆

陳伏乞

聖鑒訓示謹

奏

奏稿卷三

三

暫駐沂州分兵布紮摺 同治六年八月十九日

奏為察度現在賊情 仍暫駐沂州分軍布紮恭摺仰祈
聖鑒事竊 臣於本月十一日曾將賊竄邳宿擬拔赴嶧縣
一帶以扼回竄等情具報在案查邳州與嶧境毗連前據
探報賊竄邳宿誠慮其沿運北趨繞出嶧境 駐沂州相
距一百九十里屆時始行跟追必落賊後是以擬移紮嶧
境以扼之詎十二日五鼓 臣所派前隊王心安一軍拔營
先發 臣親督王正起一軍正啟程間接據各路探報該逆
又由邳宿折竄東南沐陽安東一帶有斜撲清江之勢 臣
察度情形賊竄沐陽安東勢盡南趨若復折回西北奔竄
則邳城為必由之路 此時徑赴嶧境則中隔邳城蘭山

奏稿卷三

三

去賊又遠勢機較鬆自應防其由邳宿大道回竄沂郡而
分軍駐紮西北一帶乃可前後兼顧且與東路沂水莒日
各處照應亦捷 臣是以暫緩啟行仍飭總兵楊飛熊扼紮
蘭陵另派王心安一軍暫紮卞莊與楊飛熊一軍互相聯
絡以顧西北復將王正起一軍調紮邳城扼賊北竄大道
道員王成謙一軍即令隨 臣駐紮沂州相機策應現探賊
股仍在江境沐宿一帶並竄擾峒崕集以南邊馬擾及唐
家店似有回竄蘭邳之勢劉銘傳一軍跟蹤躡追 臣嚴飭
王正起一軍於邳城預為戒備如賊回竄該處當可儘力
迎勦王心安等三軍就現在分布情形當必有一兩軍
可以遇賊冀得一擊至賊如東趨莒日王成謙王正起兩

軍即可相機先進軍情瞬息百變賊蹤無定 臣之行止亦
難預定惟有隨時覘賊所向親督各軍妥籌布置務期出
賊之前乃可實力痛勦無誤所有察度賊情現仍暫駐沂
州並分軍布紮情形恭摺由驛具奏伏乞

皇太后

皇上聖鑒訓示謹

奏

奏稿卷三

三

擒竄郟城經勦折竄江境駐沂扼擊摺月初一日
奏為擒逆繞竄郟城境內經官軍迎勦折竄江境由卡
莊回駐沂州仍督各軍扼勦恭摺仰祈

聖鑒事竊臣於八月十九日曾將察度賊情仍暫駐沂
州分軍布紮扼勦各情形馳報在案二十一日接據各路
專探回報該逆大股由江境峒嶧集嶂山等處西竄邳州
之溝上一帶並見馬步各匪有過沂河者以該逆既
竄溝上一帶距卡莊蘭陵兩處不遠均係突奔嶧滕大路
與臣所布各軍均可相遇當於即日督帶親軍一營參將
馮義德一營由沂州馳赴卡莊擬親督楊飛熊王心安兩
軍在下莊蘭陵一帶盡力截勦並以賊盡西竄郟城可以

奏稿卷三

臣

無慮復將王正起一軍飛調由郟城拔隊繼進二十二日
臣行抵卡莊是日亥刻據探該逆又由溝上回竄郟境之
馬頭等處臣即暫為停駐是時王正起一軍已過沂西行
抵同義莊臣即飛飭其仍回渡沂東由李家莊一路迎擊
以顧蘭郊大道二十四日王正起探知該逆大股仍在郟
城迤西之馬頭集姜溝等處城北之二十五里鋪亦見邊
馬即令參將王學禮帶振字前四營進紮沙墩探明賊蹤
定向以便勦擊二十五日探知賊大股竄及大埠一帶王
正起即令參將張福興帶振字左四營繼發自帶親兵督
催迅進途中突見馬賊數百名由大路北竄王正起督隊
迎勦該匪即望風回遁跟追十餘里至申刻追抵馬站集

王正起知賊匪後路必有大股繼至即在圩外暫息選派
精銳暗伏附近各村布置甫定馬賊千餘名突至圩外步
賊四五千名由東南西南分進王正起督隊出戰伏兵同
時俱出擊斃騎馬悍賊百數十名帶傷脫逃者甚眾步賊
見馬賊敗退先即捨命狂竄時已戌刻我軍即行收隊三
更後王正起以賊去未遠復挑選勇丁數百名飭令暗襲
賊營未及深入而該逆全股即於是晚全向東南贛榆海
州沐陽竄逸臣以該逆西趨不得必由江境繞由沂州水
淺處圖過沂河北趨當於二十八日回駐沂州飭楊飛熊
仍紮蘭陵飭王心安移紮李家莊令與王正起合力堵勦
是晚聞沂州東北之下莊一帶突見邊馬臣即飛調王心

奏稿卷三

臣

安乘夜由李家莊帶隊來沂與道員王成謙合紮淮備相
機迎勦迭據探報該逆全股仍在江境之青口海沐一帶
臣現飭王正起前往郟城迤南二十餘里駐紮相機進勦
遇賊即擊而令王心安王成謙兩軍仍防沂州及莒日兩
路竊臣於八月二十七日接奉
諭旨飭臣以分軍出境與清淮防軍互相接應不得畫疆
自守強分畛域等因欽此伏讀之下莫名欽悚竊惟目
前賊勢但使有機可圖亦何敢強分畛域惟查現在諸軍
越境防運就刻下情形而論直以東省為壑東境雖暫無
賊蹤而與江境毗連東西南北周圍不下數百里臣亟知
以勦為防實為善策但以勦為防者須使本境無回顧之

憂乃可以盡力遠勦今各軍坐守河干臣誠不憚越勦但恐一行越勦必將驅之入東比賊入東而臣兵已分又不能合力勦擊是外既不能勦隔境之賊內復不及勦本境之賊失則兩失私心惴惴悚惕不安再四思維惟有分軍扼要布紮固知兵少路多斷難扼賊不入然就所有兵力與賊盤旋冀有一兩處遇賊幸得一戰亦可痛勦似較勝於有越境之名一轉移間賊蹤若由旁路回竄便致處處落後其中得失之機顯然可見此臣所為躊躇自決而不敢隱飾於

聖主之前者也所有捻逆竄擾郊境經官軍迎勦折竄臣由卞莊回駐沂州仍督軍分紮堵勦各情形恭摺由驛具

奏稿卷三

奏

奏伏乞

皇太后

皇上聖鑒訓示謹

奏

督師大臣倒置是非請 派重臣查辦摺 同治六年九月初三日

奏為督師大臣覆陳膠萊河防墮守情形徇私諉咎倒置是非相應籲懇

天恩簡派重臣來東確查秉公核辦恭摺仰祈

聖鑒事竊臣於本月初一日接准軍機處密寄同治六年八月二十六日奉

上諭李鴻章奏覆陳膠萊河分守汛地繪圖呈覽請將王心安等分別辦理並布置軍情暨籌辦糧米各摺片覽奏均悉膠萊河北路本係潘鼎新認守地段該藩司並未親行踏看丈量地勢續復改防濰河商令東軍移紮北路以

奏稿卷三

奏

致臨時移調倉卒失事李鴻章屢奉諭旨催赴前敵調度遷延貽誤豈得盡諉咎於東軍王成謙以八營自守而令王心安以四營認守無牆之處又不分隊就近應援實屬畏葸取巧著卽革職留營自効儻再貽誤卽著李鴻章丁寶楨嚴參懲辦王心安前次失守運牆厥罪甚重早應正法此次防守膠萊河又復不能力戰退賊據李鴻章所陳該已革總兵廢弛軍務剋扣餉銀等情更未便再從末減著該大臣仍遵前次密諭酌情形妥辦不可稍有宣洩並著丁寶楨慎派幹員豫行接統其眾毋任別生枝節等因欽此跪誦之下莫名欽悚伏思膠萊河防辦理月餘竟致不守李鴻章固有督師之責臣亦忝任專圻於辦賊無

效之罪累蒙

曲宥疚心實甚亦復何顏置辯於

聖主之前冀圖諉咎惟是非不明則人心不服懼不足以

昭軍政而作士氣是以不敢不敬為我

皇太后

皇上詳細陳之查潘鼎新等首建膠萊河防之議維時

督軍追賊潘鼎新以本省藩司帶兵隨後與

絕不告

次接到李鴻章覆函內始稱辦理膠防業已奏明欲令東

軍會同辦理潘鼎新亦於是日到平度始與

信既晚又以既經奏准不容不辦且事關大局當即應允

奏稿卷三

其時賊在卽墨勢將由南路竄逸

賊東去乃可議辦當卽督帶常武十一營親往膠州擱截

該逆幸卽折竄潘鼎新初議本以東軍專守北路以願省

垣大道淮軍專守南路以便解送饟銀軍火及

十四日督軍馳赴北路辦防行至高密縣之朱陽集忽接

潘鼎新來函已在北路駐守修築隄牆請

時各路獲匪訊供皆稱逆計欲往青口圍由南路竄逸潘

鼎新忽然中變

之事若皆擇便而行豈有成功之日因以十一營回守南

路而賊勢果趨重膠州及沈宏富董鳳高趕到又於分定

地段嫌其太長不接吳家關十餘里之守惟時賊勢萬分

喫緊

一段

兼顧北路迨後潘鼎新函稱濰西一路須撥兩三營助守

里之地王心安來稟以地段過長兵力不足

暫願不日豫軍開軍一到潘鼎新等必另有布置乃宋慶

以十二營先到北路仍未分置一營潘鼎新又復來函仍

稱濰西空虛請以王成謙十營助之而仍撥王心安四營

南回

勸繼則難於自言恐致誤事

解之情卽無不可言之隱北路如有難守別情不妨早說

以便及早預備潘鼎新迄未以實告然是時王永勝開字

一軍計日可到本可俾守北路劉銘傳遣人來言以王永

勝新來未便令其築牆祇可東軍讓出已成之牆俾令接

守以東軍騰出之營協守濰西李鴻章來函亦言開軍與

奇鳳兩軍素相聯絡須東軍抽營協守北路讓以南路防

地查王成謙一軍在南路已兩次築牆若謂王永勝與沈

宏富等素相聯絡不可不讓以現成之牆俾為一氣則王

成謙亦與楊飛熊等素相聯絡改守北路呼應亦一切不

靈

相就函商王成謙遵辦王成謙亦力願大局以潘鼎新認

守北路淮軍既各擇便利不肯相顧東軍義無可辭願往

奏稿卷三

无

協助乃王永勝於七月初十日到膠又以王成謙所守地段太長不肯接防其時王成謙見南路較鬆北路喫緊亟欲往助乃力勸王永勝換防劉銘傳亦從中調解遲至七月十二日晚始肯接守王成謙深慮北路查勘未清協守必多枝節且已近逼賊氛若心存取巧但因王永勝之不肯接防藉詞不往彼時北路正急稍一耽延賊已突過何必汲汲於十二日換防十三日五鼓即冒雨北行是其急公赴義之心即此可以共諒至王成謙臨行時臣切囑以北路地勢必須細查明確以便函致李鴻章籌兵布置王成謙與潘鼎新晤商後欲往丈量潘鼎新因病未及同往始終但言濰西水勢尚深但往高臥河干便可無事王成

奏稿卷三

三

謙面商該藩司願與東軍換守新河之防而鼎軍移守水勢較深之地潘鼎新又復未允是潘鼎新於認守地段始則疏忽不查繼則事機已急暗欲以難事諉之他人而又陽避其名其居心險詐已可概見王成謙查明地勢見濰西急須添兵一面稟報李鴻章一面於七月十七日與王心安換防以八營接守三十里之地以兩營守下營六里淺狹無牆之地照李鴻章三里一營奏案所守每營幾及四里若必責令多守亦於實事無益至王心安四營係奏明調回之營且出於潘鼎新之議王成謙與王心安換防本無不合潘鼎新王成謙以南路稍鬆商令王心安助守魚里鋪海神廟一段王心安尚未築牆及其力戰之際王

成謙所守牆外亦見賊騎向來防守之事分定汛地各有責成原難責其分隊救援且王成謙已刻得信即帶親軍馬步隊四百餘名馳往策應甫出營門遇河之賊業已麩集即與接仗二時之久該軍亦有傷亡弁勇數十名是王成謙尚無畏蕙之情若欲責以援應則王心安曾向潘鼎新三次告急亦未出隊援救竊查潘鼎新於認守地段始則失於覺察繼則有意含糊終則巧為推諉致使垂成之局壞於一旦臣原奏中已詳陳其失事之由但未嚴參者以李鴻章總領兵符潘鼎新是其部將主持功罪自有專司乃李鴻章原奏於潘鼎新曲為寬恕但言賊由海神廟以北搶渡係東軍王心安相近據王成謙稟稱王心安甫

奏稿卷三

三

築營牆眾寡不敵似亦實情想丁寶楨必已奏參等語聖聰在上該逆竄逸本非王心安汛地王心安以二千人守無牆地段十五里又分出千人血戰海神廟以北營哨勇丁傷亡至六七百人之多王心安孤軍被陷實有可憫之情本無可參之罪李鴻章乃以影響狐疑之詞虛為文致其用意不過為潘鼎新開脫地步耳李鴻章過沂時臣曾與面言一切李鴻章自覺無詞亦且咎潘鼎新之失機而稱王成謙之詳細不謂其覆奏情形與對臣所言相反至此此其不足以服人已為聖明所洞見至王心安以二千人守海神廟之地於十九日到防而賊蹤已集王心安分出千人援顧北路無人之

地其軍士皆互相結髮誓死力戰無一退縮王心安自以四十餘騎三次衝賊僅與一騎同出昌邑士民感其忠義攔拜馬首並為之葬埋死亡餽送乾糧昇擡傷卒其血戰情形臣到沂州後士民曾有公稟並請其留防登萊等情可憑若非平日治軍素得勇心似未能如此李鴻章謂其廢弛軍務剋扣餽銀臣不知從何聽聞查王心安於管帶之營在運防失事咎無可辭經臣嚴參治罪王心安自問當死迨後渥蒙

天恩予以留營効力聞

命涕泣誓必死報當追勦之時日馳百餘里其歷次接仗皆先以數十騎衝入賊中士皆奮往以此有平度即墨三

奏稿卷三

三

次之勝此皆平即士民共睹共聞臣前兩次奏報實再三訪查而後敢入告者也且臣軍自五月十二日倉卒追賊軍行無定兼以路途阻滯解饟委員艱於運送五六月饑銀尙未解齊臣在膠州屢次函致潘鼎新令其飭王心安暫回清算饟銀而王心安及該兵勇等皆以追賊不便帶銀殊不以領饟為言經臣在所過州縣提銀隨時接濟或為預備乾糧軍士僅能充度饑饉不致復更從何處覓扣東軍章程凡親軍小隊每名月饟止有三兩三錢臣查王心安自帶親兵二百人每月增銀至五六兩七八兩不等皆自以薪水公費加添臣又訪詢王心安在東帶勇一無私積債負頗多此亦人所共知本年正月挖挑沈口河

工經前撫臣閻敬銘飭河員確切估計實需銀四萬數千兩臣以一萬三千五百兩飭令開挖事竣查驗較之原估丈尺寬深有餘臣恐其暗中賄累再三詰問若王心安貪利營私即多報數千兩亦較原估銀數尙不及半乃始終均以敷用為詞其不肯藉端侵漁

國帑即此可見似不至有剋扣之事惟剋扣餽銀事屬曖昧臣恐稽查未周今既經奏參亦必須澈底確究如王心安實有剋扣之事臣亦應得失察之罪查王心安係前撫

臣閻敬銘由陝西帶來之員臣見其在東數年素稱得力其打仗之勇前為僧格林沁所親見獎許逾於眾人及曾

國藩督師濟甯亦稱其為可用之才閻敬銘亦以此深加委任臣執法素嚴與王心安毫無私誼果不堪任使臣亦無庸袒護伏讀

奏稿卷三

三

諭旨飭臣派員接統其眾毋任別生枝節自應欽遵辦理但東省向來募軍不過數千去年始加添募以故將才滋少現在各員弁惟副將莫組紳才較開展刻值防守黃河未能遽調且堵剿喫緊之際勇營驟易生手未能得力若欲遽加裁撤非獨費事兼不敷堵剿之用且王心安業經臣於初一日派往沂水查辦匪徒尙未回營刻下沂水匪徒滋事屬實臣親往督辦正在用人之際查王心安自鄂至陝自陝至東轉戰數省身經數百戰臣觀其人實屬樸勇有餘即就扼守膠萊河之事觀之其始終無偽不避艱

險已可共見伏荷

聖恩於王心安前事之失既已赦之於前當此軍務緊要之時臣深知其奮勇可用不敢不為

國家愛惜人才仰懇

逾格鴻慈仍准其留營効力暫緩派員接統其眾但期遇賊臣保其必能竭力圖報仍請

迅賜簡派重臣來東確查膠萊地勢詢問士民輿論將臣與王成謙王心安等辦理事件逐一清查如臣所陳有一

字欺飾願聽重議如王心安所帶之營

聖明以為亟須派員接統王心安雖屬武人素明大義決無別生枝節之慮臣謹當將王心安撤換聽候

奏稿卷三

三

欽派大員來東秉公審辦並將潘鼎新王成謙等一併撤省確查於以昭軍政而服人心所有督師大臣覆陳膠萊河隲守情形徇私諉咎倒置是非懇

恩簡放重臣確查辦理各緣由謹恭摺由驛四百里具奏伏乞

皇太后

皇上聖鑒訓示謹

奏

沂匪就擒地方肅清摺 同治六年九月初七日

奏為沂水匪徒謀變全股擊散並擒獲首夥各匪地方現已肅清恭摺仰祈

聖鑒事竊臣於九月初三日曾將沂水縣之圈裏地方匪徒聚眾謀變臣督軍馳勦各情附片具報在案臣於初一日訪聞沂水有匪徒謀變之事派已革總兵王心安馳往

會同該縣密速查辦去後初二日亥刻送接沂水安邱諸城各稟始悉該匪謀變屬實臣以其句結太廣聚眾已多

且捻逆相去不遠若使句合一氣蔓延滋擾為害非淺深慮該縣兵勇不敷辦理難以迅期撲滅即督帶沂州府知

府長廣並王心安所留沂州東治八營前往勦辦初四日

奏稿卷三

三

行至沂水縣屬苗家曲地方即據沂水縣韓光鼎馳赴行營面稟圈裏地方距城百一十里毗連莒州諸城安邱臨

胸各境山路叢雜人亦稀少廣長數十里該縣八月三十日聞匪徒聚眾之事當即稟報請兵速勦旋接到札飭知

已派已革總兵王心安帶勇會同查辦即於初一日會督東里店縣丞馮鳳書典史徐大訓千總宋傳江等各帶兵

役巡勇並調集東里團勇前往密查虛實候王心安趕到一同勦辦詎行至中途該匪疑有大兵前來勦捕漸

多逃散當恐首要各匪一同竄逸即先行乘夜入山圍勦該匪等不意官軍猝至深黑之中不辨虛實立即驚駭狂竄當經督飭兵勇擒獲三十餘人搜獲槍斃刀矛多件其

首匪王步雲孫順之等持械拒敵格傷勇役六名經千總宋傳江典史徐大訓奮力揮勇殺斃夥匪十餘名立將王步雲孫順之擒獲餘匪翻山奔逃徐大訓等追出數里因山徑崎嶇深夜難以窮追即守至黎明搜捕附近各山莊復獲餘匪十四名現在地方已經肅清提訊首匪王步雲據供係安邱縣人孫順之沂水縣人係從前團匪孫子毅之子均從黃崖破後該匪等逃竄在外與私梟高七相結五六月間捻逆竄擾東府該匪等潛謀起事以諸城劉姓素稱世族即詐稱為劉姓募勇保家免人詰問八月二十一日始到圈裏嘯聚因一時附從無多假名招勇便於聚人約計共有七百餘人已到三百餘人餘尚未到齊並先

奏稿卷三

令夥黨肥城縣人曹現之與捻逆藍旗匪首陳懷中等迭信定期九月初六七日起事與該逆等至鳳凰山會合詎初一日午間黨類中忽驚傳大兵將至私自脫逃至晚僅存一百六十名高七亦於黑夜竄逸並據王步雲供稱該匪句合捻匪不過暫借聲勢其意實欲自合數千人以成一股等語又提訊擒匪周添禮周添祥余勝李之功馮禁楊法等據供係王步雲等派為頭目幫同募勇領隊及官兵勇役到時該匪等隨同王步雲孫順之力阻各黨類勿逃意在拒敵是以均被擒獲尙有馬肝一名係在奉天為匪戕官脫逃之犯又高繼祥周添成等十三名均係梟匪其餘劉文東等各犯僉供係聽聞劉姓招勇往投冀領口

分實不知王步雲等誑令謀逆等因臣當即飭令將首匪王步雲孫順之及匪目周添禮梟匪高繼祥等均即正法懸首梟示其劉文東各犯再行研訊分別辦理並恐該縣搜查未盡復派知府長慶再行前往督勇沿山搜查以期淨絕並分飭安邱諸城莒州臨朐濰縣昌邑等州縣嚴拏首匪高七並餘匪務獲究辦臣以捻逆紛竄無定該處地方已清即於初六日督軍回駐沂州查此股匪徒潛逆叛亂並先行句串捻逆若勦辦稍遲一經起事則襄慮外合必成不了之局臣早慮及此是以親行督辦茲該縣知縣韓光鼎一聞該匪有聞兵潛逃之信深恐首匪逃竄即督隊乘夜勦捕擒斬匪犯數十名並將首匪擒獲辦理甚合

奏稿卷三

毛

機宜不無微勞足取相應籲懇天恩量予獎勵所有同知銜直隸州用沂水縣知縣韓光鼎請賞戴花翎生擒首匪之花翎儘先都司沂水汛千總宋傳江請免補都司以遊擊補用沂水縣典史徐大訓請以主簿用並賞戴六品頂翎沂水縣縣丞馮鳳書請賞加五品銜六品軍功李育棠勇目齊秀龍均請以把總拔補以示激勸所有沂水匪徒全數擊散並擒獲首夥各匪地方肅清各緣由理合恭摺具奏伏乞皇太后

皇上聖鑒訓示謹

奏

奏稿卷三

天

擒股西竄派兵截擊摺 同治六年九月十四日

奏為擒股避兵繞折西竄臣嚴飭各軍迅力跟追並即親督常武一軍繞由費泗曲阜迎勦恭摺仰祈

聖鑒事竊臣於本月初六日由沂水督軍臣王德榜到七日隊伍始畢渡沂河維時王成謙恐賊偵知沂州各營前

進乘勢北竄已派常武五營分扼李家莊相公莊等處臣

到沂後以王成謙布置尚妥即令照前分紮飭令王心安

一軍仍紮沂州初九日據分駐大興鎮之海贛通判承齡

來沂接見面稟賊竄江境房山羽山一帶距大興鎮五六

十里臣正擬派隊進勦於初十日卯刻據各路探報該逆

由江境之房山羽山等處向東北竄動邊馬竄距大興鎮

十餘里臣立飭王心安於巳刻拔隊渡河是晚抵重溝集

據探賊股徑向北竄前隊已至店頭集距重溝四十里大

興鎮西南北皆有賊蹤王心安於十一日三鼓後由重溝

拔隊進勦自督馬隊二營先進擬乘夜掩撲詎知我軍出

隊其大股已連夜向東折回王心安疾馳至店頭集不見

賊蹤復馳三十餘里至巳刻至大興鎮池南僅見馬賊數

百匹立即督隊追逐斃賊數名奪馬十餘匹救出擄去男

婦二十餘人該逆全向東南狂竄王心安追出二十餘里

一面催調步隊抵鐘吾山暫紮即探向東南躡追臣初得

賊蹤北竄之報即料該逆必由店頭夏莊一路出李家莊

撲竄沂河因飭王心安向東南迎勦密飭王成謙三營在

奏稿卷三

天

李家莊設伏以待又以東南賊勢已鬆復飛飭王正起一軍由徐家圩進移馬站冀可橫截賊股詎該逆詭譎異常一見王心安出隊即折向南竄迨王正起於十一日申刻拔隊行至前林寨忽報鄰城池南又見邊馬王正起以賊已竄東北恐係南來官隊即自行馳馬回顧確知是賊急令將隊伍紮齊時已向晚該逆愈來愈多約賊騎二千餘匹漸次撲近王正起即派各營官哨弁親兵分投迎擊而令各勇趕築草牆該逆將馬分為十餘起旋繞王正起嚴陣以待賊馬更迭來撲擊之則奔相持將及黎明賊忽向西南狂竄王正起拔隊跟追探聞步賊大股乘夜由馬頭池南竄過沂河馬賊隨後奔渡王正起躡蹤緊追十三日

奏稿卷三

早

五鼓由劉港口渡河王心安於十一日探知賊已回竄西南即於是夜四鼓由鍾吾集拔隊跟追急馳一百餘里十二日申刻進抵泉兒莊知賊全折竄西北即於二更後拔隊向西北跟進亦於十三日午刻抵馬頭渡河現據探報賊渡沂後直向西竄查其情形似向邳嶧一路竄逸查邳嶧壤地毗連中無阻隔該逆若沿運西竄必走臺莊韓莊徑奔究曲一路臺莊韓莊現在水勢尚深又有防河各營連絡布列且聞有淮軍跟追賊蹤當不能竄越惟邳滕一路平行數百里並無一軍情形萬緊臣飛飭王正起王心安合隊緊追並相棧疾赴邳滕一帶截擊以顧腹地至楊飛熊一軍現駐蘭陵若賊由該處經過當可出隊截剿並

可與王正起王心安各軍會合並進臣以賊蹤剽疾得信後即於十四日五鼓親督王成謙一軍由費縣泗水間道急趨計程可省一百六十里冀可出賊之前以期迎勦惟賊勢變動無定東軍止此兵力現定以王正起王心安楊飛熊三軍或分或合與賊角逐而以王成謙一軍隨地攔截庶期過其蔓延使追勦之兵得以全力搏賊於戰事始有把握所有捻股避兵繞折西竄臣飭各軍追勦親督常武一軍繞出費泗以備迎擊各緣由理合恭摺由驛六百里馳奏伏乞

皇太后

皇上聖鑒訓示謹

奏稿卷三

早

奏

擒撲蘭陵迎勦獲勝並派軍截擊摺同治六年九月

奏為擒逆大股撲竄蘭陵經吉勝軍迎勦擊退東治振字兩軍遇賊接仗現飭會合力追臣行抵曲阜派軍星馳前赴鄒縣迎頭截勦恭摺仰祈

聖鑒事竊臣於本月十四日在費縣行次已將擒逆避兵繞折西竄臣飭軍迅追並親督常武一軍繞由費泗曲阜迎截各緣由馳報在案十七日據總兵楊飛熊稟稱賊股西竄後十二日晚蘭陵洪山附近一帶已見邊馬正擬探蹤迎勦十三日黎明探知馬步賊約二萬餘麇聚洪山以東魯坊一帶漸向西北動移楊飛熊即督所部吉勝十營以二成守營各出入成隊伍馳赴洪山依山結陣以待馬

奏稿卷三

望

賊萬餘騎分三路來撲勢甚兇猛楊飛熊飭營官蔡正清李培榮等四營迎敵東路楊飛鵬等三營迎敵北路王仕旺等二營迎敵中路自帶親軍一營督隊三路策應各營均用轉珠礮連環轟擊轟斃悍賊百餘人賊騎猛衝略不少沮各營復以長矛夾攻連環槍礮並進亦不停息斃賊約三四百名生擒數十名賊勢不支敗竄洪山以東坊前一帶楊飛熊督隊緊追以賊勢過眾我兵僅以四千人拒敵嚴飭各營不准搶奪馬匹包圍賊卻之後乘勢猛追五六里又有步賊萬餘蜂擁而至楊飛熊以賊勢益眾且戰且退擬收至蘭陵寨旁倚寨拒戰而馬賊忽抄出洪山以南攔住後路遂被馬步賊合圍數重楊飛熊整隊衝突自

辰至未鏖戰四時始退至蘭陵圩旁又在濠外接戰一時

之久哨官楊長華砍傷逆首牛碎子左骹業將就擒羣賊抵死搶去賊股遂紛紛敗退先後計斃馬步賊一千數百名參將陳安邦遊擊李培榮均身受重傷三四處遊擊王世發都司楊長生首先陷陣戰歿計各營勇丁陣亡一百餘名受傷二百餘名是晚賊股均向坊前魚溝向城等處奔竄等語嗣據沂州府知府長慶轉據蘭山縣縣丞王大郁等稟報該軍接戰情形大略相同臣初飭王正起一軍由馬頭集渡河跟追王心安一軍經臣派往大興鎮逐賊追賊由東北折竄西南該軍跟蹤折至馬頭繞路較多臣亦飛飭其過河與王正起合隊追賊十七日據王正起稟

奏稿卷三

望

稱該軍渡河整隊急追因賊蹤忽向西南忽向西北十四日五鼓王正起親帶小隊數十名向前確探擬馳赴蘭陵與楊飛熊晤商合擊仍飭幫辦王學禮督隊徐進王正起行至距洪山三四里村落聞賊大股在西泐河北之作字寨王正起恐該軍遇伏立即派隊進擊而王學禮已帶七營渡過西泐河突見馬賊二千餘名由樹叢中衝出各營接戰馬賊稍卻步賊千餘名繼至各營奮力死鬪賊股仍向作字寨奔竄維時該軍尙有三營在西泐河東而東岸亦有馬賊千餘名繞出官軍之後營官張福興等帶兩營回救該逆見河西賊股已敗亦向作字寨奔竄常武營馬隊東治營馬隊均同時趕到合力追勦計斃賊一百數十

名生擒十五名受傷脫逃者約數百名同日接據三心安稟稱該軍於十四日已刻行至馬兒寨探悉前路二三里尚有尾股馬賊千餘騎盤踞王心安即督隊馳勦馬賊四面奔突各營齊放槍礮斃賊數十名奪獲洋槍數十件賊股向西狂竄步隊跟追六七里馬隊急追二十餘里暴雨大至旋即收隊計各營勇丁受傷十七名馬隊營官唐榮貴身受兩傷俟雨勢稍止該軍即擬於四鼓拔隊進勦等語此三十四各軍連日進勦之情形也 臣查楊飛熊一軍遇大股馬步賊三萬有餘孤軍鏖勦殺傷過當將得匪擊退實為奮勇出力王正起王心安遇賊接仗俱係分股賊匪查各軍相距不遠日內計已合隊常武軍馬隊一營

奏稿卷三

器

步隊二營前經派在李家莊設伏現均渡沂追勦可與王正起等合勢各軍兵力稍厚日內計有勦事尚未據稟報前來 臣於十八日行抵曲阜探報滕縣僅見邊馬竊幸已出賊前必可攔截一勦當於是夜三鼓即派王成謙督帶所部常武各營及 臣親軍一營馳赴鄒縣一路迎勦是否見仗亦尚未有稟到 臣現飭楊飛熊等併力追勦攔頭之師止有常武一軍路廣兵單未能處處兼顧祇可隨地隨時儘力布置各省諸軍不下十萬僅合守一河防淮軍現有勦兵與否日內亦無消息 臣職司東土東境之賊毫不敢責望於人惟有嚴飭各軍遇賊即擊力摧兇殘冀可稍全百姓至力戰陣亡之遊擊王世發都司楊長生臨敵捐

軀深堪憫惻相應籲懇

天恩飭部從優議卹以慰忠魂其受傷營官二員應由 臣酌量獎勵所有各軍連日勦賊並 臣行抵曲阜派軍馳赴

鄒縣攔勦各緣由理合恭摺由驛具奏伏乞

皇太后

皇上聖鑒訓示謹

奏

奏稿卷三

器

擊散竄東直匪片 同治六年九月二十日

再直隸股匪於九月十二日據德州知州趙新及駐防該處之參將黃兆昇稟稱該匪約有三百餘人多係馬賊已竄至河間府屬等處距該州甚近當飛飭東昌府知府龔易圖速調遊擊郭大勝等營會合勦擊並咨明提督傅振邦就近督勦茲於十四日接據龔易圖稟稱此股匪衆前接直隸總督迭次來函言不過百數十人乃於初十日接據駐紮馬頭村之遊擊王壽朋稟稱探得賊蹤已竄至威縣之河姑廟地方會場搶奪馬匹會已驚散該匪現有三百數十人馬五百餘匹每賊帶空馬二匹赴張路橋一帶奔竄等語該府接報後即飛咨傅振邦迅調駐紮各路馬

奏稿卷三

吳

步兵勇會合進勦正分飭聞探報該匪已由臨清大管村姜家莊一帶竄過衛河適飛調遊擊劉萬清郭大勝等已帶隊趕至河口當即督軍跟追探知賊已住歇青水隨於是夜潛往劫營三更時分馳抵青水該匪正在歇息劉萬清郭大勝分路進攻各勇齊力吶喊進擊該匪驚起結羣巷戰拚死抗拒兇悍異常我軍奮力接戰自四更至黎明共殺斃悍賊九十餘人生擒十四名均帶重傷郭大勝奪獲器械刀矛二百餘件賊馬一百二匹劉萬清奪獲刀矛一百餘件賊馬三十六匹餘匪百數十人亦多帶傷拾命向西南逃竄郭大勝等督隊緊追適姚鴻烈王壽朋等均各帶隊馳至傅振邦以郭大勝等追勦兩晝夜軍力較疲

暫令休息令姚鴻烈等合力接追十二日追及於冠縣之丈八村地方該匪回馬復戰王壽朋督勇奮擊斃賊多名賊復敗退追壓數里守備李維中帶兵勇三十餘人直前衝殺不料該匪有十數騎由樹林後突出李維中不及防備被傷陣亡受傷兵勇十一人賊復回戰王壽朋等督兵追至復斃匪二十六人該匪仍敗向西南狂竄是夜王壽朋等探知賊在冠縣東南屯裏村歇宿即於五更督隊分路圍勦該匪經迭次大敗擒斬過多不敢停喘連夜潛逃我軍趕到賊已由冠縣之秤句灣一帶梟水急竄直隸曲周之南辛莊一帶向西北逃逸傅振邦已督隊越勦十三十四等日探聞賊又竄至曲周之侯村各處傅振邦已追

奏稿卷三

吳

至侯村據探又向西南竄去擬確探追勦等語據傅振邦來咨相同 臣查此股匪徒兩次由直竄入東境均被斬殺大半其逃竄之匪約不過百餘人似無難迅圖撲滅現已飛咨傅振邦嚴督各軍越境力勦並咨會直隸各營一體會辦以期早殲小醜免致蔓延至守備李維中奮勇陣亡應懇 天恩飭部從優議卹其餘受傷兵勇由 臣分別撫恤所有直匪回竄東軍勦辦獲勝賊復回竄曲周各情形理合附片具奏伏乞 聖鑒訓示謹 奏

捻股北竄繞出泰安迎截摺同治六年九月二十七日

奏為官軍接仗獲勝捻股北竄臣軍繞出泰安迎截現即督軍探蹤進剿恭摺仰祈

聖鑒事竊臣於本月二十日已將各軍接仗及臣行抵曲阜派軍馳赴鄒縣截剿等情馳報在案是晚接據王正起稟報該軍於十四日在西泇接仗收隊後探得逆股皆在作字寨附近各莊盤踞王正起即帶隊分投追擊賊股紛竄奪回村莊三處暴雨之中追出三四里外殺賊百餘名旋即按隊穩紮十六日雨勢稍止拔隊追賊遇馬隊賊五六百名向西北狂竄王正起挑各營哨馬匹一百三十餘騎向前跟追殺斃馬賊十餘名步賊數十名各營排隊前

奏稿卷三

吳

進據王心安同日稟報該軍於十四日在馬兒寨接仗後是夜三鼓王心安自帶健勇四百名分投冒雨襲賊五處喊殺賊巢驚亂各勇乘勢大呼該逆自相擊殺殲斃甚多是晚賊蹤退出二十餘里十六日拔隊逐賊小有擒斬維時王正起王心安與楊飛熊會合進追各營連日遇雨蘭陵一帶地瘠人稀三日乏糧勇丁啗生柿以充腹泥淖之中日行八十餘里向鄒滕一帶前進時臣已至曲阜竊喜抄出賊前即派王成謙督帶所部各營及臣親軍一營平字一營於十九日馳赴鄒縣攔截二十日辰刻探知賊匪邊馬已至距城二十餘里之兩下店王成謙即將各隊暗伏城南沙河以北林內至巳刻賊馬步大股約四五萬齊

至並挑選精悍結陣而出見我軍過少勢欲併吞王成謙督軍渡過沙河分三路迎剿總兵姚紹修等四營為中路以參將馮義德一營為接應參將曹正榜等三營為東路以都司劉志和一營為接應參將楊殿邦等兩營為西路以守備劉培二百人為接應王成謙自督親軍臨敵調度賊騎數百匹先撲東路曹正榜等揮軍勦擊斃賊三四十名賊即勒馬回竄王成謙恐有伏匪急令東路一軍不隹逐利旋見悍騎四五千匹由東山背後突出見東路無隙可乘即由中路猛撲維時大股四五萬已廬至山旁姚紹修等四營直前衝殺王成謙飭親軍迭放開花炸礮連發三十餘次約斃賊三四百名該匪繞撲西路楊殿邦等施

奏稿卷三

吳

放連環槍礮賊又受創悍騎數千由西繞北渡過沙河欲抄出我軍之後劉培以二百人迎勦排列長矛一擁齊進斃賊數十名勇丁傷亡三名王成謙以親軍助之連發開花礮十餘次斃賊約計二三百名慶戰至申正該逆始全向西路敗竄姚紹修等營緊追十餘里賊以悍騎三四千斷後王成謙督東西兩路繼進復殺賊百餘名向晚收隊是夜又暗襲賊營賊股驚亂向曲阜滋陽各路奔竄是日李允一股約一二萬人由嶧山以東繞竄土旺一帶以軍少之故未及分勦是役也我軍以五千步隊當悍賊四五萬之衆幸先據地勢將士用命實斃悍賊千餘名救出難民二千餘名奪獲偽印一顆生擒二十餘名哨官遊擊尤

朝紳守備趙天成力戰陣亡勇丁傷亡十餘名王成謙跟蹤追勦是日曲阜附近亦有馬賊十數匹或百餘匹旋擾時臣軍皆已派赴鄒縣迎戰隨身並無一兵僅有前調護聖林之兗州兵四百名駐紮關外臣派其出隊追逐馬賊均各逃竄賊股遂由曲阜甯陽邊界繞至大攻口向東北狂奔略不停留王成謙跟蹤馳至曲阜時楊飛熊王正起王心安各軍跟迫繼至以賊股甚眾我軍分路追逐兵力過薄接仗難於痛快因親督四軍合追又據探報賊於北竄後勢將由泰安竄擾省垣一路臣於二十四日追及甯陽計欲尋探賊蹤由大攻口直進恐驅賊益北省城必受驚而黃防尤為可慮因由甯陽疾馳夏張繞出泰安以

奏稿卷三

辛

備攔截詎賊聞我軍繞出北路即折向東南逃旋擾至新泰一帶臣於二十六日行抵泰安立飭王心安先帶馬隊二營即時進躡而令其步隊與楊飛熊王正起各軍俱為前隊探蹤緊追臣親督王成謙一軍為後隊暫駐泰安一日預防該逆繞道折竄如賊一意南奔臣亦即日進發查該逆在江境盤繞四十餘日兇醜頗張視臣五六月追勦時賊眾幾多至一倍在鄒縣接仗時該逆將開花敵排列陣前至十一尊之多以馬步五六千人護之連開兩礮轟擊我軍幸未擊中該逆聲稱接仗不用將留以攻擊圩寨以利器而為賊所得殊堪焦灼如臣此次追賊勢必先顧省垣乃一出賊前賊又折而南趨是非節節有兵不能

日有戰事現在別無他軍臣軍又祇此兵力鄒縣之戰若臣軍少分一枝則殺賊必更得手乃合則追奔未及分則力單愧憤交集然必當盡力圖之至王成謙此次接仗力戰雖殺賊無多然先據地勢以寡擊眾藉挫兇醜官軍尙無甚傷損調度有方實堪嘉許遊擊九朝紳守備趙天成二員力戰捐軀相應懇恩交部從優議卹以慰忠魂所有官軍接仗獲勝臣軍繞出泰安迎截現即派軍追勦並暫駐泰安防賊繞竄各情形謹恭摺由驛具奏伏乞

皇太后

皇上聖鑒訓示謹

奏稿卷三

至

奏

鄉試展至下屆併科舉行摺 同治六年十月初三日
奏為東省軍務未竣請將本年鄉試停止展至下屆併科
舉行恭摺奏祈

聖鑒事竊照東省本年丁卯科鄉試 臣前因逆捻東竄各
屬辦理防勦奏請文闈展緩至九十月間武闈展緩至來
年三月間舉行聲明仍隨時察看情形具奏請

旨遵行 臣原擬九月內東境肅清尚可奏懇於十一月內
舉行文闈鄉試現時已屆十月逆捻尙復回竄軍務方殷
各屬士子或在籍辦團或遷避他鄉勢難來省應試而各
州縣防勦亦正關緊要委難更易調派簾差况省城五方
雜處科場人數倍增稽察難周設有奸宄混迹關繫尤非

奏稿卷三



淺鮮 臣體察情形本年斷難舉行鄉試相應據實具奏請
旨將東省本年丁卯科文武鄉試停止展至同治九年庚
午科歸併舉行仍照兩科定額取中以廣

皇仁而昭慎重除分咨禮兵二部外謹會同山東學政 臣
趙佑宸合詞恭摺具奏伏乞

皇太后

皇上聖鑒訓示謹

奏

捻竄省垣督師扼勦摺 同治六年十月初七日

奏為捻逆避兵東竄擾近省垣 臣現派軍分路追截並督
常武一軍星馳至省擬即向東扼擊恭摺仰祈

聖鑒事竊 臣於九月二十六日已將官軍接仗 臣軍繞出
泰安旋即飭軍進勦情形馳報在案維時捻逆由鄒縣接
仗後避兵愈急猛力北趨聞 臣軍由甯陽趨繞泰安賊即
由新泰折而南下 臣派王心安由泰安即時進躡而令楊
飛熊王正起繼進合為前隊 臣帶王成謙一軍略駐一日
探賊盡勢南走並未旁趨 臣即督軍南下十月初一日馳
至蒙陰之桃墟據前敵探報賊過青駝寺後忽由葛溝一
帶折而東趨撲犯沂水並據沂水縣稟報該逆到沂水後

奏稿卷三



有由穆陵關折而北趨之勢逃出難民亦稱賊意窺伺周
村似欲北趨省城一路 臣以逆蹤飄忽既繞南而東由東
而北 臣軍本為後隊跟追不及 臣因即日折回蒙陰定計
還顧省垣以備攔截維時楊飛熊王正起王心安等三軍
已由青駝寺跟追而東 臣慮該軍等併力尾追如賊聞 臣
軍既至省垣必將避兵由萊蕪青石關西出則各軍又將
落空因嚴飭王正起王心安二軍盡力猛追飛調楊飛熊
一軍由青駝寺堞莊原路馳回駐紮萊蕪並諭以賊若由
青石關西出我兵即可據險痛擊若賊相距尙遠我軍即
由青石關向東進勦初五日 臣馳抵泰安接省稟報該逆
邊馬已至刁莊唐王道一帶並有邊馬已過龍山之信距

省城僅五六十里臣即派親軍一營及馮義德一營星夜先回省城臣於初六日早親督常武軍疾馳一百八十餘里至省查看城圩各處探知賊匪大股尚在虎山泊一帶距省一百五六十里臣現將隊伍暫紮即擬進勦現在王心安王正起兩軍聞已追及尙未據有稟報楊飛熊一軍一二日內即可至萊蕪該軍等自九月初十日後盡力馳逐並無一息之停山路崎嶇糧食尤不易措辦極深焦慮竊惟逆勢慍悍自過鄒縣曲阜後轉輾折繞計日馳二三百數十里四更即行二更始歇絕不停滯其避兵如此意不過以狂竄十餘日必與官軍懸隔絕遠大可肆其搶掠蓄意狡譎殊不易制如臣由泰安追至桃墟又由桃墟折回

奏稿卷三

奏

省城一往返間已奔馳八九百里臣前初到泰安時非不慮及賊之東趨如臣分出萬人駐青石關觀變以便向南攔扼兵勢極較便捷惟兵力無多賊過蒙陰並不旁竄泗水一意南下臣自不忍布此迂遠之勢安坐於無賊之地各軍合併既恐處處落空今分路馳逐但期遇賊即擊即勢孤力單亦不能過為多慮城圩各處均經署藩司盧定勳署臬司衛榮光鹽運使錫祉督飭府縣布置嚴密稽查甚勤頗為可恃如賊日內擾近城垣當可扼要一戰臣稍駐一兩日確規賊向冀不西出臣即親督王成謙一軍迎頭進逼以期力擊所有捻逆避兵東竄派軍分路追扼臣督軍親至省垣即擬向東扼擊等情恭摺由驛具陳伏

乞

皇太后

皇上聖鑒訓示謹

奏

奏稿卷三

奏

丁文誠公奏稿

卷之四目錄

擒逼省門並撲黃防經勦奔竄東南摺同治六年十月十二日

防黃兵單請 飭李鴻章籌辦片同日

追擒獲勝察辦黃防摺同治六年十月二十五日

行抵齊河赴下游確勘河防摺同治六年十一月初一日

查明黃河北岸形勢分段守凍摺同治六年十一月初十日

馬隊抵東分紮操練片同日

籌議修約事宜摺同治六年十一月十五日

密陳制夷方略片同日

擒逆折回南竄扼擊布防摺同治六年十一月二十一日

奏稿卷四目錄

派員勦辦直臬片同日

直臬東竄合勦獲勝片同治六年十一月二十六日

擒逆回竄調軍進勦片同日

擒逆被勦南遁照前分紮並查河牆摺同治六年十二月初八日

直臬狂竄擬由東南扼勦片同日

殲除直臬摺同治六年十二月十三日

查驗河牆事竣並據報逆首生擒摺同治六年十二月二十三日

殄滅馬賊地方肅清片同日

東境肅清西擒竄豫籌防進勦摺同治六年十二月二十六日

西擒漸向北竄督師進勦摺同治七年正月初八日

擒竄順德督軍援勦並籌東省邊防摺同治七年正月十一日

督師行過河間繞北截勦摺同治七年正月十五日
督師行抵雄縣籲懇 陛見片同日
擒蹤折向南竄督軍回勦兼顧東境摺同治七年正月十八日

奏稿卷四目錄

捻逼省門並撲黃防經勦奔竄東南同治六年十月十日

奏為捻逆竄擾章邱逼近省門並撲犯黃防經兵勇分投堵擊省防黃防現解嚴逆股由東南奔竄臣親赴章邱相機督勦仰祈

聖鑒事竊臣於本月初七日曾將捻逆折繞東竄臣派軍分路追扼並親督常武一軍馳回省城攔截等情馳報在案惟時捻逆盤繞章邱以該縣屬之舊軍刁家莊及附近之周村等處民圩甚富環攻益急邊馬突過龍山距省城僅三四十里臣飭王成謙督帶所部常武十營於初九日黎明馳赴章邱勦辦而章邱以北齊東一帶亦有賊股蔓擾兗嶽頗熾該處濱臨黃防最關緊要臣不得不暫駐省

奏稿卷四

城為兩路兼顧之計惟兵力過單不敷分布當經飛飭副將莫組紳帶隊二百名馳赴齊東會同總兵張得魁一營嚴為防範並飛調總兵趙三元督帶分駐濰口濟陽之礮船十隻由濟陽順流下駛協力堵禦又以賊勢全趨東北齊河以上黃防較鬆復飛調派防張秋之參將楊長林酌帶該處礮船下駛濰口以便調遣迭據探報初八日該逆由桑家莊率眾撲隄適莫組紳帶隊趕至見桑家莊一帶賊勢蜂擁而來悍匪數十名梟水搶渡隨波徐進並不溺沒莫組紳開放槍礮擊斃十數名該匪始由中流折回逆股旋退而齊東之桑家渡口有黃河決口一處又城東南十二里之賈鎮一帶水勢最為平淺情形萬緊逆眾又奪

得逃難民船數隻駛入水套該處有民間小船百數十隻

及大鹽划十三隻均委棄內港該逆注意渡河急圖搶挽聲稱欲將小船編排遙接兩岸徑渡莫組紳張得魁以該逆搶船竄渡必由決口駛入即飭勇丁於水深泥淖之中乘夜砍伐樹木排列鹿角將決口搶築初九日卯刻趙三元礮船駛至與莫組紳張得魁等晤商由北岸添雇民划三十餘隻裝載陸隊隨同礮船過河乘賊不備槍礮齊施斃賊數十名岸上各賊散亂即時奪出小船百數十隻其大船三隻中有百餘賊驚突登岸莫組紳等隨即將船擊破並將內港之船一概搶出打沈賊因船隻被我軍搶出氣勢頓沮於初十日全數奔向東南一帶逃竄而桑家渡

奏稿卷四

葛家莊各處逆股亦退章邱一股王成謙一軍始過龍山即聞風奔竄各圩寨幸保全尙多王成謙派馬隊追至鄒平探知賊已狂竄長山一帶似竄臨朐一路楊飛熊一軍於初七日抵萊蕪臣令其探明道路出黑峪口徑赴章邱與王成謙合隊惟該處險隘逼近逆氛未知曾否改道王心安王正起二軍初七日行抵臨朐日內計可遇賊惟道路隔絕尙未據有稟報現在省防河防已鬆臣馳赴章邱並飛催楊飛熊與王成謙合隊略駐數日覘賊所向如賊徑向東南則以王正起王心安兩軍跟勦而臣親督王成謙楊飛熊由他道分路攔截如賊或回竄東北則臣督王成謙等或追或扼總期力擊所有捻逆竄擾章邱逼近省

門並撲犯黃防現經解嚴臣親赴章邱相機督勦各情形
恭摺由驛具奏伏乞

皇太后

皇上聖鑒訓示謹

奏

奏稿卷四

三

防黃兵單請 飭李鴻章籌辦片同治六年十月十日

再臣查河防兵力本極單薄自濟陽以下陸隊祇有張得魁莫組紳二營水師則自張秋至濼口三百餘里祇有楊長林礮船三十餘隻自濼口至利津五百餘里祇有趙三元礮船四十隻餘則惟嚴飭各地方官調集民團協同守禦實以黃防八九百里此時賊股全在東境徵解日絀饒項不敷未能多募勇營其竭蹶情形本極可慮所恃水勢深闊可為一綫之限臣復時時嚴飭各州縣將河中船隻一律提歸北岸不敢稍涉大意第黃河商船一聞賊警固已盡歸北岸濱黃州縣今秋各處皆有決口水勢平漫尋常汊港悉通大河而民地多被淹沒平時來往必須用小

奏稿卷四

四

船乘載此次賊匪猝至盡行委棄內港乃以逃難不及被其搶獲數隻幾至誤事仰託

聖主威福各將士均知竭誠用命設法將該船全數搶出一概打沈並拏獲奸細訊知各逆首意見不同尙未遂編船繫筏之計若使該逆兇計必行似非張得魁等水陸兵力所能堵扼臣雖極力調度幸得無事實亦出諸望外查黃防天險本為可恃惟自濟陽以下水勢極屬平衍該逆馬匹過多但有官軍追逐或未必有必渡之志今倒守運西賊不得他竄必決意乘虛渡黃自在意中刻已嚴冬將屆堅冰合凍非節節有兵未易扼守臣前接准直隸督臣劉長佑咨稱黃河無年不凍凍必堅久今運河防軍除濟

甯下抵韓莊中間南陽等湖巡以師船不計外由沈口戴廟至濟甯僅二百餘里由韓莊至宿遷僅三百餘里已需豫鄂淮皖四大軍陸隊六七萬之眾始敷扼紮由宿遷清口以下另有湘淮兩部水師及漕浙諸軍聯絡布紮尙恐不足禦賊况黃流千里一經凍平更不如運河尙有坡坎隄牆可資憑扼若律以守運之法守之豈直省兵力所能布置等因到臣查劉長佑所稱各節原屬實在情形直軍任守黃防夏秋以來布置自爲可恃現經馬賊滋擾防軍節次調回留防齊河一帶已屬無多瞬屆冬凍必不能以萬難全顧之勢責之直軍運東近遭蹂躪臣軍非力籌追勦無以對八府州之士民且黃防縣亘卽使臣將全軍坐

奏稿卷四

五

守東河直隸亦以全力盡駐河干以運防情形較之豈敷布置黃河自張秋穿運經東昌武定入海上年扼守運東自濮范以至張秋僅二百餘里直東兩軍分任之其自張秋以下皆可不守今倒守運西自張秋以至利津多至八百餘里臣與劉長佑萬不能有此守兵冬凍以後該逆南迫運岸必北突黃防此乃必至之勢各軍扼守運河本欲以東省爲壑使賊不得旁趨然守運而不守黃是驅賊北竄使河北決裂

畿輔震驚豈爲得計臣於七月二十九日曾將運河防軍有礙黃防情形附片陳奏在案李鴻章初辦運防時臣亦婉商以爲非策及在沂州相晤臣又面言既辦運防則黃

河冬防決不易籌李鴻章亦私憂竊歎不知所以爲計今冬凍在卽賊勢又非計日可滅河北重地極爲可虞現在賊全注東境以東省之兵力而論其勢能勦而不能防且與賊共處一方東省河南岸之地數倍於北岸卽防亦萬難得計應請

旨飭下李鴻章再行熟察運黃情形妥議籌辦實於黃防有裨臣爲

畿輔大局起見謹附片陳奏伏乞

聖鑒訓示謹

奏

奏稿卷四

六

追擒獲勝察辦黃防摺 同治六年十月二十五日

奏為官軍追勦接仗獲勝賊股向東南奔竄臣親督常武吉勝兩軍繞出泗水向西路攔截現飭探蹤迎勦臣親赴齊河下游察辦黃防恭摺具奏仰祈

聖鑒事竊臣於本月十二日曾將擒逆撲犯黃防經防軍堵擊逆股敗竄並省防亦經解嚴臣親赴章邱相機督勦等情馳報在案惟時王心安王正起兩軍由沂水進追初九日行抵金嶺鎮探知賊在章邱一帶帶隊迅進王心安於初十日卯刻行抵張店見馬賊四五千騎由東南奔突王心安揮軍追逐小有擒斬該匪繞由四寶山全向東北折竄王正起王心安跟蹤緊追賊竄至臨淄十四日申刻

奏稿卷四

七

追及於壽光境之丹河時賊正欲駐紮王心安整隊急擊殺賊二百餘名奪獲器械甚多賊勢不支連夜撲渡丹河向濰縣一路狂奔十五日四更王正起由東北進追緊接賊後甫過濰河該逆四面兜撲王正起整隊力戰六七十里且戰且前計斬賊五六百名賊勒騎猛撲王正起督同營官王學禮等直前接戰殲其衝鋒前騎二十八匹賊勢稍卻旋又猛衝步賊四五千名由東南廣至營官張福興等以四營接應馬賊旋繞圍逼張福興身中數矛幸僅透裏衣該弁手刃三賊奮死力戰各勇丁施放槍礮該逆倒斃甚多立即敗退計斃賊三百八十餘名王心安由西北一路追進適遇敗匪即列隊迎擊賊勢大靡追殺二十餘

奏稿卷四

八

賊勢過眾時深系念且其營中寒衣沿途解送輾轉折繞皆未能解到饒項亦多欠缺而每次遇賊士氣俱奮此次緊接賊後連戰皆捷且使該逆一刻未能喘息各屬大小圩寨均一律保全尙為出力該軍等十六日後尙無稟報連日跟追計可迭有戰事據各州縣十九日稟賊股全向諸城之巴山一帶望東南狂竄臣於十二日到章邱時始擬督飭楊飛熊王成謙兩軍馳赴青州相機勦辦惟時賊勢全向東南臨朐一帶帶邊馬已到諸城莒州之信適王心安等由南路趕到又折回東北臨淄一帶若臣軍再事跟追已出王正起等軍之後勢已無及時劉銘傳一軍又於初十日由沂州進兵東路兵勢已厚計賊勢似必南趨

諸莒竄擾西路臣軍尾追落後必遠而西路竟無一旅殊深焦慮因嚴飭王心安王正起兩軍盡力窮追期於逼賊南竄以免黃防之慮臣親督王成謙楊飛熊兩軍馳回泰安以遏西路聞潘鼎新一軍已由新泰南下臣即取道泗水兼顧兗沂據日內探報有賊股由莒州竄向青口之信臣料賊如不出青口必由沂州上竄臣現飭楊飛熊等探明迎擊亦以逼之南竄使西路黃防不至喫重現在冬凍將屆前奉

諭旨飭令李鴻章籌議覆奏實深欽感刻經週賊運東處處有黃防之患東省祇此二萬人跟追攔截實已無可分撥想李鴻章當必妥籌布置刻下情勢日迫臣追剿之餘

奏稿卷四

九

回顧黃防焦灼萬狀現擬於二十七日馳由省城濼口起至利津一帶周履河道形勢並調集濱黃各府州縣會商一切辦法以俟李鴻章奏明如何布置即便會同協力辦理至此間勦賊事宜臣所部楊飛熊王成謙等尙知緩急且亦實心可靠已諄飭其相機辦理尙不致於貽誤臣查勘河道約計半月後即可回營所有王正起等軍追剿獲勝及臣親督常武各軍繞道攔截並擬親赴黃防查勘防務各事宜謹恭摺由驛具陳伏乞

皇太后

皇上聖鑒訓示謹

奏

行抵齊河赴下游確勘河防摺同治六年十一月初一日
奏爲捻逆受創南竄勢趨江境臣現行抵齊河即赴下游確勘黃防恭摺仰祈

聖鑒事竊臣於上月二十五日已將官軍追剿獲勝及臣擬赴齊河下游查勘黃防各緣由馳報在案茲據王心安王正起稟報十五日在濰縣接仗後晚間探知賊去未遠四鼓後往襲賊營未能深入十六日黎明出隊至七里廟一帶突見悍匪四五千騎欲抄出官軍後路王正起王心安各派四營在七里廟嚴紮王正起自以六營結爲方陣四面策應王心安親督營官金成德等將隊伍結爲七起轉戰而進直衝賊騎轟斃數十名賊股亦分爲七八起猛

奏稿卷四

十

衝狂繞爲王正起方陣所阻不得逞志因撲向七里廟旁經廟前八營將槍礮環擊王心安與營官宋延德直前衝殺賊騎大卻步賊七八千人自東南大至王正起以六營擊之陣斬甚多步賊亦敗該逆見我軍三面兜擊馬賊皆擁步賊向南疾竄王正起王心安合隊力追二十餘里賊股盡向佛山寨一帶竄去共計轟殺賊匪約一千三四百名生擒悍匪六十餘名解釋畏脅三百餘名奪獲騾馬一百七十餘匹賊股前隊十六日早已抵安邱城外是日敗匪全撲安邱適劉銘傳一軍由穆陵關進十七日未刻到安邱城外奮擊獲捷斬賊亦多該匪迭經傷挫全向諸城一路竄去夜間不敢放火奔突甚速王正起王心安於二

十日追至諸城二十一日黎明即跟追南下劉銘傳亦已由諸城疾進據日照莒州二十一日稟報該匪已抵日照勢向南趨頃據探報賊前隊已抵青口各軍隨後緊追揣度賊勢計已盡趨江境現在淮軍劉銘傳潘鼎新等軍盡已出勦臣軍跟追五十餘日極形疲乏江境與東境界連數縣如賊出東境後擬令王心安一軍紮李家莊王正起一軍紮沂州府城外截其回竄二軍互為聯絡賊至則擊王成謙一軍移紮兗州楊飛熊一軍令其暫紮泗水如賊有西竄之信或合隊迎擊或趨顧泰安令其臨時覘賊所向妥為進止臣現行抵齊河即乘船駛赴下游查視黃防並調集各州縣會商一切約半月可畢黃防關係大局而

奏稿卷四

十一

河段過長冬凍實無把握非臣棉力所能獨辦而責無可辭亦不能不竭蹶辦理容俟查明後再將一切情形由驛奏報仍一面咨請李鴻章劉長佑崇厚等會合辦理庶收通力合作之效所有捻逆受創勢竄江境臣馳赴齊河查勘黃防各情恭摺具陳伏乞

皇太后

皇上聖鑒訓示謹

奏

查明黃河北岸形勢分段守凍摺同治六年十一月十日奏為查明黃河北岸形勢擬籌商分段守凍以防北竄而固

畿疆恭摺仰祈

聖鑒事竊臣於初一日將官軍追勦續勝賊盡南趨現將東軍分路扼截及由商河至利津查勘河防各緣由馳報在案查黃河自曹州府荷澤縣境入東由張秋穿運歷泰安濟甯武定各屬入海上一千數百里自濮范以下至齊河臣行經兩次形勢尙能周知自齊河下至利津從未親歷初二日由齊河乘船順赴下游逐細查勘並委員丈量道里計自齊河至海口共五百七十五里齊河以上至

奏稿卷四

十二

張秋計二百八十里通計自張秋起下至海口共八百五十里河道極為縣長本年八月後水勢漲發異常為歷來所僅見自十月初九日起始見消落至今二十餘日內計已消至一丈七八尺有餘查閱現在河身寬約四十餘丈窄處僅二三十丈臣復詳詢土人均稱冬至前後水勢尤落至寬不過三十餘丈窄處僅二十丈十餘丈不等至於河冰凍結則在冬至後三十餘日之內或全河俱凍或彼此間凍歷年情形不一難以預定凍合之後人馬俱可通行等語然天時不可得知以目前情勢而論賊蹤奔竄運防嚴密黃河實為急務惟本年河防與前數年迥異從前賊在運西所有自濮范起至張秋止不過二百數十里應

須設防自張秋以下皆以運河爲限無庸議守今賊在運東則自張秋以上自可不防自張秋以下至海口河冰一結在在可慮自不能不節節嚴防以杜竄越惟東省賊在腹地勦事爲急兵力難分臣於查勘之餘隨調集沿河各府州縣商同議辦飭令各按地界勸諭民團挨段助守各州縣尙知踴躍但本年濱河地方被淹甚重刻下災黎徧野若僅恃團防恐難得力非協之以兵不可現在東軍在防之營除張秋一帶水陸不計外自齊河至利津陸路僅莫組紳張得魁兩營水路僅趙三元礮船三十餘隻爲數過單本年閩省大半被兵被水錢糧減色庫款支絀萬狀斷難再行募勇即以臣所帶勦兵僅二萬人以之追勦攔

奏稿卷四

三

截於八府州之地賊眾地廣已屬分布不開勢難多撥協守且查東省從前河防僅二百數十里已合直東兩省兵力始克分布今改守八百數十里非惟東省力有不及即合之直省兵力籌辦亦屬萬難臣日前迭次欽奉諭旨飭令李鴻章劉長佑崇厚妥議籌辦仰見聖明洞鑒莫名欽服當此防勦萬緊之時李鴻章籌辦運防自必注念黃防直隸現有防軍在境崇厚亦素顧大局上年及本年均係彼此兼顧不遺餘力臣刻惟有欽遵諭旨與李鴻章等實力籌議以期眾擎易舉查直隸防黃各軍現在駐守張秋齊河一帶張秋與運河沈口緊接李鴻章現守運河應請就近酌撥勇營協助崇厚派來防軍

現尙未到或守齊河以上與直軍協力或守利津一帶與東軍協力應由崇厚酌定自齊河以下至海口五百餘里由臣籌撥兵勇聯絡民團設法固守此係萬不得已之計北岸一面籌防仍乞

聖恩通飭各營勦兵務在南岸猛力追逐賊至何處勦兵卽行趨顧使沿河上下不至喫重臣現將新到馬隊調集分布河北以操爲防並就所部勦兵內酌撥十數營渡河迅速辦理現值冬凍在卽防務萬不宜遲茲謹將全河地勢繪圖貼說恭呈

御覽仰懇

天恩迅飭李鴻章等妥爲籌議臣亦一面飛咨商辦以重

奏稿卷四

四

河防而固畿輔實於大局有裨再臣於初四日查至蒲臺距利津僅六七十里據該縣面稱以下水勢與上游無異惟由利津陸路折回汙泥難行臣因急於回營督勦恐有稽延當派兗沂道文彬前往查勘卽於初五日由蒲臺陸行折回初六日抵齊東卽據王正起等來稟賊於二十八九等日在江境羽山一帶盤踞意欲竄擾沂州因該軍駐紮沂境之店頭李莊一帶正可迎勦卽於初二日回竄東境沿海之夾倉口濤雒日照一帶並探稱邊馬已竄近諸城據獲逃賊均供該逆仍欲由青州竄鄒平章邱濟南一路窺伺竄運王正起王心安兩軍已於初四日五鼓由沂拔隊向

莒州一路探明追勦王成謙一軍亦擬取道穆陵關一路
繞截臣查現在江境兵力過厚臣軍日前駐沂亦緊扼其
西竄要路該逆無計可逞其欲竄由青州章邱濟南一路
搶運自屬必然之勢臣於得信後即飛調楊飛熊一軍定
限初十日到省臣於初九日回經省城即擬暫駐催提該
軍一到即於十一日親督由章邱一路迎頭攔截惟黃河
各防臣必須撥兵協守而刻下王正起王心安王成謙三
軍均在前敵或追或截未能遽調楊飛熊一軍既經探賊
有竄章邱濟南之信臣必得一往截勦以遏狂氛河防之
兵一時尙難分撥臣俟勦局一定即行酌派決不至失時
誤機所有查明黃河北岸形勢預籌分守及現在布置追

奏稿卷四

五

截各情形理合由驛具奏伏乞

皇太后

皇上聖鑒訓示謹

奏

馬隊抵東分紮操練片 同治六年十一月初十日
再臣前奏准招募東三省壯丁係吉林黑龍江兩處分辦
臣前駐軍沂郡據報吉林西丹一千六百五十名行抵東
境業經調令赴沂親加點驗均尙樸實亦並無內地流民
夾雜混充惟人雖到齊而馬因由黑龍江購買至今尙未
能到臣當派沂州府知府長賡會同原派統帶官先將該
丹丁教演槍法操練長矛俟馬到之日再行教令乘騎演
陣以免延擱嗣於十月內接委員張蔭桓稟報招募黑龍
江西丹一千六百五十名均各帶馬匹已於十月內陸續
全抵東境惟山湖兩路俱被黃水淹阻人馬萬難行走臣
當飭令該丹丁等即在東昌府各屬暫時分起駐紮一面

奏稿卷四

六

派員前往點驗據報此起丹丁較之吉林尤爲精實可靠
臣查該丹丁等由東三省來跋涉數千里未免疲乏自不
得不暫令休息即其馬匹初到內地水土不服亦須加意
喂養且該丹丁等均係來自田間一切槍箭陣法尤宜詳
加操練方期得用當茲勦捻喫緊之際臣之步隊與賊角
逐每戰即能用力第追殺不及賊騎馬隊在所急需然未
練之眾亦不敢輕於一試必俟訓練三四月後俾各丹丁
技藝陣法皆能純熟馬匹亦俱臆壯始令隨同現在步隊
相機攻勦使之不至於敗久則漸成勁旅可以備緩急之
需現今所派統領營哨各員弁均係富明阿等原派之員
黑龍江尙未接見吉林一起已與談論數次其中似多有

積習過深之員臣當隨時認真稽查如稍不得力卽行奏
換不令其濫廁戎行致壞始甚至各丹丁等如有不遵約
束之徒務懇

天恩准臣隨時按照軍法懲辦再行奏咨庶幾軍律森嚴
該丹丁益知警惕於操練實有裨益所有吉江丹丁先後
到東並現在分駐操練各緣由謹附片具陳伏乞
聖鑒訓示謹

奏

奏稿卷四

七

籌議修約事宜摺同治六年十一月十五日

奏爲籌議洋人修約事宜遵

旨密覆恭摺仰祈

聖鑒事竊臣欽奉

密諭飭將洋人修約事宜通盤籌畫詳細覆奏並准總理
各國事務衙門密函備具條說囑將各事宜妥議奏覆臣
查夷務之興已數十年議戰議和迄無成效咸豐十年事
起倉卒以互換和約稍紓禍患然自定約以來該夷輒於
條約外別生枝節復經總理衙門王大臣等遇事密慎據
理堅拒迄未得逞辦理極爲不易來歲換約之期勢必要
索多端妄意挾制今日處極難之勢自不可輕啟事端然
察其要求各節其爲害過重者亦必無可許之理卽如請
覲一事查和議既定卽准該國使人

奏稿卷四

六

見亦兩國通好常事惟今日時勢稍有不同彼旣不行中
國之禮其桀驁之氣自難遽馴名義之閒關係甚重若
天威咫尺該使等於

殿廷之上偶形疏失豈容置之不問若遽加詰責又恐反
致紛紜各國貪嗜無厭向來小不逞意輒向總理衙門嘵
嘵爭執若准入

覲恐將來錐刀之事動煩

睿鑒措置較難凡此皆易啟爭端似不如先爲婉拒方今
皇太后垂簾聽政於各國使臣自難

召見而該夷動欲以客禮自居更屬難於

召對似可以此意婉言拒之未容輕許以杜其漸也至如遣使一事兩國和好通使往來原屬可行現經總理衙門奏派美國公使蒲安臣隨同揀派章京志剛孫家毅出使將來各國情事我既可以詳加體察而因此投閒抵隙能潛使各國自爲離異者權衡卽在其中此事深中要害辦理自爲妥洽此次係屬試辦一年期滿之後或須另行派員似可

飭中外各舉所知必操守清潔膽識並優者方得入選送歸總理衙門揀派至此項費用目前試辦後可以略知其數日後或由各海關籌款備用此事有利無害患在難得

奏稿卷四

十九

其人若任使得人於中國實爲有益又如開拓傳教庚申條約已載此事此時更難更易且查各省傳教雖不無紛擾然民間苟知習教之非卽夷人亦難強人以必信故每遇有事尙易了結但地方官能公正不偏其氣亦可稍阻惟有通飭各督撫於凡有洋人傳教處所飭屬隨時加意於地方明白紳耆密爲開導彼此能曉諭鄉民互相禁止民間若相禁戒傳教之術亦窮第恐有奸黨匿迹其中全在地方官持正守法亦易辦理至此外如有該夷教徒滋事地方官力所不能辦者各督撫相與提挈之必能少有補救至若銅錢鐵路內地設行棧內河駛輪船販鹽挖煤等事臣將條說所開悉心詳審總理衙門於受害處洞悉

靡遺其所以拒彼之言詞正理長無可再易此事爲害過大使我之

國計民生日耗月削於冥冥之中不堪設想臣百計思維其爲

國家所必不能許者理勢灼然無待遷就卽或稍爲遷就而各處民人亦必負忿啟爭於和局終屬無裨至於無裨和局之時該夷仍欲我箝制民人而民人愈不服甚且相與輕而玩之且生他變斯尤害之最大者也惟洋人注意於此數事尤爲專重此時該夷志驕氣滿非可以情喻理遣也明年換約之期彼必以此首先爭執爭執不從必相脅制脅制不行必形決裂臣愚謂此時先事綢繆實屬無

奏稿卷四

二十

可再緩必來歲換約據理執辯彼雖過求無厭我總婉與商量必不使決裂之端自我而開而根本之至計應請迅速

密飭各省預爲籌備不至臨事倉皇如該夷將有決裂之形務令一呼卽至而臣尤所慮者現在夷人盤踞

京師萬一事將決裂其臨機應變關係安危之機閒不容髮臣愚以爲先事則密以圖之臨事且柔以示之俟我布置密定務期先發制人自處於有備而乘其所不備乃爲有濟至於此事之發以機關貴捷呼應貴靈爲要著然此尤須專責之於近

畿數省令其先事認定不准推諉若求之於遠恐難應手

且慮洩機要之值此時事惟期內外一體互為聯絡臂指相使庶幾仰賴

聖主威福或可以弭意外之變臣知識樛昧東省與各國交涉事件較他省尙簡臣於各國事務亦未盡諳習茲惟就理勢細為酌度總宜堅持定計不遂貪求不與啟釁而半年以內速行預備似為切要敬抒管見謹恭摺由驛覆陳伏乞

皇太后

皇上聖鑒訓示謹

奏

奏稿卷四



密陳制夷方略片 同治六年十一月十五日

再洋人盤踞京城已成心腹隱患近日妄意要求略無忌憚實由於此卽我之辦理夷務動形牽掣者亦由於此此後棘手情形日甚一日臣揣該夷之心以為我根本重地與我雜處無事則藉為要挾之具設使有事而

宮闕所在雖有強兵健將亦將有所顧忌而不敢發上年復於

西華門側建造洋樓聞經總理衙門斥辯始行折低臣每詢之都人均謂尙可視遠此其處心積慮殆欲因我所忌以挾我乃有所恃而不恐用意誠狡而為計彌毒來歲修約之期該夷要求不遂恐將恃此為挾制之端若不思奪

奏稿卷四



其所恃則不能以伐彼之謀亦不得以伸我之威臣愚以為將來事機萬一有變應請於先事之時

密召二三真能知兵之督撫相與密籌定局卽責成以護衛

宮廷之事務在不動聲色發於夷人所不及料但能應變一時使

朝廷不致震驚則可以乘勢驅之使出而夷人失其所恃亦將氣沮迨其氣沮而就我乃可因其勢而徐籌駕馭之術惟此事關係極大若果事勢至此

特召之軍不惟擇將並責擇兵未可輕為調取臣每細訪求各路軍營情形惟陝西老湘營一軍根柢甚好毫無夾

雜頗屬節制之師此外或好或否尙須精選

聖明自有權衡臣在東省切近

畿輔亦必審之又審預籌一二可靠之軍以備急用斷不

敢稍涉粉飾至與洋人用兵之道水陸各異臣未習水戰

未敢臆說至於陸戰臣竊謂夷人有勝我者三有不及我

者三如火器精良遠勝於我而其施放之便捷則實不及

我心志堅忍遠勝於我而其步伐之衝突則實不及我槍

礮轟炸遠勝於我而其刀矛之擊刺則實不及我以其所

不及我者而設法以敵其勝我者固未必全操勝算亦何

至毫無把握且夷人所恃在槍礮此宜於攻奪營寨若與

之易營陣爲野戰則槍礮不盡得利矣夷人所重在隊伍

奏稿卷四

三

此利於列陣交鋒若與之易整隊爲散擊則隊伍亦不盡

得利矣至若大江之中夷人輪船洵爲利器然東南水師

必有能設計以敵之者應請

密飭妥議以爲預籌之計臣才疏識陋深愧言之無當事

機惟處此時勢萬難拳拳愚衷如赤子之依戀父母實有

不忍遠言而又不忍不言者謹據愚見披瀝密陳伏乞

聖鑒訓示謹

奏

捻逆折回南竄扼擊布防摺同治六年十一月二十一日

奏爲賊被官軍堵剿折回南竄現將各軍分路扼紮以備

迎擊並籌布黃防恭摺仰祈

聖鑒事竊臣於本月初十日將查明黃河北岸形勢會籌

分防及賊蹤回竄東北臣督軍迎剿各緣由馳陳在案十

一日探報賊於初八九日竄赴安邱適所調楊飛熊之軍

亦到臣即於十二日督飭由章邱前進十三日接據王成

謙稟報賊於十一日由安邱竄入濰縣劉銘傳及王正起

王心安各軍亦於是日到濰截剿該軍於十二日行抵青

州已繞出賊前定於十三日由臨淄一路迎截等語十四

日臣飭楊飛熊一軍由章邱進至鄒平復接王成謙王正

奏稿卷四

三

起等及壽濰各縣稟報賊於十二日竄渡濰河經劉銘傳

等軍於半渡截剿獲勝斃賊千餘名奪獲馬匹數百王正

起等軍於濰縣東北勦擊殺賊亦多賊敗竄壽光勢由臨

淄一路西竄等語臣以賊走壽光王成謙一軍於十三日

由青州馳往臨淄正可迎前截剿詎該逆見西路有兵攔

截不敢西行仍復折回濰縣十五六七等日探報已由濰

縣疾奔安邱炸山向日照一帶南竄已及江境各軍均隨

後緊追等語竊以賊蹤極爲飄忽現雖南竄仍必折回將

來非由西北竄兗州泰濟必由東北竄沂州青濟刻下追

兵約計五萬餘人力量甚厚運防之兵亦爲嚴密計此時

賊勢注在狂奔以避兵則兵勢自應注在攔截方期處處

應手臣現將王正起王心安楊飛熊三軍分作東西迎截之師以王正起一軍紮青州王心安一軍紮金嶺鎮如賊再由莒日東竄青萊則青州金嶺鎮距臨淄安邱壽光昌樂濰縣淄川長山縱橫均不出百里二百里之外隨處皆可攔擊且可以扼賊由東北樂安博興高苑一面趨撲黃防之路以楊飛熊一軍紮固山若賊由泰安西竄濟南則固山距長清齊河均不過數十里隨處皆可攔截且可以扼賊由齊河濼口一面趨撲黃防省防之路兼以兩路分紮一東一西相為犄角若賊竄西南金嶺鎮兩軍即可由東而西策應西路似此東軍迎勦淮軍尾追庶可處處遇賊不致轉折落空而隨地亦可兼顧黃河以勦為防於河

奏稿卷四

三

防不至坐困局勢似較靈活至河北地段過長不可無兵駐守臣已飭王成謙一軍渡河由惠民縣屬姚家渡起至海口止二百七十餘里會同楊長林礮船四十餘隻及黑龍江馬隊一千六百餘名分段駐防其姚家渡以上至齊河大橋止三百餘里已調前駐防張秋之東昌營兵三百名並另調青州滿營兵五百名交張得魁管帶會同莫組紳勇營趙三元礮船三十餘隻及吉林馬隊一千六百餘名分段駐防並嚴飭各州縣督勸民團協同兵勇趕築河牆捐蓋窩棚以資憑守惟河防自鐵門關至海口四十餘里海風凜冽寂無居人食物柴薪無從購買又係潮汛來往搭蓋窩棚更難擇地臣風勁地寒尤易結凍此地極為

緊要現飭文彬設法臣仍擬暫駐章邱調度一切所有追賊南竄現將各軍分布勦防情形謹恭摺由驛具奏伏乞

皇太后

皇上聖鑒訓示謹

奏

奏稿卷四

三

派員勦辦直臬片 同治六年十一月二十一日

再正繕摺間接據海豐陽信等縣及武定營迭次飛稟直省現有騎馬賊匪句結鹽梟馬步共有千餘人由直隸南來現已竄至慶雲縣屬之崔家口勢甚猖獗本月十五日圍攻慶雲屬之黃家屯莊並探聞鹽山縣城有失陷之信又據陽信縣稟稱該匪已由楊家橋竄過老黃河南岸距海豐僅十餘里該縣僅三十里刻已嚴密防堵並據德平縣周士瀚稟報有大股馬梟由直隸滄州薛家灣過河自滄州南五十里之臈口往舊州奔竄匪眾約有四五百人馬六七百匹又聞滄州之羊三木一帶亦起有鹽幫約五六百人勢欲向東滋擾請派兵防勦等情查直省前起馬

奏稿卷四

三

賊屢經勦擊尙未盡殲此股賊眾是否前起馬賊紛竄句擾抑係另股起事尙未可定 臣於接報後即飛飭派赴黃防之王成謙就近分帶勇隊前往海豐一帶速為勦辦並飭張得魁莫組紳等一體嚴密兜勦惟河防現在籌辦守凍甚屬喫緊茲慶雲滄州海豐等處又有馬賊梟匪句合肆竄該處切近黃河北岸既有匪蹤恐成腹背受敵之勢防務益形棘手現已嚴檄沿河北岸各防營認真確探嚴防並飛咨湖廣督 臣李鴻章直隸督 臣官文三口通商大臣 臣崇厚查照辦理謹附片陳奏伏乞

聖鑒訓示謹

奏

直臬東竄合勦獲勝片 同治六年十一月二十六日

奏為直臬竄入東境官軍民團合勦獲勝殲斃極多餘匪敗回直境現飭趕辦河防恭摺仰祈 聖鑒事竊 臣本月二十一日將直省馬賊句合梟匪由直屬鹽山慶雲竄入東境海陽各縣河防喫緊飛調兵勇迅即勦辦各緣由附片具陳在案二十四五等日連接署武定府知府張鼎輔防河副將莫組紳暨海豐陽信各縣稟報賊於十六日由慶雲縣屬老黃河南岸竄入海豐境之北營樂善堆滋擾約有一千餘人多係馬賊該縣知縣劉輅一面請兵勦辦即會督營勇紳團馳往堵勦北營圍眾亦從旁繞出匪眾施放槍礮拒敵團勇直前接戰斃賊二

奏稿卷四

三

十餘人生擒三名奪獲馬匹器械多件匪眾敗竄西北繞及海豐縣城十二里及離城八里之范家莊該縣及把總李成德復督團勇追勦斃賊目二名奪馬十餘匹該匪敗竄大莊等處屯住十七日該匪復折由范莊南趨直逼海豐城圍兵勇紳團分隊迎擊匪眾馳馬抵拒團勇奮力攻勦殺賊十餘人奪馬數匹賊復敗退范莊勇團隨後跟追時陽信縣知縣徐家杰亦會督該縣兵勇紳團前來會勦該匪列隊抗拒我軍施放槍礮轟擊約戰四時之久斃賊二百餘人奪獲馬匹器械多件匪眾正在敗退適直隸帶兵之總兵陳濟清余承恩等督帶馬隊趕至迎頭截住勇團復會合首尾夾擊該匪在馬上開放洋槍拚死抵拒我

軍馬隊亦用槍礮連環攻擊又斃匪二百餘名匪勢散亂直軍勇團分路衝殺斃賊甚多該匪勢不能支捨命奪路向西北趙王河奔竄直軍暨勇團隨後追及又斃賊數十名僅餘敗匪二三百人梟水過河策馬疾馳勇團追至慶雲屬之棗園橋駐紮直軍跟蹤緊追十八日該匪直向鹽山滄州池北狂奔直軍分兩路跟追等語臣又於本日接據德州恩縣各處稟報該匪於二十一日已由直境吳橋一帶竄近德州北廠經參將黃兆昇堵勦殺賊數名生擒二名該匪不敢停蹤奔向恩縣復經該縣帶勇經歷朱雲欽迎頭截擊又殺賊十數名該匪直向南奔黃兆昇跟蹤追勦臣已飛飭龔易圖及傅振邦等迅速派隊馳往會合

奏稿卷四

无

迎擊查此股賊眾據探係前起馬賊由滄州一帶句合鹽匪十五日竄入慶雲鹽山十六日即突至海豐陽信日馳百數十里勢甚剽疾臣二十一日接到各該縣稟報當以海陽各縣切近黃河北岸值此河防喫緊之際兵勇民團甫經趕辦牆工而匪蹤忽來全行掣動若使日久蔓延轉瞬冰凍設捻從南岸窺伺防勇腹背受敵大局不堪設想當即飛飭各該縣集團嚴防一面飛飭王成謙及在防各營撥帶兵勇星馳勦辦其時莫組紳於十七日聞警已先帶隊往勦未及趕至而海豐陽信各縣即能會督營勇紳團節節截勦斃賊甚多嗣官軍追至又復會合夾擊將該匪殲除大半餘賊敗竄出境河防藉可無慮辦理尙爲

迅速未便沒其微勞相應籲懇

天恩俯准將署海豐縣知縣劉輅俟補缺後以同知直隸州知州用先換頂戴知州銜陽信縣知縣徐家杰

賞加運同銜海豐汛把總李成德免補千總以守備用以示獎勵至各該縣紳團深明大義奮力殺賊又助官軍力勦當此借資民力之時自應量加鼓勵可否准臣查明實在出力紳民酌量保獎之處出自

逾格鴻施其餘各縣傷亡紳團容詳查分別撫卹至賊已出境各勇團現因河防緊要臣已飭調回防迅辦修牆搭棚各事未便令其越勦致誤防局所有直梟入境經官軍民團合勦獲勝敗竄出境及現辦河防各情形謹恭摺馳

奏稿卷四

无

陳伏乞

皇太后

皇上聖鑒訓示謹

奏

擒逆回竄調軍進剿片 同治六年十一月二十六日

再前據各路稟報擒逆被勦南竄 臣 以後路追兵甚多奏將王正起王心安兩軍分紮青州金嶺鎮兩處專備迎勦並可屏蔽黃防於二十一日馳陳在案 臣 拜摺後即專弁持令向前敵飛調惟該二軍自濰縣截擊獲勝賊蹤由東南奔竄即與劉銘傳各軍分道由安邱諸城一帶緊追相距較遠刻尚未據報到本日接安邱高密等處探報賊又有由青口夾倉等處回竄安邱高密之信該二軍已由西路臨朐青州一路繞出抄截等語查 臣 前擬令該二軍駐紮青州金嶺鎮正為賊回竄東北隨處可以迎截起見本非欲其株守待賊茲賊既回竄該軍折從西北抄截適與

奏稿卷四

三

駐紮青州金嶺鎮之意 臣 已飛飭其如賊趨高密昌邑濰縣一路即繞從壽光臨淄截擊如經追勦南竄即折回紮青州等處預備迎勦該軍必能遵辦 臣 現仍駐鄒平與前敵為近調度尚捷楊飛熊一軍刻令暫駐龍山以扼西路如賊被擊西來正可迎頭截勦容有捷報再行馳奏謹附片具陳伏乞

聖鑒訓示謹

奏

擒逆被勦南遁照前分紮並查河牆摺 同治六年十二月初八日

奏為擒逆復被官軍兜勦南遁現仍照前分紮準備回勦並親往查驗河牆以期嚴密而重黃防恭摺仰祈聖鑒事竊 臣 於十一月二十六日將擒逆復由南路折竄東北高安各情附片具陳在案是日夜丑刻接各路探報二十五日賊由安邱小路欲趨穆陵關偷竄沂莒適王正起王心安兩軍正由穆陵關回截而來該逆聞知有兵連夜折由昌樂向臨淄淄河店一路狂奔勢欲西竄章邱濟南一路撲運二十七日據探報及新城長山各縣稟稱賊已竄及新城之張店邊馬擾至長山城東十二里 臣 駐紮鄒平距長山三十里與賊甚近前因河防兵單所帶親軍

奏稿卷四

三

及平字兩營已派渡河協守隨身實無一兵楊飛熊一軍先因賊已南竄於二十三日飭赴固山駐紮截勦西路甫經到省二十六日接賊折竄東北之報即飛調該軍兼程折回向東攔截二十七日馳抵章邱 臣 以賊既竄新城長山若由淄川周村旁竄省垣路徑紛歧未敢調該軍前進致賊乘間逸出即令駐紮章邱分路扼勦僅調該軍兩營馳赴鄒平準備就近迎擊以待追兵二十八日該二營甫到即據探報賊之邊馬已竄過長山城西二三里 臣 即飭其整隊待敵並派令哨弁及馬勇共四十餘騎馳出鄒平十餘里追逐邊馬以作聲勢詎該逆聞 臣 住鄒平又見馬隊突出不敢西行連夜折回東路張店新城一帶 臣 正飭

楊飛熊進前兜勦時王正起王心安兩軍於二十八日已由金嶺鎮西抄出長山途遇馬賊數百追之即遁劉銘傳各軍亦相繼追至賊見我兵均出其前即向臨淄狂竄劉銘傳各軍商定以王正起等既出長山由新城向西北兜截該軍即分道由金嶺從東截直跟追該逆徑奔壽光劉銘傳及各軍馬隊追及截勦殺賊甚衆該逆向昌樂安邱連夜疾奔王心安營官副將宋延德帶馬隊二百餘騎乘夜截擊適遇馬賊數百宋延德奮力衝散殺賊數十名投誠者一百四十餘人臣令安爲安置現據探報仍竄向東南青口一路等語劉銘傳各軍仍行緊追王正起王心安兩軍臣飭令不必遠追仍照前議紮青州金嶺鎮預備回

奏稿卷四



竄楊飛熊一軍亦令回紮固山以防賊由南西竄黃河防務冬至後連日驟然大寒深虞凍沍現在賊勢漸蹙運防百數十營重重扼守黃防尤慮搶突臣北念畿疆焦灼倍至深恨饒需支絀無力增兵前於十一月查看河道形勢後即調集濱黃各州縣明定章程嚴施號令勒限於十二月初十日前督勸民團將張秋至海口八百五十里河牆一律築竣捐蓋窩棚以資憑守前據歷城縣知縣陶紹緒稟報該縣應修七十八里已於初五日如式工竣窩鋪均已蓋齊復倡捐錢五百千製造旗幟齊河縣知縣聶慎典稟報該縣應修二百餘里亦已於二十七日工竣其餘各州縣亦均稟報初七八等日可冀完工官民

極爲踴躍至駐防兵勇臣勉力湊集步隊一萬一千餘人加以新到馬隊三千餘人自齊河以東起至海口止五百七十五里定以每二十五里駐步隊一營共五百人每百人分駐五里又每十里閒駐馬隊一哨共五十人無事操練遇警則上下巡查又五里分駐兵勇百人恐難兼顧飭令各州縣各按轄境每五里調民團三百名協助其水師礮船八十餘隻令其分駐濰濟濟惠濱蒲利至海口九處於上游多爲停泊遇有搶撲順水駛下始形捷利復令於北岸修築礮臺百餘座如河水凍結船不能駛即將礮移置岸上令水勇改爲陸隊藉資遠守臣猶恐河段過長兵力太薄萬一凍結北岸難資抵禦復於河南岸飭令濱

奏稿卷四



河之齊東青城蒲臺利津高苑鄒平樂安博興八縣於黃水漫溢之處復築長牆一道約長三百餘里直抵海口一律捐造窩鋪若賊由南岸一帶竄撲有此一牆亦可扼守而北岸多一層屏蔽更覺可恃現據報不日亦可告竣其海口一帶四五十里一片荒灘萬難駐隊臣已飭令王成謙文彬等督同利津海豐各縣妥議辦理惟此次河牆辦理迅速恐未高厚兵勇亦恐疏懈臣於初十日由營赴利津至齊河親爲查驗用期嚴密至臣查畢後約在十二月二十四五日正屆大寒防務喫緊即在此時現在東西扼勦南北布防勇團紮設有警信各營及各州縣時多稟報臣偏駐一隅深虞間隔必擇一適中之地以便呼應靈

捷省城距河南岸僅十二里上下均可兼顧臣由齊河回時擬暫移駐十餘日居中調度仰賴聖主威福遠庇河防無事俟至立春凍開仍即專力督勦期於迅殄妖氛所有捻逆復被堵勦南竄及布置防勦並查驗河牆各緣由謹恭摺馳奏伏乞

皇太后

皇上聖鑒訓示謹

奏

奏稿卷四



直臬狂竄擬由東南扼勦片同治六年十二月初八日再直境梟匪於二十二日竄至德州經黃兆昇督軍追勦斃賊十餘人該匪不敢暫停徑向恩縣清平一帶狂竄二十三日傳振邦飭派遊擊王壽朋齊登元由梁家淺拔隊跟追郭大勝由臨清繞截二十四日探知該匪又旁竄清水鎮復飭劉萬清由館陶截擊我軍馳抵清水該匪又向東南折竄二十五日郭大勝等軍追至冠縣之郎窩寨該匪又由雪店鎮折轉西南竄赴朝城張家樓復由該處竄入清豐二十六日我軍追至南樂探知賊又由梁村撲過河西回竄西北郭大勝等又復跟追二十九日該匪在太平莊攻圩郭大勝等帶隊趕至甫經接仗斃賊數名奪馬八匹該匪又狂竄向直境之白菓新莊一帶逸去郭大勝等連夜窮追該匪又由杏園一帶竄赴棗強現在直軍均由西北分路追勦該匪經各路官軍晝夜追擊不能停喘逃散甚多各軍沿途多有搜殺並得賊馬數十匹勢甚窮蹙臣現飛咨傳振邦迅飭郭大勝等軍由東南扼勦與直軍兩面會擊冀殲窮寇謹附片具陳伏乞

聖鑒訓示謹

奏

奏稿卷四



殲除直梟摺 同治六年十二月十三日

奏為直梟復竄東境經官軍晝夜追勦殲除殆盡現飭嚴搜逃匪以絕根株恭摺仰祈

聖鑒事竊 臣於本月初八日將直匪東竄經直東官軍窮追復竄東強並飛飭東軍分路會勦各情附片具陳在案茲於初十一等日迭據東昌府知府龔易圖遊擊黃兆昇暨夏津等縣稟報該匪於本月初六日突由直境吳橋一路竄入山東德州境內向南狂奔約有馬賊二百餘人時外委張吉祥帶馬隊一哨駐紮德州當即飛報駐紮恩縣之遊擊黃兆昇千總石魁陞等督隊迎勦一面帶隊緊撲南追該匪竄至恩縣甜水鋪以西適黃兆昇石魁陞帶

奏稿卷四

毛

隊齊至該匪見官軍驟集向西南折竄黃兆昇等亦折回跟追馳抵蒲河莊該匪回馬抗拒各隊開槍轟擊斃匪二十名奪獲賊馬十七匹該匪仍向西南敗竄石魁陞督馬隊一百數十人緊躡其後黃兆昇步隊繼之時府經歷朱雲欽亦帶隊趕至石魁陞馬隊追及於范家窩地方與賊相持黃兆昇等步隊亦至合力圍擊槍斃齊施斃賊十數名生擒執旗賊目張七周玉二名各勇乘勢奮殺又斃賊二十餘人奪獲馬二十六匹旗幟器械三十餘件匪勢散亂仍向西南死命狂竄各軍策隊疾追該匪見官軍追急在於沿途逢人索換破布襖袴並以馬易驢意圖改裝逃散各軍探蹤齊進在於蘇留莊地方將該匪圍斃斃賊

數人匪眾拚命突圍向松林內潰竄時將昏暮官軍一齊踴入槍礮轟擊又斃匪三十餘名該匪多委棄馬匹逃竄我軍乘勢緊追該匪連夜向夏津逃奔黃兆昇等亦晝夜追逐時夏津縣知縣郝植恭聞被官軍窮追入境即帶領團勇乘夜迎前攔截時已五鼓行至該縣霍莊以北正將賊路阻住我軍亦即趕至兩路夾擊約斃賊二十餘名並擒獲賊首蕭七一一名餘匪二名奪獲馬二十餘匹器械多件該匪黑夜亂竄我軍亦分路追殺又斃匪約二三十名迨至天明四顧已無匪蹤各軍分路搜捕復獲郭九等三名馬匹沿路遺棄窮搜竟日毫無匪迹計已殲除殆盡等情 臣查此股馬賊係由吳橋闖入德州其為前股梟匪無

奏稿卷四

美

疑惟該匪是否係直軍勦敗全股東竄抑係分股竄入直境尚有餘匪亦未可知 臣已飛行咨查第該匪以數百餘人在於直東兩省來往奔突剽悍異常遇馬隊則死鬪遇步隊則急走盤旋兩載有餘竟難殲滅茲復敗竄入東幸黃兆昇等踴躍赴機於賊入境後緊跟追勦遇賊即擊不令暫停窮一晝夜之力竟將該匪殲除殆盡除去直東心腹之憂洵堪上慰

宸廑 臣以該軍等係漏夜追殺昏黑之中恐有逃匿現飭龔易圖督飭各兵勇暨各州縣實力分路搜捕務期淨絕根株不准稍涉含混至此大追賊各員應給優獎以示鼓勵其餘在事防勦之文武員弁兵勇應俟 臣查明該匪確

係一律肅清再行奏

聞仰懇

逾格鴻施准 臣擇尤保獎用昭激勸所有直隸復竄東境經官軍晝夜追勦殲除殆盡各緣由謹恭摺由驛具實奏聞再捻逆前已竄赴江境現接沂州府知府長廣稟據探報本月初五日該逆在吳山城頭等處焚掠距該府一百三十餘里該處係屬邳宿地方等語並據各路探報相同臣恐該匪復竄西路已飭楊飛熊一軍由章邱回紮固山以備迎勦合併附陳伏乞

皇太后

皇上聖鑒訓示謹

奏稿卷四

完

奏

查驗河牆事竣並據報逆首生擒摺 同治六年十二月二十三日 奏為查驗河牆事竣暫駐省城並據報逆首生擒各情形恭摺仰祈

聖鑒事竊 臣於本月初十日由鄒平親赴利津查勘黃防牆工即由利津循歷上流河牆計至齊河五百七十餘里一律完竣由齊河上至張秋二百八十餘里亦已完工其齊東青城蒲臺利津高苑鄒平樂安博興八縣復於河南岸黃水漫溢之處添築長牆一道約長三百餘里工程均極堅厚此次黃河南北兩岸平地築牆共一千一百數十里不過二十日即行就功又復沿牆搭蓋窩鋪均係民間自行捐辦此皆

奏稿卷四

罕

國家厚澤深仁浹人肌髓故民情之踴躍如此也至在防各營及各州縣民團協力駐守尚無疏懈直隸兩軍自齊河防至張秋布置亦為周密 臣行抵齊東即據探報捻逆有竄越六塘河之信十九日查勘至濠口接據沂州府知府長廣邳城縣知縣李漢稟報轉據統帶皖軍總兵程文炳函稱捻逆竄過六塘河後剽疾異常由錢家集南豐都城闖過運河刻已行抵皖境該軍已進至泗州其留住郟城各營應全數調往一同進征等語正切疑慮並飛飭確探稟報聞二十二日又接據濟甯州知州程繩武稟稱捻逆馬數百匹逃竄仙女廟一帶將至揚州經華字營於十五日將逆首賴汝洸生擒餘匪均降等語查覈情形江境

之賊似可蕪事現在黃河防務除將東昌壽張營兵五百餘名暫行遣回東昌以資彈壓外其餘各營各勇團仍暫令如常駐紮俟確探賊蹤是否殲滅再行籌布現探聞張總愚一股已竄吉州平陽一帶東昌臨清各屬均在河北該逆亦甚剽疾亟須預防若南路軍務告竣北路即當速籌辦理臣現仍暫駐省城相機籌備一切所有臣查勘黃防牆工事竣並據賴逆生擒各緣由理合由六百里恭摺馳奏伏乞

皇太后

皇上聖鑒訓示謹

奏

奏稿卷四

聖

殄滅馬賊地方肅清片

同治六年十二月二十三日

再臣於本月十三日業將勦滅馬賊並嚴飭搜捕逃匪緣由馳報在案拜摺後接據前直隸總督臣劉長佑來咨該匪經直隸官軍勦敗人數不過二百名勢將東竄臣始知直隸已無匪蹤嗣據東昌府知府龔易圖稟稱此股馬賊由直隸東光縣境竄至恩縣境內時計約二百餘名經官軍民團轉戰圍勦斬殺殆盡迨直隸余承恩等追軍至境亦稱後路並無匪股惟官軍圍勦此賊係值深夜昏黑深恐零星漏網星散潛匿各軍當即分路搜捕適傳振邦所派遊擊郭大勝亦於是夜馳赴夏津七里屯沿途搜殺散匪十餘名奪馬十三匹各州縣亦均逐日下鄉嚴搜德州知州趙新捕獲馬鎖等三名獲馬九匹恩縣知縣梅繼高捕獲張逢喜等六名獲馬五匹夏津縣知縣郝植恭督團捕獲六名又於前次陣前擒獲各匪訊出王六一名王天祐亦係匪首均經正法現在收獲馬共一百四十餘匹器械全行收取餘孽實已殄盡地方一律肅清臣復派員確查此股馬賊實已殄滅淨盡現復將所收馬匹調驗在事出力文武員弁臣於二十二日欽奉諭旨查明地方肅清後准臣奏請獎勵容臣將在事防勦出力員弁勇團等確查明白再行奏懇恩施不敢稍涉冒濫茲謹將捕斬逃匪地方肅清情形附片具陳伏乞

奏稿卷四

聖

聖鑒訓示謹奏

東境肅清西捻竄豫籌防進剿摺同治六年十二月二十六日
奏為東省全境肅清黃防省防次第裁撤並探悉捻逆竄抵豫疆現調各軍籌布河北勦辦事宜恭摺仰祈

聖鑒事竊臣於本月二十三日將查驗河牆事竣暫駐省城並據報逆首生擒各情馳陳在案竊以賴逆就擒江境無賊東省亦一律肅清所有省防河防自應全行調撤惟臣現接河南撫臣李鶴年咨稱張總愚股匪已由晉境攔入豫疆擾及衛懷一帶並據東昌府等處探報相同查河南懷慶衛輝與直省廣平大名壤地毗連距東昌屬之館陶冠縣暨臨清州不過五六十里東省邊防極為緊要亟應預籌布置惟此時賊勢密邇

奏稿卷四

聖

奏稿卷四

聖

畿疆直省與晉豫交界各路均無險可扼現既擾及豫境將來非由廣平出臨洛關順德一路北竄必由大名廣平向館冠臨清各處東趨以此時籌辦情勢而論自以保衛畿疆為重東省雖有邊防斷不能一意株守即黃河為南北天險刻下賊在晉豫黃河之險已失東省即有河可恃亦無劃河為界而置賊於北路之理將來勦辦機宜必須由北路繞向南截方為合法臣現已調楊飛熊一軍由固山馳赴臨清暫行駐紮數日可到王正起一軍令其由青州取道省城前赴東昌暫行駐紮該軍相去稍遠約在正月初四五日可到東昌王心安一軍已調其由泰安取道前進惟該二軍追賊過久勇丁未免疲乏當令其酌為刪

汰選補精壯用期得力又將東省各營零星馬兵馬勇湊足一千二百名歸王心安管帶與楊飛熊一軍互為聯絡以便與賊馳逐各該軍到東昌臨清後應令覘賊所向如果竄近直東即當出境迎勦至前防黃河之王成謙一軍臣調其由利津至省亦擬量為汰選再行派出其吉林黑龍江各馬隊現在趕緊操練惟馬匹於本月初始行到齊以來路過遠臆力頗覺疲瘦當令養息數旬教練陣法乃能出隊臣本擬立即出省因庫項支絀不得不將各處防兵應撤應留就近在省城布置歸一擬於正月初旬即親赴東昌查看賊情相機辦理所幸目前南路無警正可以全力專籌北面臣惟有竭力整頓以期勦辦有效所有東

奏稿卷四

呈

境肅清撤調省黃兩防並調各軍籌布河北勦辦各緣由謹恭摺由驛具奏伏乞

皇太后

皇上聖鑒訓示謹

奏

西捻漸向北竄督師進勦摺 同治七年正月初八日 奏為據探西捻漸向北竄臣出省馳抵東昌調集各軍擇要布置並籌備援勦各情恭摺陳仰祈

奏稿卷四

呈

聖鑒事竊臣於上年十二月二十六日謹將探報西捻竄豫並擬於正月初旬出省布防各情具報在案臣連日在省迅將南路各軍調集省垣親加整頓俱令分起馳赴東臨要隘正在分布聞迭據東昌府知府龔易圖轉接直隸大名府知府楊毓柅函報西捻各匪自竄到懷慶後日漸北竄由修武新鄉擾及衛輝彰德一帶滑濬等處亦有土匪時行聚散經豫軍勦擊本月初二日初三日賊股擾到安陽湯陰一帶並有邊馬逼入磁州邯鄲武安臨漳各處等情據此臣急於初四日由省起程初六日馳抵東昌伏查該匪自晉入豫日漸竄向東北豫陝各軍俱皆緊躡追擊誠慮乘虛竄入直疆則東省之東昌臨清各屬均皆喫重抑臣更有慮者此次賊蹤全在西北辦理情形固急於勦而不急於防尤急於攔勦而不可急於尾追該匪已到懷慶之東越河出山無險可扼直境之大順廣俱係一坦平行現在若僅令東軍扼守邊圍臨邱莘觀各置一軍頗可自固但恐該匪再由磁州邯鄲偏東向北直竄則東越大名北突順德直達正定在在均入腹地重為

畿輔之警東省與畿疆最近雖宜自固邊圍尤宜選集大枝之軍籌備北援

以資緩急現查東省與直壤毗連之境則館冠與大名相依臨清與廣平相依均宜飭軍駐紮而與

京師相近之處則德州最為要隘臣現飭副將王正起帶

振字營五千人已於初五日馳抵館陶擇要扼駐以顧館

冠南路飭總兵楊飛熊帶吉勝營四千五百人於初七日

自東昌馳赴臨清擇要駐紮以顧臨邱北路並調黑龍江

吉林馬隊分駐臨東與步隊相合嚴行訓練臣另將各營

嚴加選擇挑集十一營交副將莫組紳統帶即日馳赴德

州駐紮約計初十日內外陸續可到再將已革總兵王心

安所帶東治五營合併莫組紳所部共成八千步隊又將

各起零星馬隊調集一千人亦交王心安統帶併駐德州

以為籌備北援之旅如該匪竟從大名東路入犯則三路

之軍均令由北向南迎擊冀可蹙之黃運之交一加痛剿

儻該匪竟越順廣北竄直犯

畿輔則擬飭楊飛熊王正起兩軍留駐東境以備回剿臣

即馳赴德州親督莫組紳王心安馬步各軍北上由景州

河間任邱雄縣向東北駛進冀可趕出賊前攔頭迎擊以

期會合

畿輔防軍遏其北犯上紆

宵旰之憂至此軍行糧需用臣亦擬設法預為籌挪期可

及時應用臣現仍暫駐東昌兼籌防勦日發偵探妥為調

度一面飛函直隸督臣官文暨陝甘督臣左宗棠察看軍

情互相知照商度籌辦總期臨機應變竭盡心力所及力

籌布置用以仰答

鴻慈除將偵探賊情暨防勦情形再行隨時馳報外所有

微臣出省督飭防勦分軍布置暨籌備北援各情是否有

當理合恭摺由六百里馳陳伏乞

皇太后

皇上聖鑒訓示祇遵謹

奏

奏稿卷四

吳

擒竄順德督軍援勦並籌東省邊防摺同治七年正月十一日正
奏為擒蹤北竄已過順德

畿輔情形喫重現擬親督各軍援勦並籌備東省邊境各
情形恭摺仰祈

聖鑒事竊臣於本月初八日謹將西擒北竄並出省籌辦
分軍布置援勦各情馳陳在案臣初以賊竄磁邯距廣平
甚近廣平與東省臨清相去不過二百數十里竊意賊尙
未竄入擬令王正起一軍先由館陶進至廣平繞出北面
兜擊逼賊南趨再行設法勦辦甫經飭行去後於初十日
已刻接據廣平各路探報該逆已由永年縣北竄入順德
府之南和平鄉一帶復竄過新河境內後路張曜宋慶及

奏稿卷四

完

左宗棠所派各軍均各跟追等語查賊蹤已過新河若由
冀州衡水武邑東光等處東竄北路情形較鬆尙無可慮
若直由甯晉趙州欒城一帶徑奔正定則北面地勢平曠
無險可扼卽有滹沱河水之阻而冬令水枯策馬可涉亦
不足恃此時

畿輔情形極爲喫重且追師甚厚前路攔截之兵直隸督
臣官文必能布置惟恐北路一片平原勢難分布臣接報
之下不勝焦急因卽日啟行兼程前赴德州計十二日可
到幸王心安馬步各營適到東昌臣卽帶其北行其前派
往德州之莫組紳各營計十一日亦可到齊臣擬於到德
州後趕緊籌備行資定於十三日親督各軍由景州河間

向北倍道前進彼時該逆若東竄冀武東各處自可迎
頭痛勦若徑北趨正定一帶臣軍或由任邱雄縣一路會
合直省各軍由

京門向南攔截或由肅甯蠡博一路橫出攔勦均俟臨時
視賊所向相機辦理總以力遏北犯

畿輔爲要至東省邊境臣仍飭令楊飛熊王正起兩軍分
駐臨館兩處儻能將該逆攔擊回竄東疆該兩軍卽可迎
頭勦擊且臨清一路可顧德州館陶一路可顧莘觀東邊
不致疏虞臣職司守土出境殊覺未便惟

畿輔重地若僅令各軍自行赴勦深恐機宜未協貽誤堪
虞臣是以親督前進以期無誤事機至出境後臣惟有親

奏稿卷四

辛

督各軍盡力攔勦冀可稍紓

宸廑所有擒蹤竄過順德臣督各軍出境攔截援勦緣由
謹恭摺由驛馳陳伏乞

皇太后

皇上聖鑒訓示謹

奏

督師行過河間繞北截勦摺同治七年正月十五日
奏為督師北援行過河間前隊已馳及任邱現擬到雄縣
繞出北面截勦以願

京門恭摺仰祈

聖鑒事竊臣於十一日謹將西捻竄過順德兼程馳由德
州督兵向景州一路北援各情馳陳在案臣十二日抵德
州後即飭令各兵勇將帳房一切全行遺寄各帶五日行
糧於十三日由德起行是日抵景州接據探報捻逆已渡
過滹沱河北駛臣聞信之下遙念

京門極為喫重心急如焚當督飭王心安莫組紳等迅催
各營兼程疾趨十五日行過河間前隊已馳及任邱計十

奏稿卷四

至

六日可至雄縣查雄縣為進

京東西大道總路東由固安黃村計程僅二百四十里西
由新城涿州良鄉計程亦祇二百八十里現在賊蹤飄忽
靡定臣擬明日到雄縣後察看賊情如已竄過保定即督
軍兼程由固安至黃村一路折向西南出蘆溝橋良鄉一
帶迎頭兜勦如賊尙未到保定即督軍由雄縣橫出涿州
向保定安肅一帶會合各路防軍迎截總以偏出東北後
再折向南勦不落賊後以期屏蔽

京畿至臣軍已到雄縣距

京師東西均不過二百數十里兼程二日即至臣出境後
復飛飭楊飛熊一軍由臨清進紮河間以備該逆被擊南

奔為迎頭截勦之計至東省邊境臣已飭王正起一軍由
館陶移紮臨清北至德州南至館陶均可兼顧並勒令各
州縣督飭民團趕築土圩堅壁清野准備該逆東竄無所
得食將來官軍可收追勦之效所有臣督師出境已抵
河間任邱並擬繞出北面相機迎勦各緣由謹恭摺馳陳
伏乞

皇太后

皇上聖鑒謹

奏

奏稿卷四

至

督師行抵雄縣願懇陛見片同治七年正月十五日

再臣師抵雄縣距

京師僅二百數十里若須繞北南趨相距尤近

天顏咫尺依戀彌深且當勦捻喫緊必須請

示機宜以免隕越合無仰懇

天恩准臣來京叩

見俾稍伸犬馬之忱並得跪聆

聖訓以後一切勦辦事宜得所遵循庶無貽誤如蒙

俯允臣俟奉到

批摺後一面馳派王心安莫組紳先行帶隊迎勦臣一面

馳赴

奏稿卷四



關廷計往返不過三四日即可回營謹恭摺附陳伏乞

聖鑒訓示謹

奏

捻蹤折向南竄督軍回勦兼顧東境摺同治七年正月十八日

奏為捻蹤折回南竄北路情形較鬆現督各軍由東北向

南探蹤回勦並籌顧東境恭摺仰祈

聖鑒事竊臣於十五日謹將臣軍已過河間疾趨雄縣探

賊迎勦情形馳奏在案十六日巳刻在任邱途次欽奉

諭旨捻騎剽疾異常丁寶楨已由河間雄縣旁趨捷徑迅

赴固安等因欽此臣即日催督各軍均抵雄縣十七日兼

程一百三十里行抵固安連日接據探報均稱賊在保定

之西大汲店一帶盤踞另股已擾及易州等語據固安雄

縣探稟相同臣以賊趨易州

陵寢重地關係匪輕十七日抵固安後即傳令莫組紳王

奏稿卷四



心安等定於十七日疾趨涿州涑水先辦易州之賊再行

會勦保定一股布置定後於亥刻接准直隸督臣官文飛

函知照賊知北路重兵厚集向南移竄探報已至博野安

平各境擬即出省督軍扼要追勦等語查賊南竄博安距

保定已百餘里北路情形較鬆博安等縣東即深州衡水

武邑棗強西即晉州鉅鹿廣宗威縣與東境之臨邱館恩

武夏各州縣一片毗連急應回顧且深州東竄尤防其擾

及天津北面仍形喫緊臣現已飭王心安宋廷德帶隊即

日折回雄縣仍由河間一路由東北向西南探賊追勦兼

顧北路臣亦即親督莫組紳等繼進至東省邊境刻下賊

勢南趨亦極緊要楊飛熊一軍臣初飭其由臨清進駐河

間以爲臣後路接應兼顧德州恩縣門戶日內曾否已到
 河閒尙未接該鎮稟報臣刻已飛飭其移紮景州如賊竄
 衡武棗清等處令其與之馳逐屏護東境不准株守如賊
 旁竄東境即可相機迎剿王正起一軍臣令其駐紮臨清
 亦可與楊飛熊聯絡會合臣抵河閒後如官文已進駐該
 處當與之面商一切機宜總期將該逆向南堵剿以紓
 宵旰之憂所有賊蹤折向南竄臣督軍回剿並籌備東境
 各緣由謹恭摺馳奏伏乞
 皇太后
 皇上聖鑒訓示謹
 奏

奏稿卷四

五

丁文誠公奏稿

卷之五目錄

- 收復饒陽摺 同治七年正月二十五日
- 捻逆折竄西北現由東北扼剿摺 同治七年二月初二日
- 捻逆折竄西南分路扼紮摺 同治七年二月初九日
- 捻竄安平分路截剿摺 同治七年二月十五日
- 捻蹤仍竄西南調軍布紮防剿摺 同治七年二月二十九日
- 捻逆突過滹沱回顧東境摺 同治七年三月初三日
- 帶軍回東暫駐東昌摺 同治七年三月十二日
- 追剿馬賊巡視河防摺 同治七年三月十九日
- 捻由直境東竄截剿獲勝摺 同治七年三月二十六日
- 在平大捷摺 同治七年三月三十日
- 擒竄滄州一帶分道進剿以顧東北摺 同治七年四月初六日
- 力顧津防片 同日
- 暫駐交河截剿以顧西北摺 同治七年四月初八日
- 督隊東昌查看運河水勢摺 同治七年四月十五日
- 東軍追剿獲勝繞擊布防摺 同治七年四月二十三日
- 分段築牆摺 同治七年四月初八日
- 賞加頭品頂戴謝 恩摺 同治七年四月初十日
- 在平襲賊大勝摺 同治七年閏四月十六日
- 各軍會勦力顧運防摺 同治七年五月初四日
- 修築隄牆兜逼捻逆摺 同治七年五月二十二日

奏稿卷五目錄

各軍疊捷並馬頰河牆竣工摺同治七年六月初七日
各軍追勦連獲大勝摺同治七年六月十六日

奏稿卷五目錄

收復饒陽摺同治七年正月二十五日
奏為擒逆竄陷饒陽經官軍追勦疊勝收復縣城後晝夜
鏖戰互有殺傷復乘夜襲勦大獲全勝追壓四十餘里各
情形恭摺仰祈

奏稿卷五

聖鑒事竊臣於本月十八日在固安行營謹將賊向南竄
督隊回勦各情馳陳在案臣初得賊竄博安之信以固安
距各該縣相去三百數十里深慮追勦不及當飭已革總
兵王心安帶該軍七營及副將宋延德所帶馬隊五百餘
人於十八日先行取道河間雄縣探蹤迎勦臣十九日亦
督隊繼進二十四日連接該革鎮稟報該軍於十八日兼
程一百四十里行抵雄縣十九日抵任邱探知賊眾大股
在肅甯東西二關並張岡村一帶盤踞二十日督隊由河
間取道進勦申刻行抵河間西南二十里探知賊又由肅
甯竄撲饒陽將縣城占踞王心安卽於是夜五鼓拔隊行
過肅甯十里卽見該匪邊馬五十成羣放火亂竄宋延德
帶馬隊沿途趕殺王心安自督步勇七營分三路而進並
令各勇不准馳逐散賊直奔該匪大隊未刻行距饒陽三
十餘里岳家莊地方探悉前路三里許之魏家村有大股
盤踞王心安卽令宋延德帶馬隊巡哨自率七營員弁各
帶親兵分路直前猛撲時該逆正搜搶同濟當舖各勇吶
喊衝入槍矛並擊該匪衝出千餘騎拚死拒敵各勇縱橫
截殺斃悍賊百十人奪獲旗幟數十件匪勢不支敗向西

南狂奔王心安以兩營入村搜殺自帶劉志和等追勦十二里沿途斃賊六七十人奪回賊館十四處至尹村天黑收隊是晚探的該匪盡踞饒陽城內及附郭關廟王心安即傳令四鼓啟隊進攻縣城二十二日由尹村行距縣城十餘里該匪出馬賊三四千人列仗拒敵宋延德帶馬隊奮力猛衝王心安步隊結爲圓陣繼進馬賊左右環撲各隊以槍礮連環互擊斃賊約二百餘人賊敗向縣城逃遁王心安督隊追擊城下各勇皆以長矛斫地登城賊見我軍勢猛越城竄逃各勇進城將餘賊追殺殆盡王心安在西門攔殺數十人於辰刻將縣城收復王心安入城搜殺一徧安撫難民即飭各隊出城暫歇復行跟追旋探悉該

奏稿卷五

二

匪敗退出城仍踞距城八九里之菜園地方王心安令各勇迅速追擊轟斃數十人賊倉皇奔竄復將菜園奪回王心安乘勝令各營分帶本隊三路包抄追出十餘里該逆情急且見我軍後無援應回馬死命衝突各隊力禦屹不少動該匪下馬格鬪又另出馬賊四面橫衝各勇以排矛夾槍礮環戰斃賊甚衆王三元劉志和金成德三營復追出二十餘里天色已暮迷入村莊該匪以馬賊三四千圍之各勇結隊力敵子藥皆盡繼以長矛斃賊約二三百人賊捨命猛撲直至更餘參將金成德守備劉家興力竭陣亡勇賊混戰不分三營勇丁計傷亡衝散約三四百人時已三更方至菜園會集二十三日黎明賊復磨集圍攻我

軍據柵力戰槍礮轟斃百餘人更餘賊始敗退王心安以賊竟日酣戰夜必安臥親督各營於三更後帶五成隊乘夜猛襲賊馬下鞍熟睡各勇大呼殺入該匪驚覺慌亂我軍刀矛並舉斃賊約數百名奪回騾馬四百餘匹包裹旂幟器械無數該匪直奔西南竄逃王心安督隊追壓四十餘里天明始行收回現在賊勢已蹙盡向西南遠遁等情查此股捻逆由晉竄豫恃其剽疾十日馳抵省垣意圖北竄經督臣官文將各路兵勇嚴密布置京兵復行出紮聲威甚壯賊不敢逞折回南奔王心安七營由泰安調回北上十一日之內南北往返一千五百里各弁勇均知用命追勦迅速力挫兇鋒王心安報効情殷以三千餘人追勦

奏稿卷五

三

二萬餘賊孤軍深入百餘里收復縣城後屢戰至兩晝夜士卒皆忍飢血戰互有殺傷嗣復乘夜襲擊殺獲甚衆現在該軍仍擬追勦令其暫爲養息飭莫組紳一軍前進跟追該軍俟一二日養定後始行繼進到河間後本擬督隊向饒陽前進因東北一路僅一軍恐前進之後賊復乘虛北竄近畿又形喫緊刻下該匪疊經大懲盡向西南遠竄北路較鬆現擬仍調回楊飛熊一軍至河間扼紮暫駐調度俟北面穩固再行督隊進勦惟王心安此次勦賊奮勉異常衆所共見可否願懇天恩俯准先行

賞還該革鎮原職頂翎以示鼓勵出自

逾格鴻施至臨敵捐軀之參將金成德守備劉家興應請
勅部從優議卹以慰忠魂其餘復城出力並傷亡文武員
弁兵勇容臣查明分別奏請

恩旨獎卹所有賊擒竄陷饒陽經官軍疊勝收復縣城後
晝夜鏖戰互有殺傷復乘夜襲勦大勝將賊全股追壓向
西南遠遁各緣由謹恭摺馳陳伏乞

皇太后

皇上聖鑒訓示謹

奏

奏稿卷五

四

擒逆折竄西北現由東北扼勦摺同治七年二月初二日

奏為擒逆避兵折竄西北現令各軍由東北分路扼勦恭
摺仰祈

聖鑒事竊臣於正月二十五日謹將擒逆被官軍擊敗竄
向西南各情馳陳在案查該逆自饒陽擊敗後向深州武
強一路奔竄各路官兵均跟追前進臣派莫組紳一軍追
勦亦由武強緊躡賊蹤二十六日接莫組紳稟報該逆見
官兵急追忽由武強城外十餘里折向西北深州祁州一
路回竄該軍亦折回深州跟追等語二十七日探報該匪
前股已竄板橋距高陽三十餘里臣以高陽距任邱河間
均不過七八十里係

奏稿卷五

五

京師及天津大道深恐各軍由西北堵勦該逆必由任邱
河間一路圖竄東北當經飛飭莫組紳一軍協同各軍實
力回勦一面咨請崇厚派出之天津鎮總兵陳濟清所部
於二十八日卯刻向任邱進紮並飭楊飛熊一軍由河間
二十里鋪取道任邱進紮鄭州雄縣一路一以顧
京門一以顧津郡臣暫駐河間調度一切並防該匪南竄
以便截勦二十八日未刻陳濟清督隊甫抵任邱即見難
民紛紛逃避當即派弁兵出探據稱賊之邊馬已及任邱
城西二十餘里在各村莊放火並擒獲馬賊二名其欲圖
竄天津毫無疑意是晚任邱城上亦見火光二十九日辰
刻楊飛熊一軍趕到任邱沿途所遇邊馬均經追散該匪

見我軍已到知東北有備不敢徑竄仍向高陽一帶游弋
臣以任邱為東北總匯要道當令楊飛熊一軍即住任邱
與陳濟清會同暫行穩紮俟探確賊向再行出勦以免前
進後脫致被該匪乘虛旁竄初一日已刻探知賊向在高
陽肅甯西北一帶游駛臣正擬派王心安出隊向西迎擊
未刻該匪邊馬百餘騎已竄至河間城外三四里王心安
宋廷德督隊追擊二十餘里救出難民數十人並奪回所
搶逃車驟馬二十餘匹該逆向西南一帶狂奔查現在各
路追兵不下四萬餘人兵力甚厚東軍派出莫組紳一軍
協同追勦臣嚴飭其必須見仗計日內當有戰事至東北
兩面地勢平衍此次幸陳濟清楊飛熊兩軍先抵任邱藉

奏稿卷五

六

以扼其突竄現僅該二軍及王心安一軍三千餘人分路
扼紮刻值賊蹤紛竄無定祇可令其賊至迎擊若再派出
遠勦恐稍一轉折又落賊後此時惟望西北各軍急勦前
進臣所部三軍即迎頭截擊乃可以逼賊南趨再圖會合
力勦以期迅殄妖氛而安
畿輔所有賊蹤避兵折竄西北現飭分路扼勦各緣由謹
恭摺馳陳伏乞

皇太后

皇上聖鑒訓示謹

奏

捻逆折竄西南分路扼紮摺同治七年二月初九日
奏為捻逆竄向東南經官軍截勦獲勝折竄西南現飭跟
追並分路扼紮以防回竄恭摺仰祈

聖鑒事竊臣於本月初二日謹將賊蹤竄近東北任邱河
間一帶飭軍分路扼勦各情馳陳在案初二日賊邊馬百
餘騎竄進河間城外三四里許圖竄東北經宋廷德王心
安督隊追擊仍由西北折竄是晚王心安自帶三成隊乘
夜暗襲行二十餘里連撲三四村莊僅有賊十餘騎驚逃
未能及賊大股適值雨雪當即收隊初三日黎明王心安
探知賊由西北漸竄東南當經冒雪出隊由西向東攔擊
沿村遇賊或數十騎或百餘騎一見官軍紛紛狂遁逐三

奏稿卷五

七

十餘里斃賊十餘名救出逃難民車二百數十輛時雨雪
甚大以該軍兵單遠追且慮前賊突抄北路該軍不能回
顧即傳令收隊旋據莫組紳稟報該軍於前月二十九日
申刻追至肅甯東北十二里探知賊在辛橋北鎮侯家作
一帶初一日五鼓出隊追勦行至侯家作該逆以紅黑旗
馬隊約六七千騎列仗迎拒我軍扼隊緊上賊馬衝進約
半里許各勇開放槍礮斃匪三四十名奪馬二十餘匹賊
不敢逼近我軍乘勢突出該匪即敗退策馬向東南狂奔
莫組紳追勦二十餘里收隊暫住薛家莊是晚淮軍唐仁
廉馬隊亦到與該軍合紮豫軍宋慶張曜陝軍劉松山郭
寶昌均由西路趕至河間城外駐紮初四日五鼓宋慶張

曜各軍由南路進勦在留鉢莊一帶追及截勦獲勝殺賊約千餘名奪回馬匹甚多該逆遂向西南敗竄初臣於初四日辰刻接據探報該逆竄向東南前股已竄及交河泊頭地方料其不東竄德州必北趨津郡當即一面知會崇厚設備一面飭楊飛熊一軍由任邱冒雪前進取道大城赴靜海與陳濟濤會合力顧津郡兼壓該逆由津北竄之路王心安一軍臣以莫組紳及各路追軍已到恐其截勦得手該逆或旁竄北路勢甚空虛即令該軍穩紮以待是日臣調來莫爾廣額春山等所帶馬隊適到阜城距交河僅數十里該逆見東南有馬隊橫出後路各起官軍追勦獲勝盡向深州衡水一帶竄逸臣已飛飭莫組紳一軍由

奏稿卷五

八

深州南趨武邑繞出賊前與跟追各軍會合兜勦現在西北東北情形較鬆所有挑撥吉林黑龍江馬隊一千五百名初八日到臣行營點驗尙覺強壯當即於初七日飭惠慶帶領由營起程至保定交春壽管帶歸督臣官文調遣至楊飛熊一軍臣以東面無事賊蹤雖竄西南仍恐習前故智折趨西北仍調該軍回任邱暫駐惟查直省地極平衍防不勝防而逆騎奔突無定稍一轉折情形迥殊東北為近畿大道不可無兵扼紮且又界連東境臣駐河間而以楊飛熊駐任邱相去七八十里深虞兵單地廣緩急難恃且任邱一軍北顧

京門東顧津郡每一有警輒應接不遑亦惟有隨時相度機宜盡力扼顧冀保無虞至此後一切追勦情形容後隨時馳報所有賊由東南折竄西南各軍追勦獲勝乘勢緊追並現在分路扼防回竄各情謹恭摺由驛具陳伏乞

皇太后
皇上聖鑒訓示謹
奏

奏稿卷五

九

擒竄安平分路截勦摺 同治七年二月十五日

奏為官軍追勦獲勝賊匪折竄安平一帶各軍分路追勦並繞出東路攔截情形恭摺仰祈

聖鑒事竊 於本月初九日會將擒逆竄向東南經官軍截勦折竄西南並飭軍分扼各情馳報在案莫組紳一軍於初七日追賊至深州東南四十里之護駕池探知該逆大股在木瀆王莊一帶莫組紳派營官劉時霖曹正榜各帶親兵二百名夜襲王莊賊營殺賊數十名該匪連夜驚遁莫組紳督隊追壓賊股全向東南奔竄初八日至東鹿北宋莊初九日辰刻追抵東鹿城北十二里探知該逆圍攻新集民圩莫組紳帶隊趕到當派曹正榜等三營由東

奏稿卷五

十

北面進擊郭大勝等四營由東南進擊莫組紳親帶三營由中路接應悍賊二千餘騎分為兩路猛突官軍施放連環槍礮擊斃悍賊百餘名賊股稍卻我軍乘勢追壓立解新集之圍時賊前股已由西北一路遠遁尾股相持未久亦即狂竄官軍追至深州西南二十五里之曹家莊正在分頭紮營賊騎突至我軍整隊追逐小有斬擒是時劉松山郭寶昌喜昌宋慶張曜各軍均各追及十一日黎明探知大股賊匪仍麇聚北宋莊一帶莫組紳帶隊進勦至柯蘭地方賊騎大股分為五六起四面奔突我軍列隊迎勦槍礮長矛更迭夾進鏖鬪良久該逆旋即敗突我軍乘勝追壓殺斃悍賊數百名生擒五十餘名奪獲騾馬三百七

十五匹救出難民無算劉松山郭寶昌宋慶張曜各分路接仗均獲大勝擒斬極多其接仗情形應由官文左宗棠詳晰具奏該逆退後現紛竄安平一路陝豫各軍由西北路追勦莫組紳一軍以西路追兵甚多東路空虛即由安平西南之厚澤寺一帶繞出東北一路攔截十四日晚軍抵卧碑村駐紮該軍連日追逐軍火已盡 現在趕緊給發軍火子藥正擬飭令向西攔截兼顧東北一面旋據探報逆蹤有竄望都之信查現在西路兵力較厚東北兩面僅河間及任邱兩軍雄縣僅有富和馬隊五百勢甚空虛該逆現竄望都恐一經各軍攔截折竄東北 現飭楊飛熊一軍進紮雄縣飭莫組紳由卧碑村暫紮任邱以顧

奏稿卷五

十一

京門及天津大道俟賊蹤南竄再飭莫組紳一軍仍行會合各軍追勦以厚兵力至此大次力戰陣亡之都司李德旺千總劉鐸二員應請 旨交部從優議卹其餘陣亡弁勇應俟查明彙案請卹所有各路官軍追勦獲勝賊匪折向西北安平一帶奔竄官軍分路緊追繞出東路攔截等情謹恭摺由驛具奏伏乞 皇太后 皇上聖鑒訓示謹

奏

擒蹤仍竄西南調軍布紮防勦摺同治七年二月二十九日

奏為探悉賊蹤仍竄西南現擬調軍相機布紮兼籌防勦

恭摺仰祈

聖鑒事竊 臣前因賊匪被官軍擊敗由東鹿折竄西北時各軍跟追恐其由高陽安州越任邱以西徑竄雄縣大道北路堪虞當飭楊飛熊一軍進紮雄縣時前敵莫組紳一軍由東鹿追截適至卧碑村即令移紮任邱互為聲勢兼備該逆東竄天津之路本月二十二日賊匪又由深州一帶狂竄擾及肅甯以東維時各路官軍隨後緊追賊勢甚蹙 臣以該逆奔突無定恐其徑由獻縣交河一帶東竄則雄縣北路稍鬆而津郡又形喫重因令莫組紳力願任邱

奏稿卷五

三

雄縣大路飛飭楊飛熊由雄縣移紮文安屬之王家口以扼津郡並派駐紮河間之王心安一軍向西出隊扼截飭令在二三十里之內遇賊即擊期不使賊繞越東南是晚該逆被左宗棠督飭各軍擊敗又見東北有兵阻截旋復向西南狂奔現據探報該逆仍竄擾深晉一帶查東北一面地勢廣衍 臣軍分布各處均係要道時虞竄突該逆前次擾近河間四五十里 臣派軍出隊不敢使其過遠者誠以河間府城地屬衝要 臣駐河間之軍本屬無多分兵防勦兵力過單遠出恐不得力若全隊派出又恐被賊繞截後路則東面處處空虛而任邱一軍又為東北兩面扼要之地亦難調動是以屢欲前進夾擊而終不能應手焦灼

殊深 臣維賊不能越過滹沱僅盤旋於深祁安肅一帶左

宗棠督兵緊躡勢必折而東趨兵力稍厚即可遠出數十里之外迎勦現在賊竄西南津郡一帶情形已鬆刻將楊飛熊一軍調紮河間二十里鋪以與王心安莫組紳互為聯絡儻賊再東趨擬以千餘人布守府城即令王心安酌帶四五營會合楊飛熊全隊向西盡力迎勦則可與各追軍收夾擊之效而於東北一面亦不致有前進後竭之虞於防勦較為得力所有近日調軍布置兼籌防勦各情形謹恭摺由驛具奏再 臣出省較遠東境邊防經嚴飭王正起及沿邊各州縣實力防範其各屬民圩亦經各該州縣稟報次第辦理惟昨據臨清州稟稱邱縣曲周交界之處

奏稿卷五

三

近有騎馬賊二三十人由北而南往來游弋該州業經查拏 臣已嚴飭其會同王正起暨邱縣館陶並知照曲周縣知縣一體密拏以靖地方合併附陳伏乞

皇太后

皇上聖鑒訓示謹

奏

擒逆突過滹沱回顧東境摺同治七年三月初三日

奏為擒逆突過滹沱河向南奔竄臣現回顧東境確探賊

情相機防勦恭摺具陳仰祈

聖鑒事竊臣於二月二十九日曾將探悉擒逆奔竄西南

並調軍布置各情馳陳在案續據探報該逆竄擾晉州一

帶由滹沱水淺處所狂奔渡越向南竄逸查該逆肆擾深

州等處經官軍轉戰追逐逆蹤前阻滹沱往來奔突不出

數百里之間因東北兩面係

京師及天津要道該逆屢次圖竄臣遵

旨籌顧駐師河間分軍扼駐任邱並於雄縣大城文安一

路來往扼堵冀保無虞今該逆因追勦緊急窮竄過河東

奏稿卷五

丙

北兩面情形已鬆河間距賊較遠現在該逆竄抵何處尙

無確報東省臨清東昌等處與直境廣平大名各屬接壤

如賊徑南竄東省情形卽已喫緊臣現派王心安一軍於

初二日由阜城故城取道前進如賊竄臨清一路卽可會

合王正起兜勦莫組紳一軍令由景德隨臣前進以便沿

途查看賊蹤相機辦理至東北兩面緊要賊蹤甫去未敢

遽行撤防臣一面飛咨直隸督臣官文酌量布置現擬仍

令楊飛熊一軍暫留河間數日俟賊蹤已遠再行檄調前

往會同各軍勦辦臣於拜摺後卽於景德一路覘賊前進

此後情形或應駐臨清或應駐東昌尙難預定如賊勢西

趨尙未擾及東境臣軍或布紮各處或派出助勦均應俟

臨時咨商左宗棠李鴻章李鶴年等酌度情形再為辦理

至楊飛熊一軍留駐河間數日該軍日需口糧現准崇厚

由津委員撥運粳米千石已抵河間臣酌量起運三百石

至城以供該軍軍食無虞缺乏其餘七百石應否解運李

鴻章行營接濟已咨明崇厚酌辦所有擒逆突過滹沱河

向南奔竄臣現回顧東境相機防勦各緣由謹恭摺馳陳

伏乞

皇太后

皇上聖鑒訓示謹

奏

奏稿卷五

壬

帶軍回東暫駐東昌摺 同治七年三月十二日

奏為 復臣 帶軍回東現擬駐紮東昌將各軍分布扼紮並另派馬隊追捕馬賊各緣由恭摺仰祈

聖鑒事竊 臣 於本月初二日以賊蹤南竄北路較鬆飭派

王心安由河間拔回東境 臣 於初三日親帶莫組紳一軍

回東並仍留楊飛熊一軍在河間暫紮業經奏明在案 臣

到東後於德州武城夏津臨清館陶等處情形逐一查勘

臣 前諭令各州縣修理圩寨為堅壁清野之計期以困賊

而制其奔突近來修築頗多 臣 均親加勸慰以冀清內匪

而禦外寇恭奉初四日寄諭飭 臣 於直東交界處所相機防勦等因欽此查捻逆現

奏稿卷五

六

竄豫中切近廣平大名東境之臨清館陶冠縣等處與大名廣平各屬接壤均應派軍扼紮 臣 現飭王心安在河西南館陶駐紮楊飛熊一軍現因北路各軍均已進紮滹沱北岸河間自可無虞亦已檄調來東擬飭在臨清之下堡寺駐紮東昌為河北要地 臣 擬於十四日由館陶移紮該處以便居中調度現在賊竄衛輝以南去東較遠惟東境與直豫界連甚廣無險可扼賊蹤一至路路可通以東省現在兵力扼防尚虞罅漏惟近防不如遠勦 臣 當確切查探如該逆勢熾未衰擬仍派莫組紳王正起兩軍出省會勦冀厚兵力儻賊有東竄之勢仍令其迅速跟追而來 臣 俟到東昌後豫為籌備該軍行糧即令起程到豫後應請

歸左宗棠節制以期就近調度至近來直東交界馬賊據

各處稟報計不過七十餘人日馳百數十里經副將王正

起督同遊擊張福興等帶隊逐日追勦在於冠縣之李當

堡臨清之棗科莊先後斬獲三十七名內有頭目齊興仁

一名亦經就誅又臨清州各村捕獲韓旦等九名威縣

團解到三名計該匪未就擒者約不過二十八九名張福

興等越境追逐於初八日追至曲周之槐橋該匪沿途逃

散連日查尋寂無蹤迹昨復探聞賊騎二十餘人在廣平

府所屬平鄉杏園潛聚 臣 即派候選知府焦宗良帶馬隊

二百名急赴直境購綫尋覓蹤迹盡力追捕以期撲滅盡

奏稿卷五

七

則全恃得力馬隊晝夜窮追斬捕及其忽散則全在地方官督飭鄉團盡心搜緝始可杜絕後患 臣 一面派隊勦辦仍嚴飭臨清館陶邱冠等州縣力清保甲懸賞購綫嚴密查辦並咨商直隸督 臣 嚴飭廣平大名各屬州縣一體搜捕會合妥辦所有 臣 擬駐紮東昌將各軍分布扼紮並另派馬隊勦辦馬賊各緣由理合恭摺由五百里具奏伏乞皇太后皇上聖鑒訓示謹

奏

追勦馬賊巡視河防摺

同治七年三月十九日

奏為官軍追勦馬賊擒斬幾盡現在嚴飭搜捕逃匪並派隊巡防黃河南岸各情形恭摺仰祈

聖鑒事竊 於本月十二日曾將分飭各軍布紮及另派隊追捕馬賊各緣由馳報在案

初到臨清時即據各路探報馬賊已追散無蹤當即確加探查及初十日

至館陶接據邱縣稟報聞馬賊二三十名有在平鄉之杏園潛聚情事即派候選知府焦宗良帶隊一百八十名前往追

勦焦宗良帶隊去後沿途探詢或稱馬賊有四五十名或七八十名不等在曲境往來潛聚時大名府知府楊毓枏

帶隊駐紮曲境之侯村會勦與焦宗良晤商合辦十二日

申刻焦宗良隨帶大名勇目石雙興張占魁引路作探至邱縣之賈寨地方遙見樹林內有賊騎出沒亟將所帶隊

伍及邱縣知縣程惠昌派出兵役分紮韓莊沙辛莊以防該匪潰散至戌刻探明匪眾在柳辛莊屯聚覓食焦宗良

即飭都司宋國元石魁陞由兩路分抄焦宗良親帶守備曹宏祥由中路進擊賊匪八十餘名見官軍突至即馳馬

欲走焦宗良冒入賊騎中揮軍猛擊斃賊三名宋國元石魁陞亦夾擊前進斃賊八九名匪勢不支仍襲故智下馬

步行持槍力鬪焦宗良宋國元亦下馬直前督戰石魁陞在馬上從旁抄截乘勝齊擊大名府知府楊毓枏所派馬

學孟等亦適帶隊會勦共斃賊五十餘名陣斬賊首馬禿

奏稿卷五

大

奏稿卷五

九

子一名生擒十二名內范付詳耶來柱二名係屬賊目訊明正法陣逃賊匪十七八名焦宗良飭隊追搜四十里至馬布寨又擒斬六名此股馬賊芟除畧盡其漏網計不滿十名大名府勇亦將賊首鄭禿子即鄭月生擒楊毓枏訊供無異來 行營謁見所稟情形均同惟據探報餘匪經官軍追急於十二日五更向臨清之棗園地方假稱官兵過河向東馳逃莫組紳等聞信帶隊跟追至清平一帶探問鄉民均無蹤迹 亦飭那斯琿帶隊向高唐博平一路探追現據回稟各路追覓亦無一賊是該匪已經散匿可知惟 昨欽奉寄

諭鉅鹿一帶聞有土匪滋擾山東臨清另有土匪為數亦屬不少現聞竄至朝城著丁寶楨探明匪迹派隊掩捕並著官文丁寶楨查明竄擾朝城及鉅鹿之土匪是否即係一股抑另有分股之處迅速覆奏等因欽此查此股馬賊初由邱縣威縣交界向聚時 在河間行營據各路稟報均稱不過七十餘名該匪起自威邱旋即馳至臨清下堡寺又由下堡寺竄及冠縣朝城南擾清豐縣境又折竄冠縣經王正起追勦於李當堡賊又由館陶竄臨清王正起又追勦於臨清之棗科莊兩次共斬獲三十餘名臨清威縣各鄉捕送十四名當時未就擒者計不過二十八九名向曲境逃逸張福興等越境追逐初八日至曲周之槐橋沿途探問無蹤初十日 據探該匪在平鄉杏園潛聚急

派焦宗良出勦十二日即遇賊於邱縣柳辛莊該逆散匿數日又已句聚至八十餘名之多此次擒斬幾盡其脫逃實不滿十人現已星散此馬賊起聚出沒及始終竄擾蹤迹如此臣確切飭查該匪並未擾及鉅鹿至鉅鹿土匪滋事臣飭莫組紳向威縣查探據該縣函稱該處去鉅鹿八十里未聞有土匪滋擾等語臣札飭鉅鹿縣查稟以便派隊勦辦尙未據稟覆俟稟報到日如實有其事再行酌辦具奏臣現嚴飭各營及州縣等實力搜捕逃匿王正起擒賊七名其間劉黑闥馬金貴任添銘即任二保三名係積年賊目臣密飭嚴拏此次亦經擒獲業已訊明正法委員馬映奎亦迭有擒獲直隸大名府知府楊毓枏稟稱逐日

奏稿卷五

三

搜捕近亦擒賊多名惟該匪已經逃散稍緩搜捕即易句聚臣不敢以此等小匪上煩

聖慮惟有隨時實力飭辦密購窮搜務使根株淨絕庶不致乘隙嘯聚又欽奉寄

諭飭臣嚴防曹州黃河等因欽此臣於十四日由館陶移紮東昌已派花尙阿帶馬隊前往荷鄆一帶巡哨並飛咨曹州鎮總兵德保調標兵六百名充沂曹濟道長賡帶兗州兵三百名並派步隊一營在南岸荷鄆濮州一帶駐紮河干稽查渡口彈壓水套難民以杜句結又令楊長林分帶礮船移紮濮范梭查並嚴飭曹州府督率各屬集團一體嚴防現據探報捻逆已擾及封邱延津等處現在王心

安駐紮館陶王正起駐紮觀城均切近直豫疆界楊飛熊一軍已抵東昌如賊勢東竄即規其所向令分布各軍隨地迎勦以期與追兵共圖夾擊冀杜偷越莫組紳一軍現令暫駐臨清查辦土匪如賊勢緊時亦可會合前進以勦為防庶於河岸不致疏失所有馬賊擒斬幾盡嚴飭搜捕逃匿並派隊巡防黃岸各情形謹恭摺由驛馳奏伏乞

皇太后

皇上聖鑒訓示謹

奏

奏稿卷五

三

捻由直境東竄截勦獲勝摺同治七年三月二十六日

奏為捻逆由直境東竄王正起出隊擗擊敗尾股賊匪

向東疾走東昌經楊飛熊截擊獲勝現飭軍分道馳勦

恭摺仰祈

聖鑒事竊臣於本月二十二三等日接據各路探報捻逆

由滑縣竄擾開州及大名境內勢向東北急趨臣以東境

濮范觀城朝莘冠館等州縣均屬毗連而臨清館陶為北

竄順廣捷道當即飛飭各軍嚴為預備迅圖擗擊王正起

以賊至開州必由濮州進竄即於二十三日由觀城出隊

七十餘里向濮州迎勦是時探知賊匪邊馬已擾及濮州

邊境嗣聞觀濮一路有官軍出勦因即折擾清豐北趨南

奏稿卷五

三

樂二十四日王正起跟尋賊蹤徑趨清豐賊匪又由南樂

境內急向大名屬之龍王廟東竄奔突極速王正起輾轉

追覓至薄暮時始遇賊於清豐朝城界之洪家樓該逆全

係馬賊當即揮隊進擊賊見官軍追至以前股分數路狂

奔以後股千七八百騎且戰且行與我軍抵拒王正起扼

隊追歷十餘里至畢家屯殺賊一百數十名奪馬八十七

匹時天已昏黑即行收隊計是日賊行一百四五十里官

軍追逐亦一百三十餘里淮軍潘鼎新郭松林楊鼎勳等

緊追賊後亦陸續趕至賊匪由莘縣境內向東北疾竄二

十五日卯刻臣接王正起等稟報賊竄近莘縣即飭楊飛

熊向沙鎮一帶迎勦甫經齊隊探報賊之邊馬已距府城

西南十餘里臣即令楊飛熊以四營分顧關廂以四營合

隊出擊正在派撥該匪已竄近城外楊飛熊帶隊沿隄游

擊斃賊數十名奪馬三十餘匹救回難民三四千人賊騎

稍卻遂全向城東南竄去現值運河水涸該逆策馬徑越

擾向李海務一帶王正起於二更時趕到黎明即拔隊跟

追而東臣並令那斯璉馬隊三百名與該軍會同向阿城

跟蹤追勦駐紮南館陶之王心安一軍據稟於二十四日

探知賊在大名府城迤南三十餘里游擾距南館陶僅七

八十里正在拔隊迎勦復接南樂等處探報知賊已繞竄

南樂由大名所屬岔河背龍王廟等處東竄王心安即拔

隊向東南擗截二十五日行至堂邑賊已竄至東昌臣當

奏稿卷五

三

飭其徑趨在平並令楊飛熊一軍合隊前進務向西南壓

擊以截賊竄東北之路駐紮臨清之莫組紳一軍係專顧

北路臣前探知賊擾大名即飛飭其漸移冠縣以備策應

該軍今晚可到應令其即行前進與王正起合隊互為犄

角遇賊即擊現在賊蹤多向黃河岸竄擾意圖搶撲南竄

已嚴飭楊長林水師會同駐紮八里廟之黃兆昇嚴密巡

防並飛飭各州縣將北岸船隻一律提歸南岸並令王正

起各軍一面進勦仍隨處兼顧黃防刻下賊勢趨向未定

郭松林楊鼎勳潘鼎新各軍均已跟追前往後路軍勢極

重惟東北兩面較為喫緊查此次賊情亡命死鬪行蹤極

其迅速漸成窮寇臣擬親督各軍分道馳勦務期覓賊力

戰仍會同各路追軍共圖聚殲冀紓

宸廑所有捻逆由直境東竄經官軍擊敗尾股後賊向東
昌疾走復經官軍攔擊獲勝現飭各軍分道馳勦各情謹
恭摺由驛馳奏伏乞

皇太后

皇上聖鑒訓示謹

奏

奏稿卷五

五

在平大捷摺 同治七年三月三十日

奏為捻逆東竄在平境內王正起一軍冒雨追擊大獲全
勝現嚴飭各軍迅速合力進勦恭摺仰祈

聖鑒事竊 臣於二十六日將賊由開州南樂等處竄入東
境經王正起楊飛熊截擊獲勝賊向東南竄逸現調各軍
合力馳勦情形奏

聞在案是日駐紮臨清館陶兩軍尚未起到僅王正起一
軍跟蹤追逐盡日大雨行至田莊住隊二十八日接據王
正起稟報該軍於二十六日夜探知賊由阿城地方折回
東竄二十七日黎明雨仍未止該軍即冒雨尋追賊蹤至
在平廣平集地北遙見賊眾五六百騎沿村搜掠參將王

奏稿卷五

五

學禮張福興各率前隊馳往追擊王正起自督後隊繼進
賊正雨中出掠不虞官軍猝至當即擒斬賊騎數十名救
出難民無數餘賊潰遁各營跟蹤緊追至盧莊劉莊一帶
地方該逆大股約有七八千騎結陣而來爭先拒敵勢極
兇猛王學禮張福興乘勢突戰斃賊百餘名該逆忍死不
退而以悍賊四五千騎分兩面蜂擁直上中路馬賊三千
餘騎下馬步行搏戰拚命衝突王正起督飭王學禮張福
興等各率三營精銳分頭攔擊復令那斯琿所帶黑龍江
馬隊並各營所湊馬勇分為兩翼合力並進鏖戰兩時之
久士氣益奮槍礮刀矛連環進擊約斃賊四五百名轟斃
賊目數名賊欺該軍兵單又值雨淋泥滑拚死力拒畧無

退意其賊首張標一名在陣前執令督戰益急張福興王學禮怒氣莫遏各執長矛直衝入陣將賊首張標生擒復殲斃賊首一名各勇勇氣百倍乘勢擁進殺賊二百餘名逆勢不支始敗退二里以外又復屯聚不動王正起恐有狡謀立即分營列為方陣且命各弁勇據地暫憩以待再戰歇甫逾半刻果見千餘賊騎從我軍後路包抄而來而前面擊敗之賊復從北面還戰王正起即令那斯琿等馬隊與振字副左營副中營攔住後路一股截殺自督中營親兵隨進斃賊約百餘人王學禮張福興各率三營迎勦北面大股力戰逾時復斃賊二三百名兩路逆眾同時大潰馬匹散滿郊野衣物器械拋棄徧地王正起嚴飭各勇

奏稿卷五

美

不准拾取盡力窮追二十餘里至李家寺地方天已昏暮始行收隊此次賊蹤飄忽自竄東境官軍尋覓追逐幸獲接仗該逆窮極之餘拚死力鬪自朝至暮王正起各營營官哨弁勇丁均各奮不顧身力擊大勝除生擒外實計斃賊一千三四百名傷逃者不計其數遺棄騾馬七八百匹刀械衣物無算洵足寒賊膽而作士氣現王心安一軍已於二十七日由荏平進勦莫組紳一軍亦於二十七日自南追擊計可與王正起會合臣本擬即行親督各軍進勦因左宗棠李鴻章日內即可來東臣擬在東昌一晤商定軍情再行前進一面嚴飭各軍合隊併擊總期逐日覓戰以殲醜類淮軍郭松林楊鼎勳潘鼎新三軍於二十六日

已由博平高唐繞出德州向南迎勦屏蔽北面黃河一面防備亦嚴且值河水較深該逆亦難撲渡至此次力戰陣亡馬步弁勇容臣查明後具奏所有賊蹤東竄荏平王正起追勦大獲全勝現飭各軍力追進勦各緣由謹恭摺由驛馳奏伏乞

皇太后

皇上聖鑒訓示謹

奏

奏稿卷五

毛

擒竄滄州一帶分道進剿以顧東北摺同治七年四月初六日

奏為擒逆東竄滄州一帶各軍躡蹤追剿現晤商左宗棠分道前進隨勦隨防以顧東北各情形恭摺仰祈

聖鑒事竊臣於前月三十日謹將王正起王心安兩軍勦賊迭勝並淮軍已由德州迎勦屏蔽北路各情馳陳在案初五日接據王正起等稟報該匪自前月二十七八兩日連挫之後避兵疾行奔馳愈速二十九日竄至平原東北王正起等軍是日由在追及該逆折趨禹城高唐三十日王正起等軍繞由高唐迤西壓追該逆又由德州偏東疾奔吳橋四月初一日王正起等追至吳橋東北十餘里探悉賊蹤又已由該處仍向東北連夜潛竄略不稍停喘息

奏稿卷五

无

郭松林楊鼎勳潘鼎新各軍均緊跟躡勦初二日王正起等以郭松林三軍均循河東岸向北進勦東軍若再隨同前進既虞前後擁擠且恐該匪見沿河兵眾或由南皮鹽山一路繞道旁竄反足牽掣我軍當於是日商同王心安莫組紳由東光橫出甯津迤北向南皮鹽山前進冀可間道繞出賊前等語現據探報又有竄及滄州一帶之信該軍日內能否抄截尙未接據續報臣不勝焦灼先於初三日夜由高唐派弁持令星赴各軍嚴行督催臣前本擬親督進剿因左宗棠李鴻章有到東昌之信擬俟其到後晤商軍情始行前往嗣聞左宗棠已至臨清臣即於初二日親督楊飛熊一軍由東昌起行擬由德州渡運循岸西行

徑抵天津堵截屏蔽北路初五日行至德州適與左宗棠

相遇再四籌商以賊現竄東北自以力顧津郡為急當經議定左宗棠自督劉松山各軍由德州渡過運西沿河岸直達天津攔截以遏北竄並為河間保定一路屏蔽臣即督楊飛熊一軍由河東向吳橋東光一路前進沿途覘賊所向如該匪徑竄天津即向津郡進勦如被各軍追截回竄即可隨處攔截並可為武定黃河一帶屏蔽臣復一面飛催王正起等軍實力跟追以為兩面夾攻之計左宗棠於議定後即於初五日啟行臣於本日拜摺後亦即向吳橋前進總期會合力勦迅掃妖氛稍贖罪戾除以後一切勦辦情形容俟隨時奏報外所有賊蹤東竄滄州各軍緊跟追勦並與左宗棠商定分道前進防勦各緣由理合

奏稿卷五

无

恭摺由驛馳奏伏乞
皇太后
皇上聖鑒訓示謹
奏

力顧津防片 同治七年四月初六日

再正繕摺聞欽奉四月初四日寄

諭崇厚馳奏捻逆竄近吳橋東光一帶請飭南路各軍繞前攔截並著丁寶楨迅催王正起等軍先赴直境迎頭截擊以固畿疆等因欽此查此時津防喫重追勦攔截之兵均不可少 臣先擬自向運西由天津一帶攔截而催王正起等軍追勦期可東北兼顧現經商定左宗棠親督各軍由河西至津節節堵截該軍約計三萬數千人必可敷布 臣由吳橋一路前進與左宗棠對岸相應是沿河東西兩岸皆有防勦北路或可固守至東岸追勦各軍日前郭松林等三軍由東昌拔隊時言明先顧北路該軍沿河緊追

奏稿卷五

三

日內當必可抵津郡王正起等軍由東光繞出南皮鹽山旁趨津郡雖抄道稍遠經 臣兩次嚴催計日亦必可到將來東西兩面各軍皆可覘賊所向互為跟追攔勦辦理局勢似尚緊湊是否有當謹附片陳奏伏乞

聖鑒訓示謹

奏

暫駐交河截勦以顧西北摺 同治七年四月初八日

奏為官軍追勦獲勝賊向東敗竄各軍緊躡進勦並 臣遵旨改由運河西行暫紮交河探賊攔截以顧西北各情形恭摺仰祈

聖鑒事竊 臣於本月初六日謹將東淮各軍分起進勦並 臣與左宗棠商明分道向運河兩岸前進防勦各情馳陳在案 臣拜摺後旋接王心安王正起等稟稱初二日王正起莫組紳兩軍由吳橋向南皮鹽山繞道向東北前進嗣據探報賊果向南皮一路分竄是日大雨不止王正起莫組紳因隨帶火藥全行溼透行四十餘里住隊暫為收拾王心安於酉刻冒雨馳抵距南皮縣北十五里地方即

奏稿卷五

三

見村內有賊騎約二百餘人一見我軍即向東北奔竄王心安率馬勇數十人逐出十餘里天已昏黑旋即收回初三日五鼓王心安會合淮軍拔隊前進至午刻探賊有折轉西南之勢王心安知其欲乘隙抄襲後路遂嚴為准備一面仍向天津前進未刻行抵距滄州八里之興隆鎮忽據後路探稱賊股約二三千騎由後抄來王心安急列陣回勦該逆環繞直衝勢甚兇悍各營於水潦泥滑之中以槍礮轟擊斃賊甚多把總裴占標等奮勇衝突復生擒賊目王來天郭愷二名正戰之際郭松林楊鼎勳潘鼎新各軍由西路趕到前後夾擊擒斬約二三百人王心安奪獲賊馬一百餘匹刀矛旗幟二百餘件賊敗向東竄各軍合

隊疾追二十餘里至朱官屯因風雨益大天色漸晚始行收隊暫駐是日晚王正起亦探知賊距南皮縣不遠當於五鼓後冒雨前進至未刻行近南皮縣城十餘里即見賊騎數百駛向東北奔竄王正起督隊疾追斃十餘人賊不敢回拒策馬飛奔該軍全係步隊亦以泥滑未能疾行追至滄州城東收隊初四日各軍仍分道追勦前進此王心安各軍入直以後追勦之情形也臣計王心安一軍初五六日必可到津王正起莫組紳兩軍恐其兼顧東面到津稍遲然津防若有淮軍與王心安一軍兵力或可敷布至臣初與左宗棠議定左宗棠督湘豫皖各軍由河西沿岸前進以顧津防兼為保定河間屏蔽臣督楊飛熊一軍

奏稿卷五



沿河東行與左宗棠相應互為攔截追勦初六日未刻臣甫經啟隊接據吳橋縣稟稱該縣民間遷移一空無處辦糧是以令各營稍緩半日起辦行糧帶往即於初七日卯刻欽奉諭旨丁寶楨當迅督王正起王心安莫組紳等所部馳赴河間等處防堵欽此跪誦之下仰見聖謨廣運訓示周詳欽感無極竊維賊在河東津防萬緊而西北路之竄突尤覺可虞現在津郡一帶若各軍齊集兵勢較厚萬一賊不得逞折而沿河西突河岸長幾五百里且值水勢淺涸處處可渡左宗棠一軍刻雖沿運北上然以之扼紮楊柳青獨流靜海一帶已覺喫重此外亦

難分願設該逆乘閒偷渡則自滄州以下即為大城任邱青縣交河景州境界到處皆可狂奔現在西北甚覺空虛臣若在東岸沿河而上賊或由前後竄越臣軍始行回顧既已緩不濟急且恐倉卒濟渡無處覓船尤甚焦急臣是以反覆熟思惟有欽遵

諭旨仍渡河西行或可隨處探賊妥為籌備惟刻下賊蹤尙在河東若遽紮河間相距似覺過遠臣現已行抵交河距河間僅百里擬即在此暫紮覬賊所向以為進止至王正起王心安莫組紳三軍目前賊未渡運似應仍留軍東岸會同勦辦以防賊回竄東南東省庶不致全數落空然臣在河西僅楊飛熊一軍合以姚紹修兩營僅五千人若

奏稿卷五



賊萬一西竄則以五千之眾敵全股賊騎亦覺稍單臣刻已派弁飛調一軍前來會合仍留兩軍在河東與賊馳逐並嚴飭其盡力協勦兼顧西北一面以期周備所有各軍追勦獲勝分路進勦臣遵旨改道西行暫紮交河探賊防勦各緣由謹恭摺由驛馳

陳伏乞

皇太后

皇上聖鑒訓示謹

奏

督隊東昌查看運河水勢摺 同治七年四月十五日
奏為賊蹤竄向鹽山樂陵一帶河北防務較鬆現與李鴻章商定督隊馳向東昌布置攔勦並運河水勢盛漲各情形恭摺具陳仰祈

聖鑒事竊 臣於初八日謹將賊竄津郡河北喫重遵

旨改道沿河西行以顧北路各情馳陳在案 臣到交河後

專弁沿河上下偵探賊情以定進止初十日未刻探回賊

已由靜海折竄鹽山勢漸南趨當以鹽山與武定屬之樂

陵陽信海豐連界賊既竄鹽山趨重南路北面情形自懇

臣刻即由交河拔隊移駐連鎮一路確探賊蹤實已南向

即馳由德州擬向陵縣一帶攔截十二日行抵劉智廟接

奏稿卷五

五

據武定府稟報賊已竄至鹽山海陽交界之板達營等處

駁入東境十三日行至德州適與李鴻章面晤熟商軍情

李鴻章擬駐德州調度一切 臣本擬由陵縣至武定會勦

因思武定一路現有劉松山張曜宋慶各軍暨王正起莫

組紳兩軍跟蹤追擊兵力足敷勦辦其楊鼎勳潘鼎新兩

軍暨王心安一軍尙在靜海滄州一帶扼紮運河以防折

竄惟東昌一帶為該逆南竄要路且城關極大刻下實無

一兵頗形空虛設該逆被擊徑趨東昌二三日內即到殊

為可慮 臣與李鴻章議定由德州馳赴東昌布置攔勦是

日郭松林一軍趕到德州李鴻章以東昌一帶地勢寥闊

情形緊要飭其會同 臣軍前進 臣猶慮所帶楊飛熊一軍

不敷調撥現值運河水勢甚漲楊鼎勳潘鼎新兩軍暫可

分顧已調回王心安一軍來東會合以厚兵力而資截擊

臣於本日拜摺後即與郭松林拔隊前行一面嚴飭王正

起莫組紳兩軍協同湘豫各軍實力追擊至運河水勢自

初十日午後驟發日來已漲至丈四五尺有餘沿途查詢

士人均稱歷來三四月內無此盛漲 臣查看目前情形足

可限賊該逆萬難飛渡惟須嚴飭東岸不准停泊船隻乃

為周密應請

飭下督 臣官文暨通商大臣 臣崇厚通飭沿河州縣實力

照辦以昭慎重所有賊蹤南竄現在督隊回向東昌一帶

布置攔勦並運河現在水勢盛漲各緣由謹恭摺由驛馳

奏稿卷五

五

陳伏乞

皇太后

皇上聖鑒訓示謹

奏

東軍追勦獲勝繞擊布防摺同治七年四月二十三

奏為王正起莫組紳兩軍追勦獲勝臣飛飭繞出北路歷擊並臣暫駐東昌會商淮皖各軍布置防扼各緣由恭摺仰祈

聖鑒事竊臣於本月十五日謹將賊勢南竄臣馳向東昌布置攔勦各情馳報在案臣途次接據王正起莫組紳稟報該兩軍於初四五日在滄州一帶兼程進追初六日五鼓在靜海屬之蕭莊接仗王正起督率所部整隊穩擊殺傷頗眾其營官張福興王學禮各以精銳猛衝直貫賊陣各營齊進莫組紳以八營繼之大戰良久賊勢大潰追擊二十餘里斃賊計千餘名賊匪遂向南狂竄臣接報較遲

奏稿卷五

奏

其詳細情形業由通商大臣臣崇厚查明具實據奏該兩軍於鹽山等處連日緊追該逆聞風即遁王正起等於十一日聞該逆已竄入東境並有攔入海豐之信整隊疾進距海豐十餘里又探知賊已竄及陽信該兩軍改道前進由陽信追至武定該匪急於避兵旋由樂陵德平等處狂竄十四日已擾及平原禹城一帶計日走二百餘里王正起莫組紳於十六日追及於高唐之張家寨列陣進擊槍礮齊施轟斃悍賊二百餘名陣斬賊目偽監軍王玉潰一名千總張太和生擒偽參軍黑旗賊目楊懷人一名賊勢大敗官軍追至郭莊收隊十七日追至博平之朱家莊即解該寨之圍賊未敢交鋒猛突而去臣是日行抵博平嚴

飭王正起等盡力追逐臣親督楊飛熊王心安兩軍並會

同淮軍郭松林趙顧東昌十八日抵郡與署安徽撫臣英翰晤商辦理英翰除派軍出勦外親督各營馳赴臨清防扼現在探報賊匪尙在平原德平一帶游弋劉松山張曜宋慶等皆在前敵追勦軍勢尙厚臣連日飛催王正起等繞出北路向南壓擊臣督楊飛熊等會同郭松林扼顧運河由南路攔截以期因勢堵禦臣查該逆盡日馳驟奔突靡常各省諸軍窮追力闕勞苦已甚而窮寇未殲誠以大河以北地勢空曠彌數千里賊馬取之無窮而我軍漸疲於奔命自非驅逼一隅無以制其奔突欽奉廷諭飭臣等辦理直東運防仰釋

奏稿卷五

奏

聖謨固已灼見大勢臣應與左宗棠李鴻章等妥商辦理惟地段縣長賊勢飄忽迅速實未知能否趕及以成合逼之勢王正起等營此次力戰陣亡之千總戴文彬黃紀成二員候選從九品胡湘一員應請飭部從優議卹所有王正起莫組紳兩軍追勦獲勝經臣飛飭繞出北路壓擊並臣暫駐東昌會商淮皖各軍防扼各緣由謹恭摺由驛馳奏伏乞

皇太后

皇上聖鑒訓示再海豐縣城垣舊多缺壞臣曾迭次嚴催修築茲據王正起等稟中有賊匪攔入該縣之說惟未據武定府及各鄰縣稟報或係王正起等途次傳聞之誤臣

已專劄飭查尋遲多阻尙未接據武定府稟覆應俟該府稟報到時再行查辦合併陳明謹奏

奏稿卷五

美

分段築牆摺 同治七年閏四月初八日
奏為官軍及賊接仗仍緊跟追勦並分段築牆設守各情形恭摺具奏仰祈

聖鑒事竊 臣於四月二十三日將王正起莫組紳兩軍繞北歷擊 暫駐東昌會籌防扼各緣由奏

聞在案 臣至東昌後與英翰郭松林面商分段設守自臨清起至魏家灣六十餘里由東軍駐防自東昌府城南至張秋鎮九十餘里由淮軍駐防 於商定後嚴飭王心安等各營督率勇丁立限趕修長牆二十五日探賊已由平原高唐竄至清平博平距河僅數十里深虞其倉卒搶撲防不勝防當飭諸軍嚴陣以待迎擊幸張秋黃水入運之處經李鴻章於正二月內派營挑挖以期引水灌運正值

奏稿卷五

美

啟壩之際而黃流忽漲運河水增數尺各軍乘勢晝夜施工適王正起莫組紳與張曜宋慶等軍亦先後趕到賊復折竄東南二十八日王正起莫組紳各軍追及於荏平南關與賊接仗頗有斬獲賊仍敗向東面禹城平原一帶奔竄各軍亦躡蹤緊追二十八九等日各營據報河牆一律完竣惟倉卒辦理不無低薄之處且近日河水驟落深者不及尺許 復督令各營將河牆加高培厚牆外濬濠樹柵藉資扼守英翰郭松林所分各段亦已修築竣事仍各飭防軍逐日加修用期鞏固現在銘軍已抵東昌李鴻章飭令駐守運防騰出郭松林一軍作為游擊數日內即可

出勦該軍蓄銳而出必能得力至王正起莫組紳兩軍追逐將及兩月已覺疲勞臣亦擬調該軍回守運防換出王心安一軍會同郭松林等軍出勦俾士氣常新於防勦兩有所益刻據探報賊仍游弋於德平陵縣一帶王正起莫組紳張曜宋慶劉松山各軍追逼甚緊該逆不暇停喘臣仍飭王正起莫組紳等盡力跟追不准暫停期於遇賊即擊迅殄妖氛此後河防漸成但得愈逼愈緊庶幾可冀得手至此大在平接仗陣亡之把總吳永泰一員應請敕部優卹所有東軍追賊接仗暨分段築牆設守各情形謹恭摺由驛具奏伏乞

皇太后

奏稿卷五

早

皇上聖鑒訓示謹

奏

賞加頭品頂戴謝 恩摺 同治七年閏四月初十日
奏為恭謝

天恩仰祈

聖鑒事竊臣於同治七年閏四月初八日在東昌營次接准吏部咨以捻逆任賴股匪殄滅淨盡於同治六年十二月二十六日奉

上諭丁寶楨著開復革職留任處分並賞加頭品頂戴欽此恭錄行知到臣當即恭設香案望

闕叩頭祇謝

天恩訖伏思捻逆任柱賴汝洸等滋擾各省奔竄數年仰賴

奏稿卷五

早

朝廷德威廣被而督師大臣及各疆臣復竭誠協力將士効命用致蕩平臣前以帶兵防勦獲戾至深無勞足錄愧涓埃之莫報益悚惕以難名茲迺渥荷

聖慈開復處分並蒙

優加異數寵晉頭銜沐

恩施之深重非夢想所敢期現在直東兩省軍事正殷臣雖勉策駑駘兼籌防勦與諸臣力圖滅賊即使能稍展寸效亦屬臣子常分實不足以上酬

高厚於萬一過叨

恩寵惶恐實深揣分滋慙不能自任惟有益加奮發殫竭愚忱以冀仰答

鴻慈稍圖報稱所有微臣感激下忱謹繕摺叩謝
天恩伏乞

皇太后

皇上聖鑒謹

奏

奏稿卷五

呈

在平襲賊大勝摺 同治七年閏四月十六日
奏為官軍追賊迭戰在在平襲賊大勝賊匪仍向東北折竄現將莫組紳調回守河騰出王心安一軍飭令追勦恭摺仰祈

聖鑒事竊臣於本月初八日謹將官軍追賊接仗並分段築牆設守各情馳報在案王正起莫組紳兩軍於初三日由禹城進追行二十餘里擊敗尾賊數百騎沿途斬獲頗眾又疾馳三十里至臨邑之楊家莊忽聞前途礮聲偵知該逆正與臨邑陳貫城等所帶民團接仗紳字營營官劉時霖曹正榜策馬急馳直突賊陣王正起莫組紳以全隊繼之斃賊多名賊股敗退旋即狂竄救出被圍團眾一千

奏稿卷五

呈

餘名連日該軍與劉松山張曜宋慶等軍先後追奔比及交鋒賊輒疾走初八日及賊於東光吳橋交界小有斬獲並收降老賊八十餘名賊匪回竄南路王正起等於初九日馳一百三四十里至平原東關又四更拔隊追至高唐東南之侯家莊復擊敗逆股七八百騎追奔二十餘里至在平之張大屯十二日追至在平城東探知該逆盤踞城西南二十餘里外意圖向東昌撲運王正起自以逐日窮追迄無大戰彌深忿恨因與莫組紳定計分路乘夜襲勦是日夜二更後王正起由西南進隊行十餘里見各村中隱有火光疑未即攻旋獲賊邏騎二名詢知張逆大股全集該處一帶村莊因派王學禮以四營攻其西南張福興

以四營攻其正南王正起自以兩營及馬隊策應各營銜
枚齊進該逆絕未有備官軍猛前衝入喊聲四起各莊賊
衆驚擾亂竄立斃悍賊三四百名受傷脫逃者無數生擒
老賊一百數十名救出難民二三百名奪獲騾馬一千數
百匹馬鞍一千數百副洋礮旗幟共數百件是時賊隊潰
散詢問擒賊始知張總愚僅隨數十騎向西北潛遁與全
股匪衆幾至相失王正起黑夜追殺直至天明附近居民
在麥地搜殺伏賊百數十名獲騾馬數百匹莫組紳本由
南路進襲甫至崔家莊而賊衆已被王正起擊散敗賊紛
紛狂竄莫組紳追斬三十餘里殺賊二百餘名生擒長髮
八十餘名賊匪鼠竄向博平清平一帶而去十三日晚復

奏稿卷五

器

向魏家灣戴家灣沿運窺伺經駐該處之姚紹修暨皖軍
各營槍礮擊退賊知運河嚴備於十四日向東北一帶竄
逸查此次桂平之捷賊敗潰不能成隊各思逃命惜官軍
馬隊甚少未能及時殲除現在莫組紳等軍追勦最久士
氣過疲已調該軍回守運河令王心安一軍於十五日換
防出勦王正起一軍現亦調至東昌令其備辦行糧領取
軍火稍休即出淮軍郭松林業於十三日由東昌拔隊進
勦應飭令王心安趕赴會合前進以期互為犄角臣查該
逆往來奔突急圖撲運迭經官軍追擊敗回勢極窮蹙刻
值東昌一帶運河水勢不過數寸已嚴飭各營極力堵遏
其臨清以北武城夏津恩縣德州及直境之吳橋東光等

界水勢雖深惟尙無營扼守臣時時懸念以力難分顧爲
憂前與李鴻章商請直境聯團築牆駐守昨接其來咨已
派員在直境會同直隸臬司張樹聲等督勸民團修築河
牆臣已派道員王成謙赴該各州縣會合督修武城夏津
已報興工惟該各州縣西岸多與直境錯壤必須聯爲一
體踴躍共事方可藉資憑禦又臣欽奉

奏稿卷五

望

諭旨詢及東省尙有西丹馬隊一千五百名能否得力查
前招募吉林黑龍江丹丁計三千名餘丁三百名春閒遵
旨挑選撥交春壽助勦之吉林黑龍江丹丁共一千五百
二十九名又撤回吉林黑龍江病弱丹丁共六百九十五
名業經具奏在案其餘病故五十餘名吉林兵丁潛逃九
十餘名陣亡及出探未回者八名現在東省尙留黑龍江
丹丁九百零四名臣頃令侍衛那斯璉隨同王正起等出
勦於在平靜海滄州高唐等處迭次接仗雖於戰事未盡
純熟而膽氣優裕立陣穩固頗有可觀若使閱歷稍多必
可期成勁旅臣因其途次多病亦令暫回東昌休養再行
出勦查該丹丁入東以來多生奇病現在天氣漸熱疾病
日多臣前見僧格林沁勦辦捻逆時於關外丹丁每交夏
至後必令歇夏至立秋後乃出誠以該丹丁不慣受暑之
故臣於此項馬隊遠自數千里調入且樸拙可用不敢不
厚加護惜使之服習水土蓄勵精銳以備征勦之大用藉
可上慰

宸廩所有官軍追賊迭戰在在平襲賊大勝賊匪向東北折竄現將莫組紳調回守河騰出王心安一軍追勦各情謹恭摺由驛具奏再王正起嚴整精悍勇冠將卒莫組紳穩練識機能耐勞苦於追勦實為得力參將曹正榜遊擊張福興王學禮二員均以參將補用並賞加副將銜以示激勵無任感幸合併陳請伏乞皇太后皇上聖鑒訓示謹奏

奏稿卷五

吳

各軍會勦力願運防摺 同治七年五月初四日

奏為王心安一軍會合郭松林潘鼎新等連日追勦並繞出賊前迎擊以願運防現在捻蹤仍由在平境內折回東竄各軍跟追前進各緣由恭摺仰祈

聖鑒事竊臣於閏四月十六日將官軍襲賊獲勝並調回莫組紳等軍與王心安換防出勦各情由驛馳奏在案旋據探報捻逆復回竄武定東北一帶臣即飭令王心安一軍於二十一日拔營進勦郭松林潘鼎新先於二十日在德州向東截擊二十五日各軍先後追至陽信海豐迤北大柏山地方見東面林木茂密疑有藏匿適劉松山自西躡尋而至當即分路搜勦擒斬悍賊七十餘名傷斃二百餘人奪馬三百餘匹餘賊敗竄諸軍循迹緊追次日午時及賊於鹽山城外乘勝進戰又斃悍賊多名該逆見官軍大集遂繞路西趨乘隙折向西南狂竄郭松林等擒獲賊探供稱賊亟思南撲運牆當即繞前攔截由德平臨邑境內連夜疾進本月初一日在在平西北三十里之劉家鋪地方遙見塵埃障天知已及賊郭松林潘鼎新王心安各率所部飛馳覓戰甫經接仗斃賊二百餘名奪馬百餘匹生擒四十餘人該逆即敗潰回馬疾馳折向久隆口一帶竄走是日陳國瑞牛師韓各軍亦緊追而至各軍奔馳十餘日米糧漸盡因住東昌半日購買食物遂即復出追勦

奏稿卷五

吳

臣近據道員王成謙稟稱臨清迤北東境所屬各州縣衛

河圩牆皆已成立直境亦俱報竣張樹聲等激勵民團分段駐守期可與滅河運河防守各營聯絡聲勢惟賊勢窮極猾聞兵即遁各軍追逐日行一百二三十里勢將追及而該逆恣行馳騁輒復遠颺故奔馳十餘日竟難得一大戰現在河防漸覺嚴密賊似不能越軼各軍亦得更休迭戰不致疲勞庶可節節進逼早期得手所有連日各軍追勦各緣由理合由驛六百里馳陳伏乞

皇太后

皇上聖鑒訓示謹

奏

奏稿卷五

吳

修築隄牆兜逼捻逆摺 同治七年五月二十一日

奏為捻逆東竄前派王心安追勦一軍現隨同郭松林潘鼎新築隄邑陵縣一帶圩上即日工竣再行出勦暨嚴飭高唐恩縣等州縣速修馬頰河西北隄牆以期兜逼各緣由恭摺仰祈

聖鑒事竊臣於五月初四日將官軍繞擊獲勝並捻逆東竄諸軍跟追各情形由驛馳陳在案連據探報逆蹤於初八初九日漸向東趨初十日後又折向北竄王心安會合各軍節次緊追略有斬獲臣正催令速勦聞旋接李鴻章來函以天氣炎熱賊極飄忽各軍日事馳逐皆不遑喘息率不能獲一酣戰欲在臨邑陵縣一帶橫築圩牆西接馬

奏稿卷五

吳

頰河舊隄東留臨邑至濟陽之九十里逼賊由此南竄然後一體築閉層層兜裹俾地勢愈窄迫勦愈近辦理較有把握臣思平地築圍設守雖難使果籌辦迅速自能制賊奔突於勦事亦資得力臣於前日賊由荏平回竄東北時即嚴責王心安一軍儘力追勦誠以賊在東境臣即應防勦並籌然後可以慰士民之望茲臨邑陵縣牆工既經該軍會同趕築亦祇可聽其協力辦理以期安速完竣馬頰河西岸隄牆前經各州縣民團公議興修藉保完善臣准李鴻章來咨已諄飭恩高博夏各州縣督勸勒限分修不得稍事延緩正在趕急布置蒙寄諭嚴切仰見

聖謨廣運燭照無遺現在恩縣業已稟報即可蒞事清平
夏津均已興修高唐博平亦經嚴飭趕辦並委員前往守
催當可計日告竣頃接郭松林函陵縣臨邑圩工二十日
內外皆可一律報竣王心安一軍仍當騰出會勦至張秋
東昌臨清二百四十里防務現在黃水甚涸運河已成陸
地如賊窮思逞堵禦亦屬喫緊臣惟當與英翰及淮豫各
軍實力籌辦以遏竄突惟冀此後地勢逾通諸軍逼賊愈
緊俾得早為撲滅所有王心安派出追勦一軍現在隨修
圩牆暨嚴催各州縣速築馬頰河隄牆各緣由謹恭摺馳
奏伏乞

皇太后

奏稿卷五

辛

皇上聖鑒訓示謹

奏

各軍疊捷並馬頰河牆竣工摺同治七年六月初七日
奏為王心安一軍會合郭松林等連日勦賊鹽慶陵縣等
處疊獲勝仗暨恩縣博平等各州縣修築馬頰河牆漸可
竣工各情形恭摺仰祈

聖鑒事竊於五月二十二日將王心安隨同淮軍分築
臨陵一帶長牆工竣出勦暨催令高唐等州縣速修馬頰
河牆各緣由馳報在案嗣連接郭松林來函及王心安稟
稱臨陵牆工報竣後王心安於二十二日會同郭松林拔
營向東北出勦二十四日探知逆騎在慶雲海豐地方往
來游弋王心安與郭松林商議分路進勦二十五日辰刻
王心安追至慶陽交界之翟家莊沙家莊等處郭松林探

奏稿卷五

壬

悉春壽一軍正在海豐境內與賊接仗隨即麾軍猛力前
進一面知會王心安催隊速由後路抄襲賊股並截其輜
重王心安率隊疾行未數里即遇賊馬萬餘蜂擁撲至勢
極兇悍當即列隊迎勦自已至申相持四時之久殲斃在
前執旗賊目多名總兵銜副將王福田亦中槍陣亡該逆
猶抵死抗拒經參將馮義德副將蕭紹榮宋延德等各領
所部直冒矢石鼓勇奔擊又斬執旗賊目十餘名副將宋
興元守備楊正才千總劉明發生擒黃衣馬賊三名王心
安乘勢督率各營一擁齊上短兵相接大礮環施陣斃悍
賊無算復出奇兵左右包抄逆匪驚潰馬驟四散奔走官
軍壓追二十餘里計共斃賊六七百名生擒一百餘名奪

獲騾馬三百餘匹郭松林一軍左右衝殺斃賊極多會大雨暴注賊得乘隙向北逸去二十六日黎明王心安會同郭松林正欲往追旋聞是夜該逆又為劉松山等襲敗折繞南竄當即合向西南一路截勦遏賊於樂陵境內逆騎望塵返走郭松林王心安竭力窮追又斃賊二三百名奪獲騾馬器械甚多二十七日該逆又驀竄吳橋一路經周盛波一軍掩擊大勝該逆見官軍大集繞道南奔德平縣境復被吳長慶潘鼎新等邀擊獲勝其各軍接仗情形已由李鴻章奏報現在賊勢窮蹙已極仍在東北一帶旋繞王心安郭松林兩軍仍行跟追臣查逆騎迅駛追軍常苦不相及此次數日之內各路連獲大捷足以稍快人心現

奏稿卷五

至

在牆工漸次告成計可四面兜逼速收聚殲之效馬頰河牆前經臣節次嚴催並分委委員勒限監督恩縣已經報竣清平博平夏津等縣日內亦可報完工惟高唐一處河牆河西僅十四村莊戶少丁稀難期速成臣已飭派臨清武城兩州縣協助計數日內亦可報竣現在伏汛應時黃流入運自張秋至臨清河水已深五六尺李鴻章前調來提督黃翼升水師礮船均於初五日已全數駛入由東昌下赴臨清運河北路聲援較壯計黃水盛漲平原禹城各處地勢低下每歲必有漫水灌入亦可阻賊騎馳騁之路據查此時情形滅賊機會當有把握臣惟與李鴻章等審勢熟商妥辦以冀早除殘寇稍贖罪愆至此大陣亡之總

兵銜副將王福田應懇
恩飭部優卹所有王心安一軍會合郭松林暨各軍連日獲勝及馬頰河牆漸可竣工各情形謹恭摺由驛馳陳伏乞

皇太后

皇上聖鑒訓示謹

奏

奏稿卷五

至

各軍追勦連獲大勝摺

同治七年六月十六日

奏為王心安會同郭松林等軍晝夜追勦惠濱臨陵等處連獲大勝暨齊東防黃勇團擊退竄賊各情形恭摺仰祈聖鑒事竊臣於本月初七日已將王心安會同郭松林二十八日以前勦賊迭勝及馬頰河牆即日工竣具報在案臣查各軍滄暑奔追戰事甚苦竊慮逆情狡譎疲我士氣不如晝追夜襲更進迭戰使賊無片刻之安勦辦更易得手當即飛飭王心安相機進戰嗣連接郭松林王心安潘鼎新等函稟均稱二十九日王心安與郭松林合軍由陵縣臨邑一路探追三十日黎明於商河李家坊追及賊匪大股郭松林王心安悉令士卒暫伏田禾之內祇出馬隊

奏稿卷五

五

數百騎意欲誘賊使前一鼓撲滅詎該逆屢敗膽寒望風先走王心安等亟從後面追擊馳逐三十餘里計已斃賊三四百名至惠民境內天色漸晚聞前去賊踞村莊不遠王心安定計夜襲商之郭松林意見相合是夜東軍三路進襲前面賊巢王心安自督副將宋延德等擣其中堅副將蕭紹榮都司許占鼇各率所部張為兩翼副將雷顯揚帶領馬隊在後策應郭松林亦三路繼進抄賊後巢約有四更時分逼近賊村該逆敗竄疲乏皆已酣睡我軍各執短刀一擁齊入遇賊即斫殲無算其地附近皆係歧池驚逃之賊墮入溺死者尤多餘賊衝成兩段一竄正北一竄東北驟馬器械大半拋棄王心安等乘勢掩殺窮追七

八十里正北一股已為衝散經民團截斬殆盡計郭松林王心安各軍共擒髮賊一千餘名奪驟馬三千餘匹並生獲張總愚逆姪濱仔及張七張見華袁正法等此三十初一兩日王心安郭松林襲勦之情形也其敗往東北之賊旋因北路兵眾折回復竄經王心安一軍截出正東郭松林等軍截出東南以期兩面兜勦王心安至濱州先謀知賊眾住宿彭家圩遂自選三成勇隊乘夜輕騎掩襲賊方駛奔百餘里不虞官軍猝至倉卒驚潰王心安率銳師鼓勇齊上士氣爭奮一以當百連躡賊村八處斫斃甚多生擒一百數十名奪驟馬百餘匹敗賊仍向西南惠民境內狂竄王心安自後緊追初七日郭松林潘鼎新等攔頭迎

奏稿卷五

五

擊全獲大勝僅餘賊數千名竄往正南商河一帶此初四五六七等日王心安郭松林潘鼎新等軍襲勦之情形也遞接各路探報暨各州縣稟報情節相符並據報陳國瑞一軍連日在武定商河等處追勦迭有斬擒其郭松林潘鼎新等大勝詳細情形應另由李鴻章具奏惟王心安等各軍日夜轉戰酷暑炎蒸極為疲苦然戰事得手之際正宜銳力疾勦以期蕺事臣已飛飭其仍行窮追不獲暫停並恐其無暇購買軍食飭令所過州縣妥為籌辦俾得一意進勦正在布置間又接據臣前派黃河防守之委員周鵬齊東縣知縣何慶祥等稟稱十一日亥刻忽有敗賊數百騎竄至齊東延安鎮黃河北岸窺伺經周鵬督率勇團

會同礮船弁勇放礮轟斃百餘名十二日辰刻賊騎全股
數千至齊東城北黃河對岸意在設法搶渡該縣知縣何
慶祥率領民團同礮船千總鄧福興密排槍礮連環施放
相持兩時許轟斃馬賊二百餘名賊始紛紛敗退適張曜
宋慶等軍趕到兜擊大獲全勝擒斃極夥餘賊四散逃竄
各軍俱躡追甚緊臣查此次捻逆被各軍痛為勦洗現已
萬分窮蹙運防鞏固竄無可竄仰賴
天威不日當可蕩平至五月三十日夜襲賊陣亡之遊擊
王林把總劉青和應懇

奏稿卷五



恩飭部優卹所有王心安一軍同郭松林等軍連日襲勦
大勝及齊東防黃勇團擊退竄賊各情形謹恭摺由六百
里馳奏伏乞
皇太后
皇上聖鑒訓示謹
奏

丁文誠公奏稿

卷之六目錄

- 運防各軍擊敗竄匪跟蹤圍勦摺同治七年六月二十九日
- 捻逆全股蕩平搜捕淨盡摺同治七年七月初七日
- 收降密察妥辦片同日
- 賞加 宮銜謝 恩摺同治七年七月十九日
- 酌留兵勇分別遣留馬隊摺同治七年七月二十一日
- 籌辦善後情形摺同治七年八月二十一日
- 吏治需才敬舉所知摺同治七年八月二十一日
- 通籌陝甘滇黔用兵情形摺同治七年九月十一日
- 選練登鎮槍隊及海口情形摺同治七年九月十一日
- 體察東省運河並漕折窒礙各情摺同治七年九月二十八日
- 撫恤災黎截漕備賑摺同治七年九月二十八日
- 請建昭忠祠片同日
- 截清撥款減營節費摺同治七年十一月二十三日
- 遵 旨酌保出力員弁紳團並陳防勦情形摺同治七年十一月二十三日
- 保潘駿文李宗岱片同日
- 軍務告竣遵 旨入 覲片同治七年十一月二十七日
- 回任謝 恩摺同治八年三月初六日
- 估勘曲阜 文廟要工摺同治八年四月二十九日
- 鼎軍索饗滋事摺同治八年六月二十四日

黃河決口暫擬緩辦片 同日

遵查東省釐卡情形分別存留裁撤摺 同治八年七月二十八日

奏稿卷六

二

運防各軍擊敗竄匪跟蹤圍剿摺 同治七年六月十一日
奏為王心安等軍連日獲勝賊現由東北回竄東昌搶撲
運防復經淮東防軍擊敗並現在各軍跟追圍剿情形恭
摺仰祈

聖鑒事竊 臣於本月十六日謹將東軍會同各軍連日獲
勝並齊東黃防勇團擊退竄賊緣由具奏在案旋據王心
安及管帶礮船遊擊楊長林先後稟稱賊前竄過徒駭河
南岸時在於蒲臺利津兩縣境之姚家渡丁家渡等渡口
窺伺皆經楊長林黃連元等會同防黃員弁然放大礮斃
賊甚多該逆一意搶撲大隊麕至河上搶取民圩門扇紮
成木筏數隻放入河內拚死撲渡復經對岸團勇開放連

奏稿卷六

一

環槍礮適哨官蔡永清礮船駛至合力轟擊礮落如雨立
將木筏悉數擊沈筏賊盡行淹斃岸賊始奪氣遁去十二
日竄至齊東北岸為張曜宋慶邀擊大勝潘鼎新亦自東
攔勦獲捷王心安郭松林旋即追至聞賊被豫軍擊敗回
竄即乘夜催隊速進至鄆家渡適賊正住宿聞官軍至即
行遁竄王心安奮勇衝殺槍斃甚多擒賊三百餘名驟馬
二百餘匹餘賊向正北竄走各軍隨即躡追十七日王心
安追至吳橋境內聞前面劉松山吳長慶等夾勦正酣遂
整隊從後前進賊之尾股驚潰當經追斬百餘名餘皆折
往東南狂竄逆目謝德勝率百餘馬賊叩首乞降王心安
即時收撫隨派弁解至 臣營訊辦查賊至五月二十五日

以後迭經各軍痛勦大捷其能鬪悍賊戮殆盡僅餘逆眾四千餘人逸去已成困獸深恐死命竄渡以遂狡謀臣前於春夏黃水淺涸時曾節次抽調撫標暨兗曹兩鎮各弁兵共二千四百八十五名給與征兵口分會同楊長林礮船專防黃河南岸嗣復遴委委員分赴河岸督率各縣民團按段駐守尙慮河長兵少又札飭近河之高苑鄒平長山等縣各勸出團勇三五百人赴河干協同守衛久已一律到齊黃防悉臻穩固惟運河近日水勢雖深而河面過窄必須慎益加慎臣二十六日正往查運防忽探報賊由高唐南竄已至魏家灣楊飛熊派參將李培榮帶勇過河伏田禾內俟賊前隊行進躍起奮擊擒斬數十名賊知有備遂繞竄東昌城北八里橋臣當飛致淮皖各軍加意嚴防一面飭王正起於河橋上抽帶五成勇隊迎頭急擊以勦爲防賊見隊出卽走不敢近牆王正起追過破窰口李家營等處轟斃賊二百餘名生擒三四十名受傷之賊甚衆賊紛紛敗竄追奔三十餘里至李海務地方天色已晚暫行收隊是日潘鼎新一軍已跟蹤追至賊復於是夜三鼓後偷撲銘軍汛地周家店七級兩處河牆均經丁壽昌督勇擊退二十七日潘鼎新督隊前進有馬賊曹三子等三百餘騎乞降潘鼎新妥爲收撫並訊知賊竄東南余家集等處遂自帶大隊馳往勦擊該逆猝不及防紛紛遠竄潘鼎新追至沙河該逆數百人猛前迎戰我軍一擁齊

奏稿卷六

二

進斃賊甚衆賊始狂奔潘鼎新追殺四十餘里王正起亦帶隊東出截殺二十八日劉銘傳郭松林王心安與豫皖各軍均陸續追至分路兜勦臣惟此次張逆勢窮計窘率黨南竄窮奔兩日夜乘官軍落後向東昌一帶拚死撲運以圖生路又經防軍擊敗計不得逞仍竄回荏平東北所贖實不過二千餘騎現在各軍均各緊追正期四面合圍滅此殘寇臣已嚴飭王心安王正起隨同各軍竭力圍勦以冀卽日掃除至此大接仗陣亡之都司歐陽應發應請旨飭部優卹所有各軍連日逼勦暨運防各軍擊敗竄賊並圍勦各情形謹恭摺馳陳伏乞

皇太后

奏稿卷六

三

皇上聖鑒訓示謹

奏

擒逆全股邊平搜捕淨盡摺 同治七年七月初七日

奏為擒逆全股邊平現仍飭各州縣暨各防軍嚴密搜捕務期淨盡暨查訊逆首張總愚下落情形恭摺仰祈

聖鑒事竊 臣於二十九日謹將各軍會同掃蕩全股擒逆大概情形附片奏

聞復恐間有逸匪乘現在高粱滿地足以蔽目或隻身伏匿妄覲混迹偷生致滋他患當即飛飭東軍暨各該地方州縣督飭紳團沿莊搜捕並札飭黃運防軍及委員等督團照常駐守嚴密稽查遇有形迹可疑必須澈底究詰務使餘匪逃不能逃藏無所藏以期淨絕根株近據王心安暨各牧令稟稱連日督同兵勇鄉團在在平水套以內搜

奏稿卷六

四

出零星匪匪十數名在博平境內搜出匪匪三名現仍分隊四出尋覓遠近悉無賊蹤所獲之匪均解至 臣營經 臣再三詳訊張總愚實在下落俱供稱經官軍四面兜勦時落水淹斃眾口一詞覈與王心安解來降匪百餘名供詞無異 臣以該匪等皆係從逆多年稔惡已久實屬罪無可道遂悉即在營正法以伸刑典而快人心又據德州商河陵縣高唐平原等州縣稟報各境皆已安定遷徙鄉民漸次來歸逐日督團搜拏匪匪並無蹤迹各等語 臣查二十八日之戰以數萬大兵圍勦數千殘寇又蹙諸兩河之間四面泥淖逆騎陷不能出幸得全股聚殲逆首張總愚經前敵初次飛報未及候查即據情奏

聞期以上慰

聖懷嗣接王心安續稟查明該逆係落水淹斃等語伏思張逆淹死雖未撈獲尸身但據先後生擒逆黨供詞如一當此

皇威遠震氛祲全消節經各兵勇鄉團逐處窮搜必難伴逃

天罰頃欽奉

密諭令 臣等加意嚴防不可稍涉大意益見

聖謨密運洞照無遺 臣職任地方何敢以逆股既平稍涉疏懈惟當嚴飭慎密搜查不使一名漏網以靖地方並遵旨飭司遴委委員分赴各州縣詳勘被擾輕重情形分別

奏稿卷六

五

懇懇

恩施以蘇民困所有近日擒股全清暨仍嚴飭搜查情形謹由驛五百里具奏伏乞

皇上后

皇上聖鑒訓示謹

奏

收降密察妥辦片 同治七年七月初七日

再臣於本月初五日欽奉

密諭飭將此次收降密察妥辦毋稍濡忍致滋後患等因跪讀之下仰見我

皇上審慮精詳無微不至欽服莫名查軍營收降藉以閒死黨而孤賊勢原為辦理不可少之一法然實一時權宜之計未可恃為久安也伏讀

諭旨此輩狼子野心當賊匪熾盛之時即拚力抗拒官軍迨勦敗之後始行乞降以冀免死恐日久故態復萌為患無窮

聖訓煌煌明燭幽隱亟宜敬謹遵辦臣維自帶兵勦賊以

奏稿卷六

六

來從不輕言收降而山東切近

畿疆尤不敢留桀驁反覆之徒夾雜其中以杜隱患此次飭派王心安王正起等軍追勦賊匪每切囑其毋易招降設有自願乞降者亦必於收撫後押解臣營訊辦故王心安等軍所收降眾通計不過三百餘人均隨時押解來營臣委員逐一研訊以從賊之久暫定該匪之去留如訊其從逆在上年十二月賊竄山西以後而又係山西直隸及河南之河北三府山東之濟武兩府屬者但查無兇暴形狀均作為脅從訊明籍貫立飭地方官遞解原籍約束如訊其從逆在上年十二月以前而又係江南湖北河南及山東之曹沂各屬者實係老賊決不可留即分隸各營暗

予誅戮通計降眾遞解回籍者七十餘人正法者二百數十人既不露殺降之形亦不阻來歸之路現在東軍各營中實在無一降眾致滋後慮堪以仰紓宸廑至各路軍營收降雖多該大臣督撫當能懷遵明諭妥為辦理必不致貽患將來也所有東省辦理收降及東軍各營現無降眾各緣由謹附片密陳伏乞

奏

聖鑒訓示謹

奏稿卷六

七

賞加 宮銜謝 恩摺 同治七年七月十九日

奏為恭謝

天恩仰祈

聖鑒事竊 臣在營恭閱邸報同治七年七月初十日奉

上諭丁寶楨著賞加太子少保銜並交部照一等軍功議

敘欽此伏讀之下感悚難名當即恭設香案望

闕叩頭謝

恩訖伏念 臣忝任疆圻治軍無狀去今兩歲捻逆竄擾東

境地方蹂躪 臣不能即圖殄滅以致調兵籌餉時虞

宵旰之憂勤上負

國而下負民罪戾滋重幸賴

奏稿卷六

八

聖謨宏遠

誥誡周詳內外臣工得所稟承將士同仇敵愾俾妖氛之

全掃慶海宇之永清 臣獲際

昇平倖免譴責已為至幸乃荷

宮銜之寵儕諸保傅之班聞

命自

天抱慙無地現在寇事初平兵燹甫靖民生因而愈感吏

術浸以多疏其一切善後各事宜在在均關緊要 臣惟有

益矢勤慎倍切綢繆殫竭愚誠力圖補救以冀仰酬

高厚鴻慈於萬一所有 微臣感激下忱謹恭摺叩謝

天恩伏乞

皇太后

皇上聖鑒謹

奏

奏稿卷六

九

酌留兵勇分別遣留馬隊摺同治七年七月二十一

奏為遵籌酌留兵勇以資鎮撫並擬分別遣留吉林黑龍江馬隊各情形恭摺仰祈

聖鑒事竊臣於七月初八日欽奉

諭旨東豫兩省應如何酌留兵勇鎮撫地方之處並著丁寶楨李鶴年一併妥籌奏明辦理等因欽此跪誦之下仰見我

皇上宸謨廣運綏靖疆圉不勝欽服竊查東省自咸豐八年後時有捻匪之患頻年防勦竭歷不遑去歲及今任賴張逆相繼東竄賊勢披猖饑日絀而兵日增辦理益形棘手幸賴

天威遠震

奏稿卷六

十

廟略遐宣逆股以次削平中原從茲底定然東省之民力亦自此竭矣為今日目前之計首在於紓民力欲紓民力則在於節饒需欲節饒需則在於裁兵勇蓋籌兵必先籌饒東省兵饒專恃地丁非若他省之尚有釐金捐輸可資挹注也臣自逆匪盪平後即將撤留事宜通盤默計凡省防調募之省標剛毅各兵勇與調防黃河之曹州濮范壽張東昌營兵及德州臨清范縣各屬招募之勇均飭令酌行裁撤此外前敵各勇營以積欠過多尙須逐漸清釐始能遣散第其中實有不能不酌留者緣東省武定東昌臨清三府州與直境毗連素為鹽梟教匪出沒之所而曹沂

兩屬接壤豫徐又為幅匪長槍會匪所伏匿數年以來經

臣隨時勦辦漸就安謐當此巨寇初平若無勇兵稍為鎮壓恐人心浮動難免奸民煽惑之虞臣再四思維擬將東

軍各營於月餘內漸次清撤酌留七八千人分駐於武東曹沂各屬藉資鎮撫仍隨時查看情形如地方日久相安尙可以次遞遣至前雇募吉林黑龍江丹丁馬隊除去歲沿途病故逃失外本年正月內已將疲弱者遣回五百數十名派赴直隸隨勦共一千五百名隨同臣營防勦共九

百餘名其中派赴直省之隊從前欽奉

諭旨飭交春壽統帶歸左宗棠調遣尙在連鎮一帶臣以該隊自派出後久未接其稟報其歷次打仗丹丁陣亡病

奏稿卷六

十一

故遺失多寡未能深悉本擬派員前往點驗以昭覈實並分別撤留稍節饒需適於七月十三日欽奉諭旨山東所調西丹馬隊著丁寶楨檄令該都統等分別覈實造冊將各隊管帶回京暫駐南苑聽候神機營調撥欽此因飭委員即日馳赴連鎮一路會同侍衛春山參領莫爾賡額等點驗造冊呈送以憑咨明左宗棠等遵辦惟該丹丁等冒暑追勦疲乏必多若概令回京終恐無濟臣擬俟點驗後如實係疲弱之丁即籌給川資令就近由天津回籍路程既免奔馳經費亦稍節省其精壯各丁仍遵旨飭令帶赴南苑暫駐聽候神機營調撥愚昧之見謹候訓示飭遵至隨同臣營防勦之九百餘名日事追勦尙屬

出力近以不慣伏暑多生奇病茲因捻逆既平該丹丁等遠道思歸泣求遣撤臣察其情形可憫已於未奉

諭旨以前為之算清口分籌給川資於本月十五六日分起遣回令侍衛那斯琿等管帶前往想該丁等數千里從征事竣之後以多病力求凱撤必蒙

聖慈矜恤也東省餘匪前經嚴飭各州縣會同派出各軍竭力窮搜近據稟報各地方均已一律肅清臣又派委候補知府焦宗良帶隊分路督查亦據報並無匪蹤各路官軍現俱次第撤回原省臣復劄飭東省各州縣於各軍撤竣後再行分路搜查驅拏游勇嚴緝土棍以冀久安所幸東軍尚無降眾但得各軍安靖撤竣地方即可無事臣現

因各營積欠口分甚多且有查災籌賑各事亦必須與藩司悉心商酌次第趕辦冀免稽延即各軍撤回大河以南亦須鎮撫臣已將東昌濟南臨清應辦各事飭令東昌府知府程繩武臨清州知州陶紹緒會同王正起等妥為辦理臣於拜摺後即行起程回省籌辦善後一切容後再行

奏稿卷六

三

奏聞所有遵籌酌留兵勇鎮撫地方及擬分別遣留吉江丹丁各緣由謹恭摺由驛具陳伏乞

皇太后

皇上聖鑒訓示謹

奏

奏為遵 籌辦善後情形摺 同治七年八月二十一日

旨分別遣留吉林黑龍江丹丁及酌裁各營勇隊以節餼精並籌辦善後情形恭摺仰祈

聖鑒事竊臣於七月二十一日在東昌行營將酌留兵勇鎮撫地方及回省籌辦善後各情馳報在案臣拜摺之後即日起程取道張秋沿途察看各軍撤赴南岸之勇分由各口陸續渡河尚無滋擾聞有一二逗遛落後散勇亦均飭令派出員弁隨時驅拏近日道路亦漸肅清復諄飭沿河地方官及各派出之文武員弁認真彈壓稽查不任鬆懈二十三日抵省後接見藩司將清釐各營欠餉並辦災

籌賑各事通盤覈計司庫實屬支絀異常亟以裁汰兵勇最為先務而裁勇必須清餉則目前需用較多臣於運庫糧道庫海關常稅各項多方挪湊始能辦理就緒旋奉七月二十五日寄

奏稿卷六

三

諭吉林黑龍江丹丁馬隊其派赴直隸一千五百名中有疲弱者令就近由天津回籍其精壯丹丁令分隊起程前赴南苑至隨同防勦之丹丁九百餘名著給資遣回等因欽此仰見

聖主垂念丹丁曲加體恤之意伏查東省派赴直隸之吉林丹丁一千名黑龍江丹丁五百名前此助勦尚稱得力現在賊蹤蕩盡該丹丁道里最遠自應先為凱撤俾得及

早回旗臣於派員前往點驗卽諄飭挑留丹丁務須覈實
惟在精壯無取充數復經節次飭催從速具報茲據該委
員稟報前項丹丁內佐領訥蘇肯管帶之吉林三四起現
存官兵四百三十八員名本歸陝甘督臣左宗棠調遣現
經左宗棠挑出官兵三百十五員名帶往西征八月以後
饒銀無須山東撥解餘一百二十三員名應行遣撤侍衛
春山管帶之吉林頭二起現存官兵四百二十四員名協
領莫爾廣額管帶之黑龍江五六起現存官兵四百十六
員名向均歸將軍都興阿調遣該隊現駐甯河地方經委
員逐加點驗春山隊內應遣撤疲弱二百四十三員名計
挑出精壯二百十六員名莫爾廣額所部因在直東交界

奏稿卷六

古

接仗受傷較多調理亦尙未愈其餘亦多疲乏可留實屬
無幾擬請一併遣撤等情臣查此項吉林丹丁除左宗棠
挑留三百餘名外僅挑出精壯官兵二百十六員名應令
前赴南苑聽候神機營調遣其黑龍江丹丁既多受傷疲
乏應准全數遣撤以節饒需當經飛飭該委員將挑出官
兵二百餘名口分發至九月底止仍交春山管帶由行營
卽日起程前赴南苑聽調嗣接准神機營來咨以撥留之
隊仍應預放足兩月口分以符原案如該隊尙在東省應
由臣就近支給儻已經啟程所有未發饒銀從速委員解
京以資散放等語復經飛飭該委員等遵照於丹丁啟程
之日起覈明預放足兩月口糧俾免兩歧至應行遣撤丹

丁共七百八十二員名查照成案吉林發給四十日川資
黑龍江發給六十日川資因莫爾廣額前次打仗受傷未
愈尙須調養已飭令佐領薩英阿等妥爲管帶回旗並咨
行沿途經過地方妥爲照料以示體恤至該官兵追剿數
月屢立戰功莫爾廣額一隊傷亡頗衆容臣歸入肅清案
內分別奏請獎卹至東省各勇隊頻年因攻勦喫緊防地
繇長所有東治振字紳字紹字吉勝常武健武勝馬步
各軍先後增至五十餘營需饒浩繁東省實已筋疲力盡
今幸大功告成亟應次第裁撤以求樽節臣自八月十六
日起陸續撤去三十八營現在尙留二十營以資分布鎮
壓其利捷水師各營亦經裁撤因本年黃水泛溢濮范水

奏稿卷六

古

套向不安靜必須彈壓臣酌留戰船二十隻令其前赴該
處梭巡俾免奸匪涸匿句聚難民致生他事至所留各營
仍當隨時察看情形如地方日就靜謐再行酌撤總期無
分毫糜費以濟
國用其以前裁撤各營均將前欠積饒概行發清嚴飭各
統領責成營哨各官凡籍隸外省勇丁各令帶回本籍沿
途妥爲約束其本省之人皆令回籍各歸本業並通行各
州縣嚴飭各鄉牌甲於當勇回歸者無論農工商賈務令
仍復原業毋令游手好閒別滋流弊如有行蹤詭秘隨時
加以懲治以期消患未然現查所撤之勇俱各踴躍歸家
並無停留滋擾之事臣復派員四處稽查用期周密至存

留各營因河北情形甫經平定人心尙覺浮動仍令王心安劉時霖等分紮東昌臨清各屬王正起分紮濟武各屬莫組紳分紮武定各屬以爲彈壓土匪鹽梟擊游勇之用至濟甯一帶現有藩司潘鼎新所部移紮該處俟該軍將來酌定撤留後臣再當酌勻一二營前往分駐藉資鎮壓現據河北各州縣稟報地方並無餘匪伏匿各路客軍將次撤盡民間漸可安居臣仍嚴飭該地方官加意撫循不容稍涉含混此外善後各事宜亦卽分別查明次第覈辦所有續行遺留吉江丹丁及籌辦善後各緣由謹恭摺由驛具奏伏乞

皇太后

奏稿卷六

六

皇上聖鑒訓示謹

奏

吏治需才敬舉所知摺 同治七年八月二十一日
奏爲吏治需才敬舉所知以備
採擇而資任使恭摺仰祈

聖鑒事竊臣恭讀

上諭現任各官內實清靜不擾佃幅無華者並著臚列事蹟據實保奏聽候簡用其伏處之士潛修力行堪膺循良之選者亦准一體保薦以期政平訟理吏治蒸蒸日上厚望焉欽此仰見我

皇上殷勤望治求賢若渴之至意下懷欽服莫可名言伏維以人事

奏稿卷六

七

者舍吏治其奚屬蓋吏治者治安之本原也吏治不修匪特貪戾驕淫之輩其召亂最速卽粉飾欺朦之習其釀患尤深民生蹙矣而暗事賧削盜賊紛矣而巧爲彌縫度支竭矣而陰圖侵蝕禍之所生其來有漸察之不可不密防之不可不豫也顧吏治在於得人而人才實難共信彼貌爲誠篤心存巧詐外託廉能內懷貪鄙者無論矣往往有一二可取之人或一官而始終改行或遷地而前後異轍習俗易移性情莫定審察稍有失實僞似卽可亂真臣荷天恩由臬藩游陟巡撫均有察吏之責深維求治以任賢爲急故於通省道府州縣中現任候補各員與夫伏處潛修之士凡一切居心行事苟異於人者卽爲刻意審試見

聞所及考核必精數年以來僅得鹽運使銜充沂曹濟道
長廣鹽運使銜候補知府惠慶知府用候補知州張廷揚
直隸州用德州知州趙新候選知縣薛福保五人確見其
心地才識迥越尋常卓然可以大受臣不敢壅於上
聞謹據實密陳以供
採擇伏乞

皇太后

皇上聖鑒訓示謹

奏

奏稿卷六

六

通籌陝甘滇黔用兵情形摺 同治七年九月十一日
奏為通籌陝甘滇黔用兵情形暨歷陳黔省勦辦各事宜
敬抒管見恭摺具奏仰祈

聖鑒事竊惟用兵之道莫要於審地利地利審矣乃可以
察敵情敵情悉矣乃可以謀防勦而所以盡防勦之力者
則在於足餽精所以收防勦之功者則尤在於擇人而善
任方今捻逆就平中原無事兵力饒力至此綽乎有餘而
陝甘滇黔之患尙未有已兵法乘時此誠不可失也獨是
陝甘滇黔之用兵其地利賊情與夫防勦之機宜各有不
同卽其餽精之有無緩急亦各有不同惟得人善任則四
省皆無二致臣謹為我

皇太后

奏稿卷六

九

皇上縷悉陳之查陝甘形勝西北有邊牆之蔽東南有黃
河之阻山則散而秦隴終南鳥鼠之峻縣亘乎其內水則
涇渭洛汭大通臨洮之派濛帶乎其中外被險阻內包原
隰步可以扼馬可以騁惟其所向無不適用滇則無長江
大河之險而有崇山複嶺之奇少平原廣野之區而多川
澗溝塍之限利於步而不利於馬然以萬人之衆列陣交
綏尙可臨機分合指揮自如也至於黔則重岡疊嶂峭壁
層巖途徑之盤折崎嶇樹林之蒙密陰翳一旅之率成列
而行彼此聲息間不相通若以數千之師魚麗前進則首
尾隔絕前有敵而後不及知後有警而前不及救地利之

險以黔爲最其大較也臣就四省之形勢計之竊以爲陝甘用兵似宜慎固陝疆而趨重甘境昔張良論關中謂其阻三面以制一面此言其足以控制天下也而就陝以控馭甘省亦爲掎吭之道滇則因地制敵惟能精於審勢斯隨處可以得機黔則必自東南而下趨西北先據建瓴之勢乃圖枝節節而掃除之此陝甘滇黔地利之大略也至於陝甘之賊不合漢民全係回衆其氣類甚固其心志甚齊現在回逆情形大率以甘爲遁逃之藪而以陝爲劫掠之場蓋甘地本瘠苦刻下耕種失時無所得食陝屬腹地沃野千里賊至則避賊去則耕回逆麇聚於甘亦其窟穴所在不得不然其心實未嘗一日忘陝也今日官兵入

奏稿卷六

三

陝則賊必退入甘及官兵入甘則賊必乘間而復及於陝此必至之勢無足怪者滇賊亦係回衆其始也回叛而漢民與之爲仇今則漢民以勢力不敵亦多附之現該逆盤踞於大理永昌各府而以餘力四出剽掠蓄銳養精以圖蠶食又要結漢民交通貿易財貨不缺近聞迤西一帶重關疊卡道路塞絕其意殆自處於可進可退之勢而示我以不能進不能退之形用心積慮較之陝甘回匪尤爲狡黠黔賊則分苗教兩匪而匪之所踞又各分上下游上游則係教匪下游概屬苗匪苗逆人衆而心齊又善槍法好戰鬪教匪之衆不如苗其強悍亦遠不及苗故教匪每恃苗匪以爲援而苗匪即樂得因教匪以爲利顧其中有不

同者苗人多畫疆自守且性疑多貪其助教匪也得利即去勝敗絕不相顧其易制之道在此教匪無大伎倆特負峒抗拒事緩則劫掠爲能事急則借苗自固使官兵分攻苗匪則力有不能專攻教匪則爲苗所牽制是以苗教合而黔事益形棘手也臣就四省之賊情計之竊以爲辦陝甘之賊須先清陝境使甘賊不得復入陝而以全力悉注於甘彼不得入陝則無食可掠飢必自潰我因其微而以全力赴之必獲大捷回勢雖衆但能迭加懲創其氣亦衰氣衰而辦理必得手至若滇賊則割據已久布置素定爲今之計務宜厚集兵力先將迤東迤南各府固守完密使漢民心有所恃回匪無所用其恐脅然後兵民合力分道

奏稿卷六

三

並進使其備多而力分人懷疑懼再爲設法招致附回之漢民內外相應力破其一二堅城則賊衆自懈待其既懈而窮治之該逆之在滇者既無部落之可聚又無句結之可圖彼時入我牢籠俯首聽命收功固易也若黔賊則急於先清教匪而苗匪在所緩圖蓋苗匪本黔省土著種類極盛且其地阻山距河攻之甚難徒費時日教匪係屬內奸負險嘯聚借援苗匪以蹂躪於上游五府之中剝我精華牽我兵力若能挾建瓴之勢自上及下步步爲營多立偵探誘之以戰彼若出戰則設伏出奇以制之彼不得利必仍據險我即擇其所據之最險者破其數處則望風歸降隨手可得教匪已定然後會合兵力四路分進以圖

苗疆彼苗人性多疑忌疑則易惑忌則易散但能多方牽制攻此一寨而使各寨皆不得以相援又復陰結各寨中之良苗誘之以利懼之以威俾其自爲猜疑互相攻擊官兵因而乘之不一二年亦可得手此陝甘滇黔敵情之大略也若夫防勦之方則在於隨機制宜初無一定之局大抵制賊之法勦爲上計而防乃以濟勦之窮故賊勢多則可勦之使少賊勢強則可勦之使弱賊勢敗則可勦之使平若不言勦而專言防則我有師老饑竭之憂而賊反得乘閒肆擾之利甚非計之得也然防勦亦有必相輔而行者顧其審勢何如耳臣就四省之防勦計之竊以爲辦陝甘之賊宜防與勦並籌蓋回部切近甘省其歸宿之地在

奏稿卷六

三

甘而其謀生之資在陝惟有分兵以防陝絕其竄擾之路使陝之民生日復皆得積糧以供轉輸庶官軍得以盡力勦甘陝防旣周而勦甘之軍又復隨在可以蔽陝則賊之在甘者不能竄陝必至飢不得食官軍乃急起而乘其敝其初逆必死戰數戰不利必自潰潰則可驅之使出關俟其出關然後合防陝之兵併力以防甘內爲屯田之謀外設控制之略西陲之事辦理似不外此至滇省之回本無巢穴此時所占踞者皆漢民之境土非其種類素所聚集之區也回逆踞漢民之境土以攻漢民始則劫殺以迫之繼則要結以誘之現在迤西回漢雜處民賊不分用兵之法宜於銳進官兵進一步則賊必退一步賊退一步則附

從之漢民亦即退出一步故辦理滇賊有勦而無防其所謂防者皆未熟審夫滇匪之情形者也黔省苗教各自爲界然其據險抗拒同出一轍第苗衆負險而不常出險教匪雖恃險而迄無定處故辦理黔賊皆恃險則防無可防賊有險而又不盡處險則防不勝防計維有即勦即防斯隨在皆可以得利此陝甘滇黔防勦之大略也至於糧饟兩端實爲四省目前第一要務近日四省兵事歷辦而迄無成效非兵力之弱也亦非士卒之不用命也其病在於無糧無饟耳陝甘與滇事臣未得親身黔賊則曾經勦辦溯當日辦理之時兵勇口糧每俟六十餘日而後領銀三四錢其將領亦必俟六十餘日而後關銀一二兩飢疲

奏稿卷六

三

之態實不堪言狀然每遇大敵兵勇輒忍飢衝鋒略無退志稍有違令必按軍法而士卒毫無怨懟以此見兵勇之尚可用徒以糧饟俱無當事者動多掣肘無可如何耳然陝甘患不在無饟而在無糧滇黔患不在無糧而在無饟年來甘省每麥一觔闔須制錢一百數十文尙無處購覓計其軍食皆運自川陝而其間又爲舟車所不通運費鉅而轉輸少士卒飢疲日甚一日誠堪矜憫軍事之無起色者職此之故滇則漢回交通後耕種不失糧米尙豐而官軍乏錢交易亦難期飽食黔則軍興已十五年刀兵飢疫民生死死殆盡今則地廣人稀食尙無虞不足惟兵勇皆孑然一身近日聞恃穀捐稍資接濟然穀捐無幾以供兵

食不足一日之飽而農民於兵燹之餘終歲辛勤所得不
及其半病苦更深恐終不能持久夫以陝甘滇黔之士卒
頻年枵腹荷戈卒不至譁潰告警者實皆我

國家厚德深仁入人者深故邊徼將士亦皆知忠義樂効
死無稍異心若再加以糧饟充足辦理必有把握也雖然
糧饟不繼固不足以謀防勦而今日之糧饟非寬然取諸
左藏也地丁關稅而外釐金捐輸無非意外生財涓滴皆
膏脂所積若糧饟既足而兵不得用其病尤甚於無糧無
饟是必在將帥得人於支用經費招養兵勇之中寓核實
掙節之意然後不涉虛耗可收飽騰之益現時陝甘軍事
左宗棠久歷行陣機宜素悉異日自有設施滇事則現任

奏稿卷六

臣

督臣劉嶽昭亦熱於戰陣岑毓英宋廷春諸人又皆久於
滇省練習情形且滇事壞在迤西非同全省糜爛也以劉
嶽昭諸臣同心協力而又有完善之區爲之憑藉當不至
漫無施展黔省被害最深目前情形除苗教兩匪不計外
所餘居民不過什之二三耳現署撫臣曾璧光品詣清正
足資坐鎮然以閩省殘破之局撐指於一人實屬兼顧不
遑計非有與爲分任者黔事難振作黔事既壞而賊萬
不能株守一隅以自斃也必將西擾川南擾楚匪特此也
川楚之無賴匪徒又復羣相附和其始也由黔而害及川
楚其繼也必由川楚而害及西南涓滴不塞流爲江河况
黔之賊非僅涓滴乎及今不治後更無及不待智者而知

矣然說者謂現在川楚皆有兵接黔未始非分任其責不
知今日川楚派赴之兵皆其將領帶兵前往非本省大帥
爲之親歷督率也又非有明白

諭旨歸貴州巡撫節制調遣也其戰守任其自爲其進退
爲其所便本省大帥僅據稟牘爲調度貴州巡撫且以客
軍相周旋此而欲望兵事之日順難矣夫用兵之道惟事
權專而後將令一將令一而後調度靈調度靈而後事機
順古未有將多權分而能辦賊者也臣細察川楚援黔之
兵其兵勇未嘗不精強其將領未嘗不明幹徒以軍無統
率或彼此不相知會或意見稍有參差或布置不能畫一
數者有一卽難成功臣愚以爲欲辦黔事則須遴選威望

奏稿卷六

臣

夙著勇略兼備之大員予以不次之擢責以督辦之任使
其權歸一是無敢掣肘而又爲之寬備糧饟使之得以專
力行閒庶幾呼吸靈通指臂相應第黔事極壞貧苦異常
人人視爲畏途非真能耐勞苦之人亦不足以經久臣數
年來帶兵與各省將領相遇最多而私心所竊佩者惟有
淮軍統領直隸提督劉銘傳治軍嚴整謀勇素裕且能勤
恤民隱尤爲難得獨其性情過於伉直稍不合時然辦大
事固不可以小節拘也今黔事敗壞極矣譬之疾病元氣
將脫不治則必死治之而稍不得其法亦必死伏惟
聖明採擇可否予劉銘傳以督辦貴州軍務之任一切聽
其布置責以成效不准推諉該提督慷慨任事且受

恩過重必當竭忠盡力以期無玷身名而報不世之

知遇也惟既責以辦賊必預籌其糧饟務使月月接濟不至有名無實乃可以督其有成現在淮軍議撤江南釐金寬然有餘臣愚以爲劉銘傳辦理黔事即可令帶其舊部一萬一千餘人前往再令李鴻章於淮軍中得力各勇抽出一萬四千人歸其統帶計二萬五千人亦足以制賊第約二萬五千人之饟再加以雜支各項每月必需銀十五萬兩乃可不至短絀此項銀兩應請

飭下兩江督臣馬新貽於釐金項下按月抽撥委解不准短少至劉銘傳到黔之後凡川楚援黔之兵均歸調遣以一事權如此則將帥得人士馬得力先清教匪而後及於

奏稿卷六

三

苗匪臣料黔事不過一年必可奏效臣黔人也非敢有私於黔亦以黔省闔境生靈蕩然將盡不一援手必至靡有子遺且黔事去而川楚受無窮之害川楚受害而天下亦將騷動災近剝膚憂心如炙是以不揣冒昧不敢不瀝陳於

聖主之前者也抑臣猶有說者勦辦陝甘滇黔之賊均利用勦惟陝甘回匪則兼用防然防陝境而勦甘境則防亦在勦之後是勦誠爲目前用兵定局然陝甘之回黔之苗皆有巢穴可歸有部落可附惟滇匪與黔教無一定之巢無種類之聚到處畏脅到處剽掠情同髮捻臣愚以爲辦理甘回黔苗之法勦之外仍須善用撫非撫不足以窮勦

之變非撫亦不足以收勦之功特所謂撫者須彼來就撫

不可我先注意於撫若先注意於撫而滇之回屢撫而屢叛甘之回今日撫而明日叛甚至有卽撫而卽叛者前事具在不可不鑒也至於滇之回黔之教其攻據城池依附山寨也似髮逆卽可以制髮逆之法制之四路進攻隨遇隨勦則彼之伎倆立窮其走而不守四處焚掠也似捻匪卽可以制捻匪之法制之分兵兜勦不令休息則彼之伎倆亦窮且捻匪有馬可以馳驅故其收功必先圍而後勦滇回黔教其地利不宜於馬其人情不善乘馬以步賊而仿流賊之意其圍勦也更易此又宜併力於勦但能節節穩進多出偵探四面設伏則彼無巢可歸無種可聚數敗

奏稿卷六

三

之後無所逃命直可以聚而殲之又不可以撫而留餘患且以懈我軍心此固在辦事各大臣督撫等臨事酌宜未能一一預爲定局矣臣知識淺陋深幸軍事粗定兵饟皆可騰挪惟陝甘滇黔之事上廩

宸衷而黔事尤糜爛破敗至於不可救藥誠恐將來潰決四出又將貽禍無窮用特貢其一得之愚敬獻芻蕘以冀仰助

高深於萬一是否有當謹恭摺冒昧具奏伏乞

皇太后

皇上聖鑒訓示施行謹

奏

選練登鎮槍隊及海口情形摺同治七年九月十一日
奏為飭揀登鎮標兵教練槍隊並現在海口大概情形恭摺仰祈

聖鑒事竊臣接准總理各國事務衙門來咨現在奏派天津槍隊一營由海道前來山東煙臺駐紮並在登州鎮各標營內揀選精壯兵丁五六百名隨同教練等因當即咨行登鎮遵照慎選年少兵丁遴派得力將弁聽候調用並因揀選標兵槍隊東省事屬創始所有營制儀項調度賞罰各事必須妥為籌畫經臣酌擬章程數條咨商三口通商大臣崇厚公同酌議再行會奏並札飭升任運司前登萊青道潘蔚新任登萊青道劉達善一併妥議去後茲准

奏稿卷六

无

崇厚來咨現派署通永鎮總兵春霖統帶左營槍隊官兵五百三十六員名並添撥駁車六輛駁隊官兵六十七員名於八月十七日據報起程所有口糧等項均發至九月十五日止以後饒乾即在東海關洋稅項下照章接支並據登州鎮總兵陳擇輔咨報已在該鎮所屬水陸十二營內抽撥年少精壯誠實兵丁五百名飭派署右營都司孟華南管帶前往聽調各等因除教練一切事宜統俟槍隊行抵煙臺後由該司道等妥議稟覆自當飭令認真操防以期實效至近日甯海各處有洋人試挖金礦情事臣前接准總理衙門來咨即經飛飭該地方官妥速查禁並委員密往查勘深恐內地奸民與之勾結復將開礦聚眾貽

害間閭各情剴切出示曉諭嗣據各地方官及委員稟覆從前曾有廣東人與之勾結一聞查禁業已遠颺現在祇有洋人三五成羣試挖數處實無內地民人隨同開採情事所有辦理情形均經隨時咨明總理衙門查照在案伏查洋人游歷原係載明條約而開礦為中國嚴禁之事即偶爾挖試亦非游歷所應為乃各領事官則諉為外國所常有歷次照會辦理詞多含混並不認真論禁其試挖之洋人又皆恃言語不通無從究其來歷現計結伴人數此往彼來挖沙地方朝更暮改且有支立帳棚旗幟等事不免駭人聽聞均經札飭該州縣及登萊青道設法驅禁不任日久逗遛臣微窺該夷之意現在雖未顯然開挖然到處試採多方煽惑誠恐試準礦苗最旺之處一旦聚集多人公然開採遂成難禁之勢阻之則弊端即起聽之則勢必不能臣責任地方杞憂殊切現惟嚴飭道府州縣等官於洋人所到之處親往防範設法理諭勢禁不令得逞其技尤以嚴禁內地民人不准與之交通來往以孤其勢使彼無所勾結貪心或可漸泯臣於此事固不敢稍涉孟浪然使該夷或違約負強亦未便任其廣集致滋隱患除以後情形竭力妥籌辦理外謹將揀練標兵及海口現在大概情形恭摺由驛四百里具陳伏乞

奏稿卷六

无

皇太后
皇上聖鑒訓示謹

奏

奏稿卷六

三

籌議東省運河並折漕窒礙各情摺同治七年九月二十八日
奏為體察東省張秋以北運河雖加挑濬仍恐無濟並各屬漕糧議令折解於將來復運亦多窒礙各情妥為籌議恭摺具陳仰祈

聖鑒事竊臣接准戶部來咨附奏湖廣江皖東豫等省本屆漕糧酌擬辦理一片同治七年八月二十四日奉

旨依議欽此欽遵轉行酌擬辦理等因查原奏內開山東一省漕糧歷年起運本色例應於每年春閒挽抵津次乃近年遲至冬閒尙未全行抵壩即使運河偶有淺阻亦不應遲延若此至徵收漕糧曾經升任撫臣譚廷襄於咸豐十一年閒據實陳明並經酌定章程每石折納制錢六千

奏稿卷六

三

文以四千五百文專辦漕米起運以一千五百文提作團勇經費是東省各屬漕糧本係州縣買米交幫者多所有該省本屆漕糧果能確遵定例於來歲春閒即行全數運通並如數起運不得藉端截留即令率由舊章仍運本色如一時尚無把握有必須暫行變通之處亦即由該撫臣奏明辦理溯查同治五年二月閒督臣李鴻章漕臣吳棠等先後具奏理漕先須理河各摺內述及東省河道情形並一切濬築事宜極為詳切祇以頻年軍務未平未及舉辨果以東省漕折之盈餘作濬築運河之經費將折徵在一時而其利可期永久該撫臣現值凱撤於該省漕河事宜正可從容籌畫究應如何辦理之處應令該撫臣悉心

酌擬奏請核議施行等語 伏思漕河兩端實爲

國家大計近者形勢變遷皆以軍務未定變通辦理未復舊規現在中原肅清亟應各就本地機宜妥籌酌辦豈容再涉遷就惟經漕必先利運利運必先治河東省漕務之疲累其故悉由於運道而運道之梗阻其患盡在於黃河河之病運以病漕實爲今日一大變局昔人云黃河者運河之賊又云治漕以不用黃河爲上策 臣於此時目擊情形益深信之現在欲治運河之弊非但難於計出萬全卽補救亦殊無善策敬將目前實在情形爲我

皇太后

皇上備陳之伏查東省運河以汶爲源自南旺分受汶水

奏稿卷六

三

南流由濟兗匯泃泗諸水以達江南之楊莊北流至臨清合漳衛諸水以達直沽海口沿運兩岸復有諸湖瀦蓄山泉陂水以資濟運從前黃水安瀾漕艘經行來時無阻回則不免有守候之慮自咸豐五年河決豫省蘭儀漫水下注由直境之長開東境之濮范一帶至張秋穿運入大清河挾汶東趨汶水不能穿黃北達故張秋至臨清二百四十里之運河惟恃黃河分流灌注河水渾濁日漸淤墊二三年後秋冬水涸之際此段河身竟致斷流然河身雖淤尙不大礙所難者在進水之口門耳查由黃入運口門前此爲南壩頭曾經逐年挑濬每次需銀萬餘兩及數千兩不等然上年甫挑之工次年經水其淤更甚仍須再挑議

奏稿卷六

三

者謂將口門加挑寬深則進水必暢不知該處爲黃水經臨之道若一律挑深誠恐奪溜北移則東昌德州河間至京必受其患卽或幸不奪溜而黃水挾沙而行沙隨水入水去沙留多受一分之水仍多受一分之淤且汛水初至皆係倏長倏消每消一次卽有新淤必須大汛經臨始能暢注如同治四年漕 臣吳棠採買試運米石及五年起運江北漕糧數僅三四萬石於運抵張秋池南之沈家口守候多日直至汛水大漲始能渡黃入運兩年以來黃水溜勢更變南壩頭現已淤高丈餘入運之處改至下游之八里廟本年湖廣督 臣李鴻章檄調長江水師破船赴直東運河防勦先期派營將八里廟口門趕緊挑挖四月間已能進水時值桃汛初漲浮送礮船數十隻旋因水勢一落新挑之工又復淤淺所有續調師船均停泊黃河以內不得入運雖以混江龍梳刷亦未能得力直至六月初伏汛大至乃能運檣直抵滄德一帶及六月杪賊平之後師船趕卽南旋而水勢已落免強拖淺甫能出運不過旬日又已斷流是卽旋挑旋淤之明證蓋黃水原不可以濟運卽不得已而借黃以濟必須有清水會合同行稍資蕩滌受淤較輕再加以隨時疏濬尙可補救今張秋至臨清二百餘里清水涓滴不至亦別無來源可引僅恃黃流漲洩以淺窄之河行渾濁之水又有閘座重重鈐束停淤倍速然此第就口門施工而言若將河身亦議挑挖前此亦曾擇

要勘估已需銀十餘萬兩若一律普挑非二三十萬不辦然亦不過初挑之年稍覺順利次年經水仍復淤墊如故是以數十萬工需同於虛擲殊為可惜至口門築做草壩以為束溜蓄水之計此為內河有水外始屬相宜今張秋全恃外水灌入已慮水勢平緩如更增壩攔護祇益助其挂淤不能查以行溜故李鴻章吳棠亦云此處別無來源與南河情形稍異也就現時而論如果江廣各省漕糧實能定局起運但因運道阻滯致有遲疑則

京倉為根本至計即多費銀數萬兩誠所不惜現計自臺莊入境至沈口穿運之處雖隄岸間有殘缺長河間有淤淺商民船隻亦不似從前軍船之笨重儘可挽運無阻惟

奏稿卷六

臣

有渡黃入運之處必須守候汎水乃能暢行蓋該處為大溜經行縱使有力挑挖深淺之間殊無把握以為暫可仍照歷年辦理情形隨時挑濬使糧艘到時向不至過於延誤所有鉅款留為異日一勞永逸之用庶期核實此張秋以北運河現雖挑濬仍恐無濟之實在情形也至東省各屬漕運向係春開一律開幫近年遲至冬初尙未全數抵壩節經督飭糧道嚴催總難迅速查東省收漕向分開內開外開外距水次較遠開改折色開內距水次較近概收本色雖經前撫譚廷襄奏明折徵以後至今因仍不改近以運河絕流不能起運開內開外皆於收米之後另行赴德買米交幫州縣甚苦其繁費蓋買米之時既須

賤售存米以易民間貴價之銀交幫之時又須賤賣現銀

以買水次貴價之米既受刁難又多損折至起運本色者多用車腳一切更形糜費辦理遲緩職此之由至改收折

色每石以一千五百文提作團勇經費之議當時以辦理拮据並未舉行同治三年撫閻敬銘以事多窒礙請刪

除團勇經費空名一概歸州縣作為辦漕公用經部議奏覆准在案年來銀價大貴計制錢六千文僅易銀三兩

六七錢州縣除收漕公費外尙須墊解爛漕及解兌全漕一切使費實無餘贖若再提錢一千五百文辦漕更形疲

乏現在部熟審解兌遲延之故議令酌量變通辦理原為因時制宜起見惟覈計各屬全漕民間完納本色之

奏稿卷六

臣

處為多若概令折徵解部在州縣誠樂其便宜但慮水次較近之花戶積年納米為常且開漕之時正值秋成粟米充裕不願折徵即或多方示諭民無異詞異日漕運復行仍須辦運又將易折徵而收本色夫小民可與圖成難與謀始今日由本色而改折徵民或樂其簡便而易從他日由折徵而收本色民必苦其煩重而難返此勢之必然也况此中尤有可慮者現在東省漕運軍船已少多雇民船民間亦知運漕需船故每多造船以資雇用是以漕船尙不短絀若一經折解勢必停運停運則船必漸廢異日復運之時不惟運船失修不可得用即民船亦無從雇覓蓋東省不通江湖向無舟楫之利不若江廣等省之隨處可

購此尤關係漕務之大端也實不可不預為籌及夫從前江廣各省建議全數改折之初未始不將日後之起運本色一併籌議而行而折解既久一旦復興起運不但多廢墜不舉之端亦恆有捍格難通之勢凡事如此難可輕議更張此東漕未便全行折解之實在情形也竊以黃水漫流東省十餘年近河各屬每逢盛漲幾同澤國為害實深而尤為大患則在張秋穿運梗阻有關全漕大局臣受恩深重責任疆圉目覩之餘焦思極慮常訪之輿論考之簡編知開會通河轉漕以後歷來河決北岸皆以為患漕渠非挽令南徙辦漕終無上策本年榮澤漫口幸未奪溜現已籌款堵築明年汛漲情形尙未可知而蘭儀決口歷

奏稿卷六

美

年既久工費浩大未能即時堵合所幸軍事初平饑源漸裕願蓄數年之力一圖大舉使河復歸淮徐故道無穿運之患再將張秋以北運河實力疏濬工歸核實饒不虛糜庶使南省全漕悉由運河暢行無滯若黃河仍長由大清河入海雖竭疏濬之功僅屬敷衍之計金錢委之泥沙民力疲於橫流百無一效臣不敢不總總過慮也然部臣目擊東漕遲緩之弊期為經久之規議以漕餘治河所以為全局計者至深且遠臣職司地方豈敢稍存推諉雖知事有難行亦不得不盡力試辦第全漕實未可輕議改折臣現因籌辦濟武兩府撫恤災民懇請截留漕米八萬石以資散放另行恭摺具陳若蒙

俞允臣擬仿照上屆辦理章程以米數全行放賑月將一切兌運各費提存司庫如賑濟不須挪動即當遴委委員將八里廟入運河口認真勘估挑挖若款有盈餘再將張秋以北至臨清一帶擇淤墊最高者酌量疏濬來年雖南漕閒有起運亦可無阻俟查明年七八月後黃水情形如何再行妥籌辦理以期稍盡心力至東省截留以外應解之漕既不敢全議折解惟有於來春嚴督糧道飭各州縣上緊設法依限開幫早為抵通如有遲逾即行參辦務在速補遲以裕倉儲而符定制所有籌議張秋以北運河雖挑仍恐無濟並漕糧未敢全折解部各緣由謹恭摺具奏伏乞

奏稿卷六

毛

皇太后
皇上聖鑒訓示勅部覈議施行謹
奏

撫恤災黎截漕備賑摺 同治七年九月二十八日

奏為遵籌安輯災黎懇

恩俯准截留東省漕糧以備賑濟恭摺奏祈

聖鑒事竊 臣 欽奉

上諭山東被災被擾各州縣分別輕重酌量撫恤著丁寶楨妥速籌辦以安窮黎等因欽此仰見

聖朝軫念災黎有加無已東省官民曷勝欽感伏查本年賊自豫直擾及山左困逼運東歷時五月之久蹂躪甚重濟南府屬池北暨武定府屬各州縣賊蹤往返盤旋幾無完區而濱州惠民商河陽信濮州范縣東平東阿等處黃水異常漲發漫淹尤甚鄆城被淹最慘災傷倍於尋常徧

奏稿卷六

奏

野哀鴻不堪言狀前經湖廣督 臣 李鴻章目擊被擾情形酌撥用存粳糙軍米二萬七千九百餘石 臣 亦將從前購存濟陽軍米一千六百餘石又飭司添購米三千石一併散給濟武兩屬災民稍濟眉急而杯水車薪無濟於事且被水災區亦待賑孔殷亟應另籌賑濟以廣

皇仁惟庫款以地丁錢糧為大宗自捻逆頻年疊擾小民蕩析離居本年上半年上忙收款已形短絀下忙錢糧獨緩尤多又值酌撤勇隊清釐欠饗需用更繁司庫萬分支絀實屬無款可籌 臣 前經奏明俟各屬被災分數勘定後趕辦賑恤如竟不能籌款請酌截本年新漕就近提解均勻散放

旨知道了欽此欽遵在案非不知

天庾正供顆粒為重今年東漕未能充裕如果別款可動斷不敢輕議截撥而輾轉思維舍此別無良策 臣 與藩司往返熟商萬不得已惟有仍照歷屆截漕成案酌辦以本省之糧石救本省之飢民實屬大有裨益查上屆係截留十萬石現已派撥軍米三萬二千餘石祇可節而又節請截本年新漕八萬石分別災區均勻散放先儘閭內截留如不足數再於閭外湊撥其一切章程仍照上屆辦理以免紛更各州縣儻敢延宕不解或有帶欠定即從嚴參辦加等治罪如蒙

奏稿卷六

奏

實辦理總期實惠及民以仰副

聖主視民如傷拯飢救溺之至意所有欽遵酌議截漕撫恤緣由理合恭摺具奏伏乞

皇太后

皇上聖鑒訓示謹

奏

請建昭忠祠片 同治七年九月二十八日

再軍興十餘年捐軀死綬之士趾錯踵接事定後皆經各督撫臣奏建專祠總祠往往數百里閒烝嘗相望

褒忠之典於是盛焉山東自臣調任臬司以來仰賴

天威先後削平宋景詩劉德培以及賴汶洗張總愚各股

匪其閒將弁勇卒官紳民團暨婦女死事者甚多或慷慨

以致果或從容以就義或野戰而陣歿或助勦而捐生殉

難各異其同仇敵愾效命疆場固無少異也今屆闔境肅

清論功行賞惟報祀之典猶尙闕如臣前月遣撤勇丁據

各營將士僉以東省未立昭忠祠所有死事將弁勇丁雖

渥被

奏稿卷六

罕

隆恩准予優卹而忠魂無所依附慘悼殊深當於凱撤之

時均自願各捐口糧集少成多購地建祠以彰死節泣懇

請奏前來臣以各該營將卒於遣撤之時猶能念切同胞

捐資建祠不忘死事洵屬深明大義自應允其所請現於

省城南門外太公祠旁購地一區建立昭忠總祠所有咸

豐三年以後死事各將弁勇兵與夫鄉團死節之士民婦

女悉以附入相應請

旨敕下禮部編入祀典由地方官歲時致祭以垂永久庶

慰冥漠之心而作忠義之氣除咨禮部查照外謹附片陳

奏伏乞

聖鑒訓示謹

奏

奏稿卷六

罕

截清撥款減營節費摺 同治七年十一月二十三日

奏為遵查東省歷年奉撥各處協饒截清解過銀數分別停解續撥並將續減勇營節省防費恭摺覆陳仰祈

聖鑒事竊 臣 於十月十八日恭奉

上諭戶部奏統籌軍需全局並遵議胡大任條陳一摺軍興以來用兵省分需餉較多或由本省籌畫或由他省協濟頭緒紛繁章程不能畫一現在擬於各逆次第殄滅而各省未裁之勇尚復不少虛糜餉項伊於胡底著各該督撫迅議章程分別遣留專案奏報其裁撤各營原撥各省協饒即可概行停解所有從前協撥之饒著截清年月銀數開單具奏等因欽此遵查東省自有軍務以來一切防

奏稿卷六

聖

勦經費悉出本省自籌並無他省協濟且復撥解各省各路軍營協饒為數甚多前此同治元二三年間親王僧格林沁督辦勦捻之時月需餉項大半出於東省其時本省防營較少協撥尙可勝挪迨同治四年後賊蹤頻年在境情形日緊不得不為自強之計於是添招東治振紳吉勝常武馬步等軍設立水師礮船募練吉江馬隊所有口糧軍火等項每月自八九萬兩陸續增至十四五萬兩用項日增籌計日絀誠知時勢艱難既未敢遽請協撥亦並未請辦捐輸添設釐局惟恃地丁所入時時嚴查事事覈實移緩就急酌盈劑虛藉以周轉東省地丁項下雖約計三百三十餘萬然除分解坐支外司庫所收實僅二百六十

餘萬自黃河改道以後水災日甚一日蠲緩頻仍計除緩征以及民欠每年所收實不過二百萬兩以供本省防費及例支各款並京餉要需已形竭蹶而奉部籌撥按月協解各款少則一二十萬多或四五十萬統計一年數至二百五六十萬不等為數甚鉅內如固本京餉藩司潘鼎新營月餉皆係撥解全清即兩江督 臣 曾國藩湖廣督 臣 李鴻章大營月餉先後撥解之數亦復不少其餘雖未能按時撥解而情形緊要之款亦皆於無可設法之中極力羅掘陸續籌解以應急需綜計自同治二三年起截至七年十月底止除京餉解清不計外實解過各路協饒經費等項銀二百七十餘萬兩就原撥之款核計雖覺所解尙未

奏稿卷六

聖

全清而在東省連年軍務喫緊加以災歉異常既以全力自辦防勦復須兼籌協撥實已搜羅罄盡凡此籌辦情形皆 臣 前任藩司升任巡撫所親歷者也今幸大功告成本省勇營業已及時陸續裁撤積欠之饒亦已設法清釐本年河北各屬蠲緩最多司庫異常支絀亟思樽節以為補苴何敢稍涉糜費查東省留防之營前經奏明酌留十九營以為分布鎮壓之用茲 臣 復通盤斟酌又擬續減二千八百人僅留七千五百人月需防費約四萬數千兩以期節省現屆隆冬之際直東兩省素多馬賊並恐各處尙有遊勇藏匿稍滋事端已將此項留勇分營分哨派撥各屬會同地方官梭織巡查務臻安謐一時實未便再為裁減一俟

來歲春融如察看情形可以續裁即當隨時酌辦所有奉撥各處協餉或營頭已撤或地方已平均應請一併停解稍紓民力至陝甘軍餉雖在南省釐金項下統籌酌撥惟東省原撥督臣左宗棠軍營每月銀一萬二千兩又甘省等處在於常年例餉內劃撥暨新疆等處指撥各款前以力難兼顧未能按月籌撥現該省軍務正當緊要關係西北大局臣萬不敢稍存漠視此後東省若無軍事自當竭力籌解以利攻勦至藩司潘鼎新營月餉從前本係每月一萬五千兩嗣經改撥直隸應解銀一萬五千兩每月共三萬兩又每月應解柴薪銀二千兩因該司一軍常在東省勦賊不得不竭力接濟計四年以來撥解該軍協餉為

奏稿卷六



數將至一百二十萬現在該司奉

旨派往左宗棠軍營助勦該軍人數現已酌為裁減將來赴陝月餉應否尙須東省協撥若干容與湖廣督臣李鴻章咨商酌定再行具奏辦理所有東省歷年解過各處協餉銀數截清年月開具簡明清單並將現在分別停解協撥續裁勇數各緣由恭摺馳陳伏乞

皇太后

皇上聖鑒訓示謹

奏

遵 旨酌保出力員弁紳團並陳防勦情形摺 同治七年十一月二十三日

奏為遵

旨酌保肅清全股捻逆尤為出力文武員弁暨東省去今兩年城防省防並運防河防勤勞最著之地方文武官紳民團核實請獎分繕清單恭摺具奏仰祈

聖鑒事竊臣前欽奉七月初二日

上諭逆捻盪平各營出力人員著各大臣督撫查明覈實請獎以昭懋賞其餘出力員弁亦著一併請獎毋許冒濫各處團練出力紳董人等亦著該督撫詳查奏請獎勵欽此仰見我

奏稿卷六



皇太后

皇上酬庸至意微勞必錄跪讀之下莫名感激伏查東省自去年五月任賴諸逆竄過運河勢甚剽悍臣親督王心安王正起莫組紳楊飛熊王成謙等軍抄前截後日夜追勦將士積苦者半年其在膠州濰縣壽光蘭山嶧縣鄒縣各境內大小數十戰疊獲勝捷擒斬要逆甚眾而平度即墨蘭陵等役賊銳意猛撲該將弁勇丁冒死摧鋒解衣血戰所斃尤多剪除悍賊逾萬迭經奏報在案時賊無宿糧專恃掠食臣豫飭各州縣實力舉行堅壁清野之法該州縣文武官紳志切同仇人人自奮非嬰城固守即築圩自衛聞有窺撲之賊悉被擊退又將王心安等軍緊躡賊後

不令停喘民團聲勢更相聯絡嗣後該逆攻不暇攻掠無可掠故賊往復在突東境千餘里內而城防所在屹然即圩寨失事亦復寥寥任賴等逆因此乏食時准軍又復會合急擊幸得全股撲滅至今春張逆攔入直境臣督各軍由直隨處攔截至三月以後該逆由豫竄東臣時已回抵東昌竊慮地勢平衍勦辦難期迅速一面札飭武定濟南東昌各州縣仿照上年登萊青沂等屬併村築圩人自爲守又值黃水未發恐其撲渡南奔蔓延可慮復飭委兗沂道長賡濟東道蕭培元多派妥員調集兵勇團練督飭各牧令會同曹州鎮總兵保德暨礮船水師在於黃河南岸上下游嚴密設守時該逆初入東境經王正起王心安莫

奏稿卷六

吳

組紳三軍於荏平之北兩獲大捷不敢暫停直向天津駛竄臣以津郡空虛即飛飭王正起王心安莫組紳等軍星夜倍道急馳赴援而自督楊飛熊一軍循衛河截勦邊其渡運北竄嗣經王心安等擊之於滄州王正起莫組紳擊之於靜海均獲大勝該逆復由鹽慶折竄武濟所屬各境王心安等兼程追躡臣亦帶隊馳回由德州截勦因念賊蹤飄忽非圍勦不能奏功比至德州而李鴻章適至因與面定河牆圍制之議按段分防自魏家灣至東昌府南八十餘里應歸東軍駐守臣即飭令王正起楊飛熊莫組紳趕築河圩迭爲戰守旋又派令王心安一軍同郭松林一軍作爲游擊之師與皖豫及陳國瑞等軍會合力勦各軍

溥暑過征晝勦夜襲轉戰於吳橋東光及濟武所屬十餘州縣之閒連次大捷先後擒斬無數殲逆目殆盡當臨清至張秋河牆甫築之時其時衛河西岸七百餘里尙未築牆無勇可派深恐該逆情急竄撲幸直隸督臣官文派委大員在於河西督飭團練修築隄牆臣即嚴飭臨清武城夏津恩縣德州等州縣在於河西督團協修長牆四百餘里並派團過河協守其一切經費皆由紳團捐辦不過半月河牆一律告竣而馬頰河一路又爲該逆竄撲臨清之道臣復飭高唐博平清平夏津臨清武城等州縣添築河牆二百餘里以故該逆東奔西突悉皆入我牢籠而淮皖陝豫及陳國瑞等軍又復節節窮追不遺餘力仰賴

奏稿卷六

吳

天威震疊遂得一鼓殄平臣查各營文武員弁士卒兩年之閒身經百戰效命鋒鏑備歷艱辛其各城防河防官紳民團當賊蹤竄擾之時猶復捐貲出力趕築河牆並能約齊鄉團協助官軍扼守要隘分道夾擊保全地方現值全捻肅清均不無微勞足錄至去夏任賴逆賊撲犯省城臣方追勦在外經藩臬兩司督飭各員弁極力防守得以無患亦屬著有微勞前奏蒙

聖恩准予獎勵茲臣謹將節次存記各案詳加覆核擇其尤爲出力人員分繕清單額懇

天恩俯如所請俾文武員弁益加鼓舞至其餘出力弁兵團勇容臣查明另行咨部辦理外所有遵

旨酌保肅清全捻尤為出力人員暨各州縣城防省防運
防黃防出力員弁紳團分案請獎各緣由理合恭摺由驛
具奏伏乞

皇太后

皇上聖鑒訓示謹

奏

奏稿卷六

聖

保潘駿文李宗岱片 同治七年十一月二十三日

再鹽運使銜候補道潘駿文沈細精明熟悉軍事上年丁
憂回籍經 臣 奏調來營本年三月以後張逆由豫東竄 臣
派其隨隊督勦該道身臨前敵督飭諸軍抄前截後調度
有方各軍聽其指揮每戰必捷獲收盪平之效實屬異常
出力又布政使銜候補道李宗岱樸實明爽練達戎機在
山東軍營將及十年毫無貽誤 臣 以該道歷練有年飭派
總理營務上年派其赴黑龍江吉林招募丹丁馬隊辦理
結實該丹丁來東訓練未久即能臨敵致勝本年賊竄直
東境內 臣 派其督飭前敵諸軍晝夜追勦該道冒暑馳驅
將士樂用所向皆捷迄於賊平勤勞卓著 臣 以該道等職

奏稿卷六

聖

分較大勞績亦優未敢擅行擬獎且該二員為守兼優吏
治夙裕在軍營尤為難得可否籲懇

天恩量材錄用之處出自

聖裁謹附摺據實陳奏伏乞

聖鑒謹

奏

軍務告竣遵 旨入覲片同治七年十一月二十七日

再臣自癸丑授職後請假回籍省親即經奉

旨辦理黔省軍務旋蒙

簡放湖南岳州府知府疊荷

殊恩洵擢東撫十餘年來率皆從事戎旃未獲仰瞻

天顏葵向私忱時深依戀本年正月間臣督軍行次雄縣

京師密邇懇求入

覲奉

旨丁寶楨著俟軍務告竣再行來京欽此蒙

體恤之逾恆彌感激以無盡現值

皇威震疊逆餒永清東省一切善後及分別撤留本省勇

奏稿卷六

幸

營並驅遣各省凱撤諸軍逗遛散勇數月以來已臻妥協

地方現均安謐堪以上慰

宸廑臣擬於十二月內將年終案牘趕緊清釐明年正月

即欽遵

前旨馳赴

闕廷跪聆

聖訓俾得率循之準稍伸孺慕之忱臣不勝瞻戀之至謹

先附片具陳伏乞

聖鑒訓示謹

奏

回任謝 恩摺同治八年三月初六日

奏為恭報微臣回任日期叩謝

天恩仰祈

聖鑒事竊臣於正月二十四日叩覲

天顏仰蒙

召見兩次

訓誨周詳跪聆之下欽感莫名旋即跪

安回任於三月初三日行抵濟南省城初六日准護撫臣

署藩司文彬將巡撫並臨清關監督各關防鹽政印信

王命旗牌及一切文卷書籍等件委員齎交前來臣當即

恭設香案望

奏稿卷六

幸

闕叩頭祇領任事伏念東省軍務初靖亟以培養民氣為

先而此中經理之方非嚴飭吏治不足以奠民生非勤捕

盜賊不足以安民業非痛懲惡蠹不足以服民心此外整

頓營務訓練軍實尤為切要之圖臣才本愚陋殊切冰兢

茲經

天語親承既遂瞻就之私忱實幸率循之有自惟有恪遵

聖訓殫竭血誠於一切應辦事宜正己率屬認真經理馭

之以嚴肅矢之以慎勤用期物阜民安上酬

高厚鴻慈於萬一除恭疏題報外所有微臣回任日期及

感激下忱理合繕摺叩謝

天恩伏乞

皇太后

皇上聖鑒謹

奏

奏稿卷六

聖

估勘曲阜 文廟要工摺

同治八年四月二十九日

奏為委員敬謹查勘曲阜

文廟各處要工並估計工料確數恭摺具奏仰祈

聖鑒事竊 臣於同治七年八月間欽奉

上諭李鴻章片奏曲阜

孔廟宜及時修葺請飭兩江湖廣總督各籌銀二萬兩彙

解山東並由山東巡撫在本省籌銀二萬兩派員興修等

語即著曾國藩郭柏蔭於該省撤軍就緒後各速籌銀二

萬兩解赴東省並著丁寶楨在該省籌銀二萬兩遴派妥

員敬謹將

大成殿九間檐宇及坍塌各工擇要興修以昭誠敬等因

奏稿卷六

聖

欽此欽遵分別咨行查照辦理並遴委大員前往敬謹勘

估茲據委員濟東泰武臨道蕭培元充沂曹濟道長廣會

詳稱督同署曲阜縣知縣侯甲瀛趨赴

廟庭面晤衍聖公 臣孔祥珂飭令委員執事官等帶同誠

實工匠將

大成殿

寢殿暨

大成門東西兩廡及杏壇亭與齋宿公所各項要工逐細

切實估計之後復經刪駁無可再減共需京錢十八萬四

百十有奇並聲明工係捐修免其造冊報銷等情詳請具

奏前來 臣覆查山左為聖賢桑梓之邦 臣前帶兵道出充

州仰瞻

廟堂因年久失修間多傾毀祇緣軍務倥傯兼以經費短絀遂致力與心違茲幸羣寇盪平而江湖兩省又復力籌助理自應趕緊修葺以壯觀瞻而昭誠恪臣將送到估冊逐一覆覈均屬撙節無浮已飭藩司籌銀二萬兩又准兩江督臣馬新貽解到銀二萬兩現在照估選辦料物一俟購齊即當諏吉興工另派公正大員會同衍聖公臣孔祥珂督飭委員執事官等敬謹承辦凡有用項核實支用毋稍草率浮冒務期棧題丕煥輪奐重新以仰副

盛朝重道崇儒之至意凡一切應辦事宜應由臣會同衍聖公臣孔祥珂查明妥為辦理除咨部查照並俟工料購齊後再將開工日期及辦理情形另行奏報外所有委員敬謹查勘曲阜

奏稿卷六

奏

文廟各處要工及估計工料確數現在選工購料各緣由理合恭摺具奏伏乞

皇太后

皇上聖鑒訓示謹

奏

鼎軍索饒滋事摺 同治八年六月二十四日

奏為鼎軍勇丁索饒滋事旋即拔隊南下請飭查拏懲辦以警兇頑恭摺仰祈

聖鑒事竊臣於六月十九日接據署兗沂曹濟道王成謙稟以轉據嶧縣稟稱駐紮韓莊之鼎字營勇丁於十五日午時因索發欠饒當將統領所開之銀鋪抄搶一空晚間兩次又將韓莊大小鋪戶全行搶掠鬧事之人至今未散該道刻即馳往相機彈壓等情臣查五月二十七日欽奉諭旨潘鼎新所部勇丁即著該藩司妥為遣散等因欽此當經恭錄行知復恐該營遣散後有游勇逗遛即飭派參將莫在明帶隊前往嶧縣駐紮稽查並東省協撥該營饒

奏稿卷六

奏

項自上年十月該軍裁減後奏明自十月為始每月改解協饒銀一萬五千兩截至本年四月止均已按月解清五月內奉

諭遣撤該營即飭司將五月分月饒於五月二十九日委解於六月十四日到營交納是東省協撥該營饒項毫無蒂欠今該營勇丁以索饒向該營官滋鬧其中欠饒若何臣不能知而於鬧饒之後膽敢將韓莊鋪戶全行搶掠實屬目無法紀臣接稟之下不勝忿恨當飭署兗沂曹濟道王成謙前往認真彈壓並以本任兗沂曹濟道長賡於該處一帶地方威望素著令即馳往會同王成謙督率派往各營查拏滋事各勇懲辦一面妥為安撫居民二十二日

復據王成謙稟報以馳抵滕縣經巡勇盤獲鼎營逃勇二名訊據供稱搶得銀錢之勇千餘人多於十六日分逃各營官收集餘勇先發一關饒銀餘俟開至宿遷再行籌發已於十七日拔隊前赴宿遷並據代統鼎軍皖南鎮總兵潘鼎立道員萬國順具稟發饒移營各情均屬相同復查該軍自同治四年到東已來即食東饒計四年之閒先後協解銀不下一百二十萬兩均無分毫短缺即此次奉文遣撤准湖廣督臣李鴻章咨商趕解三箇月饒銀臣以應解協饒雖已解清無欠而該營遣散之際川資一切需用較多不能不極力設措銀二萬兩以資津貼正在委員起解閒而該營勇丁乃以本營開饒竟敢搶掠地方實出情

奏稿卷六

奏

理之外查該營勇既已滋事所有東省另撥津貼銀兩自不應復行籌辦然大局所關臣亦不便過事拘執現在另撥之二萬兩已由藩司於二十日委員解往惟臣前派長廣等馳往察看嚴飭務將滋事為首各勇悉數查拏稟辦今該營於滋事後即已移往宿遷自不能跟蹤往捕而東境被害之百姓冤憤莫伸情實難堪除札飭各營縣查明如有逃散在東之勇嚴拏訊辦外應請

勅下湖廣督臣李鴻章嚴飭該藩司潘鼎新及代統之總兵潘鼎立等務將起意搶掠居民之勇按名查拏管解來東盡法懲處並將不能約束之各將弁查明從嚴參辦以警兇頑而昭炯戒理合由驛四百里具奏伏乞

皇太后

皇上聖鑒訓示謹

奏

奏稿卷六

奏

黃水決口暫擬緩辦片

同治八年六月二十四日

再黃河自蘭陽決口漫水下注東境未至張秋穿運以前
汎濫於荷濮鄆范壽東各屬兩岸雖略有官隄民堰未能
一律高厚且河面較寬每年溜勢南北遷移靡定情形時
有變更上年秋閒濮鄆交界之趙王河東岸民堰經黃水
衝決數處下游鄆城地方多被浸淹經臣將被災村莊查
明分別輕重奏請緩征撫恤在案惟查衝決各處均去大
溜不遠若不力籌堵築不惟鄆城受漫淹之害恐安山以
上一帶運河亦將不可保當即嚴飭該地方官勸諭居民
務於春初趕將缺口堵合以衛災區而保運岸本年開工
後節次嚴催趕辦祇以此項工程均係民捐而鄆邑自去

奏稿卷六

奏

歲被淹之後百姓大半遷徙嗣經地方官竭力勸導其稍
有力之家皆各願堵合決口仍各回歸故土共安耕鑿是
以於拮据之餘輸捐者獨復踴躍但捐數零星收集不易
而災歉之地料物較昂難以隨時應手故自本年二月春
融後開工所有小口各處均已堵閉惟附近紅川莊一處
水勢較大不易施工計已成壩身百餘丈尚有口門十餘
丈因汎水漸長日益刷深人力雖施未能堵合又迤南胡
家堰缺口亦以人工料物俱少未能分投趕辦僅將裹頭
盤住以免塌寬現當大汎經臨斷難與水爭勝祇得暫行
停工由該地方官具稟前來臣查該處缺口其始原係漫
水分流大溜數條尙在其西北因新決之處地勢較爲低

窪水勢亦漸趨注故前大溜經行之處現在轉覺力微致
此處遂形喫重而民間捐貲一時不能遽集多有停工待
料之時兼之築壩進占一切俱屬民辦諸從節省其未能
及時堵合本有實在爲難情形不得不暫准停工俟秋冬
水涸之後再行派員確切查勘督同趕辦以期早爲歲事
惟現在民間所捐經費已將次用盡將來仍須續行勸諭
第恐被災之後一再捐助慮難敷用而工段緊要日後如
果民力實有不繼勢不能不設法籌撥帑項以資接濟而
恤輿情容俟臨時查看情形再行奏明辦理現嚴飭地方
官督飭各紳董將做成工段加意防範以免疏失俾將來
易於集事所有黃河決口未能一時堵合暫擬緩辦緣由

奏稿卷六

奏

謹附片具陳伏乞

聖鑒訓示謹

奏

遵查東省釐卡情形分別存留裁撤摺同治八年七月二十八日奏為遵查東省各處釐卡歷年抽收釐金並撥解軍餉數目現在酌量情形分別存留裁撤恭摺覆陳仰祈

聖鑒事竊臣於本年六月二十七日欽奉

上諭給事中劉秉厚奏山東東昌府及歷城縣之濼口鎮利津縣之豐國鎮自咸豐年間設立抽釐分局迄今尙未停止著丁寶楨體察情形將各該處分局酌量裁撤以恤商力等因欽此伏查軍興以來軍餉不充多藉抽釐接濟然釐金之多寡恆視商貨為定衡東南各省環靠大江水道順利商賈流通故百貨暢行抽數較旺釐金實為大宗東省則地居北方貨物多由陸運商販之成本過重則抽

奏稿卷六

卒

釐之舉辦維艱故通省尙未設有釐卡自咸豐十一年及同治元年前撫臣譚廷襄任內因經費萬分支絀先後在歷城之濼口鎮聊城之東關陽穀壽張東阿兼管之張秋鎮平陰東阿兼管之滑口鎮四處設卡抽釐亦以濼口滑口為大清河商船必由之路設局較為扼要其收釐章程濼口抽收百貨兼及鹽筋其餘各卡皆專抽雜貨且均以一卡收釐諸卡驗票以防朦蔽而杜重徵至同治二年又因館陶衛河雜貨鹽筋頗覺通暢添設一卡嗣因黃河西來船隻可以繞越張秋遂將滑口釐金裁撤改設於壽張之沈家口上年因黃水南趨商船並可繞越沈家口本年復將該處釐局移設東阿之姜家溝而於東平運河之安

山另設分卡以資查驗此東省歷年設立釐卡及裁撤移分之實在地方也其各局每年收釐之數濼口則自四五千金以至萬餘金張秋姜家溝二處合計則自一二千金至五六千金不等館陶則自一萬六七千金至四萬五六千金計惟館局所收為最旺聊城則最旺之年曾收至三千餘金常年皆不過一二千金並有僅六七百金者因該處近值運河淤塞必待伏汛黃水灌入商船始通終年計不過三四箇月故收釐獨少合計各卡所收釐金最旺之年不足銀七萬兩常年不過二三萬兩自咸豐十一年十一月起截至本年六月止計以錢合銀共收銀三十萬餘兩此各卡抽收釐金之實在數目也至釐金動支之數初

奏稿卷六

空

欲稍補軍需乃自同治二年十月奉文每月撥解直隸藩庫固本兵餉銀五千兩奏明在百貨釐金項下動支節次改解副都統定安軍營暨大名糧臺除欠款免其補解外計解過銀十三萬餘兩後經改解部庫截至本年四月又解過銀十六萬五千兩其五六兩月之釐現經奏咨委解並未帶欠其撥解之時因百貨釐金萬不足數多以鹽釐及別籌他款湊解合計自同治二年十月截至本年六月釐金收數不足三十萬兩而撥解軍餉已及三十餘萬兩東省軍需並未得此接濟此又釐金支撥動用之實在情形也臣查東省釐卡原設僅五處自二年以後並未添設一局其抽數甚屬細微週年各口所收實不及東南各省

一書丁〇〇 丹書參日全書第 4 反反內

一大局不過以經費支絀之際辦理數年亦不無小補若如該御史所奏東昌歷城利津三處每日各局所收俱不下千餘金覈計終歲可收銀百餘萬兩非但北省事理所無卽以南省而論除江蘇上海一口外其餘卽係大局亦斷不能收此鉅款至所稱利津之豐國鎮細查歷來並未設有釐局祇有鐵門關地屬利津爲東海關按則收稅與設局抽釐事不相涉該御史恐係得之傳聞之誤亦未可定惟臣恭奉

諭旨飭令體察情形酌量裁撤自應欽遵查辦查東省雖經肅清而固本軍餉尙未停撤加以兵燹甫經元氣未復現在經費亦宜寬籌深口爲大清河鹽貨之所經張秋鎮

奏稿卷六

空

姜家溝等處爲汴晉雜貨之所經館陶爲衛河鹽貨之所經收釐均稱有成數擬請照舊抽收暫資接濟且設局之處有委員駐紮巡查於奸徒漏迹亦覺有所稽查俟地方漸次復元軍餉漸可全撤再當查看情形隨時裁撤至聊城一卡收數本屬細微實屬於事無濟應請卽將釐局裁撤以歸簡易至釐局所在雖經嚴定章程禁絕擾累然書差之訛詐委員之弊混誠恐有所難免臣當嚴飭總局委員加意查察並不時明查暗訪如有此等情弊定行從嚴懲辦決不稍寬以期仰副聖主體恤商民之至意所有遵查東省收釐實在情形並酌量存留裁撤緣由謹恭摺覆陳伏乞

皇太后

皇上聖鑒訓示謹

奏

奏稿卷六

空

丁文誠公奏稿

卷之七目錄

大監出京招搖飭拏審辦摺 同治八年七月二十九日

拏獲私逃出京大監遵旨正法摺 同治八年八月初七日

變通綠營兵制摺 同治八年八月二十八日

辦理私逃大監隨從人等摺 同治八年八月二十八日

長慶被訐審明請旨摺 同治八年九月三十日

陳明長慶因公獲咎片 同日

整理綠營抽練馬兵摺 同治八年十月二十九日

遵旨辦理劉效忠片 同治八年十一月十五日

特保賢能各員摺 同治八年十二月十九日

估挑運河擇要辦理摺 同治八年十二月二十日

酌擬馬兵章程摺 同治九年二月二十九日

馬隊津貼免扣二成片 同治九年二月三十日

增建號舍添設房考摺 同治九年五月二十九日

密陳海口防務暨籌備北路情形摺 同治九年七月十九日

請優卹惠慶摺 同治九年七月三十日

馬兵章程仍照原議辦理摺 同治九年十月三十日

大監出京招搖飭拏審辦摺 同治八年七月二十九日

奏為大監自稱奉旨差遣招搖煽惑真偽不辨現飭查拏審辦恭摺由驛奏聞仰祈

聖鑒事竊臣接據德州知州趙新稟稱本年七月二十日訪聞有北來大太平船二隻小船數隻駛入州境儀衛炫赫自稱

欽差該州因無傳牌勘合又未奉文行知形迹可疑隨即派人密訪據稱係安姓太監坐船旗上大書奉旨

欽差採辦龍袍字樣兩旗上又有一小旗上畫一日形一

三足鳥船之兩旁俱有龍鳳旗幟並聞船上設有龍衣一

襲所帶之人舉動桀驁且女樂成隊品竹調絲兩岸觀者

如堵二十一日船至橋口風聞本日是其生辰所帶男女

多人均向龍衣羅拜民間頗為震駭該州正在馳往查詢

而該船業已揚帆出境南去現已飛移下站及鄰封跟蹤

查訪稟請核辦等情臣接閱之下不勝駭異伏思我朝

列聖相承二百餘年從不准宦官與外人交結亦未有差

派太監赴各省之事實

龍袍係御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

御用之衣自有織造謹製必應採辦但須一紙

明諭該織造等立即敬謹遵行何用太監遠涉糜費且我
皇太后

皇上崇尚節儉普天欽仰斷不須太監出外採辦即或實
有其事亦必有

明降

諭旨並部文傳知到臣即該太監往返照例應有傳牌勘
合亦決不能聽其任意遊行漫無稽考尤可異者龍鳳旗
幟係

御用禁物若果係太監在

內廷供使自知禮法何敢違

制妄用至其出差攜帶女樂尤屬不成體制似此顯然招

奏稿卷七

二

搖煽惑駭人聽聞所關非淺現尙無騷擾撞騙之事而或
係假冒差使或係捏詞私出真偽不辨臣職守地方不得
不截拏審辦以昭慎重現已密飭署東昌府知府程繩武
暨署濟甯州知州王錫麟一體跟蹤查拏解省由臣親審
請

旨遵行所有太監自稱奉

旨

欽差採辦龍袍招搖煽惑真偽莫辨現飭查拏審辦緣由
謹恭摺先行由驛四百里奏

聞伏乞

皇太后

皇上聖鑒訓示謹
奏

奏稿卷七

三

拏獲私逃出京太監遵 旨正法摺同治八年八月初七日

奏為拏獲沿途招搖煽惑之太監遵 旨正法並現在分別查辦隨從人等恭摺由驛覆奏仰祈 聖鑒事竊 臣前據德州稟報有安姓太監自稱奉

旨差遣採辦龍袍乘坐船隻擅用違禁旗幟並攜帶女樂 羅拜龍衣沿途招搖煽惑等情一面先行奏

聞即密飭沿途各州縣一體截拏在案 臣拜摺後陸續接 據臨清東昌東阿甯陽等處先後稟報該太監船隻由德

州駛至臨清之南灣地方先期即有前站官雇大小車二 十餘輛由直隸故城縣屬鄭家口旱路而來至彼守候船

至南灣即換車改行陸路所帶女樂因車行不能多帶隨

奏稿卷七

四

開銷遣去此外僅帶婦女五人其隨從約有三十餘名均 似鑣手之類由臨清東昌至汶上甯陽東平東阿一帶行 走勢甚迅疾形迹可疑沿途居民頗為驚駭等情 臣因該 太監隨從人眾又多係鑣手慮恐不服查拏復密飭各路 巡緝武員酌帶小隊馳赴前途與地方官相機捕拏旋據 署泰安縣知縣何毓福稟報該太監由甯陽折回於八月 初二日行抵該縣南關經該縣將其拏獲並將隨從男女 等暨車輛一併設法截留先將該太監暨跟隨三人解送 來省等語 臣隨提該太監至廳事親行密詢據稱姓安名 得海直隸青縣人年二十六歲向充太監詰以因何出外 據稱奉

旨差遣採辦龍袍復詰以既係奉

差何以並無

諭旨及傳牌勘合又何以攜帶婦女妄用禁物必屬假冒 何能狡飾該太監始猶強辯繼經 臣以毫無憑據及不應

一路招搖震驚地方嚴詰形色惶恐俯首無詞自稱該死 臣復搜查其隨身所帶物件於貼身布袋內搜出紙包一

箇內有紙片二件均係干預地方公事詢係受人請託是 其假冒招搖確切無疑 臣復將其跟隨三人查詢據供一

名陳玉祥一名李平安一名黃石魁均係跟隨安得海服 役本年七月內安得海聲稱奉

旨採辦龍袍帶領伊等起程實不知真偽由天津坐船攜

奏稿卷七

五

帶婦女多人同行至臨清地方復又換車起早行至泰安 即被拏獲各等語 臣復飭將其隨帶衣箱開視內有龍衣 一領翡翠朝珠一挂餘均係常用物件隨即封固並將該 太監等飭交歷城縣嚴加看管候

旨遵辦茲於初六日亥刻承准軍機大臣字寄欽奉 密諭該太監擅離遠出並有種種不法情事若不從嚴懲

辦何以肅宮禁而做效尤著丁寶楨迅速派委幹員於所 屬地方將六品藍翎安姓太監嚴密查拏令隨從人等指

證確實毋庸審訊即行就地正法不准任其狡飾如該太 監聞風折回直境即著曾國藩飭屬一體嚴拏正法儻有

疏縱惟該督撫是問其隨從人等有迹近匪類者並著嚴

擊分別懲辦毋庸再行請旨等因欽此臣於跪讀之下仰見

聖明獨斷欽佩難名當以安得海前經臣親查確實隨於初七日即欽遵

諭旨委兼署臬司潘爵臣標中軍參將緒承督同府縣將安得海即行正法至泰安縣截留之隨從人等並婦女車輛現已札飭一併解省俟提解到日與現在解省之親隨陳玉祥等分別辦理其衣物等項飭發藩庫存儲至龍衣一件翡翠朝珠一挂是否私造抑係竊去不辨真偽應另派弁親齋同搜出之紙片二件一併咨送軍機處查核以昭慎重所有擊獲沿途招搖煽惑之太監查驗確實業已

奏稿卷七

六

遵

旨就地正法並現在分別查辦隨從人等緣由恭摺由驛覆奏伏乞

皇太后

皇上聖鑒謹

奏

變通綠營兵制摺 同治八年八月二十八日

奏為營伍亟須整飭現擬設法變通辦理以足兵餉而收實用恭摺奏祈

聖鑒事竊維我

朝廷設各省營兵星羅碁布著為定額年中不惜饑瘠以期養一兵即得一兵之用經制極為精詳誠不容妄議變通然而今昔之事勢不同斯辦理之機宜亦異若味乎窮變通久之義而第奉循故事非實事求是之道也伏查東省綠營之設統計臣標及曹兗登三鎮水陸共三十五營額設馬兵三千五百五十六名戰守兵一萬四千四百三十七名其初饑項充足誠為得用自咸豐二年軍興以後

奏稿卷七

七

連年辦理防勦初則抽調營兵嗣以賊勢日紛兵不敷調遂添募勇其後又以庫項日絀每遇調兵出師一切俸賞行裝傷亡卹賞各項為費不貲籌措無出誠不若募勇之朝甫入冊暮即衝鋒得人易而為費省是以募勇愈多而用兵愈少募勇既多則不能不擲兵餉以濟勇糧而兵餉遂因以不足餉不足則兵益疲積久遂歸於無用東省計自咸豐十一年起截至同治七年止每年支發兵餉以饑細勇多之故或僅能發兩三月及四五月不等各營因欠饑過多其中凡有開除兵丁倒斃馬匹雖亦隨時募補買補而老弱疲瘦之充數者亦在所難禁此雖嚴責之各營將弁而無米為炊實無如何此東省營伍廢弛所由來也

臣自六年三月奉

命撫東目擊時艱殊深焦灼因值防勦萬緊東西奔馳未遑兼顧且亦無款可籌更難即時辦理上年軍務肅清即思設法整頓本年春間晉京

陸見仰蒙

皇太后 皇上垂詢營務 謹將饒項支細籌辦為難各情據實面

陳復蒙

優加訓示認真操練 具有天良敢不殫竭駑駘力圖報稱惟思練兵之法大要不外選兵與籌餉兩端核實辦理而已而其中緩急機宜當兵缺饒足之時則重在足兵不

奏稿卷七

八

足兵則缺額適所以耗饒而值兵多饒細之際則重在足饒不足饒則枵腹亦難以養兵現在東省事務殆非選兵之難而籌饒之難蓋以軍務初平民氣未復災緩迭報征收已屬不易加以京協各饒及留防各營用款猶多司庫入不敷出時形掣肘以此日情形而論兵饒萬難全支然既欲練兵自必先將各營疲弱之眾悉數開除而後可期有用又必將開除之兵挑補足額而後可符舊章辦理誠為合法但恐挑補一經足額而饒項或有不敷則今日選補之兵久之仍轉為疲弱是以無饒而虛負足額之名轉以足額而實受無饒之累此雖日言練兵而卒不收一兵之效初非計之得也 竊以為今日之練兵亟在開除疲

弱而募補足額之議則在所宜緩蓋以今日之籌撥艱難與其開除之後必求募補足額而饒不足濟使足額之兵其無用與缺額者等曷若設法變通裁去疲弱而專留精壯不必限以募補但令就年中實發之饒養年中得力之兵始之日日操演饒不置則兵日強習之既久精益求精在定制雖為缺額較之足額而無饒者其得用不啻倍蓰似於立法之初所謂兵不虛設而饒不虛糜者亦為符合

臣自跪聆

奏稿卷七

九

將緒承右營遊擊王秀分赴東西兩路逐加較閱悉數開除暫緩募補飭令各營先就現存之實在兵數支饒勤加操練務使營無弱兵兵無虛饒茲據各該營先後呈報共開除馬兵九十六名戰守兵一千八百七十二名計實存馬兵三千四百六十名戰守兵一萬二千五百六十五名均皆年力強壯可期操練 已檄飭藩司於發月饒時按各營實存兵數支放其暫時開除之兵額饒銀仍扣存司庫以實饒發實兵俟將現在之兵操練成熟後再為查看情形如庫項稍充兵饒可期足額再飭將開除缺額之兵選挑精壯募補足數以符定制至各營兵丁既將老弱開除核實給饒則各營馬匹亦應查明變通辦理以歸一律

惟各營馬匹近因連年抽調出師多有損失傷殘及疲瘦不堪者臣現亦委員分赴各營認真查驗開報並擬將此項傷殘疲瘦之馬匹概行變賣將價繳存司庫並隨時報明藩司扣除乾銀以省糜費惟查定制營馬買補山東省每匹價銀十兩又營馬倒斃定例出師追賊損失者免賠如走失被盜不論年分俱著賠補山東省騎馬過五年倒斃者免賠椿銀若一年倒斃賠銀七兩二年賠銀六兩三年賠銀五兩四年賠銀四兩又馬匹倒斃皮臟變價各省每匹俱係五錢而於馬匹變價必須爲之酌定價值以免偏枯蓋營馬傷疲其能否變價實未可知若一經變價之後責令照買補營馬之數每變價一匹作銀十兩則傷疲之馬萬不能有此價值如必強之以照辦則繳價不足卽應著賠而武職人員除俸乾心紅蔬燭藉資辦公外別無贏餘何能有此鉅款賠補且價實不能變足而故強之以賠亦非

奏稿卷七

十一

國家體恤之意臣再四思維擬將此項傷疲馬匹無論如何爲難酌量照騎馬四年倒斃賠銀四兩之例每變價一匹繳銀四兩徑解司庫使馬價不致虧懸而武員亦免受累至出師損失者仍令免賠其餘年中倒斃仍令遵例辦理至此變價馬匹臣亦擬現不買補俟明年夏間將從前扣存之棚銀及現在變存之馬價各項查核存數共有若干能否足敷買補再行籌措委員赴口採買馬匹發給

足額用昭核實若夫軍械旗幟號衣臣委員查驗除出師遺失不計外其存全者亦以無款修補糜爛不堪現擬練兵亦應籌款製造發給斷難因陋就簡致失觀瞻臣知識固陋目睹營伍艱難因設變通之法以爲整頓之計俾兵丁馬匹饑餒三者交相爲濟而後兵丁不致有老弱馬匹不致有疲乏而其要則在不令藉口於缺餉似此變通辦理雖於營制稍有不符而於目前練兵情形或可有裨是以不揣冒昧據實具陳是否有當伏乞

皇太后

皇上聖鑒訓示謹

奏

奏稿卷七

十二

辦理私逃太監隨從人等摺同治八年八月二十八日

奏為遵

旨審明私逃安姓太監之隨從人等分別辦理恭摺具奏
仰祈

聖鑒事竊臣前因私逃之太監安得海沿途招搖煽惑當
經具摺由驛奏

聞一面通飭截拏據泰安縣將安得海並隨從男女人等
暨車輛輜重一併盤獲先將安得海並跟隨之陳玉祥李
平安黃石魁解省臣訊明安得海帶同陳玉祥等私逃
外出假稱奉

旨採辦龍袍沿途招搖煽惑屬實正在具奏聞欽奉

奏稿卷七

十二

諭旨著丁寶楨迅速派委幹員將六品藍翎安姓太監嚴
密查拏令隨從人等指證確實毋庸審訊即行就地正法
不准任其狡飾其隨從人等有迹近匪類者並著嚴拏分
別懲辦等因欽此臣因安得海業經臣查驗確實當即遵
旨正法並委員馳赴泰安將截獲之隨從人等解省訊辦
一面先將辦理情形由驛覆奏並將起獲之龍衣一襲翡翠
朝珠一挂及搜獲隨身之紙片二件委弁送交軍機處
查收旋據委員將泰安縣截獲之隨從男女人等並旗幟
車馬金銀珠玉衣物同陳玉祥等三犯共六十八名口一
併飭發濟南府等確審據濟南府知府龔易圖等審明錄
供由兼署臬司潘爵解勘臣正在提審聞復欽奉

上諭安得海既經正法其隨從之陳玉祥李平安二名亦
係太監均著即行絞決此外尚有太監幾人著丁寶楨於
訊明後一併絞決以儆效尤其餘隨從人等迹近匪類者
即懷違前旨分別懲辦至黃石魁一名係何人役摺內所
稱前站官究係何官抑係冒充並著訊明辦理安得海衣
物等項毋庸存儲藩庫即由該撫派員解交內務府查收
等因欽此臣遵即提訊陳玉祥等六十八名口據供緣陳
玉祥李平安李得喜郝長瑞李順計得壽俱係太監在
內廷當差黃石魁田兒俱受雇在安得海家服役多年經
管安得海一切事務韓寶清戴登雲何林芝高振邦劉鳳
喜俱一向充當鑰手同治八年七月初三日已獲正法之

奏稿卷七

十三

六品藍翎太監安得海聲言奉
旨出京赴蘇州採辦龍袍令陳玉祥李平安李得喜郝長
瑞李順計得壽黃石魁田兒與在內充當蘇拉之金安言
劉文瑞劉凱黃喜並金安言名下服役之張瑞跟從同行
陳玉祥等不知真偽因素聽安得海管束指揮不敢不從
安得海又帶胞叔安邦太並價買隨身服侍之安馬氏暨
族弟安三胞妹洛二胞姪女拉仔及在家服役之婦女徐
王氏袁姚氏於初六日由京起程黃石魁田兒為其雇覓
鞏太郭三李升孫高大陳二韓大王六劉五方四宋九
姚祥溫三趙文濱吳二孫三趙二戴四姜海張二白三馮
套李二慶三李順來等服役趕車由通州雇船南行並雇

覓韓寶清戴登雲何林芝高振邦劉鳳喜五人保鑣每人付給身價銀二百兩船上插起奉

行

欽差採辦龍袍大旗並插一日形三足鳥的旗船內安設龍袍沿途雇覓婦女唱曲取樂路經天津安得海赴天齊廟遊玩與僧濱文言談投機帶領同行是月二十一日船抵山東德州地方安得海稱係生辰將龍衣排設陳玉祥等都向安得海羅拜並雇覓妓女設宴作樂嗣船由德州駛抵臨清州地方因河水淺阻安得海意欲起旱黃石魁田兒係假充前站官沿途雇覓車輛等候即時棄船換車起旱南行一路遇有人盤問韓寶清等五人即上前肆行

奏稿卷七

十四

恐嚇並假作欲行查拏形狀居民頗爲驚駭迨行抵泰安縣地方即被截拏其沿途受雇船戶車夫剃頭修腳鼓吹談書及搭伴同行之張福張大方月魏小劉明段李三趙廷亮張兒趙慶普楊二齊五張德王階平劉同意沈九汝李大周云亦被一併截留嚴詰各供矢口不移並無別故查陳玉祥李平安李得喜郝長瑞李順計得壽六名均係太監跟隨私逃當即遵

旨飭委濟南府知府龔易圖等會同營汛鄉赴市曹一併統決黃石魁田兒均在安得海家服役多年經營一切事務安得海之種種妄爲皆由該二犯助惡所致且敢假充前站官招搖厥罪甚重韓寶清戴登雲何林芝高振邦劉

鳳喜等向係充當鑰手本非安分之輩此次既知安得海私逃率即受雇同行保鑣沿途用言向人恐嚇並欲混擊以致居民驚駭其倚勢妄爲情罪亦重而察看該五犯舉動桀驁面目獠惡誠爲迹近匪類黃石魁田兒韓寶清戴登雲何林芝高振邦劉鳳喜七犯未便姑容致令別生事端臣於審明後當飭濟南府等一併綁赴市曹正法至金安言劉文瑞劉凱黃喜雖均訊無隨從撞騙情事惟均係蘇拉張瑞係跟蘇拉服役之人俱應守法乃敢聽從安得海私逃外出亦屬不安本分倘濱文不守清規跟隨安得海同行且與之往來甚密幫同取樂實屬無知妄爲安邦太係安得海胞叔不能管教伊姪輒與同行出外任聽妄

奏稿卷七

十五

爲尤出情理之外安馬氏係安得海價買隨身服侍婦女罪有應得均未便容留內地致滋他事金安言劉文瑞劉凱黃喜張瑞僧濱文安邦太安馬氏八名口一併發往黑龍江給披甲人爲奴至鞏大郭三李升孫高大陳二韓大王六劉五方四宋九姚祥溫三趙文濱吳二孫三趙二戴四姜海張二白三馮套李三慶三李順來徐王氏袁姚氏二十七名口均訊係出京時始行受雇服役趕車爲時甚暫一事不知應與年幼無知安三洛二拉仔三名口一併於訊明後分別遞回各原籍交地方嚴行管束不准復行出外滋事其餘張福等十七名或訊係受雇之船戶車夫及剃頭修腳鼓吹談書人等或訊係搭伴隨從同行均

屬無干應卽一併保釋除將起獲之旗幟車馬金銀珠玉衣物分別造冊飭委候補直隸州知州文敬候補知縣麟盛解交內務府查收並將供冊咨送軍機處刑部備查外所有遵

旨分別辦理緣由理合恭摺具奏伏乞

皇太后

皇上聖鑒訓示謹

奏

奏稿卷七

六

長廣被許審明請 旨摺 同治八年九月三十日
奏為審明道員被所屬知府稟許非刑斃命實情恭摺覆奏仰祈

聖鑒事竊照前據兗州府知府沈錫慶稟許兗沂曹濟道長廣連斃李三等九命經前護撫 臣 文彬飭委候補道王成謙前往查明稟覆李三等五命係拏獲隨捻焚掠匪犯長廣於訊明後照章正法卞衍運等四名均係府役轎夫地保長廣因其開場聚賭招集匪類不服責處飭勇重責以致斃命等情文彬因核與沈錫慶所稟大相懸殊一面行司分別委員馳往覆查驗訊一面奏請將長廣沈錫慶解任聽候查辦欽奉

奏稿卷七

七

上諭府署轎班房開場聚賭容留匪類何以該管知府毫無覺察稟內亦無一字提及是否有心隱飾在官人役設局誘賭亟應按律懲辦長廣有無任用非刑均應澈底根究長廣沈錫慶著一併解任卽著丁寶楨提同人證卷宗嚴審確情據實具奏毋稍徇隱等因欽此遵卽分別委員前往接署將長廣沈錫慶調省行司委提案內應質人卷至省審辦並據委員候補知府董紹昌等驗明卞衍運等傷痕填格呈送候補知州陳嗣良查覆與王成謙所稟無異據臬司李元華會同藩司文彬審明錄供解勘前來 臣 親提研鞫緣長廣係正黃旗內務府漢軍松齡佐領下人由舉人知縣揀發山東委署蘭山縣知縣

簡放沂州府知府奉

旨補授兗沂曹濟道同治七年三月初三日到任臣因兗沂曹濟等屬素為盜賊淵藪伏莽未淨劄飭帶勇搜辦餘匪沈錫慶籍隸江蘇通州由進士改翰林院庶吉士散館授職編修

簡放兗州府知府同治六年十月初八日到任八年正月間鄒縣知縣章澍督同署典史候補州吏目黃汝志拏獲賊犯劉吉訊認聽從逸犯王麻仔夥同高虎鄭雪李三結夥迭竊移會濟甯曲阜等州縣營汛將王麻仔高虎鄭雪先後拏獲旋經長廣訪查該犯等俱有隨搶掠之案行提各犯至道並訪聞府役卞衍運等有開場聚賭情事正

奏稿卷七

六

在密查間適黃汝志卸事回兗訪知李三在府前大街擺攤賣藥稟知滋陽縣飭役隨同營兵將李三拏獲解經長廣提集各犯訊明王麻仔劉吉高虎鄭雪李三於南捻任賴大股北犯時曾經約會投入捻內隨同焚掠嗣因匪勢日蹙各自乘間逃逸七年冬間彼此會過王麻仔糾允劉吉等迭竊鄒縣不知姓名事主銀兩並究出李三曾在府署轎班房溷迹賭博藉探消息即於二月初二日將王麻仔等五犯一併就地正法臬示因賭為盜除盜源必先禁賭隨帶隊勇督率營縣兵役親赴府署轎夫班房將聚賭之卞衍運王士元李振生卞李三麻並到場同賭之趙林祥趙興義張繼合及在內間逛未經同賭之項勤業等

八名一併拏獲並起獲賭具等物又究出地保郭先亦係

同夥開賭之人飭役捕獲帶回道署即在署前對眾提訊卞衍運等供認恃係府署夫役地保且在轎夫班房兵役不敢過問是以敢於招集匪類公然聚賭長廣當將同賭之趙林祥等三名及在場未賭之項勤業等八名同賭具一併發交滋陽縣知縣彭惠高訊供分別枷責保釋並將聚賭之卞衍運等四名飭令隊勇楊履坦李宗林鄧玉劉得勝棍責示懲並令李清彥韓福升陳秉張登魁幫同按詎卞衍運等大肆咆哮不但不服按按且在地掙扎亂滾長廣因卞衍運等恃役抗違飭令該隊勇等重責李清彥韓福升陳秉張登魁等因按按不住與劉德勝各自走

奏稿卷七

七

開場履坦等用棍重責以致卞衍運等因傷斃命沈錫慶因傳聞本道署前連斃九命不知所訊何供所犯何罪且有府署夫役三名在內當即據稟旋據屍親卞郭氏等以卞衍運等在轎夫班房伺候地保郭先在家患病忽被本道帶隊拏去用棍責斃赴府具呈復據情轉稟提審供悉前情詰無起衅別故亦非挾嫌逞忿致斃應即擬結查此案兗沂曹濟道長廣因訪聞該管知府人役卞衍運在轎夫班房招集匪類開場聚賭督隊拏獲飭勇對眾棍責係為懲治在官人役不法起見雖該隊勇楊履坦等毆責卞衍運等斃命由於卞衍運等不服按按在地掙扎亂滾所致惟所用之木棍係軍營帶勇所用並非例設刑具究屬

違例咎有應得但責斃所屬人役事屬因公詰無挾嫌逞忿情事兗州府知府沈錫慶所稟各情雖非有心隱飾惟於府役轎夫地保在府署轎夫班房開場聚賭未能先事查拏已屬毫無覺察迨該管道員訪聞獲辦該府近與同城既立時前往隨同訊辦事後又不詳細查明原委輒含糊其詞具稟尤屬非是相應請

旨將兗沂曹濟道長廣兗州府知府沈錫慶一併革職留任以示懲儆隊勇楊履坦等飭司照律擬議與已獲正法之王麻仔等五犯分敘供招另行詳咨候補吏目黃汝志訪知匪犯李三蹤迹稟縣拏獲並無不合應毋庸議除供冊咨部外理合恭摺覆陳伏乞

奏稿卷七

皇太后

皇上聖鑒訓示謹

奏

陳明長廣因公獲咎片 同治八年九月三十日

再兗沂曹濟道長廣非刑責斃府役人等一案業經臣審明實情覆奏將長廣沈錫慶議以革職留任請

旨辦理在案查此案長廣飭令隊勇將卞衍運等棍責該勇等所用之木棍係屬軍營常用並非例設刑具但責斃之卞衍運等均屬府役轎夫地保以在官人役明目張膽在於公署開場聚賭實屬肆無忌憚迨經該道拏獲責懲復敢不服責處大肆咆哮欺尊藐玩尤為法所難容此等不法之夫役若再稍涉寬縱易啟胥役刁惡之漸况兗州賭風之熾與兗屬差役之橫均為人所共知 年來屢飭長廣認真懲治以安良懦而清盜源該員疾惡過嚴又復

奏稿卷七

主

任勞任怨遂致因公獲咎若使當時稍徇情面斷不肯為是其居心行事專為整頓地方實可共諒且查長廣於前撫 譚廷襄揀委蘭山縣時沂州一府徧地皆賊郡城以內居民署役無不與賊通者情形岌岌已至不可收拾自該員到任後不顧險難力除內奸繼復埽除外匪擒斬巨逆數十名地方漸有轉機是以該員在任丁憂奏請奪情留任誠以該府不可無此人也嗣奉

簡放沂州府復奉

旨升授兗沂曹濟道數年以來江東兩省連界著名匪首芟除不下五百餘名均經前撫 及 歷次奏報有案現在沂州一屬民情又安皆係該員之力邇來沂屬各州縣

有因公晉省來見者臣詳詢地方情形咸謂該員此次解任沂屬及江南徐屬各州縣官民若失長城且鄉間不逞之徒聞有私相喜幸者是長賡在沂聲威素著賊畏民懷實爲東省必不可少之員茲因責斃在官不法人役以致獲咎固爲可惜且恐各署惡蠹相率膽玩由此漸長刁風地方難期整飭臣再四思維惟有仰懇

天恩俯念該員充沂曹濟道長賡力除惡習不避嫌怨因公獲咎情本可原

准如臣所請予以革職留任俾該員益勇於治事可以收久安之效實於地方大有裨益臣爲邊方緊要人才難得起見用敢不揣冒昧據實附片陳明伏乞

奏稿卷七

聖鑒訓示謹

奏

整理綠營抽練馬兵摺同治八年十月二十九日

奏爲謹將綠營酌量整理並開除馬匹抽練馬兵酌加津貼饒乾各情形恭摺覆陳仰祈

聖鑒事竊臣前將東省營務應須整飭各情具奏於九月初七日欽奉

諭旨飭將如何訓練之處妥議章程奏明辦理等因欽此

仰見

聖慮闕遠欽感莫名臣維綠營廢弛日久其驟難整飭情形初非一端竊情之弁領坐養官氣羸散之兵丁別理生業八九年來每歲饒項發給甚少以至旗幟器械亦極缺乏舊制各營哨分防地方所在名數畸零勢分形散一時

奏稿卷七

欲加整頓殊乏握要之策然經制久遠既難驟議更改惟

於因循舊制之中斟酌辦理勤加訓練以期聯合片段臣

前已將各營兵丁裁汰老弱核除虛數現在所存兵丁不

敢謂其盡屬可用然較往時已稍核實臣現擬定陣式分

散各營令均就本汛自爲操練每月合操兩次令各汛弁

均帶所部兵丁詣本營會操悉照所授陣式演習至結隊

之法擊刺之藝皆參用勇營之制以期適時而切用如此

辦理稍使各營兵服習營伍之勤勞熟聯將士之氣誼諳

知旗鼓之節度規模或冀漸復臣每於接見各將弁時必

勤加訓勉務使汰去羸弱挑選強壯來年如獲豐稔庫款

稍裕饒項亦須酌議增發器械亦須逐漸購備當此廢壞

過甚之時雖使改易舊章亦難驟成勁旅今臣不再繁立科條但期修補破敗力加整理漸以歲月之久持以訓察之勤各標營中或漸有改觀之處至北方情形馬隊尤屬緊要而練之尤難得力應須另編隊伍以資操練不使雜於各營哨步兵之中庶臨敵不致溷亂臣現將綠營馬匹從實查驗通計東省出師遺失及歷年倒斃滿椿未經買補並現在疲病變價各馬匹開除二千零二十一匹已飭將乾銀扣存司庫並遵照前奏暫緩買補其馬兵之疲弱者亦即隨時開除強壯者存留令其隨同練習槍矛俟將來買馬時再行發給刻計實存馬匹共一千五百三十餘匹現擬就各營中抽選七百五十名分為三營以二百五

奏稿卷七

西

十名為一營每營五哨每哨五隊每隊十人另選將領分帶操練以期適於實用惟舊章餉乾各營本從儉薄人馬均嫌不敷既經抽練則均宜酌加津貼茲議於月領餉乾外每兵酌加餉銀一兩二錢每馬酌加乾銀二兩一錢俾士馬飽騰庶可責以操練至此項津貼無他款可以籌辦惟有於釐金項下核實經理除本年撥解固本軍餉外如稍有贏餘即以之照數發給第東省釐金收數甚微設贏餘之項不敷支給應須另行籌畫不准動用正款以示撙節惟臣現擬籌辦各軍均擇要酌量試行將來有無成效尙未能確有把握亦惟督飭各營認真妥辦以期稍盡厥職除將開除馬匹各情另行咨部查辦外謹將酌量整理

綠營並開除馬匹抽練馬兵酌議津貼各緣由恭摺覆奏

伏乞

皇太后

皇上聖鑒訓示謹

奏

奏稿卷七

三

遵 旨辦理劉效忠片 同治八年十一月十五日

再 臣前欽奉

諭旨以已革提督劉效忠解回原籍後令 臣隨時留心如仍不安本分即著設法辦理毋稍姑息等因 臣當將該革員從前叛逆罪狀並候到籍後妥為辦理各情具奏在案查劉效忠即劉占考初充捕役繼為竊盜後復叛逆直東豫三省邊境受其荼毒慘不可言從前未加懲創率行招撫並令帶領逆眾赴陝實屬敷衍了局迄今曹屬被害紳民憤恨填胸而該革員強暴性成聞其言語往來從無分毫悔罪之意此次解回東省 臣深慮隱滋事端當於奉旨後即函致陝西撫 臣穩慎押解一面密遣心腹赴陝沿

奏稿卷七

美

途跟蹤偕行窺其舉動以便設法箝制十月中旬曹屬各村莊聞其回籍之信各懷疑懼一日數驚而昔日從逆之徒仍復大造謠言羣相勾聚為出境迎接之舉 臣於聞信後即密飭濮州知州葛恩榮等於曹濮邊界妥為鎮壓杜其邀結並飭沿途各州縣小心押送茲於十一月初三日解至甯陽 臣適於途次相遇傳見之下察其目動言肆野性未馴及告以遞籍管束之由竟敢出言無忌怨對君上 臣當即大加申斥適署兗沂曹濟道王成謙來見即交其先行押至濟甯看管初四日 臣到濟甯據王成謙面稟該革員到濟執意住居關外不肯入城經該道再三飭諭始隨入城復令其照例至州署暫住乃大肆咆哮抗不

願往又為之覓一住宅以便看管亦抗不肯願實屬難於

管束 臣復傳詢陝西押送之弁及前派跟蹤之人據稱該革員一路強橫所過州縣信口謾罵每於派送人役輒以洋槍轟擊均係該弁曲為排解幸得無事並於到豫時逐日派人至曹州各處查探情形等語 臣復飭濟甯州知州王錫麟選派幹役密查其寓中來往人等是否良善或多或寡據稟初五日一日之間往來該革員寓所者已不下一百二十餘人皆係濮范鄆城水套一帶無賴之輩從前即其黨與其見面時狂呼跳躍肆無忌憚查其情形殊為叵測又據濮州知州葛恩榮於是日二更後星馳來見面稟濮范各屬受害之家聞其回籍人心惶懼即欲紛紛赴

奏稿卷七

毛

省懇請誅極以伸冤憤各等語 臣查劉效忠為山東首亂之人罪大惡極本不可以招撫從前倖逃顯戮已為萬幸今日奉旨遞籍管束亟應安分悔罪乃查其由陝至東一路橫暴自如略無做懼初見 臣時竟敢妄言怨對實已罪不容誅至其到濟甯後種種違抗不遵約束甫入東境一日之間黨與漸聚似此豺狼成性多留一日則多一日之句結即多一日之隱憂且其黨與猶存尤恐稍縱即逝日後辦理轉費周章 臣當將該革員提至歷數其罪欽遵諭旨將其綁赴市曹正法以伸國典而定人心其弟已保副將劉占克與之偕行從前亦

係隨同叛逆殘暴眾著其家屬人等均屬逆類縱之亦貽後患自應久牢監固以絕根株臣已分飭濟甯歷城荷澤等州縣鎮拏辦理惟查劉效忠親生二子一名劉維清已捐同知一名劉維恆已捐主事均應請

旨與已保副將劉占克一併革職以便永遠監禁不准釋放永除後患至劉效忠等財產大半係作亂時擄掠所得查其從前謀逆首破濮州至今城池尙未修復應請將其財產悉數查抄入官發給濮州以作將來辦理城工之用臣於劉效忠正法後卽歷揭其罪出示通諭曹屬及遠近士民均皆歡聲踴躍以爲大患已除人心極爲安帖足慰聖懷所有劉效忠到籍後狂悖無忌將其正法及將該家屬財產分別辦理各緣由謹附片具陳伏乞

奏稿卷七

天

聖鑒訓示謹奏

特保賢能各員摺 同治八年十二月十九日
奏爲遵

旨特保賢能之知府州縣開單臚陳政蹟敬備

採用並懇

恩先行降

旨褒美以勵吏治恭摺仰祈

聖鑒事竊臣惟吏治亟須講求蒙

朝廷屢降

諭旨飭各直省督撫悉心察度酌保賢員本年六月重奉

明諭仰見

聖謨闕遠於官人安民之義

奏稿卷七

天

垂念至深曷任欽感臣查州縣最爲要職不得其人則上下交受其病而州縣應辦事宜聽斷緝捕催科三者實居其大端苟廉謹自持能於此三事實力修舉不爲粉飾阿好之行卽爲良吏之選臣每接見僚屬推誠規導勉以立身奉公之義其有居官無狀欺僞廢弛均經臣隨時考核立予參劾其餘才力尙堪造就居心近於樸茂者亦尙有人臣當加意訓迪相期日進於善茲查有濟南府知府龔易圖高唐州知州帥嵩齡歷城縣知縣孫善述章邱縣知縣蔣慶第蓬萊縣知縣沈九齡卽墨縣知縣林溥高密縣知縣周麟章等七員或廉靖居職勤篤匪懈或強敏過人任事勇往才質不必盡同居官皆有實蹟足爲通省循良

之選謹將該員等歷官政蹟開具清單恭呈

御覽以備

採用並請援照今春直隸督臣曾國藩保舉地方各員之

例懇

恩宣

論褒美仍請

旨暫免其調取引

見俾地方無更代之煩而賢能之員得以盡心民事則一

官一邑克盡厥職邀蒙

朝廷褒異華袞之榮無與爲比而

聖主敦尚吏治之意所以風示有官者倍覺深至不勝幸

《奏稿卷七

三

甚謹將遵

旨特保賢能各員開單臚陳政蹟敬備

採用並懇

恩先行降

旨褒美以勵吏治各緣由恭摺具奏伏乞

皇太后

皇上聖鑒訓示謹

奏

謹將特保東省賢能各員政蹟開列清單敬呈

御覽

鹽運使街道員用濟南府知府龔易圖

查該員明達過人操行端謹久歷營務熟悉戎機歷任東

昌濟南各府正己率屬不事依阿整飭地方寬猛得宜事

皆修舉洵屬才具幹練氣局深遠體用兼備之員

知府用候補同知直隸州知州高唐州知州帥嵩齡

查該員在東省獨行自守不涉奔競所至有聲前任臨邑

鎮服強團推誠相與民多感服嗣任惠民高唐辦公勤懇

而聽斷明允征解清晰歷任均各一轍洵爲操行端正才

具篤實之員

《奏稿卷七

三

知府用候補同知直隸州知州歷城縣知縣孫善述

查該員在東歷署各缺均有政聲任冠縣六年以教匪充

斥之區捕賊安良不遺餘力民俗爲之大變而催科聽斷

亦極勤能現任歷城懲奸除蠹力破從前積習現在訟獄

清簡奸宄畏懾民情極爲愛戴洵爲精明強健才具開展

之員

候補同知直隸州知州蓬萊縣知縣彭九齡

查該員前署黃縣廉靜自持聽斷勤敏署中幕友丁役馭

以嚴峻弊絕風清邑民感其清苦願集貲以助公用該員

屬詞拒絕士民益敬愛之謂爲百餘年第一好官現任蓬

萊詞訟一無積壓錢糧首先全完而去惡安良闡境清肅

洵為廉明奮發為守兼優之員

知府用候補知州章邱縣知縣蔣慶第

查該員從前服官東省頗礪廉隅此次回東先任博平清慎持躬整飭地方克盡厥職現任章邱錢漕詞訟極為繁難該員聽斷勤明征解清楚故民少冤抑共樂輸將闔境愛戴輿論翕然洵為品誼端方殫心職守之員

知府銜候補同知直隸州知州卽墨縣知縣林溥

查該員性情質實淡泊寡營前任高密撫綏百姓極為安帖現任卽墨訟獄簡靜征解清楚而辦理公事不弛不擾民甚安之洵為謹飭自好黽勉盡職之員
候補同知直隸州知州高密縣知縣周麟章

奏稿卷七



查該員心地清白不尚浮華而辦事精細極有條理現任高密盡心民事勞苦與同聽訟務以情理論導斷結勤明民甚戴之征解年清年款毫不挪移洵為實心為民志行堅定之員

估挑運河擇要辦理摺 同治八年十二月二十日

奏為籌辦河運估挑張秋南北淤墊運河分別擇要辦理以期安速各情形恭摺仰祈

聖鑒事竊查前准戶部來咨奏奉

諭旨試行河運籌辦運道一案經河 臣蘇廷樾將籌堵蘭

儀決口及查勘汶泗衛各河情形會議覆奏在案茲接部

咨以核覆兩江總督馬新貽奏遵籌江北新漕河運事宜

請

飭下山東巡撫河道總督趕將河道設法挑濬毋致臨事

周章其濟甯一帶雇船接運事宜並請

飭下山東巡撫屬預為布置奉

奏稿卷七



旨依議欽此咨會到 臣查漕運故道由內河直達

京師為數百年經營良法近雖兼用海運而河運未可偏廢惟以黃河自蘭儀決口由東省穿運以來將北流之汶水挾而東去致張秋以北之運河僅賴黃水分灌濟運淤墊日久河身遂致斷流同治四五兩年曾經試運採買米石及起運江北漕糧皆先期籌款將入運河口估挑比米船渡黃抵口猶以水小守候仍俟汛期大至乃能灌入行駛其時河口尚在南壩頭距張秋甚近年來黃水稍向南移又改至八里廟池北入運因上游大溜在鄆壽境內穿過趙王河東岸者數處並將安山北至沈家口之運河兩岸亦多衝缺水勢愈形散漫故八里廟之溜益覺微弱 臣

前於四月間會委員赴河漢以下漫水所經及黃運交匯之處確切查勘並將籌堵趙王河缺口附片具陳固為拯救災區亦欲保護運道且欲使黃水專力北注八里廟庶穿運正溜不致再有變更並擬略用置隄束水之法就現有民埝加高培厚以資捍禦無奈黃水溜急勢猛非人力可以與爭又以道里縣長工程浩大官辦民捐均屬不易而上游束水下游益致泛濫為害更不可勝言是以未敢輕舉竊計黃水穿運已十餘年運河受病實深此時若通盤修整不但需費過鉅而黃水變遷無常實屬毫無把握現在欲行河運亦惟有因勢利導隨宜變通縱不惜多費工力仍必在大汎之時始得暢行查現在黃水入運以八

奏稿卷七

臣

里廟為咽喉該處現有攔門灘積淤較厚自應挑挖寬深使水勢得以暢注即附近一二十里之河身受淤益重且為行溜之始亦宜實力加挑自此而北其受淤有遠近之分則估挑有深淺之別即可以次遞減臣特月派委員於東阿之八里廟起向北逐一勘丈由陽穀聊城堂邑博平清平直至臨清州交界止計程二百十餘里茲據開呈清冊共計估挑土六十餘萬方正在酌核分派適接河臣蘇廷樾來函以張秋一帶河身本年經駐紮該處之銘字各營挑挖運糧擬仍商令該軍勇丁興挑並擬酌撥津貼工竣仍歸河工造報等因臣當即函致統領銘軍臬司劉盛藻商辦旋據覆稱願督率勇丁任挑擬將東阿境內之十

五里並酌撥陽穀境相近之八里併歸該軍按營派分段落其餘各縣境河身即責成該地方官按照估定丈尺實力挖挑毋得草率偷減均定於來年正月中開工限於三月半前一律完竣由臣隨時嚴查督催以昭核實而期迅速其沈家口以南應行擇要挑修工程仍飭運河道籌節趕辦惟本年東省夏秋疊旱二麥多未種齊現在節逾小寒各屬得雪甚少來年司庫收數必形支絀所有前項挑河工需即竭力籌措不過能撥銀六七萬兩今北路土方雖經約估而南路工程尙無定數應俟運河道估報到日臣酌核再與河臣會商儘將此數勻撥核減較緩之處實辦最要之工總期不誤漕行亦不致多糜工費是即日

奏稿卷七

臣

前補救之正策竊見此次部議詳切仰荷宸廑臣身任地方責無旁貸但能稍竭心力斷不敢畏難苟安雖明知挑工不足敵淤仍當務盡人事是以張秋以北一帶河身並為估挑較前兩屆之僅挑口門實欲倍求順利儻計米船抵東渡黃約在四五月間其時距伏汎非遠屆時若得汎水漲發總可浮送重運至船隻能否回空實不敢預必若米船前幫早到而在後未能跟蹤或隨時渡黃入運或俟齊集後一併放行亦須臨時體察情形斟酌辦理緣黃水初長每係旋長旋消水退沙留即有挂淤阻口之患且新淤稀嫩欲挑亦無可施功惟盛漲之數十口水勢有長無消則其力自能衝刷無虞膠淺皆不得不

預為議及此外雇船接剝等事臣現已飭令東昌陽穀東阿各屬預為辦理惟歷考黃運交流斷無兩全之勢而借黃濟運萬無能久之理今東省之運河實兼受此二病欲於此際設法經漕豈有善策前次部臣籌議治黃之道以挽淮徐故道為上策特以事繁費重必須預為運籌若如河臣會奏摺內所陳分年分省籌款徐辦之說部臣通盤籌畫能定斯議則東省力所能任雖竭廩所不敢辭蓋古今無不治之河河治則諸事皆易為力以視現在歲費十數萬金名曰補苴實同虛擲者其得失較然可見此則黃運交病之實在情形區區愚忱所日為總總過慮也所有籌辦河運估挑張秋南北河身據情分別辦理各緣由謹

奏稿卷七

三

恭摺具陳伏乞

皇太后

皇上聖鑒訓示謹

奏

酌擬馬兵章程摺 同治九年二月二十九日

奏為東省抽練綠營馬兵應給營哨官弁薪水公費及軍裝車價等款仿照直隸練軍章程酌減定擬敬繕清單恭摺仰祈

聖鑒事竊臣於上年十月二十九日將東省綠營開除馬匹暨抽調馬兵分營操練酌加津貼餽乾各情具奏十一月十八日奉

旨該部議奏欽此欽遵在案臣於具奏後當將各營馬兵詳加挑選共抽得精壯五百名分為兩營按照議定營制調集省垣授以陣法勤加訓練由臣就近自行查察其弁兵之勤惰隨時賞罰尚無壅蔽粉飾之弊惟臣前奏僅議

奏稿卷七

三

給兵丁餽乾津貼其餘營中一切必需用款尙未籌及茲悉心覈議並仿照直隸練兵章程斟酌詳盡以期實效查練馬隊之法練人尤在練馬善練馬者晝則調習馳步夜則謹視芻豆一夜凡四五起是以馬隊兵丁既須操演技藝又須餵養馬匹日不暇給况遇出隊巡查則日間或馳逐百數十里歸營之後人困馬乏若復責以自行樵汲炊爨必致顧此失彼臣擬仿照直隸軍章程每哨五十人給以餘丁六名專為正兵看棚執爨之用庶兵丁得以專心練習冀可漸成勁旅至練兵既分立營制即須慎選營官而營官總理一營事繁責重若事事皆責其經理或恐有竭蹶之虞臣擬仿照直隸章程請每營設正營官一員外添

派幫帶官一員協理營務文案委員一員專管文報俱專責成並照章於每營官幫帶哨弁各員均酌量給以親兵餘丁以資彈壓差遣之用此外尚有獸醫匠役人等實爲馬隊必不可少均須酌量雇募其應給薪水工食等項亦照直軍章程酌減定議以期樽節又查直隸章程內有每營每月支給公費銀六十兩一節原因營中馬匹有修補鞍韉採買藥餌及每夜應需油燭等費營官勢難賠墊所以酌量支給庶營官等不敢以公事藉口剋派兵丁此次東省事同一律亦擬仿照此數按月支給用示體恤而杜弊端其餘軍火器械爲行軍要需應由臣隨時酌量製造核實報銷惟須預養長車以供運送蓋軍行期於迅速若

奏稿卷七

三

俟臨時雇用或值車輛短缺誠恐有誤機宜而兵丁乘騎又難重負以傷馬力餘丁攜帶器具衣糧亦難分力轉運是以直隸練兵章程有奏定長車二百輛一款今擬從減定擬每哨五十人給與長車一輛以供轉運軍火之用計每營長車不過五輛而有備無患自無臨時掣肘之虞以上各項饒銀均係詳細酌核悉照直軍奏定章程從減定擬略無分毫浮冒除兵丁應領底饒乾銀仍由藩庫支領造報外其餘饒項均請在釐金項下動支如有不敷另行籌款不准動支正項錢糧俾有限制其未盡事宜容臣隨時察核具奏所有擬議抽練綠營馬兵仿照直隸定章酌給營哨官弁兵丁饒銀及軍裝車價章程各緣由敬繕清

單恭呈

御覽謹恭摺具陳伏乞

皇太后

皇上聖鑒訓示謹

奏

奏稿卷七

三

謹將東省新練馬隊官兵仿照直隸練軍章程酌添幫帶文案及親兵餘丁雜役一切薪水公費等款從減定擬敬繕清單恭呈

御覽

一各營宜添設幫帶也查直隸練軍章程每營除正營官一員哨弁五員外添設幫帶官一員誠以營伍一切事務較繁營官一員難資稽查必須添設幫帶同心協理庶事可期認真不致顧此失彼此次東省所練馬隊務求切實操練營官一員勢難兼顧茲擬仿照直軍章程派一幫帶俾資協理庶該營官得以收指臂之助至該營營官一員幫帶一員哨弁五員所有應給薪水亦擬照直軍章程

奏稿卷七

早

營官每月支薪水銀二十兩幫帶官每月支給銀十五兩哨弁每員支給銀十兩以爲日用飲食暨餵養馬匹之資俾免賠累而專責成

一營員宜酌給親兵也查直隸練軍章程營官幫帶均各給以親兵哨弁均各給以餘丁所以資該營官弁彈壓差遣之用不致派應操正兵兼充雜役立法至善此次東省所練馬隊亦擬仿照辦理茲議以營官一員酌給親兵六名幫帶一員酌給親兵四名哨弁五員各給以餘丁二名其正兵二百五十名令其專事操練不准擅派差使致令曠誤至該親兵人等查直軍章程係由營挑用其應給口分外每月酌加銀一兩已奉部議准給發惟東省現在暫

將馬匹核實開除統計除現調出馬兵五百名外餘均應留各汛巡緝地方實屬無可挑選惟有月行選擇隨營多年材勇出衆之弁充當庶該營官等得收差遣之用惟月募充當親兵餘丁之弁勇既無底餼練餼可支又不能照正兵給予口分不得不變通辦理擬請每名每月支給銀四兩以資養贍與直省挑選額兵所領口分亦相符合一馬兵宜酌給餘丁也查直隸練軍章程每隊正兵二十五名酌給餘丁三名每名月支餼銀一兩五錢等因查東省此次所練馬隊以正兵二百五十名爲一營每營共計五哨每哨共計五十名茲擬仿照直隸章程每哨給予餘丁六名每營共計餘丁三十名專爲正兵看棚炊爨之用

奏稿卷七

早

庶正兵得以專心操練惟馬隊餘丁必須年富力強方能隨同馬隊奔馳往來迥非步隊長夫可比如每月支銀一兩五錢每日實得銀五分當此糧價昂貴之時實屬不敷食用今擬馬隊餘丁酌照步勇口分每月支給口糧銀三兩以免枵腹惟較之直軍支餘丁口糧章程似覺稍多然直省練兵多係步隊此次所練專係馬隊其奔馳有勞逸之殊故口糧亦須稍示區別並不敢略滋浮冒

一文案宜派員管理也查調練官兵原非勇營可比卽如兵丁遇有事故及技藝不能精進撤令歸伍月調補額或月募承充以及口糧截扣建曠等項情事必須通報 暨藩司衙門並知會底營及軍需局知照案牘既屬紛煩款

目又多夥，擬仿照直軍章程，每營專派文員一員，總司其事，並照章每員給以書手二名，聽差二名，至營中應用醫生、獸醫、工匠人等，實為必不可少之需，亦應照章辦理。茲擬每營酌給醫生一名，獸醫一名，各藝工匠四名，其應給薪水、工食，擬請照章支給。薪水銀十二兩，文案書手每名月支工食銀三兩五錢，醫生、獸醫各工食銀四兩，聽差每名月支銀二兩，其工匠人役較之直軍定章裁減二名，以示節省。

一、運送宜酌給車輛也。查直隸練軍章程，每隊正兵二十五名，給餘丁三名，專為看棚炊爨之用。所有應用火藥鉛丸器械等件，必須隨隊運送。查直隸有奏定長車二百輛，

奏稿卷七

望

東省並無長車馬隊，馳既速且急，動輒百餘里或數百里，不等遇有調撥，尤為刻不可緩。若不預備長車，逐日餵養，必致臨時無從雇覓。應請每哨給子長車一輛，專資運送。庶免貽誤。查東省定章，每車一輛，每百里正價銀一兩，幫價銀六錢。此項長車自應變通辦理，不論里數多寡，每輛每日從減給銀一兩，統作正銷銀數。既較直省減少而兩營僅給長車十輛，亦均歸實用，略無浮冒。

一、營中宜酌給公費也。查直隸練軍章程，自管帶官以下，每營每月計合公費銀六十兩。等因。山東邇來，麩草料價，值昂貴，兼之馬匹須用籠頭、鐵轡、繩及修補鞍轡釘掌藥餌等項，以及每夜所需油燭種種浩繁，該官兵等勢難

賠墊，應請仿照直隸練軍章程，按月支給公費銀六十兩，以資應用。

一、軍械宜酌量添置也。查現在所調各營馬兵，隨帶馬槍、號帽、號衣、腰牌、鞍韉，除原營帶來實堪應用，不計外，其不敷之件及火藥鉛丸、號帽、號衣等件，擬請仿照直軍章程，隨時由臣派員採辦製造，摺節撥用，核實造報，以杜浮冒。

奏稿卷七

望

馬隊津貼免扣二成片 同治九年二月三十日

再正繕摺間接准兵部咨覆 臣前奏酌加馬隊津貼一節經戶部議令仍照東省兵餉舊章概以八成實銀折給每兵月加實銀九錢六分馬每匹月加實銀一兩六錢八分庶於體恤之中兼示撙節之意等因具奏奉

旨依議欽此行知到 臣自應欽遵辦理惟查 臣前次奏請酌加津貼每兵一名月支津貼銀一兩二錢馬一匹月支津貼銀二兩一錢誠以此次操練馬兵均係調離原營編隊合操其一切日用所需不比在底營中有家室相依可以借資津貼即其操練之法除每日三次乘騎正操外尚須練習步下雜技計每日幾無暇時又不比在底營中除

奏稿卷七

器

照例操演外尚有餘日可以謀生且近年東省各屬收成歉薄一應米麵食用及馬匹餵養之芻豆等項價值較昂而兵丁紮營之處尤屬異常昂貴若非寬為給發勢必枵腹堪虞是以酌議津貼一款從實支給以期飽騰况 臣此次所擬練兵章程俱係仿照直隸練軍奏准定章酌辦查直隸練軍章程每馬兵正兵一名月加餉銀五兩合之月支底餉七成實銀一兩五錢計每兵一名每月共得實銀六兩五錢今東省每兵一名加銀一兩二錢馬一匹加銀二兩一錢共計銀三兩三錢再加之每名每月應領除扣朋減成底餉銀一兩五錢二分底乾銀七錢二分合計統共每正兵一名每月祇得實銀五兩五錢四分較之直省

尤為節省至直省章程馬兵底乾七錢二分一款係由藩司坐扣今東省係一併支給雖微有不同然東省加餉較少即連底乾併計較之直省每正兵一名已核減銀九錢六分若再將底乾七錢二分扣存是每兵每月僅得銀四兩八錢二分更屬不敷食用再四思維實屬難於再減茲 臣議以津貼一層仍照兵餉舊章以八折支給實為慎重庫款恪守定章以免歧異用意極為周密然而事值其難亦不得不稍為變通俾收實用 臣擬將各該馬兵應領每月餉乾仍由藩司照章扣成減平核發其餘每月應加每兵月支津貼銀一兩二錢馬每匹月支津貼銀二兩一錢應仍以實銀發給免扣折二成如此區別辦理則合每

奏稿卷七

器

兵每月所得全餉而計既較直軍章程已為節省而於本省發餉舊章亦不致稍有違背且使各馬兵等稍為足用自可益加督責令其專力操練不致有所藉口實於練兵有裨 臣為整飭營伍起見謹附片陳懇伏乞

奏

聖鑒訓示謹

增建號舍添設房考摺 同治九年五月二十九日

奏為山東鄉試人數衆多現在增建號舍並懇添設房官恭摺奏祈

聖鑒事竊查齊魯為文物之邦考試重賓興大典近年蒙恩加廣學額應試生監日增月盛舊設號舍祇有九千餘間每遇人數加多之年實不敷坐本年舉行庚午正科並補上屆丁卯科兩科併行人數益多而東省十餘年兵燹一旦肅清士子志切觀光尤為踴躍現查應試之士約計不下一萬二千餘人若俟臨時搭蓋棚號權宜辦理誠恐風雨驟至溼漏堪虞燭炬通宵防範不易兼以衆人統歸一號尤慮百弊叢生 臣體察情形似未便再事遷就倍形

奏稿卷七

吳

擁擠即經飭司籌議拓地增修現據藩司文彬督飭歷城縣在貢院東北水地添建一千五百七十間西北空地添建一千四百三十間共三千間估需銀三千兩有奇由司先行籌款給發趕辦查驗籤椿結實石牆鞏固洵屬一勞永逸之計惟是一場試卷既有一萬二千有餘之多而分校仍照向章祇設十二房是一房須分閱千餘卷兼以二三場接踵而至為期既迫卷數紛煩即使精明敏捷勢難逐卷逐篇悉心校閱以定去取一經草率從事屈抑必多士子攻苦有年類皆欲績學潛修期於一試設或鑒核未精一朝擯棄殊為可惜查四川省甲子科奏請添設房官本年湖北亦因增修號舍奏准添房均有成案東省事同

一律合無籲懇

天恩俯准將山東鄉試同考官添為十四房俾分校者從容蒐討精力不致疲乏庶鑒別不爽得以識拔真才仰副聖主闢門籲俊之至意除咨部查照外所有增建號舍懇添房官緣由理合恭摺具奏再鄉試之年例不得條陳科場事件惟軍務乍平人數能否加增一時難以早定且添修號舍並無閒款可挪能否籌辦亦未敢必現在人數益多而號舍又經告成始議增設房考是以核辦稍遲至此事無關弊竇與尋常更改章程不同用敢據案辦理又學臣于建章現在丁憂經 臣暫行兼理應毋庸會銜合併陳明伏乞

奏稿卷七

吳

皇太后

皇上聖鑒訓示謹

奏

密陳海口防務暨籌備北路情形摺同治九年七月十九日

奏為遵

旨密籌海口防務及現在揀派驍勇可恃之將添練兵勇

十二營以備調撥恭摺密陳仰祈

聖鑒事竊臣於同治九年六月二十九日七月十六日迭

次欽奉

密諭以天津民教啟衅令於各口岸嚴密設防所有沿海

水陸官兵力加整頓並著將現辦情形詳細具奏等因欽

此又於九年七月初五日欽奉

上諭令遴選久經戰陣之員各帶勁旅隨時訓練聽候調

撥等因欽此跪誦之下仰見我

奏稿卷七

吳

皇上宸謨廣運欽服莫名伏查天津一案當滋事之始

確訪情形深慮辦理之極為棘手緣民教均有各不相下

之勢崎輕崎重皆易激起爭端雖在我決不可輕言用兵

而事變之來恆恐出諸意外是以預防之道不可不密為

講求臣當於六月中先已函致登州鎮總兵陳擇輔以查

詢營伍為辭令其來省與之熟計海口形勢密謀布置並

密函切囑登萊青道劉達善令其於煙臺各洋行加意拊

循如有假借津事造言惑眾者立即拏究以安洋人之心

一面仍將海口暗為體查情形並煙臺洋人有何舉動飛

速密稟以憑覈辦茲欽奉

密諭飭辦臣自當不動聲色悉心妥籌惟查東省海面自

日照縣之濤雒口與江蘇交界起至海豐縣之大沽河口

與直隸交界止中分為東南北三洋每洋相距約四五百

里不等統計洋面約一千四百餘里其間島嶼海口大小

統計二百數十處道里頗形寥遠若使處處有防不惟無

此兵力且勢分力弱亦不足以資堵禦臣詳細審度惟有

擇要設防查文登縣屬之馬頭嶺石島福山縣屬之煙臺

蓬萊縣屬之廟島掖縣屬之小石島五處係洋船所必經

之道現擬於此處酌定設防此外若文登之鐵槎山榮成

之成山兩處為洋船駛行東洋標準而成山一處地勢險

要船行必需開避亦擬於兩處酌定每處各屯紮三四百

人徧插旗幟多設礮位以作疑兵而資鎮懾至於分布應

奏稿卷七

吳

需兵數馬頭嶺石島兩處共須防兵一千四五百人煙臺

及蓬萊縣廟島兩處最為緊要每處必須防兵二千五六

百人掖縣之小石島一處亦須防兵一千二三百人合計

五處及鐵槎山成山兩處共須防兵六千數百人始敷布

置復查登鎮所轄水陸各營除出師裁撤外實存兵丁三

千六百九十餘名以之分防各島口實不敷兵三千餘人

臣擬將來設防之時酌定以記名提督現署臣標中軍參

將莫組紳所帶勇丁二營合之如不足用擬在煙臺將福

建廣東向在該處游散之徒招募二三營嚴行約束俾為

我用一可以杜洋人勾結漢奸之謀一可以靖內地藉端

肆擾之害惟是布置雖定而津事並未稍形決裂雖該洋

人時以兵船要挾究未顯露痕迹此時辦理海防亦祇可暗地規畫定局待時而動萬不能遽行調派轉令該洋人得以藉口臣刻惟懷遵

聖訓將沿海水陸各官兵加意整頓現已嚴飭各將弁令其於各營兵丁揀選足數勤加操練決不明言設防之事以示鎮靜萬一日後有警調撥亦甚便捷此臣現在籌辦海口之情形也抑臣竊有說者此次天津民教滋事僅係法國而不及各國僅係教堂而不及通商以目前情勢論之法國重傳教而各國重通商若一經用兵於通商各國必多不利洋人惟利是圖似不肯以彼累此故用兵一眉將來或不至此所慮法使羅淑亞遇事任性躁急妄為則

奏稿卷七

辛

防之自應嚴密然事機如果決裂臣以為沿海各口之防尚可緩圖而大沽北塘等處

京師最要門戶急當層層布置但使兵勇得力不令洋人得以登岸彼亦無計可施臣目前雖將沿海防務規畫粗定而根本重地刻難去懷現已將王正起所帶之振字四營王心安所帶之東治二營均調附近直隸之德州陵縣分地駐紮令其巡防邊境逐日操練設使事機有急即當親率北行期於迅速以固根本惟慮王正起所帶僅四營王心安所帶僅二營人數太單設遇大敵戰守均難自成一隊臣不得已復令其將各該營前次遣撤得力舊部選募十二營分帶訓練如一旦事變猝來即可獨當一而力

遇狂氛而於本省海口分布防兵亦不必從中抽調似於內外均尚有裨所有密籌海口及籌備北路各情形愚昧之見是否有當謹由驛五百里恭摺具陳伏乞

皇太后

皇上聖鑒訓示謹

奏

奏稿卷七

辛

請優卹惠慶摺 月治九年七月三十日

奏為知府立功後積勞病故仰懇

天恩俯准優卹以昭激勸恭摺仰祈

聖鑒事竊照近年軍興以來凡在軍營文武大員著立功績積勞身故者經中外臣工據實奏請莫不蒙

恩分別子卹所以褒臣節而勵戎行至優極渥茲查有鹽

運使銜補用道曹州府知府惠慶從前服官湘省即在軍

營當差臣於同治二年升任山東臬司時東省軍務喫緊

濟東兗沂各府均係賊蹤奉

諭勦辦因在湖南奏調管帶濟安營勇隊隨同來東該員

督飭營哨約束勇丁沿途極為整肅是年五月到東臣督

奏稿卷七

至

兵協勦宋景詩股匪駐軍堂邑因該逆被勦窮竄恐其潛

撲東昌密派該員親率精騎由間道星夜抄出賊前適遇

賊於新集奮勇截擊旋會合親王僧格林沁大隊竭力追

勦歷兩晝夜並未稍息遂將逆匪斬獲殆盡宋逆隻身撲

河免脫賊股以平臣升任藩司督軍往來截勦捻逆四

年四月遏賊於滕縣臨城驛該逆全股撲壓勢甚鴟張臣

派該員分隊抄擊以千餘之眾當數萬之賊短兵鏖戰斃

賊極多未嘗少挫六年臣升任巡撫統籌防勦因東省向

少馬隊不利追賊奏明赴吉林黑龍江招募丹丁特派該

員前往長途往返一萬數千里行程迅速馬匹略無傷耗

皆該員照料得宜抵東後臣復飭其管帶上緊訓練即派

令前敵助勦七年二月捻逆張總愚北竄大股由阜城一

路圍竄天津該員即帶馬隊一千五百名由景州連夜疾

馳迎頭截擊賊被勦南奔以後不敢由此路再窺津郡其

東北一路克以保全者實該員之力居多約計該員自到

東以後無日不身在行間當攻戰追勦喫緊之際往往馳

驅經數晝夜不遑寢食其勞績最著受病即因此而深故

該員年甫逾四十已患氣喘之症七年凱撤後委署萊州

府事旋題補曹州府知府飭令到任該員抵曹以後因地

處邊防民情極為強悍雖境內漸就平靜而伏莽時虞竊

發遇事力求整頓一切案牘事事躬親臣又抽撥曹標官

兵令其訓練以資巡緝本年四月臣查閱營伍道出曹州

奏稿卷七

至

適該員喘症大發幾於不起甫愈數日即照舊力疾辦事

略不稍圖安息臣見其神氣甚弱囑以勉自節勞兩月以

來時接該員稟辦地方情形頗有起色正望其保障西南

忽據荷澤縣稟報該員於七月初五日身故其前一日猶

坐大堂審理民詞不輟等情臣聞信之下不勝痛悼查該

員隨臣來東時閱八載精細樸誠廉明勤幹實堪大用之

才是以上年具摺密陳以備

錄用乃以積勞過甚又復力疾從公遂致一病不起現該

員並無子息身故以後據荷澤縣稟稱一無所有景况蕭

條尤可憫惻合無籲懇

天恩俯准將鹽運使銜補用道曹州府知府惠慶

敕部照軍營立功後積勞病故例從優議卹以獎蓋勞而昭激勸出自

逾格鴻慈謹恭摺具陳伏乞

皇太后

皇上聖鑒訓示施行謹

奏

奏稿卷七

書

馬兵章程仍照原議辦理摺 同治九年十月三十日
奏為東省抽練綠營馬兵章程經部核議裁減謹縷陳實在情形顯懇

天恩仍准照原議辦理以收實效恭摺仰祈

聖鑒事竊 臣於本年二月以東省抽練綠營馬兵應設營

哨官弁並酌添幫帶文案及親兵餘丁雜役一切薪水公

費軍裝車價等款仿照直隸練軍章程酌減定擬敬繕清

單恭摺具奏三月二十五日奉

旨該部知道單併發欽此嗣准戶部來咨令將前項馬隊

抽調營分花名及底餽津貼起止日期詳晰造冊專案報

查並以每營營官幫帶官哨弁及總司文職月給薪水暨

奏稿卷七

書

書手聽差醫生獸醫各藝工匠月支工食同每營月支公

費數目核與直隸章程均屬相符惟直軍每兵五百人為

一營今山東以二百五十名為一營兵數既少一半哨官

自可酌減不必查照五員且兵少則事務較簡醫生等即

數無可減若書手聽差吏役或照直營減半當亦敷用其

月支公費尤應酌減又營官哨弁親兵應照直軍於各標

營挑選充補馬兵餘丁月餽亦應刪減又以練兵成效未

可驟期調撥不知何日雇用長車並令撤裁等因當經分

飭查照去後茲據總理軍需局司道詳稱前擬東省練兵

章程各條奉部行令刪減自當遵辦惟念東省界連徐豫

壤接燕趙久為匪徒出沒之區今雖中原底定而散勇餘

匪時時伏莽堪虞武備仍宜講求不容稍緩故上年整頓綠營裁汰老弱標兵一千九百餘名即奏明抽調精壯額兵添練馬隊兩營於裁兵節餉之中寓思患豫防之道凡練軍用項前已樽節安籌並無浮濫即如哨官一條東營兵數雖較直軍有減然東省專練馬隊每營兵數二百五十名加以騎馬二百五十匹即與五百名一營無異每兵五十名為一哨每哨設官一員僅以敷統率而資彈壓如欲酌減一二員委有照顧難周之慮至書手聽差以數百人之事務祇設吏役各二名分應繕寫遣撥之用尙覺朝夕應接不遑毫無冗濫其每營月支公費銀六十兩營中日用在所必需况馬隊尙有修補鞍韉繩索等費凡茲零

奏稿卷七

奏

星需用尤較步軍為繁此所以哨弁等項名目仍擬按照直隸章程辦理請免酌減又營哨官弁親兵飭由東省營汛選丁充補一節惟查東省額兵本與直隸兵數多寡懸殊此次已裁老弱標兵一千九百數十名各營存兵數已無多加以挑選兩營馬隊及登鎮調撥洋槍練軍存營額兵更形單薄山東為南北衝衢幅員遼闊現存汛兵僅敷分防巡緝若馬隊營哨官弁親兵在於各營汛選丁充補深恐顧此失彼兩無裨益因而不得不另行募充既須募充則並無底饌可支該兵等月領饌銀為逐日衣食之資自宜量為變通仍請月給饌銀四兩俾敷食用又兵之餘丁口糧一款奉部以比較直隸銀數尤多直軍多步隊而

東軍則專練馬隊即就平日而言其晝夜餵養各兵馬匹及樵汲炊爨之需勤勞已較步軍倍蓰一旦設遇征調與出境巡防隨同奔馳尤難刻緩當此招募之始該丁等月給口糧自應敷其養贍近年東省水旱歉收食物昂貴若照直隸步軍銀數斷不敷為餬口之需所有前項餘丁口糧應請仍照原議每月給銀三兩以資養贍而廣招徠又兩營預雇長車奉部以練兵成效未可驟期調撥不知何日行令裁撤等因遵查練兵隨時操演原冀刻期可用豈敢任其怠緩至於調撥何時原未可定惟現在馬隊練軍尙非安坐省垣其各隊除操演之外皆每月輪班各處彈壓至搜捕匪類一月或二三次不等凡運送軍裝車輛必

奏稿卷七

奏

須預行籌備方免貽誤且查直隸練軍營制陸軍准用長車二百輛今山東兩營酌給長車十輛已屬減而又減委難裁撤以上各條均懇仍照原議詳請具奏前來臣查東省抽練馬兵雖係仿照直隸練軍核減之中不無稍有變通之處且兵丁既須操練技藝馳騁馬匹尤須服習陣法止齊其間事務之紛用費之繁實較步隊倍難經理前次所議章程各條實皆務從節省未敢稍涉浮多在部臣酌議減裁原為慎重饒需起見而細核所指各款實皆必不可少之需該司道等所議經臣詳加查核均係實在情形惟有籲懇天恩將部議酌令裁減各條仍准均照原請俾得辦理從

容以期實效除咨部外謹恭摺具陳伏乞

皇太后

皇上聖鑒訓示施行謹

奏

奏稿卷七

奏

丁文誠公奏稿

卷之八目錄

密陳登萊青道員缺喫重片同治九年十一月三十日

會勘張秋築隄束水未敢遽行並現濟運濬河情形摺同治十年正月二十二日

瀝陳官累請免扣坐支二成摺同治十年四月二十九日

請在東省置買墜地片同日

整頓山東水師購造船礮摺同治十年七月二十九日

預籌海防情形片同治十年七月三十日

密保京外各員片同治十年八月初一日

黃水衝缺侯家林民堰請截漕備賑摺同治十年九月十一日


請優卹王心安片同治十年九月三十日

病請開缺調理摺同治十年十月十四日

籌堵侯家林決口銷假督工摺同治十年十二月二十九日

侯家林堵築事宜擇日進占摺同治十一年正月二十五日

奏稿卷八目錄



密陳登萊青道員缺與重片

同治九年十一月三十日

再登萊青道一缺自煙臺海口設立通商海關監督歸該道經理近年以來該道均駐紮海關誠以該處洋商雲集逐日皆有貨船進出口稽查抽收一刻不容疏懈且中外一切交涉事件尤須與領事隨時晤商行止以免延誤責任甚重然竊查該關近日情形其中外交涉事件所最難浹洽者似不在通商而在傳教蓋通商一事其於商人交涉者既設有領事官主持其於貨物交涉者又設有稅務司總理已覺有條不紊而其船之往來稽查也有定章貨之進出抽收也有稅則更覺成法可循且中外商人攜本營生類皆聚集一方公平交易各無相強是以東

奏稿卷八

省通商數年來並無軼轍不清之事惟傳教則不然其為外國而來者為主教其由中國入教者為教士主教慮不能徧行其教則多借教士以廣其招徠教士慮無以悅其主教則多誘鄉民以入其羅網然教士雖多方誘之而一家之中有願入教者即有不願入教者一族之中有甘心入教者即有羣起而禁其入教者其入教者以教為是其不入教而並禁之入教者必以教為非口角之衅既以易啟而教士又皆係土著居民其於入教者則阿附主教以為此教士也雖有罪必多方護之其於不入教而並禁其入教者則怨惡主教以為此毀教也雖良善亦極力攻之攻之不得則且尋細故以中傷之甚至積惡匪徒一經入

教即可以抗傲官長而欺侮鄉鄰故洋人傳教率多與中

國居民筆衅釀事其弊實由於此蓋通商一事本不牽涉地方但得商情熟悉即覺暢達無阻傳教一事全在調度居民必使內外帖然乃能相安無事故所謂中外交涉事件辦理最難浹洽不在通商而在傳教者此也東省民情悍滑惟登萊青三府地處東隅尚稱樸拙而強悍亦出自性生近來傳教之士漸延於登萊兩郡心竊憂之屢嚴飭地方道府州縣遇事秉公妥辦以期消患於未然年來尙無決裂然距該府幾八九百里凡遇教民有事未能即時辦理均由該道先行查辦再行稟覈明批飭辦理已覺緩不濟急是登萊青道一官其辦理通商者任雖

奏稿卷八

重而尙可從容以圖其辦理傳教者自非地方民情熟悉於中未易操縱得宜也現在劉達善因病呈請開缺已據情奏請

簡放

聖明洞鑒必能因地擇人惟近見民教滋事之案不一而足大率皆由地方官未能洞悉民情一遇有事又不能權衡輕重斟酌辦理遂致滋事且地方難易情形今昔亦各不同是以不敢不縷悉

上聞萬一

簡放之時或洋務與地方兼悉之員一時實難其選則東省之候補道潘駿文暨濟南府知府龔易圖兩員久於東

省民情極熟且廉介通達爲守兼優均足以備
採擇臣爲重地亟須得人起見謹冒昧密陳伏乞
聖鑒訓示謹
奏

奏稿卷八

三

會勘張秋築隄東水未敢遽行並現濟運濬河情形
摺 同治十年正月二十二日

奏爲會勘張秋築隄東水費鉅害重未敢遽行並現辦保
護運道挑濬河身稍期補救以濟漕運各事宜恭摺具奏
仰祈

聖鑒事竊臣等於同治九年九月間准戶部咨調任漕臣
張之萬陳奏山東黃河穿運處所橫流無所鈐束者數十
里北趨南徙到處沙停因擬築南北兩隄並酌留運口築
做草閘以爲束水攻沙之計其無關運道處所不必普律
興修奏奉

奏稿卷八

四

允准飭下臣等按照所擬辦法會同估計酌量興辦等因
當經臣寶楨以築隄束水一事現時體察情形如欲築做
必須就蘭工口門兩岸接續方能一氣聯絡事關黃河改
道仍復穿運而行未敢率議舉行奏請

飭令張之萬來東會勘商辦於同治九年閏十月二十九
日欽奉

諭旨飭令臣兆棟早赴新任即帶同章儀林剋期起程前
赴山東會同蘇廷槐丁寶楨體察情形核實勘估熟商辦
理總須無害民田有益河運方爲妥善等因欽此臣等跪
讀之下仰見

聖慮周詳無違弗屆莫名欽服臣兆棟遵於正月十三日
臣寶楨遵於十五日臣廷槐遵於十七日先後均抵濟甯

晤商先將黃流變遷之情運河淤墊之處參以上下游形勢詳細審度次將安興墓等處南北築隄於運道民田利害輕重並酌留運口築做草閘能否得力兼權熟計期於國計民生兩有裨益伏查黃河穿運迄今十有六年運河之爲病既深民田之受害尤重臣等既身當其事若使南由安興墓至沈口迤東北由曹家隄口至漁山中築大隄兩段卽於運道民田有利無害不至顧此失彼雖使費盡帑金竭盡心力亦何敢稍形推諉惟查目前情勢實有不容輕議者蓋黃水穿運而後以漕運而論運河之淤墊僅在張秋口門上下數十里及張秋以北河身百數十里而民田之淹沒者則自濮范至利津海口一千餘里已不下

奏稿卷八

五

二十餘州縣然運道之墊淤尙有可疏濬之方而民田之淹浸實別無挽回之術今若自張秋以西南北兩岸分築大隄竟置上下游於不問誠慮上游汎濫之水無所攔束當盛漲之時或由空缺之處越過新隄則新隄恐成虛設卽或上游地形較高水勢不能遽行漫溢而中段既束下游毫無隄防黃流挾建瓴之勢直趨張秋奔騰傾瀉則東阿以下至利津十數州縣城池居民益被淹沒爲害甚烈然此猶就水勢現趨東境常情測之也若築隄束水而於兩岸新隄各酌留運口三丈以爲漕船出入門戶並令運口兩岸河身之外不過二百丈使水束緊則溜急又築做草閘平時堵閉以免黃水倒灌彼黃流性激勢猛迥異他

水卽以河南現時情形比論兩岸中闊數十里而隄之高厚堅實較新築者不啻倍蓰然每遇伏秋大汛險工迭出時虞潰決今以二百丈之河身緊束洪流又以不可恃之草閘堵遏水口誠恐築做之後河性喜灣萬一下游漁山一帶狹窄處所過水稍形壅滯而上游一氣奔注則新築之隄開恐難當其衝激奪運北趨亦屬事之可慮設不幸而有此失則東省之東昌臨清直隸之天津河閒地較窪下淹沒何可言狀而北路衛河亦將日形壞裂兼以此處切近

奏稿卷八

六

畿疆害尤不可思議從前同治四五兩年試行河運議挑南壩頭口門頗費斟酌卽調任漕臣張之萬曾有挑挖穿運處深淺之間毫無把握之奏是亦深恐黃水趁溜奪運北趨之意臣等籌念及此誠不得不長慮而卻顧也惟漕運爲國家經久之規現既通籌全局築隄勢有難行亦應別作他圖急求補救茲臣等會商悉心參酌竊謂目前時勢惟有於鄆城沮河一帶遏黃水之東流卽以保南路之運道於張秋八里廟各處疏運河之淤墊卽以通北上之漕行似於東水濟運稍有裨益查現在黃水正溜洪川口實當其衝由此逐漸南移坐灣偏向東流大溜已在安山之三里鋪奔入大清河而下與前年所查形勢迥別若當伏秋盛漲水勢卽由洪川口漫入趙王河倒漾沮河或由沮河

溢入濟河衝開民堰直注東南之牛頭河而南旺南陽昭陽等湖亦將以次受水是鄆城縣屬之沮河爲黃水漫溢東南必由之路而沮河頭之娘娘廟七里鋪王家垓車家樓梅家莊等處又爲河流趨注東南必由之路現在該處尙有民堰稍資抵禦亟須趕緊加築等現擬將沮河頭車家樓民堰堵塞並築做攔壩圍隄以爲層疊保障俾其東注趙王河倒漾之水得以匯流而北不致泛溢庶牛頭河一帶雖經伏秋大汛或可免漫淹之患而南昭等湖亦可因以保護免至受淤用濟漕船行駛又查鄆城屬之七里鋪地方民圩西臨沮河河岸舊堰已經伏秋汛水衝刷殘缺此處現無黃流混入尙係清水暢流北行匯注安山

奏稿卷八

七

但隄堰極形單薄等擬加築堅厚並加廂護埽以防盛漲時黃水漫淹並免引黃趨向東南入湖之路又七里鋪以南之八里河臨河民堰亦屬黃水倒趨沮河之徑等擬加築內隄一段其七里鋪以北之王家垓亦擬添築大壩一段均爲防淹民田暨障水漸趨東南灌湖阻遏運道之路此數段工程較之築隄束水辦理稍有實際等再四熟商意見相同已由寶楨飭委題補曹州府知府趙新馳赴該處刻日購料興工趕爲督辦並添派委員會同地方官督催民堰一律加修籌發銀兩核實樽節辦理以防變遷而保南路運道至漕船將來經行之道自以張秋八里廟口門等處爲要等復同至距張秋十里東阿縣

所屬之八里廟一帶運河口門勘得口門池西淤灘現已涸露必須切去百餘丈深以見水爲度期使北注大清河之黃水與西岸牽平汛漲時得入運口浮送漕船又於滾水壩南首接續之程家灣民埝詢之土人僉稱前數年在巨浸之中衝刷殆盡此時惟有創築攔河大壩層土夯礮加廂護埽稍資得力但此處去冬水深尙三尺餘若須築做攔壩必於水底施工先將河水堵塞斷流始能舉事寶楨於會勘之下已派委陽穀縣知縣王亮采即日親赴該處監督興工務將水底腳根立定速行加高加厚俾汛水由沙河南橋來時東歸沙河北橋入八里廟運口以濟漕行其壽張縣所屬之十里鋪以北美家莊河身因黃水

奏稿卷八

八

偏注漸多涸露年來漕船到此俱係插標引導繞坡水行走仍應照辦其必應行酌挑者並飭王亮采及另派委員會同各地方官挑挖如式所用經費期無分毫浮冒其八里廟口門以內東阿縣所屬之運河至五里鋪等處以及至臨清之甄板開各州縣應挑河道新淤亦經寶楨籌發經費飭交東昌府分發各屬督同趕辦至張秋八里廟以南河道亦經寶楨飭委運河道王化堂查明應繞湖者仍須插標引導繞湖行走應挑浚者趕即擇要挑浚俾漕船到時可以乘汛北駛免致阻滯此等現在會勘辦理護運束水濬河利漕之實在情形也惟查黃流遷變靡常每出恆情意計之外等此時就目擊之地形水勢熟

籌審辦所費頗屬不貲實已竭盡愚忱期於各路兼顧然
伏秋大汛經臨情勢能否不再變更殊難預定惟有臨時
由臣寶楨就近隨時查看設法辦理總期本年漕運不誤
而於下游民田亦不至創深痛鉅一決不可收拾以仰副
我

聖主為

國為民之意 臣兆棟於二十三日即行起程沿途察看邳
宿運河情形趕回清江督辦兌運開行各事 臣廷樞在濟
查閱營伍後亦即回豫辦理桃汛防護事宜 臣寶楨於二
十三日亦起程由戴村壩勘估各壩應修工段順道折回
省城以後如有必須會商之處 臣等自當隨時往復函商

奏稿卷八

九

辦理所有 臣等會勘築隄費鉅害重未敢率行並現辦東
水行漕各事宜謹合詞恭摺具陳伏乞

皇太后

皇上聖鑒訓示再此摺係 臣寶楨主稿合併聲明謹

奏

滙陳官累請免扣坐支二成摺 同治十年四月二十
九日
奏為滙陳山東省官累情形籲懇
天恩將各州縣衛所坐支各款免其提扣二成開具清單
恭摺奏祈

聖鑒事竊維吏治之隆替視理財用人為轉圜欲為富庶
之謀宜先權出納之當山東素稱完善民間向無差徭一
切皆由官辦州縣之辦公則有地丁項下留支各款並得
挹注於漕官民相安上下交便承平日久東治漸墮道光
二十九年辦理清查遂查出州縣虧款一百三十餘萬兩
因議定於通省州縣留支項下每年酌提銀十萬兩以資
彌補咸豐四年裁省鋪司工食案內奉文分別有驛無驛

奏稿卷八

十

裁減八成六成咸豐八年接濟京餉案內奉文役食一項
核減二成九年停給鈔票案內奉文一切雜支統扣二成
役食又遞扣二成均先後遵辦在案查東省州縣留支項
下如各役鋪司工食夫馬工料以及一切雜支等款共合
銀三十二萬四千六百三十餘兩內酌提銀十萬兩又節
次減成連減併計約核扣銀十萬八千一百二兩零計
扣去者三分之二留支者僅三分之一各州縣賠累孔多
第以時值艱難不得不勉強支持共維大局行之數年究
因應支者萬難節省仍須照數支發州縣苦累日甚一日
報解寥寥同治三年經前撫 臣圖敬銘飭司細查歷年酌
提實數自道光二十九年秋季起至同治三年六月止實

祇提完銀五十一萬九千餘兩且尚有推展酌提年分接補軍需墊款之案前案未清後案又續州縣自知脫累無日疲玩成風百務廢弛虧挪日甚奏請停解酌提一款於是州縣稍輕一成之累累既稍輕責成因隨之以重征解錢糧則立限催提不任絲毫蔽匿新舊交代則嚴辦二參不任藉詞延混督率司道府州守定成法相與警戒不稍動搖自同治三年五月以後截至上年年底止東省交代任清一任已無不結之案八九兩年錢糧除災緩外八年解到司庫銀二百二十萬九千八百三十七兩零九年解到司庫銀二百二十三萬六千二百一十三兩零均完足九分以上實爲二十年來所未有儻能逐年遞增漸至分

奏稿卷八

十一

釐無欠豈不盡美盡善惟體察情形通籌終始竊恐有未能持久者蓋州縣爲萬事根本一州縣地方大則數百里小亦不下百里如緝捕盜賊拘提案犯催比錢糧護解餉鞘馳遞文報事事皆待人而理其留支各款均節奉裁定爲萬不可少之需而所以准其留支者正使之不窘於用防其廢弛並以杜其虧挪也一事有誤則處分隨之今歷奉核減扣去三分之一在州縣願慮公事仍須照數支發支發之後又須補解此一分扣款從前州縣尙借助於漕餘自定章程分文不准浮取年來銀價日昂米價騰貴迥非前數年可比以漕辦漕且多形竭蹶特以功令森嚴各州縣於錢糧正款尙皆知儘收儘解不敢稍

有延誤惟留支項下扣成各款往往不能按期完解必待交卸晉省另行籌補其有存司領墊各款者則核入交代以領墊款項抵除如力難籌補又無領墊各款抵除則束手無策惟聽參辦此近來州縣苦累之情形也伏思辦事貴有變通立法宜期經久在咸豐年間辦理減成原因時事艱危力求樽節今南北軍務大定自應講求治安培養元氣必使人重犯法然後法可常存若於州縣留支之項常使其另籌歸補甚至束手待參是法已近玩久將弊生伏讀同治三年五月欽奉

奏稿卷八

十二

克振興等因欽此仰見聖明洞察激勵廉隅至意曷勝欽佩竊維朝廷馭吏祇戒貪欺不使賂累東省吏治值此將興未替之時亟宜實力維持勿使廢墜茲既深悉州縣之累若不稍蘇其困誠恐弊實旁生將法令亦有時而窮據藩司文彬具詳請將咸豐八年各役工食內核扣二成咸豐九年一切雜支統扣二成役食內又遞扣二成各案凡歸州縣留支之款自同治十年夏季爲始一律免其扣解准其留支仍照舊減平其由司道庫支放者依舊照章坐扣俾州縣無所藉口於地方公事不敢廢弛於征解錢糧不敢挪移其所裨益良非淺鮮並開具停扣各款項清單呈請具

奏前來 覆加確核均係實在情形查東省度支專恃錢糧從前州縣率多征存不解任意虧挪以致司庫日空公用日絀自嚴辦交代以後均知挪移無可掩飾皆能自顧考成於征收時儘征儘解而藩司文彬復能實力催提精心綜覈間有一二不知自愛者即經隨時撤參近數年來司庫征收正賦已至二百二十餘萬之多實為歷來所僅有現在撥解京協各饑及本省兵饑防饑需用煩多雖未能十分充足亦尚可藉資周轉此其明效大驗也而竊以為尤可取者州縣報解較十數年前極為踴躍而卸事時之交代多於初參力求結報即有遲延亦皆不逾二參其間有於半年一奏案內或稱勒限完繳或稱飭查款

奏稿卷八

三

項者則以應解雜款各項為之轉轄耳夫州縣應解雜款考之額例所定本屬無多似不難於清解何至因此轉轄究其所由實緣自咸豐八九年來額設坐支各款均令扣減報解一經短數即應入雜列交與正款無異州縣以此有賠累之勢而又有難言之隱日甚一日困苦不支故不得不含混希冀稍緩須臾耳查額設坐支各款以夫馬工料役食為大宗而廩貢糧銀雜支等項次之此款之設所以責州縣辦公也

國家二百年來額定之款各項所支率皆計日授食未嘗虧短今一旦扣減支給則必以不敷日食藉口誤公州縣恐其誤公仍須照數支給是以坐支有扣成之名而州縣

並無扣成之實既無扣成之實而又必責以解交成銀則有罄私橐以填公用圖稱貸以彌官項者是不惟無扣成之實而轉受扣成之苦所謂賠累蓋緣於此揆之於情實為未協 近年來嚴核交案每見州縣正款皆清而雜款則半多延欠其有領墊款可抵者則准之其無領墊款可抵者則追之屆期不清一例參辦雖迫於

奏稿卷八

四

餘年百姓元氣未復坐支各項又復一再扣減至核之司庫錢糧歲入且至二百數十萬而州縣一經交卸無不結報之案是以今日之州縣較之昔日之州縣其因公賠累之實不待辨而自明矣 竊謂東省公用不在零星之計較而在錢糧之盈虛果於糧賦一事精其考核杜其虧挪俾正賦無絲毫漏卮則所入者有常經而又於出納之餘樽節核實則所出者有限制自不患度支之不足至於州縣辦公之需仍照舊准其實支不必責以支後之補解使上下之際取與分明秩然不紊庶廉吏皆有以自立而不才者亦有所顧忌而不敢為非所謂養其廉即以去其貪捐其累即以責其效於

國計民生吏治裨益實非淺鮮臣等現辦交代亦可期相承於數十年後不至遽有變更更爲計之最得者也且司道庫支放各款請免者祇州縣衛所之坐支項下應扣

二成其餘仍照章扣發在司庫所損無多而各屬有此調劑更可責其激發天良益求清晰儻稍有含混者卽從嚴立予參辦亦屬毫無愧心臣再四思維合無籲懇

天恩俯准自同治十年夏季爲始免扣州縣坐支等款二成其減平一項仍舊照辦感戴實無暨極臣爲力清正款永保交代起見謹繕應請免扣款目細數清單恭呈

奏稿卷八

五

御覽再從前扣過各款二成銀兩查有撥歸軍需者有核入交代者並有業已參虧者積歲既久頭緒紛繁容俟飭

乞

皇太后

皇上聖鑒訓示謹

奏

請在東省置買瑩地片同治十年四月二十九日

再定例官員於任所不得置買田地著

令綦嚴臣官東九載所有隨任之親屬丁口歲有喪亡本

年二月臣妻又復病故均尙未有葬地擬令臣子扶匭回

里而原籍貴州大定府平遠州久遭兵燹田廬蕩燬親族

百無一存曩時煙火殷庶之區皆爲深林密箐目前情形

回葬未易舉辦旅櫬纍纍於故鄉難遂首邱之私於異地

仍不得片土之覆竊惟掩埋之典

聖世所重臣擬於濟南府東門外華山之麓置地十畝將

妻及已故之親屬丁口暫行淺厝惟於定例未符敬懇

情籲懇

奏稿卷八

六

天恩俯賜矜全則

高厚之仁施及枯朽微臣銜結無以圖報除咨部外謹附

片陳明伏乞

聖鑒謹

奏

整頓山東水師購造船礮摺

同治十年七月二十九日

奏為酌擬整頓山東水師營務並籌款委員赴粵購造船礮開列條款恭摺具奏仰祈

聖鑒事竊照東省登萊一帶濱臨大海沿邊縣巨三千八百餘里地勢極形寥闊然其中港汊紛歧島嶼錯雜實為南北扼要之區近年海運之漕船歲至通商之賈船日多一切緝捕巡防最關緊要

臣疊次欽奉

諭旨飭令認真整頓曷敢不竭慮殫思為靖海安邊之計查東省現在情形海防之要倍於陸路而水師之練亦難於陸營年餘以來再三研究水師利病所在竊謂該營夙弊首在於營制未善兵與船分而為二而師船之不堅

奏稿卷八

七

礮械之不利與夫兵額徒多而口糧不足軍令不嚴而訓練無方又其顯而易見者也該營積弊既深自非僅建置一二員弁增減百十兵丁遂可謂之整頓必須將致弊之根源改絃更張方期漸有把握擬請先行委員赴粵購造拖船十四號並配齊洋礮軍械駕駛回東以立水師根本並飭委員在粵海等處選帶熟諳水性備弁數員及選募善於駕舟之舵工桅工泗水人等一併隨船來東以資教習並擬將該水師三營併為二營於額兵一千三百一十一名內精挑強壯戰兵七百名守兵一百名優給口食以三百八十五名為榮成水師營派分師船七號駐紮榮成縣之石島海口以四百一十五名為登州水師營亦

派分師船七號駐紮登州府城外之天橋海口其餘兵丁

即分派防守各處礮臺營汛仍習水操並將文登及前後營名號裁去其三營官弁擬酌留原設副將一員遊擊二

員守備三員千總三員把總六員外委七員額外外委七員以資應用其餘官兵悉予裁撤俾其人數少而口糧優

訓練可專責成迨日久根本立定以後有事隨時增減應用庶可紓饑力而收實效至於水師營制其機宜本與陸

路不同溯查舊章除每船准給舵工一名頭目六名之外其餘營制與陸路無別是以所用非所習所習非所用徒

令月饑虛糜名為水師而實不知水師之用甚至有船無人料理任其朽廢此即所指兵與船分之弊也今擬

奏稿卷八

六

請將水師另立營制設水師統領一員兩營營官二員兩營哨官十員兩營外委七員額外外委七員統領則以文登營副將充當營官則以前後兩營遊擊充當守備千把分帶各船為哨官其船中舵工桅工以及一切水手皆以戰兵充當自營官下至兵丁均定制周年以船為家不准上岸居住使兵不離船而練習日精船不離兵而廢爛可免庶幾循名責實始有裨益至該弁兵等既責令周年在船練習即與周年出哨無異所有口糧銀兩若照舊例支給實屬不敷養贍於操練仍無實濟擬請酌量加增俾其衣食有資無須別謀生理除把總以上例支俸廉等銀足敷辦公無庸酌增外其外委以下每員每月所得饌銀萬

不敷用擬請於額例應支俸廉薪蔬饌乾外酌量加增至
於舊額以及加增銀兩臣就現在挑留之官弁兵丁人數
核計每年約需俸廉饌乾米折等銀共三萬八千四百八
十餘兩較舊額每年需饌銀四萬一千七百餘兩計已節
省俸薪饌乾銀三千餘兩又其中裁去各兵省去兵米一
千五百餘石復節去銀一千五百餘兩是水師雖云增饌
實較舊例額支省去銀已及五千餘兩饌項既不加多而
各官弁兵丁均得實惠益形踴躍各專職守不准別計營
生久之練成勁旅八百人莫可敵千萬人之用似較之兵
多饌絀徒糜無補者得失固有在也營制既定口糧既足
臣當嚴申軍令明定規條督飭統領營官等日加訓練有

奏稿卷八

九

功則錄有過必懲不稍寬假並令將各礮臺擇要依法修
築每年各按汛地認真巡哨務期日有起色臣謹就管見
所及酌擬條款八條恭呈
御覽如蒙

俞允照行臣擬與藩司文彬籌措銀十萬兩遴委委員赴
粵先行購造船礮第司庫款項多係地丁錢糧每年供支
京饌及各省營協饌已屬入不敷出若再籌此鉅款實覺
無從設措臣通盤籌計擬請在於東海關常稅項下提銀
四萬兩臨清關稅項下提銀六萬兩惟臨關連年水涸收
數短絀一年萬難足數應請以兩年合計如兩年之內除
提尚有長餘仍卽劃出解部至此項銀兩應請先由司庫

籌撥以期迅速隨後再以提項歸款庶免曠日需時再查
師船既須赴粵購造所有一切木料價值以及匠作工資
未能預計又海水素鹹船板最易浸壞此次必須格外加
厚並擬於船身及船內艙面另加鐵皮包裹一層俾資經
久其船中應配礮位亦擬在粵購造如此結實辦理恐經
費更覺加多現籌之款能否敷用尙難懸擬應俟造成後
照實用價值核實報銷至條款內所議各條俟礮船到日
試行一年後如有必須更改之處再當隨時悉心核議奏
明辦理其一切官弁兵丁等另議營制及應支舊額新加
各銀米細數亦俟奉

奏稿卷八

十

整頓東省水師條款並請籌議款項委員赴粵購造船礮
各緣由恭摺具奏伏乞
皇太后
皇上聖鑒勅部覈議施行謹
奏

謹將酌議整頓東省水師條款開列清單恭呈御覽

一製造師船以立根本也水師有戰船猶陸路之有營壘陸路無營壘無以利戰攻水師無戰船兼且不能操演東省船制向有紅頭與趕繪二式類皆首尾大小均齊形製笨重加以趕繪船則船頭過高紅頭船則並無槳櫓海面均不適用道光二十九年東省舊船遭風擊碎始有雇募廣艇之議查廣艇本名拖繪船形勢與紅丹船相類其初創自粵東沿海漁戶用以捕魚官軍見其涉洋便利因配以大礮軍械在粵海緝捕頗著功效其後調赴江南勦賊扼守長江水師亦與有力臣徧詢熟諳諸水師之員僉云拖

奏稿卷八

三

繪船頭尖尾大利於乘風破浪且船身甚低無虞轟擊可施槳櫓河海皆宜師船之善似此較優此次擬請仍派員赴粵製造此號拖繪船共十四號內十二號各身長七丈六尺頭寬八尺中寬一丈六尺尾寬二丈中間艙深七尺五寸三桅大桅約高七丈六尺頭桅約高四丈九尺三桅約高三丈四尺舵一面約長二丈一尺寬八尺左右各八槳又二號身長九丈頭寬九尺中寬一丈八尺尾寬二丈二尺中間艙深九尺三桅大桅約高八丈二尺頭桅約高五丈二尺三桅約高三丈七尺舵一面約長二丈六尺寬九尺左右各十槳以上各船均帶隨船舳板一隻兼各備雙櫓為趕程之用通身兩層板成造外層板厚八分內層

板厚二寸四分船身包裹鐵片一層艙面再加厚板一層亦包鐵葉一層以防震裂其帆纜錨碇皆預購二分以備更換餘如淡水櫃飛火御筒一切應用之物皆備辦齊全前項船隻即責成督造之員認真妥辦務須工堅料實毋得一毫苟且俟造成抵東後即分撥登州水師營六隻各編字號為該營師船餘大船二號作為統領戰船以備駐紮操防之用除造成照例飭取保固外每屆大小修及應行折造之年應俟船到後查看再行籌議奏咨辦理

奏稿卷八

三

其所為攻堅致遠擒斬制勝者全恃大礮至於刀牌槍矛則必須舍舟登岸追勦賊乃可得用茲擬每號拖繪船頭桅後配二千觔大礮一尊尾配五百觔大礮二尊兩旁配千觔大礮四尊二百觔礮四尊子母礮八尊敞口礮二尊每船共大小礮二十一尊皆用磨盤礮車以期靈動其統領船內惟頭桅後之大礮改用二千餘觔或三千觔者餘則大小盡同又每船應配鳥槍十二桿藤牌十四面牌刀十四口長矛十二桿以及竹帽四十五件統計拖繪船十四號應用大小礮位二百九十四尊鳥槍一百六十八桿藤牌一百九十六面牌刀一百九十六口長矛一百六十八桿竹帽六百三十件以上槍礮自以外洋精製者為

佳應請不惜重價責成造船委員認真採辦其藤牌刀矛
呂網等物粵東所造最為精良應飭一併配齊回東其一
切火器祇須訪求善式由營自行加工製造至火藥礮子
二種在軍中尤為緊要之物應責成該營統領督同營官
等加工監製不准草率務使火器各項漸就精良以收實
用至於沿海礮臺島岸水城等處應用大礮及防守各礮
臺營汛兵丁應用之鳥槍軍械等物應俟查明該水師營
現存礮械數目分別可否應用然後酌量補購以節糜費
而昭周密

一裁併兵額以收實效也溯查登州水師舊隸登州陸路
總兵所轄康熙四十三年添設前後兩營額兵一千二百

奏稿卷八

三

名五十三年裁後營道光二十三年防洋善後案內復添
後營三十年前任撫臣陳瓊偕於遵

旨籌議海防案內奏准將登州鎮改為水師兼陸路並將
該鎮所轄之陸路文登協副將亦改為水師抽裁該鎮陸
路兵丁添設文登水師營現在核計文登協額設副將一
員守備一員千總一員外委四員額外外委四員戰兵三
百九十名守兵九十六名前營額設遊擊一員守備一員
千總一員把總二員外委四員額外外委二員戰兵三百
一十名守兵二十八名後營額設遊擊一員守備一員千
總一員把總三員外委五員額外外委五員戰兵四百四
名守兵八十三名共計水師官三十九員兵丁一千三百

一十一名人數雖多然卒不得一兵之用前歲臣飭將老
弱刪汰因無船訓練尙未募補今若必復一千三百餘名
之舊額即使額饒足數而為數過少不足以養其身又安
能以束其心徒使人數多而饒項虛糜綠營之弊大率在
是臣再四籌思與其增兵缺饒而徒募虛名不若裁兵併
饒而胥歸實用擬請於原額一千三百一十一名內酌留
戰兵七百名守兵一百名分為兩營以戰兵三百六十五
名守兵五十名為登州水師營以戰兵三百三十五名守
兵五十名為榮成水師營其餘五百一十一名暫行裁撤
卽以裁贖之兵饒加作現兵之口糧俾其足敷養贍無以
藉口然後責之以勤操彼既有所利而樂為我亦有所恃

奏稿卷八

三

以行法此練兵之大要也至於以兵配船計登州共派師
船六號統領戰船一號每號應配兵四十五名共戰兵三
百一十五名其餘戰兵五十名守兵五十名分派防守水
城島岸各處礮臺各項差使之用榮成共派師船六號統
領戰船一號每號應配兵四十五名共戰兵三百一十五
名所餘七十名內以戰兵十名守兵四十名分駐膠州作
為哨探之兵以戰兵十名守兵十名留於該營以為防守
臺臺各項差使之用至該營水師官弁以文登副將為統
領督駕戰船二號更番駐紮於登榮兩處以便督操其登
州水師營則以原設之後營遊擊作為營官督駕師船一
號並以守備一員千總一員把總三員各管駕師船一號

作為哨官榮成水師營則以原設之前營遊擊作為營官督駕師船一號並以守備一員千總一員把總三員各管駕師船一號作為哨官其後營原設之外委五員酌留三員裁去二員額外外委五員酌留三員裁去二員前營原設之外委四員酌留二員裁去二員額外外委二員全行酌留至文登營額設守備一員千總一員應留作為統領兩號師船哨官之用並酌留額設外委二員額外外委二員其餘原設之外委二員額外外委二員亦行裁去其所留外委額外外委十四員除分帶師船外應由統領酌派外委額外外委各一員管帶哨探兵丁分舢板二號駐紮膠州其餘各員並分派帶兵防守扼要之島岸礮臺及在

奏稿卷八

差

船聽候調遣仍令日習水操不得徒事株守又該三營既併為二營所有文登水師營及前後營各名目即行裁去惟文登協副將以水師兼管陸路之處仍毋庸議改俾其於操練之暇兼顧陸路至該三營各兵共計應裁去戰兵四百零四名守兵一百一十七名通共去額兵五百二十一名其何營可裁可留若干刻下尚未據委員點驗未能預計應俟欽奉諭旨照行後再行遴員前往會同該營鎮將詳加點視考驗分別應留應裁實數再行奏咨存案如此核實辦理庶幾兵歸實用而饒不虛糜矣一 改定營制以除夙弊也查用兵之道選將為先而在水

師尤為要務從前撫臣陳慶偕請將登州鎮改為水師兼陸路者亦為慎重水師起見惟臣細查海疆情形寥闊異常而登鎮所管東三府陸路地面周圍亦不下二三千里地勢既廣稽查匪易且水師陸營用各不同即操練一切迥異總兵能習水師者必不長於陸師習陸師者必不精於水師一定之理今若以一人兼管水陸必有得此失彼之慮臣現擬將此次所辦水師定為專汛統領一員即以文登協副將充當其官銜則為統領登州榮成水師兩營副將易去文登水師名目復設營官二員登州水師一營即以登州原設後營遊擊充當其官銜則為管帶登州水師營遊擊榮成水師一營即以前營原設遊擊充當其官

奏稿卷八

美

銜則為管帶榮成水師營遊擊守備千把等官歸登州水師者其官銜則為分帶登州水師營兵船守備千總把總歸榮成水師者其官銜則為分帶榮成水師營兵船守備千總把總至歸入統領管帶兵船之守備一員千總一員其官銜則為登榮水師協管帶兵船守備千總又酌留外委七員應分入登州水師營四員榮成水師三員額外外委亦照此分入其官銜歸登州者則為登州水師營分防外委額外外委分入榮成者則為榮成水師營分防外委額外外委至該兩營水師應改歸巡撫自行統轄其統領以下各官仍由巡撫專揀精習水師之員專案奏咨先行試署俟一年之後查明實能得力再行請補如此定立營

制或不致復蹈舊習至現在之副將遊擊以下各員如係實缺應俟奉

旨准行後由臣詳加察看如果能勝任即照依奏咨充當如該員弁等有不能精習水師者應請改歸登州陸營以原品原銜改補其裁去之署事候補各員弁等亦請改歸登州陸營差遣候補俾免向隅至水師制勝之具在於船堅礮利而能用船礮者首在乎舵工得人南省舵工之良者俗又謂之駕長上能測驗雲氣以防風雨下能熟習海道以避沙石中能計大礮致遠之里數而運掉船隻以操其命中之權故海上交鋒不特一船之人皆依以為命即為將領者亦與之商推攻守之宜以為進退其所繫之重

奏稿卷八

七

如此舵工之次則有桅工又名班手平時用以登高瞭望整理篷索遇敵則攜礮緣升桅頂斗上發礮及拋擲火罐以焚擊敵船非捷而有膽者不足以膺斯選以上二項皆師船之頭目如勇營之有哨官隊長一人而兼數人之口糧者也又其次則有大線工大礮手副舵工副桅工礮手刀牌手長矛手探水頭旋木匠隨船舳板工等項名目其槳櫓手則以槍礮刀矛等手兼管一船之人莫不各有兼長之技蓋由其平日以船為家日久練習無稍間斷同船之人亦情意相洽無彼我之分故遇敵能各自為戰又能聯為一氣也查東省水師舊章每營祇分弓箭籐牌鳥槍礮手四項兵各若干名並云舵工號令均在其內而已

臣細加考核不特舵工非該營兵丁所能充當即各項水手亦皆由臨時雇募至桅工之用則營中絕無知之者蓋因舵工頭目每年例定工食祇有數金人以其不敷餬口遂皆不願充當而每年由外籌給之津貼巡洋經費亦不敷長年雇價之用是以該營每屆巡洋之期多雇近海漁戶為之而配以兵丁出哨兵丁既非素習風濤一出大洋每多昏暈顛仆不能施放槍礮漁戶則以賤值受雇賞罰之所不及更不肯捨身禦賊是以不能得力甚至捏報出洋以圖塞責及回哨則漁戶受值歸家兵丁亦陸居散處即有師船無人料理徒任其朽壞於荒沙僻島之間臣查閱舊卷見東省水師屢次失事推原其故一由師船廢擱

奏稿卷八

天

日久船身圻裂稍遇風浪即成散渙一由兵丁既未練習出洋水手更屬不關痛癢故一遇賊即棄船逃走水師廢弛至於此極茲欲痛革其弊非合兵丁與駕船之人為一而責令終年在船習練不可查水兵之於駕船猶騎兵之於乘馬未聞陸營於騎兵之外別設馬夫則水師亦不得於戰船之中另添水手然而人皆願為馬兵而獨恥為水手者則以陸營之制馬兵之口糧較優又守兵必須拔補馬兵然後能遞升外委千把以至將領故人人以馬兵為行伍出身之途而欲得之至水師之舵工頭目人等工食既非優厚又無進身之階故不特南來之善工不肯應募即本營之戰兵亦不願兼充也此次整頓水師擬請於每

號拖船內各設舵長一名副舵長一名桅長一名副桅長一名大線兵二名頭線兵二名大礮兵二十名礮兵十五名探水兵一名木匠兵一名計每船四十五名皆以戰兵充當不准一名臨時雇募其線兵大礮兵均令兼習刀牌長矛礮兵鳥槍探水兵木匠兵二項共兼管頭舵及隨船舳板並刪除舵工某手等項名目改爲舵長桅長某兵行船時除舵長桅長線兵各有專司外餘人均令兼習張帆起錨掉槳搖櫓等事更番出力以均勞逸平日分派次序不許臨時推諉並請援照陸營馬兵拔補額外委及水師營守備越級升補遊擊越級升補副將之例准將拖船之舵長桅長由臣考驗擇其技藝精熟者

奏稿卷八

无

舵長則越級以經制外委記名俟其試驗一年之後如果勤奮遇有經制外委缺出准其與應升應補人員相間拔補桅長則以額外外委記名亦俟一年試驗期滿其勤奮者遇有額外外委缺出准其考取拔補補缺之後或一時無人可以替充舵長桅長則仍令其人以本職兼充准其兼領本職俸薪等銀及舵桅長口糧以資熟手而示鼓勵其舵長桅長缺出以副舵長副桅長分別考較充補儻其人不能諳練或有別故則在各項戰兵之內秉公考取練習各事能勝舵長桅長之任者令其充補如本營實在無人堪以充當然後准其在外招募此項外募之人應俟兩年試驗期滿方准考拔外委及額外外委之缺至線兵大

礮兵以下各戰兵均照陸路馬兵拔補額外外委之例較論勞績技藝以爲拔補次序之先後其勞績技藝相等者則以入營月日之先後爲次序其守兵拔補戰兵亦與陸營相同如此明定章程使兵丁與駕船之人合而爲一而又有出身之途庶可以資奮興而收實效至舊章弓箭兵一項在陸路固爲制勝長技然施之師船風浪顛簸之中誠恐箭射無準徒具虛名無裨實用應請刪除並請每營祇定以戰兵守兵額數毋庸分別大礮鳥槍刀牌長矛每項各若干名俾得互相練習各有兼長且因一船之人數有限不敷逐項分派兼以杜其臨事互相推諉也此節於舊章多有變通而於水師則可期整頓固未可憚更張之

奏稿卷八

三

煩而仍蹈因循之習也
一申嚴軍令以精訓練也自古大將之能驅千萬人於鋒鏑之中而得其死力者恃有賞罰而已信賞必罰雖市人可驅之使戰若賞罰不用雖有節制之師亦無能爲役軍興以來勇丁皆募自閭閻非所謂市人乎練營兵丁受國家二百餘年豢養之恩非所謂節制之師乎然而勇丁每所向有功緣營則罕聞制勝豈兵果不良於勇哉亦以賞罰之權有行有不行耳查勇丁口糧每月支銀三兩數錢不等兵丁以水師而論戰兵每月支銀一兩五錢守兵每月支銀一兩在勇丁則衣食有餘在兵丁則飢寒不免是勇營之賞行而緣營不行也勇丁違犯軍令營官得以

軍法從事而綠營則笞杖動拘文法未聞敢有斬一兵以肅軍令者是勇營之罰行而綠營不行也此次辦理水師自應嚴定賞罰以期整肅除口糧一節另款籌議外應請申明軍令其水師營自外委以至兵丁如有抗違軍令情節較重者均於審實後准統領官隨時稟知到臣就營軍法從事其餘尋常事犯及千總以上各官有犯除應棍責及插箭遊營仍准統領官專決外至犯該徒流以上仍照例稟報臣衙門聽候核辦不得擅專至成營之初首應料簡精良除原營各兵已由臣嚴加刪汰外此次仍派委大員會同統領官督同營哨將現有之兵逐一點視考驗如有疲玩不堪教練者悉數開除其餘年力材具尙堪造就

奏稿卷八

三

者准其留營學習以示體恤舊兵之意其不足之數即在東省沿海招募熟習水性之人充補不論新舊兵丁皆取其年貌籍貫保人存案並須一律挑選年力少壯之人不准一名徇濫又水師兵丁從前本無訓練之方自師船廢壞益以荒疏此次新船到東駕駛萬難得力相應請援照道光三十年前撫臣陳慶偕奏案准令督造師船委員在粵海等處選募熟習水師備弁數員並酌帶舵工桅工線手礮手及善於泗水精製火器之人十數名隨船駕駛來東以資教習此項備弁亦援照奏案遇有水師應拔之缺准其與東省備弁一體考拔其原有大銜者並准其照長江水師之例借補小銜至舵工桅工二項即照前條所議

俟試驗一年然後准其拔補外委及額外外委之缺其線手以下即補戰兵如此辦理既可使合營有所效法亦免往返資送之煩一俟新船抵東所有新舊各弁兵即按定各項職役日夜在船練習自營官下至兵丁皆不准一日離船陸居至於訓練之法舵長副舵長則練習測驗風雨熟記沙石運掉船隻講求礮法等事桅長副桅長則練習攜礮升桅焚擊敵船等事線兵則練習風信專司篷索泊船時仍以二人兼習刀牌二人兼習長矛其管五百舢以上礮位者謂之大礮兵內一半兼習刀牌一半兼習長矛二百舢以下礮位者謂之礮兵均兼習鳥槍計大礮二千舢以上者四人共管一尊千舢以上者三人共管一尊五百舢以上者二人共管一尊二百舢以下者一人各管一

奏稿卷八

三

尊至於子母等礮則一人可以兼管兩尊凡派定專管某礮之兵務令各精其業不得時常更易至每日操練礮位後則專令精練泗水之技日以為常每月由統領閱操一次每年回哨之後復將兩營合操一次俾不致有參差且可隨時勸懲至礮兵操練靶之法有三一以陸路打陸路之靶凡礮臺之下臨陸營設為發礮遇敵者是也此等靶其形制雖與尋常者無異然必須隨地勢之高下遠近量礮位之大小一一立靶試放有準使敵人不能薄我礮臺斯為得力不准祇圖倖中致成虛套一以水路打水路之靶凡師船設為彼此紮營不動而交戰者又設為我軍紮

營而禦敵船之乘間劫營者又設爲彼此駕駛而練習迎擊追擊之法者皆是也此等靶卽與常靶不同應以破船爲之或用木筏加以篷板作爲敵船緊要處所及人立之地以爲標準此筏或繫一處或放中流師船則時而聯船排擊時而單舸追逐務於出沒風濤之際施放槍礮猶能有準乃盡練習之功至此時操練能長則視其運掉之功練兵則視其操縱之力桅長則視其騰躍焚擊之奇泗水則視其潛伏浮沈之巧此誠水操之至要者也一以陸路而打水路之靶凡臨水礮臺設爲飛擊敵船之駛來相攻及遙繫水營相困皆是也此靶亦以木筏象敵船之形大致與水路打水路之靶相同而穩便過之蓋礮臺之設多

奏稿卷八

三

於水道扼要之區沙綫灣環敵船不能頃刻驟至在我可以從容命中其穩便一也有堅厚牆垣相蔽礮子不能穿洞火箭不能焚燬其穩便二也足踏實地非如戰船之上下顛簸則發礮尤易有準其穩便三也此次訓練弁兵應剴切申諭使之各明紀律有過必懲庶一切練習打靶之事不敢不力求精熟以上訓練之法不外乎此至於相機調度出奇制勝則在乎臨敵制宜又非可以成格局矣一酌增口糧以恤兵艱也水師弁兵出洋巡哨日冒風濤之險動與性命相連與陸營兵勇平居無事者甘苦迥異且令其終年在船亦與陸兵練習之後卽可回家別謀生計者不同若非口糧稍加優厚不足以示體恤而昭激勸

奏稿卷八

三

查水師定例副將每員每月支俸銀四兩四錢五分五釐薪蔬等銀二十七兩又每年應支養廉銀八百兩遊擊每員每月支俸銀三兩二錢七分八釐薪蔬銀十六兩又每年應支養廉銀四百兩守備每員每月支俸銀一兩五錢五分九釐薪蔬等銀六兩又每年應支養廉銀二百兩千總每員每月支俸銀一兩二錢四分七釐薪銀二兩七錢五分三釐又每年應支養廉銀一百二十兩把總每員每月支俸銀一兩三分九釐薪銀一兩九錢六分一釐又每年應支養廉銀九十兩外委每員每月支俸銀一兩五錢米三倉斗又每年應支養廉銀十八兩額外外委戰兵每名每月支饌銀一兩五錢米三倉斗守兵每名每月支饌銀一兩每例馬一匹月支乾銀九錢以上皆大建月核算者自把總以上每員月扣朋銀二錢外委額外外委戰兵每名月扣朋銀五分守兵每名月扣朋銀三分又把總以上閏月其俸薪養廉等銀例不加增外委額外外委戰兵守兵遇閏月其銀米仍照例加增此水師饌銀之定額也自把總以上各官其俸薪養廉全數支領足敷辦公之用惟外委每月連養廉核算祇得銀三兩除扣朋銀五分所得尙不及一名勇丁口糧之數至額外外委戰兵二項每月除扣朋銀祇得銀一兩四錢五分守兵每月除扣朋銀祇得銀九錢七分無論不能養贍家口卽一身衣履之需亦無所出一經入伍又不能別謀生計其困苦情形殊堪

憫惻從前弁兵巡洋雖准於例餼之外籌款量加津貼然為數無多且除出哨方准支領回哨即行停止今既責成該弁兵等周年在船練習即與周年出哨無異自應酌加長年口糧以資食用除把總以上各員仍照舊例支領毋庸酌增外擬請外委每員每月酌加津貼口糧銀三兩額外外委戰兵每名每月酌加津貼口糧銀一兩五錢守兵每名每月酌加津貼口糧銀五錢以上弁兵仍准其支領舊例應得之餼銀米折至戰兵內之充當舵長桅長者仿照礮船章程舵長每名每月支給口糧銀六兩桅長每名每月支給口糧銀四兩五錢副舵長副桅長每名每月支給口糧銀三兩九錢以上四項其本身所充之戰兵口糧

奏稿卷八

差

即在數內仍照戰兵每名每月支給例定米折銀兩各弁兵等新增之銀米遇閏月應照正餼之例加增其應扣朋銀及遇小建月應扣銀米等款仍照舊章核扣此外舊設之公費雜支亦仍照給惟紅白賞卹等款既經酌給津貼應行裁去以昭簡易至該營額設例馬准其酌留三十四匹惟馬匹原非該營急需其餼乾應仍照舊支給不必加增所有新增之餼請即在裁廢各兵一切餼項內估計支銷毋須再籌別款以期經久至此項酌增口糧係為水師終年在船操練與陸營安坐謀生者不同他營弁兵自不得援以藉口如此則兵丁衣食有賴不另營生必可專心致志勤其職業日久自能精練踴躍倍常庶數十年水師之

廢墜或莫從此奮興而緩急差有可恃矣

一修築礮臺以嚴守衛也登州海道南北綿亘三千八百餘里內有海口三十餘處島嶼八十餘處從前曾有扼要處所如蓬萊縣所屬之水城天橋口西山黃縣所屬之黃河營紀嶗島文登縣所屬之馬頭嘴五壘島祭祀島榮成縣所屬之石島口養漁池龍口崖海陽縣所屬之黃島嘴丁字嘴等處築建礮臺十三座又於各縣之次要島岸築有礮臺五十六座星羅棋布頗為周密無如日久失修每多坍塌兼之係用甄石所築未能合法終恐難資捍衛臣上年查閱海口具悉形勢擬請俟營制既定之後由臣行令該鎮道等再加踏勘擇其至要者籌款重新修築其不

奏稿卷八

美

甚緊要者暫緩修理既可節省經費亦免兵分力薄防不勝防之弊其修築之法擬改為以三合土築成圓臺每臺築牆垣二層務令堅厚一概不用甄石免受礮子推擊之患其臺頂亦圓而下垂臺下環以深壕使礮子到頂皆順其勢墜入壕中並可防敵人開挖地道又臺中應開鑿池井蓄水並預籌藏儲火藥新糧之處臺下亦暗掘地道或數里許為出入致勝之用築成之後設立水陸二靶將臺中礮位逐一試驗有準並令統領各官督率師船至臺下互演攻守之法務期計出萬全毋使臨事周章至此項工程從前未經辦有成案其每臺需用銀數無從懸擬應俟詳細勘估之後再行奏明籌款興辦

一歸併汛地以厚兵力也查舊章水師各營所分汛地前營所轄自江南交界之鷹游門起至文登營交界之馬頭嘴止計洋面一千六百八十里文登營所轄自前營交界之馬頭嘴起繞過成山至後營交界之芝罘島止計洋面八百七十里後營所轄自文登營交界之芝罘島起至直隸之大沽河交界止洋面七百二十里又北至北城隍島池北至奉天之旅順營交界止洋面三百三十里共計洋面一千九百二十里前營共分二汛文登營共分三汛後營共分四汛以千總把總爲專巡守備爲分巡遊擊副將爲總巡總兵爲統巡遇有事故指明島嶼以專責成每年會哨並於交界處所報明地方文武互相結報以上各節

奏稿卷八

三

立例似爲周密然核實籌思其弊有三蓋各營既分汛地勢必各給師船方能責其守禦然以現在之師船十四號而分紮各汛平時既不能合操有事又猝難調集徒使兵分力薄終致不得一船之用其弊一也分汛既多則交界之處亦多遇有事故彼此易生推諉雖有指明島嶼之條而海道渺茫事生倉卒亦未易確分疆界其弊二也行軍之法爲將領者必當身先士卒然後能責弁兵之奮勇向前今以海疆要地軍務重情乃僅以千把微員當專巡之任不特不足以資鎮壓且恐該將弁等自恃諉過有人遂周年安坐衙齋不敢出洋冒險是設此例徒爲該將備等遇有失事處分避重就輕之地實無益於營務其弊三

也此次整頓水師凡事皆力求實際則此條亦應另議查防守最期扼要而兵合乃能力專擬請將師船十四號分爲兩枝每枝各分師船七號一枝駐紮榮成縣屬之石島海口即名爲榮成水師營一枝駐紮登州府城外之天橋口即名爲登州水師營並將舊名前後營字樣裁去此二處在海口中最爲衝要之區上下扼紮則各處要口足資控制毋庸多分兵力致形單薄每年仍照舊三月出哨九月回哨一可履涉大洋熟習風浪一可明悉沙綫臨時制敵至出哨師船之數每年每營應以三號出巡三號留操以備緩急由該營遊擊派出報明查考其兩營遊擊守備亦一律分年出巡如此營以遊擊出巡守備留操則彼

奏稿卷八

三

營以守備出巡遊擊留操遇有賊匪准將留操之船酌調前往協同緝捕年終儻有失事惟該兩營遊擊是問所有舊章專巡總巡各名目一概刪除以歸簡易而昭核實其總巡戰船二號亦令分年出巡以資鎮壓並稽查兩路師船勤惰如此則三千八百餘里之洋面聲勢可期聯絡而海疆庶不致漫無防範矣其餘未盡事宜統俟奉旨允准後由督同藩臬兩司及登州鎮道悉心核議再行分別奏咨辦理

預籌海防情形片 同治十年七月三十日

再東省水師從前未有夷務之時僅以護送行旅嚴防盜賊情形尚緩今則夷務方殷水師實第一切務然臣竊謂水師之得力者仍恃以爲沿海陸路之聲援而非必與洋人爭戰於大洋也蓋我之土地人民貨財皆在內地而不在大洋卽洋人此時之所以矜奇炫異於洋面者亦以現在彼此相安藉爲往來通商之路若一旦有事彼必與我爭陸地而決不與我爭大洋此情勢之必然者矣臣年餘以來以洋人現在之用心揣其日後之詭計如事機稍有不順天津則其必爭以爲要挾之地上海則其必據以爲根本之圖而其中間寄頓糧草轉運煤水緩急可便於接

奏稿卷八

美

濟者則必在山東夫山東當有事之時凡沿海邊界以及島嶼居民皆當徙置內地居民旣已遷徙則糧食財物隨之而徙其不能與之俱徙者則房屋林木井泉之類然亦必盡焚燒填塞不使稍有留餘以資寇糧此時所謂大洋者除煙水茫茫之外所有皆窮沙荒島洋人亦何所圖旣無所圖則必將棄之而與我爭城池矣彼與我爭城池則其開花炸礮誠爲利器我外無以與之牽制而任其泊近內洋日事轟擊雖善守者不爲功是必有得力水師以與之駛逐於近城數十里之洋面使彼不能泊近內洋縱其槍礮精良亦不能遠在數十里之外攻我城池而水師倚附城垣卽可以互相策應不致孤軍受敵我之水陸互爲

聲援則洋人內不得近城外無所擄掠必成坐困之勢此臣所謂水師仍恃爲沿海陸路之屏蔽而非與洋人爭戰於大洋者也至於山東形勢沿海雖有八百餘里而其中城池之近海者惟登州府城與文登甯海榮成數處餘則相距海邊或一二百里或數十里不等且皆港汊紛歧紆曲淺塞不通大舟其水道亦爲洋人素所不習縱其時窮而鋌走不可不慮然彼固恃船爲憑依若一經遠歷陸道則失所憑依而勞逸主客之形制之亦易爲力臣竊計有事之時洋人與我爭城池必致力於登州蓋登州爲煙火繁盛之地得之則後路之食物易通且爲南北扼要之區得之則津海之咽喉可塞是洋人之注意者在此卽我之

奏稿卷八

早

所必爭者在此况登州府城洋面之長山島廟島等處距城僅四十餘里而長山廟島以內水深者不過一二丈淺者或僅數尺若令洋人泊近該島而以小舟載礮攻城則彼之洋礮可以遠擊二十里之內而我守城之礮斷不能遠及二十里之外卽使我之礮能遠及而彼攻我城較之我攻彼舟其得勢固在彼而不在我矣故必有水師於近城內洋與之角逐然後可得而守也至登州城爲天津門戶而榮成則爲登州藩籬蓋榮成切近成山勢本天險此處駐一水師則洋船自南而北可以首先防禦而登州繼之卽洋船繞越榮成窺伺登州則榮成可以躡其後路登州水師禦之於前榮成水師躡之於後使彼不得志於登

州斷不能遽窺天津臣現籌登州與榮成分駐水師各一
 營者用意即在於此顧或者曰洋人所用者輪船其堅厚
 便捷風濤皆利今以艇船與之角勝勢必不能臣竊計洋
 人之用輪船也本以為載貨通商取其載多而行速可以
 獨網厚利若兵船恐未必皆用輪船即使用輪船亦不過
 調用時取其載多行速若實當攻戰之際亦未必用臣且
 以常理測之大凡兩軍交戰必須列陣陣勢立定然後槍
 礮可以命中進退可以自如彼洋船行駛大洋瞬息可十
 餘里誠不便與人接戰即云洋礮極精可以致遠然亦必
 須船定而後礮能取中若船駛而用礮則礮必無準而又
 安能勝敵又况輪船雖大其在外洋亦頗顛簸蕩漾夫施

奏稿卷八

望

放大礮眼光手法稍不畫一則差之毫釐謬以千里洋人
 之礮速則誠速然必不能於手眼之外更有制勝絕技也
 且輪船利於大洋遇淺則擱當有事之時我既無所顧惜
 於大洋固無所用其輪船而洋人與我爭持於內地亦必
 易輪船而用剝船彼既易用剝船則與我之艇船相等此
 中勝負之機又決於員弁兵丁之有無膽氣與夫平日技
 藝之是否精練固不盡在船之堅捷否也臣現定練水師
 之法期於專習打靶精練泗水之技者意實在此至於臨
 時用事即艇船尚嫌其笨擬參用舢板以期愈小愈靈即
 曲港窄流皆可來去以盡多方牽制之術似與造用輪船
 各有得力至於東省洋面之大八百水師實不足以敷展

布然此時係暗為預備非旦夕所急需若遽用多人餽項
 無出且人多則約束稽查難周操練必不能精細臣現籌
 以八百人分營訓練期於耳目易周練習無所掩飾至練
 成勁旅之後一旦有事則招募沿海精壯漁人熟悉水性
 以此兩營領之雖頃刻成營稍加訓練即可收指臂之益
 而餽項亦不至於煩費此臣所謂先立根本之意抑核實
 之一道也伏以海防為
 國家最要之圖既籌預備之方非徒敷衍於目前必將深
 謀夫久遠臣知識愚昧僅就管見所及彼此參觀悉心計
 議是否有當謹附片密陳伏乞
 聖鑒訓示謹

奏稿卷八

望

奏

密保京外各員片 同治十年八月初一日

再東省切近

畿疆海防情形最關緊要 籌辦師船亟欲規久大之計而惴惴焉惟懼弗及固不慮兵饑之難籌而深憂人才之不易也蓋事之極關重大者非真得強毅任事之人規畫其開雖有善法非以敷衍壞之卽以遷就失之迨至事機迫切貽誤曷可勝言 念及此寢饋難安自籌計水師以來於素所見聞各員留心諮考或吏治足信而謀略非其所長或智計頗優而心地終鮮踏實求其真能任事者未易其選惟查有現任藩司文彬氣局開爽剛健樸誠 特保之充派曹濟道長庚謀勇兼優膽氣絕倫此二員者

奏稿卷八

呈

緩急足恃實為東省不可少之人此外有候補知府薛福成純粹果確志趣超邁在知府中極為傑出外省則有貴州候補道吳德溥心術正大貞固不搖 前在黔時與之辦賊深服其馭軍撫民條理精密而海疆情形亦頗周知又刑部郎中文天駿留心時務沈摯開通若使歷練外事亦近時難得之才以上如薛福成吳德溥二員於山東沿海道府要缺洵能幹濟艱難如蒙 簡用必能不負任使至文天駿一員可否 飭發山東先行差遣俾其練習邊防究心外事俟一二年查其才真有為再行奏請 錄用 為東省屏蔽

京畿當此時勢需人儲才最急既確有所知不敢不據實

上聞敬備

採擇謹附片密陳伏乞

聖鑒訓示謹

奏

奏稿卷八

呈

黃水衝缺侯家林民堰請截漕備賑摺同治十年九月十一日

奏為黃水由沮河東岸侯家林地方衝缺民堰漫水東趨

被淹較遠現已籌款先行撫恤並請分別截留曹濟等屬

漕糧就近備賑咨會河臣勘辦堵缺築隄事宜恭摺馳陳

仰祈

聖鑒事竊臣接據署鄆城縣知縣鄭紀略稟報黃水於八

月初七日由該縣東南沮河東岸侯家林衝缺民堰漫水

下注並據汶上嘉祥濟甯各州縣先後稟報黃水於十一

日由南旺湖西北湖隄缺處灌入湖內並由各該境之趙

王牛頭等河漸趨東南下游歸入南陽湖各等情臣當即

派委候補道潘駿文前赴該處決口及漫水所至查看情

奏稿卷八

聖

形並因被淹州縣地畝較寬晚禾及豆甫經登場勢必遷

移不及一面行司籌款委員分發各屬先行擇要撫恤毋

令災黎失所去後茲據潘駿文查得此股黃水係由鄆城

西南趙王河東岸紅川池北缺口正溜之分支衝缺縣城

東南侯家林民堰現在決口約寬八九十丈水深約二丈

餘沮河正身尚未斷流其由縣城西北匯入沮河之旁流

均各如故至漫水下注鄆汶兩境均屬較重嘉祥濟甯以

次稍輕近口門之數十里皆係黃水漸遠則已澄清其灌

入湖河者尚係清水等語臣查黃水自衝缺趙王河東岸

頻年溜勢日趨東南緊逼沮河東岸向北奔注情形本覺

喫重本年正月經臣會同河臣漕臣於覆奏會勘張秋築

隄束水摺內因沮河為運西屏蔽請將沮河頭八里河七

里鋪王家垓等處築做埽壩圍堰以為保護運道之計復

經札飭鄆城縣勸諭附近居民於此四處要工之外將沮

河東岸一律築做民堰以助防範嗣經伏汛臨雖疊見

險工均得搶護平穩乃自八月初秋汛異漲即張秋運口

業已淤阻水勢復行暢注將鉛棧重船回空漕船全行浮

送過境實為數年來所未有而上游沮河之水亦復拍岸

盈隄經印委各員勸督民夫分投搶堵無如水勢有長無

消民堰究形單薄竟於七里鋪以南之侯家林衝成分溜

決口漫水東注下游溢入湖河其各州縣被水之區情形

亦復較重復思災民之田廬既經漂沒資糧悉已無存蕩

奏稿卷八

聖

析離居極為可憫目前雖經籌款撫恤不過一時濟急之

計瞬屆隆冬棲身無所餬口無資曹屬民情素多頑悍困

苦情形更屬不堪設想即使籌款散賑而一片汪洋貧戶

復何從覓炊爨之資臣再四思維與其散給銀錢似不若

隨處煮賑之為得而煮賑所需之米又不若就近截漕之

為便查曹州各屬除濮范觀朝四州縣界在河北不計外

擬請將曹屬之荷澤曹單定陶城武鉅野鄆城七縣濟甯

州並所屬之金鄉嘉祥魚臺三縣兗州屬之汶上一縣泰

安屬之東平一州共計十三州縣應徵起運漕米四萬三

千數百石將來除緩實不過三萬數千石擬即截留均就

各屬相近之區撥賑各境極貧之戶令擇各鄉適中之地

分設粥廠俾老弱窮黎就近得以領食仍嚴定稽核章程
遴委委員慎選公正紳耆隨同經理不准假手胥吏以期
實惠均霑災區稍得補救用仰副

聖主軫恤災黎之至意一俟戶口查明再行確核米數以
定散放日期之多寡儻有不敷仍當由司庫酌量撥放以
資接濟至侯家林決口漫水下游溢入湖河雖現在均係
清水尙不遠有淤墊之患然關係運道必須急籌堵塞第
口門係黃水分溜必須諳習黃河水性工程之員辦理始
有把握即決口合龍而上下游一帶僅恃民堰斷不足資
捍禦必應就東岸相度地勢改築官隄分汛修守始免疏
虞然地段甚長工費甚鉅已飛咨河臣迅委熟諳黃河之

奏稿卷八

聖

員卽日來東勘估籌議奏明請

旨辦理以期於冬春趕辦無誤來歲機宜所有黃水衝決
沮河民堰災區較廣請截留漕糧備賑並咨會河臣勘辦
堵缺築隄各緣由理合由驛馳奏伏乞

皇太后

皇上聖鑒再此摺因俟委員查覆是以核奏稍遲合併聲
明謹

奏

請優卹王心安片同治十年九月三十日

再記名提督王心安向在湖北軍營先後擊勦粵逆屢克
堅城戰功卓著經前湖廣督臣官文前湖北撫臣胡林翼
游保參將同治元年隨荊州將軍臣多隆阿入陝援勦二
年經前山東撫臣閻敬銘咨調隨帶來東旋令招募東治
全軍派爲統領兼帶振平等營時東省初整營規該員申
明紀律聯絡偏裨治軍有法所部悉成勁旅凡助勦淄川
東昌沂州各賊巢所向克捷始以副將保留東省四年夏
開東境捻氛愈熾添募各軍分設統領所用將官及取戰
之士多由該員所部分撥嗣兜勦賴汶沈任柱張總恩於
山東直隸兩省撲滅全捻該員無不備歷艱險陷陣摧堅

奏稿卷八

奏

因歷保至提督

記名簡放肅清以後東省以辦理善後事宜酌留防軍臣
令該提督以舊部數營駐紮東昌兼顧臨清濟武河北一
帶該提督巡防綏輯與民相安三載有餘辦理悉臻妥協
並能弋獲積年巨匪百餘名以除隱患乃頃據東昌府稟
報該提督重傷舉發醫藥無效於九月十六日在營身故
臣聞信之下不勝悲愕竊計該提督從前轉戰於鄂皖陝
西十餘年勞績最著嗣在東省數年辦賊凡攻勦喫緊之
際臣與同在行間見其每戰忠義激發奮不顧身從無計
較利害之心往往以少擊衆輒能獲勝卽當敵勢猖獗而
扼隊突圍不少挫銳雖以忠親王僧格林沁之忠勇絕倫

亦心重之蓋由其御下寬而能整廉而不貪故士卒無不竭力用命實屬將才中不可多得之員臣前欽奉

諭旨遴選得力將領以備任使因念如該提督之忠誠勇

敢現在實難其人幸其在東漸久情形日益熟習且年甫

四十正將倚為緩急之用茲因重傷舉發遽爾身故臣痛

悼之餘不禁如失左右手也該提督身故後據東昌府來

稟查其囊橐蕭然棺殮之費毫無所出皆由該府等集資

代辦是其一無私蓄公忠體

國尤屬近時將領所難能如此良將一朝殞歿實堪憫惜

惟有籲懇

天恩俯准將記名簡放提督王心安照提督立功後在營

因傷身故例從優議卹並懇

加恩予諡以慰忠盡而勵戎行除將所部派員接統外謹

附片具陳伏乞

皇太后

皇上聖鑒訓示謹

奏

奏稿卷八

兗

病請開缺調理摺 同治十年十月十四日

奏為微臣病久增劇難勝辦公醫藥一時未能奏效瀝懇

天恩俯准開缺調理恭摺仰祈

聖鑒事竊臣前於二月閒以怔忡大作兼泄瀉拘攣等病

復發奏蒙

恩旨賞假一月調理當即趕緊醫治嗣假期屆滿病未大

愈臣自維受

恩深重未効涓埃而其時又值審理秋讞暨江北漕糧棧

鉛各船經行東境挑河築壩護送均關緊要又以海防水

師事宜急須經畫久遠規模是以於三月內勉強銷假力

疾任事然藥餌未嘗一日離也本冀多方醫治病體即可

脫然詎自六月下旬以來溼氣薰蒸脾胃益弱飲食不思

復增下血之症日甚一日近則肝血愈虧筋絡無所榮養

從前左身拘攣今則日見麻木更加浮腫腰骸以下舉動

維艱而怔忡之病舉發無時益復加劇月餘徹夜不眠心

神昏眩不能自主語言亦多錯亂據醫家云心肝脾三部

虧損已極即使方藥得宜亦斷非數月所能奏效等語伏

念臣年逾五旬自揣精力尙強正可力圖報稱無奈受病

過深兼以臣賦性急遽遇事每多躁急故自二月醫治至

今迄未能稍有成效現在步履艱難精神恍惚辦公輒多

昏亂即接見僚屬亦勢有難能病勢如此徒深焦灼竊以

山東巡撫任大責重病軀肩此貽誤匪輕再四思維惟有

奏稿卷八

辛

瀝懇

天恩迅簡巡撫以專責成臣開缺俾得設法調治儻邀

聖慈庇蔭醫治就痊卽當泥首

宮門叩求

差使決不敢稍耽安逸自外

生成所有微臣病勢增劇難勝辦公瀝懇開缺調理緣由

謹恭摺具陳伏乞

皇太后

皇上聖鑒訓示謹

奏

奏稿卷八

至

籌堵侯家林決口銷假督工摺同治十年十二月二十九日

奏為遵

旨籌堵侯家林決口為時愈迫誠恐趕辦不及微臣謹力

疾銷假親往督工以冀勉竭人事恭摺馳陳仰祈

聖鑒事竊臣於同治十年十二月十三日承准軍機大臣

字寄欽奉

上諭侯家林決口於來年運道有礙且黃水入湖下游受

害之處更多仍當趕緊設法於年前興工將該處決口迅

速堵塞等因欽此當經署撫臣文彬將飭司籌款由地方

官先行購料一面飛咨河臣喬松年派員馳來東省及早

開工各緣由恭摺覆奏本月二十日復欽奉

奏稿卷八

至

諭旨以山東侯家林決口關繫運道民生亟應及早堵塞

不容稍涉遲緩文彬等已籌撥銀三十萬兩遴委委員帶

赴工次會同地方官購辦料物著喬松年迅速委員馳抵

東省並飭原估委員先行星夜赴東務卽剋日興工於來

年春漲以前辦理完竣並將淤墊運道一律疏濬毋稍延

誤該河督等務當督飭在工各員實力籌辦總期工料堅

實饒不虛糜以衛民居而利漕運等因欽此正在飭催各

州縣及委員趕將應用料物上緊購運專候河員趕到興

工本月二十六日又欽奉

上諭以民田運道關係匪輕自宜及早堵築為是現在山

東業已撥款購料當無缺乏之虞著喬松年仍遵前旨迅

速派委安員赴工剋期興辦務於來年春漲以前堵築完竣若故意遷延以實其趕辦不及之言亦難逃朝廷洞鑒該處民堰亦應加高培厚以免旁決之患著丁寶楨文彬督飭地方官勸諭民間一律興工並由藩庫酌撥銀兩以資津貼等因欽此臣等於跪讀之下仰見

聖主眷念民生周悉靡遺莫名欽感旋准喬松年鈔摺移咨於原估文武之外僅添派通判一人至掌壩各員亦僅開單由東省揀派並據函稱事由東省主政萬勿牽涉該河臣等語署撫臣文彬來商於臣檢閱咨函不勝詫異伏查侯家林決口先經喬松年以為時較晚奏請緩辦嗣欽奉

奏稿卷八



諭旨以該處決口關係運道民生必須趕緊堵築並蒙睿慮周詳指示明切河臣職司河道疆臣身任地方均屬責無旁貸自當遵

旨迅速籌辦縱不敢必有成效亦須竭盡心力以期上慰聖主下對羣黎乃喬松年於欽奉

諭旨後其疊次來函來咨一概諉諸地方略不商及辦理之事誠不知其用意所在現在節氣已過立春距清明不及兩月若再候其的信以定行止則要工恐致貽誤復查此處決口不堵將來漫淹曹兗濟十餘州縣若再向東南奔注則清淮裏下河一帶更形喫重是被害者數百萬生靈而浸灌運河淤墊沿運諸湖將壞者千百年成法關係

實非淺鮮第就東省現時而論欲速辦則無可用之工員欲暫待則無可寬之時日事處萬難幾於束手臣前以宿疾糾纏披誠懇懇仰蒙

天恩賞假調理計兩月以來醫治未見全愈較前稍可支撐今日擊民生之待斃運道之就堙補救無方何忍令署撫臣文彬獨任艱鉅且尙未開缺即不敢置身事外此時喬松年既立意諉卸臣若猶避越俎之嫌則展轉耽延實有萬趕不及之勢躊躇再四惟有勉力銷假即於正月初二日親赴工次督率河工原估員弁及添派地方人員先行擇日開工如喬松年能懷遵續奉

奏稿卷八



諭旨引為己責和衷共事俟其所派大小員弁到工即責成該工員等一手經理以免隔礙之病儻仍堅持前見決不參與臣惟有殫竭血誠嚴飭各員將決口實力趕辦惟以地方而用河工人員既未能洞悉機宜即難免暗滋隱弊呼吸之頃成敗攸關惟恐欺以所不及防且誤以所不能覺則遷延固屬無成而草率尤將債事臣亦惟有隨時精心體察如該工員等果能勤慎將事得以剋日完工保全大局應請破格保獎以昭激勸儻敢陽奉陰違有心遲誤臣一經考驗得實仍請以便宜從事即將該員弁立於工次正法以為罔

上殃民者戒並將臣從重治罪以謝百姓該委員等前估工需約發實銀三十萬兩係專就堵築孟家莊河面及侯

家林決口兩處日後如需做挑水壩及估挑引河並廂做護崖埽段等項尙有需款之處臣當詳細察看核實酌辦以免棘手其上下游一帶民堰應另行派員會同地方官勸諭居民一律修培以資捍禦並爲之酌定高寬丈尺示以築做等法以期稍有可恃至災區民力維艱應卽遵奉諭旨酌給津貼以示體恤俟事竣後將用過銀數另行奏明總期工歸實用以仰副

聖主保護河道軫念災黎之至意至臣出省後一切日行公事仍由藩司文彬代拆代行緊要事件包封遞工次核辦合併陳明所有侯家林決口籌辦萬難微臣力疾銷假親往督辦緣由謹恭摺由驛四百里馳奏伏乞

奏稿卷八

奏

皇太后

皇上聖鑒訓示謹

奏

侯家林堵築事宜擇日進占摺同治十一年正月二十五日奏爲侯家林堵築事宜布置粗就因爲時已迫擬卽擇日進占以期趕辦恭摺陳仰祈

聖鑒事竊臣前因鄆城侯家林決口關係緊要謹將力疾銷假親往督工緣由馳奏在案拜摺後卽於正月初二日起程出省因年前飭由州縣趕辦者僅稽料麻筋兩大宗此外應用雜料爲數尙多以及捆廂船隻一應器具與夫力作弁兵各項工匠皆非東省所素有不得不一一豫籌卽掌壩管廠之大小員弁亦須擇情形稍悉者分任其事當經詢訪上次築工得力之員並就運河道所屬及地方人員略曉河務者分別咨調札委一面嚴催派辦稽麻各

奏稿卷八

奏

州縣趕緊運解來工臣於初五日馳抵鄆城工次初七日

欽奉

諭旨山東侯家林決口關係運道民生亟應及早堵築丁寶楨親赴工次督率河工地方員弁擇日開工卽著督飭在事人員將決口實力趕辦剋期完工如該工員等果能勤慎從事著有成效准由丁寶楨破格保獎儻敢陽奉陰違有心遲誤卽著該撫從重治罪以儆玩視等因欽此臣卽於是日親至孟家莊侯家林兩處周履確勘查上年前河臣蘇廷樞委員薛福年王麟等前來查看因侯家林口門溜勢甚急擬在上游孟家莊分溜之處先將河面堵合則侯家林溜勢漸弱較易施工茲臣細勘孟家莊所擬建

壩之處兩岸雖有淤灘究恐土軟沙鬆壩基難期穩固埽口所用之土亦恐不足供用况迤南尚有支流二道均另達於侯家林口門於此處南壩進料之路尤為阻礙即竭力將孟家莊堵合仍須再堵侯家林欲同時並舉則慮料物之不敷欲次第施工則患時日之甚迫臣悉心體察不若專就侯家林口門堵築該處兩岸均為老崖壩基可恃其便一內灘有土可取其便二兩壩運料俱可逕達其便三自應舍彼就此較為切要初九日原估委員薛福年王麟暨河臣喬松年派來候補通判張錫純等由豫到工臣亦札調曾任河工雲南候補同知曹文振暨東河候選通判朱鎬飭會同詳勘妥議旋據稟稱目前形勢自以專堵

奏稿卷八

老

侯家林為正辦惟口門計寬八十餘丈水比孟家莊加深地勢較低大溜下注必須將壩身展寬兩邊埽及夾土壩後戢方能得力且口門係屬奪溜必須擇要挑挖引河以為水之出路而正河先由分溜而成奪溜受淤較遠至灘面於去冬甫經涸出即值沍寒現時土脈初融冰疑乍釋尺土之下即係稀淤亦須加工趕挑等語臣查該員等所稟尚係實在情形當即分派為南北掌壩官令酌定壩埽高寬丈尺相度壩基趕緊盤築並將各項執事分別派定以專責成另調會挑引河人員令其估挑現在所調豫省力作弁兵已到三百餘名其續調之三百名不日亦可到齊其代雇之大捆廂船亦已駛抵工次各州縣承辦料物

運到者已將及半惟繩纜一切須經匠工製造急切未能即齊臣所夕督催萬分焦灼實緣定議堵築由臣任辦已在十二月杪計分別部署各事為時不及一月而頭緒紛繁非倉卒所能集事刻計節氣已屆驚蟄亟須及時興工現在壩基已成擬就已有料物兼程速運製造各件漏夜加工以期源源接續臣當嚴督在壩各員敬慎將事力求覈實斷不准因循以誤機宜仰副

聖主慎重河防軫念民生之至意至應修民堰亦經酌定章程分派段落並籌撥銀兩以資津貼臣仍嚴飭各州縣調集民夫分投趕辦並另派員督催以期早日完工藉資捍禦所有籌堵侯家林現已擇日進占緣由謹恭摺附驛

奏稿卷八

奏

四百里馳奏伏乞

皇太后

皇上聖鑒訓示謹

奏

丁文誠公奏稿

卷之九目錄

侯工合龍摺 同治十一年二月二十六日

請撥閩省輪船酌籌經費摺 同治十一年三月二十九日

導衛濟運諸多格礙摺 同治十一年三月二十九日

旨保薦堪勝兩司各員摺 同治十一年五月三十日

侯工收支各款摺 同治十一年六月二十九日

侯工續籌款項免扣減平片 同日

改撥閩省第八號輪船片 同日

侯工民堰酌給津貼摺 同治十一年七月三十日

侯工三汛安瀾分別獎勵摺 同治十一年九月三十日

奏稿卷九目錄

覆核水師口糧營制摺 同治十一年十月三十日

師船由粵管駕來東摺 同治十一年十月三十日

酌改船式片 同日

預籌來年漕運會勘挑河修隄摺 同治十一年十一月十五日

黃河穿運請復准徐故道摺 同治十一年十一月二十八日

請加浙粵兩省中額摺 同治十一年十一月二十八日

保薦丁彥臣摺 同治十二年正月二十六日

查看河道城隍各工摺 同治十二年三月初八日

估修石佛新店運隄片 同日

南旺湖工請免攤徵片 同治十二年三月三十日

侯工合龍摺 同治十一年二月二十六日

奏為堵築侯家林決口遵

旨晝夜趕辦現在壩工業已合龍盤壓穩固恭摺馳陳仰

慰

聖懷事竊 臣前將侯家林堵築事宜布置就緒擇日進占

緣由奏

聞在案本月初四日欽奉

諭旨節氣已過驚蟄為時較迫該撫務當嚴督在工各員

晝夜興築竭力趕辦以期早日竣工其附近民堰並著嚴

飭各州縣一體修整以資捍衛等因欽此遵查壩工自正

月二十九日進占後 每日至壩頭督視在壩各員弁認

奏稿卷九

真工作二月初一日至初四日連日沈陰細雨土塘甚溼

料土上壩未能迅速殊深焦灼幸初五日後天氣漸晴諸

事順手前此催辦正雜各料物源源而來足敷應用 臣即

嚴飭文武各員振刷精神自初七日起趕做夜工其正邊

兩壩每日各成一占漸至深水飭令加工盤做不敢稍涉

大意約計二日可成一占間有風大之日暫停夜工次日

則開工倍早以補不足比金門漸次收窄大溜奔騰傾注

埽前水勢日見洶深復飭添廂頭加壓大土使埽身愈

蟄愈穩其引河工程因工繁費鉅 臣飭調營勇挑辦又以

為時迫促恐兵勇不敷並令承挑文武委員添夫協助趕

於合龍五日前完工以備及時開放復於引河頭池西河

形坐灣之處另挑寬深龍鬚溝一道以期分掣溜勢二十
二日南北兩壩門占已成臣正飭各廂工委兵加土盤壓
並將所挖引河及龍鬚溝壩壩先後啟放二十三日巳刻
水勢忽向北奔注大溜立見平緩正壩即於是時趕搶合
龍上壩土料較前倍形踴躍風日晴和人心鼓舞計竭一
晝夜之力均已追壓到底金門立即閉氣其邊埽亦隨正
壩於二十四日合龍夾土壩亦一氣澆土行破均已普律
堅實現仍嚴飭各該員將正邊兩壩加壓重土並將後戩
迅速澆成格外幫寬以資得力查該處口門地勢既屬較
低正河又已奪溜築壩挑河同時並舉為時已晚實覺有
趕辦不及之勢幸賴

奏稿卷九

聖謨廣運指示周詳臣得有遵循黽勉從事計自興工以
來天氣多屬晴霽水勢未甚漲發故辦理雖極煩重尚不
十分棘手此皆仰託

聖主如天之福神祇効靈因得順軌安流保全湖河運道
即在工力役人民等感沐

皇仁軫念災區無不爭先趨事而署漕臣布政使文彬前
署布政使李元華力籌鉅款至數十餘萬之多皆能及時
接濟毫無短絀河臣喬松年派來文武各員弁能殫精竭
力埽除河工積習各矢慎勤而揀調之廂工委兵尤為十
分用命其在工一切執事人員亦均勤慎將事用能集羣
力而成大功至購運料物分派十數州縣時迫料多實形

繁重乃一月以來運送絡繹於途俾要工應手足用毫無
延誤各牧令及各該紳民等實已筋疲力盡臣慶幸之餘
復痛念民力之既竭也伏查此次大工自派辦料物以至
興工為時僅及一月自進占以至合龍僅二十五日其能
如是之迅速實非微臣夢想所敢及所有在工首先出力
之布政使文彬前署布政使按察使李元華等均請
交部從優議敘其餘在工文武各員弁應由臣開單請
旨破格優獎至在事出力各員紳等俟善後事宜妥辦完
竣容臣確查擇尤奏請

恩施所有侯家林決口堵築合龍並遵

旨破格保獎各緣由恭摺由驛六百里馳陳伏乞

奏稿卷九

皇太后

皇上聖鑒訓示謹

奏

請撥閩省輪船酌籌經費摺同治十一年三月二十九日

奏為請撥閩省新製輪船赴東巡緝並酌籌經費以重海防恭摺仰祈

聖鑒事竊前准總理各國事務衙門會同戶部議覆福州將軍文煜等奏續造輪船應如何分派各省一片以閩局製造輪船原為備物制用亟應分布海口以期熟悉風沙如廣東山東奉天等省均屬海道可通若撥用閩省船隻既可節閩局薪糧且不致以有用之船置之無用應令各督撫體察情形分別奏咨撥往應用所需薪糧各費准由各省洋藥釐金項下就近動支等因於同治十年十一月初六日奏奉

奏稿卷九

四

諭旨依議欽此咨行到前署撫臣文彬轉行藩臬兩司並東海關監督籌議稟覆在案臣伏查東省海道縣亘三千餘里洋面遼闊港汊分歧登郡尤為天津咽喉巡防護漕在在均關緊要上年臣以登州水師廢弛日久力求整頓酌議變通營制製造師船以期有備無患業經臚列條款奏蒙諭旨交部議奏一面先行籌款委員赴粵查看船隻式樣購覓料物隨時具稟核辦竊維前請購製拖船原為內洋操防之用以立水師根本若再加輪船出洋梭織巡哨防範尤為周密且閩局成船日多經費浩大自當各省分撥以維大局惟所需經費准由洋藥釐金動支查文煜原

奏聲明現成大號輪船三隻小號輪船兩隻每月需銀九千餘兩東省所轄皆係大洋必須大號輪船方能適用其每隻所用舵工水手弁兵以及管船官弁並應用煤炭一切需費若干原摺並未分晰聲敘臣亦礙難懸揣約計每月總在二千兩上下每年即需銀二萬數千餘兩再加以歲修經費合計不下三萬餘兩而東省所收洋藥釐金正稅居多自立關以來奏定章程洋藥正稅均歸入洋稅項下按結開報統入進出口各貨正稅分四六成動支四成解天津機器局應用六成奏撥京協各饒以及該關一切坐支每年均無贏餘其釐金一項每年所收綜計不過七八千金均係湊解饒項即以按年全數撥歸輪船薪糧不

奏稿卷九

五

敷甚鉅臣與在省司道及東海關監督再四籌商惟有將所收洋藥釐金一款專作為輪船經費此外不敷之項再由藩運兩庫於巡防緝捕經費生息項下移緩就急湊撥接濟再有不敷隨時籌款辦理總不得動用正款至釐金正稅應撥京饒並天津機器局經費仍分別照舊按成如數分解不准短少惟此項經費係就閩省所奏九千餘兩之數約略核計其必需口糧薪水實在用數未能即定應俟咨取閩省所定各船經費章程來東詳細核明實用數目再行奏明核辦至於歲修之需此時更難懸定亦應俟輪船到東試用一半年後臨時酌核情形籌議至臣傳聞閩局製成輪船有名曰安瀾於東省洋面較為適用相

應請

旨飭令閩省督撫船政大臣迅即分撥大號安瀾輪船一隻配齊舵工水手委員駕駛至東省煙臺停泊應用抑臣更有請者輪船舵工水手東省現在本無熟諳之人茲既撥用自應就該船現用人數駕駛方期得用其需用官兵丁管理操防等事東省本有水師自應俟船隻到東由臣自行遴選派撥並令其逐漸練習不必再用閩省弁兵庶期易於駕馭而東省習久技熟始可收輪船之益至該船既歸東海巡防應即就近歸海關監督鈐束差遣以一事權而資稽查除分咨總理各國事務衙門暨閩浙督撫船政大臣查照並咨取原定一切經費章程酌核辦理外

奏稿卷九

六

所有請撥閩省新製輪船赴東巡哨並酌籌經費緣由理合恭摺具奏伏乞

皇太后

皇上聖鑒訓示謹

奏

導衛濟運諸多格礙摺 同治十一年三月二十九日

奏為遵

旨勘明導衛濟運諸多格礙陳實在情形恭摺仰祈聖鑒事竊臣於同治十年十二月十三日承准軍機大臣字寄奉

上諭蘇鳳文奏擬導衛水濟運於臨清衛河入運及張秋清黃相接之處各建一閘俟漕船將屆渡黃蓄高衛水使之南行並挑深河道增培隄岸由安山入鹽河至漁山上駛以達張秋可免繞坡渡黃之險等語著喬松年丁寶楨文彬各派幹員前往詳細查勘會商蘇鳳文妥速辦理欽此欽遵飭令運河道趕緊勘估一面將淤墊運河飭屬疏

奏稿卷九

七

濬並經河臣喬松年將清黃相接之處建閘難於擇地因黃水緩急無定有時勢猛必將閘座衝損勢弱去閘較遠又置於無用之地其由安山入鹽河至漁山一節亦須視水勢為權衡臨時酌辦各情形先行奏

聞在案茲轉據運河道王化堂稟稱遵即委員分赴沿河周勘查得運衛合流在甄板閘外開東為運閘西為衛如欲建閘須在衛水北流之處相近甄板閘間使之折而南下今量該閘河身實高於衛五尺迤南則節節更高愈趨愈仰詢之土人上年衛河漲發幾與兩岸相平為數十年所僅有而分流入運亦僅達十餘里此其地勢低昂可見查運河上至張秋運高十丈有奇如欲倒灌至張須二百

里開河一律興挑深闊使運低於衛南低於北始能滔滔
奔注其修建開壩又須在上流築打數丈攔壩掣乾河身
俟建造灰石瞭乾方能啟放現值春水發生再至伏秋汛
河面三四十丈勢極汪洋關頭堵截兩岸單薄民隄難免
無潰決之患且衛河盛漲入運尙慮其水漫衝而以二丈
餘開門宣洩不及汎濫橫行民舍恐盡遺漂沒况直東豫
三省以衛河爲水路通衢因建開而截斷下游臨清關稅
館陶釐金既無所出直省轉運軍械米船亦皆梗阻似非
疏運之道至東阿境里聯橋舊石打撈受淤已久起出亦
恐難合用等情請奏前來臣伏查衛河入運之處建開蓄
水必須上下游河身高低不甚懸殊水勢乃能暢注今運

奏稿卷九

八

高於衛就建開處河身較量已及五尺迤南至張秋則節
節高仰幾及十丈有奇無論挑挖不能如此之深即使一
律挑深而遇衛水盛漲時開門宣洩不及汎濫橫行不惟
民舍被淹恐運道更加衝壞况既經建開當衛水勢弱之
時必將閉開蓄而衛之下游爲長蘆鹽運及臨清關稅
要道其勢斷難停止至清黃相接之處建開則誠有如喬
松年所奏黃水緩急無定勢猛必衝壞開座勢弱則相去
較遠開亦無用臣細查情形建開之議實屬滯礙難行總
之運河之病其病在於黃水穿運故黃水不治而但施功
於運終無善策如建開築壩蓄衛挑河各事果能一勞永
利亦孰敢畏難苟安所慮鉅款虛糜於河道漕運仍無把

握自未便稍事遷就轉致貽誤謹將臨清建開導衛濟運
諸多格礙緣由會同河東河道督臣喬松年合詞恭摺具
奏除咨漕臣查照外伏乞

皇太后

皇上聖鑒謹

奏

奏稿卷九

九

遵 旨保薦堪勝兩司各員摺同治十一年五月三十日
奏為遵

旨密保堪勝兩司各員出具考語分析臚陳才具恭摺仰
祈

聖鑒事竊 臣於同治十年十一月十九日承准軍機大臣
字寄同治十年十一月初三日奉

上諭為政首在得人各省藩臬兩司有用理財察吏安
民之責果能用當其才庶吏治民生可望日有起色該藩

臬等歷練既久並可備異日封疆之選關繫尤為緊要各
直省督撫於所屬運司道府中隨時留心察訪如有通達

治體卓著循聲堪勝兩司之任者出具切實考語據實密
奏稿卷九

保並將該員等才具長短分晰臚陳以備國家因材器使
即非屬僚而有賢能素著為該督撫所真知灼見者亦不

妨切實聲敘該督撫等受恩深重務當仰體朝廷慎重旁
求之意秉公保奏不得徇一己之愛憎稍涉冒濫至州縣

等官如有政績卓著堪勝道府之人仍著懷遵疊次諭旨
據實保薦用備簡擢等因欽此跪讀之下仰見我

皇太后

皇上慎重人才求賢若渴之至意欽服莫名伏查藩臬兩
司綱維一省事至煩而責至鉅也然當尋常無事之時所

為理財用人數端在安靜之吏尙可從容而理今則軍務
未平需餼甚急非綜核過人者籌措必形其拮据瘡痍甫

定民氣易浮非嚴明夙著者撫馭必憂其扞格又况各省
洋務方興安輯與防禦並重更非通達時務隨事制宜鮮
不虞其僨事者夫今日之運司道府大抵從容坐鎮之才
易求而謀略濟時之才難覩 臣欽承

聖諭飭舉所知既慮無知人之明尤恐蹈蔽賢之咎茲查
訪得所屬之按察使銜山東遇缺題奏道薛福辰山東督

糧道周恆祺他省素識之廣東鹽運使鍾謙鈞湖北候補
道張蔭桓等四員心術共信其忠貞才華頗形其開展 臣

察識既久聞見最真用敢據實臚陳恭候
採擇抑 竊有進者現我

國家當中興極盛之時正百度維張之日而最要之漕務
奏稿卷九

河務兵饑洋務諸大政尙有不及具舉者患在財用之未
充夫治國必先於足用用之不足非盡財之不生也亦浮

冒者之不查怠玩者之不振耳 臣於他省情形不得知即
以東省而論司庫協撥頻仍僅恃徵解為周轉而尙不過

於支絀即吏治民生亦因此始有轉機實以嚴稽查而勤
督催之故亟賴得嚴明貞固之藩司共相維持庶可日臻

上理如 臣所知各員其才力實足裨富強之助僕蒙
聖明鑒拔或日後有改行易轍者 臣甘任欺徇之罪所有

據實保薦賢員各緣由謹恭摺密奏伏乞
皇太后

皇上聖鑒訓示謹

奏

奏稿卷九

七

侯工收支各款摺 同治十一年六月二十九日

奏為謹將侯家林河工合龍收支各款繕具簡明清單恭摺仰祈

聖鑒事竊 臣 籌辦侯家林河工於本年二月二十六日奏報堵口合龍欽奉

上諭東省鄆城地方舊未設有廳汛辦理河工亦無成案可循此次工程用款著開單奏明咨部存案免其按照成例報部核銷他處工程有案可循者不得援以為例該部知道欽此查侯家林工程原估銀三十萬兩經前署撫 臣 文彬奏明籌撥藩庫銀二十萬兩運庫銀五萬兩糧道庫銀五萬兩在案嗣以溜勢改變議挑引河係臨時酌辦在

奏稿卷九

七

原估銀兩之外經 臣 奏陳各情形奉

旨所有工需籌撥銀兩著照所請准照成案免其扣減用款如有不敷仍酌量籌撥以應要需欽此續准部文籌撥工需銀三十萬兩應扣核減二成及實支八成銀內應扣六分平餘各銀兩遵

旨准免扣減等因在案遵即續提藩庫銀六萬兩統計提動藩運糧道庫銀三十六萬兩交河工局支放各款現將大工合龍款項逐一清釐計堵口各款實用銀二十八萬八千四百九十四兩零引河各款實用銀三萬九千八百五十八兩零統計實用銀三十二萬八千三百五十二兩零計餘存銀三萬一千六百四十七兩零應仍發還藩庫

存儲惟廂兵口分一項部議仍應照舊扣減成平而接准部文係在合龍之後查已支發實銀此項應扣減銀一百九十二兩二錢應另籌補歸款據辦理總局候補道薛福辰詳報前來臣覆核無異查鄆城地方舊未設有廳汛此次工程在東省係屬創辦初無成案可循臣督飭在工員弁核實辦理其有工次必用之需而倉卒不及備者隨時變通籌辦亦有向來河工習用之款而非工次所急需者概從刪除以杜浮濫所有秫秸料柴分派濟甯等十三州縣購辦籬麻等項派員赴河南江蘇等處購辦星夜趲運應期濟用通計一切價值遠近運費視向來河工辦事固屬節省甚鉅而各料核實工作併力程功其得力尤在節

奏稿卷九

西

省之外引河工程飭河南委員等估計約需銀十二三萬兩嗣續調守備劉秦相度地形變通利導僅估實銀四萬兩臣猶慮工程繁鉅所估過省未必敷用是以預籌銀六萬兩及引河告竣用款猶未及所估之數實出意外是此次辦理堵口雖未查照成案而涓滴歸公實與按照例案無異也近年如河南榮澤堵工最為節減此次用款視榮工節減不啻百餘萬之多委係工堅料實堪資捍衛荷蒙諭旨免照成例報部核銷欽感無極除民堰津貼銀兩容俟另核具奏外相應將堵口工次收支各款繕具簡明清單恭呈御覽並咨部存案他處工程有案可循者仍不得援以為

例所有侯家林合龍收支各款理合開單奏陳緣由謹恭摺具奏伏乞

皇太后

皇上聖鑒訓示謹

奏

奏稿卷九

五

謹將侯家林大工合龍收支各款開具清單恭呈

御覽

計開

收款項下

一陸續收藩庫銀二十六萬兩

一收運庫銀五萬兩

一收糧道庫銀五萬兩

支款項下

一採辦秫稻銀九萬五千二百五十三兩七錢四分六釐

釐

一採辦絲麻銀六萬七百十八兩五錢三分

奏稿卷九

共

一採辦楊木椿銀一萬二千七百四十五兩九錢五分

一楊木椿車腳銀四千二百一十一兩三錢二分

一支南北壩基土方價銀三千一百五十一兩五錢四分

一支正壩土方價銀二萬二千三百四十四兩五錢

一支邊壩土方價銀一萬三千九百一十六兩七錢三分

一支夾土壩土方價銀三萬八千六百一十一兩二錢九分

二釐

一支正壩後餵土方價銀一萬四千一百四十四兩五錢

一支各項夫工銀一萬七千二百四十四兩

一支鑲兵口分銀七百七十五兩

一支文武員弁薪水銀九百十六兩

一支緩纜各價銀四千四百六十九兩五錢

以上共用銀二十八萬八千四百九十四兩六錢八釐

一支挑挖引河土方價銀三萬九千三百五十八兩二錢

四分五釐

一支賞給守備劉業銀五百兩

以上共用銀三萬九千八百五十八兩二錢四分五釐

統共用銀三十二萬八千三百五十二兩八錢五分三釐

除用實存銀三萬一千六百四十七兩一錢四分七釐繳

還藩庫登明

奏稿卷九

七

侯工續籌款項免扣減平片同治十一年六月二十九日

再臣接准部文鑲兵口分一項仍應照舊扣成減平查此

項應扣減銀一百九十二兩為數無多除另籌補歸款外

又准部文籌撥銀三十萬兩應扣核減二成及實支八成

銀內應扣六分平餘各銀業經奏奉

上諭准免扣減惟此後續籌等款其有照章應扣二成及

減平各銀兩仍令遵照部定章程分別扣解等因臣自應

遵辦惟查此次工程原估銀三十萬兩嗣因大溜全注侯

家林口門深虞堵合之後水無出路必致四處潰決始議

酌辦挑挖引河此項銀兩實非原估所及是以續請酌量

籌款以濟要需竊惟引河與壩工原屬一事支發款項不

奏稿卷九

六

容兩歧此次續用之款自應一體支發實銀以歸畫一且

初議辦理引河再四估計約需銀十二三萬經臣飭令守

備劉秦設法變通減估至實銀四萬兩省費已去十分之

七及引河告竣僅用實銀三萬九千三百五十八兩零且

內有一萬一千五百兩即係三十萬內節省之款是此次

大工除原估三十萬兩外添辦引河僅用銀二萬八千三

百五十餘兩較諸按照成例就三萬九千八百五十餘兩

內扣成減平尚屬有盈無絀此次用款銀三十二萬八千

三百五十二兩零除三十萬兩無庸扣減外其續用之二

萬八千三百五十二兩零應懇

恩俯准免其扣減以昭核實而歸簡易謹附片具陳伏乞

聖鑒訓示謹
奏

奏稿卷九

九

改撥閩省第八號輪船片

同治十一年六月二十九日

再東省擬撥閩省安瀾輪船為巡哨洋面之用前經臣奏明奉

旨允准並咨會閩省查照在案茲接准閩省督臣文煜撫

臣王凱泰咨商以安瀾一船已經駛赴粵東其第八號輪

船與安瀾造法無異如派赴煙臺可期合用惟七八月方

可竣工又須試演二三月始能駕往北洋如東省急需輪

船查有第一號萬年清可先行派往如查不得力俟第八

號告成再行更換等因並將奏定章程咨行到東臣查東

省洋面島嶼林立海汊紛歧沙埂暗礁隨處皆是此次奏

調輪船專為巡緝洋盜之用自須靈活堅實之船方期得

奏稿卷九

三

力前聞安瀾一號係屬新造工堅法密於東省洋面實為

相宜是以指明奏請茲安瀾既派赴粵東聞萬年清一船

製造已閱多年其中機器船身歷久易壞且東省洋面礁

石最多極易碰觸恐須隨時修理以東省新設輪船一切

修造器具均未製備若船身過舊動須修理東省既無船

廠自必駕駛返閩來往需日欲速反遲徒滋糜費現查東

省洋面巡哨尚不喫緊計第八號輪船明春二月必可一

律竣事現擬俟此船告成後定於明年正二月內咨請駕

駛來東庶新造之船修理可以需時而於東洋巡哨實屬

倍有裨益除咨明閩省督撫臣查照辦理外謹附片具陳

伏乞

聖鑒訓示謹

奏

奏稿卷九

三

侯工民堰酌給津貼摺 同治十一年七月三十日
奏為鄆城侯家林大工上下游一帶民堰一律增培高厚
修整完工遵

旨酌給津貼核計用過銀數據實陳明恭摺仰祈

聖鑒事竊 前將驗收鄆城各州縣新修民堰工程一律
完固情形業經具奏在案伏查侯家林大工地屬鄆城沮
河東岸本無隄身近年民間雖造有土堰一道未能高厚
故上年致有疏虞前者定計堵口即須先議培隄 原擬
自沮河頭至楊家營六十餘里為切近口門最要之工係
僅就沮河而言其沮河以上為濟河傳所謂濟出為沮者
是也地居上游其西北一帶數年以來漸為黃流盛漲之

奏稿卷九

三

所及居民於距水較近之處亦築有土堰稍資攔護第猶
形卑薄自應併議修培計自鄆城之沮河頭起至荷鉅交
界之龍鳳集止計五十餘里 於駐工督辦之際即飭將
此段堰工與下游分投趕辦以期一氣呵成此前奏所稱
共長一百一十三里業經一律完固者也嗣復查得龍鳳
集地勢雖已較高然堰形猶順東南若再多修四里餘至
荷澤之泰山廟止則轉向西北益臻完密當復委員會同
該地方官勸諭趕築亦於六月初一併告竣連前共計一
百一十七里餘上游之南路各工除鄆城本境承修外復
酌派濟甯嘉祥鉅野城武定陶荷澤汶上各州縣分段協
修而鉅野荷澤又各有本境承修之工下游之北路各工

自鄆城七里堡至楊家營略南之王家垓止計三十餘里
均屬貼溜頂衝情形最為險要而鄆城被災彫敝民力實
有不遑當堵築大工之際竊計合龍伊邇深恐此段趕辦
不及當經調雇觀城濮州鉅野荷澤汶上民夫幫築以期
迅速統計各段工程每日工作民夫約不下二三萬人故
能於兩月有餘將百餘里之長隄剋期蒞事所有調發之
牧令既須先事籌畫又須隨時督催其監工之委員梭織
彈壓所夕嚴催更屬不遺餘力即各州縣紳民遠道裹糧
共趨畚築固以顧全大局即可自保身家實緣感戴
皇仁軫念災區既不惜費鉅帑以堵決口復准予給津貼
以培民隄故富者各能好義捐資貧者得以食力趨事合

奏稿卷九

三

數州縣之民心志莫不如一使百餘里卑薄不堪之舊堰
遂成一律高整之新隄且不料程功如是之速綜計發給
各州縣承修協修堰工津貼及調雇幫築民夫工價實共
動用司庫銀九萬一千一百八兩八錢一分九釐就前定
堰身底寬五丈頂寬一丈五尺高一丈二尺核計土方價
值每里約需銀二千數百兩新堰共長一百一十七里餘
計需銀二十四萬餘兩今用銀九萬一千餘兩不過十分
之四其餘則全藉資民力計節省公項十五萬餘兩而其
高整堅實與官工正復無異惟是道里縣長所有防汛事
宜極關緊要 現仍飭各監工委員就原派段落會同辦
理善後之員加意防守並因大工以北之三十餘里情形

尤險復將原駐張秋各勇營調紮近堰一帶分段巡查暇時照舊訓練仍責成本境附近各村莊於大汛時一體巡防遇險搶護以期周而俟經歷伏秋兩汛如能一律鞏固防範無虞容臣將監修防守之官弁紳董查明奏懇恩施以昭激勸至此項用過銀數係酌量情形計里發給各州縣與民間自捐之數均勻津貼支用不能按款核計應請

天恩敕部立案免其造冊報銷所有修築民堰一律完固並遵

旨動用津貼銀數核實奏報緣由謹繕摺具奏伏乞皇太后

奏稿卷九



皇上聖鑒訓示謹奏

侯工三汛安瀾分別獎勵摺

同治十一年九月三十日

奏為東省本年堵築侯工大壩並上下游新修民堰現在經歷三汛一律穩固安瀾恭摺具奏仰祈

聖鑒事竊東省黃水自上年八月間侯家林決口水勢奪溜直趨濟甯以南灌入運河沿途諸湖勢將悉成淤阻而江南清淮一帶亦慮淹沒幸蒙

皇太后

皇上軫念運道民生關係重大節次欽奉

諭旨飭令急籌堵塞口門仰稟

宸謨勉竭駑鈍將該處決口趕築合龍並因上下游一帶雖有民埵甚形單薄且多殘缺不齊必須一律普修並增

奏稿卷九



高培厚方足以資捍禦復奏蒙

皇仁不惜帑項發給津貼俾民力不至拮据期於有成是以荷鉅郵三縣一百二十里之舊堰均得一律堅整與官隄相等經臣先後奏報在案惟念修築既多費帑金則防守宜竭盡人力臣當即嚴定章程派分汛地責成各州縣調撥民夫飭派記名提督王正起副將李培榮統帶各營勇隊移紮近堰一帶並將大工節省餘存料物分別運備以備鑲護搶險之用飭令布政使銜署兗沂曹濟道潘駿文不時親往查勘專派鹽運使銜候補知府馬映奎駐工總辦善後事件其前派監修民堰各委員即令各在原修段落協同防守以專責成查壩工堰工先後告竣均在桃

汛伏汛漲發期內成功本屬倉卒而入夏以來雨水漸多
來源日旺溜勢近堰之處頗形決滯且水面較寬因風撞
擊其力尤悍幸水猶時長時消沿途工程俱以次搶辦完
竣計自大壩北基起至王家埭迤北一帶止三十餘里緊
貼大溜當河水未發之時奔騰激湍其勢已險最為喫重
臣當派記名提督王正起統率所部振字各營儘先副將
李培榮所帶培字一營分段防守均於近溜處加鑲護埭
並擇要建築挑水順水等壩以拓溜勢其消淺兜灣之處
亦做防風以資樓護堰頂鱗次堆積土牛以備急用王正
起段內北路頂衝尤甚該提督以水勢悍激正堰難於抵
禦更添疊子堰以護其身辦理極為周密至大壩以南應

奏稿卷九

美

行鑲護工段經馬映奎督同委員分別趕辦亦俱埽壩櫛
比一律高整並責成署鄆城縣知縣周以恩調集民夫逐
段安設窩鋪輪替巡守刻不離人合龍大壩經雨之後屢
次陡險趕經加壓重土幫寬後愈臻堅實至七月中旬
本境大雨連朝達旦水勢遂有長無消甚至三日之間長
水五尺餘寸壩堰自南而北處處喫重前做埭段多有入
水及墊裂之處復經趕緊加鑲追壓刻刻嚴防無敢稍懈
旋接河臣來咨據陝州萬錦灘水報自七月二十日至八
月初八日四次共長水一丈四尺上游之水悉行下注以
致坡河各水匯而為一各處奇險疊生勢殊岌岌幸經王
正起李培榮馬映奎督率營勇民夫晝夜梭巡分投搶辦

不遺餘力而馬映奎總辦南北支發一切又復布置精詳
事事核實用能與水爭勝保護無虞至八月十九日雖暫
時見退然二十七日猶續長一次九月初以後乃漸見消
落統計驚濤駭浪拍岸盈隄約五十餘日之久實屬異常
盛漲現在節屆霜降所有大壩民堰一律穩固普慶安瀾
據潘駿文馬映奎等稟報前來此皆仰賴

皇太后

皇上如天之福神祇效靈臣欣幸之餘尤深欽感所有侯
工大壩本年新建大王廟當河水盛漲之際往往顯示靈
異化險為平擬請

御書匾額發由臣敬謹恭懸以煥

奏稿卷九

美

天章而昭
神貺惟查河工大隄向係設有廳汛其防汛事宜兵夫皆
所素習今鄆鉅各縣之民堰既無經管之廳汛可專責成
又無熟諳之弁兵可資分撥惟恃差派之地方文武各員
激勵民夫營勇胼手胝足共竭勤苦以與水爭無事之巡
防昏夜無殊於白晝有險之搶辦風雨倍奮於晴明眾力
一心未嘗少懈至大工善後經費多係另撥鉅款今臣以
經費為難之故未敢請發一帑僅資大壩節省之料物為
三汛防險之要需計長隄百二十餘里之遙汛期八閱月
之久雖屢瀕危險竟能竭力搶修通工完固所有在事文
武各員實屬著有微勞相應懇

恩施以示鼓勵其餘監修及防汛文武員弁暨各州縣從前所派協修民堰並隨同搶險始終出力之委員紳董人等容_臣查明核實併案請獎俾昭激勸而勵將來現在瞬屆冬令水勢暫可消涸至長隄駐守民夫除擇要酌留外餘均裁撤以節民力勇營仍令回防以資巡緝其沿堰所修埽壩責成該地方官曉諭附近居民隨時照料修補至凌汛時挂樁攔護以免殘缺此外未盡事宜並飭妥爲籌議分別辦理所有俟工大壩及修培民堰經歷三汛一律穩固緣由理合恭摺具奏伏乞

皇太后

皇上聖鑒訓示謹

奏稿卷九

天

奏

覆核水師口糧營制摺 同治十一年十月三十日

奏爲東省水師原議酌增弁兵口糧遵照部議分別核減並裁贖饜銀不敷抵給擬由海防緝捕經費銀內如數籌撥暨文登陸營請改爲都司專營恭摺覆奏仰祈

聖鑒事竊_臣前因整頓東省水師擬請籌款赴粵製造師船並將文登水師三營併爲二營酌裁弁兵優給口糧認真訓練以期得力臚列條款具奏嗣經部_臣逐條議准並以文登協副將仍以水師兼管陸路一節該處副將既改爲統領登州榮成兩營水師副將以督操水師爲專責若再令兼顧陸路難收實效應毋庸議文登營原設尙有中軍都司一員自應改歸登州鎮總兵統轄以免推諉又所

奏稿卷九

天

請外委額外外委以及戰守各兵長年口糧量予加增卽在裁贖兵饜內估計支銷自爲認真訓練起見惟加饜較之例支數目增至一倍酌留額缺浮於裁額今以裁贖饜項增給酌留弁兵加倍口糧核計數目不敷抵給又所請支給舵長等項口糧銀數比較長江水師章程亦有浮多之處應令確實核減並將裁去饜項共有若干新增口糧應需若干逐一分晰核定數目再行奏明辦理等因奏奉諭旨依議欽此咨行到_臣伏查文登協副將除管轄文登水師營外向兼管文登陸營該營額設中軍都司一員千總二員把總三員外委四員額外外委一員馬兵七十三名守兵三百八名今文登協副將既改爲統領登州榮成

水師兩營副將更番駐紮登榮兩處事務繁劇責有攸歸誠如部議不應再令兼顧陸路以致顧此失彼該營本有中軍都司一員應請改爲都司專營將文登營中軍都司刪去中軍字樣擬作爲文登營都司仍歸登州鎮總兵統轄其駐劄文登汛千總一員即可作爲該都司中軍千總無庸再添其餘額設千把外委及馬守兵丁各有專司汛地應仍其舊又原議新改水師除把總以上各員俸餼仍照舊例支領毋庸酌增外擬請將外委每員每月加津貼口糧銀三兩額外委戰兵每名每月加津貼口糧銀一兩五錢守兵每名每月加津貼口糧銀五錢每船各設舵長一名副舵長一名桅長一名副桅長一名舵長每名

奏稿卷九

三

每月給口糧銀六兩桅長每名每月給口糧銀四兩五錢副舵長副桅長每名每月給口糧銀三兩九錢以上弁兵仍准其支領舊例應得之饗銀米折戰兵內充當之舵長桅長其本身所充之戰兵口糧卽在其內仍照戰兵每月支給米折銀兩此外舊給之公費雜支亦仍照給惟紅白賞卹等款既經酌加津貼應行裁去原因船之有舵舵譬如人之有手足一切賴以掉運其舵長桅長最關緊要必須能測驗風雨習諳水性而又膽識兼優熟悉海道之人方足以膺斯選若非厚以口糧斷不易於招徠與長江情形迥不相同民間雇募工價本亦懸殊且長江水師全在腹地城池村鎮比櫛相望食用一切較爲平減海艇則巡

哨所在全係大洋其閒停泊之處多係荒涼島嶼購買食物昂貴不知凡幾且每船僅設正副舵長桅長各一名雖口糧獨優核計長年之需有限而收得人之益良多此外如額外外委戰兵每名每月加津貼口糧銀一兩五錢守兵每名每月加津貼口糧銀五錢統合舊例應得饗銀米折額外外委同戰兵每名每月祇得銀三兩三錢守兵每名每月祇得銀一兩八錢尙須照例核扣朋銀爲數本屬無多既須責令常年在船練習不能不顧其身家俾得安心樂爲我用况出洋又不另加津貼此中名雖增多實則仍係節省再四籌維俱難核減應請仍照原議辦理惟外委稍優請改照額外外委亦每員每月加津貼銀一兩

奏稿卷九

三

五錢以節糜費統計新增口糧每年應需銀一萬四千五百一十兩四錢前請酌裁外委六員額外外委四員戰兵四百四名守兵一百七名例馬二十四匹每年可節省饗項及紅白賞卹共銀一萬二千三百六十六兩五錢四分除抵給新增口糧尙不敷銀二千一百四十三兩八錢六分臣亦明知國家經費有常饗項難以驟增然欲兵歸實用又不能不酌加口糧下餘不敷津貼應由本省常年所捐海防緝捕經費銀內如數籌給不准動用正款以重帑項而期經久除將應增裁餼項細數造冊咨送戶部並尙有未盡事宜容俟師船到東挑定弁兵隨時分別奏咨辦理外理合

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

恭摺覆奏伏乞

皇太后

皇上聖鑒敕部核覆施行謹

奏

奏稿卷九



師船由粵管駕來東摺 同治十一年十月三十日

奏為東省在粵製造師船額懇

天恩俯准

敕令粵省酌派水師得力員弁駕駛來東以昭慎重恭摺

仰祈

聖鑒事竊 臣前因遵

旨整頓東省水師奏明籌款遴委候補道李宗岱酌帶文武員弁赴粵製造大小拖船十四號配齊洋礮軍械就近在粵海等處選帶熟諳水師員弁數員遴募善於駕船之舵工桅工泗水人等一併隨船來東藉資教習以立水師根本茲據該道李宗岱稟報業已購料鳩工趕緊製造

奏稿卷九



約計來春可以一律告竣即應於春暮夏初乘風北上 臣伏查此次製造船隻為數較多由粵抵東道路遙遠將來工竣之後駕船之舵工水手人等若悉由廣東招募粵省民情素稱强悍而受雇者又難保無游手好閒之徒身家恐不盡可靠將來一經雇募不時遠涉重洋僅恃一二員弁為之督率不易駕馭而人數過多又各船均配齊槍礮火器關係尤重設選募稍有不合其流弊不可勝言即如咸豐年間前撫 臣崇恩派委前登萊青道張鳳池在粵造成頭猛船十四隻派弁駕駛回東而到東者僅止一號餘皆遭風沈溺及不知下落此其明徵現在各省洋面雖尚靜謐然亦須倍加謹慎 臣再四籌思與其臨時雇募無業

聞人莫若就近飭令粵省水師駕送較為可恃合無籲懇天恩俯准

敕下兩廣督_臣廣東撫_臣一俟李宗岱稟報前項師船全行造齊出水即酌派水師營誠樸可靠將弁酌帶兵丁會同東省委員代為駕送來東以免疏虞到東後仍即由_臣籌給川資咨送回粵_臣為慎重師船起見是否有當理合恭摺具奏伏乞

皇太后

皇上聖鑒訓示謹

奏

奏稿卷九

三

酌改船式片 同治十一年十月三十日

再_臣前因整頓水師奏准委員赴粵製造拖繪船十四號酌擬十二號各身長七丈六尺頭寬八尺中寬一丈六尺尾寬二丈大桅約高七丈六尺頭桅約高四丈九尺三桅約高三丈四尺又二號身長九丈頭寬九尺中寬一丈八尺尾寬二丈二尺大桅約高八丈二尺頭桅約高五丈二尺三桅約高三丈七尺通身兩層板成造外層板厚八分內層板厚二寸四分船身包裹鐵片一層船面再加厚板一層亦包鐵葉一層以防震裂茲據承辦委員候補道李宗岱稟稱該道抵粵後諮訪熟悉船工之人並確查粵省歷次所造拖繪船式樣悉心參酌原定船身丈尺微嫌頭

奏稿卷九

三

窄尾闊竊恐駕駛不甚靈捷且北方海風甚勁桅身亦不宜太高擬請將身長七丈六尺之師船改為頭艙面寬一丈一尺二寸中艙面寬一丈八尺尾艙面寬一丈七尺大桅約高六丈頭桅約高五丈四尺三桅約高三丈身長九丈之師船改為頭艙面寬一丈七尺六寸中艙面寬二丈二尺尾艙面寬二丈五寸大桅約高六丈六尺頭桅約高六丈三桅約高三丈四尺庶幾寬窄長短相宜乘風尤為穩利至海水味鹹船身最易生蟲蝕木從前海船未諳以銅包底之法故於外面底身另加薄板一層以禦蟲患此次所造船隻已用二寸四分堅實厚板成造並先已請改銅片包底則船身堅固不畏蟲蝕應毋庸再加外層八分

薄板又艙面現用二寸四分厚板加以灰釘縝密無虞震裂亦可不必復用鐵葉包裹致滋笨重等情行據軍需局司道核明詳請具奏前來 臣伏查原奏議定船底係用鐵片包裹嗣查鐵片易於生鏽不如銅片堅緻且從前海船俱以銅片包底自應改用銅片至所請將大小師船頭中兩艙改寬尾艙改窄各桅長短酌量互改各節均係爲船隻駕駛合度起見其艙面減去鐵葉亦可免下輕上重之虞查從前定議具奏之時原聲明未盡事宜隨時悉心核議分別奏咨辦理茲據該道稟請酌改船式一切因地制宜均如所稟製造以期適用未敢拘泥原議稍涉滯礙除批飭遵辦並咨部查照外理合附片陳明伏乞

奏稿卷九

奏

聖鑒訓示謹

奏

預籌來年漕運會勘挑河修隄摺 同治十一年十一月十五日
奏爲預籌來年漕運會勘挑河築隄情形籌款擇要辦理以利進行恭摺奏祈

聖鑒事竊惟治漕必先治河從前黃運分行之時東省運河按照歲挑大挑舊章核辦南來各幫即可暢行無阻自黃水穿運以後運河受病過深節節淺阻江北漕糧試行河運歷有數年原擬逐漸規復舊制無如其病在黃舍治黃別無治運之法而憚於工鉅費繁一時無從措手祇可將運河各處工程擇要設法修整以爲浮送漕船之計凡有挑浚築壩修隄事宜 臣寶楨均先期嚴飭地方州縣隨宜趕辦並於漕船到時督同糧道河道及委員等設法提

奏稿卷九

奏

挽數年來幸無貽誤歷經奏

聞在案計明歲南漕仍由河運亟宜先期籌辦 臣寶楨先於十月初間即經札飭東昌府知府程繩武運河營守備鮑福元會同前赴漕運經行各河道詳細履勘適 臣松年於十月十九日行抵濟甯閱伍後於二十四日乘舟沿運逐細查勘河道 臣文彬於十月十三日由清江起程二十六日至濟甯亦即沿運履勘均先後至張秋東昌一路進省與 臣寶楨會商一切即據委員程繩武等稟稱勘得安山三里堡西南黃流已越過三里堡漸漸北徙是以該堡入坡缺口淤墊過高來歲漕船恐不能由此繞入坡河行走不得不設法疏通運道爲救弊補偏之計三里堡係安

山入運咽喉此處若不開通無路可繞計自三里堡至二道撥頭道樓約二十餘里內乾運河四百餘丈淤河一千四百餘丈必須節節深挑三里堡缺口一百二十丈二道撥缺口四十丈須嚴爲堵閉以期攔汶濟運頭道樓以北卽戴廟開河身開座均已淤高勢難挑挖且緊對老黃河頭黃水尙深挑挖非易並恐隨挑隨淤徒糜經費於事無益擬卽由頭道樓入馬家口繞過戴廟開五空橋行走計繞道祇十三四里五空橋北至壽東汛下十里堡之南運河現尙通暢無須挑挖至下十里堡北馬家單薄有淤河八十餘丈亟應興挑單薄以北卽趙王河另股大溜自西而東衝成一大缺口漕船經過深慮旁衝然此口萬不能

奏稿卷九

奏

堵漕船將來亦萬不能不由此經過計惟有將缺口兩邊堅築裏頭將緯道加高培厚漕船過時用閘纜倒放前進卽較穩妥缺口之北卽姜家莊有乾河三段計二百五十餘丈又淤灘四十丈此處必須開通方能順暢姜家莊東小馬家單薄陸家單薄有兩小缺口亦須堵閉自姜家莊乾河以北至田家灣有運河一段水尙通暢田家灣至沈家口有乾運河長一百五十餘丈沈家莊淤灘四十丈均應深挑其沈家莊北夾河莊有乾運河六百九十餘丈淤墊過高不易挑挖擬卽由沈家口積水開繞入西坡走道人橋至八里廟入張秋口門其口門攔黃壩內淤河一百二十餘丈至高家林又淤一百四十餘丈高家林隄缺口

一處七十餘丈均須分別認真堵挑方可束黃入運以上挑工切實估計需銀二萬一千五百餘兩惟河道既經疏通凡官隄民堰殘缺者亦須一律擇要補築水勢始免旁洩茲擇其官隄之必須修者共九十段內大小缺口五處切實估計應需銀七千八百餘兩其民堰應由地方官查照成案另行稟辦等情並繪圖貼說呈送前來 臣松年 臣文彬逐加覆核與親勘情形尙屬相符 臣寶楨河務本非素諳而歷年辦運南漕往來河干旁諮博採亦已竟委窮源察核所陳辦法甚爲詳盡估需經費亦屬十分節省彼此商推意見相同惟黃河朝東暮西變幻無常如該府等所勘辦理雖未敢云全有把握然就目下情形而論已屬

奏稿卷九

奏

因勢利導竭盡人力來年漕艘似可聯檣北上不致貽誤除飭署藩司長廣按照原估銀數迅速籌款撥發東平東阿壽張三州縣承領備齊器具雇募夫工趕辦並由 臣寶楨遴委委員分赴各處會同地方官切實辦理一面檄飭運河道王化堂實力督催俾臻妥速其陽穀聊城堂邑清平博平等縣應挑長河工段亦須擇要挑挖應俟春融後由 臣寶楨委員會同各地方官確勘估辦尙不在現估銀數之內至興工後如有未盡事宜俟來年漕船經行時再行隨時相機酌辦總期無誤漕行上慰宸廑所有勘估來歲南漕經行河道擇要挑浚修築及估發經費銀兩各緣由謹合詞恭摺具奏伏乞

皇太后

皇上聖鑒訓示再此摺係臣寶楨主稿合並陳明謹奏

奏稿卷九

罕

黃河穿運請復淮徐故道摺同治十一年十一月二十八日

奏為遵

旨會議黃河穿運情形就東境上游築隄東黃恐濟運終無把握地方受害滋大請仍挽復淮徐故道以維全局恭摺覆陳仰祈

聖鑒事竊臣寶楨臣文彬於同治十一年九月初十日十四日先後欽奉寄

諭喬松年奏遵議黃運兩河情形並籌堵運河各摺片著丁寶楨文彬將該河督摺內所陳各節詳細酌度妥議具奏但求於事有濟不得固執已見其片內所稱將黃河穿運各缺口分別酌堵酌留並挑浚河身修培隄工各等語

奏稿卷九

罕

著一併議奏原摺片著鈔給閱看等因欽此查兵部主事蔣作錦所遞治河條議臣寶楨曾於同治十年正月會同前漕臣張兆棟前河臣蘇廷樞公同查勘會議將辦理難期得力緣由恭摺覆奏在案臣文彬於穿運處所未經目覩曾於二次奏報接印摺內聲明俟十月前赴東省查看茲沿途履勘河道直至張秋穿運之處詳細審度因便道至濟南省城與臣寶楨會晤悉心商酌查河臣原奏所論黃河泛濫運河淤墊情形甚為詳悉因擬先堵黃流旁缺之霍家橋及其餘各缺口使水勢專注張秋一處並先於北岸修築舊隄南岸創建新隄為東黃蓄清之計其張秋以北運河即借黃濟運若有流弊再用引衛濟運之策等

語復查黃水自銅瓦廂決口由張秋穿運入大清河張秋以西雖有沙趙棗梨等河河身狹隘多已淤平水勢泛濫無歸故情形變遷靡定其初大溜在附近張秋之南壩頭復漸移至八里廟同治四年試辦河運漕船渡黃入運已覺煩難七年黃水衝決趙王河之紅川口大溜漸移至安山沈家口一帶遠行淤淺其患已近分水口以北至上年八月黃水復決沮河之侯家林漫水下注勢且為害於分水口以南而北路戴廟一帶亦形梗阻幸將決口堵合逼水北趨然已淤之運河難期通暢連年漕船經行北路則築壩挑河南路則繞坡導引竭盡人力始能浮送若不速籌長策則運河受病日深將有不可收拾之勢願運河之

奏稿卷九

望

壞以黃水病之也穿運之黃水黃與運正復交病欲治運必先治黃目前治黃之法誠不外堵銅瓦廂以復淮徐故道與就東省築隄即由利津入海兩策願謂二者之中以就東省築隄東黃為優而上下游均歸緩辦臣等實有未見其可者謹將實在情形為我

皇太后

皇上敬陳之考黃河入海故道初本在北自漢至宋漸徙而南固有莫之為而為者元明以後開運河以通黃故治黃尤以濟漕為重其間黃水之橫決在南在北皆時有除山陽清河以下仍就近入海外其在桃宿徐邳以上決於南岸則必注淮以達江決於北岸則必穿運以入海自

有明以來凡河決北岸輒有改道之議究之仍使挽令南趨者非樂為勞費因患其穿運以阻漕故其勢不得不然也今張秋穿運之黃水欲令其即由利津入海即僅就河而論其不便約有數端自銅瓦廂以至牡礪背計程一千三百餘里創建南北兩隄兩隄相去廣狹牽計其間約須十里始足為河槽灘面容水之地此一千三百餘里所留之河身除現在淹沒不計外尚須棄地若干萬頃此項棄地居民不知億萬作何安插是有損於財賦者一也兩隄相去十里以內民間之廬舍固難悉數其沿河州縣城池自二三里至七八里者東省計不下十數處若齊河濟陽齊東蒲臺利津各縣皆近在臨水築隄則必須遷避是有

奏稿卷九

望

難於建置者二也大清河河南岸近接泰山之麓山陰之水悉向北注除小清淄濰諸河均可自行入海其餘小溪河胥以大清河為尾閘置隄束黃以後水勢擡高向所洩水之處留開則虞其倒灌堵遏則水無所歸是有妨於水利者三也東網鹽場坐落利津霑化壽光樂安等縣濱臨大清河兩岸自黃水由大清河入海鹽船重載溯行於湍流之中甚形阻滯而灘池閒被黃水漫淹產鹽日絀海灘因被黃水淤遠納潮甚難黃河定從利津入海則春運倍極險艱灘場動遭衝沒東網全局必至隳廢私梟亦從而蠶起是有礙於榷綱者四也臣寶楨身任地方於通省大局所關久遠之計既有所見自當據理直言然使雖有以上

諸弊而於治運濟漕果能確有把握則京倉爲根本至計猶當權利害之輕重而量爲變通顧_臣等熟思審計實亦未見其可恃而深覺其可慮也查原奏兩岸置隄擬將上下游暫行緩辦先自中間有關運道之處施工北自開濮交界之舊隄起接築至解家山止南自張家支門起創築至馬山頭止兩隄各計一百七十里查濮范舊隄卽前修築之金隄自開濮交界爲始與張家支門南北相去約計七八十里灘面太寬河槽斷難歸一不能刷深行溜仍屬散漫停淤比至沈家口張秋之間河面陡然收窄水勢倍覺擡高南北所留運口必至萬分喫重南運口難免倒灌之患北運口恐有奪溜之虞_臣以利害計之南運口倒

奏稿卷九

臣

灌患雖大而尙遠北運口奪溜患彌近而尤烈現在直省永定河患頻仍若黃水稍有奪溜奔騰匯注計將何施根本之地不得不預爲計及此其可慮者一卽使黃河果爲我所束分溜安流入運而欲借以濟運則仍可暫而不可常從來借黃濟運雖有清水並行資其刷滌至日久終歸淤阻今在南之汶水縱收蓄極足入黃後勢不敵黃必將被挾東趨涓滴不能至北僅恃渾濁之黃流行於狹隘閘河之內其淤倍速卽極力挑至閘底究屬挑不敵淤多糜工費此其可慮者二至借黃有所不行必將做南河套塘之法卽不得不用引衛入運之計查南河之灌塘因有湖水之出束清壩者近在咫尺是以灌輸甚便然查洪湖束

清壩自道光三十年吳城七堡引黃入湖卽已受淤其時距豐工失事尙有數年束清壩已患不暢裏揚運河已覺水少然尙可堵三河兩壩以資收蓄卽謂三河一堵高堰萬分喫重然亦係蘭儀決口以後高堰石工殘壞之故將來修整疏浚猶易設法若北路引衛以資套塘無論豫民爭溉田之利蘆鹽有阻遏之憂而引水於百數十里之遙啟放需時機宜坐失與南河形勢迥不相同况元城集自漳衛旣合之後所引亦屬濁流以濁易濁同一受病此其可慮者三且舊河惟決於北岸乃有穿運之患今創築之南隄設有漫溢無論在張家支門之上下游處處仍必穿運防不勝防况北隄一經疏失則

奏稿卷九

臣

畿輔實當其衝受害尤爲切近至彼時復思變計則此番經營之帑金又已全成虛擲矣_臣等悉心酌核無論就東省築隄束黃置上下游於緩辦卽使經費充足上下游全行築隄而舉辦之時似亦無從著手再四籌思諸多窒礙似仍以堵合銅瓦廂使河復淮徐故道爲正辦彼此相衡計有四便就現有之河身不須棄地棄民其便一因舊存之隄岸培修不煩創築其便二廳汛裁撤未久制度旣猶可查考人才亦尙有遺留其便三漕艘灌塘渡黃不慮阻閱卽船數米數逐漸擴充無難徐復舊規其便四較之創建新隄冀幸於不可必者其得失甚覺懸殊也或謂蘭儀以下黃河應汛前已議裁隄岸殘缺已甚此時仍議復舊

迹近紛更至修隄浚河所費不貲豈易舉辦不思前此之議裁廳汛時因軍務方殷不暇遠辦河務故裁此冗費以供饑需今則軍務漸平河漕爲

國之大政安得不亟爲整理况就東省築隄計由決口起至利津入海止亦一千三百餘里豈能不設廳汛以資防衛故前之議裁者權宜之善計今之議復者經久之要圖至舊隄雖屬殘缺而河身改道未久基址本有可因若新創則必先棄千餘里之糧地既不便於

國計民生而兩岸築隄工需復非千萬金所能畢事其後煩費尤不待言似不若因仍復故爲事半功倍也今試將修築舊隄綜而計之修復舊河兩岸長隄其費約居十之

奏稿卷九

吳

七堵合銅瓦廂口門並挑引河其費約居十之三前准部咨令江東豫三省勘估舊河復故經費三省共估計經費銀二千二百餘萬兩以一年修復而論力量實有不及若分四五年次第興辦前數年所費尙不甚多惟最後一年應併籌堵口挑河之費以期一律告成應將此數項經費再行核實刪減估計通盤籌畫或協撥於各省或藉資於釐金經費有著集事非難黃既治而運亦可治斯爲一勞永逸之計臣寶楨於河務本非素習祇以河患之在東省今已十有八年被水十數州縣之民久困昏墊災緩賑恤靡歲不有無術補救清夜難安頻年南漕經行凡挑浚築壩事宜督飭地方州縣隨宜趕辦未嘗稍分畛域雖三年

以來於漕運尙無貽誤然智盡能索財力亦竭如東省築隄東黃卽可以利運與就東省築隄使之入海果害不甚大而事可必成亟願協力籌辦以冀及早觀成何敢稍執成見自取艱苦惟是利害所關甚鉅不厭詳求既有一得之愚曷敢自安緘默臣文彬現署漕督濟運是其職任如果築隄束水既糜鉅費而於濟運確有把握永無他患亦不願舍易就難惟此次親履查勘情形實利未可見而害且滋大亦不敢不虛衷商榷據實上陳應請

敕下在廷諸臣從長酌議恭候

乾斷施行所有遵議就東境築隄束黃恐濟運終無把握地方受害滋大各緣由謹合詞據實恭摺覆奏伏乞

奏稿卷九

吳

皇太后

皇上聖鑒訓示施行再此摺係臣寶楨主稿合併聲明謹奏

請加浙粵兩省中額摺同治十一年十一月二十八日

奏為浙粵兩省紳商在東省捐助軍餉懇

天恩俯准分別加廣中額以昭激勸恭摺仰祈

聖鑒事竊照東省軍興以後募勇征兵需餉浩繁庫款奇

絀自同治三年至七年捻逆迭次竄擾通省蹂躪殆徧又

加以黃水漫淹正賦率多緩征饟源更行竭蹶而各營防

勦喫緊需用尤刻不可緩羅雀掘鼠岌岌堪虞每於萬分

無可騰挪之際經前撫臣閻敬銘暨臣札飭軍需局司道

督率提調官李宗岱丁彥臣等陸續向在東之浙江廣東

兩省紳商暫行借墊隨時支應幸無貽誤俾各營士馬飽

騰得以迅奏膚功計同治三年七月起至十年年底止挪

奏稿卷九

哭

借浙省紳商銀三十萬四千九百四兩九錢五分一釐三

絲粵省紳商銀十一萬九千六百三十五兩八錢三分四

釐四毫八絲共借墊銀四十二萬四千五百四十四兩七錢

八分五釐五毫一絲均於報銷案內歷次奏明接准部覆

准其領銀歸還在案茲據浙江候選知府吳慶祥等廣東

候選同知張紹南等以東省捻逆雖平西陲回氛未靖雲

貴亦未肅清紳商皆知庫款未裕情殷報效公同商酌各

願將前項借墊應候發還銀兩全數捐助軍餉不敢仰邀

議敘懇請照章加廣本省中額等情聯名呈經前軍需局

提調候補道丁彥臣移咨軍需局司道核明造冊詳請具

奏前來臣伏查奏定章程各省捐輸於本身給獎外一省

捐數積至十萬兩者廣一次文武鄉試中額各一名捐數

積至三十萬兩者廣永遠文武鄉試中額各一名茲浙粵

兩省紳商吳慶祥等當東省軍情萬緊餉需告匱之時乃

能陸續借墊饌至四十餘萬之多已屬深明大義現在尙

未籌款發還而該紳商等因西陲回氛不靖雲貴亦未肅

清庫藏未裕協撥頻仍各願將前項借墊銀兩全數捐助

且不敢仰邀議敘尤見踴躍急公核與加廣中額定章及

江省辦過成案相符合無籲懇

天恩俯准將浙省紳商捐銀三十萬四千餘兩加廣浙江

省文武鄉試永遠中額各一名粵省紳商捐銀十一萬九

千餘兩加廣廣東省一次文武鄉試中額各一名均自來

奏稿卷九

哭

歲癸酉科為始俾士林早沐

皇仁庶羣情益知觀感出自

逾格鴻慈除將捐輸銀數清冊咨部外理合恭摺具奏伏

乞

皇太后

皇上聖鑒訓示謹

奏

保薦丁彥臣摺 同治十二年正月二十六日

奏為道員才猷卓著堪勝兩司之任謹列敘事蹟據實密保以備

簡擇恭摺仰祈

聖鑒事竊 臣前欽奉

諭旨著於所屬道府中查明如有通達治體循聲卓著者即出具切實考語據實密保並將該員才具短長分晰臚陳以備器使等因欽此當經欽遵將素所深知之現任候補各員開具事實專摺密陳在案惟查有山東遇缺題奏道丁彥臣一員才識開拓器局宏深溯查該道自同治元年以來隨同前撫 臣譚廷襄辦理軍務所有勦撫事宜規

奏稿卷九

辛

畫盡善深倚重之嗣前撫 臣閻敬銘查悉該道明幹篤實適以軍務喫重糧饟奇窘特派提調軍需總局該道多方籌措不避勞怨出納謹嚴計自同治四五六七四年中東省軍費浩煩而其用度樽節實百倍於他省歷次報銷到部乃其明驗 臣前次奏保各員時即擬將該道事實陳奏因其適值交卸局務私意該道在局最久交涉銀錢款項極多必須深觀其隱微之地果能矚然不滓乃可信為國家得人因於派員接辦局務後密飭將該道從前經手出入各案逐細稽考毫無虛飾益歎該道之公忠自矢始終一致迥非尋常才智之所及也至該道任事勇往 臣於上年派辦侯家林引河見其獨排眾難鉅任力擔卒能行

符其言至今地方河工咸相欽服查該道為守最優洵堪兩司之任 臣考察既確不敢隱蔽謹列敘事蹟據實密陳敬備

簡擇如日後才不適用 臣甘欺罔之咎伏乞

皇太后

皇上聖鑒訓示謹

奏

奏稿卷九

辛

查看河道城隍各工摺 同治十二年三月初八日

奏為查看徒駭河道鄆城隍工運河湖隄辦理情形暨回省日期恭摺奏祈

聖鑒事竊臣於二月十三日出省查看上年挑修徒駭河工程及鄆城縣黃河隄工業經奏報在案起程後即自武定惠民商河濟陽臨邑齊河等縣沿路查看徒駭河挑挖工程上下游尚屬一律深通坡水足資宣洩現仍飭各該州縣於間有高仰未能暢流之處隨時修濬復向在平東阿東平繞至鄆城察看黃河去歲新修隄堰一百二十餘里幸皆一律完整惟大壩迤北劉家莊等三十餘里係大溜經臨險要之處現在隄堰雖極整齊廂修埽段亦俱完

奏稿卷九

聖

固而伏秋大汛水勢增漲風力洶擊仍虞稍有疏失即壩南溜勢雖緩而隄身長至九十餘里按段加修亦非易事臣當飭該縣傳集紳民曉以利害多方勸諭按沿河被淹較輕及未經被淹各村莊妥議出夫捐料預防搶護各紳民深知自衛身家尚屬樂從惟以東南一隅民力保護一百二十餘里長隄實屬力有不及緣頻年兵燹之後繼以黃流小民蓋藏早竭借貸無門疲憊難以言狀每多饑殍不給若以出力出料均責令兼辦恐致貽誤臣到工後據該紳民環懇籌發銀兩稍資津貼臣目擊困苦情形既未便拘泥舊章亦不敢吝惜經費致誤事機伏維聖主痾瘝在抱視民如傷值此捍禦黃河緊要之時斷不

忍以災歉餘黎重滋苦累當即仰體

皇仁准其籌給已劄提充沂曹濟道庫銀一萬兩藩庫銀一萬兩委員按里酌量津貼俾該紳民等認真辦理以期保衛務於汛前將危險各處先期修築完固庶免臨時忙迫又由鄆城繞至濟甯查看應修運河南北兩岸殘缺隄工暨南旺等湖應修圈堰均於運道民田大有關係已飭令署充沂曹濟道潘駿文運河道王化堂督同各該州縣衛趕緊切實估修稟辦即於三月初三日回省沿途察看雨陽時若土膏滋潤麥苗茂民氣雍熙均堪仰慰宸廑為此恭摺具陳伏乞

皇太后

奏稿卷九

聖

皇上聖鑒謹奏

估修石佛新店運隄片 同治十二年三月初八日

再上年三月閒河臣喬松年以運泲二屬漫水隄工奏准動撥山東藩庫銀五萬兩當因堵築侯林大工修培鄆鉅民堰司庫支款浩繁未能即時籌解惟查濟甯以南運河新店開以下自咸豐初年豐工漫溢後隄岸衝缺河坡相連嗣後船隻往來俱由坡湖繞走今新店開以上運隄又因侯工漫水亦多衝缺之處若不及時修辦恐將來措手益難必致多糜工費且運水旁洩亦慮有礙清行惟詢據運河廳原估約銀二萬四千兩為數較多臣因現署充沂曹濟道潘駿文素悉河務工程辦事結實當飭會同運河道王化堂督飭營汛核實覆估以憑酌辦現據該道等

奏稿卷九

書

自新店開起石佛開迤北止擇要勘估計修築兩岸缺口並將隄身卑薄之處加高培厚以資保護舊隄收蓄水勢共估需土方銀一萬三千餘兩臣於此次由鄆城回省紆道親至濟甯該處周歷查看該道等所估於節省之中仍求慎重已飭趕緊興工務於南漕未至以前一律完竣並嚴飭認真督辦不得稍涉草率至該廳原估其時候工甫經堵合兩坡一片積水實屬無處取土現在經歷冬春積水漸已消涸取土較前稍易又係擇要辦理故前後估數不同除俟工程完竣再照估定丈尺驗收並將用過銀數核實造報外所有估修石佛新店南北一帶殘缺運隄緣由謹附片陳明伏乞

聖鑒訓示謹

奏

奏稿卷九

書

南旺湖工請免攤徵片 同治十二年三月三十日

再查東省運河西岸舊有南旺一湖地居濟甯嘉祥汶上臨清四州縣衛周圍修築圈隄復建立斗門十二所以注汶河西下之水並撤運河停積之沙關繫運道者甚重而湖西北數百里一帶民田當運河盛漲時尤恃一綫單隄藉資保護惟湖隄自道光二十八年興築以後因迭遭兵燹經費難籌久未修理兼以同治九十年黃水由洪川口侯家林等處潰決衝開芒生閘直灌入湖以致圈隄悉遭衝缺而湖底受淤益形高仰既不能容納汶水於運河極爲有礙卽民田之淹浸亦日甚一日前據濟汶嘉臨各州縣衛稟請修復隄堰 臣以該湖所關甚大且現值規

奏稿卷九

奏

復河運自應亟圖整理當卽批飭該州縣衛切實勘估稟報核辦 臣前由鄆城查看河隄後繞至汶上濟甯周歷查勘日擊四圍隄身悉成殘廢而湖心淤墊過高若不及時修築恐運道民田受害益深隨據濟甯等州縣各將所管界內應修工段估計前來共計約需銀三萬一千七百一十八兩七錢五分 臣逐加確核較之道光年間所估有減無增尚無分毫浮冒惟查從前興修係先行藉帑辦理由民間分年攤徵歸還當經飭令各該州縣衛查照成案舉辦復據稟稱傳集沿湖各村莊紳民剴切勸諭該紳民等均以湖隄係保衛身家藉帑攤還自應遵辦第從前濟汶嘉臨各屬未經賊擾亦無水災民力尙爲充裕故攤徵稍

爲遲緩尙能清還現在地方迭遭兵燹十室九空又加以黃水改道漫淹十餘年之久田廬盡爲澤國生計毫無苦難言狀若再照案攤徵恐民力萬有不及將來有名無實徒滋拖累環聚泣求稟請籌款興修免其攤還等情 臣詳查所稟係屬實情似應准其變通辦理以顧要工期於國計民生兩有裨益惟司庫近日協撥過多支絀異常而此項工程又萬難姑待再四思維惟有於臨清關稅設法湊撥銀三萬一千七百一十八兩七錢五分委解交署充沂曹濟道潘駿文隨時支給並札飭督同認真修築以仰副我

奏稿卷九

奏

皇上慎重運河之至意至此項銀兩攤徵歸還雖有成案可循而今昔情形懸殊民力凋殘實甚相應籲懇鴻慈逾格矜全俯准寬免則億萬窮黎感沐聖恩永無暨極除俟工程報竣委員驗收再行核實造報咨部核銷外所有修理南旺湖要工並籌款變通辦理請免攤徵各緣由謹附片陳奏伏乞聖鑒謹

丁文誠公奏稿

卷之十目錄

辦理水師營務查閱輪船海口摺 同治十二年六月初九日

改設登榮水師營制摺 同治十二年六月初九日

修理南旺湖圈隄摺 同治十二年閏六月三十日

籌修鄒縣 亞聖廟摺 同治十二年閏六月三十日

查驗師船摺 同治十二年七月二十八日

遵修臨黃大隄請折漕備用摺 同治十二年八月二十八日

請假回籍修墓摺 同治十二年九月三十日

瀝陳東省情形因地擇人片 同日

鄆城十州縣鹽務改由官運摺 同治十二年十月初二日

隄工款鉅仍請截漕並撥款濟用摺 同治十二年十一月初二日

黃水漫注東境通盤籌畫摺 同治十二年十一月十八日

交卸撫篆回籍摺 同治十二年十二月十三日

恭報到籍日期摺 同治十三年三月二十三日

黔省善後片 同日

銷假起程懇 陛見摺 同治十三年九月十一日

回任謝 恩摺 同治十三年十月二十八日

勘辦石莊戶決口豫籌工需摺 同治十三年十月二十八日

湖河一帶添設礮船片 同日

奏稿卷十目錄

一

辦理水師營務查閱輪船海口摺 同治十二年六月初九日

奏為辦理新立水師營務分別裁留兵丁分營操練並查閱輪船暨周歷西北海口各情形恭摺仰祈

聖鑒事竊 於五月初八日將出省赴登州籌辦水師輪

船各緣由恭摺陳奏在案 出省後於五月二十日行抵

登州府城即將先期調齊之文登營暨前後兩營水師兵

丁除前經調撥煙臺操練洋槍隊及同治元年奏撥新設

濮州營暨陸續裁汰未補各兵不計外共計三營戰守兵

六百零六名詳加校閱其槍礮打靶均未能一律如式次

日復閱水操所有入水演練之兵惟後營尙有八十名前

營暨文登營每營不過三十名技藝既未見精熟洵水亦

奏稿卷十

一

不能耐久此皆緣東省師船久壞故營務日就廢弛 於

校閱之下即將槍礮無準及老弱各兵全行開除合計三

營共革退戰兵一百零四名守兵七名此外計挑留戰兵

四百三十一名守兵六十四名合計共戰守兵四百九十

五名先行照章分撥登州水師營戰兵一百九十名榮成

水師營戰兵一百九十名登榮兩營水師統領副將營五

十一名其守兵六十四名亦經照章飭派分防膠州汛管

帶舢板礮船五十名餘守兵十四名分撥登州榮成兩營

各五名登榮兩營統領營四名以資差操查水師兵丁與

陸營不同應以泅水演練為上槍礮中靶次之刀矛牌手

又次之現雖師船未到而兵丁已經挑選有數自應先行

操練刻因文登營副將劉蔣華辦事昏憤不能得力臣飭調濮州營遊擊李楹暫署登榮協副將督同前任水師前營遊擊李揚威後營遊擊楊萬春督飭該弁兵等於分營之後即在水城按期督練並嚴定操練章程賞罰條規逐日認真照辦惟查此次原奏登州榮成兩營暨統領登榮兩營水師共應需戰兵七百名守兵一百名現計除挑留戰守兵四百九十五名外尙短戰兵二百六十九名守兵三十六名此次短缺兵數係從前抽調綠營各兵赴煙臺教練洋槍隊文登營挑去戰兵三十四名守兵二十六名前營挑去戰兵二十八名守兵十五名後營挑去戰兵三十四名守兵三十三名通計共挑去戰守兵一百七十名

奏稿卷十

二

此時若將該槍隊調回水師則現短兵數僅一百三十五名尙難募補惟思此項水師戰守各兵挑歸槍隊教練迄今已閱五年一切演習陣法施放槍礮頗覺整肅茲若再改歸水師則煙臺槍隊又缺額一百七十名必須另在各陸營挑補一經另挑則新兵操演洋槍既須從新學習而前此操練已熟之槍隊復歸水師又須另行教練是彼此互易之間實與招募新兵無異似不如將從前挑歸槍隊之水師各兵仍留槍隊以資熟習而於現辦水師缺額之三百零五名除留一百五十名俟粵東雇來水手考選充補外其餘一百五十五名應盡數另行選募沿海習水之人充補庶兵丁不致改操可免曠日廢時之慮第該三營

兵丁現在營制既改一經另募補充則撥入洋槍隊各兵無營可歸其操練槍隊每月應領水師坐糧亦無從請領自不能不爰爲籌計臣復查從前登中登右兩陸營裁去老弱守兵共計一百五十名文登營裁汰守兵七十五名刻均尙未募補現擬將此項挑歸洋槍隊之水師戰守兵一百七十名撥補登中登右兩營裁汰未補之守兵一百五十名以符原額其餘二十名即以撥補文登營裁汰未補守兵之數雖該三營水師之兵挑歸槍隊戰兵多而守兵少與陸營裁汰之數盡係守兵以此補彼似覺未能符合然該水師兵丁此時所練皆係步下槍礮即一律改戰爲守亦頗相宜不過每月應領坐糧守兵較戰兵爲少現

奏稿卷十

三

時該兵丁等在槍隊內支領月餉章程係除去每月應得坐糧再由海關加增津貼今一旦改爲守兵底餉自必短絀月餉即不能足數自應仍由海關道查明每月短絀若干另行酌量籌款貼補以符原定槍隊口糧之數年終核實造報如此一轉移間於餉項既無出入而水陸兵丁均可藉資熟手至臣前次奏定酌議新增津貼口糧即在裁減各兵一切餉項內估計支銷係按水師三營原額戰守兵一千三百一十一名餉項計算茲查同治元年添設濮州一營奏撥水師三營戰兵十八名守兵四名將來水師兵餉仍照原額支領則通省核計又增出戰守兵二十二名於餉項不無增添臣查濮州一營亦尙有裁汰老弱兵

丁未經募補日後募補時即少補戰兵十八名守兵四名以抵水師三營前撥該營兵數俾符定制至該營兵丁已布置畫一粵東所造師船四月底雖已放洋海面空闊風信難期刻尙無抵東准信現時屆小暑伏汛已至鄆城河隄防護極關緊要兼南漕業已入運籌護亦均喫緊未便株守况兵丁已挑選成數遴委將弁督飭操練將來船隻抵東但須分營上船別無他務似亦不必久候適聞省調來輪船到登因親赴該船逐一查看製造堅固器機靈活頗為精實因思東省西北一帶洋面與天津毗連關係最要且東北海口即係東省鐵門關為黃河入海之區亦為東省極要門戶必須親往查看庶海疆形勢可以

奏稿卷十

四

周知因即乘坐該船於二十九日由登州放洋周歷長山廟島黑山等處復由黑山島迤西向北直入大洋沿天津交界一帶轉西行至東省海口距黃河口尙數十里輪船已不能行復換坐該船舢板泝海上行四十餘里始見黃水而舟行愈上水勢愈淺至將近河口之處回視黃水高出海面約計丈許再行十餘里兩旁始見岸崖即係黃河正道又換坐熟諳水路民船上駛五十餘里至關王廟測量河水僅中流一路左右十餘丈水深尙有七八尺及丈餘不等餘則深不過三四尺淺或一二尺操舟非熟悉之人時虞擱淺又由關王廟上行四十餘里始抵鐵門關口兩岸逼窄水面至寬不過四五十丈窄或三四十丈

計自河口至關約計一百二三十里不惟輪船萬不能入即土著民船行駛亦屬不易信為東省海疆第一要口也惟黃河之沙漸積漸高將來恐水勢不能暢流入海或不免倒灌之慮於到關後即由利津一路陸行於六月初三日抵省所有辦理水師營務及查看輪船並周歷海口河口各情形謹恭摺具奏伏乞

皇上聖鑒訓示謹

奏

奏稿卷十

五

改設登榮水師營制摺 同治十二年六月初九日

奏為文登水師三營遵章改設登榮水師二營現已布置就緒先將大小員弁逐一考驗委署敬繕官職員名清單祇呈

御覽恭摺奏祈

聖鑒事竊 前因整頓登州水師請將舊設文登水師三營改為登州榮成水師二營酌變營制裁減兵丁優給津貼口糧並委員赴粵製造師船駕駛來東責令認真練習均經奏蒙

俞允在案茲 親抵登郡調集文登水師三營將弁逐一悉心考校當遵奏定章程將原設文登協水陸副將改為

奏稿卷十

六

統領登州榮成兩營水師協副將水師後營遊擊改為管帶登州水師營遊擊水師前營遊擊改為管帶榮成水師營遊擊文登水師營原設守備一員改為登榮水師協管帶左哨兵船守備千總一員改為登榮水師協管帶右哨兵船千總水師後營原設守備一員改為登州水師營管帶中哨兵船守備千總一員改為登州水師營管帶前哨兵船千總把總三員改為登州水師營管帶左右後各哨兵船把總水師前營原設守備一員改為榮成水師營管帶中哨兵船守備千總一員改為榮成水師營管帶前哨兵船千總把總二員改為榮成水師營管帶左後各哨兵船把總又以文登水師營把總一員改為榮成水師營管

帶右哨兵船把總水師三營原設外委十三員額外外委

十一員今裁去外委六員額外外委四員酌留外委七員額外外委七員內外委一員改為膠州協防管帶頭號舢板外委二員改為登榮水師協分防外委二員改為登州水師營分防外委二員改為榮成水師營分防外委其額外外委七員內一員改為膠州協防管帶二號舢板額外外委二員改為登榮水師協分防額外外委二員改為登州水師營分防額外外委二員改為榮成水師營分防額外外委新改各缺 即於原設水師三營員弁中詳加考察才具技藝實於水師相宜者先行分別委署惟文登協水陸副將劉蔣華辦事昏曠難膺斯任現查有陸營濮州

奏稿卷十

七

營遊擊李楹樸實勇幹紀律素嫻從前曾在軍營管帶礮船於水師操練尙為熟習當即委該員署理統領登榮水師協副將又榮成水師營管帶右哨兵船把總一缺水師三營中亦不得其人就近選得登右營額外外委陳國祥熟諳水性技藝優長即委該員署理榮成水師營管帶右哨兵船把總此外自遊擊以至額外皆仍挑委水師員弁署理惟事屬創始辦理尤宜加慎且千把各員均係專管一船責任甚重任使稍不得人即恐難免貽誤 此次遴委各員皆係一再反覆考較力求人與缺宜以期修舉廢墜不敢稍涉草率遷就是以千把各員閒有外委署理尙有外委數缺一時揀補乏人容俟操練年餘後知實有操

練得宜之弁照章拔補期免冒濫並請自副將以至外委無論是否本係實缺均一律改爲署理俟操練一年限滿查明著有成效再行分別另行奏咨補實以示慎重而昭覈實臣現已添委辦理營務之候補道陳錦會同該副將李楹照定一切教練新章嚴飭弁兵認真操演一俟師船到東卽行上船照常練習臣仍當隨時嚴加稽查不令稍涉廢弛謹將改設登榮兩營水師官職並委員大小各員弁等敬繕清單恭呈

奏稿卷十

八

皇上聖鑒訓示再文登水師營把總一員臣前次奏改營制未經議及查水師前營額設把總僅止二員現將水師前營改爲榮成水師營尙短管帶把總哨官一員是以將文登水師營把總改爲榮成水師營管帶左哨兵船把總以補足奏定把總六員之數合併陳明謹

奏

謹將改設登州榮成兩營水師官銜並現在委署員弁敬繕清單恭呈

御覽

改設統領登州榮成兩營水師協副將一員現委濮州營遊擊李楹署理
改設登榮水師協管帶左哨兵船守備一員現委本任水師後營千總王成署理
改設登榮水師協管帶右哨兵船千總一員現委本任水師前營額外外委陳廷樑署理
改設膠州協防管帶頭號舳板外委一員現委本任水師後營外委柳玉樹署理

奏稿卷十

九

改設膠州協防管帶二號舳板額外外委一員現委本任水師前營額外外委李鶴齡署理
改設登榮水師協分防外委二員現委本任文登水師營外委曲殿魁署理一缺因揀選乏人容俟練習一年再照章揀選拔補
改設登榮水師協分防額外外委二員現委本任水師前營額外外委王名業水師後營額外外委趙承順署理
改設管帶登州水師營遊擊一員現委本任水師前營遊擊李揚威署理
改設登州水師營管帶中哨兵船守備一員現委本任水師後營千總白永章署理

改設登州水師營管帶前哨兵船千總一員現委本任文
登營水師把總曲中和署理

改設登州水師營管帶左哨兵船把總一員現委本任水
師前營外委曲成德署理

改設登州水師營管帶右哨兵船把總一員現委本任水
師後營外委應登元署理

改設登州水師營管帶後哨兵船把總一員現委本任水
師後營把總李九如署理

改設登州水師營分防外委二員此二缺因揀選乏人容
俟揀習一年後再照章揀選拔補

改設登州水師營分防額外外委二員現委本任文登水
師營額外外委李保興劉志賢署理

奏稿卷十

十一

改設管帶榮成水師營遊擊一員現委本任水師後營遊
擊楊萬春署理

改設榮成水師營管帶中哨兵船守備一員現委本任水
師前營守備李國安署理

改設榮成水師營管帶前哨兵船千總一員現委本任水
師前營千總白正有署理

改設榮成水師營管帶左哨兵船把總一員現委本任水
師前營把總王長齡署理

改設榮成水師營管帶右哨兵船把總一員現委本任登
右營額外外委陳國祥署理

改設榮成水師營管帶後哨兵船把總一員現委本任水
師前營把總辛永芳署理

改設榮成水師營分防外委二員此二缺因揀選乏人容
俟練習一年後再照章揀選拔補

改設榮成水師營分防額外外委二員現委本任水師後
營額外外委徐殿魁高成方署理

奏稿卷十

十二

修理南旺湖圈隄摺 同治十二年閏六月三十日

奏為籌款修理南旺湖圈隄工竣委員驗收一律鞏固恭摺奏祈

聖鑒事竊查南旺一湖為南北通運之脊地居濟甯嘉祥汶上臨清衛周圍修築圈隄所以宣洩運河盛漲之水關係運道甚重自軍興以後年久失修兼以黃水灌湖以致各隄悉遭衝缺湖心淤墊過高當此規復河運之時亟宜趕緊修理因查前署兗沂曹濟道潘駿文心精力果熟諳河務隨即札飭督率各該州縣衛衛確切估計需銀三萬一千七百一十八兩七錢五分無可再減若照案攤征則各該屬兵燹水淹之餘民力實形拮据若動支款項則司庫

奏稿卷十

三

協撥過多亦屬異常支絀於無可籌畫之中因在臨清關稅項下設法湊撥解交兗沂道隨時分支並督同認真辦理經 附片奏

准在案茲復據該道稟報各州縣衛承修各起工段一律先後告竣復札行藩司委員切實驗收覆稱均係按照原估高寬丈尺土工則分硤堅實石工則堆砌整齊實無草率偷減等情前來覆查無異除分飭各將用過工料數目即速造冊咨部核銷外所有修築南旺湖圈隄工竣驗收緣由理合恭摺具奏伏乞

皇上聖鑒謹

籌修鄒縣 亞聖廟摺 同治十二年閏六月三十日

奏為鄒縣

亞聖孟子廟年久失修傾圮過甚現在趕緊籌款修葺恭摺奏祈

聖鑒事竊查鄒縣

亞聖孟子廟自乾隆三年發帑大修之後迄今一百三十餘年從未修整其間不過隨時粘補設法鉤摺近年更因戎馬倥傯庫儲支絀林於費繁工鉅力與心違遂致亞聖殿以下各處梁檁傾廢瓦片脫落牆垣坍塌更甚於前勢難再事延緩且曲阜

奏稿卷十

三

經鄒縣知縣稟請興修即於上年飭派大員前往督同該地方官確切勘估正在查辦間適值連日大雨滂沱亞聖正殿七間自大脊以下全行坍塌到地木瓦概行砸毀中三間坍塌於殿外東西兩間坍塌於殿內其餘各工亦多傾圮隨經飭令趕緊確估一面行司籌款一面鳩工庀材旋據印委各員稟覆正殿七間上下蒙頂應全行揭蓋椽檁應一律揀換以期持久此項工需最為繁重此外如寢殿東西兩廡承聖門碑亭二座東西兩便門天震井焚帛池啟聖殿祧主祠致嚴堂致敬門知言門養氣門泰山氣象門櫺星門繼往開來牌坊二座週圍大牆並

述聖廟大殿兩配房碑亭大門並廟外東北角河岸一道

又斷機堂三遷祠曝書臺洗硯池各等工均須一律修理
統核甄瓦木石灰泥竹麻金鐵彩畫油飾等項工料屢經
核減力求撙節共估需實銀一萬七千八百八十六兩六
錢八分五釐方可舉辦查東省本有廟工生息一款係由
征收北運引票加價項下均勻貼補而各處帑息甚多不
能專提此款本年引票甫經開網所收加價更屬無多頗
形拮据而工程既經開辦未便因經費不敷或作或輟以
致日久懸宕因飭運司會同藩司籌款給發解工濟用並
勒限秋後全工告竣容俟驗收後再將用過工料細數另
行奏報再廟貌聿新祭器亦宜齊備現據稟報年代久遠
殘缺頗多已飭令開送數目查核或應修補或應添製需

奏稿卷十

西

費若干統俟辦齊附入工程案內一併核實彙案咨部核
銷所有

亞聖廟日益傾圮先行籌款興修各情形理合恭摺具奏
伏乞

皇上聖鑒謹

奏

查驗師船摺 同治十二年七月二十八日

奏為查驗粵東購造師船一律堅實現擬將所派駕送官
兵資遣回籍並酌留水手以資教練恭摺仰祈

聖鑒事竊 前據候補道李宗岱稟稱該道赴粵購造師

船已於六月二十八日全數由煙臺帶赴鐵門關候 驗

收當經奏報於七月初九日出省查驗在案 於十四日

行抵鐵門關以該師船喫水較深內河不能行駛停泊於

河口海外 於十五日出海逐一查驗所有該銅底兵船

十四號及隨船大小舢板二十八隻均屬製造合式尺寸

亦比原奏章程各加寬長其中木料之精堅器械之齊整

實為近時師船所罕見至於所購槍礮除鐵礮而外尤以

奏稿卷十

五

克虜伯所製後鎗鋼礮為利校閱雇募各水手一切上桅

泅水施放槍礮技藝並皆精熟 伏查東省水師久經廢

弛前次赴登業經挑選兵丁嚴飭加緊操練今有此堅船

利礮亟應分配乘時練習以期振作惟東省各兵技藝實

不如粵中雇來舵水人等之精熟現擬將原雇之舵水人

等三百六十六名全數留東隨時補入兵額以資教習第

該舵水等技藝既精平時在粵雇價甚優今遠道來東所

領新定水師兵丁口糧仍屬不敷養贍未肯強留 現擬

另行籌捐口糧辦理不動庫中一款按照粵東雇價補給

俾得資成認真訓練期年之後必可漸成勁旅並請於粵

東派來弁兵一百一十四員名內酌留水師提標後營都

司銜儘先守備梁肇駿廣州協左營儘先守備唐廷威水師中營儘先守備蘇永祥候補把總鄭廷安儘先外委衛鎮江張輝記委目兵王安邦等共七員名歸山東水師作為候補人員差委如果始終勤奮即照前次奏定章程准其一體委署拔補各缺以示激勸其餘弁兵臣前經奏明俟抵東時由臣優給川資並代為籌款搭船遣送回粵現除病故兵丁一名已酌量賞卹外下餘將弁八員兵九十名已札飭東海關道就近由常稅項下提撥兩箇月口糧以作川資另加給二十日口糧以備該弁兵等沿途風雨阻滯之用並飭雇備船隻妥送回粵以示體恤至此次購造船礮之委員候補道李宗岱承辦鉅工諸臻妥協且

奏稿卷十

六

查上兩次東省委員赴粵造船均因辦理不善以致徒糜鉅帑實無一船至東今此次師船十四號大小舢板二十八號工堅料實且皆平安至東器械毫無損失尤為督率有方相應給予獎勵惟該員官職較大無可議敘可否仰

懇
天恩破格獎勵以為實心辦事者勸至其餘廣東山東兩省管駕各文武員弁遠涉重洋出入於洪濤駭浪之中均能管駕得宜船礮一切毫無傷損亦屬著有微勞可否一併由臣擇其尤為出力者酌量保獎用昭激勸之處出自逾格恩施再臣驗船後即於二十四日回省辦理科場事宜合併陳明除將酌留廣東水師弁銜名暨造船雇募

水手並發給粵東派護各官弁兵丁來往薪水口分川資各經費容俟造冊咨部查照核銷外所有臣出省查驗船礮暨遣留員弁兵丁水手各緣由理合恭摺具奏伏乞皇上聖鑒訓示謹

奏稿卷十

七

遵修臨黃大隄請折漕備用摺同治十二年八月二十八日

奏為遵修曹屬臨黃大隄維持運道民田工鉅費繁請將東省本年漕糧全數折徵以資工用恭摺具陳仰祈聖鑒事竊前准部咨欽奉

上諭河流趨重山東自應增立隄防著丁寶楨酌度形勢將張秋利津一帶舊有民堰加培堅固並酌籌款項將侯家林上下民堰仿照官隄辦法一律加高培厚設法防護等因欽此伏查黃水決注東省為患將二十年運道民田均受其害未至張秋穿運以前本無河形南北汎濫無隄束水以攻沙故停淤易而變遷尤速既穿運以後雖有大清河河身甚為狹隘顧今日之尚能容納正以上游容水

奏稿卷十

六

之地較多而究其汎濫停淤之病實為日後無形之大患今黃河既任令由大清河入海所有自張秋至利津之八百餘里河槽現尚能容兩岸亦多民堰閭閻利害切身自知隨時修補應再嚴飭沿河州縣各就境內董勸增培應暫緩另議科條以節經費而免煩擾至張秋以西上游一帶水面太寬修治無可著手不論如何設法總屬補苴終非長策多用經費幾同浪擲第又有不得不辦之勢就目前情形而言年來溜勢在南惟有於近水修築大隄稍資防範冀汎水仍注安山一帶藉以濟運與完善之民地略可保全而已復查黃水初注東境大溜北近金隄由開漢至張秋計不及二百里嗣溜勢南趨先衝決趙玉河之紅

川口等處民堰屢堵未就溜勢益趨東南旋又決沮河之

侯家林民堰上年極力堵合仍恐復決他處因將上下游民堰一併增培雖施功至一百十餘里之遙然距與直隸交界之處計尚未及半緣漫水向南較遠堰形過於灣曲若就民堰舊基合已修未修一律改為高厚官隄約計將及三百里本年伏汎未漲以前臣會派員查看其西南一帶堰外頗有洩出餘地遠近不等若就此灘面取直築隄約可省去數十里即可多保涸復地畝又於逼溜直注安山濟運較為得勢惟築近南之隄取土較易方價似可稍廉築取直之隄土性不免帶沙且距溜甚近丈尺倍須高厚更有水內施功之處彼此相權工費略等通盤核計土方工料即使省之又省亦約需銀一百餘萬兩現在未過霜降水勢尚盛不但取直之灘面尚屬一片汪洋大汎後不知刷深溜溝幾道能否施功即近南之民堰本年多有漫缺之處其情形若何亦復未能確勘俟冬初水退遴委委員分投勘丈明確將丈尺土方核有定數再行奏明辦理惟是工程尚須詳勘而經費必當預籌向來辦理大工皆係奏請撥款此項改築官隄即與黃河大隄無異工費約需銀百餘萬兩為數較鉅本非一省力所能任第現當庫款支絀之際籌撥亦極為難臣未敢援案陳請祇可先就本省籌畫而東省歲入正款祇有此數奉撥各饒為數浩繁又無釐金閒款可資挹注惟查漕糧一項如遇本省

奏稿卷十

九

丁文誠公奏稿 卷一〇

急需曾有截留備用成案 再四思維擬請將本年各屬應徵漕糧全數折解撥充工需計除災緩及薊糧兵米外約起運米不足二十萬石按市價及用費約可折銀四十餘萬兩得此鉅款則工需差及一半有著始可圖成明知京倉攸關緊要何敢遽請截留祇以此項隄工係為捍禦黃流維持運道工費亦屬要需東省除此別無可籌不得不為此變通之計惟有懇懇

天恩俯准截留應用俾要工得以及時籌辦尙有不敷之款容俟核明確數 再於藩運各庫內移緩就急酌量勻湊以期集事抑 更有請者黃水自銅瓦廂下注由豫直始至東境今東省既議自荷澤入境改築大隄所有上游

奏稿卷十

干

直隸境內必須一併築隄與東境相接始能完密若不同時並辦則將來汎漲時水自上游溢而南趨東省長隄同於空設工費悉成虛糜應請

敕下直隸督 一體預行籌計以資聯屬而期保衛所有

籌款修築長隄並請截漕備用緣由謹繕摺具陳伏乞

皇上聖鑒敕部速議核覆施行謹

奏

請假回籍修墓摺 同治十二年九月三十日

奏為 父墓被賊掘動叩懇

天恩賞准給假一年回籍設法安厝稍盡烏私恭摺泣陳仰祈

聖鑒事竊 服官在外已十餘年從前家鄉變亂音耗不通上年貴州奏報肅清始得專丁回籍看視三代墳墓茲於九月二十八日據家丁來稟 父墓有被賊掘動形迹

聞信之下心膽摧裂痛不欲生伏念貴州苗教之亂全係本地土匪內相殘殺其間挾私爭怨極為分明所破城池村寨焚戮之外凡有墳墓多被毀傷非若他省寇自外

至不悉地方情形生者即無可逃死者或倖可免故兵燹

以來被賊之慘貴州尤烈 自咸豐癸丑回籍遠丁母憂

卽值下游匪勢猖狂欽奉

文宗顯皇帝諭在籍募勇防勦過之使不得上竄者閱六年該匪積恨切骨已非一日庚申年渥蒙

簡放湖南岳州府知府撤勇赴任 以黔賊未平恐有日後之患辭家之日盡將 祖父母父母各墓碑撲而後行

私冀倖免報復不料同治壬戌年賊突竄上游分股徑繞

籍廬墓焚燬無遺親族殺戮殆盡屈計 父墓被掘必

在此時迄今閱十二年矣 父則棺骸久露 則安坐衙

齋捫心內疚無地自容痛念 父生 劬勞未及享

日之奉而身後慘遭賊害此時若有軍旅之事尙可援金

奏稿卷十

主

革不避之義以自勉今東省幸獲安堵若徇己忘親隱忍貪位則是可忍也孰不可忍自問何以爲人况兄弟三人年來相繼死喪僅存一身若非親往安厝不惟父子之親責無可貸即欲分任實別無可屬之人自接信以後神魂若失心志昏迷夜每閉目若見父慘然不樂兩日以來終夜傍徨惟有悲泣伏維

聖朝孝治天下凡在工請假省墓無不渥邀

矜恤况遭此變故實八子齋恨難言之隱惟有泣懇

天恩俯准假期一年並懇

迅賜簡員接任巡撫俾立得交卸星馳回籍設法安厝

庶父早獲一日之安必當結報泉下一俟料理事竣

奏稿卷十

亦必趕緊銷假重塗肝腦以期仰答

生成無任迫切悚惶待

命之至所有請假回籍緣由恭摺泣陳伏乞

皇上聖鑒訓示謹

奏

瀝陳東省情形因地擇人片同治十二年九月三十日

再查東省爲

畿輔股肱緩急胥關緊要近數年來吏治民風漸有轉機

豈不願力求上理稍伸犬馬報效之忱無如孽重災生

致父墓有被賊掘傷情事人子處此痛心疾首計無復

之不能不泣懇

賞假回籍料理而回念東省情形殆未始不長慮而卻顧

也竊維爲政在於得人方今人才奮發

聖主明同日月自必

鑒別之獨精第以人才每難兼全而用才亦貴得地現在

各處亂機甫定凡一應政令張弛大約以熟悉地方情形

奏稿卷十

爲最要蓋情形熟則利弊審利弊審則措置宜故同一才

也人地有生熟之分即辦事有難易之別東省吏治夸而

民氣浮躁縱本屬不易近又加以河漕各務叢集一省尤

非熟悉地方機宜措施恐難悉協竊見現任布政使李元

華廉慎自持實心任事辦理一切亦覺裕如又漕運督

文彬嚴正沈毅任事果決且自沂州府游升藩司十年以

來官民翕服資望較重現值需人孔亟我

皇上簡拔精當本非下所敢妄窺第恐以近

畿爲重勢必因地擇人則如文彬等之熟諳有爲均足以

供

採擇爲地方得人起見謹附片密陳伏乞

聖鑒謹
奏

奏稿卷十

三

鄆城十州縣鹽務改由官運摺同治十二年十月初二日

奏為山東省北運鄆城等十州縣鹽務積疲日甚現擬籌借運本督飭委員試辦以期整頓而重課款恭摺奏祈聖鑒事竊查東省漕網南北兩運互相維繫從前南運引地始以商力疲憊繼以賊匪紛擾十餘年來至於一引不銷竟成廢岸經臣於同治六年將南運商邱等九州縣鹽務委員專辦在案復經隨時體察北運情形疲滯已久而鄆城等十州縣尤甚溯滯銷之由南礙於淮私豫私北礙於蘆私兼各該處地方多係產硝之區每當春夏之交雨水稍缺硝鹽滿地加以奸民刮土淋曬硝戶藉官煎私幾有防不勝防之勢各州縣或商辦或官辦或官包商辦或

奏稿卷十

三

覓友代辦參差不齊然皆係資本缺乏雖極力督責均不過設法運銷僅顧考成而止於暢銷裕課之道全未講求亟應量為變通設局委員承辦藉資整頓臣與運司再三商推東網大局以整頓西南門戶為先而操之過急未見其利徒滋其害祇可徐圖其亟待變通者應以界連直隸各州縣自曹州府以北為斷查曹州東北為鄆城折而西過大河為濮州又北為觀城稍東為范縣又東為壽張折而西北為朝城莘縣冠縣又裹入直隸界內三面皆係直境者為邱縣附近直界介在臨清德州之間者為武城以上共十州縣內鄆壽范觀朝莘冠邱八縣皆在道光二十九年奏請官辦之列濮州武城向由商辦因歷年賠累難

堪自願請歸局辦統計十州縣額引共三萬五千八百四十道現擬統歸委員試辦領銷以運司爲總辦卽在該署設立督銷總局以專責成並派知府一員提調一切事宜十州縣設立分局每處各派一員慎選明白廉謹精於會計者分投查辦均發給木質關防鈐記以昭信守張秋鎮爲轉運收發之區永阜場採買鹽筋雜口局收發鹽包雇船運駛均經分派委員經理並於柘園鎮一帶添設卡座遴委總巡分巡隨時隨地嚴杜蘆私平毀硝池不准稍形鬆懈惟歸委員辦理運本無出卽設立各局子店應製一切墊底器具並委員等薪水辛工火食等項爲費甚繁且因連年黃水北趨異常漲發場竈率被淹浸鹽穰旣形昂

奏稿卷十

美

貴運脚亦屬不貲茲由運庫先後籌借銀九萬兩藉資接濟統限三年歸款其領引春運悉遵定章先課後引雜款亦均隨引完納並不准分毫蒂欠惟積疲已久該委員等承辦頗屬不易臣現飭運司明定章程實力考核如不得力隨時撤回若別有侵蝕營私等弊從嚴治罪至該委員等果能潔己奉公俾引暢課充俟二年後著有成效酌核分別請獎庶各有勸懲俾知感奮至照額督銷各該州縣不得辭其責緣禁私緝梟本係地方官應辦之事不得因另委專員試辦意存諉卸每年奏銷考成銷足分數則甄敘墮銷則揭參仍照定例辦理如能拏獲大夥私匪卽給優獎若聽私梟入境不能懲辦卽行嚴參如此認真辦理

或足以振頹綱而衛全局據運司鄭蘭悉心籌議具詳請奏前來臣覆查理財以裕課爲先行鹽以疏滯爲要前飭運司加意整頓上年銷數雖比前數年較暢仍未見大起色如竟畏難苟安因循觀望不亟思設法整理則日復一日勢必引積課懸臣現飭運司督同提調嚴行考核並分飭場官及委員等加意妥辦嚴絕弊端由場築鹽以及護運秤驗各事宜概照向章辦理其由場運赴各屬水陸迭更沿途偷漏灑賣夾私等弊通行查禁其大旨在利國便民其大要在禁戢中飽嚴緝各私如果上下一心實力辦理事事擗節行之數年雖未敢必轉滯爲暢亦自可逐漸獲益蘇困累而裕課源以仰副

奏稿卷十

毛

聖主垂念東網之至意再南運商印等九州縣委員督辦時賊氛未靖戶口凋零本屬萬分棘手旁觀卽多私議以辦理未能確有把握日後必致大虧成本者而臣一意孤行百折不回期先難而後易勿進銳而退速始於河南歸德府所屬添派勇巡聯集鄉團嚴密巡緝私梟漸覺斂迹銷數亦頗見轉機繼因安徽宿州爲南運門戶私梟尤甚商人視爲畏途無人承辦近亦改歸委員試辦並派勇營會同地方官緝私從此淮私亦少浸灌上年銷數比前數年已見加增而數年來增添課款亦不下十餘萬奏銷分數亦均能趕足所借運庫本銀五萬兩前已繳還銀四萬七千兩所餘三千兩現在均已如數全完此皆仰叨

福庇得以稍著成效欣幸之餘倍增兢惕謹將實在情形
縷晰附陳上紓

宸廑除咨部查照外所有籌借運本委員派辦鄆城等十
州縣北運鹽務緣由理合恭摺具奏伏乞

皇上聖鑒訓示再鹽務事極煩瑣尤須因時變通以後如
有未盡事宜容臣隨時察度再行奏咨辦理合併陳明謹

奏

奏稿卷十

天

隄工款鉅仍請截漕並撥款濟用摺同治十二年十月初二日

奏為隄工鉅款難籌需費較急請將本年漕糧分別兌運
截留以資兼顧並懇請撥款俾濟要需恭摺覆陳仰祈

聖鑒事竊臣接准戶部來咨議覆臣奏准修曹屬臨黃大
隄請將東省本年漕糧全數折徵以資工用一摺同治十

二年九月十九日具奏奉
旨依議欽此欽遵到臣查原奏內開東省漕數較多轉輸

最近不容輕議改折咸豐同治年間曾暫辦折徵因本省
贍軍放賑要需是以從權議准現在京倉粟豆缺乏全賴

東省接濟所請全數折徵撥充工需之處礙難議准請飭
全徵本色趕辦起運以實倉儲至曹屬隄工關繫緊要應

奏稿卷十

天

與上游會商直隸督臣從長計議核實勘估再行奏請籌

撥款項分別興修等語伏查漕糧關繫京倉原不敢輕議
改折惟現擬修築曹屬隄工係為捍禦汎濫黃流保護運

道民生要務工長費鉅本應奏派撥款祇以部中籌議既
屬不易即由他省撥解緩急恐未能應手萬不得已因先

就本省籌畫而東省實別無可籌之款祇有漕糧一項歷
有折徵截留成案故有援案折徵撥充工需之請部議以

從前折徵之案或因軍務或因災歉事屬從權此次全數
折徵截留礙難議准自係為慎重倉儲起見然以現在黃

流日益東趨汎濫彌甚民田被害較廣運道岌岌可危此
項隄工所以保護之者實與軍務饟需災區賑款同一緊

要而保運正所以利漕衛民卽所以裕漕更爲以漕濟漕事屬一體查東省本年漕糧除災緩及撥運兵米外應行運通者不過十八九萬石卽全數折徵將來估計工需尙未及半必須另行籌撥今部臣以京倉需用孔殷臣亦何敢不籌兼顧思維再四惟有力求變通之法擬請將本年漕糧以一半飭徵本色解通交倉以一半照時價折徵銀兩解交藩庫撥作工需以資急用如此分別徵運折留在倉備雖少數萬石之糧亦可藉資接濟而要工有所憑藉可以剋期舉事似屬兩有裨益至前奏所估築隄道里土方約需銀數實係從省計畫雖因水未歸槽尙須確勘而旣爲必辦之工卽係必需之款並非事在未定猶可緩圖

奏稿卷十

三

且工需約銀一百餘萬兩計漕折尙未及半而應需之料物一切亦須本年及早辦理是以預請截留俾開漕以前早得定議月餘以來水漸消涸臣已節次委員分投確切勘估俟彙齊稟復情形由臣通盤酌核於十月內詳晰具奏年內爲日無多必須一一上緊布置次第興工趕於來年桃汛前後全隄可以告成庶期防範得力惟臣前次奏截全漕計銀將四十餘萬兩不敷鉅款由臣於本省竭力籌維茲折留一半漕糧計數不過二十餘萬則日後工需短絀益多本省萬難遽籌不得不奏請籌撥惟有懇懇天恩俯念要工緊急勅下部臣於近省有著之款先行籌撥銀三十萬兩準於開年二月前解到東省俾濟要需至

上游直隸東明開州各缺口臣俟查明確切情形卽移咨督臣李鴻章核辦現已先札該州縣會查具稟惟督臣駐津距大名較遠若俟函商定議再奏誠恐不免稽延而東省地居下游民地則被災甚重運道則大局攸關但使本境有可設法籌辦之處自當竭力設法修防仍移咨李鴻章一體籌畫斷不敢稍涉觀望以仰副

聖主慎重河防之至意所有本年漕糧仍請分別徵運截留並請撥款辦工緣由謹繕摺覆陳伏乞

皇上聖鑒勅部迅速核覆施行再臣現在請假此項隄工自應俟

簡員接任奏明辦理惟工程關係至重且漕糧徵運折留

奏稿卷十

三

必須及早定案以便飭屬遵行更不容再事耽延若俟接任之員再行奏辦深恐遲誤是以據實預陳合併聲明謹奏

黃水漫注東境通盤籌畫摺同治十二年十一月十八日
奏為查明黃水上游漫注東境通盤籌畫堵口築隄以資捍衛並分別確核工需詳細具陳仰祈

聖鑒事竊臣前將遵議修築曹屬臨黃官隄預籌經費於兩次懇請折漕備用摺內將大概情形先後具奏在案其時雖以工在必辦然甫過霜降漫水所到之處仍係一片汪洋未能確勘情形遽定辦法且因直東交界處所東明開州荷澤濮州犬牙相錯均屬河身上游本年漫缺不止一處究竟水勢以何處為最大施功以何處為最要堵口應在東在直恐州縣或有推諉必須履查確切以免舛錯當經徑札該州縣並遴委道府妥員分投確勘去後茲據

奏稿卷十

三

各該員先後查明繪圖稟覆臣細加考核查黃水前數年原自荷澤之閻什口濮州之張家支門循趙王河北行民間曾於東岸築有小堰稍資防護嗣一決紅川口再決霍家橋大溜東趨河身漸改為東西形勢南岸濮境逐漸淤高每年大汛時雖稍有串灘之水不甚為害民間既未於灘面另立新堰其趙王河東岸舊堰遂已無存本年伏汛黃水來源既旺雨水又多以致南岸淤灘於六月下旬由開州之焦邱濮州之蘭莊衝漫二處斜趨東南從張家支門南北一帶直抵鄆鉅上年所修民堰漫溢數處其初原祇倒漾之水並無溜勢消退後堰身尚易修整嗣於閏六月七月中旬東明之岳新莊石莊戶民堰先後復決二處

口門較寬約分大河二三分溜勢漫水悉注東南致下游鄆鉅被漫之堰兩面受水風浪衝激卽日多僅存十之五六現在冬初水涸堰基又露出一二分坡水深僅尺餘淺或數寸然總無乾土可取欲行補築殊難措手溯查東趨之水皆係經過張家支門該處南北雖尚有支流四道然寬不過一二十丈深不過三四尺堵塞尚易支流既塞僅存大門口一處計寬八十二丈水深一丈三四尺而兩壩有路運料有地取土從此施功可期堵合此處合龍則東趨鉅嘉北注鄆城之水自可漸涸應將南路之堰移於北面近水灘地則民田運道尚可冀保全惟荷澤之北與濮州之南民地被淹尚屬不少復查上游各處民堰缺口

奏稿卷十

三

現在多已淤閉惟石莊戶一處口門已寬一百四十八丈水深丈餘若將此處堵合則張家支門之水可期不堵自涸再就北面近水灘地接築長隄卽荷北濮南民地並免水患此則權衡兩處缺口緩急之情也再查石莊戶漫水東趨與北面大河愈分愈遠中間現在涸出灘面東西約百餘里南北自十餘里至二三十里兩溜分歧幾於隔絕若欲堵築張家支門必須於北面已淤之趙王河身挑挖引河導水北去冬令水弱或尙能容並須於未合龍以前自安興墓至霍家橋預築高厚長隄以資捍禦所慮來年汛水漲發自石莊戶至張家支門計程八九十里勢成入裏頂衝北行不暢則此一帶新隄萬分喫重然因此遂不

敢舉辦則來歲黃水分溜東注運道湖河悉成淤墊為害甚鉅卽張家支門一帶亦將如今年李家樓呂仲剛屯之節節衝刷又復無可施功是張家支門之堵築東省實有不能不辦之勢若能堵合石莊戶則口門本近大河旣不須挑挖引河卽築隄亦得形勢此則辦理兩處缺口難易之情形也故就籌防黃大局而論則必堵石莊戶庶以下施功較易而所裨者甚廣但該口係屬東明界在大河東南地畝為數無多堵口之受益甚微不堵亦被害非切而工繁費重羣情觀望自係恆情且一縣之民力無多被災之後益形拮据更難期其必辦然使該處口門不辦則東省被淹之民地旣多運道之敗壞尤甚惟有度地置隄急

奏稿卷十

三

堵張家支門為自行保衛之計然臣竊思事在人為若果有關全局則雖善自為謀猶不若兼為人謀為得計無論是直是東總當一體統籌堵合現據勘石莊戶口門寬深丈尺合計堵築工費約需銀三十餘萬兩張家支門口門較窄而水深兼有支流四道約需工費銀二十餘萬兩如同時並辦所費太鉅茲就東省目前辦法必須自行籌款專堵張家支門以保運道湖河及鄆鉅汶嘉民地因挑引河築大隄兩項必先期早辦一步因循便恐遲誤而荷漢之民緊當石莊戶下游害在切身若勸令堵築該處亦所甚願但官不為設法僅恃民力亦無以對閭閻當此經費萬難之時臣輟轉思維擬定變通之策由官量為津貼料

物之需其土方夫工等項仍藉資民力但能委曲勸諭亦自樂於從事核計各項物料約需銀十餘萬兩擬將此項發交該州縣官並派熟悉工程實心任事之大員督率兩邑之民實力辦理如克有成不但石莊戶工需所用者少所省者多卽張家支門應用工需除挑河築隄已經動支外其餘尙可節省惟石莊戶究屬直境自須一併借資直民之力庶東民無可觀望且東明河東被害較多自亦樂從臣已經咨會並函商直隸督臣飭令東明縣曉諭河東居民一體聯絡協助並委員會同東省督率辦理但資其力不用其財庶便集事而節帑費茲接覆咨意見相同並於屆期派委大名道前往該處幫同東省委員督籌妥辦

奏稿卷十

三

嚴飭東明官紳多集民夫合力興作以成要工自應照此辦理此又東省議辦張家支門及會合直境兼辦石莊戶之情形也至前議改民堰為官隄會聲明俟確勘後始能核定道里茲查張家支門堵合則鄆鉅漫水自涸所有南路殘缺舊堰無須修補應於北面涸出灘地更築新隄計五十二里卽臣前摺所稱取直之隄其上年所修民堰一百一十七里應加高培厚者計三十二里其餘八十五里堰前積水可期消涸不須修培惟前議築隄僅至王家垓止現在秋後水涸自王家垓起至運河十里堡西岸止又已涸出灘面為前次求而不得之形勢應卽就灘築隄直抵運岸計六十四里以保運河四十里及民地數千頃以

上新舊三段隄工計一百四十八里地居下游無論堵張家支門或堵石莊戶皆係必須興辦之工其上游隄身如堵張家支門則應自安興墓起至霍家橋止普築南北大隄計五十三里須趕辦以備缺口合龍又自安興墓對岸起向西接築長隄至直隸交界止約計八十餘里以防南趨漫水因立隄以近水為主現在漫水日向北涸隄基自難遽定亦尚可稍緩若能堵合石莊戶則亟將此段隄工移於北面灘地近水建築用資捍禦東境計八十五里惟濮州荷澤濱水之處中隔東明開州地段恐直境立隄事宜一時難於定議應先就東省荷澤境內建築遙隄約增三四十里此數段隄工因堵口不同故立隄亦異然兩處

奏稿卷十

美

各計一百二三十里合之下游約一百五十里總計不過二百七十八里與前約估之三百餘里尚有減少惟安興墓至霍家橋之五十餘里即使堵石莊戶仍不能省因此時情勢以禦東趨之水為最重必須預為修築未便俟石莊戶之工程若何再行趕辦或致誤事此又分別築隄道里多寡之大概也至築隄之費前擬計程三百里約估銀百餘萬兩查道里定始可核土方定始可核銀數此項改築官隄捍禦黃流非高厚則工程難恃務高厚則經費不貲酌中估計擬以頂寬三丈高一丈四尺內外兩擔共計五收每丈計土九十一方每里計一百八十丈共土一萬六千數百方灘面築隄略無基址可因取土應就外

灘雖不甚遠而積沙較多必須掘取淤土攪和以期適用方價恐不能甚省每里約需銀四千數百兩二百七十八里之隄即需銀一百一二十萬兩因現議添築王家垓至運岸一段新隄係近日情形為前議所未及故工費稍有增加以堵築張家支門及津貼石莊戶約需工費三十餘萬兩合計需銀一百四五十萬兩惟現奉部准撥隄工銀三十萬兩計所短仍在百萬兩以外山東一省之力斷難籌此鉅款即再行請撥部實亦為難通盤酌議應仍擬仿照上年修築鄆鉅等縣民堰辦法計里酌給津貼稍資民力俾經費略可節省惟上年係官修民堰除侯工池北係屬貼近大溜其餘多係漫水故堰身土方不多津

奏稿卷十

美

貼甚少民間出力之外仍須捐資此次改築官隄均係逼溜當衝丈尺必須高厚每丈土方比上年不止加倍而民間被水拮据已甚應給津貼必須比上年格外從寬不令如前次之賠累過多但能節省十之一二便可少用銀三四十萬兩在小民利害切身如能委曲論導即稍用其力必當踴躍趨事至此項隄身修成後原未設有廳汛並無專管之員若俟定議如何修守尚須時日而大汛即已經臨年來仍祇可暫派委員督率原修紳民分段防守庶修守仍屬一體不致隔閡此又統籌修隄堵口經費及變通節省之大概也維此次河水東趨在東省受害甚深在運道關係亦重此項隄工萬難姑置是以不得不亟圖辦

理雖現蒙

天恩准假回籍未敢因交篆在即稍涉諉卸凡應行預籌事宜自當悉心核議籌定全局俾後任查照與辦不致誤時至一切辦理詳細章程或黃水形勢變遷以後如尙有必須加增隄工暨酌添經費之處應俟署撫臣文彬到任隨時酌量具奏所有查明黃水漫注東境酌議堵口築隄情形謹恭摺具陳並繪具圖說恭呈御覽伏乞

皇上聖鑒訓示勅部覈議施行謹

奏

奏稿卷十

奏

交卸撫篆回籍摺 同治十二年十二月十三日

奏為 微臣交卸撫篆及起程回籍日期恭摺仰祈

聖鑒事竊 臣渥荷

天恩賞假一年回籍修墓毋庸開缺業經專摺叩謝並奉到

硃批欽遵分別咨行在案茲漕運總督署撫臣文彬於十

二月十一日馳抵濟南省城當將巡撫及臨清關防暨

政印信同

王命旗牌文卷等件於十三日委員齎交署撫臣文彬接

收 臣即於是日交卸準於十四日束裝起程瞻望

闕廷彌增依戀一俟到籍後謹當料理事竣再行專摺銷

奏稿卷十

奏

假以遂駑駘報効之忱除循例具題外所有 微臣交卸及

起程日期理合恭摺奏報伏乞

皇上聖鑒謹

奏

恭報到籍日期摺 同治十三年三月二十三日

奏為恭報 微臣 到籍日期仰祈

聖鑒事竊 臣 渥荷

恩綸賞假一年回籍修墓業將由東交卸起程各日期具
奏在案茲 臣 於三月二十二日行抵貴州平遠州原籍目
睹村落為墟人民逃散蹂躪實深惟幸地方一律肅清復
經貴州撫 臣 曾璧光督同司道籌撥經費嚴飭地方官辦
理清查招墾各事宜逃民漸次歸復地方亦極安靜堪以
仰慰

宸廑 臣 到籍後即將三代墳墓起緊修理竣事剋期銷假
決不敢藉耽安逸自負

奏稿卷十

早

生成所有 微臣 到籍日期謹恭摺具奏伏乞

皇上聖鑒再 臣 此次拜摺係借用貴州平遠州印信合併
陳明謹

奏

黔省善後片 同治十三年三月二十三日

再 臣 由東啟行經過江蘇安徽湖北湖南各省暘雨應時
人民安堵堪慰

宸廑入黔後經行上下兩游見防營聯絡匪徒斂迹田土
亦漸開墾頗有維新氣象到省細問撫 臣 曾璧光具知籌
辦善後經費艱難各處城池衙署與夫驛站塘鋪多屬殘
缺必須次第興修方足以資保障至招徠流亡發給牛種
等項所費已屬不貲而積欠餉項數百萬各省近以黔省
軍務甫靖措解或從稍減無多協濟一切尤費補苴 臣 籍
隸黔省深知本土瘠貧變亂以來荒蕪更甚仰仗

奏稿卷十

早

朝廷威福各直省大局關懷籌軍濟饟撫 臣 始得董率文
武竭力匡事勉將兩游上下一律肅清然不亟乘此時規
圖久計為之罅者補廢者興舉凡子遺之望濟方殷飢軍
之待哺尤急措置稍緩勢即岌岌可危且苗性犬羊惟憚
兵威楚蜀誼切援鄰聲勢素壯川軍因欠饟幾及百萬提
臣 周達武已赴川清釐此項尚不知作何撤留湘軍深紫
苗疆素倚為重更不可輕議遣撤溯查雍正乾隆年間苗
地用兵皆屢煩

天討

聖謨廣運然後邊隅底定歷久相安由昔視今黔省情形
似須妥籌急辦合無仰懇

恩施格外籌撥鉅款先清欠饟繼整防營因之趕辦善後

惟黔省經此次變亂一切規模事同創始並懇
敕下撫臣督同司道嚴飭府縣不拘成例惟期便民一應
與廢破格舉行庶幾生聚可圖危疆永保矣臣情切桑梓
偶有所見不敢緘默謹陳愚悃附片具奏伏乞
聖鑒訓示謹

奏

奏稿卷十

聖

銷假起程籲懇 陛見摺 同治十三年九月十一日
奏為恭報微臣銷假起程並懇請

陛見恭摺仰祈

聖鑒事竊臣渥蒙

殊恩賞假一年回籍修墓勿庸開缺業將到籍日期奏報
在案臣到籍後省視祖墓雖閒被損壞幸未大傷當即趕
緊修理於六月杪竣事自惟受

恩深重未敢稍涉耽延即於七月十八日由籍起程銷假
九月初十日行抵武昌沿途經過四川湖北各地方秋收
豐稔民情安謐堪以上慰

宸廑惟念臣自同治八年入

奏稿卷十

聖

覲後迄今又逾五載未獲瞻仰

天顏犬馬戀

主之私無時或釋此次銷假惟有仰懇

天恩准臣來京

陛見再行回任俾得欽承

聖訓庶諸事有所遵循不致隕越而微臣孺慕私忱亦可

稍伸臣於拜摺後即由武昌取道清江山東一路迎摺北

上恭候

訓示所有微臣銷假起程並懇請

陛見緣由謹恭摺具奏伏乞

聖鑒再此摺係借用湖廣總督關防拜發合併陳明謹

奏

回任謝 恩摺 同治十三年十月二十八日

奏為叩謝

天恩並報 微臣 回任日期恭摺具奏仰祈

聖鑒事竊 臣 於九月十一日在湖北武昌府途次恭摺具

奏銷假並懇請

陛見後再行回任由清江山東一路迎摺北上恭候

訓示十月二十五日在山東濟南府欽奉

硃批著毋庸來見欽此應即欽遵回任茲於十月二十八

日准署撫 臣 文彬委濟南府知府豫山撫標中軍參將莫

組紳齋送巡撫關防鹽政印信臨清關監督關防暨

王命旗牌文卷前來 臣 卽於是日恭設香案望

奏稿卷十

聖

奏稿卷十

聖

闕叩頭祇領任事惟念 臣 材識庸愚渥荷

聖慈優容叨竊東圻已逾七載涓埃未報悚惕滋深茲以

銷假陳懇

陛見再行回任復仰蒙

殊恩優加體恤凡此

逾格之鴻施實非捐糜所能報 臣 惟有益加策勵於地方

所有應辦事宜殫竭血誠力圖整頓以冀仰答

高厚鴻慈於萬一所有 微臣 叩謝

天恩並回任日期謹恭摺具奏伏乞

皇上聖鑒訓示謹

奏

勘辦石莊戶決口豫籌工需摺同治十三年十月二十八日

奏為石莊戶決口奪溜南趨局勢全變漫水為患甚大必須急籌堵築以保大局臣於接篆後即日前往查勘謹先陳大略情形並請豫籌工需恭摺仰祈

聖鑒事竊查上年秋間東明石莊戶決口漫溢下注東境臣恐日後潰決益甚敗壞大局當於十月查明估辦仰蒙

天恩飭部准撥銀三十萬兩其時臣雖已准假修墓仍將應辦事宜籌議具奏十二月中旬署撫臣文彬到東臣即

交卸起程回籍茲臣銷假北來道出清江始知前項工程未經舉辦行過清江以上目睹中河六塘水勢瀾漫探詢

邳州宿遷桃源海州贛榆沐陽各屬人民蕩析入東境後

奏稿卷十

吳

探悉鉅野濟甯嘉祥魚臺金鄉等州縣悉遭淹沒滕嶧濱湖民地與微山獨山南陽諸湖連成一片水面寬至數百里多係黃色江境豐沛湖圍地畝亦均淹浸災民四散而

自濟甯至宿遷運河南北兩岸長隄衝刷殆盡大勢不可收拾皆石莊戶口門大溜奔注之故詢訪之下不勝焦急

茲銷假摺回欽奉

硃批著毋庸來見欽此應即回任受事就目前要務無有急於此項決口者自應首先籌議復查上年石莊戶口門

本係串灘之水僅有大河一二分溜勢聞二三月以後漫水益涸口門甚窄本非必不可辦之工署撫臣文彬之停

辦乃因水勢一時之情形無如黃水一經旁洩歷伏經秋

溜勢日漸南趨現在舊時正河業已斷流二十餘里口門

竟成全河直下漫水窄處數里寬處則數十里至百餘里之遠汪洋浩瀚直注東南其由北灘溢入舊河以連張秋

及從吳家廟分溜以歸大清河者總計不過一二分來年漕運經臨時南路過湖則有溯行湍流之阻北路渡黃又

恐有淺澀膠舟之虞且目前籌辦運道亦屬無從預定至被淹民地東省江省各有八九州縣災區過廣尤切隱憂

就查詢現在決口情形而論實有無從著手之勢然不設法籌辦則運道民生利害關係極重十月內兩江督臣李

宗羲等憑陳河務欽奉寄諭飭江東直隸河漕各督撫會議奏辦臣甫經回任非不

奏稿卷十

吳

知河務為難儘可俟各督撫臣委員查明再為嚴議會奏計時已至來春勢必不及舉辦可以卸責即明知水患更

甚於今日非僅臣一人之過今不俟會議而即請籌辦無論此時工程之煩難辦理之成敗及辦成後防守之險要

責任均在於臣又何必躬蹈艱危甘為嘗試實因目前水勢民生既遭沈淪運道已同廢棄此口不堵為害滋烈

若猶觀望因循則上無以對朝廷下無以對百姓即安坐衙齋而置數百里運道之淤

廢千百萬民生之顛連不為補救撫心何以自安臣於行抵省垣即分派委員前往口門一帶詳細確查現接篆後

趕將署內公事擇要清理定於十一月初三日帶同熟悉

河務之候補道潘駿文出省親赴石莊戶口門上下游履勘但使有稍可設法之處無論成敗利鈍皆不敢計必當上緊舉辦不敢稍延時日以致再誤惟堵口必須築隄否則堵於上復漫於下築隄必須統籌兩岸否則防於南又疏於北而堵口築隄之費若不先為籌備則款不應手要工仍不可成查石莊戶口門現在寬約三里大溜湍激不比春閒之寬僅一百數十丈堵築之難十倍於前且正河已淤平二十餘里估挑引河需費甚鉅惟有於迤下水面較窄溜勢稍平及引河略易施功之處相機籌辦冀可節省至堵口既在上近口門之處即須就該處地勢近水築隄俾上下游一氣聯屬與前修南路之舊隄相去已遠恐

奏稿卷十

哭

難就用北岸雖有金隄歷年既久殘缺過甚修培亦不足恃且濮范金隄外湖出灘地自一二十里至五六十里亦未便但修舊隄而置灘地於不顧必須近水另建縷隄而以金隄為遙隄以資北面重障約計南北兩岸各二百五十里共將五百里酌定隄身丈尺其高厚足以禦水每里約需銀五千餘兩五百里之隄約需銀二百五六十萬兩堵口之費此時未經勘定不能懸擬查河工堵築二百丈之口門約需銀百萬兩引河尚不在內現約計施功之處口門總在四百數十丈加以略挑引河覈計兩項至省亦約需銀二百萬兩合之隄工約共銀四百餘萬兩較今春辦理已加增兩倍當此經費未充豈易籌此鉅款惟念河

防遇必應興辦之工即需費稍多

國家從未吝惜所以為民捍災禦患計者用意至為深遠今石莊戶奪溜南趨漫水所及關係兩省數十州縣民命及運道河湖全局本年一誤功倍大而費倍增足見事機之不可失今再不及早籌辦明歲伏秋汛臨淮徐以下實屬不堪設想而其間災區之蠲緩窮黎之賑濟所損於度支者更不必問是以此項工需必蒙

聖主垂慈俯准飭撥且所估原係約數尙未遽定如將來口門稍易著手或無須挑挖引河則壩工可以節省至築隄一節若於去河較遠之處勸諭居民量力資助酌給津貼則隄工又可稍省

奏稿卷十

哭

濫擬請

飭下部 豫為籌撥有著之款一百五十萬迅速解東務期年內解到一半來年二三月解齊庶免臨事貽誤 侯抵工次勘定情形確核工需應否續撥再行陳請至上年奏准部撥江西兩淮各處銀三十萬兩經署撫 文彬撥解清江為防範下游之用 昨行過該處晤署漕 恩錫詢知前款動用無幾尙存銀二十八萬兩應請仍即解東以應急需除俟勘定堵築地方再將詳細情形繪具圖說陳奏外所有 出省勘辦石莊石決口並請預撥要需緣由謹恭摺具陳伏乞 皇上聖鑒訓示飭部速議施行再 出省後所有署中日

行公事應委藩司代折代行緊要事件仍包封由臣行次核辦合併陳明謹奏

奏稿卷十

辛

湖河一帶添設礮船片同治十三年十月二十八日

再臺灣近已罷兵各省防務均已漸撤東省海防自可稍緩以節經費况值黃河奪溜南趨江東兩省被淹最重之區多係曹州徐州兩府所屬湖團則兩省均有轄境民氣素形獷悍無事之時尙須派營彈壓搜捕當此徧地災民蕩析流離飢寒交迫兼以明歲交春麥未布種無可指望刻下所恃以安撫者惟有賑濟耳災區過廣款項幾何其勢豈能持久設有不逞之徒勾結煽惑倉卒即可召亂咸豐五年銅瓦廂決口漫淹東省曹屬之長槍會匪江南徐屬之幅匪乘勢盪起重煩兵力者數年此其明證是東省目前之患不在海疆而在內地臣所以必籌河務而不敢稍避艱難者實在於此現已函致兩江督臣李宗義派撥勇營礮船駐紮江東交界聯絡彈壓爲先事預防之計惟東省現在湖河一片寬長皆數百里僅有礮船二十餘隻不敷分布臣擬再添設礮船三十隻擇要布置巡防以期周密司庫本年存款詢據藩司面稱統計入不敷出約五十餘萬兩較前數年已形短絀若將來河工有機可圖周轉殊形掣肘計惟與該司竭力圖維冀可有備無患至海防一事臣亦不敢以現在無事遠圖苟安容俟規畫久遠漸次籌辦庶期被此兼顧謹附片具奏伏乞皇上聖鑒訓示謹奏

奏稿卷十

辛

丁文誠公奏稿

卷之十一目錄

擬在賈莊建壩普築長隄摺同治十三年十一月二十日

籌議海防應辦事宜摺同治十三年十一月二十日

請 飭黑龍江等處精練馬隊片同日

調張蔭桓文天駿片同日

荷澤堵口兩壩進占摺同治十三年十一月十四日

恭慰 聖慈 大孝摺同治十三年十一月十九日

勘估運河籌款修理摺同治十三年十二月十九日

河工現辦情形趕築南岸大隄摺光緒元年正月二十日

金門收窄催料趕辦摺光緒元年二月十九日

奏稿卷十一目錄

荷澤賈莊大工合龍摺光緒元年三月初十日

壩工隄工截明用數摺光緒元年四月十四日

大工用費節省請免造冊報銷片同日

大工用款開單具陳摺光緒元年六月初十日

隄工用款請 簡員查勘摺光緒元年六月初十日

黑龍江練兵事宜摺光緒元年八月初二日

密陳各國兵船來煙片同日

保舉薛福成黎庶昌暨徐建寅創辦機器片同日

擬在賈莊建壩普築長隄摺同治十三年十一月二十日

奏為勘明石莊戶決口萬難施工現擬在池下之賈莊建壩堵合即於南北岸普築長隄並確覈工需以資趕辦恭摺馳陳仰祈

聖鑒事竊 臣前將回任後趕緊籌辦石莊戶決口並親往查勘緣由恭摺具奏茲於本月十六日在荷澤賈莊工次欽奉

硃批該部速議具奏欽此十七日承准軍機大臣字寄同治十三年十一月十四日欽奉

上諭戶部工部會議奏稱石莊戶決口關係東南兩省大局自應趕籌修築所需工款除上年存銀二十八萬兩外擬撥各省地丁等銀七十萬兩以資應用等語現在經費支絀該部以有上年存款可以動用合之此次撥款幾及百萬當可興工舉辦惟據該撫所奏決口情形亟宜及時趕辦設因款項不繼致有停待貽誤匪輕著戶部仍照該撫原請一百五十萬兩之數即行指撥有著之款趕緊撥解毋誤要需欽此仰見

聖主痾瘵在抱軫念要工莫名欽感 臣於出省後由東昌濮州取道直隸之開州東明由司馬集乘船順流而下至石莊戶口門查看兩岸寬約二里有餘探量水深二丈餘當冬令水涸之際溜勢尚屬奔騰而北面舊河正身業已淤成平陸僅存小溝形二道計長二十餘里若欲從此堵

擬撥各省地丁等銀七十萬兩以資應用等語現在經費支絀該部以有上年存款可以動用合之此次撥款幾及百萬當可興工舉辦惟據該撫所奏決口情形亟宜及時趕辦設因款項不繼致有停待貽誤匪輕著戶部仍照該撫原請一百五十萬兩之數即行指撥有著之款趕緊撥解毋誤要需欽此仰見

聖主痾瘵在抱軫念要工莫名欽感 臣於出省後由東昌濮州取道直隸之開州東明由司馬集乘船順流而下至石莊戶口門查看兩岸寬約二里有餘探量水深二丈餘當冬令水涸之際溜勢尚屬奔騰而北面舊河正身業已淤成平陸僅存小溝形二道計長二十餘里若欲從此堵

擬撥各省地丁等銀七十萬兩以資應用等語現在經費支絀該部以有上年存款可以動用合之此次撥款幾及百萬當可興工舉辦惟據該撫所奏決口情形亟宜及時趕辦設因款項不繼致有停待貽誤匪輕著戶部仍照該撫原請一百五十萬兩之數即行指撥有著之款趕緊撥解毋誤要需欽此仰見

聖主痾瘵在抱軫念要工莫名欽感 臣於出省後由東昌濮州取道直隸之開州東明由司馬集乘船順流而下至石莊戶口門查看兩岸寬約二里有餘探量水深二丈餘當冬令水涸之際溜勢尚屬奔騰而北面舊河正身業已淤成平陸僅存小溝形二道計長二十餘里若欲從此堵

擬撥各省地丁等銀七十萬兩以資應用等語現在經費支絀該部以有上年存款可以動用合之此次撥款幾及百萬當可興工舉辦惟據該撫所奏決口情形亟宜及時趕辦設因款項不繼致有停待貽誤匪輕著戶部仍照該撫原請一百五十萬兩之數即行指撥有著之款趕緊撥解毋誤要需欽此仰見

聖主痾瘵在抱軫念要工莫名欽感 臣於出省後由東昌濮州取道直隸之開州東明由司馬集乘船順流而下至石莊戶口門查看兩岸寬約二里有餘探量水深二丈餘當冬令水涸之際溜勢尚屬奔騰而北面舊河正身業已淤成平陸僅存小溝形二道計長二十餘里若欲從此堵

擬撥各省地丁等銀七十萬兩以資應用等語現在經費支絀該部以有上年存款可以動用合之此次撥款幾及百萬當可興工舉辦惟據該撫所奏決口情形亟宜及時趕辦設因款項不繼致有停待貽誤匪輕著戶部仍照該撫原請一百五十萬兩之數即行指撥有著之款趕緊撥解毋誤要需欽此仰見

聖主痾瘵在抱軫念要工莫名欽感 臣於出省後由東昌濮州取道直隸之開州東明由司馬集乘船順流而下至石莊戶口門查看兩岸寬約二里有餘探量水深二丈餘當冬令水涸之際溜勢尚屬奔騰而北面舊河正身業已淤成平陸僅存小溝形二道計長二十餘里若欲從此堵

擬撥各省地丁等銀七十萬兩以資應用等語現在經費支絀該部以有上年存款可以動用合之此次撥款幾及百萬當可興工舉辦惟據該撫所奏決口情形亟宜及時趕辦設因款項不繼致有停待貽誤匪輕著戶部仍照該撫原請一百五十萬兩之數即行指撥有著之款趕緊撥解毋誤要需欽此仰見

聖主痾瘵在抱軫念要工莫名欽感 臣於出省後由東昌濮州取道直隸之開州東明由司馬集乘船順流而下至石莊戶口門查看兩岸寬約二里有餘探量水深二丈餘當冬令水涸之際溜勢尚屬奔騰而北面舊河正身業已淤成平陸僅存小溝形二道計長二十餘里若欲從此堵

擬撥各省地丁等銀七十萬兩以資應用等語現在經費支絀該部以有上年存款可以動用合之此次撥款幾及百萬當可興工舉辦惟據該撫所奏決口情形亟宜及時趕辦設因款項不繼致有停待貽誤匪輕著戶部仍照該撫原請一百五十萬兩之數即行指撥有著之款趕緊撥解毋誤要需欽此仰見

聖主痾瘵在抱軫念要工莫名欽感 臣於出省後由東昌濮州取道直隸之開州東明由司馬集乘船順流而下至石莊戶口門查看兩岸寬約二里有餘探量水深二丈餘當冬令水涸之際溜勢尚屬奔騰而北面舊河正身業已淤成平陸僅存小溝形二道計長二十餘里若欲從此堵

擬撥各省地丁等銀七十萬兩以資應用等語現在經費支絀該部以有上年存款可以動用合之此次撥款幾及百萬當可興工舉辦惟據該撫所奏決口情形亟宜及時趕辦設因款項不繼致有停待貽誤匪輕著戶部仍照該撫原請一百五十萬兩之數即行指撥有著之款趕緊撥解毋誤要需欽此仰見

聖主痾瘵在抱軫念要工莫名欽感 臣於出省後由東昌濮州取道直隸之開州東明由司馬集乘船順流而下至石莊戶口門查看兩岸寬約二里有餘探量水深二丈餘當冬令水涸之際溜勢尚屬奔騰而北面舊河正身業已淤成平陸僅存小溝形二道計長二十餘里若欲從此堵

擬撥各省地丁等銀七十萬兩以資應用等語現在經費支絀該部以有上年存款可以動用合之此次撥款幾及百萬當可興工舉辦惟據該撫所奏決口情形亟宜及時趕辦設因款項不繼致有停待貽誤匪輕著戶部仍照該撫原請一百五十萬兩之數即行指撥有著之款趕緊撥解毋誤要需欽此仰見

聖主痾瘵在抱軫念要工莫名欽感 臣於出省後由東昌濮州取道直隸之開州東明由司馬集乘船順流而下至石莊戶口門查看兩岸寬約二里有餘探量水深二丈餘當冬令水涸之際溜勢尚屬奔騰而北面舊河正身業已淤成平陸僅存小溝形二道計長二十餘里若欲從此堵

擬撥各省地丁等銀七十萬兩以資應用等語現在經費支絀該部以有上年存款可以動用合之此次撥款幾及百萬當可興工舉辦惟據該撫所奏決口情形亟宜及時趕辦設因款項不繼致有停待貽誤匪輕著戶部仍照該撫原請一百五十萬兩之數即行指撥有著之款趕緊撥解毋誤要需欽此仰見

合必須大挑引河工費不知凡幾臣詳審再三無從著手深歎今春坐失事機良為惋惜嗣沿海復下行十餘里所見溜勢雖盛河面較窄當即登岸察看南為荷澤之賈莊北為開州之藍口賈莊東五六里則大溜分為兩股各寬里餘愈東則水面愈寬無可施工藍口之西有向北小溜一股約分大河二分水勢十餘里外歸入舊河臣連日往復履勘細審形勢惟有在賈莊藍口作為壩基即借北入舊河之微溜作為導引冀省挑挖引河鉅費當經緝量口門計寬二百六十丈兩崖水深七八九尺中間水深一丈六七八尺分溜小河近南露灘處寬十餘丈水深七八尺向北寬二十餘丈水深五六尺若從賈莊堵合正溜由藍

奏稿卷十一

口分溜引歸舊河則由張家支門王老戶下注東南之漫水皆可斷流此兩溜水勢寬深之大概也正溜南岸涸出未久土性尚軟灘面間有積水取土須遠在五六里外北岸灘崖較高取土略近然亦不能深挖至兩岸土性多帶淤沙如盤做壩基必須深刨底槽鋪料追壓直至堅土始能立住腳根又北灘尚有串入舊河之小溝三道寬二三丈水深四五尺淤泥數段寬數十丈至百餘丈不等亟須分投堵塞填墊以通料路就辦工而論此等壩基土性實係十分棘手之工現在黃流皆係普漫之水久淤之灘本非正河高岸安能形勢得宜前此懸揣情形深恐溜勢分歧一片稀淤無可立壩之處今幸得此形勢安敢畏難

况此外別無可施工祇有就此定作壩基不過土料極為紆迴工程倍加慎重正壩邊埽格外加寬以期得力至北去雖有河形究屬淺隘製溜恐難甚暢應於靠西築堰攔水多挑引溝俟壩工進占後水漸擡高再行開放以成吸川之勢較之引河全恃挑挖非寬深不能過水者其工費所省實多此又壩基引河難易之大概也臣於接篆後即飛飭附近各州縣採辦正雜料物並移知東河督臣調派文武員弁力作廂兵及應用船隻器具現在壩基既定即經委員安設廠座催集正料趕辦雜料臣即親駐工次嚴飭大小各員曉夜催遣以期及早興工至壩工雖屬東省承辦而南屬荷澤北屬開州隔省施工一切恐難呼應仍

奏稿卷十一

當移咨直隸督臣酌派大名道府一員常川駐工彈壓照料並隨事會議以資聯絡惟立壩既已辦有頭緒築隄即應早定規模查黃水之所以頻年旁溢者固以未有一定河形亦因無隄收束故水勢散漫易於淤決是以隄束水以水攻沙之策在此時尤為急圖臣前摺所陳必統上下游南北岸一律兼籌者實有不可稍緩之勢就東省而論則荷澤為南岸之上游而鄆壽居其下濮州為北岸之上游而范壽居其下若南岸一律築隄則曹濟各屬現在被淹之地均得免害而江南之地在東省下游者其受益更不待言北岸一律築隄則濮范涸出地畝均得保全而金隄之為北面屏障者且亦不致喫重惟荷澤之上游又在

東明濮州之上游又在開州是直隸之必須一體築隄尤不可緩緣銅瓦廂下注之水經祥符蘭儀長垣滑縣各境尚少旁溢之患南岸至東明何店相近之岸劉以下始有串灘支流數道如本年石莊戶並未堵築夏秋漫水仍至東明城東北二三十里若東明無隄則荷澤之隄無益也北岸在開東分轄之茅茨莊以下計有串灘支流八九道池下匯成支河二道下注濮范每年夏秋無不有水本年秋後支河出槽普漫直至金隄之南水面寬至數十里若開州無隄則濮州之隄無益也故直隸南岸宜自何店築隄以屬於荷澤而南岸始固北岸宜自茅茨莊築隄以屬於濮州而北岸始固惟東明之隄祇須就濱河二三里之

奏稿卷十一

四

地斜向東北即可與荷澤之隄相接若開州之隄則近南近北其利害仍復懸殊蓋開州自海同鎮至清河頭舊曾立堰現在無幾者係前數年黃流北近金隄之情形自溜勢南徙現在北岸水邊距州城已五六十里即串灘之支河二道距城亦在三四十里之遙是溜出灘地已遠今日之立隄似應循南支河之南涯跨壓串灘水溝則無順隄河形可免衝刷之虞東境濮州之隄即與此隄相接庶民地多得保全之益若僅就北支河之北涯則濮州之隄亦須北移未免多損民地儻仍就清河頭之舊基則濮州之隄又須向北所保民地實屬無幾究之上游有隄較之無隄終屬受益應請

敕下直隸督 臣 飭令大名道府督飭開州東明妥籌速辦 臣 亦當量爲津貼庶幾上下南北悉臻完固至工需一節 臣 前摺約估銀四百五六十萬兩先請撥銀一百五十萬兩聲明俟查明確數應否續撥再行奏請現查口門計不足三百丈引河不須全挑綜計兩項約可省銀八十萬築隄之費業經委員分往丈量俟查明道里確數再行酌定高下丈尺擬飭令各州縣剴切諭導民夫幫同興築爲按里津貼之計則較之土方例價約可省銀一百萬兩合計約共省銀一百八十萬兩仍需銀二百七十八萬兩現蒙天恩俯照原請撥銀一百五十萬兩已屬逾格鴻慈何敢實請惟是工程過大核計所短尙鉅 臣 惟

奏稿卷十一

五

有力杜浮冒事事核實以期樽節但恐十分節減而或不敷之處自當再行續懇恩施至部撥一百五十萬兩之外實在不敷銀一百二十三十萬兩 臣 擬即在本省藩運兩司及糧道各庫臨清東海兩關隨時通融挪湊以濟要工庶大壩長隄均得及時趕辦壩工固須桃汛前合龍隄工亦須麥熟前完竣以期土性堅實捍禦伏秋惟 臣 所深慮者固在此時辦理之難而尤在將來防守之險因石莊戶決口年餘舊河水緩沙停悉受淤墊河底增淤一尺即河面擡水一尺將來河勢北注設夏秋適逢異漲河槽未即刷深新隄倍形喫重此係切實情形不能不陳於

聖主之前至臣先未查勘情形以東南大局攸關力請舉辦今卽事機萬難決不復稍涉遲回惟有殫竭血誠期於稍挽全局至前辦侯林大工曾奏明在事人員工成准其破格獎敘儻有心貽誤卽行從嚴懲辦此次工程倍難於侯工而款項又復艱窘非破除河工舊習事無大小綜核維謹督責維嚴難期有成臣決不敢稍存情面但賞罰爲鼓舞之具擬請仍照前案如各該委員有分毫浮冒因循致誤者立即嚴參治罪如真能竭力以致工程迅速堅固亦當准予優獎庶足以資激勵而儆怠玩謹將地方堵口及築隄各形勢繪圖貼說恭呈

御覽所有勘明石莊戶堵口擬在池下施工暨應築隄工

奏稿卷十一

六

各緣由謹會同直隸督臣李鴻章兩江督臣李宗羲東河督臣喬松年署漕運督臣恩錫河南撫臣錢鼎銘恭摺附驛四百里馳陳伏乞

皇上聖鑒訓示再以後河工奏報照例由驛馳遞合併陳明謹

奏

籌議海防應辦事宜摺 同治十三年十一月二十日

奏爲遵

旨籌議海防應辦事宜恭摺密陳仰祈

聖鑒事竊臣回任後接准前署撫臣文彬密交同治十三年九月二十七日欽奉

上諭總理各國事務衙門奏海防極宜切籌請飭詳議一摺該王大臣所陳練兵簡器造船籌餉用人持久各條均

係緊要機宜著詳細籌議將逐條切實辦法限於一月覆奏此外別有要計亦卽一併奏陳欽此又交到接准總理

各國事務衙門咨行同治十三年十月二十日該衙門議覆廣東巡撫具奏丁日昌預擬海洋水師章程六條一摺

所籌練兵築臺之法是否可行及將來如何設備應由沿海各大臣體察就地情形詳審推求方可見諸行事請

敕下各大臣將軍督撫等彙入臣衙門前奏仍於一月內一併妥籌復奏於同治十三年十月十三日欽奉

硃批依議欽此伏讀之下仰見我

皇上慎固海疆集思廣益之至意欽服莫名臣竊維海防

應辦之事大要實不外練兵簡器造船三大端而籌餉爲

兵器船三者之根本用人持久又爲兵器船三者之實用

總理衙門王大臣思慮預防請

飭詳議切實辦法極爲切要之圖惟各省海疆之形勢不

同斯防守之機宜亦異臣忝任東疆海防是其專責謹將

奏稿卷十一

七

各條切實辦法並參酌丁日昌所籌練兵築臺之法一併彙入妥籌詳議敬爲我

皇上陳之臣閱練兵一條查該王大臣等所議係水陸並重丁日昌所籌以陸兵兼習水師用意同而練法則實有別蓋陸兵與水師惟紀律嚴明彼此無異至操練技藝陸兵無風濤不測之險一切槍礮刀矛坐作進退可以從容演習卽如丁日昌所云徒手上城憑篙躍濠各技稍爲便捷之夫一學而能以其暇豫故也水師則操練槍礮須出沒於驚風駭浪之中顛簸欹覆之際發必命中乃爲得力是則不待臨敵當操練時已有危險之勢非陸兵之所可擬故海防宜專練水師而切實練法雖貴駕駛得宜風濤

奏稿卷十一

八

熟悉尤必練之使能入海施放烏槍爲長技始也由淺而漸及深由暫而漸及久總期於入水數十丈經歷四五時爲定道練之既久身與水習入海不濡當臨敵之餘雖使敵礮覆舟猶能伏水應變至於教練槍礮則於洋面寬闊處用圓木浮水面爲的令其照準施放期於命中失則有罰以圓木之隨波浮沈而又加以船隻之動盪果能礮無虛發則臨敵時自覺目定手穩不稍游移而駕駛之餘再爲訓之以行列令之以進退或可爲制勝之師臣於水師自上次改設登榮兩營派員訓練卽定以入海爲第一教法而槍礮之準則延一外洋人教之駕駛之法則特選募粵中之精於摩水者教之辦理甫有規模臣卽得假回籍

現聞該水師一切操練尙守舊章而熟悉與否擬俟河工竣事後親往校閱力加整頓但該水師初設僅八百人原擬當時海疆無事不敢多設人數以節餼需今若籌辦海防八百人似覺過少臣擬每營再酌添二百名合成千二百名之數照舊章訓練有此始基設遇倉卒生變卽照臣上年原議選募海邊強壯漁人於風汎沙淺皆能熟習編列成隊而配以練成之兵第使專習槍礮申明紀律以之應敵自亦可用至陸兵則軍興十數年來戰守之法人人皆知但儘現有之營勤加練習萬一臨事不敷調用隨時酌募便可應手不必再議添設徒糜重饗其丁日昌所籌陸兵兼習水師似覺未爲盡善臣以爲水師能兼習陸師

奏稿卷十一

九

陸師斷不能兼習水師蓋陸兵不習洋面一見大海之狂瀾已覺心搖目炫心目既亂而平日所習之藝皆非非若水師慣歷洶湧一經登岸則舍危險而履康莊倍覺游刃有餘惟水師水操之外亦可兼練刀矛以備登岸策應誠不可少之事也又閱簡器一條查自古器械不精以卒子敵兵家先求利器尙矣願器莫利於火器而火器尤莫利於外洋所幸者外洋有獨擅之利器而不思自秘其長每製一械但使足以濟用卽貪利而轉售之他人此在彼有自敵之愚在我則有可乘之機第中國雖購洋礮而施放不能如彼之準此由測算礮力礮藥所及之遠近高下不及其精故彼之利器在彼用之仍可擅長我用之則仍不

可恃臣愚以為礮宜購備而放礮之準頭尤宜講求查現在外洋之槍礮以克虜伯近時所造之後膛開花槍礮為最精然亦必得其施放之術乃可以命中而致遠臣上年改設水師艇船即在彼購辦大小鋼礮銅礮十四尊槍一百二十桿均極精良初到東時無人悉其施放之法嗣乃延一西人教之數月演放始能如意臣擬籌措款項分購口徑七八九十寸大之後膛鋼礮各數尊以備應用惟此礮價值甚昂東省籌款不易擬分年勻湊十數萬金陸續購辦第各礮均購自外洋在彼之利器固失而我之財力終虧惟冀閩滬所設機器局極意經營及時仿造凡在管理局員及一應工匠人等務就其已成之器殫精畢思悟

奏稿卷十一

十一

澈其實在精妙之處然後工力悉敵器不虛製且積久生新亦無難奪彼之長如此辦理庶我之財力不致盡耗於外洋斯為計之得者也又閱所議造船一條查中國舊式戰艦誠遠遜輪船之捷利現在閩滬兩廠製造頗具成規無難力求精進惟造船之費甚鉅養船之費亦多各省斷難照行一省亦難獨任臣愚以為以後製造之事專責之閩滬兩省養船之事分責之沿海各省相維相助閩滬可以節養船之費挪之於造船各省可以節造船之費挪之於養船如此挹注則費較省而事可永圖第中國海疆寥遠現有船隻以之分防自不敷用應由各省酌量籌辦分年購買即以東省洋面而論必須有輪船三四隻呼應方

靈現僅有閩局調來一號臣已飭煙臺所練之槍隊挑撥四十名赴船操演以後尙擬購備一二隻添入操練一遇有事乃能應手惟以東省之財力非蓄之三四年不能成功至於舊式艇船原不及輪船然亦不可不相閒互用蓋輪船遇大洋深水迅駛自足見長若遇淺水膠舟或附近島嶼窄隘之處有艇船旁出以擾之游弋無定以牽制之亦可助輪船礮臺之力近閱西人防海新論知其用輪船與鐵甲船亦須參用舢板至其田鷄礮船極為得力然細觀其戰攻時該船所到之處須用輪船拖帶則此項礮船亦非輪船可知丁日昌所籌有輪船數隻即可將一切師船廢棄不用殆未思海面雖大而其中島嶼分歧各處亦

奏稿卷十一

十一

多汊港有舢板艇船伏藏其間正可以出奇制敵似亦不必偏廢至鐵甲船本屬堅固然以臣愚見似祇宜施之於海口緊束之區輪船必由之道如直隸之大沽江蘇之吳淞等處有此一船把塞則可動可靜極為靈活得力若舍海口而恃之以遠攻該船恐亦失之笨重反不及輪船之便捷旋轉悉能合宜查東省洋面至為寥闊無緊要收束之海口鐵甲船暫可以不購惟礮臺則斷不可不修臣閱丁日昌所籌極合機宜蓋沿海城池險隘非得礮臺為特角一經大礮遠轟則萬不能守但此時修築礮臺非僅如尋常守備壘土累石隨便據險為之遂謂可資捍禦也必須得熟習海疆形勝精通地輿深明算法而又周知外洋

攻戰機宜之人或乘舟歷險或登山涉隘遠測近觀以定臺基臺基既定然後講求築之之法方圓斜正一一精審務使彼船之礮不能遠傷我臺我臺之礮可以遠及彼船斯築一臺始得收一臺之用不致動糜鉅款徒費無益然臣於礮臺一事上年曾擬興辦以地勢未經勘定未及舉行竊以爲修築礮臺之法有明礮臺尤須有暗礮臺明之以顯互相攻擊之具暗之以爲出其不意之舉庶幾奇正相生使我之礮可以擊彼之船而彼不及防且不知所以防斯爲得礮臺之利固不僅在照其臺式也臣籌辦東省海防注意以礮臺捍蔽各城而以輪船爲游擊之師以艇船舳板爲相間雕擊之用雖不遠能制勝或亦可以應敵

奏稿卷十一

三

至丁日昌所云演礮不得其準守臺不得其人則爲近時切病然此則在練兵時嚴飭統領加意講求重示賞罰固不難立時改觀也又閱所議籌餉一條查中國餉源所入以錢糧關稅爲大宗軍興以來始行抽釐軍務至十數年而餉糈不致十分告匱者未始非抽釐之力今欲求餉需不竭之源大約仍以此爲較有把握但目前釐金如江蘇廣東湖北江西湖南四川安徽浙江福建等省水陸相通商賈輻湊釐數較旺如能認真講求嚴核官紳之中飽重懲胥役之偷漏力杜不急之開銷而又於正用之中加意樽節事事核實當可有盈無絀是全在各省司事者設法層次句稽如各州縣徵解錢糧正雜之例不容稍涉弊混

斯爲得之若舍此而別求之開煤挖礦非不獲利於一時而地力一竭無業之輩能聚而不能散勢必釀成事端是欲籌餉以禦外侮轉致內患叢生外侮亦無從籌禦此則事之必當計較萬全者也惟釐金之爲餉源東南各省可恃西北各省實有難行然使各省能於賦稅所入勤加考核事事句稽而持之以節用亦未始不可自裕此全在因時審勢善自爲謀固不能以一格繩矣又所議用人持久兩條查自古爲國得人者昌用兵特其一事現在籌辦海防任人最爲喫緊不得其人兵器與船皆成虛器惟海疆之用兵不惟與陸路異卽與長江水師亦異故得人尤爲最難該王大臣所議令各直省大臣實舉所知公議會推

奏稿卷十一

三

誠爲慎重選擇之計况軍興以來各省用兵日久未必遂無所知然所知多係陸路之兵與長江習戰之員以之移任海防恐知識未能盡悉萬一遷地弗良以陸路長江之將才而失於海疆之一蹶亦爲可惜臣愚以爲人才以磨礪而出但須得質地樸勇血心自負之士任之以事假之以權責之以效而又能正以率之嚴以馭之恩以結之使之知畏知感自能鼓舞奮興可以致其死力足爲我用如謂一舉而卽爲可靠之才恐亦未敢必也至練兵製器造船各事該王大臣議以持久行之而要於一心一力誠爲確論凡事未有不持久而可期有成亦未有一心一力而可望集事者臣自愧庸愚既不能爲

國家宣揚德威及至事機緊要而猶以泄沓從事自願何以爲人惟有於應辦各事自矢忠誠次第興辦以期事豫則立稍得上紓

宸廑抑臣更有請者自來用兵之道不外戰守兩端然有戰不如守守不如戰或以守爲戰以戰爲守者此中機宜尤當審決古來哲人謀國名將用兵未有不於此兢兢者今日籌辦海防原屬先期圖維預籌戰守之方而尙未有戰守之事然此日外洋桀驁甚矣我以通商之事相與羈縻彼亦圖通商之利暫爲安息近聞各該國貿易虧折頗多輪船在中國者亦漸不得利狡焉思啟自在意中臣愚以爲防事辦定將來如果有警其要利於持守而不利於

奏稿卷十一

十四

輕戰夫所謂不利於輕戰者非怯敵也誠以與外洋用兵較之與內地用兵機勢迥別其間毫釐千里萬不可忽內地用兵賊皆處我心腹之地此擾彼竄必能戰而後賊可平專言守則到處設防轉致任賊蹂躪益形滋蔓故戰勝於守若與外洋用兵則主客之形勞逸之勢彼不如我且彼遠涉數萬里之重洋而與我爭勝於一旦其輪船所燒之煤所裹之糧所需之軍火皆難持久其船利在速戰若使彼一戰而勝則我之沿海兵民皆以爲我之輪船不如彼之捷槍礮不如彼之利則氣必餒氣餒則勢必散而彼乃乘其散而入我內地或以重利勾結奸民爲之前驅或有漢奸乘機附和分我兵力則不必陸路稍有挫失而海

防固已全隳大局亦不可問且不特此也彼之所以與我搏鯨者欲爭我土地耳彼處空虛無物之大洋而爭我財賦所出之土地若輕與之戰幸而獲勝彼不過傷一二船於彼固無大損若不幸而敗則彼得乘勝以據我土地於我所失甚多此閒輕重尤貴權衡故海疆之事能守卽爲能戰日後有警之時我但慎守沿海礮臺密防沿海城池險隘而但以輪船與之抵角於近海之閒以爲礮臺城池險隘之防護又以舢板船艇船與之出沒隱見於島嶼紛錯之內以爲輪船之聲援彼欲急戰而我故延緩之彼欲不戰而我故牽制之務使之進不得戰退不得息久之糧盡煤絕勢必自潰迨其自潰我乃乘其勢而擊截之或尾

奏稿卷十一

十五

追之當可取勝此所謂以守爲戰也至於輪船倚煤爲命近日各該國每羨中國產煤之區臣細加訪求有云該國年來用煤過多出煤漸少勢將垂涎中國之煤臣故上年於山東淄川博山濰縣出煤各屬均已明定條規爲先發制人之計以防窺伺如將來有事中國之煤與糧務令斷其接濟亦爲切要兵法云知己知彼臣知識淺陋豈能知兵惟審機度勢實見海疆兵事誠有戰不如守而守卽爲戰之機宜決當慎重於未發之先而不可以忽視者可否

請旨密飭廷臣及沿海各省將軍督撫等酌度臣言之得失以爲日後用兵之大計不勝禱幸之至所有遵

旨覆議海防應辦事宜各緣由謹恭摺密奏伏乞
皇上聖鑒訓示謹

奏

奏稿卷十一

六

請飭黑龍江等處精練馬隊片 同治十三年十一月二十日
再本年日本構衅仰賴

聖主福威遠被懼不敢逞誠為幸事查該國初有通商之議臣曾函致曾國藩以彼偏處東洋距浙不過萬餘里疆梁負固自昔已然今忽請通商拒之似難許則恐非我之利殆不謂其互市未逾二年遽思狡逞然臣年來所私憂竊慮寢食不安者則尤在於俄羅斯而日本其次焉者也蓋外洋各國與中國水路雖通而陸路不通且均遠在數萬里外日本洋面雖近而陸路尚阻惟俄羅斯則水陸皆通中國而水路較之各國為近陸路則東北西北直與黑龍江新疆等各處連壤形勢在在可慮况該國最稱強大

奏稿卷十一

七

自通商以後皆與各國一律換約輪船亦時有往來而臣數年中暗為查考通商各口並未見該國有大宗貨物出進交易而每遇各國與我口舌等事彼往往兩利俱存務為見好此即其意存窺伺乘機觀變之大較也臣竊謂各國之患四肢之病患遠而輕俄人之患心腹之疾患近而重現在東南海防漸次籌辦而北面為京畿重地以東北形勝而論俄則拊我之背後路之防尤為緊切臣猶慮將來事勢稍變各國互相句結日本窺我之東南俄擾我之西北尤難彼此兼顧應請旨嚴飭黑龍江吉林奉天及蒙古精練馬隊數萬無事則藉以控制有事則資為戡守第此數省中惟黑龍江之人

樸拙而強健極爲可用臣從前委員赴該省調其來東親爲訓練知之甚悉吉林奉天之人則微染風氣不似黑龍江之樸勇必須認真挑選蒙古則從前忠親王僧格林沁多帶來東勦賊臣見其樸實敢戰較甚於吉奉兩省此時如認真操練大約黑龍江可練馬隊一萬五千人吉林可練一萬人奉天可練八千人蒙古可練八千人共計練足實數不准一名虛冒然必

簡派熟練馬隊戰攻之大臣如都興阿等前往挑擇編列成隊明定陣法嚴立規條每月每日每時應行操演之事均著爲程式不准閒斷每歲秋冬則

欽派王大臣校閱一次查其年力之強弱技藝之生熟陣

奏稿卷十一

六

法之整散以判其優劣考其勤惰定爲賞罰必期悉成勁旅爲東北西北兩面之屏蔽庶可有備無患然練兵必先足饑近日東三省月饑多不敷用枵腹之虞亦難責以成效應請

飭下各該省練兵大臣實計每年操練之兵應須專饒若干核實開報奏請

飭部查明各直省何省可撥若干指撥分解不准藉詞短少則饒不致缺乏而兵丁乃得以盡力操練雖今日不無稍費而日後緩急可恃所獲實多此誠東北現在緊要應辦之事亟宜早圖不可或緩臣知識愚昧私心所慮不敢不以

上陳謹附片密奏伏乞
聖鑒訓示謹
奏

奏稿卷十一

九

調張蔭桓文天駿片 同治十三年十一月二十日

再東省現籌海防臣定以修築礮臺與安設製造藥丸及修理槍礮之機器兩事為先務惟修築礮臺先須查勘沿海道里遠近高低形勢期與各近海城池市鎮險隘互為犄角而基之方圓斜正高厚寬窄又期內足以自固外足以禦敵且必明暗相間斯為適用自必得熟悉地輿算法及深明海疆攻戰情形之人測度創造方期合法至安設機器亦必得諳習之員始能成事而省費臣上年奏調廣東候選員外郎溫子紹已蒙

允准嗣該員辦理廣東機器局有經手事件未能來東而現在防務必不可緩臣再四採擇惟有湖北候補道張蔭

奏稿卷十一

三

桓識力過人從前在東省隨臣勦賊有年訓練黑龍江馬隊管帶追勦及防守黃河均為得力該道籍隸廣東生長海隅熟悉洋務而於礮臺機器各事在粵時常與西人講求聞見極多足資襄贊又刑部候補郎中文天駿留心時勢遇事講求臣從前奏調來東亦為海疆儲材起見經部以格於定章駁奏中止查張蔭桓現辦湖廣督臣李瀚章營務現在湖北既無海防江防亦無可辦文天駿尙在部當差當此東省需人孔急相應籲懇

天恩俯念海疆籌辦要務

飭下部臣暨督臣李瀚章轉飭文天駿張蔭桓迅速來東以資差委俾臣得收臂指之助實於海防大有裨益謹附

片具奏伏乞 聖鑒訓示謹 奏

奏稿卷十一

三

荷澤堵口兩壩進占摺 同治十三年十二月十四日

奏為荷澤堵口大工現辦情形並兩壩分別進占日期恭摺馳陳仰祈

聖鑒事竊 臣前將勘明石莊戶決口應在池下之荷澤賈莊地方施工當將建壩築隄情形繪圖貼說詳細具奏在案嗣於十一月二十一日欽奉寄

諭石莊戶工程關係數省地方自當不分畛域通力合作趕籌辦理即著丁寶楨籌備物料督催在事各員及早興工以冀剋期蒞事等因欽此 臣前於拜摺後即將應辦事宜督飭各員上緊趕辦並以兩壩地勢過低誠恐積凌水至或至上灘必須臨河先壘小堰以資攔護正在集夫漏

奏稿卷十一

三

夜趨築尙未一律接連乃二十三至二十八等日天氣驟寒河面冰凌擁積水勢立見串灘相立壩基之處南北均有水一二尺當於水內鋪料壓土逐層搶廂一氣直抵壩基始免水勢續漫其北去分溜同時漫灘前摺所陳支流三道自數十丈至百餘丈者數日之間水面遽寬至數百丈及千餘丈水深一二尺至四五尺不等且舊河下游東合十餘里致凌水益擠入灘地若為日稍久必將刷出溝槽逼成溜勢於工程大有妨礙 臣查看之餘深為焦慮幸本月初九日天氣稍和前所東合之處微開小溜漫出坡水始見略消擬俟灘面涸露漸多刻即多集人夫將各支流普漫通連之地先行搶壘小堰一道剋日告成既固

隄基兼通料路俾免他虞現在東土難以行礮俟立春後土脈漸融即就小堰幫築成隄以防汎漲現計正雜各料已催集十之二三動工可期接續南壩灘面尤低已將壩基曉夜趕築刻已完竣即定於十六日先行進占北壩地勢略高進占即係深水比南岸可緩一步壩基現亦將竣擬俟二十外再行進占綜計兩壩占數較多非七十日不克蒞事現距清明節氣亦祇兩月有餘 臣惟有朝夕督催嚴飭在工大小各員事事提前趕辦務於清明前合龍不敢稍涉遲緩以仰副

奏稿卷十一

三

皇太后
皇上聖鑒訓示謹
奏

恭慰 聖慈 大孝摺 月治十三年十二月十九日
奏為恭慰

聖慈

大孝瀝誠泣懇

垂鑒事竊 臣於同治十三年十二月十六日在曹州府賈
莊工次接准禮部咨同治十三年十二月初六日內閣鈔
出初五日奉

上諭本月初五日酉刻

大行皇帝龍馭上賓 臣伏地哀號罔知所措又於是日復

准禮部咨奉

上諭咸豐十一年

奏稿卷十一



文宗顯皇帝大事

大行皇帝曾遵成例停止各省將軍督撫提鎮藩臬及鹽
關織造等來京叩謁

梓宮今

大行皇帝升遐其各直省將軍督撫都統副都統提鎮城
守尉並盛京侍郎奉天府尹及西北兩路將軍大臣並學
政鹽政織造關差等均不必奏請來京叩謁

梓宮致曠職守各該員等惟當竭誠盡職以期無負委任

不在儀節虛文也將此通諭知之欽此痛惟

大行皇帝臨御寰宇十有三年上秉

慈謨親賢並任戡四海積年之寇飭普天望治之心

聖德中興萬方欽仰迺艱難之初濟遽遇密以銜哀 臣疆
寄忝膺河干於役未及宣防奏績慰

玉儿末命之權泣血痛心攀號何逮亟思叩謁

梓宮一展哀忱乃欽奉

諭旨停止瞻望

闕廷神魂震愴理合恭摺專差呈進敬慰

皇太后聖慈

皇上大孝伏懇

皇太后俯念天下之大珍重保護

皇上順變節哀上慰

列祖

奏稿卷十一



列宗在天之靈近法

大行皇帝沖齡繼序 臣罔無驚以答中外 臣民之望 臣無
任哀戀懇切祈禱之至伏乞

皇太后

皇上聖鑒謹

奏

勘估運河籌款修理摺 同治十三年十二月十九日

奏為勘估北路運河淤淺情形預行籌款挑挖以備來年漕運恭摺具奏仰祈

聖鑒事竊查江北漕糧近數年來均由運河行駛來年仍須照辦惟北路運河自黃水穿運以後水過沙停通塞不常且黃流變遷靡定本年修理之道來歲即不能行必須預為勘明道路相機審定待至漕船到時正值黃流汛漲人事天時兩相湊合方免貽誤查春閒漕艘經行之路係於王家垓至東平十里鋪修築禦黃長隄一道又將戴廟開一帶舊河挑挖深通漕船由下十里鋪黃流支河東面繞史家橋逆挽至八里廟口門停泊待汛始得向北暢行

奏稿卷十一

三

詎料今秋汎水漲發黃河大溜由石莊戶全趨東南以致沙趙二河之水不絕如縷現在辦理運道較之春閒情形迥別亟應設法妥辦以利漕行 臣於賈莊工次飭委東昌府知府程繩武會同委員詳細查勘據稟明年漕船經行河道計惟有先將東平之姜家莊沈家口黃水淤墊之處預為挑通以待經臨再為相機行走其安山以北至臨清一帶長河歷經黃水灌入淤淺工段亦多必須逐一先行挑挖深通庶漕船入運後無虞淺阻 臣復查該府等勘估各工均係實在情形自應照辦當經飭司籌發銀四萬二百餘兩交該府督同委員及東平壽張東阿陽穀聊城堂邑博平清平臨清九州縣剋期挑濬俾漕船到時得以迅

速北上早達京倉不致延誤所有查勘挑挖北路運河現飭籌發銀兩預為辦理各緣由謹恭摺具奏伏乞

皇太后

皇上聖鑒訓示再濟甯以南河道歷年均係運河道估勘辦理合併陳明謹

奏

奏稿卷十一

三

河工現辦情形趕築南岸大隄摺光緒元年正月二十日奏為壩口進占後現辦情形並先趕築南岸大隄預為防範恭摺具陳仰祈

聖鑒事竊前將荷澤賈莊堵口大工擇日進占並凌水漫灘設法趕辦緣由具奏在案伏查南壩進占以後因料物應手約計兩日可成一占北壩本擬遲數日亦即進占祇以料路東隔漫水北阻舊河運解萬難迅速且進占即係深水誠恐不能接濟轉致停待祇可稍遲數日俟料物漸充再行趨辦因改至正月初一日始行進占其初兩壩埽水深自八九尺至一丈二三尺數占以後漸深至一丈八九尺並有驟洶至二丈以外者現在南北已共進二十

奏稿卷十一

天

四占臣當飭在壩文武各員趕緊加廂認真盤壓總期穩慎前進不敢稍涉大意其夾土壩及後餓土工亦即跟接前進以期正邊各壩步步著實現在緝量口門尙寬一百十餘丈兩壩仍須各進十一二占以五日兩占及水勢加深時三日一占計之約二月中旬前後可期合龍距清明節尙有十日似不為晚其藉作引河之分溜先經派員帶領長把欽夫於近西灘面多抽溝槽俾得引溜刷滌惟以凌汛較早漫灘後一片堅冰敲東撈土倍費工力立春後偶值風暄冰解之際察看引河流勢比前似覺稍暢第黃水變遷無常自進占以後水勢順暢忽於十五日夜大溜轉向南滾奔騰激徑衝南壩之隄腦壩前面墊陷數丈

奏稿卷十一

天

水勢直向裏面搜根衝刷沿河灘岸傾陷異常臣趕即親往看視一二時閒灘岸隨溜潰塌長至百餘丈寬至二三十丈不等於正邊壩頗形喫重當經連夜督飭搶廂並飭調營勇協助三晝夜並未停手至十九日始將隄腦壩及灘岸搶護幸保無虞查黃水已全向南趨此次辦理堵口必竭之使北其勢本逆而難以後水勢是否變更尙未可知惟有竭力搶辦至兩岸應築長隄經臣酌定章程先飭各州縣將派撥民夫事宜豫為籌議嗣委員查明道里丈尺即分派段落勒限於正月初興工其上游直隸境內隄工臣曾奏明酌撥津貼一體趕辦惟據大名道府稟本地籌費維艱開東民力亦極凋敝意欲全賴東省津貼兼以北隄跨歷各道支河大汎時倍形喫重防守恐無把握臣查南岸東明之隄近在大壩上游實為不得不辦之工至北岸開州隄工尙於壩工無礙但上游之隄不立則下游濮范隄工亦無從接辦惟東省既自辦本境復兼顧直境實為力所不逮前蒙天恩飭部准撥銀一百五十萬兩現僅河南解到銀二萬兩其餘尙屬寥寥目前悉就本省騰挪濟急核計壩工隄工兩項需款甚鉅臣通盤籌畫實屬支絀萬分第全局攸關未敢以東民直民稍形歧視現因直省東明隄工地勢較低急須趕辦已任由東省竭力代謀照東民一律津貼以免因循致誤並飭該縣趕將南岸隄工與東境同時

興辦其開州北隄道里較長津貼銀數甚鉅未易辦理
臣商之李鴻章亦以經費艱窘民力不支意欲修補金隄
暫資防護俟本年水勢稍定再議加修臣以北隄如能增
修亦可為金隄添一屏藩且於開濮范壽各屬民地多獲
保全但恐各省協款未能應手東省籌撥過多勢難接濟
一時尙未敢定議惟北面地勢較高且有金隄暫護即稍
需時日亦尙無妨礙至南隄北壩以東前因積凌漫水數
段灘面頗寬亟望正河冰開水退乃本年春寒較甚開凍
頗遲臣以此段漫水於壩工隄基均關緊要必須設法搶
辦方免稽延但水內施工頗為費手非民夫所能猝辦即
經飭調標兵勇隊派分段落相機先搶小堰茲於十一日

奏稿卷十一

河凍稍解各營將官督率兵勇均就水內施工併力齊進
竭五晝夜之力已將東西一千餘丈之漫灘水溝鋪料壓
泥一律疊成小堰俾河水不致串走灘地漸可晾乾就此
趕緊立隄不致棘手臣現仍嚴飭各州縣務於合龍以前
將隄身趕緊築高數丈以資捍禦而免疏虞所有壩工現
辦情形並趕緊修築隄工各緣由謹恭摺由驛四百里馳
陳伏乞

皇太后

皇上聖鑒訓示謹

奏

金門收窄催料趕辦摺 光緒元年二月十九日

奏為壩工金門收窄水勢日深溜勢不時變動情形喫重
現在催集料物上緊趕辦恭摺奏仰祈
聖鑒事竊臣前將荷工大壩進占後辦理情形節次奏報
在案自正月二十日後口門尙寬一百餘丈照從前水勢
計日進占工程本可稍速二月中旬內外可望合龍惟自
接續進占後口門愈收愈窄水勢愈刷愈深二月初兩壩
埽前水深已至三丈五六尺及四丈二三尺不等埽占屢
次猛墊均不分晝夜趕緊加廂旋即穩固約計五日始能
盤成一占兼以河身決口後兩經大汛致河底衝刷過深
土性純沙搜淘尤猛又水面寬至二百七十丈溜勢南北

奏稿卷十一

提坐不時變動南臥則側注於南邊壩與北正壩之前北
臥則側注於北邊壩與南正壩之前往往埽身下墊不能
平正時有欹仄之虞臣均嚴飭在壩文武細心審察將料
土左右盤壓務期稱平以免偏重初三日後陰雨數日工
程並未敢稍停而河面已長水三尺餘寸水勢既深每占
所用料物較前已增至三倍現截至十八日止金門尙有
二十餘丈溜勢愈迫愈急洶湧奔激高下懸殊埽前已淘
至五丈一二尺正邊兩壩均屬十分喫重廠存料物現尙
敷用惟續運在途者以連日雨後道路泥淖運解實難迅
速又值農功伊始車輛亦難多雇刻已分路催提查前次
籌備正雜料物雖力求撙節尙屬寬餘祇以壩埽入水愈

深每占俱屢次墊廂所用加多又值陰雨阻滯道路以致
稍稽且稽料尙可附近搜求至艱劬一項必須購自豫境
非剋期所能趕到刻計合龍之期不得不稍緩時日臣惟
督飭文武員弁竭力趕辦不容稍涉鬆勁至各州縣承修
隄工雖於正月中先後興工先因東土難以行礮嗣值陰
雨土塘積水取土較難勢不能不略有停待現雖一律興
築尙未十分高厚亦經臣飭分段監工委員上緊督催漏
夜趕辦以資防範所有壩工金門收窄水勢日深情形喫
重緣由謹恭摺由驛四百里馳陳伏乞

皇太后

皇上聖鑒訓示謹

奏

奏稿卷十一

三

荷澤賈莊大工合龍摺 光緒元年三月初十日

奏為荷澤大工現已堵築合龍追壓穩固恭摺馳陳仰慰
聖懷事竊臣前於二月十九日將壩工金門收窄水勢日
深情形喫重並催料物趕辦緣由具奏在案臣於拜摺後
復經分投催提料物一面飭令在壩文武將做成之占加
意盤壓以期堅實二十二十一等日復值陰雨二十二三
兩日大河又長水三尺餘寸金門溜勢益形澎湃二十四
日水勢略平前催續運藉各項先後漸集而河南蕪臣
錢鼎銘聞工次料物短絀力顧大局復由豫派船裝運藉
料二百垛連檣而至極為迅速臣約計可資應手且節近
清明誠恐水脈漸旺必須上緊趨辦不容稍涉遲回當即

奏稿卷十一

三

嚴飭文武員弁自二十五日起兩壩不分晝夜一體搶辦
每進一占金門愈窄溜勢愈猛埽前漸淘至六丈三四尺
復飭將前占盤做十分堅穩再進新占至三月初五日兩
壩門占均已穩固當於初六日卯時挂纜合龍幸天氣晴
明人情鼓舞料土雲集廂壓順手金門占入水漸深察看
波濤雖屬激湍而大溜似已直趨舊河頗形暢順即於兩
日夜之間埽占已追壓到底並將邊壩上緊趕成亦於初
八日已刻合龍至初九日酉刻一併閉氣現在壩西水勢
已擡高四五尺當將來土壩趕緊填平加高以擊邊壩惟
後戢前因水勢太深回溜過大土澆不住現在急難接連
已飭漏夜趕澆早完一日俾正壩無單薄之慮伏查此處

決口全溜南趨寬至二百七十餘丈堵築全在灘面施工略無隄身及高埠稍可憑藉又土性純沙搜淘極易就工程形勢而論辦理誠無把握臣於上年十一月履勘時即深知不易著手祇以舍此扼要之處則溜勢紛歧更無可辦且此股漫水所注東省江南之災區運道湖河之關鍵所關於大局者甚鉅不堵則

國家財賦之區與轉漕之路棄於一旦其害胡可勝言是以不恤躬蹈艱危竭盡人力以為補救當二月閒水勢驟長金門淘深之際情形實岌岌可危雖久辦工程者莫不目動神駭臣惟督飭文武隨事盡力置利害於度外計自二月二十六日至三月初九日竭十三晝夜之力併力搶

奏稿卷十一

奏

辦壩工竟得合龍水勢仍歸舊河下注張秋東南大局幸克保全此皆仰賴

聖主洪福

神祇效靈始克臻此臣慶幸之餘倍增悚惕所有在壩辦工之文武員弁勞苦已四閱月艱險備嘗實屬異常出力擬請從優獎敘以示鼓勵其餘出力人員應再分別勞績等次續行奏請給獎至武弁千總以下另行咨部辦理臣現將善後工程並防汛事宜之應辦豫籌者布置就緒即沿途查勘新築隄工順道回省清理署中公事至合龍後水歸舊河所有各州縣承辦隄工均已足資防範仍飭催趕緊修築高厚如式以防大汛至動用工需銀兩各省解

到尙屬無多其中有壩工支發各項工料之用有隄工發給民夫津貼之用途臣詳細分別核明數目另行奏報所有堵築荷澤大工現已合龍緣由謹會同直隸督臣李鴻章署兩江督臣劉坤一河南撫臣錢鼎銘恭摺由驛五百里馳陳仰紓

宸廑伏乞

皇太后

奏

奏稿卷十一

奏

壩工隄工截明用數摺 光緒元年四月十四日

奏為壩工善後事宜刻已完竣並現辦隄工情形核計用過工需分別截數恭摺具陳仰祈

聖鑒事竊 臣前於三月初十日將荷澤賈莊大工堵築合龍情形恭摺馳奏並聲明動用工需內有堵口工料築隄津貼兩項俟分別核明續行奏報在案伏查大壩合龍以後雖即搶填土櫃趕澆後餞高出水面以期閉氣惟土櫃後餞正當邊壩與正壩大溜跌塘之處水深至六七丈不等用土甚費急難見功且壩臺仍須陸續加廂土櫃後餞即須隨之增長 臣當經選派文武各員妥速辦理以免稽延茲據稟報所有加廂壓土及一切善後事宜於四月初

奏稿卷十一

六日一律告竣並據河工收支局委員核明壩工各項共用銀九十八萬七千九百五十四兩六錢九分八釐較上年馳抵工次確勘復估核減需銀一百二十萬兩之數計仍節省銀二十餘萬兩委係涓滴歸公並無絲毫浮冒至應築隄工前議南北兩岸約共五百餘里續經復估核減約需銀一百五六十萬兩嗣以壩工係在南岸且北岸地勢較高應先將南岸丈量明確俾上下游同時施工計東省荷澤等縣共一百九十里餘直隸東明計四十三里餘又東明續增李連莊迤上隄工十八里餘綜計直東兩境南隄共二百五十餘里東境地勢較低原定隄身底寬十丈頂寬三丈高一丈四尺均飭各州縣勸諭民間認段

協修定以每里發給民夫津貼銀二千四百兩其中有坑塘溝槽並低窪積水處所應須格外填墊加用椿料之處隨時查看寬深丈尺另行酌加津貼直境地居上游灘面稍高隄身定為底寬八丈頂寬二丈高一丈二尺每丈土方計酌減三分之一津貼亦核除三分之一亦飭該縣勸諭民間協力興修每里計發津貼銀一千六百兩李連莊以上十八里地勢尤高隄身丈尺亦稍減共計津貼銀一萬兩因直隸未能籌款所有東明隄工津貼銀兩經 臣即在東省工需項下一體全數撥發交該縣以期趕辦現計直東兩境南岸隄工津貼共用銀五十餘萬兩因按段分工之處彼此各有畸零又平地築隄所有跨壓河身及

奏稿卷十一

填墊溝槽積水各處甚多民力實有不逮應酌給津貼多寡不等現在尙難核定應俟驗收覆丈時再行定數截明用款辦理茲查南隄工程已成者十之三四至四月中旬可成十之六七四月底即可一律告成於防禦伏汛不致遲誤惟下游跨壓支流前擬在菜園莊施工旋以引河日旺該處水勢漸深不易著手因改在盧莊跨壓沮河使黃水仍由十里鋪多一去路庶下流較暢惟跨壓沮河丈尺寬至八九十丈需用料物填築為費較多亦經酌給津貼交地方官督飭妥辦至北岸隄工本應一併舉辦祇以前此水勢漫灘擬立北隄基址尙多有水嗣約計時日已迫誠恐趕辦不及 臣於正月中旬奏報壩工情形曾聲明若

北隄不及辦理應先暫修金隄以爲屏蔽茲已派員勘估仍令附近州縣勸諭民夫協修應給津貼共需銀三萬餘兩亦已即日興辦其另築新隄一節俟本年秋汛後察看情形再行酌核抑臣更有請者此項大工原爲保護東南災區及運道大局之計故堵決口則必須築長隄既築長隄則不能不資防守而新工大隄長至二百五十餘里又加以防護金隄一百數十里合計兩岸長隄至四百餘里皆無專管之官轉盼大汛卽臨豈暇從容籌議臣祇好將留防各營勇分布巡防並以地段過長復飭各州縣督率附近民夫一遇險工竭力隨同搶護以爲一時權宜之計惟防汛必須料物而各省指撥工需銀兩至今報解尙未

奏稿卷十一

奏

及半所有隄壩兩工用款均係遵照前奏陸續由司道各庫挪湊接濟此後所需防汛經費仍應飭司寬爲籌撥應用期免貽誤俟各省協款解到再行歸還至將來此項工程之如何修防似應設立應汛改歸經制方期持久應請敕下部臣河臣通盤核議奏明辦理實於河務地方均有裨益所有壩工隄工現辦情形並截明用數緣由謹繕摺由驛四百里馳奏伏乞

皇太后

皇上聖鑒訓示施行謹

奏

大工用費節省請免造冊報銷片光緒元年四月十四日

再興舉大工籌辦已極艱難造銷尤爲繁重此次買莊堵口工程臣自開辦以至合龍親駐工次未嘗暫離凡料物之購運工費之收支各有專司每日具報事無鉅細臣必隨時自行考核不敢稍疏實係涓滴歸公毫無虛耗之弊就堵築二百數十丈之口門工需不及百萬兩用費本極節省然以辦公之情事而論如此辦法斷非河工諸臣之所能故臣初次估報工需時前河臣喬松年兩次函商以隄壩兩工原估約需銀四百七十萬兩爲數不敷將來恐致掣肘應再切實核計奏增撥款方期應手以喬松年歷年辦工極稱核實此次未敢輕言節省者實以工程浩大

奏稿卷十一

奏

一切用費斷非節省所能了事然臣所可自信者亦祇期事事核實使在工大小各員不萌欺飾之念務濟要工至於如何造銷東省向無成案又實非臣及在事各員之所能伏查同治十一年堵築侯林大工共用工需銀三十二萬八千餘兩於事竣後奏奉

諭旨以東省向無河工將用款開列清單奏咨立案免其造冊報銷此次所用工需除隄工項下多係藉資民力按里發給津貼原屬官民協辦礙難分別工需應照數開除另行辦理外所有壩工動用銀九十八萬七千九百五十四兩六錢九分八釐擬請援照前案仰懇

天恩仍准逐款開列簡明總數清單奏咨立案免其造冊

報銷誠知此次用數比侯工幾及兩倍何敢援案竇請實緣東省本無河工於造銷諸未諳悉與前次情形相同且此次丈尺比侯工加多兩倍其工作時日侯工自進占至合龍計二十四日此次自進占至合龍計八十餘日歷時不止兩倍而核計用款比侯工仍覺節省其毫無浮冒亦可概見是以據實瀝陳非為請免造銷有所趨避如蒙俞允感荷

鴻慈實無既極理合附片具陳伏乞聖鑒訓示施行謹奏

奏稿卷十一

罕

大工用款開單具陳摺 光緒元年六月初十日
奏為荷澤賈莊大工核明收支各款遵旨開列清單恭摺具陳仰祈

聖鑒事竊 臣前將籌辦大工截清用數具奏並聲明工費節省請免造報欽奉

諭旨著開單具奏免其造冊報銷該部知道欽此仰見

聖主於慎重經費之中寓體恤 臣僚之意下懷欽感莫可名言當即轉飭經理收支局員遵照趕辦茲據該局員將

用款核明開列收支簡明清單呈請具奏前來 臣覆加確

核均屬相符伏查此次堵口築隄工程情形既鉅道理較長 臣初次約估需銀四百七八十萬兩嗣於抵工查勘後

奏稿卷十一

罕

力求樽節復加核減計壩工約需銀一百二十萬兩隄工約需銀一百五六十萬兩共先請撥銀一百五十萬兩不敷之數再行續請嗣經戶部撥銀七十萬兩仰蒙

特恩准照原請飭部指撥及上年籌堵石莊戶工需改解

漕 臣衙門未用銀二十餘萬兩並准提用 臣深知經費維

艱兼以各省撥款解到需時不得不在本省就近設法以

應急需當即在於藩運糧道各庫通融湊撥俾得及時趕

辦無誤機宜嗣各省撥款亦經陸續解到藉資接濟計自

開工截至現在止惟兩淮江蘇江西湖南安徽五省原續

指撥之款全數解清其浙江湖北河南四川福建廣東等

省或僅解到數萬或尚未據批解合之本省奏撥之款總

計收銀百餘萬兩僅得十分之六現將先到之款統歸壩
工作收壩工餘款撥歸隄工作工至隄工用款係按里津
貼民夫尤為刻不可緩已由東省各庫籌款墊發以免遲
誤俟各省續行解到隨時撥還歸款統計壩工共用銀九
十八萬餘兩比核減之數仍節省銀二十餘萬兩隄工共
用八十一萬餘兩雖所築僅南隄北岸金隄係屬修補而
各項水內工程均不在原估之內較之核減之數亦屬有
減無增所發隄工津貼中有民力其各項棘手工程為民
夫所不能施工者不得不另為籌辦因係與隄基相涉故
附入隄工開列所有用項應於壩工款內登除另摺詳陳
謹將壩工收支各款逐一查核開具清單仰懇

奏稿卷十一

天恩敕部立案施行謹恭摺具奏伏乞

皇太后

皇上聖鑒訓示謹

奏

謹將荷澤賈莊大工合龍收支各款開具清單恭呈

御覽

計開

收款項下

一陸續收藩庫銀二十萬兩

一收江西上年原撥協饒解存漕運總督衙門銀三萬六千兩

一收江西兩次解到銀十六萬兩

一收兩淮解到銀十六萬兩

一收江蘇上年原撥協饒兩次解存漕運總督衙門銀六萬一千兩

奏稿卷十一

一收江蘇三次解到銀十萬兩

一收河南解到銀二萬四千兩

一收浙江兩次解到銀六萬兩

一收安徽兩次解到銀六萬兩

一收湖南兩次解到銀十萬兩

一收湖北解到銀三萬兩

一收四川解到銀二萬兩

以上共收銀一百一萬一千兩

支款項下

一支採辦秫稻銀三十二萬七千五百六十四兩

一支採辦蘇蘇銀二十三萬四千七百七十七兩七錢五分

一支採辦榆楊木椿板銀二萬六百三十六兩七錢

一支採辦椿木腳價銀一萬一千七百九十二兩四錢

一支南北壩基土方價銀五千三百三十一兩五錢五分

四釐

一支正壩土方價銀七萬八千一百三十兩六錢五分六

釐

一支邊壩土方價銀六萬四千四百八十九兩八錢二分

四釐

一支夾土壩土方價銀十一萬一千四百三十七兩二錢

八釐

一支正壩後戩土方價銀八萬一千九百八十八兩八錢五

奏稿卷十一

閩

分六釐

一支各項夫役工銀三萬四千六百八十兩

一支鑿委兵口分銀一千九百二十兩

一支纓纜各價銀一萬五千二百七十三兩七錢五分

以上共用銀九十八萬七千九百五十四兩六錢九分八

釐

除用實存銀二萬三千四十五兩三錢二釐歸入隄工案

內支銷登明

隄工用款請 簡員查勘摺 光緒元年六月初十日

奏為荷澤實莊大工修築南岸長隄暨補修北岸金隄一

律完竣 親歷驗收高厚如式核明用過津貼銀數並挑

挖引河各項工程一併核明用款恭摺具陳仰祈

聖鑒事竊查荷澤大工所有南岸上下游建築長隄酌定

隄身面寬丈尺按里派撥民夫發給津貼並北岸隄工以

時日過迫不及趕辦先將金隄修補其工程亦照南岸藉

助民力酌給津貼冀省經費各情形均經節次具奏在案

伏查南岸隄工上自直東交界起下至十里鋪運河入黃

之處止東省計長一百八十九里非分派各州縣多集人

夫萬難及時並辦經 酌派荷澤定陶城武濮州鄆城鉅

奏稿卷十一

閩

野嘉祥濟甯汶上東平十州縣分段承修計每日需用人

夫共十餘萬之多復經選派大小委員認真監催以免工

程偷減遲延之弊該州縣或係被災區情切免害或係

接壤鄰封力顧大局類皆裹糧荷鍤遠道赴功夫工興舉

之地物價昂貴民夫於所領津貼外多有不敷每里必須

自行籌費多寡不等又定陶城武工段之閒計三千數百

丈逼處大河上年十一月下旬凌水上灘之後十餘里一

片積水民夫無從著手復經雇募長把鐵夫並調撥標兵

營勇從遠處運土全在水內施工先成寬四丈高六尺之

小堰一道以禦壩口收窄擡高之水然後由外幫築大隄

其近水極險之處並添築月堰以為外護大隄丈尺土方

與州縣民夫一律津貼其水工倍極艱難期於保護全局不敢稍惜經費至立隄基址多係經水漫灘其間溜溝深坑多至數十處刷槽之處深者二三丈平漫之處寬者二百餘丈均須先行填與地平再行起隄又建壩之處灘面僅出水尺餘非築堰護灘一經上水則無土可取而串灘水溝紆迴交錯堰身必須一體接連始能得力計上下游接築至五千餘丈故至合龍時水漸擡高土塘不致棘手得以大省經費至口門北去雖有分溜引河初覺窄狹水勢不暢即經多挑引溝隨時撈濬俾免淤阻以上各工均與壩隄相為表裏自應分別開報茲自四月初旬起至五月初旬止據修隄各州縣先後稟報完工臣於出省查閱

奏稿卷十一

吳

泰安營伍後即親歷長隄逐一查勘丈尺均屬相符礮工亦極堅實當飭局員核明用款計東境隄工上下共長一百八十二里係用民間足尺丈量合之工程營造尺每丈計長八寸五分按一百八十二里計長出十五里四十七丈總計一百九十七里四十七丈每里發銀二千四百兩共用津貼銀四十七萬三千九百二十八兩水內施工隄身三千數百丈共用銀九萬二千六百五十兩填墊溜溝坑塘共用銀三萬一千四百五十二兩六錢四分接築護灘小堰共用銀三萬六千二百八十八兩挑濬引河分溜共用銀七萬八千四百六十八兩七錢六分以上皆係東境工程其上游直隸東明境內隄工前經聲明亦由東省

撥給津貼計共領銀七萬八千三百五十六兩不敷之款由該地方官另行籌辦至北岸添補金隄係就從前老隄所有殘缺卑薄之處一律加高培厚臣亦飭濮州范縣壽張陽穀各州縣派撥民夫酌給津貼通計修補一百數十里僅津貼銀二萬二千六百二十兩臣於曹州閱兵後渡河前赴金隄查看該處隄工亦均堅整如式總計隄工各項共用銀八十一萬三千七百六十三兩四錢查壩工餘存銀二萬三千四百五十五兩三錢二釐又兩淮解到上年原撥工需鹽釐銀十萬兩收數僅此兩款其餘皆由東省藩運糧道各庫通融籌墊俟各省奉撥未解工需續行解到即隨時分別歸款抑臣更有請者此項堵口築隄工程事

奏稿卷十一

吳

屬創始動用工需銀一百八十萬一千七百餘兩並蒙天恩准免造冊報銷臣雖自問經費力求節省工程亦尚堅固究之工鉅用繁局外難期共信擬請特派大員臨工周歷查勘以昭慎重且使在工人員益知奮勉於河務大局實多裨益所有核明隄工用款緣由謹繕摺具奏伏乞

皇太后

皇上聖鑒訓示敕部備案施行謹

奏

黑龍江練兵事宜摺 光緒元年八月初二日

奏為密陳管見恭摺仰祈

聖鑒事竊 臣 准軍機大臣密寄光緒元年六月二十七日奉

上諭黑龍江營伍空虛亟宜簡練軍旅以壯聲勢著豐紳托克湍於在伍兵丁實練六千名西丹兵丁添練四千名分旗調考各屯騎射槍箭豐紳等務當督率各官兵實力操防不得稍涉鬆懈至招集流民最難駕馭能否募練五千名備我驅策不致滋生事端並著豐紳等體察情形奏明辦理黑龍江練兵工食馬乾每年應撥銀八萬四千兩著丁寶楨劉齊銜各於該省地丁項下每年各撥銀四萬

奏稿卷十一

吳

二千兩解交黑龍江應用等因欽此仰見

朝廷垂意根本計畫精詳莫名欽佩 臣 惟東三省關係至重黑龍江吉林毗連俄境屬戶之計亟應未雨綢繆查黑龍江風氣本厚近雖驍勁稍遜於往時而樸質仍冠於各省此次簡練該軍在該將軍等必能懷遵

聖謨除去一切無益具文核實訓練以期臨事得用惟招募流民一事 臣 愚則以為決不可行何也凡兵之可用者以其心地誠樸不計利害不知趨避樂為我用耳若外來流民素無職業游蕩為生無食則妄生事端得食則習於淫佚詐偽多方即使申之以號令亦不過陽奉陰違貪我廩餼何有實心甚且以其游惰之習暗教同營弊尤不可

勝道現在黑龍江之兵其所以異人者在風氣之樸訥其可期得力者在性情之椎魯若就其質實之風嚴加操練優給饜糧不雜以外路氣習日久自能改觀儻於此時招募流民是以訓練未定之軍心雜以黠狡最甚之奸民誠有如

聖諭所謂最難駕馭者非特不能得力適足以壞該省純厚之俗而貽後日無窮之慮或謂各直省用兵亦多有招募外人者何獨於黑龍江不宜不知各直省招募外路要各以其類相附並不敢於人地素不相識之處輒議開招即從前勦賊時日有戰事各將領以兵勇或不敷用往往就地招合亡命藉以成軍而當時之約束匪易事後之遣

奏稿卷十一

吳

散更難似應即行停止毋庸議招以為正本清源之計斯為妥善至該省練兵數目伏讀

諭旨飭令於在伍兵丁實練六千名西丹兵丁添練四千名分旗調考騎射槍箭 臣 愚以為兵至萬人已不為少但營伍與操練之法似宜酌量將舊時程式稍為變通大約一營之隊伍必使之前後中左右可以彼此聯貫互相分合照應陣式必使之練目前可以制敵之法應變之方不可徒事外觀其器用一層則宜以多練馬上槍礮並兼習長矛為要蓋馬戰兼練步戰斯不易為敵所窘凡此數端皆屬切要然尤須將領得人能使一營之中自營官以至兵丁真意貫注習久自成精騎雖今日所練萬人而異日

推演擴充恢之彌廣自足以還樸勁之舊觀而示鄰敵以形勢應請

聖明慎簡將領責以成效不拘舊時之文法專課新練之實濟精神所注自克日起有功矣臣愚無識竊以關係

國家本計管見所及不敢不切實上陳以備廷謨採擇至應解協撥黑龍江練兵工食馬乾各銀兩臣

以該省練兵緊要先已飭司分起籌解銀三萬四千兩下餘無多務期於九十月內掃數解清以維大局決不敢稍

涉因循上煩宸廑合併陳明謹繕摺密陳伏乞皇太后

皇上聖鑒訓示謹奏

奏稿卷十一

奉

密陳各國兵船來煙片光緒元年八月初二日

再東省煙臺地方為中外通商口岸每年各該國均有兵船或二三隻不等來煙避暑秋涼即行南去歷經妥為鎮

壓不致生事茲臣接據登萊青道龔易圖稟報今年入夏來煙兵船無多乃自七月二十日至二十七日忽有英法

美布各國兵船共八隻來泊煙口並聞英國水師提督兵船隨即到煙帶有公文赴津又聞尚有兵船數隻亦即可

以來煙等語並查開兵船數目呈送前來臣查通商各國近日尙屬相安何以忽有多隻兵船來煙停泊雖現在各

該國來意如何並未顯露尙弗得知而臣細揣其故必係為滇事未結藉此為要挾之具當即密飭龔易圖不動聲

色仍照常派員鎮壓居民不令再滋他事一面暗為查探該國是何舉動如有意外之事一得的耗即行飛稟核辦

並密飭駐紮煙臺洋槍隊一營及登榮水師兩營日勤操練預為防備又密飭署登州鎮總兵王正起前帶赴登之

陸隊二營一併密為預備以資防範以後情形如何臣當隨時相機籌辦陳奏所有各該國兵船來煙停泊及臣現

在密飭稽查鎮壓並預為防範各緣由謹附片密陳伏乞聖鑒謹

奏

奏稿卷十一

奉

保舉薛福成黎庶昌暨徐建寅創辦機器片 光緒元年八月初二日

再 維中外現在交涉事件迭起環生儲才不預無以應變第風氣以獎掖而自開人才以磨鍊而後出博求道諒之士砥礪講求遇事器使異日必有為

國家任事之人本年四月間王大臣議准出使一節荷蒙諭旨飭各督撫各舉所知以備任使最為今日切要之圖臣查知府銜直隸候補同知直隸州知州薛福成學堪致用識略閱深江蘇候補直隸州知州黎庶昌志節堅毅抱負甚偉以上二員均擬請飭下總理衙門存記遇事酌量奏請

奏稿卷十一

三

簡用同知銜候選知縣徐建寅志正才明洞精西學業經總理衙門奏保在案 先於四月間亦經咨調該員前來商辦機器製造各事現擬俟其到東即須委辦從前欽奉諭旨有令直隸督 李鴻章揀派明幹委員會同東省委員登州鎮總兵陳擇輔赴粵洋購辦機器雇工一切事宜昨准李鴻章函稱亦即派委該員前來會同辦理合併聲明為此附片具陳伏乞

聖鑒謹 奏

丁文誠公奏稿

卷之十二目錄

額懇暫停 躬送 梓宮摺 光緒元年八月二十二日

疏濬運道摺 光緒元年九月初一日

黃河南北兩隄三汛安瀾摺 光緒元年十月初一日

籌辦海防摺 光緒元年十月初一日

設立機器局摺 光緒元年十月初一日

特保馬映奎片 同日

疏洩沮河修築挑壩片 光緒元年十二月二十日

預籌隄防經費並修壩工片 光緒二年正月二十九日

沿海種樹片 光緒二年二月初八日

奏稿卷十二目錄

校閱水師摺 光緒二年五月初七日

查閱海防礮臺摺 光緒二年五月初七日

請獎德國兵官瑞乃爾片 同日

挑濬新舊泗河片 光緒二年五月二十九日

修築濮州護城隄片 同日

挑練兵勇聽調摺 光緒二年閏五月十五日

河水陡落非因旁洩片 光緒二年七月初二日

升授川督謝 恩摺 光緒二年九月三十日

機器局置器造廠規模大濶摺 光緒二年十月初三日

機器局用款報銷摺 光緒二年十月初三日

保獎機器局員片 同日

請獎會昭吉片 光緒二十二年十月二十三日

四子體成中式舉人謝 恩摺 光緒二十二年十月二十日

調會昭吉赴川片 同日

頒賜 御製詩文全集謝 恩摺 光緒二十二年十月二十日

頒賜 欽定勦平粵匪捻匪方略謝 恩摺 光緒二十二年十月二十五日

奏稿卷十二目錄

額懇暫停 躬送 梓宮摺 光緒元年八月二十二日

奏為瀝忱額懇恭摺密陳仰祈

聖鑒事竊 臣 前恭閱邸鈔內閣奉

上諭本年九月十八日

穆宗毅皇帝

孝哲毅皇后梓宮奉移

山陵前經降旨朕奉

慈安端裕康慶皇太后

慈禧端佑康頤皇太后躬送茲據禮親王世鐸等奏合詞

額懇暫停恭送欽奉

兩宮

奏稿卷十二

皇太后懿旨覽奏深增悽愴梓宮暫安隆福寺行宮日月

有時山陵卜吉追維往昔悲感曷勝若奉移之際不獲親

臨一視中懷倍增慘怛皇帝尚在沖齡侍奉偕行沿途藉

資保護王大臣毋庸固請欽此朕仰承

慈訓曷敢有違所有恭送

穆宗毅皇帝

孝哲毅皇后梓宮奉移

山陵仍著各該衙門欽遵前旨敬謹辦理等因欽此仰見

我

兩宮

皇太后吳慈篤眷

皇上至孝性成莫名欽感臣曷敢妄有瀆陳惟思

聖人作事本乎至誠而時勢有常變之不同斯行止有經權之互異現在英人以滇事曉瀆糾邀各國兵船多隻停泊津沽來意雖未見惡亦未盡善况現探煙臺停泊各船復有數隻開赴天津各處該各國隱懾

天威決不敢妄有舉動而犬羊之性亦須防其未然臣等遠隔封圻值此異族逼處竊念

鑾輿駐蹕郊原雖宿衛益加整嚴扈從悉皆精銳實為夢寐所不安且津郡距

山陵道里不甚懸遠以外洋兵船麇集萬一狼豕野心小有不馴在

奏稿卷十二

二

聖主威福齊天安如泰時但恐傳聞或誤偶有震驚亦屬臣等之大罪再四思維如各該國兵船一時未退惟有仰懇

皇太后

皇上勉抑哀思酌經從權上遵

聖祖成憲俯准前禮親王世鐸等所請暫停

躬送俟

山陵永遠奉安有日再行

親臨顧視以示尊嚴而防覬覦所有微臣懃懃懇緣由

謹恭摺密奏伏乞

皇上聖鑒謹

奏

奏稿卷十二

三

疏濬運道摺 光緒元年九月初一日

奏爲會同籌議山東運道酌擬疏濬以利漕行恭摺覆陳仰祈

聖鑒事竊 臣 國荃 臣 寶楨於光緒元年七月十五日先後接准部咨欽奉

上諭御史劉瑞祺奏請飭籌修運河一摺著直隸兩江山東河南各督撫漕運總督河東河道總督體察全河情形應如何設法疏濬俾利漕行之處妥籌具奏等因欽此伏查河運一事歷代經營至數百年南漕始能徑抵通州略無阻滯以現在大局而論誠爲不可廢之良法自咸豐五年黃河北決銅瓦廂由張秋穿運入大清河挾汶東趨運

奏稿卷十二

四

道因致梗阻時以軍務方殷未暇修治又值南漕停運遂忘其害至同治四年試辦河運始議疏濬運河因張秋北至臨清之運河所有濟運清水爲穿運之黃水所奪別無清水可灌不得不待黃濟運故漕艘必候汛渡黃而穿運之黃流又南移至安山距張秋幾六十里支溜分歧一歲數變以致運道節節淤阻漕艘未渡以前更須繞走東西兩坡湍激淺澀其險不一汛期之長落久暫不同舟行之先後通塞頓異猶幸米數多不過十餘萬石船數多不過五六百隻得以設法浮送無誤重運現在南漕酌議加增運道自當預籌修治以期漸復舊規 臣 國荃於四月下旬甫經履任卽值豫境黃汛將臨籌防緊要於所轄山東運

河尙未躬親履勘當卽周諮博訪先將大概情形與 臣 寶

楨函商 臣 寶楨歷年籌辦疏運利漕事宜於東省黃運交涉之處知之較悉復查東境運河南自江南交界起北至

直隸交界止計程一千一百餘里其受病固在張秋穿運之處而穿運處之渡黃尤爲運道關鍵 臣 前以穿運之溜

漸向南移上游時虞南決若任其南決則南陽微山各湖悉成淤墊而南路運道之壞其弊轉甚於北蓋北路多係

河身河身消涸尙可以疏濬南路所恃湖水湖水淤墊則萬難挑復坐使

國家久遠至計廢於一旦關係實深故頻年來堵塞侯家林議辦石莊戶均於上下游接築長隄所期南北兼籌冀

奏稿卷十二

五

以東橫流而顧運道耳查自上年接築王家垓以下新隄以達於十里鋪所有安山三里鋪頭道樓城水坑等處穿運之支流俱已無水計保運道約五六十里並西坡涸復民地亦萬數千頃自今春堵合賈莊決口並接築南隄以屬於十里鋪所有侯家林霍家橋張家支門向爲黃溜經行之處皆已無水河流內涸出之民地又將二百餘里而運道多一重門保障似較完固現在黃水穿運僅在十里鋪至八里廟之十餘里較前祇有十分之二三惟此十餘里之姜莊尖河莊兩段運河淤塞過甚此時黃水北流雖深挑亦必旋淤徒糜工費將來漕船經行此地水大則由西坡林家壩田家灣道人橋順流而至八里廟渡黃水小

則由東坡石家橋李家壩晉城溯流而至張秋入運比從前均較便捷此在北穿運之患現在略愈於前數年之實在情形也至南路之沿運諸湖向爲水櫃以資蓄洩自咸豐三年豐工漫溢北注湖河致泃河應之彭口十字河沙山衝入運河而舟行須繞走微山湖運河應之十八水口十二單開石工坍入運河而舟行又須東繞獨山湖棗林仲淺各開之運河淤墊而舟行又須繞走西坡至新店始能入運曲折紆迴耽延時日計行運之河間段淤塞蓄水之湖隨處行船於蓄洩機宜已無把握至前歲石莊戶漫決之水經兩年伏秋盛漲之時河湖聯爲一片致將微湖之湖口雙開及朱姬馬令三里各減開石工多已衝壞現

奏稿卷十二

六

在不能堵閉收蓄湖水既恐八開以下之運河無水接濟而坡地前可通舟之處亦必一律受淤非趕緊分別籌辦漕艘恐難暢行此在南受淤之患現在較甚於前數年之實在情形也查運河之廢壞已非一日要其穿阻受淤莫非黃水之害先治黃而後治運一勞永逸之道也不治黃而但治運補苴苟簡之計也 臣寶楨前屢奏黃流應復准徐故道誠以黃水在北治運斷無長策第運道斷不可廢亦須亟宜規復但未治黃而祇求所以治運者多費實未免糜耗計惟有隨宜補救期於無誤漕行因各省漕糧雖議仍由河運而米數船數尙須逐年遞加卽運道工程亦可分年酌辦現在山東運河北路如故而南路受病情形

比往年較重自須先將微湖之湖口雙開及各減開趕緊修砌及時收蓄以保湖緒並將棗林仲淺西坡一帶淤淺之處察看是否尙可行舟運河正身亦應量爲挑濬惟公費較繁若須舉辦自應豫爲籌款以期於今冬明春一律辦成擬俟霜清後詳查估計奏明辦理至辦公必須用款東省本年興辦大工藩運糧道海關各庫羅掘一空實已無可籌畫將來估計工需若干惟有籲懇

天恩飭部及早預爲籌撥解工由 臣國荃督飭道廳分別認真趕辦其北路穿運處應須挑濬事宜仍由 臣寶楨查照每年辦法督飭各州縣核實辦理所需工費卽由本省竭力籌撥應用以上籌辦情形 臣等往返函商意見相同

奏稿卷十二

七

臣國荃擬俟霜清後卽當前赴東省查勘設立廳汛情形再將應辦運道事宜會商 臣寶楨詳細籌議月摺陳明所有酌議疏濬山東運道緣由謹會同河東河道督 臣曾國荃合詞恭摺覆奏伏乞

皇太后

皇上聖鑒訓示施行再此摺係 臣寶楨主稿合併陳明謹奏

黃河南北兩隄三汛安瀾摺 光緒元年十月初一日

奏為黃河南岸新隄暨北面金隄本年經歷三汛現在節屆霜降通工穩固安瀾恭摺馳陳仰慰

聖懷事竊照本年春閒堵築河澤賈莊大工並於上下游接築南岸長隄二百七十餘里以資防範合龍之時已屆桃汛其時各段隄工牽計不過十分之四誠恐趕辦不及經臣嚴檄承修各州縣添集民夫並飭監工大小委員曉夜督催無敢少懈當於六月初旬伏汛未至以前一律完工經臣驗收奏報在案其防汛事宜臣亦先期通盤籌畫因隄身縣長數百里逼近大溜且新築之隄根基甫定未可顧此失彼當即飭派候補知府馬映奎會同東省留防

奏稿卷十二 八

振字紳字培字各營統領督飭各營勇按段分派各專責成每里所守汛地比前數年加多至三四倍於畫分段落之中如遇異常險工仍令彼此互相協助兼以直隸境內隄身雖亦派有民夫防守惟於廂修事宜素未經歷復飭駐防大壩之培字營選派諸習工程營官隨帶勇丁前往直境專備代為廂掃統計直東兩境沿隄汛堡星羅埽工櫛比上下游聯為一氣毫無疏略應需料物經臣籌撥款項擇要設立總局分局即派委馬映奎專司其事預籌寬辦以期遇險放手搶廂不致延誤並飭充沂曹濟道潘駿文督同所屬沿河州縣酌定調撥民夫章程有險隨同搶護六月中大雨連旬為近年所未有本境水勢極旺而上

游豫省來源疊准河臣來咨萬錦灘節次長水至四五丈之多奔騰下注致沿途處處漫灘直逼隄根著溜生險之處不一而足而大壩及池下之王潭富成范莊等處溜勢洶湧搜刷異常一日之間情形百變危險界於呼吸幸各營官督帶勇夫不顧生死齊心搶護料物亦能應手無論風雨一氣趕廂所有洶深蟄塌跟進柴土加壓務期堅實到底塌二十餘晝夜之力始克平穩其霍家橋及沮河兩處係跨壓舊日行溜河身一二百丈之寬尤慮水由舊路衝齧更甚且沮河內塘存有積水益恐疏虞疊飭各該段防守之員格外加廂護埽以昭慎重至北岸金隄距溜稍遠臣已先期修補完竣復嚴飭委員會同東昌府知府程

奏稿卷十二 九

繩武督同壽陽濮范東五州縣隨時調撥民夫盡力防護故水勢雖大卒能抵禦此六七兩月伏汛疊次異漲防守為難之實在情形也七月中立秋以後水勢略平臣以秋汛為日最長水力更猛於伏汛嚴飭沿隄加意嚴防七月底至九月初四十餘日水又疊漲數次溜勢迴環洶刷大壩仍十分喫重而南岸未見鬆勁北岸金隄臣復飛飭在工各員會同地方官相機竭力防護幸保無虞此八九兩月秋汛接續增漲防守之情形也現已節屆霜降通工一律鞏固安瀾據在工各員稟報前來臣查本年所築南岸新隄道里比前加增兩倍防汛營勇並未增多且係新隄土性多沙不比黃河從前老隄經歷數百年歲加修守易

於防護而防汛之人亦不比從前黃河設有專司廳汛熟諳修防均係派撥營官營勇及各屬紳董民夫遇有險工惟知出死力以與水爭且值本年異常大雨來源盛漲防守之難實有數倍於往年者惟南隄關繫東南大局金隄亦北岸保障本年堵口築隄修補各費聖主不惜百萬鉅帑始克有成曷敢不竭盡心力以保全功然當奇險疊生呼吸危迫之際雖在工員弁不避艱險奮力搶護實難語必有把握今歷三汛竟得普慶安瀾實皆仰賴

皇太后

皇上洪福

奏稿卷十二

十一

神祇效靈臣慶幸之餘倍深悚惕所有

大王廟各處應請

勅發葺香油臣祇領敬謹酬謝以答

神庥其在工文武員弁當溜勢湍激搜刷之時冒死搶廂屢瀕於危均能奮身不避不無微勞足錄擬懇

天恩從優獎勵其餘尤為出力各員紳容臣分別查明彙

同監修隄工各官紳續行奏請獎敘其千總以下武弁另

案咨部給獎用示鼓勵除將有無應辦事宜俟水勢歸槽

詳細察看另行核辦外所有黃河南岸新隄暨北面金隄

經歷三汛一律堅固安瀾緣由謹繕摺由驛四百里馳陳

伏乞

皇太后

皇上聖鑒訓示謹

奏

奏稿卷十二

十二

籌辦海防摺 光緒元年十月初一日

奏為遵

旨籌辦山東海防謹將擬辦情形恭摺奏祈

聖鑒事竊 臣前因籌辦海防當經奏調湖北道員張蔭桓來東差委旋派赴煙臺會同登萊青道龔易圖總統師船候補道李宗岱周厯口岸察度形勢密籌布置稟辦並令張蔭桓赴津與北洋大臣李鴻章稟商一切茲據該道等稟稱東省海防與他省異津滬閩粵皆有內河通海自以通海之河為海口重地應築礮臺嚴兵駐守東省情形則南自莒州與江南接壤之海岸起迤至北海之海豐大山口止皆係濱海扼要無可扼之區居中無適中之地蓋東

奏稿卷十二

三

三府地形如人伸一臂陡入海中三面臨海處處可登內中惟鐵門關一處為黃河通海之口外有攔沙大船既不能入而黃河濁流挾沙輪船浮駛沙入其輪亦不能進現可毋須設防以節兵力此外自大山口起至鐵門關一段濱海皆係鹽鹵之地地瘠民貧村莊寥落上無所掠彼難駐兵自鐵門關迤南折東至萊州府之海廟一段內經利津蒲臺壽光濰縣昌邑掖縣六州縣海面名為內海海濱多係平砂潮來則漫潮退則係一片陷淖而海水皆淺難入大舟故輪船由煙赴津皆由長山羣島北駛從不西繞以上各處似可無煩更顧自掖縣之海廟起至登州府城一段水勢稍深然輪亦不輕入可用師船時為巡哨防

其撥兵登岸自登郡至煙臺一段為東海最要之地聲勢

極宜聯絡水陸均宜設防自煙臺至威海衛及成山一段輪船時相往來外國兵船多泊於此亦宜加意防範自成山南折而西迤至俚島石島金口繞嶗山而至青島膠州一段水勢雖深皆係小口為內地船隻往來之區內惟膠州一口通內之膠萊河而島形散漫無險可扼輪船內駛距膠州河口尚有四十里即不能進亦可陸地自行設防自膠州至莒州日照一段與江南之青口接壤皆係淺水非巨船可涉外人向不過問可不設防師此東省沿海海面之大概情形也今計東省海面應設防之處有三一日煙臺煙臺為通商口岸洋船聚集而與津門信息常通常

奏稿卷十二

三

洋兩關皆歸宿於此勢不能不守然煙臺地勢山麓平坦無險可扼雖北有之罘島為屏東有崆峒諸島為蔽而相去皆極遠闊其居中扼要可以屯營之處惟煙臺山為最然為洋人環山而居一無隙地且山形不甚寬廣以之築立礮臺太為感逼此外如八蜡廟山背尚可設礮臺而距崆峒島十二三里有奇距之罘島十八九里有奇開礮勢難相及且係孤懸東首與後山均不聯貫而煙臺無城郭圩寨其中居民皆商販聚集一旦有警勢必四散且華洋雜處亦難區分畫守而南山之背即為海面敵易包抄至之罘島沙隄橫亘之外皆屬海岸直達登州百餘里之內處處皆我後路自應慎密籌布茲擬於通伸岡設大座防

營駐兵三千人以固後路再於煙臺山下設一浮鐵礮臺
八蜡廟設一浮鐵礮臺之罌島之西設一浮鐵礮臺再於
之罌東首築一砂土曲折礮臺庶前後可以相顧我之輪
船亦可出入可戰可守此煙臺之防也一日威海衛威
海地勢較煙臺似為緊東三面皆係高山惟一面臨海而
外有劉公島為之屏蔽劉公島北東兩面為二口門島東
口門雖寬水勢尚淺可以置一浮鐵礮臺於劉公島之東
而於內面建一砂土礮臺海外密布水雷閉此一門但留
島北口門為我船出入其北口門亦有山環合可以建立
礮臺計有三座砂土礮臺於內有二浮鐵礮臺於外則威
海一口可以為輪船水寨輪船出與敵戰勝則可追敗則

奏稿卷十二

古

可退而自固此威海之防也一日登郡郡城負山臨海水
城直瞰海濱北有大嶺南有沙埂對面有長山島為屏形
勢較為雄壯而蓬萊閣下海多暗礁自水城至長山島海
面雖有四十餘里之遙鐵甲巨船不能入輪船即能入而
不能停故登郡之守又與威海煙臺情形不同應於城北
之彈子渦山上設一砂土高式礮臺再於城南之砂埂上
設一砂土圓式礮臺長山島西再設一曲折砂土礮臺與
郡城相為犄角而於近城要處密布阻船之物則郡城似
可無慮此登郡之防也此則東省洋面要地形勢之大概
也然則今日之防若直東奉三省合力併謀有鐵甲船五
號中輪船十號小輪船六號分布於東之煙臺威海奉之

黑山灣為北洋作一關鍵進則擊退則守可分可合此為
北洋計而東省之防亦在其中此策之一否則精選陸軍
練習槍礮以分紮登州黃縣福山等處無事則分有警則
合敵若登岸可以合擊敵若紛擾亦可肆應儻敵船直犯
津門亦可以輪船載送赴援此為東省自防計而實可以
為北防大局計此策之二然二者皆用費多而需時久此
時饒力不及東省祇能自為防則宜以登郡為根基先置
登郡之防再練陸軍二三千人駐守煙臺後山聯為聲勢
俟浮鐵礮臺可以成購再設煙臺海上之防俟鐵甲輪船
大備再設水寨之防俟登郡築臺能於合式再議各處礮
臺之防逐年而謀之分時而任之必使防一處得一處之

奏稿卷十二

古

地利練一營得一營之兵力此策之三該道等意見相同
繪具山東沿海全圖測量水勢深淺地形廣狹稟請鑒擇
遵辦前來 臣 維山東海防鞏衛
畿輔而沿海千餘里汪洋瀰漫無險可憑懸圖按索似多
形勢緊湊之區及身歷海島登陟眺望切實研究始悉山
勢風力潮力情形該道等擬於煙臺威海登郡布防尚合
機宜惟所稱先設登郡之防似非目前所急蓋此時辨防
應注意北洋兼顧東省 臣 詳細酌度應先將煙臺礮臺與
辦次及威海茲擬於煙臺通伸岡先築一圩沿牆置礮中
屯陸師圩中設望樓安放走輪大礮復於八蜡廟築一圓
式礮臺分內外兩層外層添設隔堆分布礮位內層仍置

望樓安設走輪大礮又於之罘山東莊建曲折礮臺一座以資聯絡則煙臺之防基局稍立其威海衛形勢如該道等所稟密布水雷緊閉一門僅留北口一門以通我師於劉公島之麓築一礮臺其島口兩面各築一礮臺以相犄角威海之局亦稍有把握此兩處防局既立然後議辦登郡如此次第以圖庶北洋緩急可備且不致緘於讓力至所稱應用鐵甲船大小兵輪船浮鐵礮臺等項自非北洋經費充足不克舉辦未能卒議其現在所需礮位擬用克虜伯後膛鋼礮參用阿鳴斯郎前膛鋼礮築臺工竣次第購買至兵勇應用槍礮除格林連珠礮克虜伯四磅礮利用外應購用亨利馬啼呢快槍方能應敵現擬各項定購

奏稿卷十二

六

以期利用其行隊攻守之法更當加意講求近日登萊水師營經李宗岱嚴加操練漸有成效以後漸次擴充陸隊亦無難整飭臣規畫既定復查候補道張蔭桓明幹勤能勇於任事即飭派總辦防務會同龔易圖在登萊口岸設局儲料年內先集鐵木灰石各料物明春開凍便可興辦惟山東在北洋之內所有一應經費應須取給北洋而部撥之款臣商之李鴻章一時實未能應手而日擊時艱又不能因循株守現擬就本省各庫暫時勻湊四五萬兩先行濟用並即咨明李鴻章一俟北洋經費解到即行陸續撥還以清款目如此稍為騰挪庶免停待伏乞飭部查照至於選練陸師應俟槍礮購備後再為籌辦所

有遵

旨籌辦海防先築礮臺購備軍器緣由謹會同北洋大臣李鴻章合詞恭摺具奏伏乞

皇太后

皇上聖鑒訓示謹

奏

奏稿卷十二

七

設立機器局摺 光緒元年十月初一日

奏為東省設立機器局製造軍火謹將試辦情形恭摺奏祈

聖鑒事竊惟今日內地軍營多用外洋槍礮誠以其精利靈捷便於攻守也惟既用外洋槍礮必須外洋子藥而內地所用皆取購於外洋為費甚鉅且恐有事之時藥丸無處購辦槍礮轉為棄物臣是以設立製造機器局職此之故前經派委道員張蔭桓赴津稟商李鴻章訪求製器之法並訪悉上海機器局候選同知徐建寅熟諳情形當經奏明咨調來東商辦現擬購辦製造火藥機器槍礮彈子機器修整洋槍礮機器各一副即就近省城外濼口地方

奏稿卷十二 六

相度形勢酌買民地建設局廠開辦臣可便於稽查惟事屬創始並無成法可循現就津滬兩局章程折衷一是而徐建寅心思縝密志趣超卓臣近與商議一切均能實事求是尚無敷衍浮夸之習足資辦理即飭派總司局務用專責成並派濟東道薛福辰會辦以備彈壓至臣創辦機器從前本擬軍火槍礮同時併辦當經奏明委員出洋查看各國槍礮式樣藉資仿造頃因經費難籌且事由漸進始克專精現與徐建寅商明先造子藥俟子藥成後再購槍礮機器以為製造槍礮之舉俾無旁鶩冀收實效槍礮既經緩造則委員出洋亦可暫緩以省經費惟設立機器製造局係地方應辦之事與海防無涉天津上海各處向

係歸地方專辦此項經費似與北洋撥款無關臣曾函商李鴻章亦以為然自當另行籌撥現擬飭司籌銀六七萬兩為購辦機器及買地一切之用以後不敷之項容隨時奏明籌撥至此項經費應由臣督飭徐建寅撙節支銷工歸實用俟開辦之後每年於年終核明用數據實造冊奏咨報銷一次以憑考查所有試辦機器製造緣由謹恭摺具奏伏乞

皇太后

皇上聖鑒訓示謹

奏

奏稿卷十二

六

特保馬映奎片 光緒元年十月初一日

再東省此時海疆緊要所屬登萊兩府最爲形勢喫重之區現擬規畫久遠加意設防期與天津互爲犄角所有創辦機器製造軍火修築礮臺以及一切應辦事宜均須次第布置使規模日擴漸成重鎮惟庶事草創全賴地方官得人方能措施裕如可寄干城之任臣屢於候補知府中查看惟有道員用過缺儘先題補知府世襲騎都尉兼一雲騎尉馬映奎器局闔展明毅有爲該員於咸豐年間以欽賜主事引

見荷蒙

文宗顯皇帝鑒其三世忠盡獎勵至再嗣又蒙

奏稿卷十二

三

皇太后召見

溫諭優加並有好好學做官之

訓該員日以渥受

厚恩矢志圖報是以遇事實心講求在東省歷辦要差不避艱險勤能最著臣查其堅強真實之心勤苦果敢之氣實足勝任海疆要缺當此需才孔急臣爲地方人才起見謹據實密陳以備

朝廷異日之用實於海疆大有裨益伏乞

聖鑒訓示謹

奏

疏洩沮河修築挑壩片 光緒元年十二月二十日

再查東省沮河一道原係由曹州境內流入東平州境匯入運河自黃水穿運以後沮河自東平州境蘆莊以下卽歸入黃河合流頻年夏秋之時每虞泛溢沿河民地八九百頃全行淹沒本年新築南隄跨壓河身雖黃水不虞倒灌而沮河苦無出路爲害仍甚臣十一月初旬因祀謝

河神後親赴該處履勘目擊漫淹情形殊爲憫惻亟應設法疏洩當卽周歷詳細查看擬由蘆莊之東開挖河道十四里有奇卽可將沮水疏洩入運但須酌建涵洞一所以資啟閉運河方不致漫溢復飭核實估計工需約需實銀一萬四千餘兩又查現在大壩前黃河溜勢側臥東南必

奏稿卷十二

三

須於賈莊及壩北之二三里外修築挑壩三四座以免兜溜核計築壩工費約需銀六千餘兩實係省之又省略無浮冒臣查此河每年淹沒民地八九百頃民生

國賦攸關必須亟爲辦理而賈莊等處挑壩亦必預爲籌辦方免他虞惟東省現在庫款支絀萬狀臣擬於臨清關撥銀一萬四千兩充沂道庫撥銀六千兩隨時解交務於明歲春融趕緊開辦以仰副

聖主勤恤民隱慎重河防之至意謹附片具陳伏乞

聖鑒謹

奏

預籌隄防經費並修壩工片

光緒二十二年正月二十一日

再黃河自改道東省以來並未刷出河槽每屆汛漲東西奔突任其所之現在大局已成北流所有東省南北兩岸隄防與豫省河防同形喫重而修防情事似較之豫省尤為至難何也豫省之隄歷經數百年歲有加修隄身堅實而修守之文武應汛職有專司日日講求防護故修守亦能得法情形較易東省則北面金隄縣長一百六七十里二百餘年以來並未一加修補隄身久形殘壞而卑薄之處尤多至南面大隄二百餘里則係上年新築雖經去年伏秋兩汛搶護無虞然究係新工土性一切從未能十分堅定且一無應汛管轄所恃以防護者僅賴地方委員暨

奏稿卷十二

三

弁勇民夫素未練習防務遇有險工則惟恃料物足備各出死力以與水爭情形較難然此時河已北流即議設廳汛亦非旦夕可辦轉瞬汛期迅至東省自不能不力籌保護以重

國計而衛民生臣現擬於北面金隄除隄身殘缺各處已於上年派員修築完固毋庸再行辦理外其餘稍形卑薄及上年溜行衝刷之處實不能不普加修理緣此隄屏蔽畿疆自應格外慎重刻已委員通體查勘切實估計共需實銀三萬八千餘兩已飭司如數籌款委解並飭東昌府知府程繩武暨分派委員督同地方官民按段加修期於一律高厚以資抵禦至南岸隄身雖屬完整毫無損缺惟

黃水溜勢變遷水性湍激當三汛漲發之時衝刷情形瞬息百變必須刻刻加意隄防而一切搶護應需工料亦須應手不可稍缺查豫省河防道里遠近與東省不甚懸殊然現在每年節省估計例案另案兩項共需實銀五十餘萬兩足見搶護用款之繁東省現在河勢隄身與豫省無異而辦防之人與修守之功又較難於豫省目前與防汛各員籌商均休於前數年伏秋大汛之險僉謂南北隄段縣長數百里所有防汛工需必查照豫省成案始能濟事臣以為當此經費萬難之際但使人力能為可省則省何必拘泥成案因力排眾議定於南北兩岸防汛擬籌撥銀六萬五千兩為購辦料物以備伏秋兩汛搶險防護之需

奏稿卷十二

三

屆時督飭委員樽節妥辦惟所撥之款比之豫省防汛工需僅及十分之一省無可省當此帑項支絀不敢不力為其難但恐屆期汛水過大另有意外險工用款萬有不敷不得不隨時酌量奏明籌辦臣惟有殫竭愚誠盡其心力之所能為以期事事核實而於大局有濟用以上紓

宸廑再上年十二月初旬凌汛甚大賈莊大壩各處水勢擡高八尺有餘南北大隄防護無事惟賈莊以上各處護隄水堰以及所築挑壩均受冰凌及水溜衝突過甚急須趕辦春廂以禦桃汛臣已籌撥銀六千兩飭防汛之總兵李培榮戴鴻仁等購備各料督飭營勇趕為加修合併陳明伏乞

聖鑒謹

奏

奏稿卷十二

臣

沿海種樹片

光緒二年二月初八日

再東省籌辦海防前經奏明於煙臺威海登州府城三處
建築礮臺因煙臺爲通商口岸急須先行辦理臣現已於
該處通伸罔審定地勢飭派山東委用道張蔭桓購辦料
物一俟齊備卽行興工惟東省海面自南至北縣長三千
八百餘里防不勝防卽所議三處礮臺亦第爲屏蔽天津
門戶期於聲勢聯絡其實東省應防之處究不止此臣於
此事自去歲至今日夜圖維急欲廣籌布置俾多得一處
之益卽可省一處之心竊惟外洋之所恃者在船礮之堅
利船礮之所恃者在測量之準的而測量之所恃者則全
在於千里顯微各鏡之能視遠若使海岸俱有屏蔽令彼

奏稿卷十二

臣

不能遠視則測量之術窮測量之術窮則船礮之利亦不
能獨勝又外洋所重在船礮必倚海而始盡其長我之所
重在陸地但離海而卽易爲力卽如東省洋面三千數百
里海岸一無遮護彼輪船來往其中登高一望內地悉爲
所窺我卽沿岸設防而其船礮隨處皆可及遠隨處皆可
對準我縱與之互攻其勢實未能相敵勢不敵而沿岸之
防不可恃則我之海岸轉爲所據而內地亦俱震動矣臣
再四籌思欲求海岸屏蔽之法莫如沿岸多種樹木蓋樹
木易於生發但使栽種得宜數年之後樹身漸高枝葉漸
密遠近二千餘里皆一望濃陰縱使輪船升桅遠眺亦無
能瞰我虛實此時栽植樹木係地方民生應辦之事既不

駭人耳目設異日倉卒有事即於樹林之內築壘設防較之礮臺之彼此對觀毫無遮蔽者利鈍自覺懸殊臣審定之餘即於去年十二月先行委員前往沿海各州縣會同該地方官於所管地界內詳細履勘一面將山林園廬民生所賴等語剴切出示勸諭沿海村莊紳民協同種植其所種各樹令以其地土所宜者為準其種法則於橫列之處令各屬於各交界彼此連續接種不令空缺直處則以一排十株為率縱橫均距八尺種植一株又令其於栽種之始分成行列不得稍涉參差現在東北自利津起至東南膠州止計應種樹海岸約計二千餘里俱經稟報定於正月二十五日內外開工與種其各屬紳民亦各踴躍趨

奏稿卷十二

美

事似此情形約計三月內可以告竣臣擬俟種植數年後查看各樹均能長成再於樹株分行隔空之中實以沙土每年約加二三尺積之數年繼長增高所加之土下既可以培養樹根上即可以累成牆垣而且牆垣之上樹株林立仍是一片濃陰以之蔽其測量即以之禦其船礮似較修築沙土礮臺動逾數萬十數萬既省耗費而尤覺得力至沿海種樹臣亦深恐海岸鹽鹼之地於樹木不能相宜當飭令各州縣查詢沿海居民並相度土宜能否種植兼論何樹易生即種何樹如實係鹼地不毛及海潮衝刷之區則稍為縮入內地栽植其縮入之處亦須接續毋令間斷庶使二千餘里之海岸一體均可遮護至此種樹各

屬以二千餘里之遙自履勘至興工時僅數月之久各屬均一律興辦且願捐備樹秧自出人力是各該地方州縣之能順民心實力辦事而各屬紳民之情切奉公均屬可嘉臣擬俟稟報種齊後於三月內親往查驗再將出力捐樹之官紳百姓等分別酌予獎賞以勵將來所有東省海疆飭令沿海種樹以資屏蔽各緣由謹附片密陳伏乞聖鑒訓示謹

奏稿卷十二

毛

校閱水師摺 光緒二年五月初七日

奏為 校閱登榮水師查驗艇船官弁兵勇水陸操防事竣返省日期恭摺仰祈

聖鑒事竊 臣於四月初三日出省十五日行抵煙臺登榮師船先已傳集口岸該兩營經 臣奏明改隸撫標後飭派候補道李宗岱總統將備勤加操練並令兼習陸操延德國兵官瑞乃爾教習洋槍及後膛各礮無閒寒暑期於技藝有成 臣此次親行校閱師船駕駛運掉極靈海港紛歧之處足資得力舵工水手梟水緣桅關捷舢板各技亦為近時師船所僅見所練鋼礮洋槍各隊步伐整齊號令嚴肅槍礮所發悉能命中即移之陸營輪船礮臺可期制勝

奏稿卷十二

天

且為時未久實賴該道李宗岱殫心講求不避勞怨故能具此規模現在船隻堅實其應行添置蓬纜繩錨旗幟號褂及歲修油艙之費 臣當隨時籌款給發濟用務令乘此操練得力之際破除積習以成勁旅所有將備千把各員 臣經逐一考校其本係實缺改為署理及現經代理各缺 臣援案分別奏咨辦理其煙臺海防營洋槍隊訓練有年此次校閱士卒整齊操練尤見精熟 臣校閱事竣即於五月初五日返省經過沿途海口均屬靜謐除查閱海防礮臺詳細情形另摺具陳外所有校閱登榮水師事竣回省日期理合恭摺具陳伏乞 皇太后

皇上聖鑒謹 奏

奏稿卷十二

天

查閱海防礮臺摺 光緒二年五月初七日

奏為查閱海防礮臺詳細情形恭摺密陳仰祈

聖鑒事竊 上年飭派委用道張蔭桓會同登萊青道龔

易圖建築通伸岡礮臺已據具報興工 昨抵煙臺查看

形勢規模畢具沿山築圩高一丈二尺為式面寬一丈

六尺底厚二丈一尺周二百九十五丈東北臨水最要之

地添建圓式礮臺上下兩層上層露天足以安放走輪大

礮下層分別礮門中設隔堆及兵房藥房均做太平蓋內

嵌鐵板亦與西法無異圩東一面建小護臺三座以備接

應聯屬東南一面建圓式礮臺一座仍如前法做太平蓋

兵房藥房隔堆圩南池西建設營門一座門外加外圩一

奏稿卷十二

層西南一角建露天礮臺一座正西建護牆小礮臺兩座

西北建露天礮臺一座此外沿牆一律建設護牆槍牆以

資屏蔽一切工程悉用三合土築造建望樓於東北隅兼

用礮石 詳細察勘東北一臺可以顧海口東南西南兩

臺可以顧後路西北一臺可以顧沙隄及之罘陸路四面

輔以護臺核與 原奏為陸師屯紮之區誠為得地該道

等經 指授籌度地勢講求新式俱合事機綜核工程躬

自督役尙能事事踏實毫無虛飾 復查圩北之垛山相

距二里許足相倚角擬令於山腰添建一臺圩東田腔之

限添建小礮臺如礮堡之式已飭該道等購買地畝妥籌

稟辦其八蜡廟之罘東莊兩處 乘坐輪船周歷履勘亦

煙臺口門必守之地上年籌辦海防摺內業已聲明將來

築此兩臺更可與通伸岡現築之臺互相援應容 統籌

饒力次第舉辦所需礮臺經費 前奏先就東省各庫撥

銀四五萬兩已飭東海關撥解常稅銀四萬兩設以後或

有不敷容當酌籌續撥隨時奏報務令要工不致脫節俟

工竣驗收後覈實造報 查現在辦理情形實屬費省而

工堅所有查閱煙臺礮臺緣由理合恭摺密陳伏乞

皇太后

皇上聖鑒謹

奏

奏稿卷十二

三

請獎德國兵官瑞乃爾片 光緒二年五月初七日

再德國兵官瑞乃爾原在該國克虜伯礮廠熟精後膛鋼礮及快槍各操法並略悉中土語言前因登榮師船購買德國克虜伯槍礮資其試演因延雇瑞乃爾來東自派令教習兵隊以來口講指授不遺餘力且性情忠實約束各隊無少寬假薪工所餘輒以獎勵兵丁之勤奮者故操練未逾一年槍礮各技竟有十成實屬異常出力現擬訂立三年合同抽調本省馬步各隊俾令將槍礮一切教練盡其所長 臣查中國此時多用外洋槍礮必得外洋兵官教習乃期適用而外洋兵官能熟練槍礮者究亦不可多得聞或有之又不願受雇即或受雇亦多不能盡力傳授概

奏稿卷十二

三

屬虛文今瑞乃爾實心教練迥逾尋常當此用人之時似不可不稍加獎勵相應請

旨賞給三等寶星以示優異該兵官感戴

聖慈益思奮勉 臣亦得收練兵之效且查直隸前雇德國

都司李勸協教練有成經李鴻章奏請

賞給二等寶星 臣之所請事同一例除咨總理衙門外謹

附片陳明伏乞

聖鑒訓示謹

奏

挑濬新舊泗河片 光緒二年五月二十九日

再查東省舊有泗河一道發源於陪尾山經曲阜滋陽鄒縣迤邐入濟甯州境至瓜園分為二股東股為新泗河歷鄒縣而南至濟甯州再折而西西股為舊泗河由瓜園分溜西行再折而南均由沙洲寺之泗河口入運會合汶水南流入海又沙洲寺南七八里有直接新泗河分溜一道名曰新河會白馬河水直入獨山湖溯自咸豐元年豐工決口黃河橫流二十餘年來泗河口迤南迤北約五十里運河隄岸至今全行衝毀張家橋至泗河口舊泗河約二十里河身淤如平陸其間有河形者不過十之二三每逢夏秋泗水盛漲漫溢旁趨並頂托奔騰之汶水倒漾分流

奏稿卷十二

三

一由石佛開缺口入濟甯州東鄉之黑土店登豐里等處一由新店入坡全注於濟甯南鄉各地方以致該州境內三百數十村莊悉為澤國議獨緩者二十餘載小民陷溺已久困苦堪憐同治七年該州居民於張家橋地方舊泗河口攔築土壩一道以禦水患而上游鄒縣等處來源暢洩無從鄒縣所轄新泗河係屬泗水分支東南岸橫河及西岸李家河口等處地當坐灣頂衝迎溜頻年潰決亟應次第趕辦以上各工從前疊據該紳民懇請挑修均因經費難籌未會舉辦本年江北漕糧仍歸河運所有石佛開一帶殘缺運河隄岸已由河 臣會同蒞勘估飭辦其張家橋等處新舊泗河工程亦為運道所關且目前天氣亢旱

水乏來源運河節節洩涸而二麥失收各處飢民嗷嗷窮苦不堪言狀民生

國計所繫甚重不得不於萬難措辦之中設法籌辦以濟運道而顧災黎現已將張家橋至泗河口二十餘里淤墊泗河並新河及白馬河入湖各十餘里淤塞河道一律挑挖深通再將民間所築橫壩啟除使各水暢行下注俾運道通順無慮淺阻而飢民獲此工作目前既可期安靖卽日後亦幸免浸淹據委員勘估應需工料實銀二萬五千九百三十兩四錢三分三釐逐加確核無浮當經飭司竭力籌發分派委員前往督飭紳董承辦監工並飭濟甯州督同經理河身挑出之土卽以培築兩岸隄堰俾資捍衛

奏稿卷十二

臣

現已據該委員等稟報興工 仍嚴飭認真挑築總期工歸實在項不虛糜以仰副

聖主軫念漕運賑濟黎元之至意除咨部查照外謹附片具奏伏乞

聖鑒謹

奏

修築濮州護城隄片

光緒二年五月二十九日

再曹州府屬之濮州一城自黃水東趨後卽被淹沒歷十餘年所有州城文武均係借寄民圩暫作辦公之地迨同治十年黃流漸向南移城基復行涸出 臣當飭前濮州知州葛恩榮重新建築俾復舊規以帑項支細經費難籌 臣督飭南運委員等竭力自行籌辦未嘗分毫挪動庫款歷時幾及年餘始將城身及外濠一律修竣頗爲堅實惟查州城緊臨大河北岸逼近黃流上年堵築賈莊新工於南岸建築長隄該州城池實形喫重若屆伏秋汛漲急溜迅湍駭浪澎湃城身被水搜洶時虞墊陷岌岌可危上年經該州紳民拚死搶護得保無事今年爲日正長民窮力竭

奏稿卷十二

臣

更難措置且本年春旱該州二麥無收又係水套素爲賊匪出沒之所深恐飢民枵腹不堪流而爲匪經該州知州恩奎稟請修築護城隄一道一可以保衛城身使失所災民有所棲止一可以工代賑暫可安撫民心等情 臣以該州全境多在水中中小民每年專指春麥一季收成以資餬口今值亢旱異常麥既無收而秋禾又無可指望實切隱憂不得不力從其請當經督飭該州相度地勢興築護城隄一道爲暫時補救之計計週圍共長一千三百三十二丈底寬五丈頂寬三丈高八尺在於司庫籌發銀一萬兩解交該州核實辦理目前飢民得此工作均各擔簦負耜苦力營生尙爲安靖卽將來大汛盛漲州城足資抵禦災

黎亦可免漂沒凡屬士民莫不頂頌

皇仁除咨部查照外所有籌款修築濮州護城隄以安災

黎而濟飢民各緣由理合附片奏報伏乞

聖鑒謹

奏

奏稿卷十二

奏

挑練兵勇聽調摺 光緒二年閏五月十五日

奏為遵

旨挑選勁旅委員統領訓練以備調遣謹恭摺密陳仰祈

聖鑒事竊 臣於光緒二年閏五月初八日承准軍機大臣

密寄欽奉

上諭飭令於各兵勇內挑選勁旅派委久經戰陣之員統

領無事則訓練有事即聽候調遣尤須慎密措置不可稍

涉張皇等因欽此跪讀之下仰見

皇上聖慮深遠莫名欽服查山東省從前留防各營統計

振字一軍原留馬步隊六千餘人紳字一軍原留一千六

百餘人培字一軍原留二千餘人 臣前因節省饟需暫將

奏稿卷十二

奏

各軍每營裁減二百人留三百人遇事仍行增足合計各

軍每營裁去二百人外現在振軍所存四千餘人紳軍所

存一千餘人培軍所存一千五百餘人通計三軍僅存六

千五百餘人此外所有零星各營無多均係向來舊有之

勇分紮於直江豫三省邊界為巡緝之用如遇有事此項

巡勇以各省界連寥闊又屬犬牙相錯不便調遣致令空

虛所恃者僅此三軍六千五百人近日防汛及查擊馬賊

梟匪均資得力茲欽奉

上諭 臣自當敬謹遵辦現擬將各營兵勇認真詳加選練

並將從前暫撤之每營二百人照舊挑補以足五百人一

營之制核計每營兵數照原留並未增多而經費亦月添

無幾遇有要事即可獨當一路至統領之員現在振軍係原統之

記名提督王正起統領培軍係提督銜儘先補用總兵李培榮統領紳軍係提督用 臣標中軍參將莫組紳統領此三員者皆係轉戰湘鄂粵皖陝豫直東多年身經百戰之員忠奮樸誠結實可靠 臣當隨時勉飭激勵俾其志氣常伸臨事足備干城以期仰紓

宸廑所有遵

旨挑選兵勇派員訓練聽調各緣由謹恭摺由驛四百里密陳伏乞

皇太后

奏稿卷十二

奏

皇上聖鑒訓示再頃接東海關道龔易圖函稱威酋已由煙臺前赴上海聞有調集兵船之說此必為虛聲動眾之舉然處此時勢變端切不可自我而開如果該酋相逼而來 臣等受

恩深重自當捐糜頂踵力捍

京畿夫人平居談虎則色變設一旦相值於狹隘之處勢必盡力搏擊虎雖猛鷲度亦未能獨全凡事大率類然彼洋人輪船雖迅未必能飛越津沽至於陸路相持兵刃交接則彼族雖強而我之官弁兵勇亦視從前加勁該酋恐未能獨操勝算伏乞

聖懷稍慰 臣無任悚惕懇禱之至謹

奏

奏稿卷十二

奏

河水陡落非因旁洩片 光緒二年七月初二日

再臣承准軍機大臣字寄光緒二年六月二十五日欽奉
上諭文彬奏漕船渡黃後水勢頓消未能全幫入運一摺
即著丁寶楨督飭東昌府趕將聊城縣一帶坡水引入運
河以資接濟仍一面督飭道廳將河道再行挑挖深通俾
敷浮送至黃汎河水陡落是否來源微弱抑或另有旁洩
之處並著丁寶楨查明具奏等因欽此仰見我

皇上軫重漕河無微不至跪聆之下欽悚難名臣查河流
之旺弱全視上游各省雨水之多寡本年天時亢旱不特
山東一省為然即黃河上游晉豫各省亦復雨澤稀少水
乏來源遂致河流微弱本省自五月初旬至閏五月十七

奏稿卷十二

旱

日以前荷澤賈莊一帶黃河迭因水勢日落東灘淤背過
高大溜不能刷灘暢行下注全向新建北壩頭一帶隄內
坐灣入裏愈坐愈深以致南段隄壩壅占迭被搜淘根底
塌陷二百數十丈情形萬分危岌幸賴

聖主洪福所購料物各項應手而在事員弁力顧大局各
出死力以與水爭厯五十餘晝夜之久始得保全無事一
切搶護危險情形業經臣專摺陳明在案迨至閏五月二
十四二十五等日東省連得大雨山水坡水陸續匯歸黃
流藉得刷灘下注溜勢漸向北趨不特南段隄壩可以稍
緩搜淘即河運漕船亦即藉此挽行前進至二十九日幫
船十二起全數挽抵八里廟口門又於六月初七日查探

河水續漲開啟攔黃大壩挽拉各幫入運計自得雨後漕
船行駛情形極為順利奈驟漲之水來源不旺本難久持
兼自二十四五等日得雨以後以迄六月中旬晴霽連朝
並未續沾雨澤以致漕船尚未全幫入運即已淺涸立形
不能前駛是此次黃河漲發尚係一時雨水匯歸並非伏
汛大至故一經啟壩立時暢洩無餘至於沿河隄岸均經
臣嚴飭防汛各員弁晝夜認真防護實無旁洩掣溜之區
除欽遵

諭旨督飭東昌府知府程繩武等趕引坡水入運以資接
濟並將黃水過後新淤河身復行督飭挑挖深通一俟水
勢續漲立即催趨各幫漕船飛速開行外所有查明河水

奏稿卷十二

旱

陡落實因來源較弱雨水消退並非另有旁洩緣由謹遵
旨附片覆陳伏乞

聖鑒謹
奏

升授川督謝 恩摺 光緒二年九月三十日

奏為恭謝

天恩額懇

陛見仰祈

聖鑒事竊 臣於九月二十八日接准部咨欽奉

上諭李瀚章仍著調補湖廣總督四川總督著丁寶楨補

授山東巡撫著文格調補雲南巡撫著潘鼎新補授欽此

跪誦之下感悚難名當即恭設香案望

闕叩頭祇謝

天恩伏念 臣黔南下士才識庸愚自同治初年疊被

殊恩由知府游擢藩臬補授東撫十載從公愧涓埃之未

奏稿卷十二

望

報五衷循省正兢惕之方深茲復渥荷

寵錫昇任川圻聞

命自

天悚惶無地查川省幅員遼闊壤接邊陲極難控馭而民

風吏治在在均須整飭兼以民教滋事之案層見疊出辦

理尤貴協宜始能顧全大局 臣之愚昧懼弗克勝惟有願

懇

天恩俯准 臣趨赴

闕廷面求

聖訓俾得上秉

宸謨一切有所遵循庶幾勉竭駑駘稍冀仰答

高厚鴻慈於萬一至 臣奉

旨後即應交卸迎摺北上新任撫 臣文格到任需時所有

巡撫篆務應否飭交藩司李元華暫行護理之處伏候

聖裁所有 微 臣感悚下忱並懇請

陛見緣由謹恭摺具奏伏乞

皇太后

皇上聖鑒訓示謹

奏

奏稿卷十二

望

機器局置器造廠規模大備摺光緒二十二年十月初三

奏為山東創設機器局購置機器蓋造廠房規模全備恭

摺仰祈

聖鑒事竊臣上年會將東省設立機器製造局試辦軍火

派道銜候選郎中徐建寅總司其事並派按察使銜濟東

泰武臨道薛福辰會同辦理各緣由歷次奏明在案臣初

與徐建寅薛福辰等商辦之時即謂東省設立此局實為

自強起見非徒增飾外觀所有一切建廠造屋及備辦機

器並將來製造各項均須自為創造不准雇募外洋工匠

一人庶日後操縱由我外人無從居奇乃於

國家有利徐建寅等頗解臣意當開局之初先在省城外

奏稿卷十二

器

濰口迤東相度形勢高亢之區價買民地三百餘畝一面

委員採買木石雜料復開窰自造甄瓦於去冬先落成工

務堂一座以資委員司事人等辦公樓止旋飭赴滬定購

外洋機器物料雇募本地各色熟手工匠並飭調來閩省

之萬年青輪船載運該員徐建寅於今春二月間回東後

續即興工建造各廠屋工料齊備人夫輻輳而委員司事

人等亦復督趨勤勞寒暑靡間自春及秋業將機器廠生

鐵廠熟鐵廠木樣房畫圖房物料庫東西廂文案廳工匠

住房大小十餘座一律告成其火藥各廠如提硝房蒸磺

房煇炭房以及碾炭房碾硫房碾硝房合藥房碾藥房碎

藥房壓藥房成粒房篩藥房光藥房烘藥房裝箱房亦次

第告竣其各廠煙筒高自四十丈至九十丈大小十餘座

亦俱完工外國購到機器亦陸續運東徐建寅躬親布置

裝配一俟內地採買硝硫煤炭各料購齊即行分別開工

製造核計全廠告成爲期不逾一年辦理既速樽節尤多

將來著名利器如格林克虜伯各礮林明敦馬氏呢等槍

均可自行添造不必購自外洋雖自強之本原不在區區

末藝亦見我中國技巧幾與西人之累世專攻者等風氣

既開未始不日有起色也臣統籌此局就現時情形而論

其利確有數端設廠內地不爲彼族所覬覦萬一別有他

事仍可閉關自造不致受制於人利一也附近章邱長山

等縣煤鐵礦產素饒民間久經開採但就內地採料已覺

奏稿卷十二

器

取資無窮縱有閉關之時無虞坐困利二也秦晉豫燕湘

鄂各省由黃運溯流而上一水可通將來製造軍火有餘

可供各省之用轉輸易達利三也從前中國各廠雇用洋

匠少或七八名至一二十名每名工值歲費二三千金統

計各洋匠一歲所費已逾鉅萬而招募路程有費死傷卹

賞有費遣散舟資有費加以該洋匠等墨守師法不肯略

爲遷就往往一材一料稍不中於繩墨即在屏棄之列甚

或營造及半忽然變計重復毀改虛糜工料極多此皆由

本局無深明機器之人故一切受制於洋匠今該員徐建

寅胸有成算親操規削一人足抵洋匠數名猶復估料程

功力求樽節綜覈精密人不能欺故一切皆歸實用不稍

虛糜又因粵匠工值較昂專雇浙江直隸熟手工匠而招東省土著心地明白之人相間學習是以勤奮過於洋匠而工資不及一半每年節省既鉅異時籌款稍覺從容從此精益求精庶幾機器精良軍儲充裕自可奪外人之長技不致見絀於相形此則微臣創辦時所不敢料而深幸以後之所謂自強者於此真得實際自可期日新而月盛也至該局員等或創辦重大工程或轉運外洋機器以及萬年青輪船官弁歷涉重洋承運迅速不無微勞足錄其尤為出力各員可否援照滬局輪船廠工告成請獎成案仰懇

天恩容臣擇尤酌保數員奏請獎敘則各該員弁益當感激奮發如蒙

奏稿卷十二

吳

俞允臣當悉心酌核清單無敢稍涉冒濫所有創設機器局規模全備各緣由謹恭摺具陳伏乞

皇太后

皇上聖鑒訓示謹

奏

機器局用款報銷摺光緒二年十月初三日
奏為謹將山東機器局用過銀兩數目援案據實繕具簡明清單懇

恩准銷恭摺仰祈

聖鑒事竊臣業將山東機器局規模全備各緣由奏報在案臣維東省設局省城距通商口岸較遠購運外洋機器雇募熟手工匠非比津滬各局之便需費必多臣於開辦之初深慮耽延日久糜費不資因嚴飭在事各員力求樽節迅速厥功今幸辦理未及一年締造經營始基完固所購機器不惜重資務求精良適用而動用款項僅及原估之半誠以杜絕侵漁則用款皆歸實際綜覈名實則冗食

奏稿卷十二

吳

不致濫竽臣復不時親往工次稽考課程在事各員亦復始終奮勉是以程工迅速而需費較省也總核該局用款上年十月間經臣提撥藩庫銀八萬兩以備定購機器暨甄瓦木石各料之用本年二月因購買民地需款給發經臣於糧道庫零星湊撥銀一萬九千八百餘兩嗣因機器到滬剋期付價於八月間續由糧道庫撥銀五萬三千兩藩庫撥銀一萬四千兩先後奏明各在案茲因機器價值運費尙屬不敷又由臨關項下添撥銀二萬兩一律可以清結統計自光緒元年十月起截至本年九月底止共計收藩庫銀九萬四千兩糧道庫銀七萬二千八百兩臨關銀二萬兩統共支銷銀十八萬六千八百兩此東省開局

建廠造房購器實用之款項也溯查各省創辦機器以來蓋造廠房皆與應用之機器配合始可聯絡運動而水火之力旋轉迅疾終日動搖稍不堅實即虞傾圮不得不仿照洋廠式樣以期鞏固迥非尋常他項工程可比至廠內各種機器均係購自外洋件數繁多名目歧異尤無例案可稽是以津滬各局歷次報銷均蒙

恩准免其造冊今東省創辦機器局事同一律而收支各項銀兩數目臣詳加查核並以津滬各局用項比較節省極多委係實報實銷絕無絲毫浮冒今廠局已將竣事臣應將經手用過款項謹援照津滬各局成案據實繕具簡明清單恭呈

奏稿卷十二

哭

御覽仰懇

天恩俯念創辦之始機器一切均係購自外洋即廠房亦係仿照西式造辦無例可循

准其照案造報開銷以清款目他項不得援以為例除分咨總理衙門暨戶工二部查照外謹恭摺具陳伏乞

皇太后

皇上聖鑒訓示再該局製造外洋軍火所有一切槍礮各項成樣亦須師法津式為數既夥用款亦多未便瑣碎奏撥係由臣於南北運餘利項下隨時陸續籌撥應用此款原係臣自行籌備本省辦公之款與庫儲毫無關涉自可無庸開報合併聲明謹

奏

奏稿卷十二

哭

謹將山東創設機器局蓋造廠房購置機器收支銀兩總數授案繕具簡明清單恭呈

御覽

計開

收款項下

一收藩司解撥銀四萬兩

一收藩司解撥銀四萬兩

一收糧道解撥銀一萬九千八百兩

一收糧道解撥銀五萬三千兩

一收藩司解撥銀一萬四千兩

一收臨濟關解撥銀二萬兩

奏稿卷十二

辛

以上共收銀十八萬六千八百兩

支款項下

一購買廠基地畝共支銀一萬九千八百兩

一蓋造各廠房共支銀五萬二千五百十八兩六錢

一購買機器共支銀十萬八千二百九十四兩七錢

一委員司事薪水等項共支銀二千六百九十三兩二錢

一轉運車船腳價等項共支銀三千四百九十三兩五錢

以上共支銀十八萬六千八百兩

保獎機器局員片

光緒二年十月初三日

再臣查洋人製造之精全恃苦思力求糜費不吝始克成爲絕詣中國踵而行之彼創我因原屬事半功倍然非專門名家洞悉奧窔往往循迹象而遺神明卒不能得其要領甚或因入成事多爲洋商所愚徒滋糜費至製造軍火諸器各國尤恃爲不傳之祕卽任購買亦往往以舊式及用贖不堪之物搪塞不肯輕以利器授人查該員徐建寅前在滬局考核多年繙譯各種書籍於化學機器槍礮軍火講求有素而於中外情形尤爲熟悉前經總理各國事務衙門暨臣先後奏保在案此次承辦東局機器一切皆係自出心裁繪圖定造器精價廉毫無浮冒洵屬心思縝

奏稿卷十二

至

密精力兼人而其綜覈名實條理精詳尤爲不可多得至會同辦理之濟東泰武臨道薛福辰心思精密於機器洋務頗能講求而事事踏實此次造廠購器各項極力撙節省費較之他局幾至數倍查徐建寅係道銜候選郎中當此需才孔亟自應奏懇

恩施量子錄用現東局規模業已全備應資該員一手竣事可否俟該局製造軍火要需著有成效卽由山東撫臣給咨送部引

見候

旨錄用濟東泰武臨道薛福辰可否

賞給二品頂戴之處均出自

逾格鴻施謹附片具陳伏乞

聖鑒訓示謹

奏

奏稿卷十二

聖

請獎會昭吉片 光緒二年十月二十三日

再 臣前奏請設機器局製造軍火誠以軍火為

國家禦侮之資自洋人槍礮精利遠過中華迄今各路軍

營皆競用洋槍此不得已而變計也然變則貴通通乃可

久中國知用洋槍而不能自造洋槍非受制於洋人即受

騙於洋行非計之得者也 臣此次立局意在自出心裁不

使外洋一人夾雜其中期於力求爭勝自得候選郎中徐

建寅總司局事一切規模大備無一事假借洋人業經恭

摺奏報在案惟 臣於徐建寅之外又據臬司陳士杰述及

該司同里之候選通判會昭吉一員深通機器堪以試用

當令招致來東 臣接見其人樸訥似不能言詢之外洋各

奏稿卷十二

聖

項機器則云向未經見而自能冥心獨造 臣當以現在英

人所稱極好之槍名為亨利馬氏呢者與之閱看詢其能

否仿造則略無難色 臣謂此槍為外洋第一利器現尚無

外洋此項機器恐製造不能有成該員則謂機器亦可意

造何必盡求之外洋 臣且信且疑即酌給經費令其自造

機器照式製造未及兩月竟造成一百二十餘桿以之比

較馬氏呢其靈巧捷便毫無異致 臣復以兩槍相對演放

其及遠與馬氏呢等而出聲之響入靶之勁似有過之至

詢以製造格林等礮則云更易為力 臣又考其製造機器

並製槍所需之煤鐵價值工匠薪金極為減省查英人馬

氏呢之槍機器最煩其作法為該國最巧之工其致用為

外洋極上之器而曾昭吉憑空創造竟與相等能作此槍則凡外洋之機器均無足為其所難矣至購買馬氏呢槍價值前經福建撫臣丁日昌開單交臣每桿實需價銀二十四兩六錢不能短少分毫今曾昭吉所造每桿計僅價銀十兩有零較之購買外洋者已省銀十四兩數錢而精利相敵是其器精價廉足見該員於機器製造不惟得其要妙實可見諸施行從此精益求精以後無難爭勝查洋人於機器一事自以為獨絕一時今該員曾昭吉心思精妙言之必行不惟製造不假借於外洋並製造之機器亦不假借於外洋實為開局以來所未有合無仰懇天恩俯准將候選通判曾昭吉以同知選用以示優異俾

奏稿卷十二

奏

其益加振奮於鼓舞人材大有裨益至該員所造之槍擬入都時隨帶二十桿咨送軍機處暨總理衙門查驗用昭核實謹附片具奏伏乞

聖鑒訓示謹

奏

四子體成中式舉人謝恩摺光緒二年十月二十四日

奏為叩謝

天恩仰祈

聖鑒事竊臣接閱貴州撫臣咨送本科文闈舉人名冊得

悉臣子體成由捐職郎中應本省鄉試中式第十名伏念

臣黔陬下士猥蒙稽古之榮施山左備員愧乏織塵之小

效薪傳誠鮮夫貽謀葵傾彌期於世守臣子體成質原樵

魯業勉勵夫三餘學類管窺文未嫻夫六藝忝附末名於

桂籍實荷

盛世之栽培臣惟有勛臣子以通經淹貫無荒蛾術之精

勤植品端方稍答

奏稿卷十二

奏

鴻慈之高厚所有微臣感激下忱謹恭摺叩謝

天恩伏乞

皇太后

皇上聖鑒謹

奏

調會昭吉赴蜀片 光緒二年十月二十四日

再山東所設機器局有徐建寅一員總理自能漸推漸廣措辦可日期起色惟臣現赴川省聞該省各勇營亦皆習用洋槍均須購自上海洋行價值既費而道路轉運費益不貲並恐不免有受洋行欺騙之事且聞所用洋槍均不知修理之法但使稍有損壞則一槍所值十餘金頓成棄物又須另為遠購糜費尤不可計臣擬將候選通判曾昭吉帶至川省查看情形令其自辦機器製造俾各勇營槍礮舊者可以整之使新新者可以不必遠購於外洋而得用亦與外洋相等庶可為

國家省無窮之費謹附片具奏伏乞

奏稿卷十二

奏

聖鑒訓示謹

奏

頒賜 御製詩文全集謝 恩摺光緒二年十月二

奏為恭謝

天恩仰祈

聖鑒事竊臣據駐京提塘恭齋

頒賜

御製詩文全集二函到臣當即恭設香案望

闕叩頭敬謹跪領欽維

穆宗毅皇帝武功赫燦

文德光昭

隆孝治於勳華

翠旄奏雅

奏稿卷十二

奏

煥上儀於繼述

紫綬宣仁

括六義以言情著惕厲憂勤之意

綜百王而論古極是非褒貶之公

龍文與日月同明

鳳藻借雲霞並耀我

皇上繩承念篤

續紹情殷稟

謨烈以綏猷

心法即為治法

資觀摩以懋學

見知更切聞知爰輯

崇編永昭

貽訓臣識慙禱昧學陋管窺沐

先朝知遇之恩讀

遺章而倍深悲感荷

聖主寵頒之逮捧

宸翰而無任光榮所有微臣感激下忱理合恭摺叩謝

天恩伏乞

皇太后

皇上聖鑒謹

奏

奏稿卷十二

美

頒賜 欽定勦平粵匪捻匪方略謝 恩摺光緒二

年十月二十五日

奏為恭謝

天恩事竊臣接據駐京提塘齎到

恩賞

欽定勦平粵匪捻匪方略兩部當即恭設香案望

闕叩頭祇領欽維

文宗顯皇帝聖敬日躋

智勇天錫折筭策以

威八表敷衽席而

奠兩儀固已宗基磐固疆索孟安矣屬以神州康阜邊孽

奏稿卷十二

美

萌芽狸嘯鴉鳴始則盜兵於百粵猴冠蟻國繼且負固於

三吳赤眉青犢偕銅馬以稱戈飛燕白波共黃巾而樹幟

豺頑當道螢爛焚林倣擾者萬方披猖者厯稔

皇怒斯赫

天威誕將

虞陞遲三苗之格

軒弧申九伐之經河魁應將枉貳負以歸朝井鉞森芒血

溫禺而覺社蓋

神謀之預定洵

廟算之無遺

穆宗毅皇帝虹壁當陽

龍圖繼統

兩宮垂訓六幕同文

媯黃幹化

懿謀彰捷伐之威

舜戚揚休

神策底平成之績韋既伐而顧亦平

濬哲纂

放勳之業

文克開而

武克受

紹庭率

奏稿卷十二

卒

昭考之規

三矢告虔

壹戎大定肇修軍志臚紀

宸謨踵

累朝金匱之成書奏律署黃神之凱樂釐

鴻文為七百卅卷頌

神武於億萬斯年

皇上迪光纂葉

襲慶提釐

慈訓恪承用式

德音之化

耿光克觀並揚

大烈之勳臣 蠡測無從豹韜未悉讀貞觀之政要勒浯溪

之頌聲竊喜

紫極明順瞻

禹甸之重光

黃輿又安告

炎符之上瑞所有後臣 欽抃感幸下忱理合繕摺叩謝

天恩伏乞

皇太后

皇上聖鑒謹

奏

奏稿卷十二

卒

丁文誠公奏稿

卷之十三目錄



接任川督謝 恩摺 光緒三年三月二十八日

到川附陳大概情形片 同日

飭川東道成縣道清理教案片 同日

憑陳川省敗壞情形設法整頓摺 光緒三年五月三十日

會壁光建祠 宣付史館摺 光緒三年六月二十九日

收復馬邊核桃汛地摺 光緒三年七月二十二日

籌辦黔岸鹽務官運商銷摺 光緒三年七月二十二日

津貼臬司兩首縣公費片 光緒三年七月二十九日

查辦東鄉縣案摺 光緒三年九月初六日

奏稿卷十三目錄

接任川督謝 恩摺 光緒三年三月二十八日

奏為恭報 後 臣 接篆任事日期叩謝

天恩恭摺奏

聞仰祈

聖鑒事竊 臣 渥叨

恩命補授川督上年十二月初三日趨叩

闕廷疊蒙

召見欽承

訓示感悚莫名十二月二十四日跪請

聖安後束裝就道於本年三月二十日行抵成都省城二

十六日准護督 臣 文格將四川總督管巡撫事關防一顆

奏稿卷十三

暨

王命旗牌文卷飭委成都府知府李德良署督標中軍副將琦明齋交前來 臣 當即恭設香案望

闕叩頭祇領任事伏查川省幅員遼闊本極繁庶之區近

因兵燹以來元氣較虧民情亦多浮動計惟修明吏治庶

期安輯地方其闔省營伍暨留防各處勇營並訓練各兵

棋布星羅欲求精勁之師須嚴訓練之法至各屬屬留防

各處所轄土司番夷尤在控馭得宜方足以息爭端而靖

邊圉 臣 質本疏庸懼弗克勝重任所幸面承

聖訓得有遵循自當隨時殫竭血忱悉心經理冀以

仰答

高厚鴻慈於萬一所有微臣接篆任事日期除恭疏題報外謹恭摺叩謝

天恩伏乞

皇太后

皇上聖鑒訓示再臣經過直隸山西陝西各省雨水尙足

二麥有收自入川境以來連日大雨麥收可望卽高地亦

均布種民情尙爲安謐堪以仰慰

宸廑合併陳明謹

奏

奏稿卷十三

三

到川附陳大概情形片光緒三年三月二十八日
再川省地方情形臣自蒙

恩簡任以來凡遇蜀中人士及他省官紳之自蜀中來者旁諮博詢均謂川省吏貪民玩勢成岌岌初以爲言之過甚自入川後卽沿途悉心體察始知該省現在情形真有江河日下之勢人言非虛語也夫川省之壞據目前情形而論其象已見於民而其毒尙種於官臣甫經入川一切細微尙未盡悉第就其顯見者言之通省州縣自實缺以至候補競尙奢靡專工酬應無端浪用相率爲常一過境之差事動費數千金一宴會之酒食輒用數十金彼此效尤誇多鬪靡其所以樂於爲此者在實任則探囊而出轉

奏稿卷十三

三

向民間加派在候補則稱貸以辦坐俟委署取償故各屬從前巧立局名陰肆苛斂近因民氣不靖大半已裁惟夫馬一局藉口辦差仍多存留而營私剝民此爲尤甚查川省僻處西偏不通大道惟川北一路每年有喇嘛各項差使過往不能不照常應付此外各屬均無外省來往差使聞亦多設有局按糧加派夫川省正供而外每年津貼捐輸兩項計多取於民者約一百四五十萬兩然行之十數年而百姓尙無吝怨者誠知帑項維艱故雖窮困猶願竭力輸將以濟國用也今夫馬局名爲辦差實充私橐民心積忿實由於此近年屢奉

諭旨飭裁經前督臣吳棠護督臣文格迭次嚴行裁革而各州縣因為利藪仍多假公濟私此病不除民心終不能靖恐終成爲亂階也若夫詞訟積壓上控繁多緝捕廢弛盜風日熾近日會匪囑匪勾結成羣擾害城市經護督臣文格於上年略加懲治稍覺斂迹而氣餒仍未少衰總由各州縣祇知以營私爲能以應酬爲計久不知捕務爲何事故其弊遂至此極也凡此數端臣到省時與藩臬互相考證其弊均不出此夫以一省之大其爲治實不外於用人節費除盜安良四大端得之則理失之則亂其大較也今此數者置之度外概不講求而惟以營私牟利爲務欲地方之不潰敗破裂庸可得乎臣甫經到省目擊事勢如

奏稿卷十三

四

此良深惴惴然既有所見容當詳細審酌分別緩急破除情面次第認真整理以冀挽回風氣至此外未盡之弊尙多亦俟隨時細心體察核實辦理庶期仰副

聖明委任之至意謹附片具陳伏乞

聖鑒訓示謹

奏

飭川東道成縣道清理教案片光緒三年三月二十八日再教民滋事之案近惟川省爲多而案情膠轕之繁亦惟川省爲最前經迭奉

諭旨飭令持平辦理自應欽遵照辦臣於入川後即經詳細探訪大約教案滋事之初由教民恃教欺壓平民積漸既深平民不勝其忿遂羣聚而仇殺教民尋仇愈甚則結怨愈深今雖民教仍復相持而教民不敵平民之多教民勢亦少衰此時欲求結案必先解散平民第解散平民尙易爲力然必審察該教民實有自願結案之意即可乘機辦理否則平民解散而教民又復生枝節致令散而復聚則官不見信於民以後有事更難收拾此臣於辦理此案

奏稿卷十三

五

所以必慎之於始也現在該主教范若瑟於臣到省時起由重慶前來稟謁臣於其接見之際即責其在川傳教不能與百姓相安致令教案迭出殊不成事並與言以前各案爲日過久民教均有不合即應趕緊清結不可再事懸宕該主教唯唯聽命無多置辯似此情形尙可設法逐件清理但不宜操之過急轉滋他慮臣現擬督飭川東道姚覲元署成縣道丁士彬經權互用相機了結以後清結一案即行隨時具奏以慰

聖鑒謹附片具奏伏乞

聖鑒訓示謹

奏

瀝陳川省敗壞情形設法整頓摺光緒三年五月三十日

奏為瀝陳川省敗壞情形現在設法力求整頓恭摺仰祈聖鑒事竊臣前於奏報到任時業將川省大概積弊附片陳奏在案然第就臣初入境時沿途見聞所及言之尙未盡悉其底蘊也自到任後日陪司道逐細推尋接見僚屬詳加審詢而又參以現時之風氣考其應辦之事宜又於州縣之稟詳細加披閱以審吏事復於民間之呈訴曲為聽受以察衆情兩月以來考核較真弊端悉露始歎此間政事奢亂法度廢弛有非思議所能及者故不得不為我皇太后

皇上瀝陳之查川省之於天下盡人所稱為富饒之區也

奏稿卷十三

六

及今視之而竊以為不然臣初到任後首核司庫之所入除丁糧稅課約計百萬外所恃僅鹽貨釐金之一百一十餘萬耳合而計之歲入不過二百一十餘萬而所出則幾至五百萬以入抵出每年實不敷銀二百六七十萬相去甚覺懸殊及詢之歷年籌撥之方則正供之外有按糧津貼計可得六十餘萬津貼不足則又有按糧捐輸計可得八十餘萬卒之常年捐輸而不敷之數仍有一百二三十萬官不得已而取之民不得已而輸之溯自同治元年至今中歷十六年歲以為常前數年內又歷年有備捐展捐再辦備捐展捐之舉而民力已重困矣夫國家自軍興以來各省度支除地丁關稅外皆以釐金為

挹注未聞盡派之捐輸也即閒有一二辦捐之處亦第勸

之於富民未嘗派之於糧戶亦第偶一舉行未嘗歷諸久遠蓋捐輸本不可強之事偶一行之而勸之於富民則尙為樂輸歷久之而徵之於糧戶則貧富均受其累此病民之甚者也雖然捐輸之事民固病之而利歸於上民猶知急公之義雖勉力供支尙不以為怨也至有夫馬局之設而各州縣句同局士巧立名目勒派浮攤官取之則別為夫馬民視之則同一捐輸公私混淆誅求無厭而民乃滋怨矣臣兩月來接收民間呈詞所控夫馬局者不下數百紙率皆浮收濫用初疑所控之未盡實也及札飭各州縣將先後派收夫馬局銀錢數目詳晰稟陳查閱之餘見

奏稿卷十三

七

有每糧一兩派收銀六七兩制錢八九千不等者較之公派津貼捐輸多數倍而私用日侈猶嫌未足則又以差使為詞假借墊歸還之名另行按糧加派其馭法之甚者則又將津捐暗行挪用病民兼以病國心竊傷之夫州縣之所以肆意剝民取多而用宏者非盡快一己之私也其中亦實有不得已之應酬而後可以為自藏之固即以臣署而論每一節壽之費州縣多者至千金少者亦三四百金而他項之應酬不與焉此外兩司為數較減費亦不貲上下交爭幾視為固有自然之利舉國若狂罔計公事於是公項則任其虧挪每遇交代含糊報結臣與藩司考核庫款將從前交代逐細清查正雜則

有虧津捐則有虧釐金則又有虧視官庫若私藏以侵挪為得計查川省向無不清之交代今則不能結報者已不下百數十起庫項虧至數十萬不顧正款而只知賒民欲民心之不躁動得乎且夫州縣為親民之官詞訟案件者生民之大命也近則相率晏安直不知聽斷為何物虛應故事積壓日多甚至人命重案不驗不問者有之劫傷重情不報不緝者有之以致京控上控累百盈千者無從清釐臣到任後飭查首府發審局僅春季未結積案已多至一百四十九起此外各屬概可知矣州縣為一邑之主民所恃為安危疲玩至此民將安恃於是地方頑黠之徒漸生玩易狡焉思啟會匪咽喉匪充斥於四郊帽頂鹽梟橫行

奏稿卷十三

八

於各境臣飭查各屬補報從前搶劫拒傷重案不下數百起而成都所屬尤多並聞近年以來距省二十里內外肆行劫殺官吏幾不能過問川省固多盜賊然似此縱橫實亦歷來所未有小盜不治即大盜之漸實堪隱憂至於糶營氣習以臣視之較之他省尤甚將弁羣習為因循兵丁日趨於流蕩茶坊之聚會殆無虛日煙館之開設半是營兵所謂操練者初不過奉循故事至於紀律一切殆蔑如矣省營如是外營可知而尤堪恨者弁兵每借營為護符包庇匪類賊之膽玩多由於此查川省綠營饒精藩庫支發從無拖欠亦為近來各省所未有而上下不思整飭坐任頹廢饒項徒糜真可為疚心者也若夫留防勇營漫無

統帥零星渙散節制不聞平時之操練彼此既不相習臨事之調遣呼應自不靈通目前馬邊夷務所調勦撫各營日久遷延未能奏效即坐此病蓋將弁中亦習應酬求將才於人情之中其庸可冀乎又川省邊防極關緊要查川西及西北西南各處界連夷地壤接滇黔年來夷匪出沒無常頗為民害此固由夷性之不良實亦由撫馭之失術蓋馭夷之法平時則在恩信之相孚有事則貴勦捕之神速今沿邊文武遇事因循不思撫馭之術每任弁兵差役魚肉夷人一旦潰決出擾廳官則只圖遷就以避過將弁則且請添兵以冒饒以致夷人窺見虛實肆行無忌查近年各廳經費遞有加增而夷人益以不靖此則急宜變計

奏稿卷十三

九

者也凡此以上各情皆川省弊壞之極大者民命國勢所關綦重若知而不言是欺君也知而言之而不急思挽救是負國也臣自受事以來深維扶衰救弊之道非奮迅不克以有為而操切亦難以圖治因與在省司道酌度時宜權衡緩急為之立簡易可行之法示堅定不移之操詢謀僉同循次辦理惟以川省民氣之促在於捐輸之數既多捐輸之時過久就目前大勢而論亟應裁撤以恤民生但念京協各饒指撥加增即現辦捐輸不敷尚鉅若驟然停撤則各營協撥益將無法騰挪故現在情形既當重念民生亦應兼權

國計臣竊以捐輸之病民者在夫馬局之混雜其中致私派重於公捐故為害特甚耳若夫馬局立為刪除則民力自節省數倍臣現已將該局除雅州至廣元中間經歷十數州縣係喇嘛藏差必由之道擬為酌留以資接濟其應派收錢文均由臣查明道里遠近酌照向派數目核減十分之八額定實數不准私加違者一經呈控即行嚴參治罪此外通省一律裁撤不准別有名目並徧張告示俾民周知以杜該州縣日後影射巧取之弊有此以紓民力則捐輸一事俟一二年後再行酌裁百姓亦尚樂輸不致有異議也夫馮驩見用尚知市義尹鐸治邑不貴繭絲臣實庸愚上不能為

奏稿卷十三

十一

國家布寬大之恩疚心曷極惟時當極敝不能不忍以有待耳現計可以濟捐輸之窮者惟釐務為大宗川省從前抽釐浮費中飽之弊多所不免近年委員抽收又皆定以一年更換事同調劑中飽尤多臣現督飭司道暨釐局委員等詳定新章力加考核比較收數參以最多之年申報款項定以半月為限並嚴定委員功過信賞必罰俾釐務漸有贏餘則捐輸自可遞減至於交代虧挪實司庫之大病川省近年虧欠現經查明已積欠數十餘萬臣亦嚴飭藩司分別病故參革及現在實在候補各員勒限半年完繳逾限不完即予參追並將交代之案截清款目妥立章程劃分新案舊案力為清理現定以光緒三年四月初一

日以後為新案查辦二參四月初一日以前為舊案設局清結限期既定恪守不移私室少一分侵挪公家多一分接濟但得庫儲稍裕捐輸又可遞減也若夫詞訟之不理最足以寒良善之心而長奸頑之氣言吏治者此為大端臣現與臬司明定規條先將各案亦分為新舊查辦茲定以光緒三年四月初一日以前為舊案分飭委員赴各屬詳細查造呈送四月初一日以後為新案按月勒令審結並定以每月新案訊結九成舊案帶結五成如審結不及成數者亦即分別多少記過撤參又酌定詞訟循環兩簿令各屬按月將收受准理呈詞及審結斷語摘鈔呈閱以查其審理之果否勤速聽斷之能否明允其命盜重案則

奏稿卷十三

十二

勒限三日詳報不准違逾以杜諱匿庶訟獄可以漸清民氣將不戢自靖至囑匪會匪之結黨為害其弊實由於官之不能緝捕而民始無所恃民無所恃則窮者羣欣其利以顧目前而稍有身家之人亦懼匪之害己而官不能治也於是不能不藉匪以自護而匪之蹤迹愈密故多有搶劫迭出而究不知匪之所之者計惟力辦保甲始克挽此澆風臣刻已與司道督同首府縣力為稽查議定章程由省垣以至外屬均飭一律舉行使民戶先無從隱飾奸宄自不能窩藏又復申諭各糧戶革故洗新遇有劫盜會匪幫同各州縣圍擊以期有犯必獲一月以來各屬聯合團甲緝獲巨匪數十名皆搶劫拒傷之犯臣於訊明後照章

辦理民氣似覺一振由此循而行之盜風或可稍戢耳若夫綠營之弊積玩既深計惟有申明紀律勤加訓練臣現令臣標中軍副將琦明會同各標將弁於省城十營定立課程逐日兩操並飭於五日內將弁兵中箭中槍各數開摺呈報一次使其各操功課自無暇再事嬉遊至於茶坊煙館則令成都華陽兩縣勤加巡查如有弁兵三五成羣聚會其中立拳重懲並咨會將軍及提臣一律嚴查辦理其外營則咨行各鎮將令照省標一體操演並不時派人密查以期核實擬從此大加振作一二年後營務或可改觀至留防各勇營漫無統制萬難得力而川中又多係楚勇口分過優饒需恐難為繼臣初意本擬略為裁撤因思

奏稿卷十三

三

川省邊防逼近夷巢至為遼闊即界連黔滇之區伏莽亦復不靖而內地近日私梟會匪所在多有未便即為裁撤致疏防範惟查楚勇口分過大此時若不酌減則糜餼滋多若即行議減則用其力而減其饒彼必有所不願既不願而必強為我用難矣臣今擬為彼撤此募之法使其辭舊營而歸新營則勇丁既可淘汰口糧亦可改減於餉需勇營兩有神益現已將裕字兩營律武三營楚勇遣撤一面另派得力將弁隔別招募成軍其口糧即照山東勇糧章程支發刻計楚勇一營改為新勇一營月可省銀八百餘兩勇亦別無他議實亦節流之一助也至於各廳邊防現惟馬邊一處有勦辦之臣近派候補道周振瓊帶靖

武兩營前往督辦連日接據稟報已將各夷所踞隘口焚奪出巢之夷漸次掃除可期迅速肅事其餘各邊亦已專飭該文武等妥為安撫平時務將各營認真訓練以資鎮懾並嚴禁弁兵差役滋擾該夷其有年終應給賞需亦令照賞不得私行扣剋而於土司人等待之以禮示之以恩使其樂為我用然後可責以駕馭之事如有頑梗之夷出巢滋擾者即為實力勦捕毋得遷延貽誤查該夷曠而不狡但能示以恩信而又懾以兵威自可帖然無事惟川省邊地自昔為要臣擬俟省署公事清理就緒當於八九月內親赴各邊審察夷情並將沿邊地形勢逐一查看設法妥辦以冀久安凡此情形皆臣現時整頓之大略惟為

奏稿卷十三

三

治務清其源而去弊先其太甚川省敗壞之根其始由於怙侈而其弊遂極於貪婪其病在於營私而其毒遂流於百姓今欲黜華而去貪非刻已勵行不足以資表率蓋法行自上理勢必然臣現已與兩司鹽道各將本署從前一切應酬規費悉數革除不留餘隙而又將各項差使浮費為之極力刪汰使各屬無可藉口然後責之以謹慎辦公廉潔愛民期在令出惟行庶積久乃有起色惟事處極做非精心果力不能著有成效臣愚昧之質膺茲繁難深虞隕越亦惟有竭智殫心與各司道力求實際不敢一事粉飾稍冀力挽頹風用以仰答

聖主委任之至意所有滯陳川省敗壞情形與現在籌辦

一應事宜謹恭摺具奏伏乞

皇太后

皇上聖鑒訓示謹

奏

奏稿卷十三

十四

曾壁光建祠 宣付史館摺光緒三年六月二十九日

奏為原任貴州撫臣平定黔疆功德在民懇

恩准於貴州及原籍捐建專祠並將勳績

宣付史館以垂久遠恭摺仰祈

聖鑒事竊維有功必錄

朝廷所以勵忠蓋之臣而歷久不忘士民用求永馨香之

報查原任貴州撫臣曾壁光品行端方學養深邃由翰林

院編修蒙

文宗顯皇帝恩遇

命在上書房行走出守鎮遠洊升道員遞權兩司同治六

年

奏稿卷十三

十五

賞給二品頂戴署理貴州巡撫收復各城軍務肅清

賞加太子少保銜頭品頂戴雲騎尉世職光緒元年八月

因病出缺

晉贈太子太保照總督例議卹

子諡文誠子孫並

賞官職科名凡

天語之褒獎極人臣之哀榮其治績見諸奏牘

諭旨者本無待臣瀆述願臣籍隸黔省前此蒙

恩賞假回籍修墓經行上下兩游目覩耳聞該故撫臣功

德實有昭然共見者故敬為

皇上縷陳以備史館采擇初該撫之受

命撫黔也僅安順遵義等郡邑數處尙未失守苗教回夷賊蹤蹂躪殆徧外援既絕文報鮮通將帶軍飢困危萬狀鄰疆皆保境自守無一粒一鐵之助該撫顧懇

恩施飭部撥餼飛函各省懇求援濟開誠布公抑然自下川楚始漸出師軍民感泣效命卽以是年冬擊散烏江竄匪屯營札佐息烽一帶聲勢聯絡饒道始通七年春開州鼎照山賊首投誠江內漸次肅清遂渡江勦洗米坪金山廬山賊巢軍威大振各逆悔罪來降者百有餘寨隨克龍里亟東下取貴定省垣心腹之患除上下之援通旣而平越清黃相繼收復節節掃蕩所向披靡羣苗望風瓦解下游以次廓清惟上游回匪與滇省潛通句結苗夷醜類實

奏稿卷十三

夫

繁根深蒂固又恃安南盤江鐵索橋之險抗拒官軍該撫計誅不法武員林自清等各營悚懼乃指授方略激勵文武戮力同心奪橋直前賊棄關東潰遂克安南回酋喪魄貞豐及興義府縣等城迎刃以解各賊盡聚新城皆百戰死黨據險立礮驍悍異常諸軍乘勝徑進首夥全就掩擒其餘郡縣股匪莫不堵穴犁庭全黔底定黔地跬步皆山素稱天險雍正年間苗變用兵至數十萬降而復叛者三前後征勦十餘年方獲平定該撫受事於全省糜爛糧餉兩絀之時總計內外兵數無幾平日求一飽不能戰勝無數金之賞卒能戡定禍亂轉危爲安是蓋仰荷穆宗毅皇帝特達之知感激圖報旣不忍因循玩愒尤不

敢粉飾鋪張事棘則以一身力肩危難功成則歸美於鄰疆僚屬終日兢兢無矜伐之色與人言善氣迎人曲盡事理雖驕兵悍將歷任所不能馴者該撫片語拊循無不忍飢茹苦悉聽驅策從未聞以糧匱餼缺見諱者是以內外協和爰有成績厥後繕城垣集流散編保甲給牛粒百廢具修方虞伏莽未淨留勇分置要害以遏亂萌復念苗夷梗化皆由文字罕通喇啤鄙野設義學於各苗寨令子弟讀書習漢語以變其俗而喻其心並於省垣添設經古書院親賢勸學教讓興廉捐穀數千石存糧儲道署以備凶荒生平廉靜寡欲自諸生以至封圻服食起居不改寒素故能耐苦任勞宏濟艱鉅當軍務倥傯每夜坐達旦退食

奏稿卷十三

七

餘閒惟手一編身故之日僚屬入視僅敝衣數篋支給存俸始獲成殮川省援黔之役月糜金錢十餘萬欲罷不能賴該撫速平黔患川力以紓桑梓尤爲感戴凡茲豐功厚德兩地交推可否仰懇

天恩准於貴州四川各建專祠由地方官春秋致祭並將

臣臚陳政績

宣付史館俾隆報饗而免湮沒之處出自逾格鴻慈所有擬請原任撫臣建祠入史緣由謹繕摺恭陳伏乞

皇太后

皇上聖鑒訓示謹

奏

奏稿卷十三

六

收復馬邊核桃汛地摺 光緒三年七月二十二日

奏為馬邊夷匪負隅抗拒經官軍疊次進剿收復核桃汛地辦理尙為得手謹恭摺馳陳仰祈

聖鑒事竊 臣等於光緒三年四月二十九日將馬邊夷務情形暨委員接署文武各缺緣由附片具奏六月十八日差弁齎回原片內開軍機大臣奉

旨知道了欽此謹卽轉行該廳營暨各營將領一體欽遵去後伏查馬邊夷地縱橫千數百餘里地勢險遠其間種類繁多漫無統率前據各營報稱左右營夷匪雖已回巢仍復狡詐遷延意存觀望自非忱以軍威難期懾服且查從前建置左右兩營相距一百二十里各距廳城亦一百

奏稿卷十三

七

二十里又於距城六十里當衝隘口安設核桃汛居中控制互為犄角規畫極為周詳自咸豐四年該汛失陷未經收復不惟左右兩營隔絕不通廳營亦四面受敵遂致夷燄日張 臣此次詳稽圖志默審戎機以核桃汛為夷匪所必爭非收復該汛不能扼其吭非分道合攻不能搆其穴當於各將領稟內明晰批示嚴飭穩慎進取旋據統帶靖武營候補道周振瓊稟稱到防後悉心籌議知左營一路夷匪最強欲進攻核桃汛必先據火石墩而後節節疏通可期得手隨率所部左營同管帶武字副前營提督胡國珍扼紮大有汛其右營一路派所部右營及管帶達字新前營總兵黃三秀分紮大鴉口天保寨等處派鄉導營參

將陶春廷及麀勇百名紮煙峯汛走馬坪兼防運糧要路五月初九日周振瓊胡國珍由大有汛分隊從溜沙坡萊子壩兩路進發卽有夷匪千餘嘯聚林巔木石兩下各勇丁奮力爭先連環策應轟斃夷匪多名立將火石墩奪獲周振瓊當與胡國珍暫住花椒坪遙望核桃汛緊接來斯岡危峯對峙奇險異常中隔一溝曲折蜿蜒兩岸蠻房如櫛周振瓊分道以火攻取勝隨於二十七日各派七成隊令提督張錫卿守磨子坪令遊擊陳樹勳領隊跨山而下胡國珍率總兵唐珊峯沿南岸而進副將羅志珂及廳勇軍功呂承先繞北岸而進行抵雙河場卽拋擲火蛋火箭將兩岸夷巢焚燬風高火燥煙霧迷漫該夷抱頭狂竄時

奏稿卷十三

三

陳樹勳轉戰而前另有夷股盤踞來斯岡滾放木石各勇冒石前進槍礮橫施逆勢不支紛紛敗竄我軍遂會合追殺當將核桃汛收復翼日仍派陳樹勳羅志珂等由梯子巖至二十里外之沙匡唐珊峯等至十里外之中背溝埽盪而前計兩日平燬夷房數百座斬馘一百餘名奪獲糧食牲畜刀矛多件前後陣亡花翎參將張連芳都司蕭俊湖守備王泰益及勇丁十五名受傷六十餘名此左路由火石墩規復核桃汛之實在情形也至右營一路則以黑泥溝天星橋爲最險其著名夷匪則小木干水陸根兒六鐵等支而夷酋那六二娃尤稱獍悍五月二十二二十三等日黃三秀探知大鴉口外乾河溝廣聚夷匪數百隨帶

勇跟追敗之於現牛坪芭蕉壩等處旋聞黑泥溝老巢防範不密六月初七日約會靖武右營各派勇五成渡河進勦令哨弁章世榮選勁勇四十名埋伏黑泥溝山徑而自率百長勝紹揚等行抵天星橋該夷傾巢出戰我軍刀矛並舉槍礮齊施轟斃二十餘名生擒二名更有夷酋指揮逆眾拚命抵敵章世榮從後山攀緣直上前後來攻槍斃夷酋割取首級各逆始紛紛奔潰章世榮往來衝突又陣斬五名轟斃十餘名立將兩處夷堡百餘座焚燬殆盡卽有呀納巴射兩支詣營乞撫救出難民十八名奪獲弓弩蠻刀旣衫百餘件陣亡勇丁七名受傷三十二名查驗首級卽屢抗官兵之那六二娃而參將陶春廷及靖武右營

奏稿卷十三

三

十一日又於魚濠口橫山壩獲勝此右路疊次獲勝陣斬夷酋之實在情形也周振瓊等既復核桃汛於六月初七初八等日分隊撥山敗賊於背摩坡中背河十六日又傳令各帶五日行糧由核桃汛進勦花板岡以達三河口三河口者卽馬邊左營城署也維時兵分三路以陳樹勳合所部右營出溜沙坡爲一隊呂承先率廳勇及所部左營出核桃汛爲一隊胡國珍令唐珊峯等出磨子坪爲一隊沿途夷卡林立我軍買勇前驅敗其守卡之夷將左手沙壩子右手新場野豬池堅巢焚燬向三河口進攻勇目安添壽手刃執旗夷目陳樹勳唐珊峯等分投痛勦各有斬獲遂整隊由雙土地直抵三河口營城與左營會合計燬

夷巢千餘座焚其牲畜糧食器具甚多斬敵數十名奪獲
擡槍氈衫蠻矛弓箭皮袋二百餘件陣亡勇丁七名等情
先後具報前來臣等查核桃汛自咸豐四年被夷占據於
今二十餘年該夷恃險猖獗附近村舍爲墟今幸仰仗
天威恢復舊制各將士歷險入深疏通大路洵爲出力臣
伏查夷人本多強悍而自核桃汛以外山深箐密該夷於
我軍出隊時往往潛伏不動及至兵勇收隊則四面圍集
截我後路稍疏防備卽爲所乘是以我兵受傷亦多地勢
使然臣恐路險兵單現又派統帶達子營總兵張祖雲率
該部右營及親兵二百名統帶親兵營副將李忠楷率親
兵二百名馳往左右路隨機助勦並以沙巨一帶悍夷現

奏稿卷十三

三

麇聚其中必須大加懲創庶足以收全功當經授以機宜
嚴飭各將領乘此聲威認真勦辦一面令已降夷衆招撫
被逼及素來安靜夷支並多張示諭解散脅從務使該夷
畏威悔罪歸誠乃可審度情形妥籌善後以期仰副
聖主綏靖邊隅之至意所有官軍攻勦馬邊夷匪收復核
桃汛辦理尙爲得手情形謹合詞由驛馳奏伏乞

皇太后

皇上聖鑒謹

奏

籌辦黔岸鹽務官運商銷摺光緒三年七月二十二
奏爲黔滇兩邊鹽務廢弛已久現擬委員先行籌辦黔岸
請將新舊引鹽改由官運商銷酌擬章程敬繕清單並請
借撥各款恭摺仰祈

聖鑒事竊照川省財賦除丁糧外惟以鹽務爲大宗從前
地方無事滇黔兩省多銷川鹽就黔省而論如黔西大定
遵義仁懷等府廳川商設號行鹽由永甯綦江等處轉運
每年銷引數萬張上裕庫款下便民食地方亦覺安靜自
軍興以來黔地處處被擾人民離散死亡十不存一商人
歇業引滯岸懸直同廢棄而川省之利盡失所賴濟楚一
舉稍資安集近年兩淮議請規復淮綱屢准部咨令設法

奏稿卷十三

三

籌辦停止濟楚雖審時度勢未能遽行然亦終非長策而
綜查邊計各引積滯八萬數千張積欠羨截一百數十萬
餘兩雖日事追呼而引既未行從何籌補臣到川以後觀
商力之困竭念邊岸之廢弛又見川省私販日充地方時
虞不靖竊擬設法整頓因思滇黔兩邊同行川鹽均應舉
辦然當此課款支絀成本難籌若滇黔同時並舉力量萬
有不逮現令先於黔邊試辦官運設局分銷俟有規模鹽
本可敷騰挪再籌滇岸期復舊制惟事屬創始措手殊難
非清正強毅精明練達之才不足以資委任茲查有四川
候補道唐炯籍隸貴州於川黔兩省邊勢民情洞澈無遺
而才氣亦足以濟事當飭該道會同藩司程豫鹽茶道蔡

逢年悉心籌議去後茲據該司道等詳稱軍興以後川省邊鹽引岸曠廢已二十餘年現議規復實同創始就黔岸而論從前川鹽行黔由永甯縣前進者為永岸由合江縣前進者為仁岸由涪州前進者為涪岸由綦江縣前進者為綦岸四岸行商各十餘家悉是陝西大賈資本甚鉅迨值黔亂相率歇業秦中又遭回患家產蕩然不能重整口岸近年每岸雖有數家多屬川黔之人湊資朋充本非殷實稱貸不易加以水陸險遠輸運艱難此其不能暢行者一邊商行引除本省釐課外商人領引有費引底有息開籤驗截有規踵事遞增任意需索一入黔境經過處所釐卡林立如布網羅而黔岸通歲所收釐金並花布木植大宗不逾十萬無補公家加以關稅之重征官吏之苛派土豪地棍之把持需索商本動致虧折往往視為畏途此其不能暢行者又一近邊計岸壤地犬牙計商鹽本較輕輒以計鹽侵灌黔界邊販遂就輕避重貪買計鹽邊商亦停擱正引重照影射加以船戶盜賣糝雜泥沙誑報漂溺串同為奸如合江之雷都積江津之白沙毗連南川之木洞彭水之郁山鎮向為私販捷徑盤踞透漏他若黔之興義耶岱獨山一帶近滇者有滇鹽攙越近粵者有粵鹽攙越此其不能暢行者又一今欲重整黔岸商力既窮非設局試辦官運不可為力欲辦官運非埽除從前積弊亦不能見效該司道等博訪周諮酌議章程十五條呈請察核具

奏稿卷十三

五

奏前來 詳加披閱大要以局運商銷力裁浮費疏通引岸禁止需索為扼要之圖且清釐積引以杜重照之萌兼辦計岸以遏影射之漸裁局卡立船行以暢運銷之路嚴交盤慎出納以絕侵欺之源而又酌核帶銷以清積滯分認奏銷以專責成所議極為周密果能認真舉行則黔岸自可漸復邊引不致積欠裕課便民無善於此自應查照試行 現擬於瀘州設立辦理黔邊鹽務總局委唐炯前往駐劄督辦官運商銷黔鹽事宜並刊發木質關防以昭信守所有永綦合涪江南六岸及本行邊引之酉秀黔彭納谿暨近邊州縣計引悉提歸總局轉發配運以一事權並於產鹽之富順犍為兩廠每廠設立購鹽分局綦江涪州合江永甯江津南川六岸每岸設立售鹽分局凡給票配行收鹽發商驗票緝私等事各委幹員分司其事並將局辦各岸奏銷由局自行專辦俾專責成其從前各州縣積欠改歸局辦各邊計之引張及羨截稅課各銀兩均應隨時會商司道核辦由 飭鹽道詳細查明引數銀數分年分成帶還以示清晰其一切應辦事宜統由唐炯調度惟此次由川辦理官運係為疏通黔岸而設所有川省州縣關卡一切漏規浮費已詳細裁革而黔中自兵燹之後因饑項支絀不得已抽收鹽釐商人運鹽到岸見十抽一謂之大釐聞未能悉數歸公且沿途復有半釐小釐落地稅各名色又有查局分局驗票局及各州縣私設卡局層

奏稿卷十三

五

見效該司道等博訪周諮酌議章程十五條呈請察核具

層派索每引一張運入黔境實抽釐銀不下數十兩以致商販裹足綜計黔省鹽貨各釐歲入不過十萬鹽釐僅居一半所得甚微而於川鹽銷路大有阻礙茲擬由川每年暫行認解黔釐銀五六萬兩分夏冬兩季撥解以濟饒源以後如銷路日暢鹽務大有起色再行酌量多撥以昭核實如此辦理則黔饒可歸實濟而川引亦可漸復相應請旨敕下貴州撫臣通飭局卡凡遇行黔鹽釐一體免收其報部關稅悉照部則上納不許重征並嚴禁各地方官設局私派以通商路乃為有濟且以目下形勢而論川省戶稠人眾黔省土曠人稀但使邊鹽暢行商人趨利若鶩五六年間黔中人民逐漸復業口岸亦逐處興復其工作力

奏稿卷十三

三

役藉沿途店棧為生活者通計四岸引地不下數十萬人而移家就食置買田地招徠開墾相因而至殘破之區或可藉此轉為富庶雖一時未必大效而異時固可操券實於黔省大有裨益至現在川中邊引積至八萬七千有奇未完羨截一百三十六萬六千餘兩計引積至四十六萬一千有奇未完稅羨四十七萬九千餘兩現在邊岸甫經創辦其濟楚銷路臣體察情形其勢實未可遽停免致積欠終懸且恐別滋意外之事請俟川中積引銷竣後再行查核奏明辦理至此次籌辦黔岸並辦計岸引地寥闊銷路紛煩必須多運鹽勛存儲總局方資轉運而自領引以至廠竈買鹽水陸轉運各費並各總局分局製備一切家

具等項成本甚重從前黔岸暢行時西南各處設立行號運銷資本合計不下千萬始敷周轉今官為辦運是以一局而應無數之商販勢不能不厚集資本計非湊銀五十萬兩不足以資周轉惟此時川省庫項一空各處借撥之款尙屬籌措為艱豈能湊此鉅款而川黔大局所關亦萬不能視為緩圖自須另行籌措查臣前撫東時於糧運兩庫百計樽節尙有餘款可以挪借茲再四思維擬請借撥糧道庫銀十五萬兩運庫銀十五萬兩臣再商之湖北督撫臣由該省釐稅項下借撥銀十萬兩共銀四十萬兩其餘十萬兩臣擬就本省各處湊借以足五十萬之數至借撥之款分作八年陸續歸還如此一為轉移東鄂不過暫時通挪銀兩不致無著而川省得此接濟將黔岸興復則可為川省圖久遠之安亦可為

奏稿卷十三

三

國家興百年之利至臣於庫款向屬謹慎事求核實不敢分毫虛糜此次借款如果歸還一無把握斷不敢以庫儲有用之財輕為嘗試亦不敢以本省應辦之事貽累鄰疆相應請旨飭下湖北山東各督撫臣籌撥解川用資措辦想各督撫臣關懷大局夙著公忠必能竭力通融借撥共助扶持所有先行籌辦黔邊鹽務改由官運商銷酌擬章程並請借撥各款緣由除咨部外理合恭摺附驛具奏敬繕清單恭呈

御覽伏乞

皇太后

皇上聖鑒再川省鹽課奏銷定例於四月內由鹽道查明截數於五月內詳明具題經徵不力州縣均有處分此次將引提局創辦官運一切規模非數月後不能定局計距來年四月不過半年期限促迫黔中道路險遠商人趕銷不及勢難於半年之內清一年之課所有本年丁丑行黔邊引及改歸邊岸計引新舊課稅奏銷並請

敕部展限至光緒己卯年五月辦理以後即可按年趕辦以重考核其有一切未盡事宜應由臣督飭蔡逢年唐炯隨時籌畫總期於鹽務有裨合併陳明謹

奏

奏稿卷十三

天

謹將議定鹽務章程十五條繕具清單恭呈

御覽

一裁減浮費也查從前商運每邊引一張由縣領引各關投文開籤截驗以及落地稅食鹽漱口鹽種種規費共約需銀二十餘兩恣意剝削踵事遞增迨入黔境層層局卡如布網羅每引一張共約需銀五十餘兩而地方官之需索苛派不與焉加以本省課羨釐金廠價運脚每引一張共需銀二百七八十兩不等成本既重利息甚微商人畏累裹足不前即現在一岸行商不過數家朋充承認大都資本不厚勢不能不夾帶影射挪東補西私販因之日熾額引愈形積滯是欲疏引必先恤商此後邊計除濟楚仍

奏稿卷十三

天

舊外所有四岸引張無論邊計新舊應由局配運無須使費其四望關隄爲關江安關鄧井關瀘州關涪州合江納谿重慶府經歷開籤截驗等費若全行裁革無以辦公應酌定每引一錢五分通飭各關縣一體遵照以歸畫一年終由各關縣備文赴總局請領不准地方衙門書巡人等再有索取食鹽漱口鹽等名目至敘永向抽落地鹽稅並非正款應永遠裁革至於黔省除百貨釐金外凡川鹽入黔應請

敕下貴州巡撫通飭局卡遇有鹽劬經過不得留難抽釐其報部之關仍照則上納不准重徵商人開設子店地方官不准需索苛派並不准私設局卡抽收庶成木少輕銷

路日開矣

一清釐積引也查健富榮三縣積滯邊引自道光二十八年咸豐六七年起截至光緒二年年底止除認代滙引一萬六千八百三十張存鹽茶道庫未經發領外實積黔邊水引七萬零七百零三張節次展限猶積欠自咸豐三年起並本年未完羨似總共銀一百三十六萬六千有零推求其故一則處分甚嚴有官求倖免而自賠課者有挪羨釐墊課苟且目前者而積滯在官一則商力疲乏無人承認有由坐商賤賣以納課者有行商並完羨截坐商侵挪虧欠者而積滯在商而口岸之廢弛銷路之阻塞不與焉若不澈底清釐將移新補舊舊者未清新者又積挪彼填

奏稿卷十三

三

此此款未實彼款已虛是不但畫餅不可以充飢竊恐輾轉膠轕愈積愈深徒以飽官吏之欺侵縱奸商之影射而鹽法且蹶而不復起也應飭各該縣勒限將已銷未銷在官在商逐年分晰據實造具清冊並引申送總局查辦分別追賠停緩另行專案奏咨此後引張由局配運以斷膠轕而免牽掣

一酌核帶銷也查健富榮三縣每年額行黔邊引一萬零七百七十六張自道光三十年清釐鹽務健富兩縣共認代滙引二千五百二十二張咸豐五年以後黔省糜爛銷路阻塞遂將邊引改配濟楚以救課稅截至光緒二年年底止邊引既積七萬有零而滙引一萬六千八百有零猶

存道庫若復仍前套搭無從劃清界限又舊引積滯已多新引例須請領若再推展敷衍徒留虛名羨仍無著且庫款又復糾纏必至仍前挪掩應請於總局開運之日起先行新引歷年積引以次帶銷若果黔省照議不再抽釐不准地方官私設局卡需索苛派行銷必至倍加是每年額銷外積引必能帶銷六分以後可冀年清年款至於積滯滙引應全配濟楚庶不占礙新引地步而界限劃清辦理亦少膠轕矣

奏稿卷十三

三

一局運商銷也查四岸行商有井有竈者不過數家餘皆朋充資本不厚無力者既難周轉有力者又多影射額引積滯此其一端行商自岸入黔節節開設子店每店動需一二萬金沿途以鹽盤鹽到店則散發小販赴鄉零售按關收帳今若官運官銷費用過鉅稽查難周在販有脫空之虞在局有欺侵之弊若官商並運在途則多夾帶影射在岸則虞壟斷把持惟有局運商銷以簡御繁諸弊可期斷絕且行商藉資周轉獲利既多人情趨利若鶩承銷必眾是亦招商之一法應於瀘州設立總局敘永合江綦江涪州兩井兩廠各設分局給票配引買鹽分運歸井廠分局管理收儲鹽勛發商行銷驗票緝私歸四岸分局管理各專責成庶免貽誤至於先繳後銷抑或先銷後繳甫經創辦礙難懸定應俟一二年再行奏咨立案

一兼辦計岸也查邊引行黔向分四岸由涪州綦江合江

敘永進運接壤地面犬牙相錯每多攙越從前計商力乏多係邊商代以邊保計自黔省肅清銷路漸開計商又串買他岸計引以計充邊以致連年訐訟而合江之雷都磧江津之白沙毗連南川之木洞彭水之郁山鎮向為私販盤踞馬頭又復透漏充塞大定遵義仁懷正安松桃一帶邊引所以愈形積滯應將涪綦合敘瀘州江津南川及本行邊引之酉秀黔彭納溪近邊州縣計岸全歸官運辦理由局奏銷庶整齊畫一辦理裕如而訟爭永息積滯可疏矣

一引歸局配也查行黔邊引向由健富榮三縣於鹽道衙門請領回縣發商承銷例應一年一換隨時繳殘道光三

奏稿卷十三

三

十年清釐鹽務奏銷報完後扣限一年全行催繳解部逾限即為廢紙並飭廠關各員查明扣留申繳立法本屬周密乃二十餘年來積滯引張竟至八萬七千有奇而官吏之賄縱商總之侵漁奸商之影射私販之透漏串成一局牢不可破是非法之做人實廢法久之遂敗壞不可收拾誠非區區拘牽文法所能轉機應將此後四岸邊計各引由鹽道移送總局庶事權畫一以便隨時隨事相度辦理無誤奏銷

一展限奏銷也查川省鹽引課稅奏銷定例於四月由鹽道截數彙詳請題經徵不力之州縣欠完至二三分以上者例議褫職此次開辦官運係屬創始一切規模非三數

月不能定距來年四月不過半年期限促迫而大江既虞漂溺小河又苦牽挽及入黔境道路險遠必待栽種既畢人夫始多節節轉運甚屬艱難不獨各岸一時不能驟銷即各岸捆運亦一時不能齊全實不能於半年之內清一年之課額勢必捏報全收若照已收實在之課羨截數造報難免開商人逋欠之門啟委員挪移之弊請將本年丁丑行黔邊引及改歸邊岸之計引由局奏銷展至己卯五月以後仍扣滿一年造冊奏報

一嚴定交盤也查川省各釐局向係儘徵儘解每遇交替局中文卷自行攜去往往虧挪漫無稽考此次創辦官運事體重大款目繁多應照藩司鹽道盤查之例所有總局正雜收支數目分年分款開列四柱彙造月報每年奏銷及遇交代之時詳委藩司監察則題參足則出結題報如有扶同隱匿等弊一經發覺照例參處至各局委員離局之日照州縣交代例一體造冊加結呈詳總局移報藩司查核若有侵挪虧空情弊即行嚴參究追

奏稿卷十三

三

局員並請免照接徵接催之例開送職名以免牽顧而歸畫一

一慎重出納也查鹽課羨截向由各州縣批解鹽釐由各

局批解均歸鹽道衙門挂發此次辦理官運成本不厚若循向章配引若干即截繳課釐若干批解必致不敷周轉有礙銷運且既由局奏銷嚴定交盤所有款項應留總局分別正雜聽候撥解毋庸更解鹽道徒煩案牘其平餘一項應立專款聽候提撥本省公用至每月銷鹽若干收價若干各岸分局按旬申報總局總局按月彙詳總督衙門並移藩司庶昭慎重而杜侵挪

一認解黔釐也黔省自兵燹之後釐項支絀不得已抽收鹽釐商運到岸以見十抽一謂之大釐沿途復有半釐小釐毫金落地稅種種名色又有查局分局驗票局及地方州縣私設卡局需索苛派層層剝削每引一張運入黔境

奏稿卷十三

三

實抽銀五十餘兩以致商販裹足銷路阻塞而黔省釐金並花布木植大宗雜貨每年通計未逾十萬是鹽釐一項不過得半之數今既請

敕下貴州撫臣錫免鹽釐嚴禁地方州縣私卡苛派自應由川認解黔釐以歸實濟擬每年認解黔釐五六萬兩勻攤於四岸鹽本內徵收按冬夏二季撥解目前為數雖覺減少但使銷路無阻蜀饒充裕黔之協饒不致停久舍此取彼所獲已多而於兩省大計裨益實非淺鮮

一實給船價也查商號運鹽均交船戶並許帶私藉減船價其船隻又係商號借本製造船戶亦意圖夾帶甘心忍受每載竟有夾帶數千觔萬餘觔者沿江售賣遂致私販

日熾應將船價照民間河規平市實發並明定章程設立船行招集船戶編列字號連環取保刊刻大票每船載鹽若干張計若干觔價值數目船保姓名由駐廠分局委員於發運時填給船戶收執到岸隨鹽呈繳分局查報總局其沿江關卡照章點驗不准夾私盜賣並示禁沿江居民不准接買查出嚴行懲辦並將該保戶一同治罪

一刪減引底也商運行鹽必先向坐商租引然後赴井廠配鹽每引一張約十餘兩二十餘兩不等由商總租收作為課稅羨截領繳引費及地方官吏委員提課規費商局公費下餘之數不過二兩由商總分交各坐商謂之引底近來四岸悉係行商承運足知行鹽原不須用坐商歷年

奏稿卷十三

三

羨截行商已繳全是商總侵挪乃商總藉茲引底轉轉私售如操市券先正課而坐享厚利緣積滯而陰售奸私以致行商成本加重昂價病民私販因之滋蔓難圖阻塞銷路本應全行裁革惟念邊商受

國家養養已久此亦其子孫世業姑准留此引底以示格外體恤今引歸局配裁減浮費應繳課釐羨截均由總局分款彙解每引止酌存引底銀一兩由成本內撥收年終集有成數發交商總按名給領以歸核實

一添置聯票也鹽歸四岸分銷日久易滋弊竇應由總局刊刻雙聯票根票紙編列字號蓋用總局關防發存分局商人到局承銷鹽觔自一包以至數十包數百包於中縫

正字大書包數勛數價值多寡加蓋分局關防票紙截給商人別於前途扼要之地設一分卡委員點驗後收回票紙半月彙繳總局一次即由分卡按包換給小護票以便商人售銷按季由商人彙繳總局票根照填簿冊存局仍由分局按月彙繳總局以憑核對庶行銷數日時價漲落俱可按冊而稽無從欺侵影射

一酌留津貼也查額定每引配鹽五十包每包重一百三十五勛惟鹽質甚嫩滿耗尤多加以沿途盤運解捆掣驗拋灑消耗更鉅是以商人赴廠捆運每包加至二三百勛不等道光三十年清釐鹽務奏定每包連皮索准共重一百六十勛今由官運無虞夾帶而鹽之消耗與商運無殊

奏稿卷十三

美

應准照成案每包以一百五十勛為正額外加十勛以備消耗飭四岸分局於銷售時多出餘鹽若干逐包記簿按旬呈報總局另立專款以作支銷各局費用仍由總局按月詳報總督衙門並移藩司鹽道以資貼補而昭核實一酌給獎敘也此次辦理邊岸鹽務係屬創始事極繁難非羣策羣力不能有濟而鼓舞造就尤在信賞必罰此後承辦人員如有侵挪怠玩情弊自應分別參撤停委其辦理一年著有成效即應量給外獎如辦理二年成效大著應准奏請獎勵庶足以昭勸懲而策成功

津貼臬司兩首縣公費片 光緒三年七月二十九日

再四川刑名之繁甲於直省而臬司一缺其一切辦公僅例定養廉四千兩此外別無津貼缺分已極清苦又加以扣成減平搭票及難扣本省各項經費外每年所領不過三四百兩尤為艱窘從前均係收受規禮以濟公用本非正辦 臣到川後期與司道共飭廉隅用資表率而該司方濬頤特勵清操力崇節儉將該署一切規費悉為刪除 臣查其署中辦公各項竭蹶異常恐難持久當與藩司鹽道會商擬於本省籌備辦公經費項下酌量勻出一二成稍資接濟俾該司不致枵腹從公即應辦公事亦可無虞掣肘又成都華陽兩縣為附省首邑事務衝繁冠於通省一切應辦公事比之外州縣繁難不啻十倍而辦公之拮据殆有過之從前多借錢糧浮派藉以敷衍而向來為首縣者歷任一年半年即行調劑以致通省州縣領袖之官竟同傳舍未遑振作吏治之壞亦在於此 臣到任後力除一切浮費詳查該縣辦公情形實多賠累亦屬難於支持 臣現與司道公同酌擬於本省籌備辦公經費項下稍加幫貼俾不致十分賠墊庶可責其盡心地方如才具優長者並可稍令久任實於倡率吏治大有裨益謹附片具陳伏乞

奏稿卷十三

老

聖鑒謹 奏

查辦東鄉縣案摺 光緒三年九月初六日

奏為遵

旨查辦東鄉縣匪徒袁廷蛟聚眾滋事帶兵官有無縱勇妄殺姦擄各情業經委查確實並參核全卷暨現訊各供分別定擬恭摺仰祈

聖鑒事竊 臣於光緒二年十二月初一日准兵部咨到光緒二年十一月初十日內閣奉

上諭文格奏續查營勇滋事情形據實檢舉自請議處一摺據稱提督李有恆所帶虎威營勇丁前在東鄉縣有砍傷趙姓八九人及抱去龐姓幼孩之事尖峯寨一帶房屋燒燬多間是否該營勇丁所為傳說不一李有恆與分帶

奏稿卷十三

奏

該營提督劉道宗在途中帶有婦女詢係該提督眷口其來歷尚未查明殊難憑信等語帶兵官攜眷隨營已屬大千軍律至營勇滋擾地方該提督等儻有縱容情事尤屬罪無可追東鄉縣袁廷蛟滋事一案前經降旨交李瀚章訊辦李瀚章現調任湖廣總督著交四川總督丁寶楨確切查明據實具奏勿稍瞻徇李有恆劉道宗著一併交丁寶楨審明分別革職治罪以肅戎行等因欽此 臣接篆後准前護督 臣文格將原案卷宗咨送前來 臣綜核全卷查得光緒二年閏五月二十四日奉

上諭御史吳鎮奏四川匪徒滋事地方官辦理不善請飭查辦一摺前據文格等先後奏報東鄉縣民袁廷蛟等以

請減錢糧為詞聚眾滋事拒傷兵練疊經諭令該護督等認真辦理旋據陸續奏報擊獲要匪懲辦惟袁廷蛟尚未弋獲已諭令趕緊緝捕以淨根株今該御史奏稱袁廷蛟等聚眾滋事經知府易蔭芝等前往彈壓始而含糊繼以操切從事率行請勦帶兵之李有恆挾嫌縱勇搜殺無辜以致激成事端如果屬實亟應從嚴究辦以重民命而儆官邪著文格秉公確查知府易蔭芝及統領虎威營之李有恆有無辦理不善及前項情弊東鄉縣知縣及該縣局紳如應提省審訊並著查明究辦等因欽此又准刑部咨七月十六日內閣奉

奏稿卷十三

奏

逃未獲嗣據御史吳鎮奏知府易蔭芝辦理不善提督李有恆妄殺無辜當經諭令文格查明究辦茲據巡視北城御史奎光等奏袁廷蛟潛逃來京現經擊獲訊據供稱上年因該縣官紳苛斂難堪率眾赴局算帳該縣遂以民變稟請勦辦李有恆殺戮無辜擄掠婦女懇請代訴等情袁廷蛟著交刑部審訊暫行監禁其所供各節著李瀚章文格一併確切查明據實具奏不得稍涉回護等因欽此又於八月十七日奉

上諭袁廷蛟一犯現在刑部監禁著該部錄取供詞即將該犯解回四川仍著李瀚章文格懷遵七月十六日諭旨秉公審訊以成信讞等因欽此又准都察院咨九月初五

日內閣奉

上諭刑部奏訊取四川匪犯袁廷蛟供詞鈔錄呈覽都察院奏中書蕭琮瑀等聯名呈控帶兵官冤殺姦擄請旨辦理御史李廷簫奏四川重案覆奏疑竇甚多請飭嚴訊各一摺四川匪犯袁廷蛟聚眾滋事一案雖該犯所供並無撲營抗拒官兵情事遽難憑信惟該紳士呈控李有恆於鄉民到營呈訴即行斬殺所殺確係良民並無匪徒且李有恆印示有尖峯各寨搜殺無赦之語亦與原奏並無搜殺寨民語相矛盾並據該御史聲稱案情重大原奏疑竇甚多亟應從嚴覆訊以成信讞李瀚章甫經到任無所用其回護此案著仍交李瀚章將李有恆有無搜殺無辜情

奏稿卷十三

四

事及袁廷蛟滋事各節秉公確查據實具奏袁廷蛟一犯即著刑部仍遵前旨解回該省並將原供一併交李瀚章查辦等因欽此隨於二年十一月十八日准刑部將該犯袁廷蛟咨交兵部並鈔錄該犯供詞一併解交到川各在案查案內人證臣未到任之先早經護督臣文格委提到省其本任東鄉縣知縣長廉與接署縣孫定揚亦早經撤任在省候訊隨將李有恆劉道宗撤省並調案內應訊之管帶裕字右營遊擊謝思友管帶律武中營總兵雷玉春及降爲通判前任綏定府知府易蔭芝前署綏定府知府王元晉前署東鄉縣知縣周瀚來省備質復經札委候補知府熊紹璜知州李傳駿前往東鄉嚴密確查並以新授

綏定府知府志潤委署東鄉縣知縣梁融均係事後到任之員無所用其回護復經諄飭就近訪查實情稟復核辦去後隨據案內應訊文武各員陸續呈遞親供前來當督藩司程豫臬司方楷頤並委員等提集全案人證逐一研訊據職員王宗恩貢生向若璠龐大生從九品王宗堯暨民人吳芳體李開邦梁思明李金良李金都等各供詞被袁廷蛟藉糧糾眾句合土匪吳奉山等燒燬房屋搶擄資財受害甚慘屬實李開邦並當堂呈出袁廷蛟夥黨簿據一本吳芳體並執有袁廷蛟書信先行呈繳在案又據貢生何景福龔少鶴廩生余正倫文生張仕達監生王成全李春芳等各供袁廷蛟藉算糧爲名糾眾圍城並將王成

奏稿卷十三

四

全家燬搶屬實又據程文純供綏定營汛官楊開泰與世職蔡啟祥在廠溪會哨路遇袁廷蛟夥黨將軍火搶去隨經趙登科說還屬實又據監生陳憲高艾玉蘭等供袁廷蛟強約該監生等共帶七八百人各執器械到縣城外隔河駐紮要尋城內局士冉正江等算糧曾放槍礮助勢綏定府來縣委員勸散傳該監生到府算帳袁廷蛟不到二年正月袁廷蛟又到豐城場尋王宗恩等算帳該監生等並未同去屬實又據文生廖吉萬冉時帆覃仁仕等供該生等向在捐輸局經收銀兩均係繳官申解並無浮收情弊袁廷蛟因前次京控所欲未遂復藉算糧爲名糾眾滋事將該生冉時帆胞叔冉正江鹽店搶劫曾經報縣有案

是實又據袁廷蛟供光緒元年五月十八日小的邀同十
二甲約有二三百人各執槍礮器械赴縣算糧本縣不肯
開城小的就在城外隔河觀音巖住紮馬洪崙也帶一百
餘人前來經綏定府親身到縣諭將錢糧照舊章征收曉
諭解散小的們應允十二月十二日陳有貴鄭曉亭等同
小的都到李金良家邀他去尋局士算帳李金良避匿小
的同陳有貴們就在李金良家住紮十六日小的們散後
有官渡場住的李開邦們叫人來請到官渡算帳小的同
朱青山們帶有三十餘人前往住紮城外文武宮李開邦
放火說小的搶場齊人來捉小的當就跑走把朱青山們
殺傷九人赴縣具稟二十四日鄭曉亭們帶人到龐大生

奏稿卷十三

望

家算帳小的也到正月初宋青山挾李開邦等殺傷的嫌
查得那夜是太林孝花行出錢幫拳就帶領一百餘人同
小的到官渡尋李開邦都已搬走衆人就在花行尋太林
孝不依把花行門打毀又說太林孝藏在鹽店內衆又把
鹽店門打毀並未搶劫十三日小的帶人到豐城場尋王
宗恩算帳王宗恩已搬往寨上小的叫人去喚不來被族
鄰將他房屋打毀李開邦們稟縣請兵勦辦二十六日管
帶律武營雷玉春來紮蝦耙口打破小碇子把小的姪女
殺死二十九日管帶虎威營勇劉道宗來紮官渡小的會
見趙扶仁說營勇有下鄉估拏柴草姦淫婦女的話小的
叫捉拏捆送初三日趙扶仁約團數百人各拏器械在官

渡後山梁上點名李開邦向虎威營說小的要撲營劉道
宗就派勇出隊接仗把王盛祥捉去乘勢燒毀趙營房屋
百餘間初五日打破尖峯寨殺燒千餘家聞人說李有恆
勇丁擄去婦女二百餘名開船載去小的實未眼見亦指
不出被擄婦女姓名住址等供又據署綏定府知府王元
晉供卑府奉札飭赴東鄉籌辦事務並未令會同勦匪有
札可查其先後奉查勇丁姦擄暨李有恆藉清查賺入寨
內及縱勇報復並尖峯寨婦女先辱後殺擄掠數百而去
查明實無其事均經據實稟覆在案是實又據署東鄉縣
知縣周瀚供卑職奉札於光緒二年二月二十一日馳抵
東鄉縣城其時民情驚惶紛紛逃難其擄費之由聞係因

奏稿卷十三

望

糧而起當擬告示安撫曉諭三月初四日探得初三日袁
廷蛟等在官渡豎旗放礮經劉道宗擊退卑職仍多方招
撫各寨嗣負固者始相率投誠至四月間諸事漸定卑職
始將錢糧照舊章減收具稟有案等供又據撤任東鄉縣
知縣長廉供袁廷蛟因藉糧爲名煽惑鄉民聚衆來城算
帳當稟本府親來辦理解散卑職十月間交卸後袁廷蛟
又復滋事卑職早經調省至地丁津貼前在任二年均係
舊章年年有減無增亦無聽局紳浮收情事有卷可查是
實又據前任綏定府知府降調通判易蔭芝供光緒元年
五月內袁廷蛟京控發回在鄉聚衆盤踞縣城南門外對
河稱向紳士算帳經知縣長廉以人數衆多帶有槍礮旗

幟稟請卑府前往查辦袁廷蛟遣其黨呈請減免錢糧並與局士算帳卑府爲安民起見准予減收各局士等飭縣解府清算曾經通稟以人數太眾請從寬免究嗣局紳等赴府袁廷蛟屢限抗不赴質十二月十二日卽據該縣孫定揚稟報袁廷蛟句結外匪將李金都等房屋打毀逼脅居民意圖滋事懇請勦辦隨會同殺定營委千總楊開泰世職蔡啟祥帶兵百名前往彈壓一面通稟嗣奉批已據孫定揚續稟檄派虎威各營分途進攻彼時又據該縣稟報汛弁許安國在官渡被圍逃回縣城危在旦夕等語又傳聞派去之楊開泰等被圍兵丁概無下落嗣許安國楊開泰逃回始知兵丁回縣軍裝器械無存隨即查明袁廷蛟句來開縣匪徒將李金都房屋打毀又以年前孫定揚議派次年捐輸並不照定章反於四千二百文之外加派錢五百文仍照常設局辦理袁廷蛟以此煽惑鄉民聽其號召據蔡啟祥回稱該處民人均爲袁廷蛟所惑兵丁前進蓬擁抗拒爲匪爲民不能分辨因此軍裝馬匹遺失嗣卑職卽行撤任軍營一切概未得知屬實又據調署東鄉縣知縣孫定揚供卑職於光緒元年十月十三日到東鄉縣署任已在袁廷蛟藉糧滋事糾眾圍城之後十二月訪聞袁廷蛟句開縣匪徒吳奉山等多人向紳糧生事卽移請汛弁許安國前往彈壓袁廷蛟在蝦耙口官渡場各處豎旗立營向各戶估索錢米將李金都等家房屋燒燬擄

奏稿卷十三

器

掠資畜並將官渡團局軍火器械搶去迭據團甲程瑞亭等呈報稟明本府派殺定營兵百名交千總楊開泰世職蔡啟祥前來彈壓袁廷蛟復同吳奉山等在白馬廟搶劫花行鹽店並焚燒龐大生等房屋數十家銀米搶掠一空二年正月初三日袁廷蛟在官渡將許安國等圍住該弁乘空逃回楊開泰等至廠溪遇匪被圍兵丁受傷軍火器械盡被搶去卑職因匪勢日張始據情稟請撥勇勦辦至東鄉元年津貼捐輸已經本任長廉征收嗣於十月奉文派辦二年備捐銀五千兩因東鄉購銀不易擬於次年開征時銀錢聽從民便隨糧上納旋因袁廷蛟滋事尙未開征至袁廷蛟句匪滋事未能先事防範咎有難辭等供又

奏稿卷十三

器

提訊管帶裕字營遊擊謝思友供東鄉袁廷蛟滋事遊擊於二年正月閒奉派前往勦捕嗣於二月內卽奉調回省以後軍營一切事故遊擊概不在場屬實又據管帶律武中營總兵雷玉春供光緒二年正月十六日奉前任總督吳棠飛札以東鄉奸民袁廷蛟糾眾滋事飭往會勦二月初六日營抵東鄉探聞袁廷蛟在距東鄉城一百二十里之峯塵場初六日行抵該處又聞在蝦耙口又據民人傳說袁廷蛟匿遁白馬祠二月二十六日派勇捕獲袁廷蛟之妻子並親黨十餘人三月初二日接李有恆王照南函稱袁匪潛匿千金祠因出隊至祠拏獲匪黨數人所到之處多係出示解散並未抄殺是實又據前管帶虎威營記

名提督劉道宗供光緒二年正月提督隨調赴東鄉縣屬官渡場住紮袁廷蛟三月初三日旬結馬洪崙等千餘人豎立大旗放礮鳴筒欲撲卑營經接仗擊退該匪羣據尖峯寨中初五日隨同李有恆督隊圍攻眾匪抵死抗拒互有傷亡鏖戰多時始將寨攻破其餘各寨洞投誠悉子安撫至所參卑營抱去龐姓幼孩之事提督查據後哨百長賀元林稟稱伊兄在四川渠縣貿易聞伊到東鄉來營看望回渠縣時有一貧婦抱一幼孩開明年庚情願出抱伊兄賀喜林遂與錢二千布一疋給與抱爲子嗣帶回渠縣是真提督將賀喜林及幼孩並提來營訊明不諱現在看管聽候發落是實又據統領虎威寶營記名提督李有恆

奏稿卷十三

吳

供東鄉匪徒袁廷蛟滋事提督於光緒二年正月奉札馳抵辦理初到時以解散爲主當會同委員王元晉等出示曉諭捆獻首惡罔治脅從旋即解散大半惟袁廷蛟與其夥黨分據寨洞三月初三日卑營按兵未動詎該匪袁廷蛟約數百人撲至卑營住紮官渡場口方纔出隊接仗擊退追上山梁始行敗歸各寨其撲營情狀與匪眾多寡求訊地方在案人證便悉初五日提督率軍攻尖峯自辰至未寨中飛石抵禦弁勇多有傷亡破寨自多殺戮並未殺老弱婦孺撲巖墜死者有之委員慶善所查趙姓數人傷而未死係破寨後短兵相接互有殺傷並非妄殺無辜至千金洞經律武營攻破外洞後提督於三月初九日前往

在宋家坪帶有羅心仁等至該洞開導初十日午刻大眾投誠出洞老弱婦女下山天晚內有宋姓數家約各投誠之眾在宋登泰家住宿一夜均於次早有李金都等帶領各自回家現有李金都等可質惟攻破尖峯寨時有游勇乘亂搶牛馬提督當拏獲游勇張中彪李敦昌吳成玉等正法今將牛馬暫關禹王宮廟內傳令民家均悉該場團約領去有該場團約可訊至委員慶善在太和鎮所遇女眷係提督胞弟四川候補道李嶽恆之眷口甫由湖南來川取道小川北晉省沿途誤指爲提督家眷提督實無此事再提督印示內僅有攻破尖峯各寨殺斃無數兇橫之語並無搜殺字樣是實各等供正逐日研訊間接據委員

奏稿卷十三

望

候補知府熊紹璜等將查明情節逐款稟呈前來隨查稟呈內開查得袁廷蛟又名袁三級係東鄉十二甲人曾充該縣白役斥革同治十三年因征收錢糧京控解川提省訊明斷結解縣管束中途逃歸光緒元年五月間該前縣長廉任內在鄉邀集千餘人各持槍礮旗幟踞紮縣城對河山上稱欲清算糧帳長廉閉城防守稟經前設定府易蔭芝前往彈壓袁廷蛟偏減糧價易蔭芝爲安民起見照呈減收地丁等項所有捐輸一項該縣年來均係派銀五千兩之數民間向無異議當即飭令照常征收統歸縣官辦理不再設局委紳被控各局紳候飭縣勒傳解府清算歷年津捐各帳令該民等均各解散易蔭芝稟明前督

吳棠以其均係糧民未經懲辦嗣後局紳等先後赴府投到惟袁廷蛟屢次給限延不赴質維時李金良因袁廷蛟倡首圍城並在各處訛索慮恐牽累曾設法捕拏袁廷蛟忿恨又聞官渡花行鹽店曾出錢雇人幫捕因糾邀會匪吳奉山梟匪馬洪崙等糾眾將李金良等家暨鹽店花行一併打毀掠取財物並以年前該縣議辦次年捐輸該縣官紳並不遵照向章於四千二百文之外加派錢五百文又復設局經營袁廷蛟遂播惑鄉愚使皆聽其號召孫定揚移請汛弁許安國前往彈壓嗣又稟府發兵派千總楊開泰等帶兵百名前往許安國因畏其人眾乘閒逃回楊開泰等於二年正月初二日行至距官渡場四十里之雙

奏稿卷十三

吳

河口兩面皆山忽有千餘人徧山吹筒蔡啟祥告以係本府發來營兵期在了事鄉民不信謂係局士王宗恩私雇要將軍裝留下蔡啟祥等分說不清只得依將號衣旗幟器械馬匹拋下而去孫定揚即以蔡啟祥等被圍不知下落縣城危在旦夕等情通稟請兵援勦吳棠調派虎威各營前往攻勦文格到任後恐被脅之民枉遭殺戮又檄委王元晉周瀚前往會同各營相機辦理勦撫兼施二年二月二十四日虎威各營與王元晉等至縣先出示諭令捆獻首惡罔治脅從鄉民安業被脅之眾大半解散惟袁廷蛟與其黨分據寨硿二十五日劉道宗住蔡官渡場派勇獲匪王英祥到營袁廷蛟率王姓族眾百人並鄰近數十

奏稿卷十三

吳

人於三月初三日各帶旗幟器械在該營後山梁頂上大聲吶喊索放王英祥喧呼一時之久劉道宗帶勇抄殺上山袁廷蛟敗潰勇丁獲殺王石匠一名燒燬房屋數十間初十日該場團首導引劉道宗之勇往攻寨子梁烏背寨紅巖寨人皆逃避只殺趙元爵等二人燒燬房屋十數間豬牛大半搜盡初五日李有恆親率兵勇往攻尖峯寨寨中飛石抵禦自辰至未官渡場團首引勇由寨後高巖小路扒進殺斃及投巖約死者三百人半係老弱婦孺逃出者約百餘人燒毀房屋百餘間初七日雷玉春帶律武營勇圍攻千家硿即千軍硿殺傷男女四十餘名燒毀民房四十餘間所有豬牛搜索一空是日營中押有婦女數十人係在袁家塌宋姓關住三日始行放回先是劉道宗到官渡場帶有家眷曾在方信立家居住其虎威營勇砍傷趙姓數人抱龐姓幼子均有其事至原參李有恆裝載所擄婦女數船而去又將呈訴多人一律捆斬並其子弟偪姦民婦被辱遂縱勇報復及官渡場期商賈貨物一併殺擄暨掩殺太平縣民人分投密查實無其事各等情隨將該委員等所查情形參合案卷並與現訊各供逐款確核其所查紳民人等被袁廷蛟句匪燒搶估索各情核與紳士王宗恩民人吳芳體等所供賂合又所查前任殺定府知府易蔭芝東鄉縣知縣長廉暨前委員王元晉周瀚等前後辦理各情亦與各該員等所供無異惟查明袁廷蛟

糾眾句匪圍城燒搶拒敵官兵核之袁廷蛟所供其於糾眾句匪圍城各節大致均屬相符而燒搶拒敵一層與袁廷蛟供尚不合又所查孫定揚擅改定章浮收錢文及雷玉春劉道宗李有恆等破寨擄殺各情亦與孫定揚劉道宗等供開有不符復督同兩司委員再將全案人證詳加研訊該紳士王宗恩龐大生民人吳芳體李開邦等暨前綏定府知府易蔭芝東鄉縣知縣長廉前委員王元晉周瀚等供仍如前復提袁廷蛟詰以當日糾眾圍城既係爲浮收算糧起見當日綏定府下縣查辦已將錢糧照章征收並將局士解府質算即應迅速退散人眾赴府對質何以各局士到府後屢次給限抗不赴郡仍逐日帶領多人

奏稿卷十三

辛

在鄉尋紳糧生事即就現供尋李金良而李金良逃避即在其家住紮尋太林孝而太林孝潛藏即將其門打毀尋王宗恩而王宗恩搬逃即將其屋焚燒此等兇暴情狀人共畏已可概見至官渡既未撲營則所稱劉道宗派勇出隊接仗所接何仗又將向誰接仗既稱出隊接仗是必先經撲營可知何能狡辯至綏定營兵丁被圍奪去軍裝馬匹此綏定府闔府官兵百姓人所共見何從掩飾再三究詰袁廷蛟俯首無詞自甘治罪復提訊孫定揚詰以袁廷蛟糾眾滋事句匪燒搶始終藉口算糧而東鄉歷任征收確係浮多該縣即因匪勢日眾稟請派兵亦應將藉糧滋事聲明具稟乃竟抹置藉糧一層直以匪徒糾眾滋事

縣城危在旦夕稟請援勦况袁廷蛟既藉糧起事該縣議派次年捐輸既不照易蔭芝定章辦理乃於前數年征收之外又多加五百文而於人心惶惑之時該縣又復設局募勇令團首議抽斗米一升致袁廷蛟愈得煽聚此皆有該縣原稟及易蔭芝等所稟存卷身爲厲階此時何能強辯孫定揚俯首無詞又提訊雷玉春詰以該總兵帶隊攻破千金峒據該營當日稟報係用火攻甚急該匪力窮各持刀槍衝出該營奮勇直前殺斃悍賊多名生擒數十人即提督李有恆稟是日亦帶隊到彼實見殺斃悍賊數十人撲巖墜死亦多等語今只稱攻破該峒擊獲匪黨數人則以前所稟又將何說雷玉春亦自知認咎又提訊劉道

奏稿卷十三

辛

宗詰以當日出隊圍攻尖峯寨現供袁廷蛟等於官渡敗退後羣匿其中該提督隨同李有恆因急擊袁廷蛟不得不帶隊搜索因該寨飛石抵禦鏖戰數時始將寨攻破殺斃二百餘人撲巖墜死者甚多是殺斃由於抗拒當日皆稟報有案無庸置辯惟該提督自稱攜眷隨營並無其事茲據委員查明當日攜眷在營現有所住方信立家可證何能狡強至所供抱去龐姓幼孩查係該前營百長賀元林之胞兄賀喜林以錢二千布一疋向龐姓買抱爲嗣雖非擄掠然賀喜林並非營勇聽其混迹營內亦有疏縱之咎劉道宗亦無可置辯又提訊李有恆詰以該提督當初奉札辦理袁廷蛟一案查核原札本係飭勦匪類不知爲

藉糧聚眾該提督到東鄉後以安撫為主與前委員王元晉等曉諭解散專拏首惡罔治脅從現有原稟及示稿在卷惟該提督既知專拏首惡何以於袁廷蛟所在竟不能設法查出實屬疏忽至官渡擊敗後眾人羣踞尖峯寨固守劉道宗等率隊搜索勢所必然又因該寨飛石抵禦攻戰多時始將寨打破遂致殺斃二百數十人撲巖墜死者有之揆情酌理在該提督則索匪甚急在該寨則無知抗拒彼此相持殺傷過眾實在意中惟破寨之後搜擄牛馬該提督現稱實有其事但實係游勇所為該提督當日已拏獲張中彪李敦昌等正法並將所擄牛馬逐日還交團約分領固屬有卷可查惟此事姑無論擄掠未必盡屬游

奏稿卷十三

至

勇所為即果係游勇而各營之紀律不嚴該提督亦咎有應得且劉道宗以管帶之員攜眷隨營該提督亦不能查實辦理草率疏忽之咎更何所辭李有恆亦無從置辯復查此案事隔年餘供詞各執殊難定讞幸全卷具在其滋事之始末辦理之情由皆有呈詞稟報及札文書函各件歷歷可考非可偽為且事關重大虛實一切昭然共觀非同曖昧可以掩飾由此虛衷查辦真偽自可立分數月以來確核卷據詳採輿情又參以委員等所查節略確知起釁之由實緣東鄉縣歷前任征收錢糧多有浮收袁廷蛟身為革役人素狡猾遂得藉口算糧陰圖斂費然當其糾眾滋事之初已經前任綏定府知府易蔭芝准減照

舊章征收當時若將浮收之地方官撤參一面認真解散鄉民一面密拏袁廷蛟照例嚴懲已可無事乃既不查明所糾之眾是否實已解散又不能查拏袁廷蛟懲辦聽其逐日帶領多人沿鄉滋擾迨署東鄉縣知縣孫定揚到任後請兵勦辦彼時若將袁廷蛟聚眾算糧一節聲明稟報則派勇一二營前往彈壓另揀委員查明分別辦理亦不致遽釀事端乃孫定揚置藉口算糧於不問直以匪徒滋事縣城危急等語張皇稟請援勦前督吳棠竊恐蔓延為害意圖速勦以靖地方遂派撥兵勇至四千餘人之多又嚴檄各營迅圖掃盪迨李有恆等到東鄉後知為藉糧聚眾亦以安撫為主與委員王元晉等出示曉諭只拏首

奏稿卷十三

至

惡不治脅從各鄉民向無十分驚疑而孫定揚於議派次年捐輸不惟不遵舊章轉較各前任征收之數又多加錢五百文以致袁廷蛟益得藉煽鄉愚惡心愈熾雖經李有恆與王元晉等多方出示安撫諭令捆獻袁廷蛟而愚民受惑甚深迄無一應於是袁廷蛟蹤迹愈密屢查無著而李有恆等勇營仍是按兵不動迨後孫定揚又於人心疑懼之時復在官渡設局募勇議抽斗釐以作勇費遂致圍局被搶而袁廷蛟乃有在官渡撲營之事至撲營之眾被勇擊敗於是鄉民皆疑官兵為痛勦遂相率守寨官兵亦疑鄉民為拒敵始用力圍攻攻者愈急守者愈固疑極生忿而殺戮遂至數百人此實此案滋事之原委亦即此案

定斷之權輿也現在各人證均無異詞應即衡情定斷就案議結此案袁廷蛟以一革役始則藉糧糾眾圍城逼脅官長繼復句匪燒搶圍困官兵奪去軍裝馬匹罪應擬斬嗣又率眾執持器械旗幟逼近劉道宗住紮官渡勇營後山喧呼據供劉道宗派勇出隊接仗既有仗可接則其撲營已無疑義且其滋事各情前獲匪吳奉山等十餘人均供明在案訊後眾證環質供指如繪又有簿據信片足據實屬兇狡眾著袁廷蛟應請照不服追喚拒敵官兵以謀叛已行論謀叛已行者斬律擬斬立決以昭炯戒署東鄉縣事慶符縣知縣孫定揚於綏定府改定征收之後議派捐輸銀兩不遵舊章於每糧一兩加增錢五百文辦事實

奏稿卷十三

奏

屬顛預雖甫經議定尙未征收辦理不善咎已難辭嗣又抹置算糧一層直以匪徒滋事縣城危在旦夕張皇請勦以致視同軍務派動大兵繼復以募勇抽收斗釐致激匪眾搶局撲營釀成大事尤為荒謬孫定揚應請即行革職從重發往軍臺效力贖罪惟據該員供稱其母現年八十三歲是否親老丁單應俟飭查明確再行核辦管帶虎威前營記名提督劉道宗管帶律武中營記名總兵雷玉春率勇往攻尖峯寨千金峒等處係探聞袁廷蛟常在各該寨峒來往往住紮經日久查拏無蹤而各寨峒又皆關閉固守勢不能不前往搜捕而各寨峒又不聽曉諭尖峯寨則飛石抵禦千金峒則持刀拒敵均屬攻戰多時始行破入

雖殺傷甚多究因搜索匪首各寨峒擅行抗拒彼此互戰所致律以妄殺似覺過當惟各該處牲畜均有被擄情事是勇所為是匪所為幾至無從辨別其紀律不嚴已難辭咎且劉道宗復有攜眷隨營一事尤干軍律劉道宗應請即行革職照軍人擄掠將領知情故縱者與犯人同罪至死減一等律於擄掠勇丁斬罪上減一等應請杖一百流三千里係職官從重發往新疆效力贖罪雷玉春於勇丁擄掠牲畜不能查出嚴辦應即照軍人擄掠本管頭目鈐束不嚴杖八十留任律擬杖八十留任以軍律論仍從重即行革職發往軍臺效力贖罪以示懲儆本任東鄉縣知縣長廉雖在任時尙無浮加錢糧情事惟承各前任違制

奏稿卷十三

奏

遞加之後該縣不能早為革除以致袁廷蛟得以藉口糾眾圍城迫經起事又不能立時查拏懲辦實屬疲輒統領虎威營提督李有恆於辦理此案雖係迭奉嚴札勦匪且到東鄉後即經會同委員等出示安撫專拏首惡不治脅從迫袁廷蛟久索不獲而官渡又經撲營鄉民羣相閉寨該提督急於獲匪勢必率隊搜索而鄉民無知抗拒以致攻寨互戰多有殺傷即該營弁勇亦傷亡三十餘名此時酌理衡情似未便遽科以重罪即勇丁搜殺姦擄各情查明該提督實有正法擄掠游勇多人並清還各戶牛馬實據其無縱容搜殺姦擄可知其前慶善所指為該提督家眷查係該提督胞弟四川候補道李嶽恆之眷口由湘來

川取道小川北進省沿途誤指稱爲該提督家眷其實並無攜眷隨營之事今據委查皆同似無狡飾惟身爲統領不能整飭營務於所部劉道宗攜眷隨營管帶勇丁毫無紀律均無覺察實屬溺職應與長廉均照溺職例革職東鄉縣汛弁許安國綬定營千總楊開泰世職蔡啟祥於袁廷蛟滋事帶兵前往查辦並不設法解散因畏其人衆輒卽潛逃並將軍火器械馬匹拋棄實屬庸懦無能許安國楊開泰蔡啟祥均請一併斥革以示懲儆謝思友於袁廷蛟糾衆撲營時已奉札拔隊起程回省並未隨同各營攻勦應毋庸議候補知府王元晉兩次奉札飭查李有恆被參各節查明實無其事與委員所查均屬相符惟該員於

奏稿卷十三

奏

袁廷蛟滋事係爲鬧糧起見及帶兵官縱容擄掠各情未能卽時稟報究屬疏漏候補知縣周瀚於李有恆被參各節並未奉札飭查其署東鄉縣任內已將征糧一事核實減收並無不合惟身當委員查辦事務於袁廷蛟滋事係爲鬧糧起見及帶兵官縱容擄掠各情亦未經卽時稟報亦屬疏忽王元晉周瀚均應請交部查議前任綬定府知府易蔭芝辦理此案查無操切情事惟袁廷蛟聚衆圍城旣諭令解散究竟已否解散未經查實且不立時設法拏獲懲辦亦屬顛預業已降爲通判應免置議局士王宗恩與民人吳芳體等經收捐輸均係緞官承解確查並無勒派浮收情事且均受袁廷蛟之害甚重卽陳憲高亦係被

袁廷蛟逼脅前往嗣袁廷蛟在鄉滋抗均未同去情實可原應一並省釋以省拖累前督臣吳棠辦理此案實以東鄉向多圍城滋事之案深以地方爲重於稟報到時不及詳查遂派重兵並嚴札各營迅圖勦辦以免釀成大事雖爲慎重地方起見究覺辦理未協自應交部議處前護督臣文格並無徇庇李有恆情事卽辦理此案查核迭次批札均令勦撫兼施係屬正辦並無不合惟於劉道宗攜眷隨營一節其先未能查出不無疏略應請交部察議惟前督臣吳棠現已病故應否免其置議護督臣文格前已自請議處應否加恩寬免之處伏候

奏稿卷十三

奏

聖裁所有道旨查辦東鄉匪徒袁廷蛟聚衆滋事一案帶兵官有無縱勇妄殺姦擄各情現就委員查明情形參核案卷並現訊供情據情分別擬議各緣由是否有當理合恭摺具陳伏乞
皇太后
皇上聖鑒訓示謹
奏

丁文誠公奏稿

卷之十四目錄

議結鄰水等五州縣教案片 光緒三年十月十一日

英人吉為哩等游歷情形片 同日

英人窺探西藏陸路情形片 同日

覆核沈葆楨包饗立限摺片 光緒三年十一月二十九日

請 飭准商整理皖西引岸片 同日

馬邊夷務肅清摺 光緒三年十二月二十日

籌款修理都江堰工摺 光緒三年十二月二十八日

川省設立機器局片 同日

濟楚川鹽礙難加抽釐金摺 光緒四年二月二十日

奏稿卷十四目錄

江長貴安徽省建祠片 光緒四年二月二十九日

奏銷展緩寬免經徵各縣處分片 光緒四年三月二十九日

拏獲重慶瀘州巨梟片 同日

派員出洋遊歷片 光緒四年四月十一日

革職留任謝 恩摺 光緒四年五月初八日

遵 旨查覆劉長佑參款摺 光緒四年五月初八日

松潘番民改土歸流摺 光緒四年五月初八日

議結鄰水等五州縣教案片 光緒三年十月十一日

再光緒二年九月二十六日前成都將軍 魁玉前護督

臣 文格准總理各國事務衙門咨光緒二年九月十二日

奉

上諭總理各國事務衙門奏川省民教滋事各案請飭該

省迅速持平辦理一摺川省民教仇殺據法國使臣稱傷

斃教民二十餘命槍燬二百餘家與魁玉等函報該衙門

情節不盡相同此外該省鄰水南充巴州營山等處民教

滋事尚有四案是川省民教積不相能日與尋仇深恐釀

成禍患現在魁玉等函報該衙門內江縣有團民殺斃教

民之案鄰水縣有教民殺斃團民之案均有折燬教堂之

奏稿卷十四

事法國使臣即有鄰水教案請為保護之詞亟應迅速持

平辦結以弭釁端近來中外交涉事件甚多措置稍有不

當即致枝節叢生不可收拾該省教案層見疊出尤當設

法妥辦早為完結以靖地方等因欽此同日內閣奉

上諭四川省民人與該處教民挾嫌構釁案犯到官地方

官自應將滋事根由確切訊明秉公迅速辦結何得日久

拖延乃該處江北廳及內江鄰水南充巴州營山等處均

有民教滋事之案未據訊結殊屬延玩著成都將軍四川

總督督飭該地方官迅將各案查訊明確持平辦理並隨

時分別良莠撫綏彈壓毋任尋仇生事以靖地方等因欽

此當經魁玉文格欽遵轉飭各地方官妥辦未經辦結

寶楨到任後查各案懸擱已久若再遷延不結竊恐枝節橫生當即督飭署成縣道丁士彬川東道姚覲元並派委委員赴各該州縣查辦去後茲據該委員會同地方官先後將議結緣由稟詳到案查巴州之案訊緣同治十三年三月閬州民董郎賢與團眾赴教民楊明玉家搜捕竊匪李大春維時團鄰人眾順將楊明玉家錢物搜去楊明玉不服捏詞滋訟因董郎賢係案內緊要首被遠貿未歸未能訊結現經其母董喬氏遣姪喬昭然代質董喬氏願給楊明玉錢二百四十千以作賠償之用繳由楊明玉具領結案此案訊係一人一事尚無重大情節至南充營山內江鄰水四案均有打燬教堂折燬教堂之事南充之案訊

奏稿卷十四

二

由光緒元年五月閒該司鐸劉多默先行因事他出黃昏時不知何人將教堂打燬劉多默原控蕭用謙等率同團丁打燬亦係懷疑並無證據不能斷令賠償營山之案訊因是年縣試歲考應試童生往觀教堂經該堂看司阻止激成眾怒所致並無預謀主使糾燬情事該司鐸彭若漢指控之鄭朝樑等經該委員等提同人證再三研詰均稱並未在場而該堂之看司當打燬之時早經避禍遠匿又不能指出首禍之人當時既人多且雜今又事隔兩年更屬無從追問未便格外苛求致滋拖累內江之案訊係教民彭志順等誣平民楊正煥毀教將其私押勒罰錢文以致眾圍不服將教民彭志順鄉貴賢殺斃乘勢將城內教

堂折燬雖經查明係梅喜老么主首與受害之楊正煥將彭志順致斃而該二犯又早逃逸無蹤一時未能獲案無從訊辦鄰水之案訊由教民王同興糾黨多人夤夜至馮大洋家搶毀財物焚燒草堆殺斃馮賢貴賴洪順張場三命殺傷會有元一人教民被害者只劉大裕一人以致闔邑驚惶互相聯絡倡言逐教並將各處教堂及城內教堂一併拆燬計被燬教堂五處被燬教民房屋不下一百餘家維時各處棍徒乘機混入有藉團逐教任意擄掠者有非教而指為教肆意抄毀者人多勢眾究竟是民是匪當時未能區別而王同興一犯或云被團戕斃或云業已遺颺至今查拏無蹤無從究詰該委員與該地方官以該司

奏稿卷十四

三

鐸等原控各情及主教洪廣化原呈雖不免張大其詞而各處之教堂被燬房屋被燒眾目共覩究屬實有其事且鄰水教民畏禍遠避將近兩年其流離困苦不堪言狀情實可憫而各教民之不能回歸者其一切日用係由主教洪廣化墊賠均有底帳可核情亦難堪惟現辦此案既不

千八百兩內江縣銀四千兩以作修理各處教堂之用至鄰水縣一案折燬教堂五處焚燬房屋一百餘間且有乘機搶掠之事衡情酌理被燬之教堂既須照案賠修而被燒之民房多至百餘間且失去財物數亦不少教民均係中國赤子更不能不量予撫恤是以酌罰從前延不查辦之知縣李大林銀七千兩並再酌加銀一萬六千兩共給銀二萬三千兩以作修理五處教堂與撫恤被害各教民之需該司鐸教民等均各悅服即令出具永不翻異滋事重敦和好切結並備具領狀申齋前來 查各該縣教堂被燬事實情真查教堂係洋人所修工費不貲今被各團民所燬自應著落各團民賠還方昭平允惟賠修之款甚

奏稿卷十四

四

鉅攤派殊難且團民與教民結怨已深若再勒令賠修教堂心必不甘則此後民教之仇愈固結而莫解所有修費自應由官酌給不必派累百姓以期日久相安惟鄰水一案所議之數甚鉅但據該委員與該司鐸逐款分晰其中賠償洋人教堂者無幾大半皆撫恤教民之需非供司鐸等之中飽查教民均係中國百姓未便歧視 等當即允如所請照所議之數於釐金項下分別撥給各司鐸等具領完案惟民教滋事總由不遵條約及地方官不為速理之故現又飭令各該地方官以後遇有民教滋事之案即為迅速持平訊斷該主教司鐸等亦不得格外挾制干預期於彼此相安現在川北各處從前未結教案均已一律

議結其因此牽連京控各案亦已銷除毫無轉轍此外惟江北廳與涪州兩案議結稍需時日而涪州之案已有成局僅江北一起輾轉議辦總由川東主教范若瑟主持不定所致現已批飭該主教趕辦並令委員與地方官設法開導似亦不難了結除將現案議結各緣由暨各司鐸領狀甘結鈔咨總理各國事務衙門備查外所有奉旨查辦之鄰水內江南充巴州營山等處民教滋事各案辦結緣由謹會同成都將軍 臣 恆訓附驛具陳伏乞聖鑒訓示謹

奏

奏稿卷十四

五

英人吉為哩等游歷情形片 光緒三年十月十一日

再駐渝之英人吉為哩於五月三十日由成都省城起身前往西藏一路回國英員貝德祿於六月十六日由省起身赴越備嘉定我邊雅州甯遠會理州打箭爐等處至滇省一帶游歷均經派員沿途護送並密查該英員等行徑先後附奏在案續據護送委員鍾坦來稟該英員貝德祿於出省後執意欲去涼山普雄各地方會晤獯夷力阻不允因於到越備時密囑營員喚來城當差之熟夷前來教以語言令其到貝德祿寓所故作窺伺貝德祿一見該夷即喚入內給以飲食細詢夷地一切情形該夷兵即照該委員等所教之言回答並以涼山夷人係屬生番見人即

奏稿卷十四

六

害其語言伊等亦不能知等語嗣由越備起程沿途所見多夷細問情形大略相同貝德祿始信為真到登相營時始不提及前去涼山普雄之語及至渣沽又以觀星未準耽延一日到甯遠府即由該府另派委員會同護送出境至雲南巧家廳交替旋據瀘州知州田秀粟稟報該英員貝德祿又於九月十六日與副員麥良臣由滇省富官村一帶行走復入川境至瀘州即日赴合江前往重慶等語並據各沿途稟報貝德祿沿途皆密繪地圖行走尚屬安靜至吉為哩一名由省行至打箭爐出口行抵巴塘本係入藏之路茲據該塘委員趙光燮稟報前奉文以英人赴藏游歷飭令保護彼時即聞藏番有阻攔之說該英員到

塘時不欲入藏擬由巴塘赴滇回國該委員以江卡地方與巴塘毗連以甯靜山為界凡有差事進藏江卡即派馬隊四出哨探以致巴夷喇嘛亦多附和最易滋事該英員既不進藏即不必過江卡但恐江卡兵夷越界另生枝節該委員當飭土司飛調馬本傳集土兵又飭蟒里宗俄兩協傲各帶土目羣兵隨同護送行過邦木塘復飭塘兵馳往甯靜山告以英人係由巴入滇不必驚疑一面即分路赴甲乃頂前進行過山坳遙見甯靜山下有帳房人馬排立該委員只得在後待吉為哩等行過始隨後前進幸該處人馬未動只連放數槍隨即諭令英員趕緊前行幸免無事各等語 臣查該英員等來川住紮重慶查看通商事

奏稿卷十四

七

宜茲一則由川赴藏又由藏赴滇一則由川赴滇又由滇回川行蹤迄無一定其為查看道路形勢探明風土人情以為日後擬由該國陸路出入川境可知但該國由藏入川較之由滇入川須繞行緬甸道路較近緣廓爾喀與英連界僅一山之隔而後藏與廓夷毗連故也 臣於此次該英員由藏赴國頗為竊慮因前有西藏探路之約未便阻止當飛致巴塘各委員沿途妥為查看今以藏番有阻攔之信而該英員乃廢然思返實為目前一大幸但該英員注意於此以後尤當隨時妥密防範 臣惟有竭智盡心事過之於幾先藉以上慰宸廑除會函達知總理衙門外謹附片陳明伏乞

聖鑒謹

奏

奏稿卷十四

八

英人窺探西藏陸路情形片 光緒三年十月十一日

再英人前有西藏探路之請其用意狡誦臣心竊慮之到川以後恆切切防維思欲暗中設法補救以為得尺則尺之計此次貝德祿吉為哩二員明為查看通商事宜乃徧地游歷或則欲會涼山猓夷或則欲由藏赴國沿途詳繪地圖其幾已見臣竊揣英人之意從前專注意海疆今則二十餘年船礮既極堅利而沿海之地勢人情亦經熟悉自以為經營就緒惟不通海疆之四川雲南貴州湖南廣西甘肅陝西山西河南數省未能水陸相通彼就目前視之實覺毫無可恃故又欲以向之致力於海疆者轉而用之於西南各省然必擇其與該國最近之省先為入手徐

奏稿卷十四

九

圖推廣而與該國最近者莫近於蜀滇次之而蜀又為數省中菁華聚集之所故英人此時用意在蜀蜀得而滇黔歸其囊括矣此實英人目前肺腑之謀也且查川省門戶在前後藏外接披楞即英孟加拉之屬部披楞又名噶里噶達孟加拉又名第里巴察與後藏相近之阿里皆古東印度地英既占東南中三印度之半窺伺後藏久矣從前為布魯克巴廓爾喀之中界哲孟雄邛大山所阻山極險峻中通一綫道光年間哲孟雄屬於英此山已為英所據前二十餘年海道未甚通印洋煙入川即由此路彼若此時將山開鑿即可長驅入藏幸尙有布魯克巴廓爾喀界連前後藏足以為我藩籬查布魯克巴全境不麗印度廓

爾喀兵力頗強前此英人并吞印度未能侵其寸土至今
憚之現在英人通藏必由此道此二國足與為難若將該
兩國極力羈縻絕英人近交之計則兩藏不失要隘我得
自固藩籬且查英人從前於北印度取塞哥屬部加治彌
爾即有欲赴藏通市之意是其蓄謀已久今若不將布廓
兩國極力籠絡英人將來必設法相與連和則西藏一無
屏蔽而川省門戶遂失必恃西北毗近番猺夷地數千里
以為界限而番猺各夷貪而無親誠恐英人啖以金錢則
川省事勢破裂所關非淺臣日夜籌計所以前奏欲在甯
越附近夷地一帶試辦開礦非為牟利實欲藉此聯絡番
猺夷人為先發制人之舉但恐力量不能遠及寢食難安

奏稿卷十四

十一

竊查洋人入川情勢實為中國陸路一大關鍵未可視為
末務臣愚以為欲圖內地之安則境外之藩籬必先自固
蜀之門戶在西藏而西藏之藩籬在布魯克巴廓爾喀今
廓爾喀本遵例入

貢臣服維虔惟布魯克巴久未貢獻此時若將廓爾喀厚
為羈縻而

密飭駐藏大臣設法修好於布魯克巴陰為外助則自可
以伐英人入藏之謀此必然之勢况布魯克巴本於雍正
年間准其內附今若

殊恩遠沛准令聯舊日之情該國必將感激効順夫此舉
因利乘便在我第行所固然非同創局他人即不能藉生

異議細審前後情勢似應早為酌辦毋令彼族得以播弄
暗中撤我藩籬也至將來洋人如有請於蜀滇兩省開廠
及由川赴藏通商各事似須設詞婉拒令彼水陸不能相
通庶知有忌憚不敢遽行思逞其關繫全局實與海防相
為表裏臣愚昧之見是否有當謹附片密陳伏乞

聖鑒訓示並

密飭總理衙門妥慎議行再廓爾喀本屬遵例入

貢臣因山陝徧地饑荒道路不能暢行已據情奏懇

恩恤准予暫免一次如以臣說可採可否於此次暫免外

特沛鴻施厚加

賞資用示懷柔之處恭候

奏稿卷十四

十一

聖裁謹

奏

覆核沈葆楨包饒立限摺

光緒三年十一月二十九日

奏為覆核兩江督臣沈葆楨奏請包饒立限收復引地一摺操之過蹙窒礙難行恭摺據實具陳仰祈

聖鑒事竊臣接准兩江督臣沈葆楨咨送包饒立限收復

楚岸引地並議覆部議淮南先籌銀五六十萬兩解川以

備開辦滇引之用各摺片稿到川咨明妥議具奏又准湖

廣督臣李瀚章咨送議覆江督章程未能允洽並附奏禁

川復淮關繫數省大局各摺片稿到川臣詳細披閱在沈

葆楨總理淮綱亟圖規復舊制遂有包饒立限之議為淮

商計兼為川鄂計非不至周且密等曷敢不秉公辦理

和衷共濟顧作事必準乎人情則推行鮮窒求治必因乎

奏稿卷十四

三

時勢斯成效可循如原奏所稱包饒立限兩事臣愚以為

名則是而實則非也查口岸商人領引認課是其專責然

必引銷而後課足如引銷不足額則為積引鹽務定章原

准其分年帶徵未聞令按年包認誠為天理人情之至夫

課屬正供尚無包認之理若饒則非商人應完之款款非

其所應完而必勒之以按年包認彼商人持本求利本一

而利十猶將不足若利未形而本先折其誰願之聞今日

淮南商售鹽每引獲利甚微茲因復岸而勒令包饒就現在

楚岸計之虧本實甚虧本以謀利淮南獨非人情乎顧或

者曰包饒既於商不順該商又何以具結包認曰是殆迫

於目前之權勢不得不面從以塞責且亦熟計包認之後

即解不足數官究無法以束縛之耳商人狡獪伎倆每出

恆情之外以利誘之方且故為觀望以勢迫之何能踴躍

輸將現在川鄂京協各饒恃鹽釐以為大宗若一旦舍隨

時有著之款而仰息於懸而無薄之商設使包認之後解

繳不足問之商商則曰局中代扣商不得知也問之局局

則曰鹽未售出銀無從扣也不得已而咨之江督則又曰

行局飭商趕緊扣解也彼此輾轉推延而指撥之款憑何

取給急用之時將何指望乎此則包饒之說誠不可據為

定論也至興辦黔邊本屬川省分內之事現在始基甫

創一切經營曾無把握安敢遽作復淮之想且黔中兵燹

二十餘年民靡子遺村市為墟銷路尚須新開口岸豈能

奏稿卷十四

三

驟復臣此次試辦實因清查邊計各引積滯過多課羨無

著而且川東之私梟日熾黔省之招復倍難故極力為此

冀將川商徐導入黔為得尺得寸之計以維川黔大局而

創辦非易即運本一項前奏借撥鄂東兩省銀四十萬迄

今竟成畫餅不得已暫就本省藩鹽道各庫暨各州縣發

商生息項下勻湊銀三十五萬兩先行開辦而持此涓滴

有限之本銀以籌一萬數千之邊引前空後竭辦事之員

掣肘萬狀即使寬以年月尚恐不能著有成效是以臣前

奏試辦黔岸即將濟楚不能遽停預為陳明今沈葆楨乃

謂臣辦黔邊已存讓淮之心遽請以此奏奉

旨之日即為禁川立限之始是其急於復淮遂不暇將今

日黔岸之荒廢及_臣試辦之艱難一為深長思耳且禁川之舉以現時情勢籌之實有萬難遠行者_臣從前熟閱復淮之議比到川後即經派員詳查始知川省井竈鹽積如山而託井竈為生者即自流井一處已不下百餘萬眾加以船戶水手又不下數十萬眾率皆貧極無賴之徒朝不謀夕平時即虞其滋事刻加防閑至向井竈商人微示以禁川入楚之意則僉稱川井之開楚鹽之行從前皆奉文招徠並非私辦今何以忽行禁止必無其事愚頑之民眾口一詞其理似勝即_臣此次議辦黔岸各井商不知底蘊即謂黔岸舉辦濟楚將停萬眾交譁訛言四起經多方示諭始就安帖而疑團不釋心向皇皇夫辦理黔邊與禁川

奏稿卷十四

古

入楚何與而井商已刻不自安若禁川之議必行則百數十萬無業之民生機頓絕勢將鋌走川鄂之禍決可立見是不惟復淮不能行將黔岸亦不能辦而亂機一動亦恐非旦夕所能藏事方今西陲軍務未靖尙需重饒而北路山陝豫各省已成普災饑民徧境賑撫無術逃入川境求食者絡繹於途大可隱憂川省近接秦晉設因此有意外之事恐一呼四應其害將不止於川鄂大局所關實非淺鮮時勢若此更不可不長慮而卻顧也至原奏謂楚岸為二百年來淮南固有之引地而責之以祖制不可違

國計不可誤誠為至論惟_臣竊思淮南楚岸當我

列祖列宗承平無事之時大經大法普天_臣民同此遵守誰敢更易迨我

文宗御宇適值東南不靖淮鹽梗塞楚民淡食不得不以川鹽濟之其後百計招致商運漸開又復藉釐助饒削平大難由今思之安得謂率由舊章者為是而變通盡利者遂為非也查此次李瀚章覆陳各情剴切周詳洞澈利害_臣亦何庸多贅惟沈葆楨以_臣此次辦理黔岸即欲立限復淮如果事屬可行_臣等萬不敢稍存畛域置淮鹺於不問且_臣正擬疏通邊引亦可藉此一舉移濟楚之商轉而運黔事機豈不甚便無如時勢殊多窒礙_臣實不敢稍為

奏稿卷十四

五

遷就貽患無窮計惟有實力措辦黔邊俟將來銷路漸開漸暢可以與楚岸相敵彼時川商之濟楚者或可使漸歸本岸則不必亟議復淮而淮自復似較之目前強辦形格勢禁者實為有利無害用力少而成功多也至另片覆陳部議淮南先籌銀五六十萬兩解川以備開辦滇岸之用一節查沈葆楨所陳情形似已有為難之勢_臣逆揣淮南亦恐難集此鉅款即使淮南商慨允湊解而川省以應辦本岸累及隔省商人於理未順於心何安且此時初辦黔邊滇岸係屬緩圖但使黔岸自此順手逐漸暢銷則黔岸現在之運本日後挪之以辦滇亦足資應用正無須苦累淮南為此不情之舉也所有包饒立限禁川入楚窒礙難行

未能遽辦各情形臣愚昧之見是否有當謹據實稟悉恭摺具奏伏乞

皇太后

皇上聖鑒訓示謹

奏

奏稿卷十四

六

請 飭淮商整理皖西引岸片光緒三十一年十一月二十九日

再臣於同治十三年請假回黔道出金陵晤前兩江督臣

李宗義論及兩淮鹽務臣以為淮鹽向分皖西鄂湘四岸

鄂湘為川分占無怪銷數不旺第不識皖西近日能疏通

否李宗義謂現在行票不免散漫亦未遽行通暢等語迨

臣上訴皖江隨處諮詢僉稱官票之鹽實不及販私之夥

推尋其故則云票無總領來去可以自由雖設局督銷從

無足額之日果如所言則淮岸之為病尚不盡在湘鄂也

查皖西本兩淮專岸為今之計如果皖西尚滯似不若商

之淮商令其設法先行整理俾切己之專岸有著則銷路

漸暢引課自增如此辦理數年則臣所辦黔岸亦稍有頭

奏稿卷十四

七

緒然後徐將濟楚川商漸引歸黔默化潛移不求欲速於

淮鹽不致過慮滯銷於川商亦不致過形操切似為淮川

兩便之道愚昧之見未敢自是謹附片具陳可否

飭下戶部核議咨行兩江督臣查明酌辦伏乞

聖鑒訓示謹

奏

馬邊夷務肅清摺 光緒三年十二月二十日

奏為查辦馬邊夷匪迭克沙匡一帶堅巢夷眾畏威投誠現已及時戡定全境肅清恭摺仰祈

聖鑒事竊 寶楨前會同成都將軍 魁玉將馬邊夷匪負隅抗拒經官軍迭次進剿收復核桃各汛地辦理得手緣由恭摺奏明在案嗣於光緒三年八月二十二日欽奉上諭著丁寶楨飭令各營乘此聲威迅將沙匡一帶聚匪盡數殲除毋留餘孽一面安插降眾解散脅從妥籌善後事宜俾地方日臻安謐等因欽此謹即轉飭各營將領暨該廳營等一體欽遵辦理去後 寶楨諭知沙匡一帶為各支悍夷麇聚之所肆擾內地均由此出沒而附近之土

奏稿卷十四

六

地坳鑽天坡觀音巖等處天生奇險該夷等倚為門戶以拒官兵此次進剿沙匡必先攻堅奪隘乃有進步前派候補道周振瓊所部靖武全軍在防日久兵力不無疲乏恐難得力當將該營調回省城暫予休息另派副將銜儘先參將李培椿統領所部壽字三營前往接勦會同各營將領籌商妥辦仍恐兵力尙單又調管帶達字中營遊擊張祖純督率所部馳往馬邊歸統領達字營總兵張祖雲調遣以期厚集當經分別檄飭遵照仍於批牘中再三嚴飭穩慎進取切勿毋為賊所乘致傷精銳而損軍威茲據李培椿張祖雲署馬邊協副將賡良署馬邊廳同知周儕亮等會稟稱查沙匡夷巢居廳城及左右兩營之中從前平靖

之時本有數道可通因被夷人侵占盤踞多年去廳城十里以外即成老林現只有兩路可通皆係崎嶇窄徑間不容足各營欲勦辦沙匡仍應分兩路前進而路徑又苦於曲折難尋周儕亮當即捐資添募本地團勇十哨以作鄉導分四哨歸李培椿節制由左路引導進攻沙匡之前分三哨歸張祖雲節制由右路引導進攻沙匡之後其餘三哨歸辦團委員蹇誥節制帶赴黃茅岡一帶紮營相機策應賡良亦派外委黃吉祥黃占先分帶制兵赴大有汛走馬汛兩處協同堵勦提督胡國珍仍駐左營總兵劉順望仍駐右營撫綏已降夷支兼防意外之變總兵李忠楷仍紮原壘以防該夷撲我後路並密於三營中抽隊助勦分

奏稿卷十四

九

布已定約於九月初一日為進取之期凡兵勇團練均令裹帶十日乾糧隨進隨紮有進無退李培椿抵花椒坪磨子坪兩處相度地勢遙見對山土地坳危巖聳立最為奇險中有一綫可通乃進攻沙匡要路其三面均係峭壁無徑可以繞襲乃派勁卒躡探該夷匪已於坳上添修礮卡數座豎立木柵排列插石為禦敵之具李培椿以我軍非先奪此隘決不能進搗沙匡當飭武字營總哨唐珊峰壽字中營營官游名揚廳勇哨長凌太川各率隊伍由磨子坪跨山而下順巖以攻其右壽字前營幫帶胡超羣中營哨長黃仕明及管帶廳勇熊家恆率領哨隊鄉導從花椒坪而進以擊其左李培椿自領營官汪期紳並率團勇彭

國恩等由土地坳中路迎頭截勦並令副將陳貫甲參將李修德各帶勇丁緊相接應以防夷匪於別徑繞撲後路八月三十日四更即整隊前進將抵土地坳時天尙未明李培椿逆料該匪必有埋伏當飭各勇將槍礮備齊銜枚疾走及抵坳下果有夷匪千餘人突出我軍大聲吶喊出其不意槍礮齊施轟斃夷數十名各匪不虞官軍猝至驚潰回坳擗石雨下時我軍已經深入皆不避生死攀藤附葛拋擲火蛋火箭其坳上礮柵被火燃燒煙燄彌天夷匪不能抵禦我軍一鼓直上乘勢追殺直逼沙匡逆夷傾巢而出時左右兩軍亦由後接踵而下李培椿分三面夾擊詎夷匪見老巢爲官軍所逼拚死格鬪兇悍異常鏖戰

奏稿卷十四

三

三時之久殲斃悍匪數百名落巖墜澗者不計其數該夷猶抵死衝突李培椿又暗撥精銳二百名橫出沙匡之後抄襲夷眾見後路官兵又進始行驚亂四散我軍乘亂衝殺皆如猿升木盡往老林竄匿當將沙匡堅巢立時攻克其順河一帶夷棚數千間悉數焚燬遙見右路之軍亦由對岸轟擊而來正督隊接勦間適值大雨且天色已晚只得收隊即就沙匡駐紮逐日派隊接勦伏匪伐樹焚山以清內地此左路九月初一日搶奪土地坳隘口及攻克沙匡之實在情形也至右路則以鑽天坡觀音巖爲要隘張祖雲先知會劉順望抽撥精銳交百長楊光雲等帶至走馬坪助勦又飭張祖純督帶親兵並百長邢有能等協同

團勇三哨於初一日黎明由魚濠口進攻沙匡之後一面調撥駐白羊溝之新前營總兵黃三秀幫帶營官章世榮中營百長熊吉良各抽六成隊伍派定章世榮領作頭隊黃三秀爲二隊張祖雲自領親兵與管帶廳勇曾佐賢爲三隊均於八月初十日四更拔隊由白羊溝進勦鑽天坡等處九月初一日黎明督隊齊至白羊山坳下即屬密菁老林無路可走各軍斬茅開路穿過深箐僅有小路一道已被夷匪用木石攔斷草內徧釘鐵籤前隊不知受傷二十餘人嗣各隊繼進隨拔隨走歷盡艱危於午刻抵油石溝夷巢該夷亦不虞我軍之冒險突至也倉卒迎敵被章世榮洋礮環攻而黃三秀又由鑽天坡下面循路抄至賊

奏稿卷十四

三

後我軍勇氣倍增夷眾不支四面潰逃張祖雲揮隊追勦殲斃悍匪百數十名焚燬蠻棚一百餘座當將油石溝奪獲正擬進攻鑽天坡日暮大雨山霧迷漫暫行收隊在坡下結營露宿次日雨甚霧密難於出隊初三日雨止霧收即飭黃三秀等各督哨隊進攻鑽天坡各弁勇奮力死戰以槍礮連環互進先搶上觀音巖守隘各匪併力抵敵我軍用噴筒火箭同時並發沿燒夷棚該匪見勇氣甚銳不能抵禦退竄老林當於是日已刻將鑽天坡攻克而觀音巖亦隨同奪據該兩處山勢極高憑眺俯瞰遙見沙匡夷巢已被左路諸軍克復張祖雲擇要扼險即在鑽天坡觀音巖油石溝白羊溝沙匡等處分隊立營以資聯絡逐日

抽隊焚山刊木搜勦匪匪周儕亮又添製火藥鉛彈繩索多備鋤鉤鑷等器分運各營接山清野此右路九月初一初三等日奪據觀音巖及攻克鑽天坡等處要隘之實情也各營查驗我軍受石傷弩傷籤傷者百五十餘人幸未陣歿一人奪獲夷匪刀矛皮甲氈衫一千數百件焚燬蠻棚二千餘間先是周振瓊等收復核桃汛地後卽有白瓦捏別阿奴等家三支夷酋肉袒牽羊請營求撫嗣又有小木干了花兩支亦來營乞降經該將領等優加犒賞曉以利害責令清繳漢人退還侵地兼縱令回巢徧告各夷支示以威德而住牧涼山各大支及附近之兒馬吼卜惡莪等支持其險遠以爲非兵力所及抗拒依然幸自攻克

奏稿卷十四

三

沙匪以後險隘堅巢盡失該夷無可負固遠近震動十一月初十日內外左營八支右營十五支黑夷均先後來營乞降爭繳出從前擄掠之漢人四百餘人其餘仍自認陸續清繳二十三二十六兩日左營齊集黑白夷三百餘人右營齊集黑白夷四百餘人跪求敵血爲盟永遠投順該將領文武等猶恐該夷未能真心歸降先爲之定立條約逐款解說與該夷通事人等令其詳細告知如願遵從卽准受撫儻有不願各卽回巢聽候痛勦該夷等均叩首叩地哀鳴不起該將領見其真誠乃嚴整隊伍在於廳城外校場受降該夷等均各領酒歃血誓不復叛馬邊廳全境暨左右營地面均已一律肅清等情會稟前來 臣等伏查

治夷之道原無盡滅之理故歷來善治夷者惟在以靜治動以逸待勞不能純任兵力蓋得其地不足爲利得其人不足爲用而頓兵耗財與犬羊角勝負殊爲無益然不大示以兵威則無以懾其心而撫亦斷不可恃馬邊一帶內外黑白諸夷自道光中年倡亂以後用勦用撫不下二十餘次而旋勦旋撫旋叛且有此方就撫而彼已復叛者及至咸豐四年核桃汛各處被夷占踞後迄今二十餘年數百餘里之鄉場村寨竟成夷巢漢民死亡流離慘難言喻現雖有左右兩營均孤懸在一百數十里以外與廳城聲息不通其勢已成贅瘤不過夷人尙藉此以爲與漢人交易煙茶布粟之地故略而不取耳若非采入其阻大張撻

奏稿卷十四

三

伐斷難望其俯首服從相安無事今幸仰仗天威將領奮勇士卒用命先收復核桃汛地以扼其吭繼殲除沙匪聚匪以孤其勢而又將土地坳觀音巖鑽天坡等極險要口全行奪據遂使內外二十三支夷眾動魄驚心先後歸附卽住牧涼山各支以及較近之兒馬吼卜惡莪等支亦不敢恃其險遠率眾懇降及時戡定全境肅清此後地方官如能撫馭得宜可期烽燧無驚邊陲永靖 臣等現在惟督飭該將領廳營等勒令將以前搶去漢人全數清繳安業並責令各支黑夷上班當差以爲要質其一切建碉築堡俾資捍衛內地之處已飭該將領及該廳文武各官趕緊次第切實舉行以期一勞永逸惟 臣此次辦

理夷務詳審各該夷易於叛亂各情大約以支數太多夷戶日眾頗有各為雄長不相統率之勢將來似須設立土千百戶及土酋長土目各項俾其有所鈐制庶在彼乃各有所統屬而在我亦得以專責成方臻妥善容_臣詳細酌度後再行奏明辦理至此出力之將領員弁屢瀕危險備歷艱辛出師於蠻煙瘴雨之鄉奏凱於積雪堅冰之地且將數十年來侵地數百里一旦全行收復功深戰苦較之內地軍務攻城奪隘者其勞績實為迥異相應懇天恩從優議敘以示鼓勵其餘尤為出力文武員弁兵勇團丁可否容_臣等查明彙案奏咨請獎出自

奏稿卷十四

臣

逾格鴻慈所有勦辦馬邊夷匪迭克沙_臣一帶夷巢現已及時戡定全境肅清緣由謹合詞恭摺由驛馳奏伏乞

皇太后

皇上聖鑒訓示謹

奏

籌款修理都江堰工摺 光緒三年十二月二十八日

奏為勘明成都府屬之都江堰關繫十數州縣水利頻年江流泛溢衝毀民田現擬籌款修理恭摺仰祈

聖鑒事竊查江水發源岷山東南入夷地歷松潘理番茂州汶川之境合支流而匯於灌縣秦時法水為患蜀守李冰於灌縣西南鑿離畢穿為二江中築都江堰導水分流藉溉農田其利始溥而水強土弱歷代均須修葺

國朝雍正年間定有歲修之例准其動用公項由官修理按年題銷而銀數無多江流綿長並分內外二支上下百餘里大堰之外旁築小堰甚多官工實難徧及全賴民間自行捐資隨時挑築藉衛田畝計民工數倍官工自咸豐

奏稿卷十四

臣

年間軍興以後糧戶於正供之外加完津貼繼以連年捐輸小民竭蹶供億無力兼顧專恃官工補苴罅隙又以經費短絀顧此失彼致二十餘年來江底愈淤愈高水漲輒多泛溢衝刷隄堰沿江田畝時報坍塌小民失業空賠糧賦迭經赴省控訴又每逢雨水稍多之年省城城內即須行船雖經前督_臣委勘飭修因軍餉緊急庫帑空虛實無鉅款可籌未能興辦_臣蒞任後復據成屬各士民紛紛呈訴以現在工程緊要民力萬分拮据請將淤墊過甚之江心百餘里懇求發款挑浚其餘各岸工程尚多該紳民等仍願自行集資修理情詞實為迫切_臣以耳聞不如目見灌縣離省僅百餘里隨於本年九月閒輕騎簡從率同署

成縣龍茂道丁士彬隨帶熟悉水利之員親詣都江堰詳細履勘見內外兩江節節淤墊較舊時江底高至一二丈及八九尺不等兩岸沙灘上與田齊亂石縱橫中流阻塞灌縣溫江崇甯邛縣崇慶州等處民田衝毀已至六七十萬畝若不准予挑修非但已衝之田不能復業且恐成都十六屬州縣一遇大水浸成澤國而省城地處下流亦恐淹浸臣查悉工程實有萬不可緩之勢雖刻下庫款支絀而賦出於民民出於田且百姓正賦外加徵津貼已三十餘年收數不下一千六七百萬兩又自同治初年辦理捐輸每年約計八九十萬兩迄今已十餘年收數亦不下一千二三百萬兩此皆出自按糧攤派茲若省一時之費拂

奏稿卷十四

奏

萬姓之心使之莫保田廬恐以後津捐難期踴躍殊失遠大之計况該紳民等僅請官為修理江心此外兩岸堰工仍願自行按戶捐辦以後歲修一切均照舊自為經理若竟置之不理實不足以對百姓當即督同委員逐段切實估勘擇節核實統需經費九萬餘兩方能將內外兩江一律疏淘並將坍塌堰隄修砌完好保衛十餘州縣糧田為一勞永逸之舉值此冬令水涸亟應及時興工俾明年春江盛漲不致再行泛濫衝灌良田臣現署成縣龍茂道丁士彬親往工次督署水利同知徐傳善署灌縣知縣陸葆德等催集人夫趕緊興工先濬外江限日分段疏淘一面飭令民間按戶集資趕築隄堰並分撥駐省之靖武營

勇丁前往工所幫同夫役併力淘淤以期速竣要工臣於興工後復親詣該堰指示機宜察其勤惰衡定賞罰各該員役民夫等均能踴躍從公惟查司庫空乏異常此項工需又刻難再緩臣現商之藩司以正款無可動撥惟有於各州縣存寄司庫應領各款內暫行湊銀九萬兩陸續分解工次應用將來即由鹽貨各釐金項下撥還再行設法勸捐歸還釐金俾免挪用正款以期節省庫項臣當嚴飭各委員等核實樽節不准稍涉虛浮統俟工竣再行由臣查驗具奏所有都江堰工緊要設法籌款興修緣由理合恭摺具奏伏乞

皇太后

奏稿卷十四

奏

皇上聖鑒訓示謹

奏

四川省設立機器局片 光緒三年十二月二十八日

再槍礮為武備要需近年外洋製造精巧便捷實為禦侮利器四川省各營近多習用此槍然皆購自上海各處洋行價值甚貴而又不知修理之法一經損壞即成廢物殊為可惜 臣前赴川時奏明將候選同知曾昭吉隨帶前來擬設一機器局仿照外洋槍礮之巧如法製造一可免購自洋行受其擡價之病一可將舊用朽壞槍礮隨時整理藉以濟用當即籌措款項飭曾昭吉於上海揀擇緊要機器購辦數十件由長江駛運來川以資應用其餘機器曾昭吉心思奇巧即令自行創造現已在於成都省城擇地建造房屋設立機器總局派委候補道夏崧勞文翻總理局務並派成縣道丁士彬會同妥辦其應需經費一切擬不動支正款即在於川省土貨釐金項下撙節動用惟川省協款過多釐金亦不敷分撥 臣復飭鹽道於茶引加票項下設法籌辦藉資小補至該局甫經建造所有需用購運機器及造房各費並委員司事工匠一切薪水工食統俟明春三月局房造成將機器各件安置妥協開造槍礮後再為奏報並將各用款核實各部查銷謹附片具陳伏乞聖鑒訓示謹

奏稿卷十四

天

濟楚川鹽礙難加抽釐金摺 光緒四年二月二十日
奏為川省濟楚鹽商成本已重銷路已窄釐金有關饒源礙難再行加抽現在設法勸商公捐並由省庫先籌墊解以濟豫賑恭摺仰祈

奏稿卷十四

天

聖鑒事竊 臣准戶部咨據幫辦河南賑務刑部侍郎袁保恆咨豫省災廣民眾需款浩繁擬借各省富商銀兩即請暫緩停止川鹽濟楚加收釐錢以備歸還如還清之後川鹽仍然暢銷即將加收釐錢撥抵准課定為常則經部 臣議以兩楚例多食淮鹽口岸法變則弊愈生不必輕更成憲至於向章之外加收濟楚川釐以還豫省欠款驟議加徵於饒源有無窒礙並近年川銷暢滯情形及川商是否獲利較厚應由 臣趕緊查明覆奏辦理等因當即督同鹽茶道蔡逢年悉心查議茲據該道詳稱遵即傳集在省商人告以豫省饑饉情形勉以大義飭議加抽濟楚鹽釐以濟災賑旋據該商等懇陳近年運銷楚鹽每引一張完稅羨銀九兩零需鹽本銀一百二十兩運費銀五六十兩川釐減成釐銀四十六兩楚省按勛抽釐以錢合銀約計一百二十餘兩加以商號人工費用共需銀三百七十八兩而川江阻險歷年商運船隻損沈溺鹽包多少難計此項成本尚不在內以楚省現售鹽價計之已虞虧折兼以楚岸劃分銷路甚窄又川鹽銷岸復准淮鹽行銷楚岸民食不能再加一文之價商等懇何加納釐金務求憐察

以免歇業等語該道查係實在情形萬難抑勒從事復以救災恤鄰之意反覆勸導始據邊計楚各商共認勉力捐銀五萬兩仍請陸續湊繳一時力難全交等情據詳前來臣查川省從前地丁稅課入不敷出其京協各饒指撥之款甚鉅全賴釐捐以資撥濟而釐金以鹽為重尤以濟楚為大宗濟楚鹽釐之衰旺實關川饒之盈絀自淮鹽上運楚岸劃分以來川鹽銷路甚窄銷數日滯商人觀望不前議欲停運前兩年因恐釐金無出貽誤饒精又恐濟楚一停商竈失業變亂滋大不得已將廠渝各處釐金一再核減每引一張共收釐銀四十六兩稍期補救無如川鹽成本甚重楚岸鹽價日落商困終不能蘇臣去秋因力為規

奏稿卷十四

三

復黔岸之舉以救商窮而顧全局又以川鹽引張積至一百餘萬課稅欠至一百數十萬無從彌補乃為力清其弊始知引積課懸之故在於加勛因查明川省從前奏定科則每水引一張配花鹽五十包每包重二百勛自同治元年以後商人因各處釐金過重每包私加至三百餘勛暗資貼補臣維天地生財原祇此數此有所盈彼即有所絀鹽勛加重引積課懸勢所必然乃將鹽勛改歸舊則而為之酌加滿耗繩索二十勛以恤商情定為每鹽一包只以二百二十勛為準永禁私加之弊該商等又以包輕釐重更虞折本紛紛呈懇減釐以救商困而體察情形似尚不能不量從末減是川省現收之釐方議量減何能再議加

增且臣去歲開辦黔邊鹽務成本毫無妙手空空無從設措彼時濟楚之釐可以稍加已早為設法奏明辦理俾資挹注何至亟亟告貸於東鄂兩省今袁保恆乃請每勛加收釐錢八文或十文是每引一張應加釐錢一百餘串合銀約七八十兩較川省釐數加倍固知豫省待賑孔殷始為此不得已之請第此時川中情形銷路之窄若彼商力之疲若此欲議加增實有萬難之勢夫商人惟利是圖縱不能多所贏餘亦必稍有沾潤茲若必取盡錙銖則商人勢將停運鹽運一停釐即中止不但於豫省無所裨益即秦隴滇黔新疆各軍饒之待協於川鄂者均一旦同歸於盡貽誤實非淺鮮如云楚運一停則淮岸可復豈非幸事

奏稿卷十四

三

不知楚運停後廠鹽即無處出銷井竈必因之歇業則目前川省數十萬貧民託此為業者一旦生機頓絕後患尤不堪設想是商運一停關繫時局者尤大正不獨釐金無出之為可慮也臣謂賑款固當預籌而饒項尤宜兼顧極為切要之論臣連日揆度商情參以時勢如必勉強加抽既有礙於各省饒需並有關於川鄂大局殊未敢輕為嘗試惟是豫省災黎待哺情殷際此情勢萬分喫緊何敢稍分畛域因為公捐協助之議勸諭商人茲既經承認捐賑銀五萬兩是該商等尚能深明大義惟據稱捐款一時難繳若必待其繳齊再行解豫誠恐緩不濟急計惟有在於司鹽兩庫應解各省協饒內先行勻撥墊解以應要需

一俟將來捐項收齊再行撥還原款庶可濟豫省目前之急而於川鄂饑源時局亦無大礙除將墊款銀兩飭令司道趕緊籌解並分咨外所有川省濟楚鹽釐萬難加增並另行勸商公捐暨籌款墊解緣由理合恭摺具陳伏乞

皇太后

皇上聖鑒訓示再此摺係為賑務緊要謹由驛五百里馳奏以免遲誤合並陳明謹

奏

奏稿卷十四

三

江長貴安徽省建祠片

光緒四年二月二十九日

再據四川按察使方濬頤等稟稱原任福建陸路提督江長貴四川潼川府鹽亭縣人由行伍擢任千總咸豐年間出師廣西轉戰江鄂皖浙等省殲除巨寇立功垂二十年其最著者尤為皖南一役咸豐四年七月閒江長貴奉調援皖連克建德東流等縣時部勇僅五百名髮逆號數十萬攻陷祁門黟縣下竄休甯江浙險要全失江長貴以祁門為江浙糧道一旦梗阻有關大局乃激勸勇丁入城固守聲言大軍不日齊到以安人心而懾賊膽髮逆聞風遠竄不敢回犯大軍糧運賴以疏通迨徽州巖市街之戰江長貴以寡擊眾身先士卒奮勇直前賊眾四面包圍槍礮如雨江長貴身受重傷十六處猶手刃悍賊五名督勇四路衝殺斃賊無算賊遂狂奔重圍立解嗣後每戰必克疊復名城皖境之得就肅清江浙等省軍糧不致缺乏多賴該提督血戰之力至今皖人稱道不衰該提督於同治二年由福建陸路提督開缺回籍蒙

奏稿卷十四

三

恩賞食全俸於光緒二年二月二十九日在籍病故經前護督臣文格奏明在案該司方濬頤及成都府知府徐景軾均籍隸皖省追念前功感懷不置與在川同鄉府廳州縣各官合詞稟請具奏懇於該司等原籍地方建祠致祭等情前來臣查該故提督江長貴由行伍出師粵西轉戰江皖等省迭著戰功洊升提督而於援皖一役尤為力顧

東南大局以少勝眾保全地方厥功最偉茲皖省在川各官咸願於安徽建祠致祭藉伸感慕情出至誠合無仰懇天恩准其於安徽省立功地方建立專祠由地方官春秋致祭以順人情而彰忠蓋出自
鴻慈理合附片具奏伏乞
聖鑒訓示謹
奏

奏稿卷十四

臣

奏銷展緩寬免經徵各縣處分片光緒四年三月二十九日
再臣前以滇黔兩岸鹽務廢弛引積稅懸請將新舊邊引改由官運商銷先於黔邊試辦俟鹽本可敷騰挪再籌滇岸當經酌擬章程十五條奏明准行並接部咨此次開辦官運應將本年鹽課准其展限造報其富順等州縣處分亦令展限開報等因茲查自官運開局以來黔岸銷路漸形暢達惟官運成本異常支絀不敷周轉滇岸仍難兼顧而歷年額行滇引積至三十餘萬張光緒三年分又頒滇邊陸引二萬五千一百五十四張一時既不能併歸官運又難以別覓銷岸引未配運稅羨虛懸轉瞬奏銷期屆勢難依限造銷據鹽茶道蔡逢年黔邊鹽務局候補道唐炯議照黔引奏銷展限成案詳請奏展前來臣查滇邊引岸因官運成本難籌未能與黔岸同時開辦去秋已有先黔後滇之奏此時專辦黔岸運本尙覺不敷何能遽行接辦滇岸該道等所陳係屬實在情形合無仰懇天恩俯准將滇引奏銷一併暫行展緩俟滇岸開辦後再行照例造報所有經徵之健為等縣處分暫予寬免出自鴻慈除咨部外理合附片具奏伏乞
聖鑒訓示飭部查照施行謹
奏

奏稿卷十四

臣

拏獲重慶瀘州巨梟片

光緒四年三月二十九日

再川省川東一帶水陸衝繁私梟最夥近年以來句結益眾到處橫行又復燒香結盟與各路會匪通氣抗官拒捕其勢漸不可制亟須及早殲除以遏後患查著名巨梟重慶以下以江大煙桿羅憤懣譚登心楊海亭爲最瀘州以下以譚二瘋亡任韋駝任長蠻爲最而譚二瘋亡江大煙桿又係著名會匪該匪等糾眾販私已十餘年譚任各匪則盤踞於瀘合江永一帶江羅各匪則出沒於巴江涪合夔萬一帶動輒號召一二人或數百人均置有槍礮器械礮船拒敵官兵從前劫搶殺人官幾不敢過問卽有團保呈訴輒肆殺害以致鄉民畏不敢言匪蹤益爲叵測疊

奏稿卷十四

美

經前督 臣 飭派兵勇查辦七八年來迄無弋獲三年正月內匪勢日熾前護督 臣 文格飭派前虎威營勇勦辦 臣 到任後接據稟稱三月十七日偵知譚任各匪大股聚踞合江白雲場龔姓宅院當卽督隊圍攻該匪等閉門抗拒飛擲甌石施放洋槍勇丁多有受傷隨經拋擲火蛋入內一時火發該匪始突門蜂擁而出與官勇短兵接仗力戰三時之久斃匪九十三人生擒匪首羅憤懣曹三楊海亭譚登心田椿三張經元王福懣胡義懣八名並餘匪等三十八名奪獲槍礮軍械九十七件救出被擄團總王北軒團約陳理仁趙元先等多人營勇陣亡一人受傷六十餘人而譚二瘋亡任韋駝仍乘閒逃逸請飭查拏等情 臣 查該

奏稿卷十四

毛

匪一日不除川省後患滋大第其兇狡異常竄難遽獲當經嚴飭甯甯道延祐督飭瀘州合江富順等州縣各派勇團會合營勇四路圍拏並嚴定賞罰以期必獲三年十一月初十日據署合江縣知縣楊作霖瀘州知州田秀栗等稟報該匪譚二瘋亡率黨竄至合江縣之胡槽山該縣等帶領勇團會合營勇極力圍攻斃匪多名並將該匪譚二瘋亡任長蠻立時生擒派員解省訊辦詎譚匪解至資陽縣在監病故卽經委驗明確批飭戮屍傳首梟示瀘合一帶其拏獲之匪首羅憤懣等多名當飭瀘州訊供實係夥搶有年且係陣前擒獲罪無可逭均於審明後正法以快人心其任韋駝一匪先經查明自合江白雲場擊敗後逃至黔省一帶意圖句聚 臣 一面飛咨黔撫 臣 飭屬會拏復飭瀘州田秀栗多派幹勇跟蹤追捕旋據稟報於四年正月二十五日在貴州丹江地方會合該處團練將該匪拏獲解回該州解省審辦至江大煙桿一匪占踞重慶小三峽地方路僻江險踞緝倍難前據川東道姚觀元稟報三年三月十四日探知該匪糾眾數百人潛竄萬縣之武陵場搶劫鹽商文子英鹽店並擄去店夥文宏寬等拒傷汛兵鄧崇武身死並傷夔州副將吉恆帶領往捕之兵共十四名駛船順流東下當卽飛飭副將張廷芳帶勇三百名並撥礮船七哨分水陸前進五月初九日探明該匪船駛赴巴縣之文華沱停泊該將等分勇水陸圍攻該匪撐駕

礮船十餘隻逆流迎拒相持許久陸路之勇會同巴縣李玉宣所帶練丁齊上水師礮船併力進攻巴縣六品軍功勇目蕭貴帶勇奮力迎擊轟沈匪船四隻溺斃夥匪百餘人餘始敗潰上岸分竄復經兵勇追殺十餘人奪獲礮船四隻軍械五十餘件水師兵勇共受傷二十四名查訊江大煙桿仍復脫逃等情臣以江匪狡悍素著經此懲創恐其遠颺外省潛勾會匪隨飭各屬四路確探即據巴縣知縣李玉宣探的該匪已竄赴陝西漢中府城固縣一帶當經檄飭漢中府知府林士班一體飭屬會拏李玉宣又派練目蕭貴帶領勇役兼程潛往密稟該府林士班該縣徐德懷添差協緝該府縣等隨即親督差練星夜圍捕將江

奏稿卷十四

奏

大煙桿即時擒獲稟報遞解來川訊據供認糾眾販私多年搶店殺人拒斃官兵不記次數隨於訊明後正法傳首重慶各處梟示用昭炯戒此先後拏獲重慶瀘州兩路巨梟及殲除兇黨之實在情形也臣查歷來私梟釀成大患該匪譚二瘋亡任韋駝江大煙桿任長蠻等既係著各巨梟又係著名會匪結黨日多兇斃益熾已成鴟張之勢若不及早殲除流毒將不可收拾今幸按名擒獲一無漏網即匪黨亦殄滅無遺實為川省翦除大患現在川東各處匪蹤漸淨江路一律肅清洵堪仰慰宸廑惟此次辦理各員弁以十數年未獲巨夥數月之內均能設法次第擒除匪黨亦悉數殄盡實屬著有微勞而

漢中府知府林士班城固縣知縣徐德懷於鄰省巨匪不分畛域督勇協拏尤為出力相應籲懇天恩俯准將在事出力各員從優議敘以示鼓勵出自逾格恩施所有拏獲著名梟匪會匪譚二瘋亡江大煙桿任韋駝等並將悍黨殲除盡淨水陸一律肅清各緣由謹附片具奏伏乞聖鑒訓示謹

奏

奏稿卷十四

奏

派員出洋遊歷片 光緒四年四月十一日

再川省向多法國傳教之人此外各國洋人素不經見自英人有西藏探路之約以後來川遊歷者日見其多去歲英員吉為哩麥士呢為能欲由藏回國貝德祿欲赴夷地詢訪夷人均經中途設法阻止前進幸皆就我範圍自後英人萬道福等行由巴塘赴藏亦經諄囑委員婉為勸阻改由滇省而去以免多事本年二月初間英員貝德祿由重慶起程前赴嘉定銅河並義邊越舊打箭鑪各處自赴老林打獵經 飭令洋務局由省派員前往照料護送該英員執意推辭復飭沿途州縣妥派差役挨站接護而該英員每多中途改道且多不由大路行走每於人迹罕到

奏稿卷十四

罕

及曾經封禁之路自與跟役一二人銳意前行護送之人勸之不可而沿路行蹤詭秘所到之處詳繪地圖並與法國教士往來甚密現據稟報仍在打箭鑪小住尚不定其何往 竊維英人蓄意開通西路由來已久此次先由附近邊隅以次漸進將來道里既熟必多不情之請且西藏各處據各塘務委員來稟多有不准洋人由彼行走之說日後該洋人如必欲道經彼路保護之法頗費躊躇查西路情形與東南各省迥異東南各省出口均係大洋居民絕少入口即是中國地面彼固無人攔阻我亦易於防閑西路則均係陸地且自川省打箭鑪以至前後藏中間八九千里盡屬番夷部落夷性反覆日後該洋人來往彼地

無論自彼至藏或自川至藏攔阻之處必多 臣惟先行嚴飭塘務各委員遇有洋人由川赴藏必婉詞勸阻阻之不聽則設法隨時保護並知照駐藏大臣妥為辦理惟查西路至藏全係陸地而由藏至五印度相距不過一千數百里近聞英人於東印度孟家拉之東開拓新境名曰阿賽密阿賽密之東北境距西藏邊界不過數百里而近若果如此則數年之後必將直抵藏境 臣日夜籌思似不可不先事預防惟預防之法非先將其地山川形勢之險易徑途道里之曲折以及人民性情之強弱了然心目毫無舛誤則胸無把握即按舊圖考核亦多不可靠 現擬仿照滬津兩處派員帶人出洋赴各國學習機器算學之舉

奏稿卷十四

罕

遴訪精習輿圖熟諳算學儀器一二人由前後藏過廓爾喀折至中印度徧歷東西南北各印度循恆河而東至孟加拉東之阿賽密東北境再溯藏江而返歷布魯克巴及貉狗野人之地以達於南墩俾其將各該處山川形勢徑途道里以及民人情性一一詳繪總散地圖並詳細貼說俾全蜀西南形勢可以周知庶以後遇事區處較有定見至所派之員 臣已選得江西貢生黃林材於地圖儀器算學各項深得泰西祕妙且耐勞喫苦亦異常人從前江西學政 許庚身曾經保送擬即派令該員前往必可將各該處一切形勢考究無遺以備採擇惟中國派員出洋遊歷必須由總理衙門先行照會該國公使查照茲 臣派員

前往印度各處係屬英境如蒙

俞允仰祈

飭下總理衙門先行知會該國公使查照並知照到

即繕發執照即日飭黃林材起程前往

境與中國邊境形勢起見是否可行理合附驛具奏伏乞

聖鑒訓示謹

奏

奏稿卷十四

聖

革職留任謝

恩摺 光緒四年五月初八日

奏為叩謝

天恩仰祈

聖鑒事竊 於光緒四年四月十四日接准吏部咨以

奏請開復已革候補道員李耀南原官頂戴交

將該員從前參革緣由聲敘含混保請有違定章照例議

以降三級調用係私罪不准抵銷覆奏奉

旨丁寶楨著加恩改為革職留任欽此

屏營當即恭設香案望

闕叩頭謝

恩伏維 因素知革員李耀南才尚可用當此時事需人

之際若竟置之閒散似覺可惜一時冒昧懇

恩未將該員原參情節詳悉聲明含混之咎實所難辭部

議處極為公允乃渥荷

聖慈

仁施法外

破格加恩

重寬其昏謬之愆

曲示以矜全之德凡此非常之

隆施實非捐糜所能報 撫衷循省感悚交并此後惟有

遇事謹慎益策駑駘竭其心力之所能為以冀稍答

高厚生成於萬一所有 感激悚惕下忱謹恭摺叩謝

奏稿卷十四

聖

天恩伏乞

皇太后

皇上聖鑒訓示謹

奏

奏稿卷十四

器

遵 旨查覆劉長佑參款摺 光緒四年五月初八日

奏為遵

旨查明雲南撫 臣 潘鼎新陳奏各情恭摺覆陳仰祈

聖鑒事竊 臣 於光緒三年十一月二十一日准軍機大臣

字寄光緒三年十一月初四日奉

上諭潘鼎新奏滇省饟項艱難自總督劉長佑到任驟添

楚營糧餉數倍於滇勇力不能支提督胡中和所部勇多

缺額逼索欠饟該督有心袒庇營勇驕恣日甚臬司倉景

愉於衙參時被親兵揪扭提鎮副參出入必乘綠轎經人

告發該督置之不問補署差委於滇省將弁概存意見該

督所帶鄉人魏鼎薰等分踞各局越次陞遷無以服人鹽

奏稿卷十四

鑒

法道沈壽榕與魏鼎薰串合鑽營該督之子劉思謙又與

沈壽榕魏鼎薰及候補知州李光舒同知潘英章等內外

聯絡奔走勢利劉思謙並私娶民人賴姓之女為妾尤為

滇人口實等語滇省自兵燹後民物凋殘元氣未復總督

為通省表率辦理一切於吏治民心均有關係潘鼎新所

奏各節是否屬實著丁寶楨即派明幹大員前赴滇省詳

細查明仍由丁寶楨訪查確切據實具奏原摺著鈔給閱

看將此諭令知之欽此仰見

皇太后

皇上整飭官常軫念地方至意跪讀之下欽悚莫名謹即

欽遵密委在川候補道尹國珍刻日赴滇詳查又恐該道

一人耳目難周復密委候補直隸州知州劉啟鏞候補知縣德安隨同該道前往飭令不動聲色按照原奏所指各節密為查訪務得實在情形逐一密稟毋得洩漏及草率疏略去後臣一面凡遇滇省員弁來川者謁見時每於無意之間作為閒談諮訪期與該道等所查情形參觀互證以求確切茲據尹國珍將查明情形具稟前來參以臣所詢訪情形謹為

皇太后

皇上詳陳之查潘鼎新原奏所稱督臣劉長佑到任驟添楚勇各營其餼項數倍於滇勇而又不能稍有懸欠名為另請專款實則皆責滇庫墊發司道力不能支積欠商銀

奏稿卷十四

吳

至二十餘萬之多虧累日深實從來所未有一節查劉長佑於光緒二年四月到任維時正值順甯騰越軍務喫緊奏明由廣西帶領楚寶玉武迪字三營到滇提督胡中和於是年七月自川來滇前雲南巡撫暫護四川總督臣文格亦因軍務未靖奏明招募親兵一營作為中營隨帶赴滇嗣劉長佑以地方未靖兵勇較單又令添募右營親兵一營共是五營每月需餼銀一萬有奇其楚寶二營月餼奏明由廣西協撥迪字一營奏明由廣東舊欠協滇餼項下按月籌解原奏所稱另請專款係指此兩營而言查楚寶一營自到滇後滇省藩庫實收過廣西銀二萬八千六百兩有零迪字一營月餼廣東並未撥解分釐每月均由

滇省墊支嗣由司道議裁三營經劉長佑以餼項艱窘批准即行裁撤只留楚寶一營駐省城王武一營駐昭通其口糧照黔勇章程銀數略減每月共需銀四千兩有奇查劉長佑與胡中和先後帶勇赴滇係因滇省伏莽尚多防範喫緊並非無故增添其楚寶迪字兩營由廣西廣東兩省籌款接濟均經劉長佑奏明有案楚寶營到滇後廣西曾撥解銀二萬有奇廣東則分釐未撥查撥款積欠各省皆然撥餼既不能專指勢不能不向本省籌發劉長佑此事似不為過至楚勇口糧章程本較各省為多自軍興以來歷皆如此劉長佑現留兩營口糧較黔省口糧尙減是亦未嘗不念滇省籌餼之艱難力顧大局也又原奏所稱

奏稿卷十四

吳

提督胡中和逼索欠餼劉長佑峻詞催迫藩司杜瑞聯嘔血數次胡中和勇多缺額劉長佑面告杜瑞聯僅少勇二百名耳明知之明言之而不明禁之一節查雲南提督駐紮大理府城距省將及千里滇省籌餼既艱勇糧不能按月接濟該提督催餼文書差官絡繹而來所稱急於星火者事實有之劉長佑既見文批即向司道催令籌解亦必然之事緣勇丁必須給餼乃能責其出力雖餼項不濟亦不能不為催領坐聽缺乏胡中和奏明招募之勇欠發口糧該提督為帶兵之員自不得不向藩司咨催劉長佑職司糧餼既見咨催又不能不令藩司籌撥此皆辦公所宜似難目為袒護至胡中和勇不足額因口糧不濟潰散者

多劉長佑係得自風聞卽與藩司相商以提營勇丁聞已潰有二百名之多令速籌遣散經費以便裁撤由是先撤右營後撤中營其該營勇丁數目或先時卽有潰散缺少詢之藩司亦稱傳說不一未敢以風聞爲據至杜瑞聯自川來滇正值春夏之交天氣酷燥沿途感受風邪肺氣上壅偶然嘔血數口旋即痊愈會據杜瑞聯自言實由司庫空乏應放之饗甚鉅商號積欠未還難於再借一時焦急所致並非由提營催促而然卽劉長佑亦未嘗向伊峻責潘鼎新所言或係傳聞之過亦未可知又原奏所稱司道議詳該營既由四川招募而來其中川人必多若由大理徑回四川路途較近藉可稍省經費督臣與提臣堅言必

奏稿卷十四

哭

盡回湖南總之提鎮將備大半皆其鄉人互相袒庇虛糜饗需一節查胡中和所帶兩營雖由川招募實係楚軍緣楚人向來應募者多而楚將專帶楚勇又其習慣使然今勇既裁撤楚人自應回楚庶免流落生事其盤費卽不能不照湖南路費計算是以司道遵議照黔勇章程予以兩月全數口糧銀八千八百餘兩始將兩營全數裁撤惟該兩營原因聞勇有潰散始議裁撤胡中和裁撤勇丁卽應將有無潰散情事詳晰咨明方爲正辦乃一概置之不問輒卽圖支領全數口糧以致動人指摘一時議者無不疑其貪詐指爲謬戾臣以此事關係饗項緊要再三確訪始悉該提督以該兩營勇丁既由湘入川又由川到滇遠

道相從旋復遣散不免意存體恤惟該提督勇丁以饗項不濟稍有逃散盤費一項該提督遣散支領後仍係全數發給其散勇空糧贏餘聞並未入己仍按名分給現散各勇丁作爲賞需以冀途次不致匱乏別滋事端潘鼎新所稱袒庇鄉人在劉長佑固無是心而在胡中和則不能不謂實有其事也又原奏所稱倉景愉於衙參時被督臣親兵揪扭補服曳至大堂始行釋放並毆其隨丁該勇丁一日譁謀擁至內署督臣與知府魏鼎薰閉門以求良久始散一節詢之署藩司倉景愉據稱二年七月衙參之時該司前赴督署家丁在前行走至儀門外見有親兵在彼坐而未起該家丁用言吆喝親兵意屬不服該家丁用拳毆

奏稿卷十四

哭

打時儀門內有親兵數人聞鬧攏前觀看經巡捕喝散該藩司已至儀門被毆之兵跪而鳴冤該藩司急欲前進該兵牽住袍襟哭訴事誠有之經巡捕稟明督臣將該親兵責革並令隊長帶領與藩司服罪實無揪扭曳至大堂情事又詢之督署當差弁兵人等僉稱實無勇丁喧嚷擁至內宅督臣與魏鼎薰閉門以求之事惟據藩司言曾有親兵在署前口角經督臣傳諭魏鼎薰重責數人潘鼎新摺內所稱或卽此事似係得自傳聞之誤又如原奏所稱提鎮副參出入必乘綠轎經人告發而總督不問一節查示昌協副將唐鳴盛經其本管都司楊鳳岐稟許內有乘坐綠轎之語經督臣檄委迤西道熊昭鏡查辦據副將唐明

盛自稱到任之始因是日陰雨舊傷舉發難以乘騎坐轎
一次平日並未乘坐旋經該道稟經督 臣 將唐鳴盛撤任
並記大過二次且諭通省營員嗣後再有犯者照例懲辦
現查通省尚無有營員敢坐肩輿者是督 臣 實無置而不
問之事又原奏所稱補署差委滇將久已向隅督 臣 以前
任舊人概存意見一節查滇省自前督 臣 劉嶽昭帶有楚
營因軍務未竣數年以來留滇補用者人數眾多滇中有
勞績保舉應補署者亦復不少武官定額不敷委用不獨
滇省將弁候補者有賦閒之怨即楚營將弁候補者亦有
向隅之苦劉長佑設法變通查照新定章程有以一二品
職銜而署都守者有以三四品職銜而署千把者亦以缺

奏稿卷十四

辛

少人多欲求漸次疏通實未嘗稍存偏見此在省人所共
見辦理似尙公允又原奏所稱督 臣 所帶鄉人如魏鼎薰
既充營官兼理營務饒項既有沾潤薪水又復重支候補
知州李光舒委辦善後局務候補同知潘英章派充釐金
提調未及一年旋補安平優缺該員等以新到淺資分踞
各處越次陞遷何以服人而昭公允一節查魏鼎薰等實
係劉長佑同鄉經劉長佑奏調來滇聽候差委復奏請留
滇補用均先後奉
旨允准在案該員等既由該督奏調來滇予以差委尙無
不合魏鼎薰以候補知府管帶親兵兼辦營務是以一人
充兩項差使原各有應得薪水以資辦公不得謂之重支

惟魏鼎薰管帶親兵住紮督署與督 臣 為最近李光舒又
係督 臣 親信同鄉訪其不能謹慎持躬常與在省各官往
來徵逐酒食屬實其鑽營串合各情徧查茫無實據至潘
英章一員前在廣西曾經補授東蘭州知州茲奏明留滇
應歸候補班補用原不得以資格論其題補安平同知與
例相符業經部文覆准且以直隸州知州借補同知亦不
得謂之越次陞遷又原奏所稱滇省劣員以鹽法道沈壽
榕為最該員昔年在督 臣 劉嶽昭幕中劉嶽昭臨行時諄
囑岑毓英加意防範岑毓英臨行時亦囑潘鼎新早為區
處調任撫 臣 文格自四川寄信劉長佑亦以該道為言湖
廣督 臣 李瀚章自滇旋鄂沈壽榕暮夜投金經李瀚章嚴

奏稿卷十四

壬

詞拒絕劉長佑始亦疑其為人繼因與魏鼎薰串合鑽營
遂竟甘言易入一節查沈壽榕本係候選道員同治四年
經前任撫 臣 林鴻年奏調來滇後隨督 臣 劉嶽昭辦理軍
務並未充當幕友至歷任督撫或面囑其人宜防或信中
言宜區處又於湖廣督 臣 處有暮夜投金之事檢查毫無
憑證詢問又少端倪難以據為定論且劉嶽昭於臨行時
囑岑毓英加意防範劉嶽昭在總督任內何以復向該員
商辦軍事岑毓英臨行時囑潘鼎新早為區處岑毓英在
總督任內何以尙奏委該員署理藩司即潘鼎新在巡撫
任內又何以不為區處是該員尙無實在劣迹可想而知
論者謂該員為人語言開朗在滇年久歷任督撫 臣 無不

倚任潘鼎新不能無疑此皆臆度之詞亦不足憑惟查魏鼎薰辦理營務該員又總辦營務既屬同辦一事相與聯絡原不得為過惟魏鼎薰身居督署與李光舒又有相臨之分嫌疑之際應有區別乃與之親密太甚雖查無謀串營私等事而旁觀擬議即由此而起且該員現署臬司與屬吏時相周旋紀綱亦覺不肅又原奏所稱數月以來督臣足不出戶一任其子劉思謙與沈魏等鬼域於內李光舒潘英章聯絡於外奔走勢利者相與附和之道路傳聞雖多無據之詞究非避嫌之道劉思謙私娶民人賴姓之女為妾尤為漢人口實一節查劉長佑家教尙嚴劉思謙雖居署中並未干預公事亦未與官員往來原摺中所謂

奏稿卷十四

至

道路傳聞多屬無據之詞是潘鼎新亦並無實迹可指至其所娶之妾係四川重慶府民人崔洪義之女既非漢民亦非賴姓確切有憑查與原奏不符以上各節均因尹國珍查明稟覆又由臣訪查確切之實在情形也伏查此案潘鼎新所奏有事出有因者亦有傳聞失實者惟所奏胡中和一節雖催餉係屬因公勇潰亦屬傳聞原不能遽指為劣迹第胡中和身為提督統轄全省軍政糧餉皆在內之事乃只顧營勇而不籌大局殊失協恭共濟之義况營勇既聞稍有潰散亦應查明數目劃清月日算齊口糧依數繳回方昭清白乃一味囹圄支領將盤費一項空糧贏餘作為遣散賞需雖無侵吞情事然只知見好營勇並不

計及時勢之艱難稍為節省殊非一品大員公忠體國之道胡中和曾經

賞給黃馬褂勇號相應請

旨褫去黃馬褂勇號以示懲儆候補知府魏鼎薰候補知州李光舒一則駐紮督署與督臣最近一係督臣親信同鄉時與在省各官往來徵逐飲食雖無鑽營串合各情事惟此時已不知檢束自後能否足資表率均未可定魏鼎薰李光舒均應請暫行革職交督撫認真察看如果材堪造就俟績著勞績再行酌量奏請開復現署雲南臬司鹽法道沈壽榕與魏鼎薰李光舒往來親密雖查無鑽營串合各情事究屬未能遠嫌且查該員聲名實屬平常應請

奏稿卷十四

至

旨開缺送部引

見聽候

酌用至潘英章以曾經補授實缺直隸州知州人員留滇補用借補同知班秩相同核與例符應毋庸議劉長佑之子劉思謙既未干預公事又未與官員往來所娶之妾既非部民亦非賴姓亦毋庸議劉長佑雖暫染痼疾而精力強健如故自抵任以來廉勤自策圖報愈殷整頓吏治經理戎務耐苦恤民力求上理滇省官吏士庶稱道佩服者異口同聲是其居心行事昭然共著實屬無可訛議惟魏鼎薰住紮督署與李光舒等常與各官往來徵逐飲食未能覺察疏忽亦所難辭應如何置議之處伏候

聖裁所有遵

旨查明雲南撫臣潘鼎新陳奏各情理合恭摺覆奏伏乞

皇太后

皇上聖鑒訓示謹

奏

奏稿卷十四

奏

松潘番民改土歸流摺 光緒四年五月初八日
奏為查明松潘廳屬番民改土歸流疆界戶口地畝糧數
及起科年分恭摺仰祈

聖鑒事竊查松潘廳屬柴門關內外郭元壩等十五寨番
民前請改土歸流及附近漢民無糧地土一體納糧當差
並加學額經前任總督臣吳棠會同前成都將軍臣魁玉
等委員勘查明確於同治十二年十二月二十七日合詞
具奏奉

旨交部議准令將保甲差徭戶口民數地畝科則及應辦
事宜另行妥議分別奏咨辦理並取具該廳及漢夷各結
送部等因復經轉飭查議去後茲據布政使程豫轉據署

奏稿卷十四

奏

松潘廳同知劉廷恕將該漢番疆界戶口地畝糧數逐層
分晰查明造具清冊加具印結並聲明該漢番等散居各
處請免逐戶取結等情到司該司查冊開柴門關內外一
帶漢民番人改土歸流地方共十五寨東南與甘肅文縣
屬夷地接壤西北與口外生番毗連各寨離松潘廳城三
四五百餘里不等番民馬成子等及附近漢民張光朗等
共一千二百零五戶男女共五千五百六十七丁口山地
共二萬五千五百五十九畝七分所有人民地土均已撥
歸松潘廳管轄編入漢甲惟所轄俱係低窪下地其每歲
完納丁糧議照該廳南坪等處下地科則每畝徵銀一分
一釐仍加徵一五火耗每歲計共徵正耗銀三百二十三

兩三錢三分一釐六毫九絲遇有閏之年按月遞加共應徵正耗銀三百三十二兩八錢七分六釐二毫九絲一忽二微零俱隨同松潘廳丁糧一併徵解該漢番等自同治九年勘查定案後即於同治十年起科至光緒三年計共七年已據漢番民人按年如數完納由該廳解司另款存儲俟光緒四年奏銷時入於該廳額徵丁糧冊內造報所有附近南坪之芝麻塘隆康塘等處番地民人昔年認完青稞折淨米一十三石四斗一升今既改土歸流完納丁糧前項青稞應請免徵其保甲差徭一切事宜悉照腹地章程一律辦理該漢番等散居各處應請免逐戶取結以省煩擾由司將齎到冊結逐一核明詳請奏咨前來 臣查

松潘柴門關內外番民自雍正年間受撫涵濡聖澤百數十年傾心向化咸願改土歸流與附近漢民均自同治十年起各照內地之例輸納糧賦年清年款毫無蒂欠實屬情出至誠所有疆界戶口地畝糧數應即查照部議奏咨立案其舊納青稞未便重徵合無仰懇天恩勅部開除准予豁免以示體恤除冊結咨部外謹會同成都將軍宗室 臣恆訓署提督 臣聯昌合詞具陳伏乞 皇太后 皇上聖鑒訓示謹 奏

奏稿卷十四

美

丁文誠公奏稿

卷之十五目錄

- 黔邊鹽務情形片 光緒四年六月初五日
- 改設官引票釐局片 同日
- 裁減勇營口糧片 同日
- 馬邊善後事宜摺 光緒四年七月初八日
- 議結江北教案片 同日
- 都江堰新工穩固片 同日
- 旨覆核東瀨縣案摺 光緒四年九月初八日
- 都江堰水勢實無衝損民田摺 光緒四年九月初八日
- 營饒節省勢難裁減摺 光緒四年十月初九日
- 籌辦滇岸請緩奏銷片 同日
- 江北廳巴縣計引改歸官運片 光緒四年十一月二十三日
- 裁革道府規禮籌給公費片 同日
- 籌撥將軍副都統公費片 同日
- 修理四邊岸河道片 同日
- 官運耗鹽以八觔歸公片 光緒四年十二月十四日
- 滇邊添製師船巡護片 同日
- 請提官運鹽務徵收抵撥京捐摺 光緒五年二月初八日
- 黔邊官運丁丑綱行銷引數經徵各款摺 光緒五年二月初八日

奏稿卷十五目錄

黔邊鹽務情形片 光緒四年六月初五日

再臣於上年七月內將先行籌辦黔邊鹽務改由官運商銷酌擬章程並請撥借各款緣由具奏經戶部核覆奉旨依議欽此咨行欽遵在案嗣因山東湖北兩省借款僅准山東巡撫借解銀八萬兩到川復於司道各庫陸續籌撥銀四十二萬兩共湊銀五十萬兩飭委候補道唐炯馳赴瀘州設局總理一切事宜並於犍富射三廠設購鹽分局永碁合涪四邊岸暨近邊之各廳州縣設售鹽分局各委妥實幹員分司其事統由唐炯調度俾一事權並將從前貪吏奸商一切營私中飽積弊盡力消除因事屬創辦頭緒紛繁且期為將來立久遠之規故不憚一時竭經

奏稿卷十五

營之力自上年九月初六日設局直至十一月底成本漸敷鹽勛到岸規模始定十二月初開辦行銷引數逐漸增加於每月查閱冊報並隨時細核其具詳各事宜條理精密秩然不紊而於疏引張紆廠困順商情便民食實為深得要領然終以事關重大未經目睹時惕於懷因於此次閱伍道經犍樂各廠集竈戶等詳加察詢皆以官運一行民食頓便及至瀘州調取總局冊簿逐一查對按黔邊額引一萬零七百七十道近邊計引三千八百六十三道共一萬四千六百三十三道截至四月底實已行銷一萬零八百三十四道僅賸引三千七百九十餘道銷數實為大暢然猶係上年初辦之九十冬三箇月內各計岸原

積有商號售鹽未便令其停秤仍准其與官鹽並銷此中多有占擱必須自十二月計算起始為官運行銷之始今截至本年四月底止僅五箇月於額引已銷至四分之三除成本五十萬兩不計外實已收稅羨截釐各款銀三十萬有奇是較之往年銷引已屬加倍收銀亦已增多似此行銷截至六月底本年額引即可銷竣即能代銷積引臣以目前銷數約計將來截至年底必可帶銷積引一萬餘張即至少亦可帶銷至六七千張確有把握又查向來商號四岸共二十五家近復新添九家唐炯現在設法使之進入黔地遞設子店日後不惟行銷暢旺課款增多而沿途店棧愈開愈廣黔民得有生計者亦復不少是黔省

奏稿卷十五

凋殘之餘即可藉此興復尤足維持兩省大局而所深幸者自邊岸廢弛犍廠五通橋素極繁盛之區盡歸零落今則一旦更新各大小商竈無不踴躍趨公而井河及沿江船戶添造船隻認官運者更數十家各岸商人爭售官鹽者亦不謀而合現在鹽價頓平川黔各岸已有食賤之喜私梟亦因而斂迹合是數者徵之似已大臻成效此半年來札委唐炯辦理官運得手之大概情形也伏念川省鹽務本

國家自然之大利奈近數十年來蠹吏奸商侵欺偷漏弊端百出以致引積至十餘萬張積欠羨截至一百數十萬兩茲一旦整飭而更張之欲祛其弊則錮結甚深不易窺

測欲行我法則煽惑愈眾動相把持蓋若輩之陰蝕此利者已數十年今一旦奪每年百餘萬中飽之利歸之於公欲其不痛心嫉首不可得也故於現在公事昭然共著無瑕可指遂往往造作浮言或以爲喜事紛更或以爲與民爭利而無識者復不求端訊末輒從而附和之冀圖阻撓大計充其私囊辦理實爲費手是全在任事者堅定不拔用能相與有成臣身任疆圻睹川省之積病已深念黔省之流亡難復闢眾謗以謀全局職所應爲何避謙懇惟候補道唐炯忠正強毅清操絕人其公爾忘私在從前川省辦賊時藍石各逆皆呼之爲唐拚命至今川人尙樂道之後以援黔爲疑謗所傷功棄垂成潔身而退臣此次到川

奏稿卷十五

三

函招再四始允前來卽與之商辦黔邊動中肯綮因奏令總辦局務該道極力推辭臣以此事與辦關係川黔兩省大局且當此財用匱乏坐視一省自然之大利半歸乾沒實無以對

朝廷因誠懇挽留求資臂助該道見義無可辭始毅然承辦自受事以來秉正持廉破除情面行甫半年實已弊絕利興顯著成效而得手尤在商民均利並不爲

國家樹分毫之怨尤爲擘畫精詳然公家之獲益良多而該道之受謗已甚屢與臣言以鹽務規模大定此後循章辦理引課自增惟自知忠直任事雖殫竭血忱恐終爲浮議所敗擬將辭去臣仍激以大義再三勸留將來本屆奏

銷到部其明效大驗自可仰邀

聖明洞鑒惟創辦之初事機正順而辯言亂政亦屬恆情不得不據實瀝陳於

聖主之前俾實心辦公之人不致動多顧慮然後大事可集於

國計民生乃有所裨所有數月來辦理官運得手大概情形謹附片具陳伏乞

聖鑒謹

奏

奏稿卷十五

四

改設官引票釐局片 光緒四年六月初五日

再川省鹽務向有以此岸之商而兼領彼岸之引又有以此岸之引而另配彼岸之鹽其初意原係視商力之厚薄廠鹽之盛衰為變通辦理之法詎相沿日久猾吏奸商即從此因緣為奸把持漁利遂至句串朦混弊端不可究詰即濟楚鹽勛從前係以邊計潼套搭配運本屬含混而貪奸之徒覬其轉輸不清易於散法因而重照影射無可稽核甚至改包加勛一引行兩引之鹽歷年偷漏課釐不可勝計臣自到川灼知其弊是以前擬章程於清釐積引條內請將積滯過多之潼引專配濟楚以後專俟潼引銷竣再准依次帶銷計岸積引使引張與年分截然不紊然後

奏稿卷十五 五

能杜其混淆以絕侵欺之路並將健富兩廠釐金局酌改為官引局凡有商人請領引張即向官引局具呈由官引局員據呈稟送臣署臣即飭知鹽道將應領之引查明號數轉呈到臣刻即飭發官引局限定時日轉發各商具領到廠採配不准稍有稽延以禁書吏人等需索留難之弊俾引張日臻暢銷其課釐一切即於領引時向本廠局隨呈繳納解赴鹽道庫兌收一面嚴飭各關卡認真盤驗不准仍前改包加勛自是以來凡以前宿弊一律掃盡近日課釐亦漸起色臣惟嚴飭該局員及健富兩縣催促各商趕領潼引以利行銷而清積滯至川省窮民甚眾向有歸丁州縣俾小販營生之民均得赴廠購買餘鹽挑至該處

售賣從前係設垣經理派委員紳會同查辦謂之垣鹽按

勛抽取釐錢以濟饑需惟該廠委紳亦多係竈戶往往於此項垣鹽釐金以多報少把持乾沒之弊兼而有之委員因其勢眾亦不敢過問且鹽無票據所到之處輒被地棍書巡攔阻搥索窮販積忿成仇動即糾眾滋事實為隱憂臣與道員唐炯熟商現將各垣裁撤於富榮健樂等廠改設票釐局派員管理定以每挑捌拾勛為限不准加多每挑給予護票一張隨挑抽收釐錢准其挑赴歸丁州縣售賣沿途關卡驗票放行兵役不得妄拏此則肩挑窮民謀生有路不致聚積為梟從此永遠行之既可借裕饑源亦可潛銷巨患現在官引票釐兩局一設商民頗為稱便除

奏稿卷十五 六

他處產鹽地方應如何設法查驗整飭之處由臣隨時體察酌辦外所有改設官引票釐兩局以利商民而裕饑需各緣由謹附片具陳伏乞

聖鑒謹

奏

裁減勇營口糧片

光緒四年六月初五日

再川省留防勇營有楚黔川之分其口糧章程亦異楚勇口糧最重計每營每月應支發銀二千八百四十餘兩黔勇次之每營每月應支發銀二千五百餘兩川勇口糧較輕臣去歲到川後查看川省協撥過多庫款異常支絀每遇籌解京餉及各省營協餉並本省滿綠各營兵餉及一切應支各款萬分拮据而楚勇口糧積欠甚多初擬將各營勇量爲裁撤冀省餉項因彼時現辦馬邊夷務攻勦正屬喫緊又查川中幅員寥闊甲於各省且三面皆與滇黔毗連本省之西南各邊夷以及內地之囑匪會匪鹽匪時虞竊發而滇黔雖就肅清其中伏莽猶多潛匿於三省界

奏稿卷十五

七

連之處尤慮乘閒滋事巡防查緝未可稍疏詳察情形勇營斷不可少而餉項不繼殊切焦思再四籌商惟有將楚勇等營各口糧設法裁減以期節省庶可彼此兼顧隨於光緒三年四五月起至年底止陸續將裕字營楚勇一千二百名律武營楚勇一千五百名親兵營楚勇一百名湘果營楚勇一百名虎威營楚勇二千三百名舊欠口糧餉項算清發給以後口糧一律裁減改照山東勇糧章程支發其湘果營黔勇五百名靖武鄉導營黔勇三百六十名亦改照新章一律辦理至定邊營川勇二百零三名安酉營川勇五百名查多疲弱卽爲裁撤另換一面將裕字營楚勇一千二百名分作兩營改爲泰安營檄飭總兵李

奏稿卷十五

八

培榮統帶又將律武營楚勇一千五百名內分出一千名並合併虎威營楚勇二千三百名共三千三百名分作七營改爲壽字營檄飭參將李培椿統帶此外親兵營楚勇一百名湘果營楚勇一百名黔勇五百名靖武鄉導營黔勇三百六十名合之律武營楚勇一營五百名共一千五百六十名又將定邊安酉兩營勇七百零三名另募成軍共二千二百六十三名分作五營改爲安定營因派候補道唐炯開辦黔邊官運鹽務事屬創始人心未定深慮渝瀘一帶私梟抗違必須鎮懾且黔邊各岸地勢橫闊二千數百餘里伏匪游勇在在生事鹽運頗虞阻塞當將此起勇營撥歸唐炯統帶分紮黔邊近邊十數廳州縣布置巡防並於瀘州敘永一路界連九姓夷地及滇省昭通各處添紮勇四百四十名分駐巡哨俾資周密其一切口糧悉改照山東勇糧章程支給此外尚有酌留靖武營楚勇一千五百名達字營楚勇二千二百名武字營楚勇五百名經武營楚勇五百名親兵營楚勇四百一十名武安軍黔勇五百名巡緝左營川勇三百名各口糧亦均改照新章一律支發辦理其餘酌留之游擊營暨峩馬雷越各廳防勇係就地所撥土練其口糧甚輕不在議減之列查山東勇糧章程係臣前在山東巡撫任內時所定較楚勇口糧每營每月可減省銀八百兩因山東各營定章每營向准發給車價川省並無車輛必須酌加長夫以供拔營運送

軍裝之用長夫較車輛口分稍多是以現在切實核計每營每月實可省銀六百數十兩至黔勇口糧以新章比較亦有減無增頗為節省此次臣以川地邊腹太廣從前原留各營僅敷分布未敢輕議裁撤致有他虞僅就各該營口糧量為改減雖勇營並無減少而照新章核算統計各營每年應支口糧較前約可節省銀十餘萬兩之譜實於營務帑項地方均有裨益除隨時嚴飭各該營統領加意認真訓練防緝不得因口糧議減藉口稍涉疏懈外所有改減楚勇口糧章程暨改換營名分飭統帶各緣由謹附片具奏伏乞

皇太后

奏稿卷十五

九

皇上聖鑒訓示謹

奏

馬邊善後事宜摺

光緒四年七月初八日

奏為會籌辦理馬邊善後事宜恭摺具陳仰祈

聖鑒事竊馬邊夷務經臣恆訓會同臣丁寶楨將迭克沙

匪一帶堅巢各支夷眾畏威投誠及時戡定全境肅清各

緣由恭摺馳奏在案嗣光緒四年正月初七日欽奉

諭旨著恆訓丁寶楨督飭該將領暨該廳文武各官將善

後事宜實力舉行以期一勞永逸等因欽此謹即轉飭該

將領暨該廳文武一體欽遵辦理去後伏查馬邊夷匪自

道光中年倡亂以後數十年來叛服無常固緣未經痛剿

之故亦由辦理善後未能周密所致緣夷等犬羊成性而

文支數繁多漫無統率且路險林深易於負固若不使之

奏稿卷十五

十

失其所恃有所鈐束勢難日久相安所有一切修礮築堡

添設土千百戶土酋土目等事尤須相度地勢酌量情形

悉心籌辦不使一著有錯致誤全局以期一勞永逸也前

據統領壽字營記名總兵李培椿統領達字營記名總兵

張祖雲署馬邊協副將賡良署馬邊廳同知周儕亮具稟

以修築礮堡一事因其時正值嚴寒山深雪大難於興工

擬待本年二三月間春暖雪融再行趕辦其添設土千百

戶以及土酋土目等事業據該將領等選定添設計左營

之夷八支共設土千戶一名土百戶一名土酋長二十三

名土目二十七名右營之夷十五支共設土千戶一名土

百戶一名土酋長二十六名土目三十名皆以黑夷充當

擬先由該廳給與執照一年無事除季賞外稟由_臣等咨部給與號紙其有病故者仍由本支選充兩年無事稟請酌加賞需三五年無事就其中擇其尤為知事得力者稟請將土官准其世襲或陞賞頂戴衣物若以後再滋事端輕則枷杖示懲重則革除另選照例治罪如此明定賞罰庶該夷等知所懲勸日久可漸就範圍於邊事當有起色等語_臣等查添設土千百戶等事自應由該將領等就近選定詳請驗充其修築碉堡_臣等未經親歷勢難懸揣臆斷其賞需各項出納款目有關庫備亦必酌其盈虛詳加覈實庶免浮費復行檄委敘州府知府史崧秀馳赴馬邊會同周儕亮廣良等查勘明晰速行籌度妥議周詳聯銜

奏稿卷十五

十一

稟覆核辦茲據史崧秀周儕亮廣良繪具圖說稟稱周儕亮會同委員蹇誦於四月初閒親至沙匡並兩營履勘地勢中路自黃茅岡右路自白店兒白楊槽前後業已有人開種右營腴沃處所亦漸次墾耕惟左營附近平麓絕少遠者偏處夷巢無人耕作經周儕亮等會商先令兵勇就近處試墾為舉辦屯田計其有復業墾耕貧民呈請借給牛工籽種者已由該廳於巡防經費項下撥給至修築碉堡處所應修碉者計三十六處應修堡計六處現擬擇要修築先於中路之銅廠溝頭道堰鑽天坡等處修築數座以達沙匡又由土地坳老營盤花椒坪等處修築數座以通左營並由茶園堡河口等處修築數座白楊槽修堡一

座以接右營俟落成後暫撥兵練駐守至現設土千百戶等項薪水口食季賞係仿照雷波我邊兩廳章程量為增損即按年查看加賞各款每年亦不過用銀六千兩之數各等情會稟前來_臣等查閱圖內勘定應修碉堡各處尙屬聯貫惟修碉至三十六處修堡僅六處碉多堡少實非現時所宜緣此時侵地初收自廳城以達左右營縱橫數百里漢民早已逃亡殆盡現在一片荒涼非招墾不能為久遠之計修堡則人持有守備易於聚集修碉而無人以守之適足以資敵也法當多修堡數座而閒以碉輔之以碉住兵以堡住民彼此互為犄角用資捍衛俟招墾日眾再行漸推漸廣庶有以制夷而不為夷所制方為萬全已

奏稿卷十五

十二

於圖內將修築數處酌度形勢改為修堡似覺聯貫周妥至目前之堡原不厭多然倉卒之間招徠匪易應隨修隨即招墾庶堡不成虛設當經逐一批飭遵照辦理至修築碉堡經費查該廳原有庫存修築碉堡銀四千餘兩經前署廳程廷榮因公挪用銀三千餘兩未據交出飭司追繳僅據繳到銀一千兩因碉堡為刻不可緩之工未便稍稽時日一面由司庫先行撥借銀二千餘兩足成三千一百五十兩發交周儕亮承領以作修築經費俾得及時趕辦一面勒催程廷榮解繳歸還其賞需一項向來各夷地均如此辦理朝廷原待以寬大之恩用示羈縻誠不可缺然斷不可稍

有濫溢緣夷性貪而無親近來賞項日增夷情日變若不示之以威信而徒以濫賞敷衍了局不特情同買和夷人適以啟其輕視要挾之心視賞需為應得稍靳焉則梗頑不服現已飭令該府廳等將此次應給賞需核定實數以後永遠不准加增緣由明白曉示該夷支等俾共知悉而又嚴定侵剋之罰庶幾恩信相孚該夷人或可帖服不至動卽生心至土千百戶及土酋土目須擇其能懾服夷眾者始准承充切不可稍為遷就免致別滋事端現已飭令該府廳等認真照辦期收實效並再詳審機宜如有尙須增減改易之處再行稟明核奪除俟將土千百戶土目土酋人等挑選如額查明實能懾服夷眾再為具奏並分咨

奏稿卷十五

三

各部外所有現飭通籌馬邊善後事宜及辦理情形謹合

詞具陳伏乞

皇太后

皇上聖鑒訓示謹

奏

議結江北教案片 光緒四年七月初八日

再四川江北教案遷延數年民教積怨成讎枝節叢生幾於不可收拾臣去歲到川卽委員會同川東道重慶府持平速辦並經面飭該主教范若瑟迅速會議辦理乃范若瑟游移矯強遲之數月迄未辦結嗣經總理衙門灼知其弊照會法公使將范若瑟設法撤回本年二月內始行離川接辦教事者爲白德哩其人似較范若瑟平妥奈其隨從之輩半皆狡猾嗜利從旁慫恿多方阻撓臣於該主教接辦時卽屢飭委員等會商妥議而倏忽變幻仍然要挾多端白德哩又多不與委員晤面延之兩月仍無了局此次閱伍到重慶接見委員據稟該主教於此案意圖延累

奏稿卷十五

古

藉索重資臣當嚴加申飭勒限三日內議明完結適該主教白德哩來見臣亦嚴諭其定限三日會同委員趕爲議結並令將隨從刁唆之人查禁不准從中干預以壞大局該主教經此開導頗覺知警當經川東道姚覲元督同委員張炳堃署重慶府知府慶善及巴縣知縣李玉宣等於二日內卽行議結該主教親筆書押存據所有以前一切控案概行註銷其有從前打毀教堂及教民有因案失業各戶並該教堂有墊給留養教民等款該主教至此亦不任意多索惟請商明該委員等代爲陳請酌量發給約計銀二萬九千兩以爲修造撫恤之資據川東道及重慶府各委員轉稟請示前來臣查此項銀兩本不應給惟所稱

撫恤失業教民_臣以該教民等雖係在教究屬中國赤子其因案失業多年實爲可憫所稱撫恤之處尙爲近理似不能不酌示體恤以彰

朝廷寬大之恩至修造打燬教堂從前平民與教民彼此爭角本不應燬及教堂此次所稱修造卽照中國辦法亦應賠修尙非格外訛索_臣權衡至再似尙可行當經諭令准如所請辦理飭由川東道鹽釐項下酌量籌撥分次發給其涪州教案從前原議有端倪詎此次該主教又欲藉詞多索銀兩故爲刁難百計矯強經重慶府知府慶善督同委員孫元超再三會議慶善見其狡展百出力與相抗而孫元超又復從旁說合該主教見此情形無可推阻乃

奏稿卷十五

五

俯首就範惟請委員等轉稟給予修造教堂及撫恤教民各項之資約銀一萬兩並即時親筆書押爲據_臣以涪案現請各情照前不甚懸殊應卽批准辦理以期一了百了現在江北涪州各案均已完結惟_臣思此後傳教之事後慮方長擬飭委員暨重慶府巴縣等會議以後民教交涉應辦條約斟酌妥協飭令知會白德理詳細閱看明白永遠遵辦不致再行滋事除將議結全案另行鈔咨總理衙門查照外所有江北教案已經議結緣由謹會同成都將軍_臣恆訓附片具陳上慰宸廑伏乞聖鑒訓示謹

奏

奏稿卷十五

六

都江堰新工穩固片 光緒四年七月初八日

再川省都江堰向分內外中三江分溉成都十六屬民田為利甚溥自咸豐兵燹後民力不繼年久失修每歲盛漲沙石俱下江身日益淤高而離畢一處為內外江分水緊要關鍵復被衝塌一角江流益形洶湧臣上年到川即據各屬紳民以水患日甚呈懇勘修臣以江水關繫民田且鑒於閩省連年水災隨即督同署成縣道丁士彬帶同委員兩次親往踏勘河身淤高屬實隄岸亦多衝潰當即籌款修理均經奏陳在案查當初估修之時以此工多年未修水勢橫決灌縣一帶淹沒民田已不下十數萬畝此次必須認真挑築期於一勞永逸計自上年十二月初開工

奏稿卷十五 七

起至本年三月中旬工竣均飭丁士彬親駐江干督同委紳妥辦工程頗為堅實乃自五月十七八日連日大雨至十九日辰刻江水陡漲一丈九尺有奇滿江濁流水黑氣腥離畢以下聲如牛吼而惡浪掀騰漩渦噴起上流連抱大木及長可丈餘之巨石隨波直下至午刻水力益猛內外兩江高過隄岸將及尺餘二十一日巳刻水復增漲洪濤澎湃查看水則全行淹沒但聞內外江聲如雷震頓將人字隄第三道泮缺所築之金剛牆衝塌數丈幸所築之新工魚嘴及人字隄並以下各堰分水魚嘴尚無損折惟兩岸隄身向係碎石堆砌間有刷動亦無大損至灌縣城外護城底石大半衝去計自五月十九日起至六月十六

日止水勢始漸平穩臣於水勢洶湧時飭委員嚴加搶護復飭丁士彬親往監督並令沿江查看民田據報均無衝損查都江堰水發源岷山來勢極遠每當立夏以後西邊各山積雪消融加以雨水自松潘理番憑高直下總匯於灌縣城外流往下游勢極奔騰自秦李冰鑿離畢後歷代皆隨時修築我

朝定有歲修並於離畢之寶瓶口建立水則以視水之漲落預為隄防其水則以一畫為一尺自出水面一畫起定至二十二畫為止從來江水盛漲聞未有逾十八九畫者甲子年水大異常亦只至十八畫有奇而下游民田已幾成澤國省城城內亦可行舟幸消退迅速未致大害本年

奏稿卷十五 六

異常泛漲直將水則全行淹沒是合之挑深江身及培高隄岸計之水漲將及五丈有餘詢之沿江耆民均稱數十年來從未見此大水所幸隄防甚早河身隄岸均各加深培高水雖極漲流行通暢且新工魚嘴人字隄及各堰分水魚嘴均形結實故當巨浪排空尚能抵禦月餘以來不惟下游省城及各屬民田毫無損壞即灌縣城垣偏處江濱亦完善如故一無損折此皆仰賴

聖主鴻福得以普庇平安百姓歡呼同聲頌禱臣事後回思猶為心悸現屆七月水勢之盛漲與否未能遽必而經此一番搏激以後各工段當不致再有他虞所有本年都江堰江水大發新工穩固並未傷損民田各情形謹附片

具陳上紓
宸廑伏乞

聖鑒謹

奏

奏稿卷十五

九

遵 旨覆核東鄉縣案摺 光緒四年九月初八日

奏為遵

旨覆核東鄉一案原奏實無輕縱情事謹將取供定讞各情據實陳明仰祈

聖鑒事竊 臣於光緒四年二月二十四日准軍機大臣字寄光緒四年二月初一日欽奉

上諭據翰林院侍講張佩綸奏四川東鄉一案丁寶楨取供定讞輕縱李有恆人言藉藉請飭再加覆核等語東鄉一案前據丁寶楨定擬具奏若果案情允協於李有恆罪名不涉輕縱何至尙招物議著丁寶楨再將前案悉心覆核務使情真罪當以雪民冤如前奏稍有出入即當據實

奏稿卷十五

三

奏明更正不得意存迴護致負委任原片著鈔給閱看將此諭令知之欽此並奉

諭旨東鄉一案著丁寶楨再將前案悉心覆核務求平允無稍迴護前兩江總督李宗羲籍隸四川見聞較確並著該前督確切查明據實具奏各等因欽此仰見

聖主哀矜庶獄之至意跪誦之下感悚莫名謹即欽遵恭錄移咨前兩江督 臣李宗羲遵照去後伏思該侍講職列清班遇災而懼尙慮獄有冤抑正言莊論欲以廣

盛朝欽恤之仁况 臣忝任疆圻尤應留心民瘼冀消愆管曷敢以案經定斷遽謂絕無遁飾不為細心推究致冤抑莫由昭雪况罪名即有出入已蒙

恩准奏明更正更何敢固執成見迴護前非惟有將全案原審各供情悉心覆核往復推求並恐前次委查不實復揀委誠實之員改裝易服再行前往切實查訪嗣接准李宗義兩次咨送所收唐占元等各控呈到臣更幸有所考核卽經委員前往行提該原被人證到省詳加鞫訊互相印證俾得確情而成信讞茲據委員將訪查情形稟呈前來又據提案委員會同東鄉縣知縣稟稱差傳呈內應提原被人證等內有李春發一案該原告自稱懷疑妄控願其悔結並請將詞內馬擇昭等四人請免申解又宋明芳一案據該原告之妻朱胡氏到案供稱伊夫宋明芳係上年十一月十六日在家病故此次呈控在伊夫歿後並不

奏稿卷十五

三

知情係屬竊名願具切結並將被告鄔定光二名請免申解又監生鄧啟才一案確查縣冊並無鄧啟才之名詞內亦無被告徧傳鄧啟才亦未訪有其人無從傳解又周華貴一案係開縣人被告唐道立曾老六亦係開縣人移關均未喚獲無從提解僅將原告唐占元等飭令自行赴質並將原卷一併提到臣隨督同臬司委員詳加研鞫據唐占元告向若璠趙尙益告李開邦二案詳訊所供並無確據再三研詰據供實係互相挾嫌誤控請免深究又據鄧洪熙告覃後士一案該原告到案卽自稱並未遞呈係東鄉十二甲民人竊名妄控因傳解恩促未能查出姓名現甘具結再三追詢矢口不移又李仕映陳應奎告冉正杉

等一案訊係控告侵吞津捐之事當經查明係東鄉縣知縣孫定揚周瀚因辦城防動用公款已由清查局飭令該兩任分別賠繳有案其所控經修城工礮臺各情均係該縣應辦公事與袁廷蛟鬧糧之事無涉該原被告等均願具結懇發回縣自行算明由縣稟復核辦以上各案均係虛衷研鞫該兩造理屈詞窮輸服具結並無絲毫勒抑自應分別省釋免究以省拖累其餘數案均匿不到案至被告等共十八名一聞提解均自行赴省投審且查詢多係從前被害之家臣等再三確訊供情確鑿核與前審各供尙屬相符臣竊維決獄之道據供定案據案擬罪一定之理非可意爲重輕東鄉此案傳播甚遠物議實多臣前歲

奏稿卷十五

三

奉旨查辦時卽聞外閒喧傳李有恆有縱勇妄殺之事意謂武夫輕躁任性妄爲事所必有但使人言不虛李有恆草菅人命罪不容死亟應嚴行按法懲辦以洩民冤當於入川境時隨處留心確探乃傳聞又復異詞有謂李有恆辦理不錯者有謂李有恆辦理稍過者臣心竊疑之以人言無定必得東鄉民人詳訊方足以得真情因思此等重案奇冤臣到川後接踵赴訴者必多當於沿途收受呈詞細心查看乃自入川至省前後共收呈詞一千二百數十張東鄉控案僅有三張係告理田土之件而於李有恆此案並無一紙呈控迨接篆月餘始有以勇丁妄殺控告一呈

查訊實係梟首馬洪崙之子及其夥黨數人因恐此案牽連辦罪是以先行遞呈以冀倖免當即據情駁飭惟時臣一面將原卷詳細翻閱一面遴委候補知府熊紹璜暨新任殺定府志潤等確切訪查稟呈並即將李有恆營勇裁撤飭調赴省聽候查辦復將已經提到各人證督同臬司暨委員等逐日研訊嗣陸續據熊紹璜等將查訪情形稟覆前來臣復督同藩司程豫臬司方濬頤並委員等提集全案人證研訊而事隔年餘袁廷蛟供詞初猶狡展幸全卷具在其滋事之始末辦理之情由皆有呈詞稟報札文書函各件歷歷可考又有提省應訊之人證可質臣由是詳採輿論確核卷據研訊眾供又參以委員等所查各情

奏稿卷十五

三

確悉此案起事根由係因東鄉地方從前征收錢糧各項多有浮收袁廷蛟住居十二甲本係革役素行狡猾遂藉算糧為名陰圖斂錢使用十二甲之人被其煽惑以至一呼百應聚眾滋事曾於光緒元年糾眾圍城一次當時意圖解散未經究懲以後錢糧亦即遞減此次袁廷蛟復藉名算糧愈加膽玩逐日糾領多人沿鄉滋擾甚至圍城偏令該管知府立時減免錢糧並勒傳局士到府算帳該府一一允從猶不解散彼時又有開縣著名土匪吳奉山帶領匪黨多人一同滋擾其勢寔大乃派令殺定營弁兵前往彈壓袁廷蛟等又復恃眾抗拒圍剿兵丁號衣軍械搶去營弁馬匹勢益鴟張署東鄉縣孫定揚張皇失措即

以縣城危在旦夕稟報前督臣吳棠以袁廷蛟兩次圍城此次句有土匪深恐蔓延為害意圖速剿以免巨患由是調派李有恆王照南謝思友金德成等分帶各營前往會勦又嚴檄各該營迅圖掃蕩迨護督臣文格到任恐被脅者多橫遭殺戮復檄委知府王元晉等前往會同各營勦撫兼施其時李有恆已經到防查知此事由於鬧糧即會同王元晉等擬具解散脅從只拏首惡告示稟明護督臣文格照辦故到防半月有餘均各按兵不動只查拏袁廷蛟一名嗣官渡場團局被土匪王廷英等搶毀局士等赴駐紮該場之虎威後營劉道宗營中喊報劉道宗始派人將王廷英拏獲而袁廷蛟遂即率眾圍攻營盤偏索王廷

奏稿卷十五

四

英甚急其時官渡場人心皇皇皆求救於劉道宗劉道宗乃出隊迎擊殺斃五人袁廷蛟始退踞尖峯寨中李有恆見袁廷蛟久無弋獲之期始自行帶隊前赴該寨查拏詎該寨既不獻出袁廷蛟又不指明袁廷蛟所在復不准將弁進寨查看輒行飛石抵擊勇丁被傷數人各營始忿激攻寨相持多時將寨攻破殺戮二百餘人老弱婦女撲巖墜死有之勇丁亦復傷亡多名袁廷蛟仍趁勢逃逸未獲臣當日親提堂訊三面環質袁廷蛟狡辯俯首認罪是以將袁廷蛟照謀叛已行律擬斬劉道宗與雷玉春管帶營勇紀律不嚴且劉道宗有攜眷赴營一事九千軍律將劉道宗雷玉春擬以發往新疆軍臺効力贖罪李有恆為虎

威寶營統領於所部劉道宗攜眷隨營管帶勇丁紀律不嚴失於覺查擬照溺職例革職奏奉

諭旨允准茲恐李有恆罪名輕縱欽奉覆核遵卽謹就所取各供所定各讞證以此次委查情形並參以李宗義咨送各呈之原被人證各供情悉心考究均與前審尙無出入臣竊維李有恆罪名輕重應以是否妄殺爲憑而是否妄殺又必以袁廷蛟等是否圍城拒兵通匪燒搶撲營爲定此案袁廷蛟等糾衆鬧糧本干例禁然究之係從前地方官實有浮收情事袁廷蛟等僅只鬧糧係事出有因尙可從寬辦理至於糾衆圍城脅制官長甚而拒兵通匪燒搶撲營則是罪有應得臣當日辦理時就案辦案自必

奏稿卷十五

美

以李有恆與袁廷蛟兩相比擬以憑定斷蓋袁廷蛟無可誅之罪則李有恆卽在應死之條若袁廷蛟罪有可誅則李有恆卽難擬以重罪緣決獄之道無兩不是理事然也臣審辦此案時於兩相比擬外猶不欲爲李有恆恕何也李有恆究係統領辦事須識輕重如果當初孫定揚請兵援勦吳棠派各營前往辦理札內聲明袁廷蛟等因糧滋事飭令馳赴該縣妥爲彈壓迅圖安撫以靖地方並無攻勦掃蕩字樣李有恆到防後卽率爾興兵肆行攻勦則其妄殺冒功仍屬罪無可逭是不獨議以革職爲輕縱卽議以遣戍亦爲輕縱又使李有恆奉有勦匪之札而到防後明知爲藉糧起事並非謀逆乃不先行安撫卽便臨之

以兵致令良莠不分玉石俱焚是其藉事貪功亦難輕恕又使稟明出示只拏首惡罔治脅從而張貼告示後袁廷蛟等並未別滋他事遂行率衆攻勦是該民等尙無抗犯官軍之迹官軍卽有攻勦之舉臣雖一時愚昧輕縱於前仍當再定爰書以期情真罪當乃李有恆所奉者勦辦土匪之札而於鬧糧一事未之知也及其到防後查得實情則不敢照札辦理先行會同委員稟明出示只拏首惡罔治脅從似與不知輕重者有間迨至袁廷蛟捆獻無期而又恃衆撲營踞寨抗拒勢不能不帶隊查辦及帶隊搜查而寨中既不獻出袁廷蛟又不將袁廷蛟實在蹤迹指明遽行飛石擊禦揆之當日情勢萬難束手此時酌理準情

奏稿卷十五

美

李有恆實無重罪可科茲經臣再三確核前次辦理歷歷敘明實無絲毫掩飾如李有恆果能科以重罪臣固與之素無一面亦並不相藉重又何惜置之於法而甘蹈欺罔之罪也至該侍講原奏所稱或謂李有恆賄囑劣矜爲之訴冤臣墮其術中或以臣委人密訪不得其情或以臣先有成見或以爲迴護文格該侍講已云不以無憑之說遽爲定論臣亦何庸多辯惟查李有恆有無賄囑劣矜無從查究至訴冤之說臣到川後接據各紳糧所遞呈詞多係因袁廷蛟等搶掠財物燒毀房屋受害最慘懇請懲辦之詞及提訊各供亦無爲李有恆訴冤之語至事後梟匪馬洪崙之子及其餘黨以勇丁妄殺控告訊明實係爲倖免

株連起見且所控又係管帶律武營雷玉春勦辦雷公寨之事與李有恆所辦尖峯寨無涉當經批駁在案實無爲李有恆訴冤之事至前委員查訪臣到川後辦理此案因思李有恆在川多年交游必廣若隨意委員深慮有所瞻徇乃博訪周諮得悉熊紹瓚於同治十三年曾經前督臣吳棠檄委採辦木植該員失查家丁人等在灌縣一帶地方招搖生事適李有恆住紮灌縣曾據實稟經吳棠將該員撤委查辦有案可稽意謂以直報怨人情大抵皆然特飭其嚴密訪查自能盡發其底蘊復恐其假公報私並委知府李傳駿同往以期事歸公允確得實據迨熊紹瓚等查明稟覆於素無嫌隙之劉道宗則曰攜眷隨營實有其

奏稿卷十五

三

事而於向有積怨之李有恆則曰縱勇妄殺實無其事言出仇口論豈違心且據綏定府志潤東鄉縣梁融陸續稟復亦皆後先一律與此次委員查訪相符似無虛飾案既屢查而得真情臣實不敢執成見而招物議至於此案臣從前聞人傳說彼時亦深忿恨謂必嚴辦以洩民怨以肅戎行是臣當初本有重處李有恆之成見實無輕縱李有恆之成見嗣經細閱全卷詳審各供始怪耳聞之言不及目覩於是就案推詳爰審乃定據供擬罪議以革職若謂議抵無人原係平情之論但查民命固多傷斃而弁勇亦復傷亡現在荒塚尙存均可指證是殺由抗拒例難擬抵臣所以不敢固執成見實欲期情法兩得其平也至文格

辦理此案其於會匪吳奉山等則嚴飭痛勦而於袁廷蛟等則劃清界限飭令分別良莠勦撫兼施實亦正辦且於營勇滋擾一節未經查實續奏臣已自請議處更無庸爲之迴護况案經奉

旨查辦如辦法果有不善雖迴護只滋罪戾何能掩飾臣又何甘代人受過自蹈愆尤也所有遵

旨覆核東鄉全案實無輕縱李有恆各情除由前兩江督臣李宗義遵

旨查明自行具奏外謹將取供定讞照例擬辦覆核無異各緣由據實具奏伏乞

皇太后

奏稿卷十五

三

皇上聖鑒訓示再此摺覆奏較遲實因再行委查往返需時又行提李宗義咨送呈內各原被人證解省復訊是以稍稽時日合併陳明謹

奏

都江堰水勢實無衝損民田摺光緒四年九月初八日
奏為本年都江堰水勢異常盛漲沿江民田實無衝損所
築新工惟兩岸碎石隄身間有衝刷餘均穩固恭摺據實
覆陳仰祈

聖鑒事竊臣於光緒四年八月二十八日承准軍機大臣
字寄光緒四年八月十二日奉

上諭前據丁寶楨奏都江堰頻年泛溢衝毀民田現設法
籌款修理旋聞該處江流盛漲民間已被水災正以新築
工程能否可靠地方被災是否深重慮念方殷茲覽該督
所奏情形都江堰水泛漲異常與朝廷所聞無異惟水勢
高過隄身濁流洶湧歷時將及一月沿江田廬必多淹沒

奏稿卷十五

无

且從前盛漲下游已成澤國此次水大於前所稱沿江民
田均無衝損殊難憑信至隄身既有缺動能否搶護平穩
不致大損所築新工有無損折能否一律結實恐有不實
不盡之處丁寶楨當嚴飭丁士彬認真履勘據實稟報再
行詳細奏聞不准稍有粉飾並將與築隄工隨時保護完
善被災地方加意撫恤毋令失所將此由四百里諭令知
之欽此臣跪讀之下仰見

聖主軫念民依視遠猶邇之至意欽感莫名伏查都江堰
水本年異常泛漲據本地土民均稱為數十年來所未有
當水勢極大時臣亦懸慮新工難資抵禦民田必致衝沒
亟於五月底飭丁士彬前往督同水利同知及灌縣等縣

設法搶護並飭各州縣查明民田有無衝沒隨時稟報乃
自五月十九日起至六月十六日止水勢漸平所有新築
分水各魚嘴人字隄及兩岸隄身均未損折惟五月二十
一日已刻內江離隄以前之水漲高一丈七八尺有奇氣
色腥黑屹如山上不下灌城居民驚心駭目呼號不
絕但聞離隄腳下聲如牛吼滿江洪濤澎湃有同雷震歷
時許至申正濤頭忽轉向人字隄噴擊勢如電掣立將人
字隄後第三道泮缺所築護隄之金剛牆衝塌三丈餘水
勢豁然由此奔赴外江分流中江始就平順查看人字隄
毫無損折惟兩岸隄身向用碎石堆砌濁流經過間段均
有衝刷隄岸並無傷損此外各工均各完固民田均一律

奏稿卷十五

三

幸獲保全臣前奏實係確切情形並不敢稍有掩飾第此
次水大異常民田何以不致淹沒不惟
朝廷不能釋疑即臣當時目擊心維亦深詫異茲謹將實
在情形敬為我

皇太后

皇上詳陳之查都江堰本為川江正流導自岷山來源極遠
自松理各屬入川境奔騰而下至成都府屬之灌縣上游
十里許地名白馬堰為一總匯流入腹地每當夏令西江
外各山積雪消融加以大雨時行汛期必有漲發其向來
江水經行之正江即今之所謂外江也外江僅一河水勢
過大不能容蓄每多漫溢故秦李冰鑿離隄以分江水始

將正江別分一支今名曰內江而於外內江下流之十餘里又分一支以資宣洩名曰中江自後三江並流水勢既殺而民田分受灌漑可免泛溢爲利甚溥溯查分江之始係於江口之白馬堰以下三里許創建分水魚背一道以長數丈之竹編爲竹籠中載巨石排列江心深入水底丈餘復用徑數寸之鐵椿數十根釘入江底穿繫竹籠層層堆列高出江面一丈數尺至二丈數尺不等其籠石排砌頭小尾大形如魚身分水之處名曰魚背其分水係審定下游地勢之高低以定水口分水之多寡原立水誌流入外江者四流入內江者六分不容稍有增減並著有深淘灘低作堰二語爲修理江身準則迄今數千年咸守其

奏稿卷十五

三

法不敢改易且自是以後代有歲修所以防盛漲水落沙石淤積也自近數十年來久失修理不惟內中分支之兩江淤成平陸沙石壅塞高過隄岸卽外江爲江水正支江身淤墊亦幾與隄岸等故歷年來一遇水漲民田率多衝沒卽灌縣一屬查核已至十餘萬畝不可復識至甲子年水勢盛漲下游幾成澤國以旋漲旋退幸無大傷臣上年到川卽據灌縣各屬紳民呈懇興修臣詳詢之官紳均稱江身淤塞情形萬難展緩當時猶未遽信因督同丁士彬暨委員自灌縣上游之白馬堰起逐一履勘詳看水口之分水魚背實屬廢壞不堪外江之水大半灌入內江又從灌縣城外查看至下游之十餘里地名新都堰卽係中江

江身則見外中內三江悉已連成一片水勢亂流固無所謂三江之分且併爲一江而亦不能順軌迨由新都堰江身憑高遙望下游省城及成都十六屬俱形同釜底彼時查看卽慮次年若有盛漲成屬必爲澤國始決意估勘工料奏明籌修飭委丁士彬帶同委員等親駐江干趕緊辦理其時已在冬初丁士彬以工大費繁爲時較晚先將江口之分水魚背照依古法加工重修並飭委員會同灌縣知縣將內外中三江分起同時並辦先將三江分出正身由外江興修至中江又由中江至內江每支江身挑深至一丈二三四尺不等一面將挑出江身之大小碎石卽以培修隄岸隨地勢江身之高下相度施工地之低者增高

奏稿卷十五

三

至一丈六七尺及二丈四五尺其高者培修至七八尺丈餘不等合計外中內三江挑深增高約計七十里三分有奇復將三江之各分水魚背重行修築其人字隄一段爲內外江束水最要關鍵亦從新撤去朽壞籠石另行添工建修加寬加厚並自人字隄第三道起每道用一魚背順水流入江心中流高出水面數尺以禦湍激而保離岸至三月十八日始行竣事臣飭委藩司程豫親歷驗收工程實爲堅實臣竊惟此次籌修都江堰本因江流淤塞恐害民田不得不爲此大舉當建修之初實已慮及盛漲爲災故飭丁士彬親住江干監督修理臣亦於去歲冬臘兩月前往查視不准分毫草率偷漏以期抵禦洪流且擬圖數

十年之安幸丁士彬與各委員等均能實事求是逐日沿江監督工作毫無偷惰故本年水勢甚盛所築各工段一無損折至民田之不致淹沒者實緣三江江身從前淤成平陸今仍疏復舊制且益以江身挑深江岸加高故水雖極漲而在江口以下離岸以上之數里岸窄水陡則見其高一過江口離岸以下三江分注水勢自殺再加以下各堰分段洶濬愈分愈平江身既無淤塞水流自行暢利故民田只受灌溉之益而絕無衝沒之患也夫以臣當興工之時亦自信有此一修即遇盛漲必不致有害農田然初不料水勢之大至於此極迨後水勢極大而工程並無損折民田一無被淹此實仰賴

奏稿卷十五

三

聖主如天之福江流順軌蜀民得普庇平安實非微臣意料之所敢及也現在秋收已畢成屬實計八分有餘米價自七月中旬至今較六月以前減落十分之四至闔省收成均大略相同民情頗為安帖洵足上慰宸廑凡此皆明明在人耳目不煩稽查而知臣斷不敢稍有欺飾除俟十月水勢大落後所有兩岸堆砌碎石隄身開段衝刷各處及人字隄後衝塌之金剛牆三丈餘謹遵旨飭令丁士彬親往補修齊整以禦來年盛漲並將所築各工程分晰奏咨核銷外所有本年江水甚大新工並無損折民田亦無淹沒及兩岸碎石隄身間有衝刷各緣由謹繪具圖說恭摺據實覆奏伏乞

皇太后

皇上聖鑒訓示謹

奏

奏稿卷十五

三

營饒節省勢難裁減摺 光緒四年十月初九日

奏為川省勇營饒需節省已多現在勢難裁減恭摺具陳仰祈

聖鑒事竊准兵部咨會同戶部具奏各省軍務大定亟宜酌裁勇營以節饒需飭將留防勇丁陸續裁汰以半年為限統裁十成之一並將裁存勇數應需月饒管帶員名駐紮處所分晰奏明以備查核等因奉

旨依議欽此欽遵咨會前來 臣當即遵照轉行督同在省司道詳加酌核伏查川省留防勇丁至光緒三年尚存勇一萬五千餘名 臣去歲到任之初竊見庫款支絀異常籌撥京協各饒及本省應發之款萬分竭蹶即擬於勇營量

奏稿卷十五

奏

為裁減冀節糜費及至悉心體察其勢竟有所不能緣川省幅員遼闊甲於各省且三面皆與滇黔毗連本地之西南各邊夷以及內地之會匪梟匪嘔匪時虞竊發現雖滇黔已就肅清其中伏莽甚多潛匿於三省毗連之處尤慮乘閒滋事所恃有各營勇巡防查緝俾資周密以期有備無患即如上年十二月間羅江縣有匪徒董麻二等聚眾滋事戕害汛官本年二月間南江縣有匪徒張偉堂等藉荒構亂拒殺局紳現在西陽州秀山縣與黔楚交界之處近又有瀧頭帽頂吳才標等謀為不軌之事均由駐紮該處之營勇星馳前往立即撲滅均經 臣隨時奏報在案是皆深得營勇之力俾不至釀成巨患其餘亟應巡緝之地

尚多 臣每於調遣時常慮不敷分撥故欲裁而不能遽裁

然饒項不支深以為慮因思裁勇不如裁饒川省防營俱係楚勇其口糧章程最重此外又有黔勇數營口糧次之是以去年自五月起至年底止陸續將楚黔各軍分別點

驗另行改立營名所有應支口糧無論楚黔均一律改照東勇章程給發通盤計算每年可省銀十數萬兩亦經 臣附片奏明在案是勇營雖未裁減而勇糧之節省已多且查防勇內有安定營二千二百六十三名 臣因黔邊官運

奏稿卷十五

奏

為黔邊鹽務巡防之營不在腹地存勇數內况黔邊各岸地勢橫闊二千數百餘里以二千餘人分紮黔邊近邊十數廳州縣布置巡防已難周密現在黔邊鹽務已有起色 臣擬即行接辦滇邊地勢益寬私梟尤眾將來應行分駐巡防之處又加一倍現擬仍以該營分撥駐防其能否足敷分布容俟查看情形再行籌辦且查該營全軍經總辦黔邊鹽局候補道唐炯目擊川省庫藏空竭慨然自任已將該軍所需口糧於本年六月初一日起由該道於鹽局內自行設措籌給並不再動釐金津捐稅課等款與正項錢糧毫無關係即此一軍司庫每年節省又在十六萬兩之譜是目前川省防軍經 臣此次設法籌辦名雖未裁而

以年中所省餼項計之實較部臣所議統裁十成之一幾逾數倍似未可再議裁汰致滋他虞竊維川省近年虛擁富名其實司庫毫無存積現值京餼及各省營指撥協餼並本省滿綠各營月餼藏餼暨各項應用不可緩之需以一年全省所入綜計其不敷出者實不下一百五六十萬兩臣每於各省羽檄交催時與藩司仰屋持籌莫名焦急時艱所屬但有可以節省之處斷不肯稍涉遷就自貽伊戚况經部臣深謀遠慮關懷大局何敢不遵照辦理無如事有萬難實不得不面面兼顧期於餼需勇營兩有裨益也至各營勇丁均係挑選精壯足數派員管帶無事則勤加操練有事則隨調隨行一年以來臣明查暗訪該管帶

奏稿卷十五

三

等均各恪遵紀律實心辦事尙無向來積習虛報勇數冒領餼銀等弊除再隨時察看情形酌量辦理並將存勇數目管帶員名及征防處所查照向章於年底造冊咨部外所有查明川省勇營餼需節省已多現在勢難復行裁減各緣由理合恭摺具陳伏乞

皇太后

皇上聖鑒訓示謹

奏

籌辦滇岸請緩奏銷片

光緒四年十月初九日

再前准戶部咨滇邊向係川鹽口岸應上緊設法辦運以杜私梟而保川綱等因查滇岸鹽務前臣於籌辦黔邊摺內業經聲明運本無出須先將黔岸辦理就緒再行以次接辦現在黔邊運銷已著成效亟應乘時辦理臣現與總辦黔邊鹽局候補道唐炯力籌運本擬於十一月內即行開辦仍委該道就近在瀘局兼行綜理俾省經費其一切應辦事宜唐炯熟悉情形臣令其查照黔邊章程斟酌該處時勢統歸官運商銷如實無商承領即歸官銷以免停待惟查滇岸頽廢已逾二十餘年川省私販視爲已物動輒挾眾抗拒而滇省之白鹽黑鹽瓊鹽各井鹽亦復從中

奏稿卷十五

三

浸灌是該岸兩路皆私蝕利已久一旦規復舊制辦理似較黔邊頗爲棘手且運道又復紛歧尤虞阻格臣與唐炯日夕籌商此時開辦滇案應將川邊私梟先行堵遏使川鹽之行滇者先有藩籬可恃然後查明滇私來去之路再行設法清理俾界限分明兩省私販不致牽混斯銷路乃不虞阻滯茲擬將川省界連滇邊之宜賓南溪屏山慶符長甯高縣珙縣筠連興文江安馬邊雷波十二廳縣各計岸併歸官運用作藩籬以杜內地梟販攙越之路先飭鹽茶道查明滇案本年之引及歷年積引各若干張暨十二廳縣已領未領新舊計引各若干張開具清單連引張一併交付瀘州黔邊鹽務總局趕爲部署並籌辦購運一切

事宜以免延誤第冬月開辦必須先行購鹽並確查水陸運道難易以及試辦有無商人承銷各事大約開運行銷必俟明春正二月內乃能一律就緒將來奏銷期限應限至六年二月作為一年期滿始能辦理至行運章程現在查照黔邊試辦以後如應有變通之處容臣督同唐炯於行運時再為查看滇岸詳細情形悉心妥籌隨時奏咨期臻周妥所有現擬開辦滇邊鹽務緣由謹附片具奏伏乞聖鑒訓示謹奏

奏稿卷十五

五

江北廳巴縣計引改歸官運片光緒四年十一月二日再臣於去年秋間奏辦黔邊引鹽改由官運商銷案內聲明將界連黔邊之瀘州合江綦江十餘州縣計引並歸官運復因永甯江津南川三縣均與滇黔犬牙相錯亦改由官運以杜計商私販攙越邊岸之路自開辦以來邊計兩岸均有一定界限不致混雜私販既少侵灌銷路自覺暢行惟查重慶府屬之巴縣江北廳界在瀘合涪綦之中近年乏商領引均暫交行號代銷本非長策而代銷之行號又多係教民承充現值民教多事亦不可不防其漸此時上下游之瀘州江津涪州等處引鹽既歸官運則中間之巴縣江北廳計引均應一律歸官以免錯雜而滋隱弊臣已檄行鹽道將巴縣江北廳未完光緒四年分引張提歸黔邊鹽務總局定於光緒五年正月初一日為始改歸官運仍照黔邊章程發商行銷茲據鹽茶道蔡逢年署川東道唐炯先後具詳前來理合附片陳明伏乞聖鑒謹奏

奏稿卷十五

四

裁革道府規禮籌給公費片光緒四年十一月二十三日

再臣前准部咨欽奉
上諭以各省陋規相沿殊屬不成事體著該督撫嚴飭所屬將各項陋規悉心裁革儻有仍蹈前轍者即著隨時奏參懲辦其臬司道府公費著體察各該省情形悉心議奏等因欽此伏查川省臬司道府向來除養廉外別無津貼之款而養廉項下例有扣平搭票折錢及本省應行攤捐各款層層減折所賸無幾從前收受節壽規禮非此無以辦公贍家故二百餘年相沿未改中外共知實有不得已之勢然終非正辦去年秋間臣以川省臬司向來亦收受陋規名義尤為不正當經飭令刪裁而刪裁之後辦公竭

奏稿卷十五

望

蹶因奏明於本省籌備公費項下酌量勻攤幫貼俾資辦公其成華兩縣地處省會一切應辦公事尤為繁冗動形拮据亦經奏明酌量籌給津貼以免苦累均經欽奉

諭旨案當時即擬裁定各道府公費惟因款項一無所出若遽將從前陋規一律裁革實難責令枵腹從公然終任其仍沿舊習亦無以表率屬吏正籌畫間欽奉前因仰

見
聖主於澄敘官方之中仍寓優恤臣工之意莫名欽感復查川省全年正額丁糧共止六十餘萬歷無糧折漕費等項與江西安徽各省可以取資於漕羨者情形不同省庫實無閒款可籌惟自去冬開辦黔邊鹽務以來各岸局於

購鹽售鹽之際照商行收扣平餘銖積黍累湊少漸多原以備各該局一切公費茲據總辦局務候補道唐炯稟稱各該委員等均能實事求是共矢清白力求節省咸願將此項餘積辦公銀兩擬俟積有成數即以提撥各道府每年辦公之用等情查此項收扣平餘既非課稅羨截正項所入又係各局員節省所積並非另取之公家且視別省清折公費取自民間者更有區別以之提撥道府公費實為名正言順臣現擬自光緒五年正月起即於黔邊鹽局收積平餘備公項下酌提成數審定各道府缺分繁簡均勻分撥准其備文赴局領回作為辦公經費各該道府既有此項領款辦公不致掣肘即明定禁令嚴飭自光緒五

奏稿卷十五

望

年正月起將從前一切節壽規禮永遠裁革不准再收分毫以勵廉隅而資表率如查有私受規禮情弊即將該道府指名嚴參並將私自餽送之州縣一併參處用昭儆惕在上官無須取給於屬員自不難破除情面整躬率屬使屬員無從求媚於上司不敢不恪遵令甲共肅官方以期大法小廉吏治日有起色除分飭該局及各道府迅速遵辦外所有現擬裁革道府規禮籌給公費緣由理合附片具奏伏乞

聖鑒訓示再川省道府州縣攤捐一項從前有奏明專支之款應如何分別裁減之處容俟查明另辦合併陳明謹奏

籌撥將軍副都統公費片

光緒四年十一月二十三日

再查成都將軍統轄旗營公事較簡第有兼轄松建各屬地方之責應辦要事亦多而署中辦公之需除廉俸外一無所出每遇公事動形掣肘臣目擊其竭蹶亦代焦急卽成都副都統例定廉俸更屬無多贍家時虞不繼辦公更屬爲難茲臣亦擬於鹽局扣收平餘提撥道府公費項下再行勻撥數成酌給該將軍副都統按季備領藉資津貼俾辦公一切不致輒多賠累庶期整頓地方實於公事有裨謹附片具陳伏乞

聖鑒訓示謹

奏

奏稿卷十五

聖

修理四邊岸河道片

光緒四年十一月二十三日

再據黔邊鹽務總局候補道唐炯郎中文天駿會詳竊查川鹽入黔向分四岸轉運一由納谿派至永甯小河二百餘里爲永岸運黔要道一由合江派至貴州茅臺村小河五百餘里爲仁岸運黔要道一由江津江口派至貴州松坎小河六百餘里爲綦岸運黔要道一由涪州派至貴州龔灘小河八百餘里爲涪岸運黔要道此四小河發源滇黔分流川江皆窄峽崩崖激湍亂石節節有灘自去年開辦官運以來鹽船經過每至險處觸石卽漏必須提載加繹萬分艱難非議修淘難期暢利現據紳耆商民等公稟自願捐貲集款因勢利導酌加修治以利舟楫俾官商均可暢行鹽船無虞失事而沿河窮民更可以工代賑於邊地商民大有裨益俟此工告竣如果經費有餘再妥議歲修河道及四岸陸行險路以便行旅而期久遠該局現已委員分岸查勘並傳詢商民衆議僉同惟茅臺松坎等處均係貴州地界現擬興工一律修淘慮黔中官吏未悉底蘊應請先行奏咨等情前來臣查川省各岸運鹽入黔河道多係灘高岸窄亂石縱橫久未修淘舟行實形滯礙現據商人自願捐貲修治以通運鹽之路自應如議照辦以重鹽務而暢銷岸惟此次工程係屬商捐商辦分釐不關公款自可無庸造報相應請

奏稿卷十五

聖

旨敕下部免其報銷仍由臣繳飭局委各員督率商人

一體認真辦理務使工歸實際除咨明貴州撫臣外理合附片具奏伏乞 聖鑒訓示謹 奏

奏稿卷十五

聖

官運耗鹽以八觔歸公片 光緒四年十二月十四日再臣開辦黔邊鹽務前經擬定章程議於每包正額一百五十觔外酌加十觔以備滷耗於銷售時如有賸出餘鹽即逐包分記呈報另立專款以作津貼局中各項公用支銷業經奏明奉部覆准遵行在案查此項耗鹽十觔當時議辦之初原以官運雖可免夾帶之弊而由廠買鹽捆運以及沿途起撥暨到岸後起載上倉盤吊等事輾轉費手滷耗必多與商行無異且官運係屬創始一切無所遵循各廠局委員均係初次經辦於鹽運事宜尙未窮原竟委亦慮滷耗稍多關繫成本不得不加意慎重是以酌議加耗實以備不虞也茲據總辦黔邊局務候補道唐炯詳稱該道於開辦時即剴切示諭廠窰俱煎紅鍋好鹽官局照色加價收買鹽質既好滷耗自輕至捆運押運起撥上倉盤吊等事又嚴督各局員事事躬親力求真實自上年十二月鹽觔捆運到岸後該道即逐細稽查折耗不過十分之一當於初次核本時即將此項耗鹽十觔應征正雜各款均攤入每包一百六十觔內到岸後即以淨鹽一百六十觔照價發商承銷是此項耗鹽十觔悉數作為正額全歸公款並未提出另立專款作為津貼公項之用計自開辦起截至十月底止此十箇月內歷次詳查所有滷耗及運載各項折耗為數實屬無多應將此項耗鹽十觔永遠歸作正額核算歸入公款俾免日後別滋他弊等情詳請

奏稿卷十五

吳

具奏前來臣查唐炯所請實為核實辦公杜絕隱弊亟應照行惟思鹽餉消耗斷難保其必無即捆運撥載等事水陸兼備意外折耗亦恐不免若如該道將耗鹽悉數作為正額核算俾涓滴皆公辦理誠為結實第恐日後或稍有滷折則局中無款彌補即各局員竭力趨公若以滷折之餘責令賠償亦殊失情理之正且明春開辦滇邊商力疲憊所有運鹽水路久為兩省私梟盤踞充塞官運初行之時非得礮船往來巡護則銀鹽經過在在堪虞現飭該道酌量製造舳板船十號選募水勇駕駛沿江防護以遏私路此項師船經費亦須自行籌發不准再動正款臣擬即將此加耗鹽十勛先以八勛作為正額核計悉數歸公暫

奏稿卷十五

聖

行酌留二勛藉備各廠局鹽運或小有意外折耗稍資幫補並開辦滇邊雇募礮船水師之費均歸此項動支庶幾事歸實際而於辦公一切差覺裕如以後仍飭該道再行隨時詳查情形如鹽餉實在無甚滷折仍即將此項酌留之二勛加耗除支銷水師礮船外餘仍悉數入正歸公以期盡絕弊端永昭核實所有加耗鹽餉悉作正額全數歸公並請暫行酌留二勛以備公費緣由謹附片具陳伏乞聖鑒訓示謹奏

滇邊添製師船巡護片 光緒四年十二月十四日

再滇邊鹽務臣已將明春開辦一切情形陳奏在案惟查滇岸距廠寥遠從前承平之時鹽運已屬不易自二十餘年荒廢之後商力疲憊川滇兩面皆係私梟充塞盤踞而運道所經沿江一路尤為艱險官運開行之時銀鹽往來倍關緊要臣與總辦局務候補道唐炯再四熟商非得師船攔截巡護恐多疏失現已飭該道在於重慶購料製造舳板礮船十號選募得力水勇在於沿江駕駛操練往來巡防至造船及募勇一切工料口糧應歸鹽務公費內掙節開支不動正款如此辦理庶鹽銀經行各處可免他虞而私販斂迹官引乃期暢行實於鹽務有裨除咨部查照外謹附片具奏伏乞

奏稿卷十五

聖

奏
聖鑒謹

請提官運鹽務徵收抵撥京捐摺光緒五年二月初八日

奏為遵旨抵撥部饒擬於官運局鹽務徵收項下自戊寅綱冬季起按年提撥銀兩分季解部及滇黔兩省湊抵京捐支款恭摺仰祈

聖鑒事竊臣前據總辦黔邊官運局建昌道唐炯詳稱該局開辦丁丑綱官運一年期滿現在所銷正額及帶銷積滯引張並所收稅羨截釐正雜各款均經查明實數分別開單造冊奏咨核銷實計所徵銀兩連原借山東及本省鹽本五十八萬兩除已分還過銀一十三萬七千兩外現實共有成本銀一百二十餘萬兩本應將所徵各款存儲

奏稿卷十五

完

聽候撥用惟戊寅綱已經奏明開辦滇邊及附近滇邊之十二廳縣計岸均經官運又須添設成本五十萬兩始敷周轉計惟有將前徵各項仍舊歸入本屆成本以資籌運俾免另籌為難惟查黔邊開辦引張暢銷收數甚旺本年加辦滇岸若使辦理得手則銷引徵銀當可冀有起色現值部庫支絀之際官運既獲贏餘自應兼顧內庫以重根本茲擬自戊寅綱冬季起每年提撥官運鹽務徵收項下銀二十萬兩每季分解銀五萬兩按時解交部庫以備要需如有延欠將總辦之員奏請嚴議等情前來臣查該道所詳實為內外兼籌力顧根本起見正擬批准照辦間適准戶部咨光緒四年十二月十四日奉

上諭前因軍務未平用款不繼不得已開捐納職藉濟饑需乃行之日久捐資之影射捐生之取巧及委員等種種弊竇不一而足與澄清吏治之道既多滯礙於饒需亦多有名無實自應即時停止以肅政體著戶部及各省督撫通盤籌畫務將京捐局及各省捐局每年入項若干詳細查明將此項作何支用之處設法籌款相抵一面奏明停止捐輸毋得藉詞款項難籌有意延宕等因欽此並准戶部咨明遵照此次

奏稿卷十五

奉

宸衷獨斷飭下部臣及各疆臣通籌捐項籌款相抵即行停止仰見聖主澄敘官方莫名欽服查近日捐輸一款自以京捐為大宗現既奉旨停捐則

京師為根本重地部庫支發一切需款尤為緊要現在川省滇黔兩岸均經開辦舊制漸可規復道員唐炯辦理得法每年收數必能集成鉅款部庫亟應兼顧所有京捐抵撥一項應請即如唐炯原議自戊寅綱冬季為始每年在於官運局徵收項下提撥銀二十萬兩按季分解部庫即以抵京捐支項並另籌備銀六千兩隨解交部以作停捐

後一切辦公之用此後務當年清年款如總辦局員稍涉
諉延或解不足數即由臣奏請嚴加議處以爲貽誤軍饟
者戒至藩鹽兩庫有此格外挹注已覺寬舒其戶部指撥
常年京饟仍應責成該司道儘力籌解足額不得於官運
局籌抵二十萬數內抵撥牽混以昭核實至滇黔捐局既
奉

諭旨飭令籌抵停止臣等亟應竭力籌措抵補庶該兩省
軍饟有資而後我

聖主之良法美意刻期可行惟藩鹽兩庫實無款可籌茲
仍飭唐炯將官運妥爲辦理俾便商利民銷數日臻通暢
除解部款外再於各項下籌撥銀六萬五千兩以四萬兩

奏稿卷十五

至

解黔以二萬五千兩解滇亦自戊寅綱冬季爲始按季分
解俾抵川省捐款惟京捐局及滇黔兩省在川分設各捐
局刻下各省尙無議抵定章其何日停止刻亦尙無定限
現在川省鹽務撥解議自本年冬季爲始應請各局即自
本年秋季起所有以前捐生一概飭令無庸分發來川以
示限制再撥抵部饟及滇黔捐饟本擬自戊寅綱春季起
因甫辦滇岸須添成本且此半年中周轉匪易是以不能
不定自戊寅綱冬季爲始撥解庶期兩無貽誤所有議於
官運戊寅綱冬季官運局鹽務徵收項下撥解部庫銀二
十萬兩暨分解銀六萬五千兩抵補京捐及滇黔各捐支
款緣由謹恭摺由驛附奏伏乞

皇太后

皇上聖鑒訓示謹

奏

奏稿卷十五

至

黔邊官運丁丑綱行銷引數經徵各款摺 光緒五年

二月初八日

奏為黔邊官運局行銷丁丑綱額積鹽引徵完引稅羨截正款暨引釐等項雜款銀數及經徵職名分繕清單恭摺仰祈

聖鑒事竊 臣接據總辦黔邊官運局建昌道唐炯詳稱川省每年額行黔邊水陸鹽引共折合水引一萬零四百八十一道額行近邊之敘永甯瀘州納谿合江南川綦江江津涪州酉陽秀山黔江彭水十三廳州縣計水引三千八百六十三道兩共應徵稅羨截銀十一萬九千四百六十六兩二錢三分五釐從前商運行黔及濟楚引張邊計

奏稿卷十五

五

套搭每年約共銷黔邊額引五六千道積滯黔邊額引自三四千道至五千道不等今計改歸官運後自光緒三年十二月十五日官鹽到岸起截至四年十二月十五日一年期滿除綦岸分局另有額行富順三臺射洪蓬溪四縣計水引一百八十五道永岸分局另有水引三十道瀘州分局另有額水引五十六道南川分局另有額行射洪縣計水引四十七道涪州分局另有健為縣黔額水引一百二十道暨另有發商領銷各引三百八十三張均係在官運未辦之先已由鹽道發商運銷應由鹽道奏銷以歸畫一外總計丁丑全綱額行黔邊水引及兼辦近邊之十三廳州縣額行計引均已全數銷竣並帶銷光緒元二年黔

邊積引一萬零二百八十四道八則四色例應照案由局奏銷等情前來 臣查前年奏定黔邊鹽務改為官運商銷章程聲明丁丑綱行銷引及改歸邊岸之計引由局奏銷請展至己卯年二月扣滿一年造冊奏報茲屆官運一年期滿據該局詳明丁丑綱邊計額引業已銷竣帶銷積引已至八成將銷過引數徵收正款稅羨截各項及應徵引釐黔釐引底暨籌備護本勇糧局費各雜款銀數及經徵職名具詳到 臣確加查覈無異除冊結另行題銷外謹恭摺具奏並分繕清單恭呈

皇太后

御覽伏乞

奏稿卷十五

五

皇上聖鑒謹

奏

丁文誠公奏稿

卷之十六目錄

考核官引票釐各局徵收款項片光緒五年二月初八日

防勇口糧應於護本引底各項餘款撥抵片光緒五年二月初八日

耗鹽儘數歸公片同日

遵 旨覆陳寶森實績摺光緒五年二月十二日

拏獲穆坪首匪王萬春摺光緒五年二月十二日

請頒官運鹽局銅質關防摺光緒五年二月十二日

降級留任謝 恩摺光緒五年三月初十日

黔邊邊計各引由局自行繳殘片同日

奏稿卷十六目錄

請將竈紳王余照革職提審片同日

官運辦有成效未可更改摺光緒五年閏三月初七日

會籌西藏事宜摺光緒五年閏三月初七日

遵 旨覆陳方濟頤不能勝任摺光緒五年閏三月初七日

報銷都江堰工用款摺光緒五年閏三月十七日

遵 旨查訊竈民呈控官運虛誣摺光緒五年四月初五日

遵 旨覆陳都江堰工並無浮冒摺光緒五年四月初五日

考核官引票釐各局徵收款項片光緒五年二月初八日

再川省饒項津捐而外全恃鹽釐而鹽釐一款計通省只

收銀九十餘萬兩 臣心竊疑之因查明鹽務從前富健各

廠商人領引配運皆以邊計潼錯雜套搭不清朦混滋弊

乃於開辦黔邊之後奏明於該廠改設官引票釐各局以

嚴考查而資整頓現已一年期滿 臣遂加考核除黔邊官

運局應銷光緒三年正額邊引及近邊十三廳州縣計引

一律全完並帶銷黔邊積引已及八成所徵正款稅羨截

釐銀計六十四萬九千餘兩而雜款所收之黔釐引底護

本並自行籌備安定營防邊勇糧及局中公費暨奏明提

作道府公費之積湊平餘共銀三十餘萬兩尚不在內較

奏稿卷十六

之未辦官運以前邊楚兼行每年銷引不過七八千張多

銷幾及三倍現經另行奏咨核銷其改設之富榮官引局

查從前邊計潼三項引張套搭領配每年所銷濟楚潼引

不過二千數百張合之邊計各引每年行銷至多不過一

萬六千餘張自光緒三年十一月開設官引局起至四年

十一月底止一年期滿除黔邊引張全數提歸官運局認

銷外現查官引局潼引一項實已銷過九千六百六十餘

張計多銷潼引七千餘張合之計商已投驗之引六千四

百八十餘張共計潼計兩引行銷亦已至一萬六千一百

四十餘張共收釐銀二十九萬七百餘兩連潼引項下徵

完稅羨截銀八萬四千三百餘兩二共收銀三十七萬五

千零二十兩是全除邊引一項其所銷引數與所收銀數已與往年相埒若連官運局所銷丁丑綱邊引併計收數實較從前倍加至健樂官引局所收釐銀除去邊引歸官運不計外實收銀至十萬七千九百九十餘兩亦較從前邊計兼行收數加多又查渝城鹽釐局爲運楚商鹽及下游邊計各局運鹽總匯之區向來運楚每引完釐銀三十兩五錢邊計兩商每引完釐銀二兩未辦官運以前渝局每年驗放邊計楚各引多不過一萬四五千張收釐銀不過二十六七萬兩自三年十一月將黔岸及近黔邊十三廳州縣計引改歸官運渝局專驗商運之潼引及下游未歸官運之各州縣商運計引因鹽包改歸舊則不准照

奏稿卷十六

前任意加勛其時楚商皆以灘險費重銷路狹滯紛紛懇求酌減以顧成本臣查其情形屬實因鹽勛大包之弊已除釐數自應遞減方可以對商人當爲核減銀十二兩五錢每引完釐二十五兩邊計各商原定釐數本輕仍照前每引完釐銀二兩計自光緒三年十一月起至四年十一月止共驗過運楚潼引及湖北長樂八屬楚商鹽引一萬二千一百八十張下游各州縣計引五千四百七十餘張共收過鹽釐銀三十四萬二千零八十餘兩較往年銷引又多至二千餘張其運楚每引酌減釐銀十二兩五錢計尚多收銀七萬餘兩尤屬有盈無絀此改設官引局後富健兩廠及渝城驗引收釐加多之實數也又查富健等廠

向章抽收引外餘鹽釐金巴鹽每勛抽錢五文花鹽每勛抽錢四文彼時富廠所收餘鹽釐錢每年極旺不過十三萬串健廠所收餘鹽釐銀每年亦不過一萬餘兩自上年改辦票釐收數核實因各處窮民過衆小本謀生餬口倍難乃酌減爲巴鹽每勛抽錢四文花鹽每勛抽錢三文以卹窮苦計富廠自光緒三年十一月開辦票釐之日起至四年十一月底止共抽收釐錢十五萬五千五百餘串健廠自四年正月開辦起至十二月底止共收釐銀五萬七千五百餘兩是富廠酌減之後較從前未減時所收錢數加多至四萬五千餘串健廠所收銀數則加多至四倍此又富健各廠引外餘鹽抽收加多之實數也至此項釐金

奏稿卷十六

連官運局收款均存儲該局添作本年開辦滇岸成本其官引各釐局所收各款仍隨時分解鹽道庫在案竊查川省鹽務自咸豐初年以來因滇黔邊岸全失部引滯銷已越二十六年此後邊計各引牽扯轉迄無考核雖經前督臣駱秉章吳棠於同治二年八年兩次奏准展限勒銷毫無實濟前經查明截至光緒二年年底止邊計各引積至八萬數千張積欠羨截銀一百三十餘萬兩較之同治二年原奏積欠羨截銀三十六萬餘兩幾增四倍良由頻年邊計套搭引目混淆奸商巧於營私貪吏肆其需索自充商領引開籤以至沿途盤驗到岸開包處處索費官取於商不問

國計商取於鹽不知畏法故改包添勛任意加重配一包而載兩包之鹽行一引而夾數引之私其瀆屬一處甚至鹽船經過盤驗委員不驗包重全係估堆官則估多以便索錢商則爭少以圖減費但將使費說定無論包重包輕即便放行蔑視典章直同兒戲關卡賄賂公行私梟羣起爭奪於是官商私販互相齟齬沿江列艦排礮搶劫焚擄肆無忌憚莫可收拾臣到任後將瀆屬嚴加整理又督同唐炯議辦官運定章奏辦力禁官吏之婪索嚴杜商人之夾私包勛改歸舊則爲之酌減釐金以救商窮邊計不容攙混爲之劃分引岸以清銷路一面飭派營勇實力查拏私梟由是引岸分明運路疏通商販暢行挑販窮民亦得

奏稿卷十六

四

各安生理茲查明官運總局共收稅羨截銀二十萬三千兩有奇富榮官引局徵收瀆引稅羨截銀八萬四千三百餘兩比較從前多收稅羨截銀約二十萬有餘又各局釐金除瀆屬及各州縣小廠分局分收竈戶商販鹽釐不計外專以官運及富榮隸樂渝城數局收數銀錢併計已共收釐銀一百三十餘萬兩而官運局所收雜款之黔釐引底護本等項暨自行籌備安定營防邊勇糧並局中一應公費及積湊平餘等項均各有專支不在正款數內者又約銀三十數萬兩比較從前通省抽收鹽釐九十餘萬兩實已多收銀七十餘萬兩通計一年實已增收稅羨截釐及各雜款銀約九十五萬餘兩洵屬大著成效至臣此次

辦理其銷引之日暢徵收之加多者並無分毫多取於商民甘犯古人聚斂之訓其得要全在禁鹽包之加勛而尤在嚴官吏之婪索蓋商人於鹽勛加重非不自知犯法徒以索費過多藉以塞其慾壑耳茲官吏不容婪索則商無浮費而成本輕成本既輕則既不樂犯法以加勛亦便不須擡價以取盈而民食賤故自官運開辦數月後臣查訪黔邊及近邊各計岸民間食鹽從前價貴至一百數十文者今則落至七八十文貴至七八十文者今則落至四五十文是以商民稱便引銷自多臣初與唐炯定議謂此次辦運要在以利民者利商即以利商者利國即今可驗然此皆由唐炯心精力果守潔才明矢志公

奏稿卷十六

五

忠破除情面故能興此大利不加賦而財自足若使無此贊助實非臣才力所能及此也伏念道光年間前兩江督臣陶澍以淮引積滯改辦票鹽其時宣宗成皇帝力爲主持然猶謗議沸騰至於詛說况臣與唐炯碌碌庸才欲奪貪奸數十年之侵吞而又舉之於兵燹廢墜之後若非我

皇太后

皇上乾斷獨持於上臣等亦且相率畏難何能稍有建白迄今幸奏成效彌欽服

聖明在上百度維貞不禁感激涕零也現仍飭唐炯力守初意總期便商便民以濟川黔日後之窮以溥

國家自然之利冀以不負
委任於萬一所有開辦官運後改設引票各局辦理甚暢
各緣由除咨部查照外謹縷析附片具陳伏乞
聖鑒謹
奏

奏稿卷十六

六

防勇口糧應於護本引底各項餘款撥抵片 光緒五年二月初八日

再查官運定章內前奏明攤收引底一款經部議駁本應遵辦惟查此項引底係因各項商人向多領引入手不思認真行運私相售賣或呈請改代輾轉牽混故引張繳殘一切流弊滋多前籌辦官運以各該商此等弊混相習成風惟念其自咸豐以來屢次捐輸亦多報効今若遽令失其坐享之利殊覺不情是以奏明酌留引底以示體恤迨經部駁後該商等聞引底不給紛紛懇求殊形迫切臣查其情實可憫因令唐炯確核成本即加引底一層亦屬輕減民食仍賤似可仍准酌留用昭公允至雜款內護本一

奏稿卷十六

七

款係因官運鹽包均係船運自廠至岸江流奔激節節皆有險灘石齒森磷船隻觸碰時虞沈溺而仁涪綦永入黔河道灘尤險惡向來商人每年觸石沈溺船隻淹斃水手不一而足且因此虧折歇業者亦多是以商規向有護本一層以備不虞今官運成本攸關帑項尤宜格外慎重因仿照商規仍於成本內攤收護本一款以為船隻疏失沈溺另行補運之費惟加此一款核之成本仍較商運猶多輕減於民食毫無加增商人皆樂於從事至黔釐一款則係商人以黔省釐卡紛煩處處需索自願將此款攤入官運成本由官代為交納以免刁難阻滯之弊亦較之從前商運入黔自行完釐者減少不啻數倍商人咸相悅服銷

行甚暢職此之故至安定營勇防邊口糧本應由司庫動支正款給發因現在京協各饒指撥紛繁司庫入不敷出籌撥萬分拮据營勇時形枵腹唐炯目擊艱難乃詳請由局自行設法籌備不動地丁津捐釐金正款以顧大局其支發勇糧各項每年仍照動支司庫各營按月冊報籌饒局歸該局按年造報俾資考核而昭清澗至此外局中一切應需薪水公費各項均由局自行酌量籌畫並不准於稅羨截釐正款內扣支分文其奏明提作道府公費平餘一款係於購鹽售鹽內分釐湊積而成亦於稅羨截釐各款無涉均應免造報以歸簡易再安定營勇防邊口糧為費較多恐自行籌備之款設有不敷應只准在於護本引

奏稿卷十六

八

底及黔釐平餘各項積存餘款項下撥抵俾免缺乏除咨部查照外謹分晰附片具奏伏乞

聖鑒謹奏

耗鹽儘數歸公片 光緒五年二月初八日

再臣前以黔邊鹽局詳稱官運鹽包奏定酌加滷耗鹽十觔原以備鹽包折耗之用現查歷次所運之鹽折耗實屬無多應請奏明全數歸公核算以昭核實臣時以該局現在開辦滇邊所需一切運費局費為數較多籌辦為難因奏請將滷耗十觔以八觔歸公提出二觔暫行留備局中公費以資津貼在案茲復據道員唐炯詳稱該局此次辦理官運實事求是略無絲毫牽混所以杜日後流弊若以此二觔耗鹽酌留津貼則核算鹽包觔重時頗滋轉轄且易開將來朦混侵漁之竇仍令全數歸公方為正辦懇請再行奏明辦理臣查該道係為核實杜弊起見自應准如

奏稿卷十六

九

所請以昭清澗除咨部查照外謹附片具陳伏乞

聖鑒謹奏

遵 旨覆陳寶森實績摺 光緒五年二月十二日

奏為道

旨覆陳恭摺仰祈

聖鑒事竊 臣 恭奉

上諭翰林院侍講張佩綸奏稱四川候補道寶森係大學士寶蓋之弟特膺保薦恐以虛譽邀恩寶森著有何項實績著該督據實覆奏毋稍迴護欽此仰見

聖主綜核名實至意跪誦之下欽服莫名伏查 臣 前籌辦馬邊夷務正未得手適寶森進省來見 臣 詢以該處情形據稱馬邊城數里以外即被夷人侵占數十年來為患日甚此時用兵雖日有斬擒亦屬無裨大局必須規復沙匪

奏稿卷十六

十一

奪其老巢羣夷必望風瓦解然該處山路峻險進兵甚難須從左右營舊址分路進搗機密迅速於數日內蕨功若稍延緩該夷因險設卡必至無可著手 臣 以其言明晰近理密令馬邊同知周儕亮查覆情形大致相同因即決策添派李培椿一軍會同張祖雲一軍分路克復沙匪羣夷遂即納款 臣 以該員既能直抒所見亦尙能耐勞苦於事平之後照常附片保奏至寶森他事就 臣 所歷加考核者謹亦略陳梗概 臣 初到蜀深悉夫馬局虐民最甚即擬裁撤因積弊過久食利者多未敢驟行舉動維時寶森先經前署督 臣 文格委署建昌道尙未到任謁見之次即首陳夫馬之害力請裁撤及其稟辭赴任 臣 又語及此事寶森

即稟稱立法必自本省大員始此次赴任應痛革此弊如有絲毫擾累民間應請嚴行參處此在 臣 札飭未下之時寶森即已屏除供應奉法順流其急公自屬可嘉又穆坪土婦爭印謀嫡一案事閱三年奇冤莫雪且釀成王萬春叛逆之禍 臣 委該員審辦既查出實情即來省面稟並稱此案懸宕數年皆由被告廣行賄賂固結甚深向來自督署以至建昌道衙門書吏丁胥無不為之耳目若能清各署之弊此案亦自水落石出 臣 查所言有因即照該員辦理遂將此案審結 臣 觀其極能奮勉似非有意迎合因參核其向來在川情形該員兩經署任為時甚暫辦事亦無貽誤惟於同治九年委辦夔關釐務此事向為調劑美差

奏稿卷十六

十一

抽收報解漫無考核寶森接辦此局已在洋票漸盛之時核其征解之數與前三年比較必逐月加多合計一年長解七萬數千餘兩此在 臣 未到任以前即能如此前後自屬相符因其於馬邊案內有勞足錄酌予保舉原以勵其將來 臣 惟疆吏督率屬僚但當講求實效導養善機實事既有可取則誘掖獎勵原以廣為善之端此後寶森回省當差果能始終奮勉 臣 當迭加保獎未便以曲避微嫌沒人之美如其不知自愛先後不能一轍亦當據實參劾決不以保舉在先稍存迴護謹恭摺覆陳伏乞

皇太后

皇上聖鑒訓示謹

奏

奏稿卷十六

十一

拏獲穆坪首匪王萬春摺 光緒五年二月十二日

奏為官軍擒獲穆坪滋事首匪王萬春訊明辦理餘匪悉數殲除坪地一律肅清恭摺具陳仰祈

聖鑒事竊查雅州府天全州屬穆坪土司所轄夷地於光緒二年夏間有匪徒王萬春即王唆唆因護理土司大堅包氏身死不明其女格松蒼汪珠瑪等與庶母小堅包氏構訟遂乘機煽惑糾眾倡亂焚掠殺擄拒傷官兵經前護督臣文格調派兵勇勦捕擒獲王萬春悍黨斬教司即斬超羣車軍功即車添順等審明正法王萬春逃竄未獲均經奏報在案 寶楨三年三月到任後探悉王萬春盤踞夷地趕羊一帶句脅居民滋擾無常當派候補知府張世

奏稿卷十六

十一

康督率所部達字左營前往分紮穆坪靈關兩處督同天全州知州戴希灝蘆山縣知縣劉建埏設法勦辦詎該匪王萬春盤踞夷地既久句結甚深該處漢奸土民被其誘惑悉聽號令動至數千日形猖獗雖疊經飭兵進剿而山深地險總未能大加懲創 臣等隨即擬就祇擒渠魁罔治脅從簡明告示刊刷多張札發張世康及署建昌道薛允升派員持往坪地各村徧貼曉諭以期解散黨與一面添調統帶壽字副前營記名提督李鳳友督率所部前往會辦是時坪地居民有被逼勉從及隨同附和者一經剴切示諭漸知悔悟解散頗多而該匪王萬春於三年八月間仍糾集死黨多人由趕羊一帶竄踞隴東四路要隘修築

堅卡為自衛計並令另股匪黨亦於趕羊築寨固守遙為聲援張世康探悉情形深恐竄入內地蔓延為患隨於八月初五初八十一等日派都司李鴻順等會同李鳳友部勇並飭代理土司周汝紹團首黃存齋等前往勦捕王萬春率眾抗拒張世康督飭各弁勇奮力進擊敗賊於隴東追至趕羊復將蜜蠟溝塘壩一帶踞賊交擊敗潰十二十三及二十五等日都司李鴻順守備駱宗保等攻賊於楊村瓦西等處賊復敗遁先後斃賊百餘名陣擒王萬春之姪王糟鼻子及悍匪王觀音等十一名均立於軍前正法奪獲軍火刀械多件我軍受傷勇丁李玉培等九名陣亡把總樊芳雲一名勇丁廖占彪一名團民七名團首從九

奏稿卷十六

四

職銜王世珍亦沒於陣維時梅里川等處踞賊亦經李鳳友擊敗先是張世康等因王萬春逃匿趕羊匪蹤靡定會令團民陳富有冉照庭楊忠林劉櫻匠楊老七等為官軍鄉導入山勦捕王萬春銜恨甚深分遣匪黨將陳富有冉照庭兩家老幼共十三丁口全行屠戮而楊忠林劉櫻匠楊老七等亦在青岡坡遇賊全行攢殺並將遣入賊巢招撫團民羅樹棠殺害旋經巴石溝等處團民查獲從賊殺人之羅傳助等六名捆獻來營當即訊明正法李鳳友等隨即商同管帶團勇左營參將司錦榮各率部勇並約會署建昌道薛允升署雅州府羅亨奎督飭天全州戴希灝蘆山縣劉建埜毘連坪地之汶川雅安蒲江邛州打箭鑪

懋功等廳州縣經歷王聿英各帶民團懋功阜和兩協督同各營弁兵四出圍捕陸續擒獲夥匪王二大偽軍師周伯章暨王萬春之子王老五等三十七名訊取確供其實係匪黨即行正法若係被脅勉從者均立予保釋所有逃出難民約千餘人均經資遣回籍其由賊中自拔來歸者亦一併免罪並示諭各安生業其前經被賊燬擄者尤為加意撫綏以示矜恤等情據各營員與各地方官先後稟報前來 臣等查王萬春人本狡黠詭譎異常句結既深藏身甚固若勦捕少形鬆懈竊恐滋蔓難圖儻派兵徧地搜勦又恐羣相驚疑該匪益肆言煽惑當飭張世康等先將解散之眾就地力行保甲勤加稽查以絕句連一面飭令

奏稿卷十六

五

勇營擇要設防嚴杜竄越旋據張世康等稟報會同各地方官督飭代理土司周汝紹將穆坪轄境漢夷戶口認真清查一律編聯其各處要隘或派營勇駐防或調團民扼守亦均布置周密使王萬春不能偷越四面兜擒庶易得手乃正在嚴飭查拏聞王萬春見備禦嚴緊自知無可逃遁而保甲既辦亦難再行煽惑遂句結外匪朱映川等招集亡命急圖起事從前漏網餘匪聞風響應遂於四年七月間王萬春潛令巨匪朱映川等從靈關一帶程同喜等從太坪場一帶羅老十等從大溪腦一帶包文炳等從河東河西一帶蕭老五等從趕羊隴東梅里川一帶各糾匪黨約定頭插扁竹葉以放火為號定期分道搶踞坪地再

行分竄張世康得報後當即飛飭駐坪都司田錦德等約會提督李鳳友及附坪各廳州縣嚴密巡防又知會代理土司周汝紹協力守禦一面飛稟_臣等添調管帶親兵都司劉功化督隊會同防勦七月十六日夜三更後該匪等果分股由四山突出直撲穆坪中街放火殺人火光照耀喊殺連天都司田錦德等督帶勁勇分股巷戰是時四路守隘弁勇團丁由外擊入一面分隊撲滅燒房之火田錦德等由內迎敵格殺多時陣斬悍匪呂天福等六名賊稍敗卻我軍奮勇力戰生擒石雞籠等九名皆頭插扁竹葉爲號奪獲刀矛無數餘匪乘夜潛逃其冷卜溝札底關校場溝各處股匪或由山梁馳下或由僻徑抄出均經預派

奏稿卷十六

六

堵隘弁勇擊退時梅里川股匪亦於是夜起事焚掠團民徐世賢葉文玉各家殺傷男婦數人張世康派都司王有等帶隊馳擊匪等據險抵敵王有奮力奪險斃匪羅正興等三名餘皆狂竄王有旋督團保抄獲夥匪楊盡春等多名張世康因賊雖敗竄伏莽猶多隨派哨長知縣段興宗等並會商提督李鳳友派壽字營參將胡升仕都司劉功化署天全州耿士偉蘆山縣劉建塏或統率部勇或帶領兵役或督同團練查探匪蹤分路巡緝先後拏獲要匪朱映川等及夥匪朱王保等六十五名稟經_臣批飭訊明法無可貸者立即正法情有可原者准予保釋其時王萬春仍復乘間逃逸復飭張世康等嚴行偵捕並派統帶游擊

營傑勇候補知縣王宮午幫同查拏旋據稟報王宮午商同前任天全州戴希灝購覓穆坪土民王昌林等六人作爲眼線派令軍功吳級三等改裝易服前往訪緝十月初三日先在魚通土司境內拏獲王萬春心腹鄭木匠鄭占魁父子經王宮午會同戴希灝提訊據鄭木匠等供出王萬春尙在田壩花椒坪地方藏匿同行三四十人分伏數處並稱甘願指引路徑將功贖罪同往兜拏等語王宮午等見其出於至誠當即密飭千戶王應元嚴扼路通草地各隘並函請張世康嚴扼猛虎岡桃坪兩路署天全州耿士偉嚴扼阿迷羅一路復遣獲賊鄭占魁馳赴花椒坪假與王萬春報信同逃實則暗爲內應約定初五日夜間以

奏稿卷十六

七

礮聲爲號內外夾擊鄭占魁去後王宮午即派守備謝文壽把總費廣良密帶勇丁晝伏夜行初五日夜四更時分齊抵花椒坪鄭占魁從內將草棚放火王萬春與匪黨倉皇驚起持械抗拒我軍奮勇迎敵礮傷夥匪兩人王萬春同餘匪向雞毛岡草地奔竄吳級三等伏路攔截匪黨墜巖死者數名奪獲鳥槍五桿大刀三把勇丁石奉先等受傷三名王萬春越嶺宵遁費廣良等追躡及之維時王應元亦帶土兵瀘定橋巡檢陳熙亦帶弓兵圍丁隨後踵至四路圍拏費廣良首將王萬春生擒鄭占魁亦隨隊馳回其餘各匪均經張世康等督隊攻勦殲除淨盡坪地一律肅清等情稟經_臣批飭著建昌道周廷揆署雅州府于宗

綬飛飭代理土司周汝紹傳集土目包良金土民楊富貴等四名取具切結認明實係王萬春餘王峻峻正身押解到省_臣等復令張世康覓出前與王萬春熟識數人當堂指認不誤當經發交成都府監禁訊供稟辦至鄭木匠父子先雖從賊迨擊獲後隨即供出首匪王萬春所在並隨同官軍出力指引路途將其擒獲尙知悔罪自應貸其一死以勵將來此次該匪王萬春糾眾倡亂時閱三年各營將領及地方文武各員均能不避艱險轉戰於重山峻嶺之中防勦於瘴雨蠻煙之地卒使元惡就擒邊圉又安洵屬著有微勞所有在事尤爲出力各員相應仰懇天恩從優獎勵其餘出力員弁紳團由_臣查明酌給請獎

奏稿卷十六

六

以示鼓勵出自

逾格鴻慈至力戰陣亡各員情殊憫惻應請

敕部照陣亡例從優議卹以慰忠魂其餘帶傷營勇團丁由_臣等按照等第給賞並飭查明被賊殺害團民丁口彙案請卹所有官軍擒獲穆坪滋事首匪王萬春並餘匪悉數殲除坪地一律肅清各緣由謹合詞恭摺具奏伏乞

皇太后

皇上聖鑒謹

奏

請頒官運鹽局銅質關防摺 光緒五年二月十二日

奏爲邊岸鹽局款鉅事繁責任至重擬請由部頒發銅質關防以昭信守並請以後承辦局員應於候補各道員內揀委先行出考奏明以專責成恭摺仰祈

聖鑒事竊查瀘州設立官運局創辦黔邊鹽務一年以來已著成效現復添辦滇邊並附近滇邊之各廳州縣計岸地勢既屬寥闊事務倍極紛煩挈領提綱措置匪易而每年應行邊計正額引張並帶銷以前積滯各引約數萬紙其應徵之稅羨截釐及應行籌備之防邊勇糧公費各款約計一百數十萬兩其入款一項幾與司庫之地丁稅羨津貼三項相等是其款項繁鉅實爲川省大宗况現在撥

奏稿卷十六

九

抵京饒及滇黔各省捐款尤須規畫久遠非暫顧目前之急可比且事涉三省文移往來動關緊要年中應辦報銷册結各項尤與尋常局務僅司收支者不同事體既極重大若僅用一木質關防誠不足以資信守擬請

旨飭部鑄造銅質滿漢篆文四川辦理黔滇邊計鹽務局關防一顆頒發該局應用俾昭慎重至該局款鉅任重且事涉經始不比藩鹽各庫一切均有成法可遵全在審度時勢因地制宜以期推行盡利若非得操守謹嚴條理精密而又明足以察奸貪毅足以除瞻徇者承任其事辦理必不勝任擬請嗣後該局每遇更換局員應於通省候補道員中揀擇實在經練可靠之人先行出具切實考語奏

明委辦以專責成不准視為調劑差使庶已成之功不致廢棄而

國家自然之利亦可垂諸永久實於今日事勢大有裨益

臣為慎重財賦起見是否有當謹恭摺具陳伏乞

皇太后

皇上聖鑒飭部核議施行謹

奏稿卷十六

三

降級留任謝

恩摺

光緒五年三月初十日

奏為叩謝

天恩恭摺仰祈

聖鑒事竊臣接准吏部咨該部具奏臣於隄工要務辦理

乖方欽奉

諭旨著交部議處應請照不應重私罪律降三級調用例

議以降三級調用前因革職留任在案今議降三級調用

處分應行革任於光緒五年二月十九日欽奉

上諭丁寶楨應得降三級調用即行革任處分加恩著降

為三品頂戴仍留四川總督之任欽此臣跪讀之下感悚

莫名當即恭設香案望

奏稿卷十六

三

闕叩頭謝

思伏念臣於隄工要務亟應悉心區畫慎重興辦方為盡

職乃粗率從事以致被水衝刷迨經降

旨查詢又未能據實覆奏辦理乖方咎戾甚重乃復渥荷

聖慈仁施法外

曲予優容似此

破格之隆施實非夢想所敢及又况臣以知識庸愚迭蒙

矜宥不啻再三撫衷循省雖極殞身碎首亦未能圖報涓

埃此後惟有懷遵

聖訓益勵精勤庶幾勉竭駑駘稍贖罪愆冀仰答

高厚鴻慈於萬一所有微臣感悚下忱謹恭摺叩謝

天恩伏乞
皇太后
皇上聖鑒訓示謹
奏

奏稿卷十六

五

黔邊邊計各引由局自行繳殘片光緒五年三月初十日再據黔邊官運鹽務總局建昌道唐炯等詳竊查四川鹽務甲年所行之引於乙年奏銷丙年繳殘歷歸鹽道辦理今將行黔邊引及近邊之敘永甯瀘州納谿合江南川綦江江津涪州酉陽秀山黔江彭水十三廳州縣計引奏改官運自應由局繳殘惟丁丑綱銷引甚多內有運行到岸尙未發商之鹽所行殘引勢難一律繳齊應請援照向辦成案歸入已卯綱奏銷時悉數繳部以符舊章至總局所設聯票前經部議令將票根隨同殘引繳部查此項聯票每鹽一包填給商販護票一張每引用票五十張計本綱行引二萬三千八百餘道給票至一百數十萬張之多所給票根汗牛充棟川省距京較遠長途盤運匪易腳費亦覺不貲應請免其送部以節糜費且此項護票係黔邊商販陸運時須折包駝載是以用此護票以爲該商等過境驗放之用與鹽法實無妨礙等情由官運局唐炯等請奏前來臣查該局所詳均係實在情形除咨部外理合附片陳明伏乞
聖鑒謹
奏

奏稿卷十六

五

續修四庫全書

請將竈紳王余照革職提審片

光緒五年三月初十日

再富順縣自流井竈紳王余照係捐納候選道員倚恃富豪欺壓鄉里闔井竈商受其侵陵人人側目即該縣地方官畏其勢力每遇控案均不敢深究前因奏辦井捐王余照竟敢率眾阻撓毀局經前署督臣崇實奏參革職拏辦在案迨井捐辦成後前督臣吳棠始准寬免並為之聲請開復冀其悔過遷善詎王余照強鷙性成始終不改臣到川後熟聞其多行不義當飭地方官密查確情稟復並一面嚴為諭導乃該紳怙惡不悛被控之案日多且所告多係私設引局抽收井釐侵吞公款並據富順縣稟該紳復估買已字民女為妾其橫霸實難言狀臣迭次批飭鹽道

奏稿卷十六

臣

委員行提審辦而王余照竟藐抗不出意圖玩延似此在籍職員恃勢橫行目無法紀一方受制若不嚴行訊辦良懦何由得安相應請

旨將候選道員王余照先行革職以便委員前往勒提到省確切審辦以靖地方謹附片具奏伏乞

聖鑒謹奏

官運辦有成效未可更改摺

光緒五年閏三月初七日

奏為遵

旨查明川省鹽務官運甫經辦有成效未可更改致誤大計謹先行據實覆陳恭摺仰祈

聖鑒事竊臣於光緒五年三月十二日承准軍機大臣字寄光緒五年二月二十八日奉

上諭恩承等奏川省官運局經竈民呈控多款請飭妥為區畫或仍由官運或改官督商銷總期無虧成本實惠及民等語該省鹽務究應如何辦理方於國計民生兩有裨益著丁寶楨按照該竈民等所控各節確切查明嚴剔弊端體察商情或應仍由官運或應改官督商銷據實具奏

奏稿卷十六

臣

不准稍涉迴護該竈民等原呈著該督向恩承等咨取閱看欽此臣跪讀之下仰見

聖主實事求是欽悚莫名伏查川省鹽務積弊甚深業經臣於開辦黔邊官運各摺內歷次陳明實無一字虛捏其開辦官運一切辦理章程均係力除夙弊為疏引裕課利商便民至計亦經於開辦前詳晰奏陳咨部核覆上年十一月官運一年期滿例應奏銷復經臣將一年徵收稅羨截釐及雜款各項縷陳奏報並將冊結咨部核銷各在案竊臣開辦黔邊議設官運實為川省力救時弊並隱為黔省辦理招徠起見當甫經議辦之初誠以國家至計事體宏大未敢徇一己之見徇一人之私冒昧

從事致誤大局是以先行傳知各商到省諮詢利病然後與道員唐炯及熟悉川省鹽務各員將應辦事宜逐日集議籌畫確查弊端之所在曲體商情之所宜計自光緒三年四月起至八月底歷時五月之久諸凡審定知無滯礙至九月初乃敢奏定設局開辦創辦之初其難其慎如此至開辦後臣復隨時隨處體察凡有詳牘皆思之累日手自批答甚至徹夜不寐必期事歸妥協力圖百年經久之規茲據恩承等奏竈民呈控多款請飭妥為區畫仰蒙聖諭令將官運及官督商銷情形查明據實復奏臣謹將二者得失情形兩相比較敬為我

皇太后

奏稿卷十六

美

皇上詳陳之查川省鹽務向章辦法商人領引配運則歸鹽道稅羨經徵則歸州縣而總督則考其成此則官督商銷之微意也夫官督商銷宜可以疏引而裕課矣乃至今考之積年停引至數十萬欠課至一百數十萬而已出未行之引及撥釐填補之課尚不知凡幾雖經前督臣駱秉章吳棠兩次奏明展限督銷而積引益多欠課益甚空有督銷之名毫無行銷之實馴至私梟四塞商困岸疲因易而為改代改配官吏藉此婪索商人遂違禁加勛計每引二百勛私加至三百數十勛及四百數十勛不等官以得其使費明知之而故縱之以致一引行兩引之鹽舉國視為固然毫不知懼以致引張因之日滯課稅因之日絀則

官督商銷之有病於

國固昭然可睹矣又川省鹽務需索甚多商人領引配運則有費運鹽過關驗截則有費鹽勛到岸售銷則又有費而費之至重而無定者則尤在改代改配引張套搭此外如廠竈買鹽之欺詐江河行駛之覆溺船戶沿途之偷賣私梟糾眾之搶奪不與焉夫商人持本求利先則自顧成本次則希冀獲利至使費過重則商力不支於是將前之花費者轉而取償於加勛而加勛又屬違例關卡倍肆留難於是加勛猶不足以獲利又因而取盈於民食此種弊端作之者商人而所以使之作者全在官吏則官督商銷之有病於商與民又昭然可睹矣况所謂官督商銷者必

奏稿卷十六

毛

須各岸皆有正商各商皆歸本岸乃可按名而督今川省口岸半多廢弛不惟黔滇荒廢之處無本商可指即本省計岸各商皆時時更易現在商多歇業即屢飭地方官招募承認竟有十餘年無一應者是既無商可稽官雖欲督之究從何而督之此又官督商銷之徒託空言也臣上年開辦官運後本年奏銷核計邊計各額引已全數銷清復帶銷積引至一萬餘張所收稅羨截釐及各雜款至一百餘萬兩是皆以國家無用之廢紙易而為有用之正供而邊計各商無不自以為得利民間亦無不稱為食賤者推原所自蓋由官運之事事核實所有商人從前一切無名使費悉予刪裁

而口岸又為劃清銷路不相攙雜其自買鹽以至銷鹽凡以前廠竈侵欺之弊行運沈溺之險船戶偷漏之苦私梟搶劫之害全行掃除商人無絲毫受累而每引一張該商坐獲二十餘兩之利鹽價漲落則照市價公議核定由局懸牌曉諭萬眾共知故民間食鹽悉照定價承買而商人以各有自然之利亦不肯暗為擡價是以自官運開辦以後民皆食賤而私梟因商鹽價可敵私別無可圖無能攙越相率斂迹是以官引日銷稅釐日旺實由於此則官運商銷之有利於

國與商民又昭然可睹矣又况官運之責任甚大如現在之道府公費十數萬皆取給於鹽務平餘不另籌款而自

奏稿卷十六

无

裕是不病商而吏治賴以整飭京協滇黔各捐之抵撥皆取給於帶銷稅羨無待備捐而自足是不病民而饒項可以供支而安定營防邊勇糧每年節省正款饒項又約十餘萬凡此亟需之款試問之官督商銷能乎否乎臣恐其必不能也且部議復准已數年矣夫部臣之定議復准者原因兩江督臣沈葆楨奏明令准商籌銀數十萬以助川饒而復准之後又令於平善壩設勇以杜川私合計二者所費已不下一百數十萬臣深念復准本為至計而竊慮淮南籌助川饒其事甚難至平善壩設勇杜私其患且不可測是以於上年覆奏復准摺內曾經附片奏明容俟臣開辦黔邊三四年後銷路大暢俾楚商有生計可圖然

後漸次導之入黔庶兩淮無助饒之苦鄂省無設勇之費斯為善計現在黔岸辦理甫經就緒滇岸亦已舉行事機已有可為臣前復奏明於涪綦入黔河道開鑿險灘俾利商運以備黔岸暢銷即徐導楚商歸彼冀復淮岸於無形現在又准部咨催辦此而問之官督商銷能乎否乎臣又有以決其必不能也臣竊維鹽務一事官督商銷則不行官運官銷則不可行至官運商銷則是權操之上利溥之下尚為公允蓋官督商銷則一切之規費既不能少亦不能查其利全歸於官吏奸商而

奏稿卷十六

无

克而國與商民均不受其利此臣前曾計及之而不敢妄行者也至官運商銷則官商之情通官欲作一弊而商不願從商欲作一弊而官即示禁彼此可以箝制弊竇無自而生惟官運則引由局配鹽由局運而商只銷鹽無一切領引過關岸規各浮費大不便於貪污者之所為是以怨極生忿故大肆其浮議以思動搖耳然臣受國厚恩身膺疆寄興利除弊事期有成朝廷之所以責臣者在此即臣之所以力求盡職以圖報稱者亦在此決不敢以浮言而昧大計臣聖明俯鑒愚忱部臣又復洞悉情事俾臣得所措手一無

牽制日前奏銷辦出成效已收私衷竊幸每與唐炯議及謂非

聖人之主持於上不克臻此竊不禁感激奮發也至該竈戶所控各節臣已向恩承等咨取閱看情詞實為矯強且經訪聞係富廠一二奸竈恃富豪霸習慣自然深恨官運之利於商民不便已私故捏詞以為聳聽阻撓之計若使官運果有不便則官運交涉之處尙有健射兩廠何以並無一名呈遞即富廠竈戶不下千餘家亦不聞有人出名至於商人則黔邊及近邊十三廳州縣計岸不下一二百家亦未聞有一人呈訴而本年開辦滇岸告示一出認岸之商數日內已有二十餘家繳本領鹽異常踴躍如果官

奏稿卷十六

三

運不便則該商等必有鑒於黔邊之害羣相裹足不肯自蹈湯火矣今各處竈商均無異詞獨此數名呈控其情亦大可見臣現已委員前赴該廠提集該竈戶等來省虛衷查訊明確核辦容俟訊有實情再行據實奏明辦理茲謹將官運現已辦有成效未可更改各情形先行覆陳仰慰宸廑再官運上年領引行銷極為暢旺方期本年更有起色乃自有官督商銷之說浮論紛起黔邊各商羣懷疑畏以致正二三月銷數頓不如前此則關係大局並各岸委員分銷考成殊非淺鮮臣現已出示曉諭各商令其照常行銷萬不可輕聽人言自誤生理但望該商等見有此示行銷能照前踴躍則所定抵撥京捐各餼及勇糧公費

各款均不致誤實為大幸然即此以觀臣等辦事之難至此已極不免私心惴惴耳現在事機甚順惟祈

乾綱獨斷但責臣等以實效俾臣與唐炯暨各委員共矢清白慎始圖終庶

國家自然之利不致隳於垂成臣雖身為怨府亦不敢避

又况騰口者要不過十餘輩貪奸之徒於臣亦毫無所損

也所有官運鹽務現已辦有成效應仍由官運未可更改

致誤大計各情形謹恭摺附驛先行據實覆陳伏乞

皇太后

皇上聖鑒訓示謹

奏

奏稿卷十六

三

會籌西藏事宜摺 光緒五年閏三月初七日

奏為遵

旨會籌藏中應辦緊要事宜恭摺具陳仰祈

聖鑒事竊 臣等於光緒五年三月十六日承准軍機大臣字寄光緒五年二月三十日奉

上諭前已有旨將色楞額簡放駐藏幫辦大臣現在藏中事務甚關緊要丁寶楨於藏中近日情形尙能講求該處應辦事件如何相機整頓方能操縱合宜著色楞額就近晤商該督先事籌畫務臻妥協等因欽此 臣等跪誦之下仰見

聖主綏靖邊陲洞燭萬里莫名欽服竊維藏衛與川省唇

奏稿卷十六

三

齒相依自西人有赴藏探路之約情事時虞變更 臣寶楨

到川後每於該處情形沈思遠慮未嘗稍釋於懷茲蒙

諭令與 臣色楞額妥商籌畫敢不竭忱盡智期於辦理無

誤稍紓

朝廷西顧之憂惟川省距藏六千餘里彼處情形誠恐未能盡悉幸年來於派往藏中之員弁兵丁人等回川 臣必將該處近日情事詳加諮詢因得略知梗概伏查西藏地方從前

祖

宗定制自察木多乍了至前後藏以及江孜定日各隘口均設有遊擊都守兵丁以資駕馭而臨之以駐藏大臣居

中統制凡藏中事務其小而易辦者則由各該番官辦理層次申送取裁於該藏王其大而難辦者則由該藏王咨送駐藏大臣核辦即其番官之揀補升除均須由駐藏大臣主持辦理體統極為尊嚴事權不容紊越所以控馭該藏者立法至為精詳是以二百年來番官頗受漢官約束番人自不敢輕視漢番一體辦理一切令行禁止極為順手自道光末年以后撫馭稍寬番官因與漢官分而為二各不相統而番官之氣燄漸長其後習為故常遂不復遵漢官約束而漢官之呼應亦覺不靈惟駐藏大臣之體制一切猶遵定制不敢違背然亦不免於羈縻矣今欲藏衛之中事事就理則必仍令漢番合而為一自可收提綱挈

奏稿卷十六

三

領之效然積習已數十年番情固執難通一時恐難驟易所幸該藏人情向惟知尊崇佛教別無伎倆其藏中應辦各事經 臣寶楨詳加查訪俱係彼地之田土買賣命盜各件居多其實在費手者則惟有彼此撒卡爭鬪之事然亦係蠻觸相爭決無大患只須駐藏大臣恩威相濟處以公平即不難於了息故就藏中今日情形而論決不慮其為我心腹之憂特恐其貽我兼顧之累 臣寶楨復與 臣色楞額詳細審度目前該藏應辦緊要事宜約有二端一在於各國洋人之游歷無常一在於哲孟雄之藉端要索必能於此二事調處得宜斯藏衛可期安謐而內地亦無虞攪擾蓋藏地界連印度洋人久有窺伺之心徒以其為我屬

境又值彼此講信修睦之時不得其聞而入耳觀於洋人探路之約既得所請而赴川游歷之人近日已十倍於往昔其中遇有赴打箭鑪一帶前進者臣寶楨均預飭該廳同知及各塘委員隨時查探如有入藏洋人必先婉言阻止決不令其輕入緣藏番不識時宜愚而自用設防閑不豫致洋人冒昧前進則藏番必一意膠執設有他事其釀禍將有甚於馬加哩者臣寶楨現與臣色楞額籌畫以後凡有由川入藏洋人由臣寶楨隨時飭屬設法攔阻一面咨會查照妥辦第查各國游歷洋人近有由外洋及新疆別路入藏者此則無從防範必須駐藏大臣先得消息在於交界之處派員探迎或婉為阻止或加意防護庶免失

奏稿卷十六

書

事惟查藏中與各處交界處所並未設有官司實無從查探保護萬一來者銳意突來而阻者類預力阻彼時駐藏大臣或不及知即知之而相距較遠事機莫及一有事故衅隙即開則洋人必以其為我屬境近則與彼構衅遠則與我為難此係必然之事現臣等擬於藏中與各路交界之處擇要增設文委員二人歸駐藏大臣統屬專司稽查護送游歷洋人各事如遇有洋人由外赴藏者先行委曲阻止儘力不能阻則一面飛稟駐藏大臣一面力為諭導藏番並親為護送出入不少疏玩庶洋人之來藏者我可以先為防範即萬一有意外之事則我既有員保護彼亦無可藉口此則籌畫目前之第一要務也又哲孟雄地方

界在印度西藏之中近日探悉該番往往假披楞欺占彼地時向藏中生事上年頗有煩言經淞淮妥協辦理幸得無事臣寶楨細揣其情該番此時似意屬騎牆彼此播弄以為漁利之計若不早為籌及恐其外肆句結內挾欺陵將來洋人與藏中衅端必從此起臣寶楨查江孜定日地方本設有守備二員駐紮巡防惟武弁不能通達機宜殊不可恃現與臣色楞額商擬將新設稽查游歷洋人之委員二人或分一員住江孜與哲孟雄毗鄰俾其就近探查該處番情隨時隨事稽查彈壓如該番別有隱謀即可設法預為解散俾不致暗中愚弄或可弭患未萌此又籌畫該藏之第一要務也至藏番雖崇佛法然其性情嗜好

奏稿卷十六

書

實亦惟利是圖但使駐藏大臣事事持廉秉公恪遵法度該番自能敬畏就我範圍此則正本清源之計臣寶楨亦以此與臣色楞額互相勉勵以期正己率人不致為所挾持自不敢不遵我節制至察木多乍了等處聞近日亦漸覺不馴然細查其由實亦彼此攘奪起見只須駐藏大臣馭之以恩示之以信其有二三桀驁生事者亦必置之於法不稍寬假自可誠服相安不致更滋他事此外該藏照常應辦事宜則在臣色楞額到任與臣淞淮因時審勢斟酌照辦別無可慮其餘有關大局者則由臣淞淮與臣色楞額隨時飛行咨商臣寶楨亦必殫心會籌絕不敢稍分畛域以仰副

聖主長駕遠馭之至意至所議增設委員二人究應分駐何處乃可扼要得力應由臣色楞額到任與臣淞淮詳細查酌再行奏咨辦理所有遵

旨會籌藏中應辦事宜是否有當謹恭摺由驛四百里覆陳伏乞

皇太后

皇上聖鑒訓示再臣色楞額現在趕緊料理行裝迅速起程應俟擇定行期再行奏報合併聲明謹

奏稿卷十六

奏

遵 旨覆陳方濬頤不能勝任摺光緒五年閏三月初七日

奏為遵 旨查明臬司不能勝任謹據實覆奏恭摺仰祈

聖鑒事竊臣欽奉

上諭四川按察使方濬頤著丁寶楨悉心查看如竟不能勝任即行據實參奏毋稍遷就欽此臣跪聆之下仰見聖主整飭官方無任欽悚伏查臬司一官總理刑名而糾隱懲貪除奸禁暴尤其專責然必先有嚴正廉毅之風庶期勝任而愉快况四川人情浮夸吏治頑鈍盜風甚熾獄訟繁多尤賴執法之人持廉秉正遇事果斷有為乃可以資整飭茲查臬司方濬頤性近優柔習尚瞻徇其於發審

奏稿卷十六

奏

各案情事稍涉繁難者輒日久延擱不能督率研訊平情執法迅為辦理及面加催促猶多濡滯不決而於官吏復多寬縱臣隨時誠勉冀其漸知悛改乃日引月深竟無振作之氣至川省總督兩司向均收節壽陋規謂之滿堂紅名目極為卑鄙臣以上下交征吏治因之日壞到任後即與該司等共相詰誡嚴禁收受並懸牌曉示又因臬司辦公拮据未便強所難能隨與藩司及鹽道等為之從優籌攤公費以資津貼乃近日查知該臬司於支領公費外仍復照前收受陋規屬吏紛紛滋議竟非無因竊維上年迭

奉 明諭飭令各省督撫兩司嚴裁陋規至為嚴切當此澄敘

官方之日該臬司竟不知猛省其何以副責任而挽頹風至於著名之匪未聞認真查拏一犯庸劣之吏未見據實詳揭一員此亦難期稱職臣蒙飭查參奏決不敢稍涉遷就謹據實直陳應否將該臬司方濬頤卽行革職以示懲儆而勵官常之處伏候聖裁所有遵

旨查覆緣由謹恭摺具奏伏乞

皇太后

皇上聖鑒訓示謹

奏

奏稿卷十六

奏

報銷都江堰工用款摺 光緒五年閏三月十七日

奏爲查明修理都江堰工用款造報核銷恭摺具陳仰祈聖鑒事竊據已革川東道丁士彬轉據已革前署灌縣知縣陸葆德詳稱都江堰年久失修外內各江身淤塞一片分水各魚背及人字等隄並兩岸隄埂橋座均殘缺朽敗上年籌款興修計自光緒三年十月起至四年四月止先後兩次共發九七三平銀十二萬九千九百四十五兩六錢零六釐八毫內有光緒四年分例發歲修銀四千九百二十餘兩一併在內現計挑挖外內江工段牽算共長七十里共計土方四十萬零六千六百四十四方四分六釐共實支夫工銀四萬零六百六十四兩四錢四分六釐修

奏稿卷十六

奏

砌外內各江石堰一萬二千七百六十四丈四尺共實支石價夫工銀二萬四千零四十九兩四錢一分又外內江各處用過三丈長竹籠一萬九千零一十七條連背石裝籠工價共實支銀七千三百零五兩五錢一釐又修理魚背三道共實支石鐵木各料及工價銀一萬二千四百三十八兩七錢二分一釐七絲六忽又伏龍觀車水工價銀一百二十一兩八錢六分又置買石灰四百四十七萬七千八百三十七觔共實支銀六千二百六十八兩九錢七分一釐八毫又擡石運木實用夫三千七百六十九工共實支工銀三百三十九兩二錢一分又修復人字隄身長一百三十丈連泔水口及飛沙堰泔水口共實支工料夫

價銀二萬二千三百四十五兩四錢一分三釐五毫四忽
又修理千金隄東西兩岸石堰共實支銀三百二十九兩
四錢又修復索橋石礮及普濟橋一座共實支工料夫價
銀五千六百二十七兩一錢零一釐四毫二絲四忽又內
外江截水夫工及應用竹木石料共實用銀一千一百一
十五兩九錢零二釐又採辦河工應需雜物器具及種樹
護隄等項共實用銀一千三百六十六兩五錢二分又辦
工委員薪水書役工食及雇用陝西飢民幫工口食賞恤
共實支銀七千七百九十五兩四錢四分又開工完工祭
神及油飾河神廟工等項共實用銀一百七十七兩七錢
一分通計共實用銀十二萬九千九百四十五兩六錢零

奏稿卷十六

單

六釐八毫均係實支實領取有各行戶夫工人等收領票
據呈驗並無分毫浮冒惟查川省向辦堰工僅土方竹籠
等項有歲修報銷成例可遵此外石木灰鐵各項川省向
無辦過河工成案實無一定例價上年興修堰工除挑挖
河身土方並竹籠等項遵照歲修成例辦理外其餘應用
木石鐵灰各項無一定例價者只得照民價核實承買此
次報銷應將實支實用數目造報復查定例修造工程若
因物料運腳價值昂貴今昔情形不同准承辦官於請銷
時隨案切實聲明以憑查核等語今修辦都江堰工所有
木石灰鐵各項雖照民價承買核計仍較例價為輕應並
聲明等情詳請奏咨前來 查都江堰工當日履勘情形

其河身淤塞隄埂殘廢實屬不堪言狀民間受害甚深工
難暫緩當時飭委員再三估計以外內江均未截水江底
未能現出深淺實難確估而數十里內一切隄工無不殘
廢工費較鉅其一應工價又均無成例可循當經丁士彬
等稟商先擬籌撥銀五六萬兩樽節興辦如實有不敷再
行續估籌撥 臣當時詳審全河工段縣長已至七十里又
加以各魚背人字隄等工用款較多斷不敷用而四年分
應領歲修及向來每年尚有照案加增之款尙須請領爲
數亦鉅當即約計一併籌撥銀九萬兩由司飭發丁士彬
等認真興辦又以司庫款項難籌因商之藩司查明各州
縣已清交代項下應行領回之雜捐等款尙寄存司庫暫

奏稿卷十六

單

可動用卽就此款借撥暫將土貨釐金撥抵事後由本省
攤捐歸還釐金不動正款均經奏明在案嗣外江各工完
竣後截水與修內江查看隄身朽敗益甚而人字隄三十
丈以下之舊隄一百丈全行蕩廢僅存痕迹必須修復以
還舊制其時該處紳民公議請將人字隄臨水前面改用
石工以期堅實工費較煩而江身淤墊較外江尤高通計
工用實不敷銀三萬九千兩經陸葆德稟由丁士彬轉請
續行籌撥以資接濟 臣以初次奏撥銀九萬兩已經切實
聲明係借用各屬交代應行領回雜捐等款暫借釐金抵
補事後由本省自行攤捐歸還不動正款此次工需緊要
必須續撥仍應查照前奏暫行由交代釐金借撥事後

併由本省自行攤捐歸還不得動用正款並應暫緩續奏致滋煩數俟辦理奏銷時再行詳悉聲明當經飭司仍由交代釐金項下暫行借撥給領事後一併由外攤捐歸還以濟急用現計此項工程兩次共撥銀十二萬九千九百四十餘兩其四年分照例應領歲修銀四千九百二十五兩亦在此內覆查所辦各工毫無浮冒應准核銷惟人字隄一節計應銷銀二萬二千三百四十五兩四錢一分三釐五毫四忽本係實支實用但既經盛漲衝刷例應罰賠復查川省歷辦堰工成案凡修辦隄工若水勢在寶餅口水則十六畫內衝損者應准承辦之官吏工頭罰賠若在水則十六畫以上者准免此次隄工被衝實係異常大水

奏稿卷十六

望

沒過水則照川省向辦成案應准免賠惟既被衝刷究屬修工不堅已將此款全行刪除仍令丁士彬陸葆德分賠飭限兩年交清不准開銷以昭核實計除刪賠外實只應銷銀十萬二千六百七十五兩一錢九分三釐二毫九絲六忽臣提驗陸葆德發給各行戶工役一應支領各款皆有印領票據呈查均係實用實銷毫無浮冒相應據實奏明並咨部查核至此大原奏動用工需及續撥之款均係借支各屬交代存司應行領回之雜捐各款暫撥釐金抵補事後一併由外自行籌捐歸還本未分釐動用正款然亦應查照趕緊籌還以免虛懸惟查川省修辦堰工自雍正三年議定歲修銀一千九百二十餘兩道光末年又

續增銀三千七百二十餘兩至咸豐十年以後則每年加增銀四五六千兩不等係由司庫捐輸項下墊支歷未奏咨有案三年臣到任後飭司確查計自咸豐十年截至光緒二年止司庫實墊發銀十萬三千九百九十八兩零至今尚未歸補清楚溯查當初墊發之時原議由用水之十數州縣按年分攤彌補嗣以地段縣長工難徧及以歲定四千九百餘兩之工程每年加增至一萬餘兩而江身日益淤隄身日益壞江水則年年橫流衝刷糧田少則數千畝多則數萬畝因之民力拮据應行攤還之款民間攤派為難以致庫款日久未清臣現在飭司嚴行催追以重款項至此大奏明借用州縣交代應領存款暫借釐金撥抵

奏稿卷十六

望

事後由外攤捐歸補若仍照前分攤之用水各州縣則前攤未清亦恐日久延宕亟應切實籌畫一定之款俾資迅速現與藩司熟商所有此次借撥交代領款暫借釐金抵補銀十二萬九千九百四十五兩六錢零應除去四年分例應請領歲修銀四千九百二十五兩仍照常年成案辦理無庸另行籌還又除刪賠人字隄一款不計外實只應自行籌還銀十萬二千六百七十五兩一錢九分三釐二毫九絲六忽茲議定由本省各屬自行酌捐養廉並於每年通省公捐之緝捕賞需預籌經費兩項三共勻攤出銀二萬兩按年歸還借款即自本年冬季為始定限五年至光緒九年還清不准逾限其每年歸還二萬兩之數應於

年終咨報以憑查核如此切實辦理既於庫款無涉且亦不致蹈從前有借無還之故轍至以後歲修款項臣於此次大修後已酌定仍按雍正道光年間所定四千九百餘兩之數支發其咸豐十年以後遞年加增之款一律停止不准再行濫支如遇工需喫緊有必應加增之處應行核實奏明辦理以杜冒領此中每年節省實多至此大報銷工款現除去光緒四年分應領之歲修一款暨人字隄工刪賠一款應毋庸籌還不計外所有原奏借撥及續行借撥各銀兩現均係全數由本省自行籌捐歸還未經動用庫款與他項河工動支正款請銷者不同應請臣查照分別辦理除將清冊咨送外所有造報都

奏稿卷十六

器

江堰工實用銀兩各緣由謹據實陳奏伏乞

皇太后

皇上聖鑒訓示謹

奏

遵 旨查訊竈民呈控官運虛誣摺光緒五年四月初五日

奏為遵 旨查訊竈民呈控官運各款概係虛誣原告多係竊名現在查明在逃妄控之劣紳緝獲審辦恭摺仰祈

聖鑒事竊臣前准軍機大臣字寄光緒五年二月二十八日奉

上諭恩承等奏川省官運局經竈民呈控多款著丁寶楨按照所控各節確切查明嚴剔弊竇體察商情或應仍由官運或應改官督商銷據實具奏不准稍涉迴護該竈民等原呈著該督向恩承等咨取閱看等因欽此遵即恭錄諭旨咨明恩承等將竈民陳湖光等原呈粘單咨送前來

奏稿卷十六

器

臣查閱原詞係富順職員陳湖光易大成王錫章李崇文劉向榮張如金曾玉峰七人及世新儀生源遠世興和生富慶六竈出名具控而臣署並無此案隨檄委同知李中敷馳往富順詳細查訪並傳該原告來省以憑質訊去後嗣據該委員具稟連日督同富順縣知縣陳錫鬯查訪差傳該縣並無原告陳湖光易大成王錫章李崇文劉向榮張如金曾玉峰其人亦無世興和生富慶三竈惟有世新儀生兩竈係廠紳王余照即王朗雲及其姪王健如所開該竈戶早已逃避出外祇將開設源遠竈竈戶劉永清一名傳到據供伊開竈有年從未上控此次是他人竊名並不知縣屬有陳湖光等七人及世興等竈惟聞世新儀生

兩處竈戶王余照王健如叔姪逃外遠出料係王余照竊名上控求緝獲質究等語李中敷恐係一面之詞復會同委員候補知府周錫齡傳齊自流井廠五堵首事蕭憑修王瀛五堵保正王余薰井竈上珍竈等逐一查訊僉稱陳湖光等七人並無其人亦無世興和生富慶三竈惟有世新儀生兩竈係廠紳王余照叔姪所開等語並出具切結存卷周錫齡等又傳集商竈李泰興等六十六家到案逐一查訊據供稱官運局開設年餘向各竈戶購鹽作價一秉至公毫無剝削苛求抑勒威逼情事大小竈戶無不相安銷鹽倍於往歲奸商不能居奇貧民實深感戴伊等清查各竈除王余照叔姪在逃未回外別無作詞上控之人

奏稿卷十六

吳

井竈各戶亦無陳湖光等七人姓名暨世興和生富慶三竈該委員復按照原呈逐條詳詢僉稱或並無其事或與官運局無涉惟王余照去年摻售泡膽劣鹽被官局查實將號夥游姓枷示衆所共知隨各投具供結懇求委員轉遞又據該廠兩儀竈戶許義興恆升益竈戶李守先等復以呈明免累等情具呈投遞來案經周錫齡等傳訊該竈戶等均供民等在廠燒竈安分營生毫不妄爲此次捏控官局實係王余照所爲闔廠共知伊現遠逃俟將拏獲到案再行質訊等語該委員當即攜帶原結原稟並將原呈有名劉永清一名隨帶到省督同委員按照原控十款親提當堂逐條研訊據源遠竈戶劉永清供稱原控內餘

慶竈號係陳鄧兩姓夥辦並非官運局員所開有該號火井佃戶吳全太等可質又如原控官運局與竈戶交易剝削威勒竈民歇業減竈官局罪以把持發勇拏辦一條據供官局買鹽發價與該竈戶交易多次與衆竈戶均照時市公議定價眼同登簿官竈兩願定立合同實無刁難勒逼如有剝削受害情事伊與衆竈戶豈肯代爲隱瞞上年富廠煎燒巴鹽之鍋止數百口近因官運暢行添至一千數百口實係有加無減何得妄稱歇業至去年因王余照所燒衆生各竈剋減工匠煙錢致激事端經白縣官到廠勸諭照舊定價了事並無一勇到廠原控捏稱總局發勇千餘到廠拏人所拏之人係何姓名原呈均不能指出一

奏稿卷十六

吳

人足見虛誣又如所控駝戶中途偷鹽易筋官勒竈戶賠還及縣委傳訊竈戶責以筋子過重鹽有滲膽溼化勒具賠結一條據供聞王余照所燒衆生兩竈向燒劣鹽滲膽流水商難領銷去年被官局查實訊明將竈夥游姓枷責並發還原鹽追繳成本此王余照自己作弊欺官騙商豈能歸咎於官至竈戶裝鹽竹筋向規祇重五筋近來有加至五筋數兩至六七筋者官局令竈戶概復五筋舊規實爲公允其駝戶中途偷鹽短秤委員仍爲駝戶是問並無責令竈戶代賠之事又如所控竈戶不敢改燒花鹽及官局勒減巴鹽價值一條據供去年楚岸暢銷之時各竈戶將燒巴鹽之鍋改燒花鹽共數百口官局並不過問從何

逼勒又貴州一岸全銷巴鹽竈戶本不能不燒至花巴鹽價隨時漲跌無定去冬官局所買巴鹽每引發價至一百三十餘兩並無勒定一百一二十兩之事又如所控官局買鹽雖明定期限屢催不捆致各竈堆積停煎一條據供河流通暢官運毫無停滯如當水枯船缺之時不但官局暫時停捆不能如期即商人自運之鹽亦都堆積不捆必待水漲船多方能捆運官商事同一律並非官運故意稽緩又如所控官局每月議價先擇燒鹽極劣之竈買一二張勒眾竈戶照價書票及發竈之銀多用九七八平勒升平水一條據供官局每屆買鹽之時必擇定日期齊集眾竈戶公議定價從無照劣鹽定價之事如有此議何以眾

奏稿卷十六

吳

竈戶毫無聞見至川省民間買賣通用九七八平九九色無用庫平庫色者官局何能勒升平水實無其事等語臣查川省鹽廠買鹽向係市平市色交易實無所謂庫平其官運購鹽仍不肯壞商行舊例以防病商故買鹽仍照各廠市平發給至銀色則官局均發庫色較市色成水為高是以竈商均各樂從至所積平餘仍係薄鹽售鹽一出入應得贏餘湊積成數現已另立專條奏明撥作通省道府公費此銀係各局自行節省湊集之事尤與竈戶無涉至富順小河運行鹽船定為官先商後原因河道甚窄所以防各船擁擠撞磕損溺之弊使依次銜尾而進旁無阻礙則運行更為安速水枯之時築堰潴水以濟行舟隨時

啟放何至淹及稻田河中大小各船向任官商自行分雇並無官六商四之議船戶羅觀委員查明係屬病故並非服毒自盡至鹽包舫重係道光三十年原任督臣徐澤醇於清釐鹽務案內奏定花鹽每包連皮索重二百舫巴鹽每包連皮索重一百六十舫嗣因商人舞弊夾私逐年暗加重包重至三百六十舫甚至四百舫不等係屬違禁犯法例應治罪之事乃原呈輒以三百六十舫為定章實屬膽玩並以從前富廠引釐二十五兩渝釐三十七兩為輕以現在富釐遞減至十八兩渝釐遞減至二十五兩為重其怪誕荒謬肆行欺罔尤屬顯然至邊計號商赴局繳銀領鹽均有定限該商等資本有限有利則行無利則止焉

奏稿卷十六

吳

能長支數萬之多如謂官局逼勒何以一載以來邊計商人默無一詞且均踴躍領銷刻下惟以官運更改有妨生業為慮紛紛赴局請示且邊計各商遠在各岸分局領鹽繳價實與富順燒鹽之竈戶杳不相涉如果有不便於商之處早已自行呈訴無庸竈戶代為捏告似此無故竊名捏控查訊情節種種虛誣藐法玩公莫此為甚現據劉永清當堂親書供詞畫結及委員來稟均稱此呈實係富順縣劣紳王余照因去年燒壞鹽敗露挾官運局委員查實後柳責伊夥游姓之嫌竊控洩忿畏審遠逃事實有因臣復加訪查王余照又名王朗雲歷以運售楚岸花鹽夾私漏釐致成巨富咸豐年間在原籍富順縣犯事受刑隨贖

捐候選道員交結官紳魚肉鄉里遠近切齒同治七年七月以抗阻井捐經前署督臣崇實奏參革職等語潛逃嚴緝未獲嗣乘崇實交卸督篆驟准開復自此愈無忌憚恃其豪富橫霸一方欺陵鄰里把持井廠並私抽鹽釐闔廠商竈民人畏之如虎紳民控案甚多前經李春霖李吉慶張永發等赴臣署具控該劣紳私抽井釐數萬兩估奪民妻並控有廣行賄賂交通京外等語情節甚重臣當飭鹽道委員行提來省審辦而王余照竟敢抗違不到委員實無如何復經臣將該劣紳奏參革職嚴提在案茲復無端竊名捏控冀圖上撓

奏稿卷十六

幸

國計以遂其豪霸之習實為桀驚之尤除再委員勒提並通飭各州縣嚴拏獲解審辦暨將訊被竊名實不知情之源遠竈戶劉永清先行發回該縣取保候質外所有遵旨查訊各緣由理合先行恭摺覆奏伏乞

皇太后

皇上聖鑒訓示再鹽務辦理官運實已大著成效現在詳察商情均不願更改前經分晰奏陳在案合併聲明謹奏

遵 旨覆陳都江堰工並無浮冒捐光緒五年四月初五日奏為遵

旨據實覆奏恭摺仰祈

聖鑒事竊臣承准軍機大臣字寄光緒五年閏三月初九日奉

上諭據恩承童華奏稱丁士彬承修都江堰工程此項隄工支發帑項先據該員等稟請發銀五六萬兩丁寶楨即奏請動用銀九萬兩嗣據稟請續奏籌撥該督並不奏明輒批令籌撥銀四萬兩統計提用銀十三萬兩等語工需均關國帑自應力求覈實此次動用銀兩何以前後數目懸殊有無浮冒情弊即著丁寶楨據實覆奏不得稍有含混一面懷遵前旨將工程銀兩迅速造冊報銷欽此跪誦之下仰見

奏稿卷十六

幸

聖主實事求是莫名欽悚伏查都江堰年久失修江身淤塞水勢橫流每至夏令江水稍漲淹沒民田動即千萬畝至盛漲則不可思議臣此次修理注重在挑挖三江淤塞之河身修復兩岸殘廢之隄埂其各分水魚背人字隄並各橋座乃係修理中之一節未可為全河之工程也至動用工需前丁士彬稟請籌撥銀五六萬兩臣即奏撥九萬兩者實因當日親履查勘全河情形不堪入臣先令委員等沿江丈量應行挑挖淤塞河身縣長計七十里而兩岸殘廢應修隄埂亦如之其各分水魚背人字隄橋座等

工爲數亦多隨飭切實估計工需該委員等以修辦堰工
必須分先後截水如先修外江必將外江之水截歸內江
後修內江必將內江之水截過外江辦理不能同時截水
則工需卽不能同時估計丁士彬等以兩次截水工難確
估而遲緩又恐貽誤因擬力求樽節稟請先行籌撥銀五
六萬兩開辦如後有不敷再行續請籌撥臣以目前查看
應挑河身計長已至七十里此外尚有應修之隄埂人字
隄魚背橋座各工均應及時興辦五六萬兩之數斷不敷
用因查明堰工尚有年例歲修應領及盛漲時搶險續增
之款約銀一萬餘兩當將此項併計再爲添撥銀一萬數
千兩共計籌撥銀九萬兩飭發先行辦理當經據實具奏

奏稿卷十六

聖

並將此項銀兩司庫無款可籌係在各州縣交代存司應
領項下借用暫將釐金抵補事竣仍由外自行勸捐歸還
釐金不動分釐正款均於摺內聲明在案此初次奏報銀
九萬兩之實情也至續撥之款未及奏明者係因外江工
竣後截水與修內江經委員等查看內江淤墊較甚外江
而人字隄之三十丈一經水涸現底查看已全形朽壞其
三十丈以下尚有舊隄一百丈亦早全數衝刷僅存痕迹
必應從新修復以還舊制工費已覺有增而其時灌縣紳
民又公議請委員陸葆德轉請將人字隄一段改鑲石工
冀資經久費益加多丁士彬等見工費實有不敷乃稟請
續行奏撥銀四萬兩以濟急用臣以前撥工需不敷早經

計及自應續撥以竟全功惟查前次奏撥銀九萬兩係聲
明不動正款借用交代釐金事後應自行勸捐歸還此次
續撥仍應照前辦理似可暫緩具奏俟將來奏銷時隨案
聲明以免煩瀆當批飭照辦並續行籌發銀三萬九千數
百兩飭領應用此二次續撥銀兩未及奏明之實情也查
臣此次修辦都江堰工通計用銀十二萬九千七百餘兩
內除年例應領歲修銀四千九百餘兩係有專款外其另
行籌撥之款實祇銀十二萬四千八百餘兩而修復人字
隄一段實祇用過銀二萬二千三百數十兩此外挑挖河
身七十里及修復兩岸隄埂並各分水魚背各橋座工程
多於人字隄數倍而所用之銀均祇此數是前後撥銀十

奏稿卷十六

聖

二萬九千數百兩係辦理都江堰全河工程非專在人字
隄一段也前恩承童華所奏似以此項銀兩專指人字隄
一段而於挑挖河身修復隄埂魚背橋座各工均未敘及
遂覺動用銀兩數目前後懸殊其實工大費煩紳民共見
實未敢稍涉浮冒况臣素於庫款尙知慎重如委員等偶
有不實臣亦必查明嚴參決不稍爲姑容至臣續撥款項
未及奏明者實因初次奏撥銀九萬兩聲明係借用交代
以釐金抵補事後仍由外自行攤捐歸還不動正款則續
撥之款自可照前辦理暫緩具奏以免煩瀆且查川省辦
理堰工所有頻年續增之款均係借動正款事後由外攤
還向未具奏有案此項事同一律疑爲援照辦理以致一

時冒昧失於陳奏實非敢於含混自干咎戾欽承
垂詢惶悚至深現在此項工程銀兩前因人字隄一段查
有衝刷已將用過之銀二萬二千三百數十兩全數駁刪
飭令丁士彬陸葆德等分成分限著賠應毋庸議外其餘
各項已遵前次
諭旨造報於閏三月內將一切工段用款詳細分晰陳奏
並將清冊咨部核辦所有都江堰工銀兩前後懸殊實係
工鉅費多並無浮冒各緣由謹據實恭摺覆陳伏乞
皇太后
皇上聖鑒訓示謹
奏

奏稿卷十六

書

丁文誠公奏稿

卷之十七目錄

- 參辦蔡逢年摺 光緒五年五月十二日
- 健廠鹽搭配專銷片 同日
- 都江堰人字隄補修完竣摺 光緒五年六月二十一日
- 導 旨查覆官運局收支確數摺 光緒五年七月初五日
- 委員清釐鹽務片 同日
- 馬加國攝政義由青海入藏片 同日
- 都江堰分水魚背不能退修摺 光緒五年七月十三日
- 署理川督謝 恩摺 光緒五年八月二十三日
- 導 旨覆陳摺 光緒五年八月二十三日
- 奏稿卷十七目錄
- 馬加國攝政義等改道由川入藏片 同日
- 機器局導 旨停止報銷用款摺 光緒五年九月二十三日
- 覆陳機器局暫緩開辦片 同日
- 夔關收數短絀核實辦理摺 光緒五年九月二十三日
- 西充建武肅親王專祠摺 光緒五年九月二十三日
- 都江堰穩固安瀾各州縣涸復田畝片 同日
- 清查鹽務大概情形摺 光緒五年十一月初十日
- 忠州石碛廳等處計引改歸官運片 光緒五年十一月二十三日

參辦蔡逢年摺 光緒五年五月十二日

奏為查明鹽道操行貪劣難期整飭並辦理鹽務推代發引各事案章朦混迹涉營私謹據實奏參革職查辦恭摺仰祈

聖鑒事竊惟道員職列監司有整率屬吏之責而鹽道總司離務責任尤重非廉正強直不足以示標準而資治理茲查明鹽道蔡逢年操行貪劣辦公朦混即如各省司道庫兌收解款惟州縣報解丁糧及各省關報解稅課向有贏餘故定立解費藉以補平水之不足然亦祇論正短平水從未聞報解釐金亦有解費又於正短之外復有別項應補也至道府收受規禮天下皆同然亦祇收之現任州

奏稿卷十七

縣從未聞於抽釐委員亦皆收受也 臣上年到川見釐金解數大減查知係總管釐局鹽道多私收局員規禮及勒索解費之故當即全行裁革乃該鹽道並不遵從於委員報解鹽釐仍敢多立平水等項不經名目藉恣勒索委員深以為累莫敢誰何又復收受局員規禮並於規禮外每令人函致局員為其親故勒索幫費自數十兩至一二百兩不等查抽釐委員僅資每月薪水辦公既須收禮索費苦無可賠又不敢抗遂有暫挪釐金勉強應酬事後自行借貸彌補者此皆查有卷據也又本年因採辦貢級 臣恐該鹽道未能核實時加考查乃近復查知該鹽道上年辦理於支發銀兩折扣平色每萬兩竟至六百八十餘兩之

丁文誠公奏稿 卷一七

多此外尚有別費以致承辦店鋪得所挾制於臨期解貢時竟將緞疋押當不交大費周折適有人在 臣署呈告該鹽道貪私多涉此事 臣以所呈與所查頗符擬親提一訊乃該鹽道家人膽敢向 臣之巡捕索取呈詞並求將遞呈之人釋放而該鹽道亦兩次向 臣索回遞呈之人一似惟恐訊問者似此不避嫌疑不顧體制若非別有情弊何至若此至該鹽道於改配改代發引各事 臣上年即查明有請將湖北鶴長計商積引全行改配減釐情事外間皆以鹽道圖得使費違章妄改 臣查卷屬實當以事關舞弊嚴飭將已經改發之引勒限年內銷竣以後不准再發以杜弊端乃經札飭後又查知該鹽道續發此項改引一千三百餘張 臣惡其有意朦混僅嚴加詰責勒令追繳方冀寬其既往可以儆其將來乃近又查出所發興文鄰水各縣水陸引張復有加多增出情弊又閱黔邊局詳送領引冊內查明該鹽道有錯發水陸各引經該局移明更換該鹽道並不將錯發之引認真查覆又不將應換之引詳咨核辦輒將未發他處夾帶之引自行塗改字號送令更換夫引由部頒水陸號數自有一定所以嚴防詐偽即偶有錯誤自應於查明後詳咨更正補換方為慎重乃竟改換自由隨意混淆其他事之顛預含糊尚可問乎查該鹽道缺向在川省為上 臣去年奏行潼引復為議定每銷潼引一張酌給該道公費銀三兩冀以飽其欲而期振作計四年

奏稿卷十七

百餘張 臣惡其有意朦混僅嚴加詰責勒令追繳方冀寬其既往可以儆其將來乃近又查出所發興文鄰水各縣水陸引張復有加多增出情弊又閱黔邊局詳送領引冊內查明該鹽道有錯發水陸各引經該局移明更換該鹽道並不將錯發之引認真查覆又不將應換之引詳咨核辦輒將未發他處夾帶之引自行塗改字號送令更換夫引由部頒水陸號數自有一定所以嚴防詐偽即偶有錯誤自應於查明後詳咨更正補換方為慎重乃竟改換自由隨意混淆其他事之顛預含糊尚可問乎查該鹽道缺向在川省為上 臣去年奏行潼引復為議定每銷潼引一張酌給該道公費銀三兩冀以飽其欲而期振作計四年

四八五

一年行銷潼引一萬六百餘張該鹽道得受公費已為極多而他項所得尚不在此數乃其意甚不足動稱缺苦無賴若此尚望從何整飭乎夫該鹽道於陋規則恣意妄取於引張則只圖朦混且索費收禮至於釐局委員實屬駭人聞聽若再稍示姑容何以儆效尤而整頓綱相應請旨將鹽茶道蔡逢年即行革職以儆貪墨至其引張混淆實為鹽務大病亟須確切清查以昭核實惟鹽署弊深似海極易彌縫臣擬於拜摺後一面將該鹽道先行撤任迅派誠篤明幹之員接署俾可澈底根究如查有不實不盡再行從嚴參辦所有查明鹽茶道蔡逢年貪劣朦混難期整飭各緣由謹恭摺據實參奏伏乞

奏稿卷十七

皇太后

皇上聖鑒訓示謹

奏

健廠鹽搭配專銷片

光緒五年五月十二日

再據官運鹽局道員唐炯等詳健為縣之五通橋一帶從前產鹽極旺甲於通省迨道光咸豐年間井老水枯出鹽頓少繼遭兵燹後人民流亡近雖漸次復業廠市倍覺蕭條自前年開辦官運多方體恤設法招徠始增鍋數百口商竈漸有轉機然合計每年所產之鹽僅敷配引一萬餘張行銷黔岸已形不足戊寅綱復兼辦滇岸專銷健鹽添配邊計水陸各引共折合水引四千餘道以後若能暢銷勢須加倍健廠五通橋之鹽斷不敷配查附近健廠之牛華裕係健樂兩縣交界之地所產鹽筋向只專配上游計岸第鹽質稍遜行銷邊岸未甚出色惟當此滇岸開辦之

奏稿卷十七

四

後鹽不敷配亦須預為籌計以免掣肘茲議定以該廠之鹽與橋鹽搭配行銷現已勸諭該處竈戶煎煉好鹽以憑搭配同銷滇岸用補不足至涪黔邊岸向本多銷健鹽去年勸令富廠竈戶多煎黑鹽試配邊岸黔民亦多購食近來富廠產鹽之多遠過健廠俟滇岸暢銷後擬令涪黔邊岸專配富廠黑鹽將健廠之鹽專配瀘州以上之滇黔各岸庶使鹽旺之廠足敷購運各得其平等情請奏前來臣查該道等所詳係通籌鹽筋之盈絀以定配銷之界限使邊岸不致缺鹽自應如議辦理除批飭遵照並咨部外理合附片具奏伏乞

聖鑒訓示謹

奏

奏稿卷十七

五

都江堰人字隄補修完竣摺光緒五年六月二十一日

奏為都江堰補修人字隄工現經伏汛盛漲一律堅固並
前修砌之兩岸隄埂及淘挖江身通暢順流民田毫無淹
刷謹據實具陳恭摺仰祈

聖鑒事竊臣上年奏明修理都江堰工所有人字隄之金
剛牆及間段隄身經是年夏間江水異常漲發水勢洶湧
該隄偏立水中致被衝刷上年十一月水涸隄現臣委員
覆勘丈量合計衝刷人字隄之金剛牆及各段隄身共三
十七丈有零當經遵

奏稿卷十七

六

旨飭令丁士彬等仍行補修即據稟報自行籌款修補於
本年三月初將應行修補隄工全數修竣稟經臣督同成
縣道崇綱親往驗收工程十分堅實即擬於驗收後據實
奏報因前恩承童華等查奏摺內有補修隄工能否可靠
尙未可知之語臣是以擬緩至六月俟伏汛盛漲經過後
查看該隄身有無衝損並江流是否暢順民田有無淹沒
再行詳晰陳奏茲節屆立秋伏汛已過所有本每年都江堰
水自四月二十一起至五月十五日止均漲至十八晝
六七寸較之上年盛漲時淹沒水則之水尙小九尺餘寸
而比之前數年大水則已相等查看新補隄工屹立水中
一無衝動江水雖漲毫無漫溢民田均無損傷其自五月
十五日以後至六月十七日止水勢均祇漲至十七晝十
六晝五六七寸不等皆緣江身淘挖深通兩岸隄埂收束

得力是以盛漲時水流極順不致潰決為害現在成屬各民田均皆出穗揚花極為茂秋稼日內可收實堪仰慰聖懷至江水向於立秋後尚有一二次漲發然秋汛微弱不如伏汛之大當可無慮臣俟霜降水落後續查看江水漲發情形再為具報外所有都江堰補修人字隄工現經大汛一律堅固並前修砌兩岸隄埂及淘挖江身均極通暢民田毫無淹刷各情形謹據實具奏伏乞

皇太后

皇上聖鑒訓示再此次補修隄工所有一切經費共實用銀三千二百餘兩係丁士彬等自行捐資修辦並未分毫動支庫款自應無庸造報至本年堰工丁士彬係於去歲

奏稿卷十七

七

十月早經交卸例應歸現任成縣道崇綱經管臣因人字隄有補修之工是以將本年全河仍責成丁士彬經理如有隄身衝刷及民田淹沒等事仍惟丁士彬是問以釋疑慮現在伏汛正慶安瀾一俟霜清後各隄完固丁士彬亦可卸責即以後承管之員亦再無可藉口合併陳明謹奏

旨查覆官運局收支確數摺光緒五年七月初五日

奏為遵

旨查覆官運局收支確數恭摺仰祈

聖鑒事竊臣接准戶部咨議覆尚書恩承等奏陳川省官

運局徵收支發款項不符請飭詳細查覆一案欽奉

上諭著按照戶部先後奏咨各案迅將徵收雜款開支局

用領收運本及撥借還款數目限期並新收各款如何分

別存局解道及此次恩承等原奏所稱不符情節各歸各

款詳晰查明具奏等因欽此欽遵知照前來伏查川省於

光緒三年奏明開辦黔邊官運鹽務其時以本省協撥過

多庫無存款成本無可籌辦原擬請借撥山東糧運兩庫

奏稿卷十七

八

銀三十萬兩湖北釐稅銀十萬兩再由本省湊借銀十萬

兩合成銀五十萬兩作為官運鹽本分作八年歸還經部

核議奉

旨允准臣即於是年九月委員試辦詎開局時別省借款

不能預必乃暫於藩鹽兩庫陸續墊借銀二十四萬兩先

行發局購鹽而行銷口岸繁多鹽筋必須接濟計所借之

二十四萬兩尚不敷購鹽成本而自廠至岸千數百里沿

途舟運之費無出萬難停待其時東鄂借款尚無消息而

川庫協撥不遑無計及此不得已乃暫撥借各屬寄省開

款銀一萬兩又陸續就近湊借健富各局餘鹽票釐銀十

四萬六千六百五十四兩零暫時作為運費此項借款當

時議定成本領到後卽行陸續撥還且款係隨運借撥或一月一次或二三月一次每次或二三千兩或千數百兩零星湊集銀無定數撥無定時故未能先事預計成數具奏嗣後鄂省奏明無款可借東省僅允借八萬兩是年亦未解到而局已開辦數月其運行黔省全岸及近邊十三廳州縣各岸地廣岸多前墊借成本杯水車薪萬不能濟急須添籌而藩鹽兩庫一空如洗實無可挪又不得已在於川東道夔關鹽稅富榮釐金並省城當商生息各項下到處挪湊借銀二十六萬兩連司鹽兩庫前借之項先後合計勉足原奏五十萬兩之數嗣於四年三月始准山東解到借款八萬兩維時司庫待撥協饒正急卽將此八萬

奏稿卷十七

九

兩扣留七萬七千兩抵作官運局撥還司庫墊款除扣抵此款外官運局實止借撥本省銀四十二萬三千兩原奏將司庫扣收山東解款一層漏未開除是以局本多開出八萬兩實在官運局止領到本省別省借撥鹽本銀五十萬三千兩與三年分奏請借撥五十萬之數只多三千兩是綜計鹽本連暫行隨運湊借運費兩款實共發銀六十五萬九千六百兩零並無七十三萬六千餘兩之數迨四年十二月官運局卽撥還當商生息借款銀六萬兩連司庫扣收山東解款銀七萬七千兩共已抵還借款銀十三萬七千兩此開辦黔邊鹽務領收運本並暫行借撥及已還借款之實在數目也四年冬季准部咨催令開辦滇

岸復經奏明接辦歸併黔邊官運局經理查滇岸及近滇之宜賓等十二廳縣計岸每年水陸額引約計二萬數千餘道黔邊成本以岸多道遠一時不能挪移又須另籌成本銀數十萬兩始能周轉開運雖先時曾經部議由兩江總督飭令准商籌撥銀六十萬兩解作滇岸運本以准商無此大力奏請停撥且開辦在卽現在官運局徵存正雜各項約計銀數可敷周轉是以籌議與其遠待他省不可必得之款不如卽將黔邊鹽務徵存正雜各項暫爲截留局中以作滇岸運本較形便捷立可舉行前於奏銷時已隨摺奏明丁丑綱黔邊鹽務共徵稅羨截釐銀六十四萬九千九百一十七兩零全數截留局中暫資滇邊購運

奏稿卷十七

十

此兼辦滇邊鹽務截留運本之實在數目也覆查黔邊局辦理官運亦係仿照兩淮辦法如購引鹽一張或用鹽本銀一百兩卽將應徵稅羨截釐各項按照定章如數加入合爲一百數十兩發商售銷不獨成本萬無虧折卽應徵之稅羨截釐各項亦無絲毫蒂欠確係先課後鹽辦法又所購之鹽係按照時價買賣價值公平交易並無分釐浮取於商竈而商人踴躍領銷買賣亦有定限並不致有妨於民食惟黔局創辦之初以五十萬兩運本而應貴州全省及本省十三廳州縣計岸商販待購之鹽實屬不敷周轉且款非一時承領開辦時跋前疐後亦極爲難幸彼時各商踴躍認銷爭先繳鹽價銀約五十餘萬兩然後官局

陸續領到之鹽本銀五十萬始能接續開運不致闕斷民食亦不致缺乏至此項帑本前於開辦時奏明分作八年歸還原係從寬籌計但計四年分官運局已移還藩庫銀十三萬七千兩是一年幾已清還兩年之款以後如能照此暢銷計四五年內即可將借款盡數歸還不必拘八年定限其本年接辦滇岸截留運本六十四萬九千餘兩事同一律亦應援照黔岸自本年始分作八年定限清還以歸畫一惟八年以後領收截留各運本均已歸還該局即無官本憑何購運查此八年中應徵之稅羨截釐各項正款除每年原撥部庫仍抵作黔滇兩省協饒及支撥本省饒項外所有餘存銀兩應請報明盡數存留該局仍作滇

奏稿卷十七

十一

黔兩岸接濟運本借資周轉據黔邊總局道員唐炯詳請奏咨並據聲明尙書恩承等前奏該局原報各册內有局費四萬八千餘兩並未入奏一節查原册即官運局造呈丁丑全綱收支四柱總册將局中各項出入數目無論已除未除悉數開列無遺以清眉目至奏銷時劃除局費一款原因前已奏明請免造報自應候部議覆另辦故未遽列奏銷册內又恩承等奏稱原册內護本一款前後數目不符一節查此款原報三萬五千餘兩係每引一張攤銀一兩五錢以一兩作為護本又因川省窮民極多議以五錢作為隆冬施粥經費以安飢民因施粥係另歸外銷故於奏銷册內每引劃除五錢共劃除銀一萬一千九百餘

兩未便並列以杜牽混又恩承等奏稱總局前呈清單列有開支水脚銀六萬兩此次又復刪除一節查此項水脚銀兩係鹽船到岸由岸局補發水脚尾數隨時支發隨即攤入鹽引本內發商收回並非實在開支之款但岸局既報明開支總局即不能不另立此一款以期出入帳目鉅孔相符用杜委員挪移掩飾之私而既經攤入鹽本收回若銷册內不為刪除又恐啟以後冒銷之弊所有水脚一項係隨時支發隨即收回自不應列入奏銷册內方免牽混而昭核實至本年春間奉文查辦鹽務該局兩次呈遞清摺一係按丁丑全綱將官運局一切循環出入總數無論內銷外銷已還未還之項逐一開列所以昭清晰一係

奏稿卷十七

十二

查照奏銷報部清册分晰應徵應支實在之項核實開註所以符原案合觀似覺參差分計各歸實數絕無絲毫含混再富榮健樂各官引局徵收鹽釐歷係徑解鹽道轉解司庫其重慶鹽釐向係解存川東道庫聽候藩司指撥各處協饒均於官運無涉等情具詳前來 臣覆查前年擬辦官運之初核計貴州全省及本省近邊十三廳州縣所需鹽本甚鉅因本省款無可籌是以奏請借撥山東湖北四十萬兩本省自行籌借十萬兩時因開局期迫別省借款急難指望本省庫款又復久虛幾有空拳徒奮之勢 臣因事經奏准局已開辦不能中止督同司道儘力籌畫在於藩鹽兩庫陸續暫行借墊二十四萬兩原議俟東鄂兩省

借款解到先行歸還嗣鄂省咨覆無款可借東省雖允借八萬兩未經解到萬不能敷始陸續湊借川東道庫釐金五萬兩夔關鹽稅五萬兩省城存當商生息銀六萬兩富榮鹽釐銀十萬兩先後合成五十萬之數作為鹽本迨四年分東省解到銀八萬兩即由藩庫扣收銀七萬七千兩實發官運局三千兩後以鹽船由廠赴岸道遠費重前借成本原非一時全領而局已開辦既須來回購鹽又須發給運腳彼時實費周章臣以在省借撥各屬存寄閒款銀一萬兩又飭唐炯就近在富饒各局餘鹽票釐項下先後暫行湊借銀十四萬六千六百餘兩以濟一時之急此項票釐原議一年之後即隨時撥還歸款不准久延現已陸

奏稿卷十七

十三

續籌撥還款至原領之成本五十萬兩本係奏明按八年歸還現計四年分一年內即已扣還司庫銀七萬七千兩又歸還存當商生息銀六萬兩合計共已扣還過十三萬七千兩是奏明八年歸清之款辦運甫及一年而歸還之數幾及兩年不可不謂踴躍以後如能照此暢行則原借成本可不必屆八年之限計四五年內即可全數還清本年滇岸所借之本亦可照此歸還比係實在情形將來每年報銷到部自可一覽而知決不能絲毫含混也至唐炯督辦局務綜核款項稽查委員極為精核臣隨時覆加詳察斷不准稍有弊端致滋口實茲據查覆各條核之原案歷歷有據如使稍有弊混則款項攸關臣斷不敢代為掩

飾致負

聖主高厚之恩除飭催該道將徵收雜款開支局用各歸各款分造清冊咨部核銷並嚴飭各委員實力經理不准稍有作弊外所有遵

旨查覆緣由理合恭摺附驛具陳伏乞

皇太后

皇上聖鑒訓示謹

奏

奏稿卷十七

十四

委員清釐鹽務片 光緒五年七月初五日

再川省鹽務自道光三十年前任督臣徐澤醇清釐之後迄今屆三十載溯查引張之積滯年多一年款目之混淆日甚一日除滇黔兩邊本屬廢岸上年奏定章程另行設局辦理外惟查鹽道衙門歷年編發鹽引並不清界年限挨次順發既將邊計各引互相套搭又將咸豐同治年間之引與光緒年間之引一併套搭隨意混發顛倒錯亂毫無次序而改代改配又復多方作弊以致書吏家丁奸商皆得因緣為奸弊竇叢雜現在查對各關冊報以前驗放引張有年分號數相同先後重發者有塗改上年存庫陸引抵作水引由道移送黔邊總局者夫鹽引之號數

奏稿卷十七

五

有定水陸兩引勛重懸殊何得由道署擅自塗改即行備文移送可見從前積習太深竟以駭人聽聞之事視為固然至歷年課款率多挪彼填此移東解西歷年既久膠葛愈甚一切虧新掩舊之弊勢更無可稽考所關尤重而其尤可慮者鹽道署總司離務其緊要關鍵全在引張故請引須由部頒領引又須由總督過印然後發交鹽道收存以備地方官請領發商行運層層稽核所以嚴防詐偽乃查鹽道於請頒引張並不入庫任令存放科房即此玩泄昏憤向復何弊不作若再不澈底清查則以後直無從整頓惟鹽務之壞已歷數十載引紙案卷塵封山積且歷年引張有積存道庫者有已發各屬而乏商承領者有已經

發商尚未行銷而商人竟自攜帶回家者又有已行而未截繳者事關通省百餘州縣清查殊非易事現酌定清釐章程七條檄發藩臬兩司暨新署鹽茶道董潤會督成都府責令分年分地分款詳細確查並添派明白公事之候補道錦瑞馬映奎二員督同府州縣數員赴鹽茶道署設立清查公所逐一檢齊卷宗挨次清理某年某岸應領額引若干存庫若干已發若干未銷若干此岸之引改配彼岸者若干已繳若干未繳若干各屬應解課稅羨截餘力釐金各款何處欠繳何項若干或欠在官或欠在商或欠在引收解之款何款實由省支何款由外提撥通計收發數目是否相符務期一律清楚俾積弊藉可釐剔離網

奏稿卷十七

六

賴以整頓所有現在委員清理鹽務情形理合附片具奏伏乞

聖鑒訓示謹

奏

馬加國攝政義由青海入藏片光緒五年七月初五日

再臣前准陝甘督臣左宗棠西甯辦事大臣喜昌先後來咨以馬加國世襲伯爵攝政義隨帶凱羅兩人擬由上海歷湖北陝甘出嘉峪關因而入藏經總理衙門給發護照咨行轉飭沿途保護嗣該游歷官至肅復擬改道西甯由青海覓通藏路徑自西甯一百一十里至申中卡地屬青海自申中卡至柴達木約二千里係海北通藏大路地遠而荒恐有野番劫掠擬令隨同玉樹會盟便員行走計期五月內可至柴達木其柴達木以西皆川藏地界咨請派員直至柴達木面為接護各等由准此當經臣寶楨會同臣恆訓查明西藏至西甯程站鈔單飛咨駐藏大臣松淮

奏稿卷十七

七

轉飭漢番各官並檄令各臺站文武糧員揀派得力弁兵先期駐紮各交界處所偵探如已由柴達木起程前來即行首先迎護復因西藏距西甯甚遠應查明柴達木地方庶免派員前往別有歧誤惟徧查西招圖畧並無柴達木地名又復博訪周諮查得柴達木在肅州邊境之西哈密之南路達安西為巴里坤後戶若自西甯繞青海之北經和碩特各旗境折而西行始至其地復由玉樹一帶行走以達西藏應在拉里以北迎護復經開單咨送駐藏大臣請迅派員弁帶領兵役多名循途迎探直至柴達木地方面為接護並飛飭各臺站文武轉飭土司各按單開道里探明行徑隨處接替保護俾無疏失又查打箭鑪管轄之

德爾格特土司屬境亦與西甯西藏交界雖道里較遠仍應加意防護檄令該廳文武札諭土司飭派頭目土兵速往邊境探迎以備不虞且查柴達木在西甯之東川藏之西而川境與西甯接壤者全在松潘其交界之曲那木地方向有果洛克野番時出為患昔年駐藏大臣恩麟由藏從西甯一路回京道經其地曾被劫掠尤當預為設法嚴防又已專檄該鎮廳會派員弁多帶得力兵役預在曲那木等處駐紮力為防衛並分飭界連之懋功協廳一體探明保護前進用昭慎重所有派出各員弁兵役經費口糧均准其作正開銷以資實力迎護如敢虛應故事並不認真派護者查出即行嚴參並飭將派出名數及接護入境

奏稿卷十七

六

出境日期各緣由據實飛報查考均經迭次咨商駐藏大臣妥為辦理並請嚴飭夷情部郎約束所轄與玉樹界遠之三十九族番衆輪替接護不准稍有疏玩一面再查先後單開程站果否確實此外如別有可通之路仍當另行派撥員弁督率兵役隨處保衛以期周密各在案竊思洋人入藏游歷為藏中第一要務該藏番愚戇成性理論難通臣等時時慮殊費躊躇臣寶楨前與駐藏幫辦大臣色楞額遵

旨預籌藏務情形曾經奏明俟色楞額抵藏後與松淮妥商定議再行奏明辦理茲色楞額甫經前往尚未聞抵任之期而游歷官如剋日旋來誠恐開意外之衅蓋其未入

藏境以前也既慮野番之劫掠其既入藏境以後也又慮藏番之阻攔而臣等又相距六千餘里而遙實有鞭長莫及之勢惟有隨時隨事盡心籌畫總期防患於未然並咨商駐藏大臣設法駕馭善為開導該商上人等責成沿途保護入藏再飭拉里及巴裏各塘委員選派得力弁兵隨同照料更加嚴密稽察毋任私行其意俾該游歷官不致稍有疏虞以安遠人而紓

宸廑所有照護馬加國游歷官攝政義等由西甯入藏先行咨會沿途迎探並曉諭藏番妥為照料詳細情形除咨明總理各國事務衙門並俟該游歷官抵藏後再行奏報外謹會同成都將軍臣恆訓附片陳明並將前藏至西甯程站另繕清單恭呈

奏稿卷十七 十九

御覽伏乞 聖鑒訓示謹 奏

都江堰分水魚背不能退修摺光緒五年七月十三日 奏為查明都江堰之分水大魚背勢難向後退修恭摺覆陳仰祈

聖鑒事竊臣承准軍機大臣字寄光緒五年二月十二日奉

上諭恩承等奏履勘都江堰工相度形勢惟有仍守成法將分水大魚背退修原處再將外江淤沙淘平內江深潛平墊準以水則定以水平庶內六外四分水可均等語著丁寶楨按照該尚書等所陳各節督同司道等悉心妥議具奏等因欽此遵即檄行司道會同悉心籌議董札飭該管廳縣相度形勢詳細查覆茲據布政使程豫署按察

奏稿卷十七 二十

使崇綱署鹽茶道董澗署成縣龍茂道徐景軾等詳轉據署水利同知劉廷恕灌縣知縣陸惠疇具稟遵查都江堰之大魚背為成都府屬十四州縣分水緊要關鍵向有內六外四之說係專指春水初發灌溉田畝而言蓋因外江所溉田畝止及四縣內江所溉田畝共有十縣就兩路用水田畝之多寡以分差等迨夏汛盛漲洪濤騰湧一望汪洋則但求去路之通暢無阻不能拘定水則溯查該堰之分水大魚背從前創設原在安瀾索橋之下嗣因河道遷改靡常承修之員循流溯源將分水魚背節次向前移置其移自何年代遠難稽惟查道光七年前任水利同知張望泰所記其時分水大魚背已在安瀾索橋之上則移改

自在道光以前並非始於近年推考向前移置之故自以
上游之江源早分則下游之水勢可殺即本秦時李冰鑿
分內外兩江以殺水勢遺意實非省工包砌所致且魚背
愈上則受衝愈甚非惟工不能省必須加倍堅固方足以
捍急湍去年署灌縣知縣陸葆德等承修大工即就索橋
以上舊基興修大石魚背長十六丈高二丈底深一丈是
年夏水異常暴漲僉稱罕見雖大魚背以下之人字隄身
間有衝刷而大魚背仍帖然穩固今歲夏汛固較去年略
減而比前數年大水則已相等江流仍毫無漫決民田亦
毫無損淹成效昭然此時若將數十百年已成之舊基全
行挖掘退修四十餘丈不但工費浩繁難以籌計而退修

奏稿卷十七

三

之後各隄堰之成敗利害實難逆料並據灌縣紳耆張映
極余漢章等先後具呈該紳民等生長江干五六十年以
來目擊分水魚背在索橋之上歷年久遠現在兩江河身
尚覺內低外高若將魚背退修數十丈則內江愈低夏水
驟漲勢必專趨內江沿河十縣糧田將成澤國是利未形
而害已著且自去年大修之後已歷兩次夏汛水勢之大
前所未有祇因隄岸束水得力沿江民田廬舍均毫無衝
淹不似從前之年年漫溢田畝被害民間共深欣幸合詞
懇免退修情勢迫切該司道等查核無異據情會詳具奏
前來臣查都江堰之大魚背為內外兩江分流總口成都
等十數州縣農田民命皆繫於此細閱恩承等原奏議將

分水魚背退修四十餘丈係恐內外分水不均期復道光
以前舊制惟查恩承等勘工之時正在冬令水涸以後而
於前數年江流之漲發漫溢民間迭遭水患情形未曾目
覩至臣屢詣江干多值大水之際詳查水勢並詢之三農
父老僉稱分水大魚背移設索橋之上已歷五六十年內
外兩江自此劃分使下流水勢稍殺如另議退修則上流
之急湍狂瀾併力直注恐新工無從下手而人字隄當衝
更甚尤易潰決復統觀兩江形勢當春耕播種之時利在
關截停蓄以均輪灌至夏汛盛漲利在宣洩疏暢以保十
數州縣田廬而宣洩要法不外源流界畫分明以均水利
而期通暢且所謂分水者必須迎上流徧注之水勢以定

奏稿卷十七

三

界址斯分多分少乃有斟酌若上流之水勢既愈刷愈寬
而下流之分水魚背復向後縮退揆諸分水情勢實覺無
此辦法所有都江堰現在分水魚背既為分別內外兩江
水路而設現在根基又已穩固該官紳耆民等一聞退修
之說情急勢迫僉請無庸更議以免上游之水盡趨內江
漫淹滋懼係屬實情臣經歷兩年實不敢輕議更張致貽
無窮後患至外江之淤沙宜淘內江之深槽宜墊無使內
低外高係為均平兩江水則起見乃屬照常辦理之事須
俟冬令水涸遵

旨督屬妥辦以期有利無害仰紓

宸廑所有籌議都江堰分水大魚背勢難向後退修緣由

理合恭摺覆陳伏乞

皇太后

皇上聖鑒訓示謹

奏

奏稿卷十七

三

署理川督謝 恩摺

光緒五年八月二十三日

奏為叩謝

天恩恭摺仰祈

聖鑒事竊 臣 接准吏部咨開光緒五年六月二十二日奉

上諭吏部奏東鄉案內大員處分一摺三品頂戴革職留

任四川總督丁寶楨擬罪輕縱始終偏執著照部議革職

丁寶楨平日勇於任事操守尚好惟性稍褊急遇事操切

是其所短四川吏治廢弛風氣浮靡該督到任後竭力整

飭不避怨嫌且於鹽務力排眾議變通辦理規復滇黔引

地即為復還淮岸之計自應責成一手經理以觀後效丁

寶楨著加恩賞給四品頂戴署理四川總督該署督當仰

奏稿卷十七

三

體朝廷棄瑕錄用之意於力求整頓之中仍勿操之過蹙

凡用人行政一切虛心體察實事求是務令吏治奮興商

民樂業方為不負委任儻辦理無效率負殊恩必當重治

其罪懷之慎之欽此 臣 跪讀之下感悚交榮伏以 臣 賦質

愚頑辦事粗率迭蒙

聖慈之曲貸已非捐糜所能酬茲以議罪輕縱重干吏議

法無可恕罪實難辭乃復渥荷

殊恩不忍立加屏斥伏讀

聖訓殷殷既

顯示 臣 以短長之分而切望其改過以從善復

曲誨 臣 以率由之準而深期其慎始以圖終似此

破格之矜全雖

慈父母之噢咻赤子萬不至是臣撫衷循省伏地叩頭殆

不知涕之何從也此後惟有懍遵

慈訓益深警惕不敢稍事操切不敢偶涉因循庶幾勉竭

駑駘以冀仰答

高厚鴻慈於萬一所有微臣感激下忱謹恭摺叩謝

天恩伏乞

皇太后

皇上聖鑒謹

奏

奏稿卷十七

三

遵 旨覆陳摺 光緒五年八月二十三日

奏為遵

旨查明覆奏恭摺仰祈

聖鑒事竊臣於八月十五日承准軍機大臣字寄光緒五

年七月二十四日奉

上諭有人奏訪聞四川西北東南各府州縣均於本年五

月十二日同時地震房屋既有坍塌人畜亦多壓壞者保

甯府等處城垣傾圮更有地裂之處至十五六二十三等

日始止該署督竟諱災不報並聞南部因加釐啟衅蓬溪

亦因設卡滋事等語著丁寶楨詳細查明迅速具奏毋許

稍涉隱飾遲延致干咎戾原摺著鈔給閱看將此諭令知

奏稿卷十七

三

之欽此欽遵寄信前來臣跪誦之餘莫名悚惕查四川省

城於本年五月十二日寅刻微覺地動歷時僅半刻惟門

環箱扣微作響聲餘別無事故城內外居民尙多有不及

覺者臣以省城地動雖屬輕微究係災異且聞省外各屬

亦有同時震動者其實在有無輕重情形應俟各府州縣

查明稟報到時始能詳悉具奏辦理惟川省地勢寥遠自

五月底後始陸續接據重慶綏定潼川雅州夔州綿州及

梓潼劍州巴州江油彰明石泉平武安縣縣竹合江綦江

合州南川等十九屬先後稟報各該屬初十二日地動

情勢甚輕並無坍塌城垣房屋傷人情事惟綦州稟稱州

城垛口坍塌八箇餘俱安定續又據閬中羅江平武廣元

昭化蒼溪漳臘等七屬稟報閩中於十二日地動城垣安堵惟東路青龍花垣兩場間有牆壁破壞之處平武亦惟距城一百二十里之茨灣地方有石巖滾落七丈餘將巖下住居趙金鳳草房壓壞壓傷婦人二口餘均無倒塌房屋傷人之事其廣元昭化羅江漳臘四屬稟報各該縣地動查勘城牆垛口微有坍塌鼓裂數丈及數尺之處內惟廣元民房坍塌十餘處壓傷劉姓花姓女孩二口昭化城外賈家河牆坍塌壓傷張氏一口餘均無損傷人口情事惟南坪一營稟報地動情形甚重城署房屋倒塌甚多內又有珠河場河溝被溝上山巖墜塌將河身壅塞後復衝開水勢洶湧致將河北街民房盡行淹壞傷人甚多而

奏稿卷十七

三

順河以下哈沙溝青龍場等處亦同被災等情此外各府廳州縣俱未報有地動之事其酉陽州一屬距省極遠往返須兩三月現尚未稟到臣查此次地動現據稟報者二十七屬其中重慶等府及梓潼等縣共十九屬情形極輕閩中等七屬僅稟稱城牆城垛有鼓裂坍塌數丈或數尺之處均未損傷人畜情形亦輕惟南坪一處係屬番地被災甚重臣六月初聞該處地動恐有成災已經先行委員前往會同確查城垣倒塌及損傷人口多寡情形稟報以憑籌款撫恤至今尚未據會稟前來竊維向例於奏報災異須俟各屬將有無輕重實在情形查明稟到後再委員前往會同切實覆查有無成災及災傷分數分別核定

一併奏明辦理以昭慎重而期核實此次地動因自五月至七月底始據各屬先後稟報到齊而南坪一處委查至今尚未稟到酉陽州一屬亦以道遠稽遲是各該屬輕重有無實在情形不能即定未便冒昧遽行具奏遲延之故實係於此並非敢諱匿不報也惟臣奉職無狀致召災異咎有攸歸仰懇

天恩立予譴逐以弭災害至臣前於五月地動之後自恨疏庸不材痛加怨艾並通飭司道以下各府州縣暨各綠營將弁等一體認真辦公不准再涉因循玩忽並率同司道府在昭覺寺焚疏自責以深儆惕茲因遲延致被參奏

奏稿卷十七

三

飭查惶悚無地夫復何辭惟有將現在稟到各屬先行詳細陳明上慰宸廑至南部抽釐舉辦多年此次辦法照前係屬從減並未加增其蓬溪設卡實有不能不辦之勢緣南部蓬溪本有額定井口額行引張定例係以本縣額煎井鹽銷本縣額行鹽引自咸豐以來各竈戶私開井竈較原額多增數倍冀圖多得鹽餉漁利彼時官不查究遂致私販充斥概將私鹽紛向有引各口岸灑賣而各口岸之額引日滯至同治初年井竈愈多私販愈盛萬難查禁不得已始為抽釐藉濟軍餉兼資查考竈販私數而所議抽釐之法又復不善南部則交紳士包抽官為代解其年中抽數多少官

不得知亦不過問蓬溪則皆由竈戶自賣自抽亦係官爲代解計南部定爲年解釐銀六千兩分作三批每批解銀二千兩蓬溪定爲班口釐金由竈戶自收每年解錢八千串乃三年_臣到任後考核通省釐數始查明南部每年應解釐銀六千兩自同治二年起至十一年止各首事共虧挪銀八千兩又自同治十二年起至光緒三年五月止甫經四年又虧挪銀一萬二千三百兩計共虧挪釐銀一萬八千兩其同治十一年以前虧挪首事無從查問同治十三年至光緒三年係首事向東陽等虧挪八千兩姚觀成等虧挪四千三百兩現在飭縣著追_臣以四年之內該縣首事虧挪釐銀至一萬二千三百之多是抽釐助饒

奏稿卷十七

五

國家徒負虛名盡供貪紳中飽實堪痛憤是以將該縣釐局改爲委員抽收詎查該縣從前論餉抽釐其鹽秤係以九十六兩作一餉較他處所用天平秤一餉可作六餉殊無情理_臣以此等罔上行私亟宜改革然尙祇改爲二十四兩作一餉較天平秤尙加多八兩刻計每鹽一餉抽釐錢四文以從前九十六兩作一餉比較現抽釐數每餉尙不及一文_臣又查該縣前定抽收釐金章程不問井竈與衰係一概虛擬定數故井少之戶與井多之戶一例完釐實屬偏枯是以照富健就竈抽釐辦法令釐從鹽出如竈戶有鹽賣出則抽釐鹽未賣出則不抽毫無偏私抑勒之弊而改定釐金章程後所有從前各首事尙欠解三年五

月以後釐銀四千九百兩各竈紳邀請減免_臣亦允照辦用紓民力是事事委曲調劑亦可謂聽從民便矣至蓬溪一屬私販較南部尤衆所有潼川屬之南充廣安等州縣引岸全被充塞引商爭訟不休而從前所定之班口釐金應解錢八千串每年亦祇解三千串不等其餘是否侵蝕均不可考上年各竈戶呈懇減收_臣又爲酌減一年三千串而仍不照數完納嗣詳查情形亦緣前定班口釐金由竈戶自行抽收不論井竈衰旺概令一律完釐其中苦樂不均_臣亦仿照富健辦法令竈戶有鹽賣出則抽釐鹽未賣出則不抽使井多鹽旺之戶不得獨專厚利井少鹽乏之戶不致隨從賠累民甚稱便而新章開辦後所有前定

奏稿卷十七

三

在口釐金亦爲減免處處令民獲利體恤實已備至至設卡一事實以該縣私販盈千累百無可稽考乃定爲每販買鹽一坵給票一張設卡驗收以杜弊混此乃無論抽釐與否必須辦理之事因釐局派出之委員候補從九湯桂生驗有無票之鹽驟行查拏各私販恃衆滋鬧蓬溪縣知縣因派本地團首周煥堂帶領團丁前往彈壓該私販等又在周煥堂所開之錢鋪肆鬧該團丁等上前攔阻互相爭鬪致戕傷私販六人並未斃命當時實無派勇擊散殺傷十數人之事詎該私販因與周煥堂尋衅膽將其父塚挖掘蓬溪縣遂將周煥堂撤回一面查拏爲首滋事挖墳首犯並稟經_臣飭派駐紮太和鎮勇營前往出示彈壓該

私販即時解散復經派委候補知府楊福萃會同統領長勝營提督莫摺紳前往明白曉諭安定盤查章程並將湯桂生撤回現在該縣及南部縣竈販皆知從前所為之玩法此後辦理之公允均各踴躍遵照納釐驗票甚為安靜惟一二奸徒希冀偷卡漁利勢所不免現經該釐局另派委員認真稽查亦不致再有滋事凡此抽釐設卡係歷有卷據可查現在辦法酌理準情事事體恤亦屬共知共見無所用其掩飾也除地動一節現在南坪一處尙未接收委員會稟酉陽一屬稟亦未到現奉
飭查迅速具奏未敢久候致涉遲延容俟將來稟報到時再為酌核情形另行具奏分別辦理外所有遵

奏稿卷十七

三

旨查明川省地動情形並辦理南部蓬溪抽釐設卡現甚安謐各情事謹據實覆陳伏乞

皇太后

皇上聖鑒訓示謹

奏

馬加國攝政義等改道由川入藏片光緒五年八月二十三日再臣前准西甯辦事大臣喜昌來咨以馬加國攝政義奧斯圖凱來賴等擬由青海赴藏游歷知照派撥員弁至柴達木交界迎護當經飭知各廳營委員派撥弁兵赴交界處迎替接護業經奏明在案嗣准該大臣及陝甘督臣左宗棠以該洋員行至青海見該處難以行走因知四川至藏係臺站大道可以無阻復改道由蘭州秦州一路由川入藏咨令派護復經札飭川境各屬派人探明迎護茲該洋員攝政義等已於八月初十日行抵成都省城時臣在闈監臨又值鄉試士子雲集誠恐聚觀喧嚷別滋事端隨傳諭成都縣妥為安置旋據該縣面稟該洋員自稱急欲進藏定於十五日啟行臣以藏中情形現據駐藏大臣松淮來咨以闖藏番眾人等已聯名具稟出具圖片仍欲攔阻該洋員前進並稱已經據情奏明請俟奉到諭旨再行遵辦等情臣惟該洋員堅欲進藏其情斷難久候而藏番既如此違抗將來如果入藏肇衅即在目前必須設法勸阻能得其改道前赴印度方為妥善復傳諭成都縣令其代臣致意該洋員留其小住數日俟臣出闈與之面談一切再為起程言之再四該洋員始允稍為等候臣即於二十日出闈前往拜晤談論之間該洋員堅稱必得進藏萬難轉移並云一晤之後即便起程等語臣查其意甚堅遂將藏番固執不通於外洋人進藏即行阻攔實

奏稿卷十七

三

難理論並舉前數次赴藏洋人及臣所派委員均被阻改道各情剴切與言又以川省保護亦祇能至交界之巴塘爲止此外係屬藏地向無管轄不能前送卽勉強護送而彼此呼應不靈亦屬無益至駐藏大臣派人迎護自是一定辦法惟駐藏大臣在藏亦不能盡管藏番之事其中尙有藏王主持且既係入藏藏地乃該番地土彼既不願人前進駐藏大臣亦豈能強以必從況駐藏大臣所派亦祇是派撥番人今既不肯令人進藏卽派之必不能聽駐藏大臣亦屬無法請其細加詳度不可倉卒執意等語該洋員初不相信及臣與之辯論多時始覺有知難之意惟其堅忍成性不肯遽行遷就臣當時自行籌度此時若急於

奏稿卷十七

三

阻止遽令改道彼必以爲我等有意阻攔將來反謂藏番一切情形皆我等主使必多饒舌不若仍速其前往使彼知我之並非故爲攔阻以釋其疑乃特派委明幹之員隨同前行密諭以彼到巴塘時先不必用言勸阻但將現在藏番攔阻甚力一切實情與之言明卽請其派人會同委員前往交界處所一爲查看再定行止臣料該洋員在此經臣設法解說已大有改道之意若到巴塘外一看藏番情勢當必廢然思返迨彼自知其難向委員商量行走之路然後委員乘機與言從前各起進藏洋人均係在此改道由雲南前赴印度請其自爲斟酌如不願冒險惟有仿照辦理彼時該洋員實逼處此無可如何自不得不從既

從之後再爲多派兵役妥爲護送至雲南交界卽可安然前進如此辦理該洋員乃無可藉口而此次能阻其不得進藏則以後游歷之員亦不至接踵而來庶可獲數年之安此乃欲收先縱之法臣用意如此已密諭該委員等遵照妥辦總期不令人藏生事庶以仰慰聖懷現在該洋員已定於二十五日由省起程臣已派撥弁兵人等沿途妥爲保護俟其到巴塘後如何情形再行奏陳所有設法勸阻洋員入藏各情謹附片密陳伏乞聖鑒訓示謹

奏

奏稿卷十七

三

機器局遵 旨停止報銷用款摺光緒五年九月二

奏為川省前設機器局業已遵

旨停止所有自設局起至停止之日止一切經費均係實支實用開單具報恭摺仰祈

聖鑒事竊 前年由東赴蜀時因知川省各營亦多習用洋槍購自上海價值甚貴又不知修理之法用損即成廢物殊為可惜當經奏明隨帶候選同知曾昭吉來川擬設一機器局仿照外洋巧法自行製造修理迨到川後復奏明於成都省城擇地建屋設局委員遴選工匠製造機器所需經費不動正款即由川省土貨釐金項下另行酌籌摺節動用俟造成後奏咨請銷奉

奏稿卷十七

五

旨飭部知照在案本年接准部咨以恩承等所奏川省所設機器局費用較鉅製造未能精良等語欽奉

上諭著將此局停止以節糜費當即欽遵檄行該管道及各委員將機器局先行停撤並飭將前後支用款項據實造報去後茲據卸管機器局署成縣龍茂道徐景試等會詳該局購地營造局房自製機器均係仿照西式共分建大小廠房一百八十八間崇垣大柱覆屋重簷安設鐵爐煙筒風箱氣管四通八達取材既富用工極堅與內地營造之法不同又創設水機器靈動活潑視洋人專借大力尤為事半功倍委員往上海兩次購買外洋緊要機器及洋鐵洋鋼等項所費不及萬金其餘機器均由川

省自造一年以來自行造成水輪機器及各種機器共二

十五部未合成機器及工用器具等項共一萬二千零六十九件已合成前門後膛等槍共一百四十八桿未合成洋槍共一百六十一桿所有按月支用經費悉照原奏不動司庫正款均於另籌土貨釐金項下支用計自光緒三年十月起至五年閏三月撤局之日止共支用過庫平銀七萬七千三百五十二兩八錢三分二釐七毫一絲二忽五微連委員薪水匠作工資一併在內均係實用實銷較之別省機器局所費僅十分之一即較之東省機器局所費亦省十之四五該道等督同各委員逐款核算明確開具清單詳請奏咨前來 查川省自行募選內地工匠修

奏稿卷十七

五

造槍礮並自造機器事屬創始並無舊章可循廠屋配合機器聯絡運動均係仿照西式一律鞏固所需銅鐵等物亦多購自外洋與內地物價不同而委員曾昭吉心思奇巧教練工匠創製水機較火機尤為靈便所造各種輪機器具已成未成共有萬數千件雖未竣工其洋槍堪以臨敵備用者已有百數十桿現已飭交籌餉局委員一併加謹存儲毋任損壞以備應用伏思 於同治年間在東省會勦捻匪親歷行間所用東淮各軍多以洋槍洋礮縱橫攻擊其摧堅破敵雖髮捻各股匪動以數十萬計每遇交鋒我軍槍礮所及莫不披靡直東兩省遂收聚殲之功川省介在邊陲數千里番獍苗蠻環列窺伺而內地人情浮

動伏莽時虞雖兵可百年不用不可一日無備臣重膺疆
寄居安思危不敢不深謀遠慮是以上年有奏設機器局
並合東蜀兩省妥辦之議今已遵

旨停止所有自設局起至撤局止支用一切經費據該局
開報實數呈送到臣覆加查核無異惟此項製造一切均
係仿照西式辦理即購買之機器銅鐵各件向無例案可
循是以各省機器局均係開單奏咨查銷川省此項報銷
自應按照辦理除分咨總理衙門及戶工二部查核外理
合恭摺陳奏並照繕清單恭呈
御覽伏乞

皇太后

奏稿卷十七

皇上聖鑒訓示謹

奏

謹將川省機器局自光緒三年十月開辦起至五年閏三
月二十日撤局止實支實用經費數目開具清單恭呈
御覽

一管收先後支領成縣道收存另籌土貨釐金庫平銀共
七萬七千三百五十二兩八錢三分二釐七毫一絲二忽
五微

一開除給發先後營造各座洋廠煙筒鐵爐及公所房屋
應用器具等項共支庫平銀三萬八千一百一十六兩四
錢七分九釐一毫

一給發兩次購買外洋大小緊要機器一切機器具腳價
等項共支庫平銀九千四百四十九兩四錢四分五釐五
毫

奏稿卷十七

三六

一給發製造機器槍礮等項購買鋼鐵銅炭及一切雜用
並創設水輪機器等項共支庫平銀一萬二千四百零五
兩二錢九分八釐一毫一絲二忽五微

一給發委員司事薪水並機器匠工辛工及一切夫役工
食等項共支庫平銀一萬七千三百八十一兩六錢一分
以上統支庫平銀七萬七千三百五十二兩八錢三分二
釐七毫一絲二忽五微前領之款別無存贖

覆陳機器局暫緩開辦片 光緒五年九月二十三日

再臣 欽奉

上諭四川機器局應否興辦著丁寶楨酌度辦理等因欽此查 臣 於光緒三年奏設四川機器局製造洋槍經營兩年規模甫定近因恩承童華奏請停辦 微臣 謹即遵

旨裁撤竊惟外洋各國皆以槍礮雄視一時機智一啟而不可復塞殆亦天時人事之所趨中國固未可置之於不講豈尤既作五兵而古聖不復廢弧矢之威漢陰雖有抱甕而通人不能棄桔槔之智今強敵各擅長技中國獨不屑蹈襲以為墨守故常不難角勝且以為可以購求於外洋此實自欺欺人之語固必不可得之勢也 微臣 設局成

奏稿卷十七

完

都專製造西洋上等之馬蹏尼後膛槍尙僅小小試辦其經費一項係於從前漏抽之土貨釐金籌畫規復餘款力求撙節支用始終並未動用正款兩年之間共用銀七萬餘兩而建造廠房者約用銀四萬餘兩其購辦外洋機器及自製機器二十五部並購料造槍以及委員司事工匠各人等薪水工食又創設水輪機器等項通計不過用銀三萬數千餘兩而創設水輪機器將來實可大省煤火之費在 臣 竊以為較勝於外洋此後若逐年辦理所費約不過萬兩上下川人性近技巧 臣 挑其巧而樸者入局肆習頗多靈敏若逐漸講求必有日新月異之益恩承童華於機器局近在咫尺未嘗親臨一視而又不察經始之料物

工程輒指為糜費一若必須年年造屋而後能造槍者措語不倫無可深辯 微臣 愧非負重之器經手事件深虞隕越於効奏時未便一一力爭茲奉

明旨垂詢機器彌深悚慙竊 臣 深以中國自強之術於修明政事之外首在精求武備所謂棄我之短奪彼之長也然中國自興造機器以來其時風氣未開多資洋人為工師此實不得不然之勢 臣 竊以為欲造機器決不能不仿西法而仿照西法僅可師其法窺其意而決不可用其人蓋我方學彼之長若再借彼人為工師則西人之教法必將秘之而不能盡授即中國人之心思亦將狃於故常而不能通靈是以 臣 於機器製造但規仿其法制而於一切

奏稿卷十七

罕

委員工匠等必專選中國通巧之人前在山東興造之局自始至終決不用一洋人指示今則製造火藥洋槍亦幾與西人相敵此次在川初設局時力主此意均招致中國明習機器之士及工匠人等大約湖南江蘇山東等省人為多現在均已紛散回籍若再開辦仍須取材於他省成都僻在一隅延訪亦固不易而川省諸事廢弛 臣 逐加整頓無不創立規模事事親手經理早有日不暇給之勢論本省應辦之事蓋亦不止機器一端均尙未有暇晷得以從容討論才力短淺負疚實甚現在機器局業經停撤應否暫緩開辦之處恭候 聖裁至近來講求機器實屬目前之要圖然頗為眾論所

不許現在山東機器局係臣經手之事撫臣周恆祺必能
力與維持不使墮壞該局最得地勢機器亦富近來製造
槍藥堪與外洋爭勝若將來量加擴充煉鐵造礮均屬便
易如但就現在局面論之每年僅用銀二三萬兩以目前
二三萬兩之經費而得備異日無窮之用亦何所憚而不
爲其餘如津滬各局辦理既久規模大備尤應保全歷年
成緒不致作輟之無恆專精不已異時當有收效之日臣
迂拙之見未敢緘祕謹附片具陳伏乞
聖鑒訓示謹
奏

奏稿卷十七

望

夔關收數短絀核實辦理摺光緒五年九月二十三
奏爲夔關驗放洋票日見加多照章免稅免釐短征愈鉅
擬請核實辦理恭摺仰祈

聖鑒事竊臣查夔關每年額征正餘雜稅銀十八萬三千
七百四十兩四錢九分一釐又帶征渝關額稅銀五千一
百五兩八錢五分九釐向來三江湖廣等省客商上水貨
物過夔關納稅以棉花爲大宗洋貨雜貨次之川省土產
各貨下水過夔關納稅以白蠟紅花爲大宗桐油生漆麝
香藥材等物次之自光緒二年煙臺會議後准行洋票洋
商所執准免稅釐照單載在約章凡該商在內地置物到
第一子口報完稅項沿途關卡驗票放行不能重征經臣

奏稿卷十七

望

迭次通飭各關卡一體遵照辦理查光緒三年以前夔關
經過洋票祇有上水洋廣雜貨所免稅釐已不爲少至四
年正月以後洋票日多且有華洋各商由湖北宜漢兩關
領單赴川採買土貨如白蠟紅花川絲麝香以及各項藥
材等物均照約章免完稅釐本年春夏連月紛至沓來每
日過關洋票免稅銀數幾多於額征之稅核計前署夔州
府張輯新自光緒三年十一月初九日到任起至十二月
止驗放過洋票一百三十八張免稅銀五千二百餘兩又
自四年正月起至是年九月二十日卸任止驗放過洋票
一千六百五十張免稅銀五萬五千七百餘兩現任知府
黃毓恩自四年九月二十一日到任起至是年年底止驗

放過洋票七百四十九張免稅銀二萬三千九十餘兩先
後據該府等造冊稟報短征之數每年已近八萬兩均由
該府等分別賠解其五年冊報正月分驗放洋票三百七
十四張免稅銀一萬一千零八十八兩二月分驗放過洋
票三百四十七張免稅銀一萬一千四百二十餘兩三月
分驗放洋票四百一十五張免稅銀一萬三千一百五十
兩零似此逐月增加通年牽算短征之數將在十萬兩以
外其夔州局另免釐金亦係一律照免尙不在內迭據該關
監督夔州府知府黃毓恩等懇情稟報請將四五兩年免
過夔稅實數咨明湖北宜昌新關代征夔稅項下如數劃
抵以免賠累鉅款等情當經 臣等批司議詳咨商戶部暨

奏稿卷十七

望

總理衙門及湖廣督撫 臣核議嗣准部咨以此項關稅關
係川楚兩省大局令 臣等奏明請

旨辦理等因各在案茲據藩司程豫川東道彭名湜會同
洋務局各道詳稱查近年川河上下水洋票日多一日即
夔關應征之額稅日減一日每年額解之正餘兩稅實在
不敷甚鉅計自光緒四年正月起截至五年三月止共免
過洋行稅銀十一萬四千餘兩連所免釐金每年將及二
三十萬兩經征之員萬難平空賠墊應請酌議變通章程
責成夔州監督將每日驗放洋票按起鈔錄免稅實數按
月彙報院司局各一次按季送部查核並將所錄洋票咨
送宜漢兩關監督查明原發單照逐起核對俟年終統計

短征之數據實詳明咨會湖廣督撫 臣覆核會同奏報一
次一面由 臣查明該關月報據實奏請於該關額征正餘
雜稅項下照數劃除以昭核實仍於

國課毫無出入而於中外交涉事件及鄰省新征稅額均
無窒礙且所免銀數均有宜昌等關給發洋商照單為憑
仍由宜昌等關查照夔關鈔錄洋票將原發清單按月比
對似無慮以少報多其釐金局所免釐款亦令局員據實
按月冊報與關冊互相比對儻關局各員別滋弊端即行
從嚴參辦等情詳請奏咨前來 臣思宜昌關新收洋票入
川之稅即係夔關照約驗放免稅之款夔關免稅日多一
日即宜昌等關所收子口之稅日增一日名雖按照約章

奏稿卷十七

望

征收正半各稅實則宜關代收夔關額征之稅此免彼征
同為一商之貨且查約章所載洋票各貨宜漢等關所收
正半稅數目比夔關稅釐兩項本屬輕減商人趨利若鶩
以致夔關驗票免征之貨愈多所征稅釐愈絀凡內地各
商上下水貨物競在宜漢等關購買洋貨無論何省何人
不分洋商華商均託名洋行運貨捆載往來如織驗票後
免稅免釐隨到隨放川中饒源因而奇絀既有光緒二年
煙臺新立條約可循又有宜昌等關單照可據所免稅釐
斷難責令夔州關局各員平空代商賠墊計以後洋票有
增無減勢必甚於今日無所底止該關局將同虛設該司
道所議變通辦理實係因時制宜綜核名實起見相應請

旨勅下總理各國事務衙門會同戶部核定覆川以便遵辦至川省每年應撥夔關稅項協饒現在該關短收甚鉅應請查照減撥以昭公允而免短絀除分咨外所有夔關驗放洋票愈多短征額稅甚鉅並開報四五等年免稅銀數擬請核實辦理緣由是否有當理合恭摺具奏伏乞

皇太后

皇上聖鑒訓示謹

奏

奏稿卷十七

聖

西充建武肅親王專祠摺 光緒五年九月二十三日
奏為公懇請建武肅親王專祠列入祀典由地方官春秋致祭以順輿情恭摺仰祈

聖鑒事竊據布政使程豫詳轉據署西充縣李蔚霖詳據紳民莊聯英等呈稱竊川省自前明之季流賊張獻忠擾亂全川民遭荼毒其殺戮之慘為亘古所未有迨順治三年肅親王奉

命入川征討斬獻賊於西充縣之金山鋪全川底定載在省志昔年西充士民曾在縣屬鳳凰山麓公建武肅王祠歲時致祭以答前勛嗣以教匪之亂祠燬於火邑人復於公所立木主以祠迄今二百餘年士民感念不置因思近

奏稿卷十七

聖

年來文臣武將凡有功德於民經各省官民請建專祠者莫不奉

旨允准而肅親王天潢貴胄削平蜀難救萬民於水火而登之祗席豐功偉烈炳若日星以視近代諸臣勛業尤為卓著乃專祠未建祀典缺然將何以崇德報功合詞懇縣具詳請於西充縣公建專祠載入祀典春秋官為致祭用順輿情詳府由道移司核明請奏前來 臣查武肅親王於國朝龍興之初建策督師屢平番部繼遂入關戡定中原勳烈之隆實越今古順治三年奉

命為靖遠大將軍率師西征先平陝寇是年十二月征蜀偵張獻忠據西充為巢穴長驅深入連克賊營一百三十

餘座遂斬獻忠於陣蜀寇悉平次年奏定郡縣事紀本傳是西充一役實兩川撥亂反正一大關鍵至今二百餘年永為樂土厥後論勛

予諡立碑記功至乾隆四十三年奉

命配享

太廟並祀

盛京賢王祠世襲王爵已極崇德報功之典惟西充地方父老流傳士民感慕歷久不忘公請建祠列祀情出至誠合無仰懇

天恩准於該縣地方由士民建立專祠列入祀典地方官春秋致祭以順輿情之處出自

奏稿卷十七

聖

聖裁是否有當理合恭摺具奏伏乞

皇太后

皇上聖鑒訓示謹

奏

都江堰穩固安瀾各州縣涸復田畝片光緒五年九月二十三日

再修補都江堰上年衝刷隄工臣已於六月內將伏汛已

過隄身一律穩固據實奏陳並聲明俟霜降安瀾後再行

察看情形具奏現在霜降已過據水利同知暨各屬稟報

堰工各項工程普形堅實民田收成豐稔臣覆查屬實此

皆仰賴

聖主鴻福臣等不勝欣幸惟查農田水利關係於民生者

甚重現值我

皇太后

皇上勤求民瘼宵旰憂勞之際有不得不縷悉陳者都

江堰失修已百餘年各州縣被患亦數十年灌縣崇甯崇

奏稿卷十七

聖

慶縣温江金堂等處其久經淹沒不能耕種之田有案

可稽約計二十餘萬畝而完善未淹之地尙時被衝損民

甚病之灌縣寶瓶口向來立有水則但就十餘年來考之

水勢極大亦不過十八九晝而止從未沒過水則而查之

同治四年灌縣稟河西衝毀民田四萬餘畝五年衝毀民

房甚多城垣亦經倒塌惟義和一鄉薄有收成其餘被沙

石淤塞顆粒無收此兩年內據稟崇慶州一帶亦衝毀糧

田六七萬畝六年七年十二年灌縣均衝毀民地民房橋

梁官道甚多而七年水漲竟湧入城內歷經知縣楊若權

錢璋柳宗芳等稟報在案光緒元年水患尤甚灌縣崇甯

金堂新繁新都均衝毀民田房屋甚多淹斃人口二百餘

名數十名不等二年灌縣又衝毀糧田官道並導江橋一座衝刷無存歷經灌縣知縣胡圻馬德徵崇甯縣知縣祿壽金堂縣知縣王椿等稟報卽近時十年之間水患頗仍如此皆緣都江堰失修之故從前均視爲故常歷未奏報又查成屬十數州縣農民向於三四五六等月必有數次向督署及成縣道署索水他署並不過問其索水情狀則皆聚眾至千餘人闕堂塞署任意叫囂官吏出而勸導輒加毆辱卽總督道員亦只忍受不敢出問臣於三年三月到任四月內卽聚眾兩次赴臣署要水勢甚洶洶五月復臣從未覩此橫暴情形深爲駭異及詢之地方文武始悉此風數十年來積慣如此臣因推求其故皆以爲都江

奏稿卷十七

聖

堰多年不修江身淤塞過甚水不順流故有被淹之處卽有缺水之處而離隼一處又經同治二年前督臣駱秉章發款興修飭派前成縣道何咸宜督辦誤從解夫之請將擋水三道巖鑿去以致水勢直衝離隼全無攔蓄不數年間遂將離隼衝缺一角此處極爲危險尤須力求保護等語臣既見百姓要水之凶橫又聞離隼之危險若再仍前膜視何堪自同乃於三年十一月率同已革成縣水利道丁士彬暨各委員親往履勘目睹江身之淤塞與各隄工之朽壞實屬不堪言狀當以丁士彬職司水利乃飭令承修堰工計應挑江身長七十里淘挖深至一丈七八尺不等又修砌兩岸殘缺之隄數十里爲攔束之計而五月間

水勢暴漲沒過水則十九晝外又高出八九尺就水面漲勢與灘底寬深核計較同治以來水勢極大年分多至二丈以外實爲數十年來所未有父老驚爲異事而漲水從金剛牆衝決而出晏然順軌各堰層層消納但有灌漑之利絕無泛溢之患非但各州縣並未報災卽向來久經淹沒之二十餘萬畝並有涸復播種之處計灌縣涸復田四萬一千九十餘畝溫江涸復三千三百九十餘畝崇慶州涸復三千二百三十餘畝郫縣涸復一千五十餘畝崇甯涸復九百一十一畝均據各該縣會同委員切實勘報在案此但就業經耕種者言之而其已涸未種之地尙不在內本年九月初旬臣復委員會同各該州縣親歷查勘從前

奏稿卷十七

奉

淹沒之田現又涸復若干據實稟報茲據該印委各員會稟郫縣本年又涸出田一千一百三十八畝灌縣內江本年又涸復田九百一十餘畝外江涸復田二萬二千五百餘畝金堂縣涸復田七千一百三十八畝崇甯縣又涸復田一百四十六畝溫江縣本年又涸復田四百五十餘畝崇慶州本年又涸復田一千零二十七畝通計本年共實涸復田三萬三千三百一十餘畝合計去今兩年從前被淹之田已涸復八萬二千九百餘畝其溫江金堂兩縣田畝涸復已逾十分之九由此以觀今日堰工比較前數十年利害懸殊似有成效復查都江堰隄工成例凡隄衝壞若係水勢至寶瓶口水則十六晝以下則承辦之員與堰

長工頭均應著賠若過水則十六晝以上則應准免罰上年水勢沒過水則又高出數尺以致隄工衝刷此實川省堰工成例之所不問又查都江堰工自雍正初年議定歲修工需每年銀一千九百餘兩道光末年又續增銀三千九百餘兩工費已加增兩倍至同治初年以後則每年遞增五六千兩不等歲以為常去歲_臣飭司核計年來遞增之款已十一萬餘兩有奇均未經奏報有案查其原議係由司庫借發事後攤之用水各州縣彌補乃年年加增銀兩年年淹沒民地以致各州縣民力拮据迄今追繳頗覺為難此等浮冒糜費十數年來誰復為

奏稿卷十七

聖

國家一計及者現丁士彬等淘挖江身至七十里河道一律深通即隄工被水衝刷而以上年水勢極大竟不為災本年隄身一切並未似從前格外花費而水勢之大如故江流一無壅缺民田毫末衝損且兩年之間從前淹沒田畝已涸復至八萬數千餘畝之多此後但使承辦各員能照雍正年間所定工需實用實支當可為川省永遠之利仰懇
特降嚴諭俾後來任事之人不致照前泄沓方能持久無弊所有本年都江堰水已逾霜降工程民田普慶安瀾及備陳此次修理堰工關係農田水利各緣由謹附片具奏
伏乞

皇太后

皇上聖鑒訓示謹
奏

奏稿卷十七

聖

清查鹽務大概情形摺 光緒五年十一月初十日

奏為清查鹽務引張款項謹將大畧情形先行恭摺密陳仰祈

聖鑒事竊 前因查出鹽道蔡逢年發引朦混等弊奏參革職查辦並以川省鹽務積弊過深附片陳請逐款清查均蒙

俞允在案 查川省鹽務之弊以改代改配最為大端所謂改代者如此縣額引全數銷完他縣引張尚多積滯則以他縣滯引改歸此縣代銷所謂改配者如邊計各岸向來應食本廠之鹽偶值井竈衰涸產鹽較少不敷配運而他廠產鹽正極暢旺則停配本廠之鹽改配他廠之鹽此

奏稿卷十七

本各省所通行

功令所不廢酌盈劑虛法良意美乃川省鹽務數十年來絕無紀綱墨吏貪商皆以改代改配為售奸之私計查核所改各案或本岸額引尚多滯銷輒代他岸之引或本廠之鹽方虞堆積已改配他廠之鹽商人只圖得改代改配之引張便可夾帶行私任意所之漫無界限而重照影射朦混百端其弊遂至不可究詰川鹽引張所以積滯至一百一十萬餘張之多皆原於此 於光緒三年三月到任後察看全省離務勢如亂絲從無下手之處因亟籌辦熟邊官運次辦滇邊官運眉目既清而邊引在官在商之弊不禁自絕然 才智短淺綜核講求晝夜不輟竭兩載

之力黔滇僅有成緒其計岸及濟楚之鹽仍由鹽道經理

屢思設法整頓迄無餘暇但嚴飭蔡逢年以積弊之後不可更增新弊每值接見之次未嘗不反覆申戒並諭以黔滇辦有頭緒即應清查全省鹽務亟宜清潔自矢毋得自罹法網每見必言言無不盡蔡逢年非但不知奮勉輒以官運已行鹽務弊端立見極意阻撓成法以冀規復昔年邊計套搭之弊本年春間官運忽有裁撤之議蔡逢年遂於數月之內即私行改代至一萬餘引之多 正微有訪聞適查出發引朦混等弊一面參革查辦即札飭司道督同委員檢齊該衙門卷宗逐款清釐始知蔡逢年自光緒二年六月初二日到任起至五年六月十三日交卸止甫

奏稿卷十七

經三年先後改過水引二萬八千三百四十二張均未據詳傳訊總商朱崇庚等據供每改引一張納送規費銀四兩調查該商號簿呈證歷歷相符則改引至二萬八千數百張所得規費已至十一萬數千兩實屬駭人聽聞此蔡逢年私行改代改配圖得規費之實在情形也至鹽務關係全在引張故引必由部頒領又須呈督署過印然後發交鹽道收存以備地方官請領發商行運層層考核立法防弊何等慎重乃蔡逢年任內至有商人呈請改代竟以引張破爛挖補經過關卡不准盤驗之語於呈內明目張膽聲敘而蔡逢年亦即批准並鈔錄呈批照飭各關卡不得盤驗破爛挖補引張似此辦法直是闕無天日此皆載

有印卷一覽而見又商人所請改引等事甚至一改已誤再請重改重改不已復請展限一展不已又請重展蔡逢年無一不准其承領光緒四年部頒額引據詳短少三百九十四張請動用餘引補足乃並不照原詳辦理私將餘引填入歸丁引張之內而以歸丁應行截留正引提作行銷之用輾轉膠轉巧於彌縫以至應存應發各引混淆不清而於各州縣歸丁引內挖補水陸字樣朦混充數者亦不一而足其樂山合州各處水陸引張一面議准歸丁一面又含糊發領 臣上年始將各處歸丁引紙提歸督署全數封存以免朦蔽妄發此蔡逢年領引發引諸多朦混之實在情形也至各屬報解鹽釐銀兩蔡逢年於正短平水

奏稿卷十七

奏

之外復增添外短平外短水短新平短例平等名目並札飭印委各員令其照數補繳各屬因報解銀兩歷來無此辦法且其名目不經而又無力填補咸置不問蔡逢年輒於公款內照數扣提以作私款是利盡歸己虧盡在公此弊業經奏參在案現查均屬確實刻已札飭鹽道永遠革除以重公款而省委員之賠累 臣查川省鹽務自道光三十年經前任督 臣徐澤醇清釐之後迄今垂三十年弊端叢雜已不可問即如改代改配之案歷任皆所不免聞近來各任鹽道每到交卸時必辦理改代改配以便多收規費號為放礮名目鄙穢廉耻掃地又歸丁州縣其課稅已由地丁內報解此項引張不須配運行銷例應白截白繳

向來輒有含混發商以致百弊叢生餘引一項本須正引銷完後不敷配運方得發出配銷川省額引積滯甚多而餘引每夾雜發領此等在商未繳之殘引現經查明多至一百一十餘萬張充斥全省奸商視為奇貨官吏無從稽考積引愈多則私鹽愈甚私鹽愈甚則公帑愈虧貽害無窮又查羨截一項道光三十年清查以前所短僅二十三萬兩有奇至咸豐元年及同治十二三年間遂積虧至一百餘萬兩又經升任安徽藩司前鹽道傅慶貽任內輒詳請於邊引每張應完羨截銀五兩內減完銀二兩以卹商力嗣知羨截係屬正款不可輕減又於該商所完鹽釐內撥出銀二兩解還道庫以彌補所減羨截之數此端一開

奏稿卷十七

奏

邊商挪此易彼巧為舞弊非獨指撥鹽釐項下之二兩並未解還道庫即應完之羨截銀三兩日久亦無著落數年之間羨截一項又增虧至三十餘萬兩之多現查明羨截銀兩先後統計共積虧至一百三十六萬餘兩幸自前年開辦官運此項撥釐作羨之弊始一旦杜絕而庫帑暗中所入為數實多此項實非 臣議辦官運時所能計及非此次清查無由得知亦可見鹽務之弊至深而莫可究詰矣 臣維引張應完羨截定額無多已積虧至一百三十六萬餘兩此係有案可稽之款以此推之歷年鹽釐其消耗於無形者更難以數計釐政何由得清 國計何日得裕現在以前各弊均經澈底查明此時亟應

力圖挽救以冀收之桑榆臣已督飭該司道委員等務將以後領引發引推代改展及帶銷殘引彌補欠帑各章程悉心參酌妥爲定議奏咨辦理爲日後永遠遵守之計不使再滋弊端然臣竊有請者微臣疊蒙

諭旨諄諄以整頓地方不可操之過蹙爲戒

訓詞深厚非獨啟發愚蒙之藥石抑亦經綸百政之遠謀謹當奉以終身弗敢失墜此次奏請清查鹽務良以受恩深重睹此積弊過深若不澈底根究不惟昧盡天良亦將從何設法今各項弊端均已水落石出儻因此卽興大獄則以前株累良多而於歷年所失庫款究毫無裨益則所謂操之過蹙既違

聖慈歷次之

奏稿卷十七

五

訓誨亦非微臣奏請清查之本心現惟廣諮博訪妥定新章稍寬既往之愆嚴杜將來之弊如蔡逢年業經革職而情節較重卽按法嚴辦則亦咎有應得但數十年來踵事增華此時若必盡法懲治則牽涉太多辦不勝辦其實無益庫款實際將來結案時可否量從寬減之處出自破格天恩其歷任鹽道惟傳慶貽任內改代改配之案較多且有詳請撥釐作羨之案增添弊竇未便置之不議將來結案時擬爲奏請處分以爲營私壞法者戒其餘各任或業經病故或署任未久應請無庸深究此次查出各端實係多年隱微深痼之積習臣不敢不據實瀝陳亦不敢

過爲苛擾但期切實整理設法收回歷年未繳之殘引痛絕私改代配之積弊以期計岸及濟楚之鹽可與黔滇邊引一律肅清以收

國家自然之利整頓數年當有成效可觀餘俟司道上詳後另行詳細奏請結案其應定章程俟定議後再行隨案奏請

勅部核議遵行謹將清查鹽務大畧情形先行繕摺附驛密陳伏乞

皇太后

皇上聖鑒訓示謹

奏

奏稿卷十七

五

忠州石砭廳等處計引改歸官運片

光緒五年十一月二十三日

再據黔邊鹽務局道員唐炯等詳稱重慶府屬長壽縣暨忠州直隸州及所屬都縣民間食鹽向由計商承領額引採配行銷各處地方遼闊均與巴縣涪州犬牙相錯巴涪鹽岸現歸官運查官運之鹽較該州縣計岸每觔賤售十餘文之譜附近窮民多赴局購買官鹽而各該州縣計商動向平民任意需索甚至以涪州之民買涪局官運之鹽經過豐都等處地界亦被計商指為私鹽截拏罰懲各處受害之民紛紛赴局呈訴請改歸官運以免受害又川東道屬石砭廳久無正商積滯引張甚多歷年課稅均由地方官賣引得銀完解本覺不成事體引既散售鹽不歸

奏稿卷十七

壬

岸官運地面亦被充塞且查有石門坎黃水壩等處均與湖北連界漏楚道路甚多該廳行販及下游各州縣計商引張每多舍雲陽等廠就近之鹽而改配千數百里之健廠推原其故蓋計引過渝城照章納釐較行楚鹽釐輕減十倍各該商領配健鹽過渝後並不運回本岸即改早挑取道石砭廳屬石門坎等小路浸灌湖北施南府屬計岸並偷漏湖北宜昌釐金道路既捷成本又輕趨利若鶩其取巧舞弊實屬大壞鹽法當此整頓鹽務規復淮綱之時亟應先杜私販入楚之路應請將石砭忠州都長壽四岸自光緒六年正月為始一併歸入官運以便民食而杜漏楚並飭嗣後健廠鹽筋專配上游滇黔邊引不准仍前

改配重慶下游計引以免撓越等情詳請奏咨前來臣思創辦官運原為疏引裕課恤商便民起見涪岸既歸官運附近百姓願買官運賤售之鹽自應俯順輿情凡接連涪州之忠州都長壽等處自可歸入官運以便民食並除奸商搯詐害民積弊至下游州縣商販及石砭無商引鹽多由小路赴楚私售漏釐誤釐亟宜併歸官運以固藩籬而肅離網復查滇邊引張向係採配健鹽自同治年間滇黔紛擾邊岸引滯健廠鹽有餘積是以暫准各計商改配健鹽乃改之後漫無定制每多任商隨意請改從前滇黔引岸不開尚可聽其通融現在兩省邊岸均經開辦且銷數漸暢計健廠所出之鹽實不敷官局應配之引若仍准

奏稿卷十七

辛

各處計商任意改配非特竈戶居奇而官運黔滇邊引之鹽先虞短缺必致停引以待課稅虛懸自應飭將健廠所產鹽筋仍專配滇黔邊引購運以免停滯其下游各岸計引如各處應配廠鹽實有不敷准令改赴潼射各廠採配俾得劃清界限彼此兼顧除咨部查照外理合附片陳明伏乞

聖鑒訓示謹

奏

丁文誠公奏稿

卷之十八目錄

蔡逢年參案議結摺 光緒五年十二月十九日

傅慶貽革職免議片 同日

清查鹽務妥議章程片 同日

遵 旨明白回奏摺 光緒五年十二月二十日

瀝陳辦事竭蹶情形片 同日

都江堰歲修親往查驗片 同日

接收伊犁敬陳管見摺 光緒六年正月十九日

籌款解直募勇片 光緒六年二月初一日

川鹽濟楚請減引辦理片 同日

官引票釐局戊寅綱徵收豐旺片 同日

滇黔官運戊寅綱行銷引數經徵各款摺 光緒六年二月初十日

保舉人才堪備任使摺 光緒六年二月十九日



蔡逢年參案議結摺

光緒五年十二月十九日

奏為查明已革道員紊亂鹽法索受規費並私扣釐金平餘等款恭摺具陳仰祈

聖鑒事竊 臣 欽奉

上諭丁寶楨奏查明道員操行貪污辦事朦混一摺四川鹽茶道蔡逢年著即革職其承辦引張如查有不實不盡再行從嚴參辦等因欽此維時 臣 先奏委藩司程豫署臬司崇綱會同署鹽茶道董潤候補道馬映奎錦瑞督飭委員在鹽署設局檢齊各案卷澈底清查當即欽遵轉行去後茲據該司道等會詳遵查得光緒四年分部頒川省水陸額引十六萬八千四百零七張又另發餘引五千張如

奏稿卷十八

額引不足准於餘引內提補歷年咨部有案蔡革道初次查報短少額引三百九十四張請於另頒餘引五千張內照數撥補額引迨後私將餘引填入歸丁引張之內而以歸丁之引提作發商行銷之引以致應存應發各引混淆不清今委員等詳細查點計餘引短少十四張額引多出十四張不但與部頒引數不符且與該革道原報領引數目亦復互異又查得銅梁井研兩縣鹽引已於道光三十年奏明改課歸丁其引應截留道庫今於銅梁縣歸丁引內清出水引三張井研縣歸丁引內清出陸引二張引內所載水陸字樣均係挖補填寫且有將總督蓋用關防挖損一角者而所挖補之引中縫部編號數與前後各引號

數均不相符明係挖補行銷後插入充數並查廣安州鹽商涂倬祥萬縣鹽商文子英於光緒四五兩年先後改引各呈內聲稱引有破爛挖補字號模糊經過關卡不得留難阻滯等語係屬違例之事蔡革道概行批准並照錄該商原呈分飭關卡放行不准留難阻滯使設關查驗之例均成虛設奸商得以恣意舞弊前據蔡革道稟覆內稱領引時初次查點計少額行正引三百九十四張開單附卷後經查出實在只短額行正引三百八十張而詳咨繳引文內仍敘為三百九十四張係漏未更正是虛報短少額引十四張已據自認不諱且明知虛報短引張數當時不將舞弊經書詳明究辦又不將多提餘引十四張照數追

奏稿卷十八

二

繳顯係有意徇隱又據蔡革道覆稱前因查點額行正引短少張數將餘引提入歸丁引內又將歸丁之引提補發商正引係查照舊章辦理現查歷年頒引卷宗並無似此輾轉騰挪之案是所謂舊章者實屬無據殊不足信至於挖補水陸之引現據青隄渡驗卡查出廣安州代商涂倬祥挖補引紙五十七張解省查驗屬實此皆係蔡革道任內不准關卡查詰已經配運之引弊端尤為顯著又查永甯縣額行陸引三千三百張均經蔡革道編號送印乃其中重號之引共有一千三百張之多行銷諸多窒礙業經詳請更正咨部立案又查得合州樂山洪雅內江等處水陸引張蔡革道已批准歸丁並不照章將引截留道庫仍

一面含糊發引既使糧民代完商人之課又使奸商領銷無課之引辦理自相矛盾致各屬印委各員無所遵守或於引鹽過關之時聲稟請示或於引課歸丁之後仍請援案發引紊亂鹽章無過於此此蔡革道任內領引發引各案之情形也至川省鹽務向有以此岸之商兼領彼岸之引謂之改代又有以此岸之引另配彼岸之鹽謂之改配原以商力有厚薄廠鹽有盛衰故不得不變通辦理定章應由道查看情形詳明核准方能照辦蔡革道任內改代改配各案自光緒二年六月初二日到任起至光緒五年六月十三日交卸止先後改過三百八十七案共改過水陸引二萬三千一百五十八張陸引六萬四千八百零四張

奏稿卷十八

三

水陸折合共改過水引二萬八千三百四十二張為數如此之多均無詳明案據與向辦章程不符且開縣鹽商張可傳呈請改代一案有挖補商名批呈前後不符之弊廣安鹽商涂倬祥暨萬縣鹽商文子英請改各案有挖補引張不准關卡留難及字號模糊不准關卡盤驗之弊郫縣鹽商熊煥亭長壽鹽商戴春呈請改代並請展限各案有一改已誤再請改配一展不已再請展限之弊他如湖北鶴峰州入州縣改代改配引數浮於額引之數尚不在此弊竇叢雜檢查各卷實屬駭人聽聞又訊據成華總商朱崇庚暨行號何永泰供稱向來改代改配每改水引一張共需規費銀四兩二錢內除上費銀三兩九錢六分房費

銀一錢五分餘銀九分作具呈雜費所有改引規費銀兩均係行號送交鹽署門丁收繳其請改展限每水引一張亦需規費銀一兩六錢六分等語並據何永泰呈出改引帳簿三本係開載蔡革道任內改引規費細數查核簿載所送銀數與供相符果如該商所供鹽署於改代改配各案均有收取改費情事無怪奸商猾吏因緣為奸明目張膽朦混請改遂至無呈不准並有不准關卡查驗之札該司道等現既查有案據訊有供簿不敢稍涉迴護惟有據實具詳此又蔡革道任內改代改配各案收受改費之實在情形也至每年徵收課稅羨截硃力以及引釐餘釐各款均係報部正供軍餉攸關即鹽釐公費餘平等項已奏

奏稿卷十八

四

明由正釐項下劃出自應摺節支銷留備本省公用豈容私行挪移任意扣出乃查蔡革道任內實徵庫收各簿冊光緒二年分廣安州額徵鹽羨截銀一千四百零八兩五錢已於光緒三年三月二十二日全數申解到道印發批迥諭知庫吏彈收儲庫各在案蔡革道辦理光緒三四年奏銷仍列未完項下將該署州張爾達兩次開參又華陽縣認銷宣恩縣咸豐十一年分水引應完鹽羨截銀二百九十六兩五錢五分早經如數全完誤撥他縣項下蔡革道辦理光緒四年奏銷未經詳明更正仍將該署縣賈孝彬作為未完開參是其將已完羨截挪抵他縣課稅以為規避處分地步顯然可見並查蔡革道任內徵收各項鹽

釐除應扣報部之短平及應補火耗不計外復添出外短平外短水短新平短例平各項不經名目計任內共扣去銀八千三百三十一兩二錢七分七釐均於解到鹽釐正項內先行扣出仍將所扣之數作為各屬欠解平水之款札飭印委各員令其照數補解而各屬因其名目不經向所未有無力填補置之不顧而道署亦不復催即照扣淨實數登入庫收簿內致歷年庫收正釐不敷各屬原解之數而新添補平補水銀數仍屬虛懸是鹽釐並無補平水之實而道署已暗收扣平水之利至修理衙署等項歷係先詳後支方昭慎重乃蔡革道任內修理衙署等項先後六次動支鹽釐公費及富榮局鹽釐餘平銀二千六百六

奏稿卷十八

五

十九兩一錢一分既無詳院案據亦無修估工料支銷簿冊且本年六月初九日奉札撤任之後猶借支餘平銀一千三百餘兩稱為歲修本署之用其為借端開銷亦可概見又鹽釐專供軍餉動支即應詳明奏咨作正開銷本年六月初九日該革道已經奉札撤任復在於傾淨鹽釐項下預劃出平餘火耗銀九百八十七兩二錢三分四釐為本任俸薪養廉不敷坐扣之用既未具詳候批即係私自虧挪前經司道等開單呈詳已蒙批飭蔡革道勒限繳還此又蔡革道任內私行虧挪擅行提扣正耗各款之實在情形也以上各節均經該司道等查有案據訊有供單呈有簿冊事關引目混淆款項轉轄丁書商號因緣為奸弊

竇叢雜蔡革道不行嚴禁復為多方掩飾始終徇隱既有收受改費情事且有私自挪扣釐金擅扣平水之款應如何辦理之處該司道等未敢擅擬請示核辦前來 臣查川省鹽務自道光三十年前督 臣徐澤醇清查之後迄今已三十載不惟以前殘積各引未能清繳彌補積欠銀兩未能照完乃復增出未繳殘積鹽引多至一百餘萬張又增出積欠羨截銀多至一百四十餘萬兩皆由官吏商人通同作弊句串營私以致鹽務之壞至於不可收拾 臣前年抵蜀後悉心查核粗知其弊即漸次力圖整頓嚴革陋規清釐引岸開辦官運分設引釐各局以期正本清源年來邊計各岸已覺日形暢銷當蔡逢年在任時 臣每與司道

奏稿卷十八

六

接見俱以該道署弊端極大亟應認真清釐隨時諄囑該道共矢清白協力整理以期上裨

國計免致受累不啻舌敝唇焦並以鹽署公事較繁為之寬籌公費俾免竭蹶從公實深冀其能自悔悟乃蔡逢年貪玩性成膜視 臣言於發引則焚如亂絲於鹽岸則無處不改於商人則縱令舞弊並以得收使費私扣釐金為固有之利初不料其利令智昏遂至此極經該司道會同檢卷確查均有案據因近在同域奉委清查聲明未敢定擬 臣若不據實參辦何以杜積弊而儆效尤雖川省鹽務之壞不自今始而蔡逢年在任三年不但毫無振作抑且踵事增弊致壞釐綱即使盡法懲治亦屬咎有應得惟念該

道署一切弊端相沿已久即該革道暗收商人使費私扣鹽釐平水各款實屬貪婪不職然 臣此次清查鹽務實因積弊過深不得不澈底查明以便妥定章程冀為日後永遠遵行地步期於公事有裨而已現據該藩司程豫等查案詳辦前來 臣惟該革道諸凡營私因仍作弊揆之於法實無可寬而究之作弊不自伊始情亦尚有可原惟有仰懇

天恩俯准姑寬既往嚴儆將來相應請

旨將已革鹽茶道蔡逢年發往軍臺効力贖罪以昭懲戒而肅釐務出自

逾格鴻慈仍勒限半年飭令該革道將扣挪釐金平餘銀

奏稿卷十八

七

兩悉數繳還歸庫不准再有延玩至積年已行未行挖補引張已由 臣督飭接署鹽茶道董潤定立限期分別飭屬照數繳銷再為設法辦理不許各商任意配運以杜重照影射各弊再查蔡逢年前將永甯縣額引三千三百張編號送 臣署蓋印內有重號之引一千三百張係屬鹽房誤編 臣當時未經看出事後始行飭道另編更正咨部存案疏忽之咎亦所難辭並請

勅部將 臣議處以為辦事草率者戒除將該司道詳定通省鹽務善後章程另行奏咨外所有遵

旨查辦緣由理合恭摺具奏伏乞

皇太后

皇上聖鑒訓示謹
奏

奏稿卷十八

八

傅慶貽革職免議片 光緒五年十二月十九日

再川省鹽務積滯引張之多積欠羨截之鉅爲他省所未有臣詳細體察在同治七八年以前猶可藉口於滇黔邊岸久未疏通迨同治九十年以後邊岸既漸有轉機而濟楚引張定爲五邊一計銷行亦暢何至引積羨懸轉甚於前數倍且釐金亦逐年遞減推求其故始知前任四川鹽茶道傅慶貽在任時創爲撥釐作羨之法自此羨釐兩項頗多含混以致收數愈形短絀隨飭清查局司道督飭委員檢查同治九十年以後鹽署檔案切實核擬茲據詳稱傅慶貽任內創議撥釐作羨係於商人應完釐金項下准其每引一張撥出釐銀二兩抵作應完羨截二兩註冊收

奏稿卷十八

九

庫計自同治十一年三月初一日傅慶貽定章撥收起至光緒三年冬間奏改官運停撥止前後五載有餘僅收過撥釐作羨九七平九九色鹽釐銀一十四萬七千三百七十一兩零折實淨收庫平色銀一十三萬八千八百四十五兩零復按引分算其各任欠收羨截銀數自同治十一年三月初一日起截至光緒二年底止除撥釐填羨外各商實共欠羨截銀三十九萬二千五百一十九兩九錢零其光緒三年十一月以前短欠銀三萬三千六十六兩有零尙未併計在內綜計自咸豐元年起至光緒四年止前後共積欠鹽羨截銀一百四十萬一千一百八十五兩六錢零該司道查近年奏銷冊籍比較各年欠數同治十

一年以前未經撥釐作羨每年積欠羨截不過四五萬兩至同治十二年以後業經撥釐作羨每年積欠羨截轉多至八九萬兩及至光緒三四兩年奏改官運停止撥羨每年鹽道衙門計引積欠又不過三萬數千餘兩此中得失較然可觀是傳慶貽創為此法名為撥釐作羨實則挪釐減羨耳且稱撥釐之後餘羨務令補清一似於釐無損而於羨且有益者一時朦混詳准豈知商人趨利隱壞蹉網不但應補羨銀不肯補清且比上年解徵之數多寡懸絕卽如富順縣因商人不完新徵羨截續稟請將本年撥收之釐抵解本年新徵之羨一案經傳慶貽嚴批申飭責其抓沙抵水一面詳明嚴催謂撥釐之款原為彌補舊欠不

奏稿卷十八

十一

准挪抵新徵今若由縣挪抵每屆新徵商人卽專恃此項撥釐作抵新徵之羨必難催收舊欠更何從籌補等語可見撥釐作羨之弊傳慶貽早已洞悉如肯卽時據實更正截然停止其時虧欠無多尙可設法彌補乃因循不改年復一年坐使

國家數十萬之正供化爲烏有實爲可惜當日如果爲恤商起見但將一切陋規浮費稍加裁減已足相抵何至挪減釐羨正款如謂減羨撥釐實出於萬不得已則與其減羨二兩不如減釐二兩蓋每引減釐二兩不過二兩而其未減之數猶可照常徵收也乃不減釐而減羨則是本引之羨旣以此釐撥收他引之羨又以此釐抵報所撥止

一引之釐遂使兩引之羨並歸無著此傳慶貽續詳時所已慮及者也至於已減之羨旣經撥釐填補而未減之羨亦並藉釐塘塞撥一引之釐遂使一引之羨全歸無著此則傳慶貽所未慮及者也夫羨截固屬正供而釐銀亦關軍饌同一庫款原無彼此之分何必多此周折遂至得一七十數年之內商欠羨截積至四十餘萬而減收之釐尙不在內鹽務積弊至於無處不壞向非奏改官運則此撥釐作羨之弊虧欠正款尙不知伊於胡底今計自開辦官運以來邊引稅羨均由官運總局核入成本照數徵收用符先課後鹽之意絲毫不能拖欠而邊引應納釐金又均涓滴歸公無復挪此填彼之弊一年之中一出一入挽回

奏稿卷十八

十二

正款不下十餘萬行之十年其數不下百十餘萬川省庫款盈絀卽此一端已可概見惟傳慶貽當日旣知撥釐之舉有礙正供並不據實更正停止以致虧欠羨釐各款如是之多實難置身事外現查咸豐元年起至同治十一年未經撥釐以前應收羨截欠款容查明官欠商欠引欠分別核追外至同治十一年三月初一日以後劃撥填羨之釐一十三萬有零至今無從還款積欠羨截三十九萬有零至今亦無從徵收據該司道等造冊會詳請核前來臣查傳慶貽創爲撥釐填羨之舉名爲撥釐實係挪釐名爲填羨實係減羨事後旣明知其誤又不急爲更正以致頻年羨釐兩項短收愈甚其貽誤要需傳慶貽實無可置辯

但此時若責令原辦商人每引補繳羨截二兩各州縣商人必以遵照鹽道從前定章辦理並非私自撥填為詞藉口不補且事隔多年商人歇業死亡者亦復不少追呼似覺無益查上年官運一辦邊岸之挪抵早停現在清查已明計岸之挪抵亦從此永禁以後別無可作弊合無仰懇天恩准將各前道撥釐作羨之一十三萬八千八百四十四兩照數開除毋庸飭令再補用恤商人其歷年積欠羨截銀兩仍由臣督飭新任鹽道另行設法催繳以重公項至傳慶貽辦事錯謬壞川省鹽法既經該司道等查明具詳臣何敢因其已經升任代為隱飾惟核其情節究與扶同商人作弊者實有區別可否懇

奏稿卷十八

三

恩從寬予以革職免議之處伏候

聖裁理合附片具奏伏乞

聖鑒謹

奏

清查鹽務妥議章程片 光緒五年十二月十九日

再查川省鹽務自道光三十年清查以後歷久弊生現存道屬各庫積滯水陸引張不下十萬餘道連各商已領未繳殘積各引共有一百餘萬道積欠羨截正款至一百四十餘萬兩鹽法之壞幾於無從補救推原其弊約有二端一為引目混淆查鹽法行引俱有定岸配鹽各有定廠界限極為分明應完稅羨均須年清年款法令昭然川省自創為改代改配之說以此岸之商代行彼岸之引又以彼岸之引改配此岸之鹽其初原因井水榮枯口岸衰旺數十年中時有遷移不能不酌盈劑虛由鹽道確查情形詳咨請改詎相沿日久流弊叢生鹽道衙門據商人一紙之

奏稿卷十八

三

詞只圖多得改費絕不查廠鹽之盛衰商力之厚薄口岸之暢滯無不准改後並不行知各州縣督催亦不詳明總督查核以致蠹吏猾商因緣為奸多將本岸額行正引置諸高閣而競改別岸之引或將本廠例配之鹽停積不配而競配別廠之鹽各處代行商人多係異縣隔籍不歸本岸地方官管轄改配之鹽朝東暮西變遷靡定漫無稽查州縣經徵稅羨雖有考成而苦於改代之案全無知覺及知之而呼應不靈提商不到奸商即以虧欠不完之稅羨視為固有之私利爭趨若鶩愈准愈改愈改愈欠營私廢公漫無底止此弊之在引岸不清者也一為款項轉轄查鹽法每引應徵之款曰課稅曰羨截課稅關繫最重處分

其嚴而每引應完羨截銀數或多於正稅於是此商已繳羨截而州縣挪作彼商未繳課稅者有此縣已解羨截而鹽道挪抵他縣未解課稅造冊報部者有正商將引售與代商得銀以納課稅者有代商清完羨截而正商挪作課稅完繳者以致羨截一項名為正款實同虛設概置諸不問用是日積月累遂成鉅欠鹽課大虧此弊之在款項不清者也現經臣督同司道悉心籌議善後章程六條嗣後發引必先新後舊不准新陳套搭徵稅必先課後引不准挪移虧欠收發鹽引責成鹽道不准假手吏胥改代引張責成州縣不容奸商朦混繳殘則嚴定期限以杜重照影射辦公則優給公費不准暗收陋規庶期身正則令自

奏稿卷十八

古

行以為務本清源之計至從前羨截之積欠實由額引之停滯現查未行積引多至數十萬張積欠羨截正款多至一百四十餘萬兩此時若將以前積引照例均作為廢紙固屬簡截但積引不銷則羨截悉歸無著且商人因從前官吏皆以牟利為事引張可以妄發口岸可以混改於是始不惜花費乘便營私冀漁厚利今若將積引照例作為廢紙則商人從前所用使費及其中有已完稅羨者為數頗鉅雖花費係屬舞弊咎由自取無足深論而稅羨空完賠累亦實可憫况此事皆由於官之營私廢公而後商人從而趨之弊在官而不在商情亦覺有可原又况積欠羨截正款亦應設法歸補而歸補之方銀數太多措置匪易

臣維歸補積欠舍帶銷積引無可措手蓋積引能銷則積欠各款亦有指望現擬酌議分年帶銷積引之法如未行積引從前有完稅課而拖欠羨截者即免其再交稅課專收羨截如有稅羨均已全完而引張未行者則免其重完稅羨而專收廠釐總使積引不成廢紙而欠款可以收回商人可免賠累多銷引張一分則欠款亦可收回一分庶上可以彌庫儲之虧下可以救商人之困公私兩利莫過於此至各屬未繳殘引仍應照章勒限追繳俟繳齊之日確查實欠款日在官在商有著無著再為分別追賠豁免毋許仍前含混似此事事核實雖不敢必異日永無弊端而目前急務實屬秩然不紊據清查局司道等妥擬章程

奏稿卷十八

圭

六條詳請奏咨前來臣詳加查核均屬周妥詳盡照繕清單附片具奏伏乞 聖鑒訓示飭部核議施行謹 奏

謹將川省酌議鹽務善後章程繕具清單恭呈

御覽

一每年行引宜先新後舊也查鹽法部頒引紙例應年清年款勒限繳殘乃川省向係寅年發商卯年行銷辰年繳殘而商人於本年新引又不全行軌以遠年積引參差套搭加以推代改配舊引未銷新引又至於是重照影射挖補字號夾私漏楚百弊叢生不惟各州縣無從清查即各關卡亦難盤詰是因套搭而始混淆因混淆而愈形積滯因積滯而請展限因展限而益滋弊端鹽法敗壞莫此為甚應請通飭各關卡將光緒五年以前推代改配之引一律截留申繳定自光緒六年始先行新引如某縣五年分

奏稿卷十八

去

新引銷完尚可帶銷若干張即由地方官具稟候鹽道查明該縣四年分積引札發帶銷四年積引銷完再發三年分積引三年積引銷完再發二年分積引以次遞推一律辦理如本縣並無積引或積引業已銷竣即由鹽道查明附近州縣積滯較多之引札發帶銷仍按年遞推不准混淆至本縣本年新引尚未銷竣者一概不准帶銷積引如此辦理庶可劃清界限斬斷葛藤一切弊端無從舞弄一州縣領引宜先課後引也查鹽法各州縣領引發商後即應將經徵之課稅羨截掃數全完一屆奏銷查明未完分數分別參處定例基嚴乃川省報部有名之正商無力自行大都將引岸轉佃行商議有岸租有月息有引底一

切應完稅羨等項仍由行商措交正商上納而正商又往往虧挪羨截僅繳正稅或並正稅不繳甚至無行商認岸

正商即將額引轉售他岸行商率請改代而於本岸招致私販挂秤抽釐即使守捉追比而輾轉拖延迄難繳清又有正商稅羨全繳而州縣將此商所完羨截挪填彼商正稅以避處分有州縣稅羨全解而鹽道將此縣所解羨截撥填彼縣正稅以顧奏銷不獨羨截多無著落而款目亦極混淆以至歷年積欠至一百四十餘萬之多若不明定章程勢必愈積愈深不可收拾應請嗣後除官運官引兩局應行黔滇潼計各引應完課稅羨截現已由兩局隨引徵收報解外其餘各廳州縣應札飭於具文領引之前查

奏稿卷十八

七

明應行水陸引若干張應徵引稅銀若干兩羨銀若干兩截銀若干兩硃力銀若干兩分別春秋兩季各共應繳若干兩先期傳集行商如數繳齊造具清冊隨領引之文批解鹽道如有永遠推出之引亦於冊內註明原額水陸引若干張推繳某縣若干張實行若干張實應徵稅羨截銀若干兩分別兩季掃數全完如有永遠認銷之引亦於冊內註明原額水陸引若干張認銷某縣若干張共行若干張共應徵稅羨截銀若干兩分別兩季掃數全完由鹽道查核數目相符始將引紙給發承領回縣轉發行商如所解不能足額即由鹽道查明欠解若干兩照數扣存引紙若干張仍飭速行批解到日再行補發如將屆奏銷尚未

掃數批解即將引紙存留道庫作為積引無庸再發照例開參如此辦理在行商既不受坐商虧累而繳課時日又復寬展自必踴躍樂從不致延誤實足以順商情而顧鹽課

一收發引紙宜鄭重辦理也查四川通省每年額行水陸鹽引十六萬八千四百零七道戶部頒發鹽道由鹽道申送督署蓋用關防檄發道庫分飭各廳州縣具文請領發商行銷立法原極周密乃每歲部引頒到僅由鹽署書吏開摺清數往往抽匿正引捏報短數每束自一二張至八九張為動用餘引補數地步又將抽出引紙夾入正引之中朦混過印並有挖補水陸字樣以餘引混作正引者而

奏稿卷十八

六

邊旁字號挖補重複更不勝言及送督署鈐印時又不一總彙送隨時或一、二萬張或三四萬張陸續齎院亦僅有總數申文並無細數清冊至轉發各廳州縣又並未分晰造冊詳報是則某州某縣額引若干增引若干推出若干實發若干無從稽考即有重發混發等弊猝難查出實非慎重鹽引之道應請奏明嗣後餘引停止不發其正引頒到嚴封存庫由鹽道詳請委明幹州縣數員督同鹽書挨摺細查是否足數取具切結備案如額引實有短少即將確數稟由鹽道詳由督署發給關防大票按束填補即時咨部立案日後繳殘即照咨查考至歸丁引紙例應截存道庫即由鹽道查明現在歸丁州縣若干處水陸引紙若

千張如數提出按縣編列字號存庫隨殘彙繳無庸送院鈐印其應送院鈐印之引即由鹽道按照各廳州縣名編號由一號至十百千號止一總送印不准分為數次並將某縣水陸引若干張係編為某字號造具詳細清冊隨文申送至每年引張發竣即由鹽道造具詳細清冊三本詳報督署查覈以官運行銷水陸引為一冊截存歸丁水陸引為一冊發商行銷水陸引為一冊分別註明發訖截存字樣其發商冊內並須註明原額水陸引若干張增行水陸引若干張如遇永遠推認之引即於推出縣分項下註明原額引若干張推繳某縣引若干張尚存若干張照數發訖並於認銷縣分項下註明原額引若干張認銷某縣

奏稿卷十八

九

引若干張共計若干張照數發訖設有積滯未發縣分亦須逐縣分註並將發引月日按縣登記以為督征張本如此分晰造冊不惟引張已否發竣總督衙門得有稽考即有重發混發等弊亦立時可以查出無從掩飾庶足以昭慎重而杜弊端
一推代改配宜兼責州縣也查鹽法行引有定岸配鹽有定廠界限本自截然乃川省創為推代改配之法本縣額引尚未全銷復認銷別縣之引而本縣之引轉多積滯本廠之鹽本足敷配復改配別廠之鹽而本廠之鹽遂致賣私廠困課懸率由於此然從前尚有限制自川鹽濟楚以來奸商紛紛請改富健兩廠漏楚行私有指請認代某縣

之引改配者有預請改配某縣幾年之引者有改配後而又請減半納釐者有認代後而又轉售引紙射利者有年限已滿而又請一展再展者不獨各本廠有鹽無引私販充斥而各本岸亦多荒廢無商承認實屬不成事體應請嗣後除永遠認代奏咨有案外其餘各歸各岸不准改代如口岸實在疲滯每年只能銷引若干必須推出若干由各地方官據實稟候鹽道查明附近行銷暢旺額引全完之州縣飭發代銷如口岸暢旺本縣額引全完又無從前積引必須代銷別縣之引若干始能接濟民食亦由各地方官據實稟候鹽道查明附近州縣積滯之引飭發代銷概不准任聽該商等自行指明縣分呈請推代認銷並須

奏稿卷十八

三

年清年款不准展限卽有各商自願呈認代銷別岸亦必由鹽道先行飭查該州縣是否全無積引是否暢銷再行詳明批准認代仍將該商呈請緣由並領到引張若干數行知該州縣查照定限一年內銷竣繳回殘引如逾限不繳殘或繳不足數卽惟該州縣是問至於改配相沿已久若驟令各歸原廠或恐民間食慣一時未能禁絕而水陸運道亦實有距岸紆遠各商轉運甚艱應於限制之中示以體恤除健廠產鹽僅敷官運採購奏明川東下游州縣不准改配外其餘責成各有廠州縣悉心確查所產之鹽如配運有餘卽飭原行各縣之引仍照舊歸還原廠不准擅改如實係井老水枯鹽不敷配或原行某縣運道艱難

應改附近別廠卽由該廠地方官先行稟明每年產鹽若干配引若干不敷若干應改若干飭委廉明之員覆加確查會稟立案以後改配卽以此案爲率儻原稟鹽不敷配而該廠私鹽仍復充斥則是有心徇隱卽將印委各員分別參處至各商請改仍由鹽道查明附近產鹽較旺之廠批令改配不准該商等自行指廠以維鹽法而紓廠岸一追繳殘引宜各專責成也查鹽法銷引繳殘例有奏銷期限不得逾年乃川省各商有准展至來年奏銷前者亦有展至來年奏銷後六八月及十一月十二月不等者限期既無一定且一展之後復准再展該商等有恃不恐或將積引重價轉售以爲漏楚之需或將殘引設法重配以

奏稿卷十八

三

爲影射之具推原其故皆緣推代改配向於鹽道交替時各商串通家丁私相授受行知文件概交商手地方官既不得知而鹽道衙門亦無案據而且既改代又套搭既套搭復展限甚至將引作貨抵押當賣輾轉交易竟不知引落誰手不惟引紙已行未行漫無查考卽稅羨已完未完亦漫無著落應請嗣後各計岸額引照例於奏銷報完後扣限半年由各州縣追繳殘引永遠不准展限至改配推代既定由各州縣稟准鹽道承領轉發不准各商私相授受立有案據各地方官卽不得藉口推諉改配之引仍責成本縣地方官追繳改代之引卽責成代銷縣分地方官追繳均以八個月爲限一律辦理逾限不繳無論已行未

行一概作為廢紙嚴飭各廠關隨時查明扣留申繳並將承追不力之地方官分別參處以儆玩延如此辦理則各引先有著落已行未行已繳未繳均不難於稽查不致仍前混淆重照影射推諉貽誤

一鹽道衙門宜優給公費也查從前鹽道衙門領引有費繳殘有費推代改配展限有費種種需索猶商盡吏因緣為奸鹽法紊亂幾至不可收拾職此之故然若一概裁革則鹽道公務較繁不惟辦公無資即圍署書役亦不能責其枵腹從事自應酌定優給公費以資津貼庶免弊竇別開查川省向來各商領引其正用使費本屬無多應仍其舊惟實不敷辦公若酌量加增取盈於商不獨有拂商情

奏稿卷十八

三

亦且無此政體應於本省籌備辦公項下酌量優給鹽道署作為辦公經費至各州縣請領帶銷積引每水引一張應照現在官引局章程辦理隨文呈解鹽署以資津貼此外一切不經名目概行永遠禁革不得格外需索分釐庶鹽道衙門辦公有資而成法可期永遠遵守

遵 旨明白回奏摺 光緒五年十二月二十日
奏為參辦革員事後挾嫌捏控遵
旨明白回奏恭摺仰祈

聖鑒事竊 臣接准都察院咨光緒五年七月二十九日奉上諭都察院奏據已革四川候補同知宋大奎遣抱赴該衙門呈訴被參冤抑等款除事不干已照例不行各節外該革員所控前於署名山縣任內交代未清同案被參者十二員丁寶楨獨將該革員押赴司監皆由奏請迴避盤踞省城之知縣丁道良從中播弄所致又以該革員有教令職員王余照用銀賄串言官吳鎮情事委員將該革員守提解省實屬冤抑等語著丁寶楨據實明白回奏抱告

奏稿卷十八

三

家丁黃玉該部照例解往備質欽此欽遵並鈔錄原呈暨甘結各一紙咨行到川 臣查川省宦場習氣之惡甲於天下該革員宋大奎呈控各節 臣原不難縷晰陳明以折刁狡之心而杜讒慝之口惟既蒙

聖明洞鑒照例不行 臣亦何庸瑣瀆謹遵
聖訓所指據實為

皇太后

皇上詳陳之查 臣於光緒三年三月到蜀後即聞候補同知宋大奎狡詐惡劣為川省最不安分之員其時即擬奏參正在詳查間適 臣因川省州縣多有虧空嚴定章程飭查通省交代即據藩臬兩司先後詳陳宋大奎於光緒二

年代辦名山縣任內虧挪津貼銀六千一百八十三兩零
又欠解是年地丁銀七百四十二兩零屢催不繳臣以津
貼一款係因軍饟緊迫為

國家萬不得已藉資民力之舉宋大奎竟虧挪至六千數
百兩之多實較之虧挪丁糧尤為喪心昧良臣即經特參奉
旨將該員即行革職飭司勒限嚴追乃逾限日久仍抗延
不完又據司詳奏將該革員拏問監追並咨行寓所原籍
查抄貲財家產備抵奉

旨允准各在案是該革員拏問監追係照例辦理之件即
臣參辦該革員亦係特參虧挪並未涉及他事且經由司
具詳固不待於人之播弄者也至其所控丁道良一員係

奏稿卷十八

臣

四川新班遇缺先即補知縣臣之總麻族姪孫臣到川後
即照例奏請迴避因其在川年久積累較多一時未能起
行而臣又實無力資助困守省垣貧窘日甚並不出入衙
署常來謁見此通省所共知該革員指為盤踞實覺無因
至稱丁道良挾有仇隙其原呈並未指實明確此則訊無
從訊質無可質其捏詞誣控不待辯而自明者也又如所
控臣以該革員有教令王余照賄串言官吳鎮情事委員
將其提省一節查拏問監追官犯應行監禁定例昭垂臣
於拏問各革員均係於奉
旨後遵例札行兩司將該革員等監禁查究嚴追完繳迨
四年三月藩臬兩司具詳該革員已經潛逃無蹤等情當

經飛咨原籍並通飭各屬一體嚴拏務獲解審厥後臣被
言官參劾奉

派恩承等來川查辦而言官原參各款川省已早經傳誦
臣以蜀地多謠街談巷議無足深信迨恩承等於臘月下
旬到川所查事件與川省所傳參款無不昭合蜀中官民
頗多驚訝適有自流井職員李春霖等以竈商王余照恃
富橫霸把持公事魚肉井廠多養棍徒交通京外等情赴
臣衙門具控經接呈委員據呈堂訊據供稱王余照因臣
開辦黔邊鹽務不遂其私因與黨友申謀措寄鉅資致信
京官奏撤官運並參撤唐炯等語詰以黨友何人則云有
宋師爺大奎文師爺子澍羅信修王懷亭等多人並云宋

奏稿卷十八

臣

大奎係貴州人前曾署過名山等縣原供具在有案可稽
臣以宋大奎係拏問監追日久在逃之犯其有無教令王
余照賄串言官情事一面之詞不必深究第其虧挪津糧
甚鉅且係奏明拏問監追在逃通緝今既有此下落自應
查拏懲辦隨即委員並檄飭富順縣前往自流井鹽廠確
查果將該革員在彼拏獲解省發司監追在案竊惟宋大
奎係虧空在逃之犯緝拏監禁係照例應辦之事乃絕無
忌憚竟敢憑空誣控冀圖領陷且將事不干己之作贖呈
從聽刁狡已極查向來川省官場其平時牟利營私無所
不至迨上司欲加參劾輒思藉端挾制風氣敗壞紀綱掃
地從前督藩無不深惡宋大奎之為人然皆憚其任意挾

制隱忍縱弛不違參劾臣力矯積習以除官蠹乃該革員於在逃拏獲之後輒敢挾嫌捏污似此藐玩若竟置之不議恐逞刁之徒從此相率效尤益將目無法紀宋大奎係照例監禁之犯尚有追繳之款其挾嫌捏控應否治以應得之罪以儆貪狡而肅紀綱之處伏候

聖裁所有遵旨明白回奏緣由理合恭摺具陳伏乞

皇太后

皇上聖鑒訓示謹

奏稿卷十八

美

憑陳辦事竭蹶情形片 光緒五年十二月二十日

再密陳者竊宋大奎捏臣以該革員曾教令王余照賄串言官輒將其提省監禁一案臣已據實具奏惟思該革員所以如此捏控者其用意在使臺諫與臣有不能並立之勢用心可謂狡極查四川官方之壞鋼蔽已深實非一朝一夕之故各衙門苞苴之盛本為他省所未有州縣剝民以媚上刁紳結官以分肥上下交征遂至互相劫脅道揆法守蕩焉無存州縣終年不理案件不講緝捕政以賄成盜賊充斥民間生意憔悴終歲勤動禦寒幾無寸縷充飢不厭糠粃失職無告之民盈溢街巷患氣已萌可為隱慮臣自到任以來晝夜焦思設法整頓州縣漸知畏法亦頗

奏稿卷十八

毛

講求辦事外面似已改觀而隱微深錮之習中於人心則仍牢不可拔似非微臣薄德所能轉移變化臣竊見川省民生困苦經費支絀到任之後首裁撤各州縣夫馬以恤民而固根本繼革除各衙門陋規以恤吏而杜貪婪又裁減各處釐金清釐虧挪以裕庫儲而供支撥又收回鹽務自然之大利以為他年漸裁本省常年捐輸之漸此皆官紳所不便怨謗所由起蓋川省各上官無不食滿堂紅陋規之利其利悉取於州縣而州縣則又悉取之於夫馬局州縣取之夫馬局則又必勾結紳士以脅制鄉愚而阻其控告而鹽務一端王余照私抽堰釐并釐各款并廠之利攘奪刻剝咸謂盡係借名抽收以供京師各處之用是川

省自上可至州縣劣紳無不攘利分肥上下交病微臣收
回鹽務中飽之利百餘萬歷經奏報在案革除將軍總督
兩司道府各衙門陋規六七十萬而無名之餽獻不在此
數裁撤各州縣夫馬雜派一百六七十萬而無形之勒索
不在此數統計數端凡上還之
國下還之民約在三四百萬以外此皆闔省官紳歷年固
有之利微臣只知有公而不敢徇私盡數釐革稍味古人
水清無魚之戒凡與臣有平生之雅者無不貽書勸諫為
臣悚懼臣亦自愧非負重之器知終顛踣然終不敢昧初
心以負
國而病民乃

奏稿卷十八

天

聖慈矜憫雖微臣疊干吏議而

如天之仁苦心庇護曲為解釋

訓誨殷拳無微不至四海以內莫不為臣榮幸以為同戴

高天而微臣獨蒙被

恩眷至此實為今古之所希有然

朝廷庇臣愈深人情嫉臣愈甚蓋緣鹽務夫馬陋規三大

端盡奪官紳之利也怨已不可復解臣初莅任時四川京

官至有函請微臣代催規費之事及初議開辦鹽務復有

京員馳書勸沮此議並臣前在京時時川人又有以竈商

王余照託臣任用及上年春夏之間聞臣有查辦該商之

意復有函託臣之幕友僚屬請其向臣關說臣既一切拒

絕積弊甚深川省與京師瞬息相通言官摺稿外聞輒能
傳誦其情狀如何自在

聖明洞鑒之中疆臣以持守大體尊

主庇民為職若憑外間傳論訐發陰私以快睚眦之宿怨

必開攻訐之風啟朋黨之漸非獨微臣不敢輕為禍首蠖

蟻愚忱並願

朝廷默運機宜預消隱患臣受

恩深重未能圖報雖隕身碎骨亦不敢稍自顧惜但此中

辦事竭蹶情形實不敢不瀝陳於

聖主之前查本年正月以來浮議孔多所有微臣經手事

件幾至一切廢壞非獨鹽務一端而已臣悉力維持願此

奏稿卷十八

天

失彼僚吏存觀望之心公事多牽掣之勢雖

朝廷任臣至專責臣至厚臣尚動形棘手神智俱困即如

川東教案早經一切了結民教相安而夏秋以後奸民思

為斂錢之計輒復煽眾滋事焚燬教民租房幾有翻動舊

案之勢現在尚擬議賠了結又成都各屬盜風最熾自

到任即痛加懲辦後三年四年各屬劫盜幾於絕迹據本

年秋冬間各州縣稟報劫案雖不至如往年之甚較之前

二年安靜光景則已覺不及此皆早經辦有頭緒至此忽

漸形費手蓋蜀中官民皆以微臣風稜摧挫不復可慮州

縣懈弛於上刁民煽動於下人情靡定事故環生此皆與

臺諫彈劾各端絕不相涉而無形之中已覺波瀾疊起應

接不暇以後若再有利

國利民之事必須創建深恐成效未睹先貽口實竊思古人之義或與臺諫不和則有乞身引退以避其鋒臣不敢蹈此悻悻小節背

君父之厚恩亦不敢畏避謗議隳平生之素志仍當殫竭血忱終始不懈他人排陷百端本非以

國事為意伏維

聖明俯賜主持隱戢黨援攻訐之習不任企悚屏營之至近蒙

恩諭以規復淮岸引地責成一手經理查黔邊鹽務上半年幾致決裂自欽奉

奏稿卷十八

三

諭旨以後商情既定銷路大暢本年行運各引幾與上年相等明春二月奏銷到部即可考核此已非意料所及現在復准讓楚機勢漸成俟趕辦奏銷後再行妥議具奏惟非常之原黎民所懼川省紳商必且巧構訛言陰沮其事不勝愧惴所有微臣歷年辦事本末並近來竭蹶情形謹附片密陳伏乞

聖鑒訓示謹

奏

都江堰歲修親往查驗片 光緒五年十二月二十二日

再查都江堰自康熙以來即定有歲修分內外江先後辦理每年於十一月水涸時先修外江即將外江之水全數開入內江定期於十二月中修理完竣又將內江之水全數開入外江定期於次年二月清明前後十日內完竣然後起閘放水入內外兩江其放水分數內江定為六分外江定為四分係以江中所修分水魚嘴為權衡至所謂人字隄者長僅一百二十丈其隄身壁立水中春時則全資以得力至夏秋閒則不甚喫緊蓋因三四月內江水尚未漲發內江每患水少故以此隄攔截內江之水使不至溢入外江至五六月江水大漲內江不能容納則必須

奏稿卷十八

三

任其漫過隄頂洩出外江而後內江不致泛濫故人字隄一段向來均用竹編成長籠裝石堆砌其間高低尺寸均有一定光緒三年陸葆德等易籠石為砌石者殆見此段隄身屹立江中以籠石堆砌歷年一經漲發後竹即朽敗不堪禦水冬令必須全行折修因與該處紳民等商擬改籠石為砌石期於經久可免年年折修稍節公費嗣經次年江水大漲砌石之法不若籠石之宜洩合宜即於是年冬月自備經費仍將所砌石隄全行折盡照舊改為籠石堆砌既改為籠石堆砌則此後仍須照前年年折修方可無誤而內外江江心於光緒三年大修後已經兩年盛漲江水來源甚勇挾沙而下不無淤積處所亦應照前將河

底逐段查看辦理以免愈積愈甚用資久遠現在正值歲
修外江之時臣以此兩年內江流極順若再於歲修時督
飭水利同知切實辦理則即此雍道年閒所定歲修之款
儘足敷用萬不至如同治二三年以後辦法費日加增江
日漫溢為害農田臣因都江堰距省不遠因於十二月初
二日親行前往查看該水利同知歲修外江之工將次竣
事辦理尙為結實當飭於十五日趕將內江之水放出外
江修理內江定於明春二月中放水入內外兩江以資
農田播種之用約計內江歲修之工明春二月初旬即可
完竣屆時或由臣親往查驗或委員前往查驗再為陳奏
至內外江分水定制本係外四內六而歷來盛漲時究未
能恰如分際臣年來推求其故並委員會同水利同知再
四詳度地形始覺江水來源處有白馬槽一道其地勢甚
長將江流倒阻致溜勢偏趨右路復將其形勢與分水魚
嘴詳加測量似亦將魚嘴遮攔過半以致分水不能適中
故江水下流內江易致偏重臣詳審形勢確切不易已飭
令該同知將白馬槽一處挑去十八丈有零此次前往查
看甚覺直截得力復沿河徧詢老農均稱妥協且謂此次
歲修工程明年江水即有大漲儘足以資抵禦無虞橫溢
查江水之利害農民實所身受且其居處田畝多在江干
於水利尤為關心儻辦理稍有不合即相率攔阻現在都
江堰工各屬鄉農尙無異議臣以此差可自信其他則非

奏稿卷十八

三

所敢知也所有都江堰辦理歲修工程臣出省親往查看
各情形謹附片具陳伏乞
聖鑒訓示謹
奏

奏稿卷十八

三

接收伊犁敬陳管見摺 光緒六年正月十九日

奏為接收伊犁事體關係安危甚大謹就 微臣 愚見所及

據實直陳恭摺仰祈

聖鑒事竊 臣前得之傳聞以俄人退還伊犁一事均謂出

使大臣崇厚與該國議明通商各款中國失利甚大貽害

甚遠現在多有議駁等情蜀中距京太遠 臣未得其詳細

無從探悉然以此事既允復翻關係極重未可輕率用事

日夕焦思至忘寢食嗣接閱邸鈔欽奉

上諭將崇厚所議條約章程及總理衙門歷次所奏各摺

件著大學士六部九卿翰詹科道妥議具奏又以何金壽

奏請推廣會議人員奉

奏稿卷十八

奏

上諭所有此次會議事件中外交工如有所見自行具摺

據實直陳欽此 臣愈以揣知此事機必有難於措置者

是以上煩

宸廑若斯之甚也 臣自維受

國厚恩當此時勢萬難

宵旰憂勞之日若以事非己責緘默自容中心實有所不

安然第託諸空言無裨實事而有誤大局則仍無以上解

君父之憂居心更不堪自問日來傍徨中夜有不得不越

分而瀝陳其愚者竊維俄人恃其富强虎視鷹覘憑陵中

國其事已非一端從前該國占據伊犁以情事而論由本

在彼中國念切睦鄰不惟不責其乘亂攫取之陰謀而

特派大臣前往與之從容議論歸還疆土且償以兵費實

為仁至義盡乃俄人貪饕無義慾壑難盈而崇厚忽於一

時未能通顧大局力持定見且休於俄之勢力但冀為

國家求目前之粗安而頓忘後事之隱患誠為可惜然此

時事機已成亟應慎密圖維為補牢之計未可再事輕忽

也查此時之事所議者不外推駁兩端而現在議准議駁

均有為難者議准則俄人大獲所欲自可暫安於目前而

定界則得隴望蜀通商則華俄不分日後之為害實大况

各國和約均定有同霑利益之條今見俄人獲利甚厚覬

覷效尤實在意中此議准之難也議駁則俄人必責我以

背約背約之事外洋所重俄方以大國雄視泰西今以已

奏稿卷十八

奏

成之局忽焉中變心既不甘而又恐貽笑於外洋勢必臨

我以兵力圖挾制即各國見利必赴亦將以失信在我陰

煽俄人以與我為難希冀事成而坐收漁人之利此議駁

之難也又或議以整飭防務為戰爭之地者所論誠為正

大然俄人自恃强大脅之以兵勢恐難俯就牢籠既不就

我牢籠則兵端必開夫兵靖開而僅在西路則現在之防

猶可謂有備也 臣竊計俄之與我為難者將來恐不在西

路而全在東北則黑龍江以東沿海之防較之西路尤形

喫勁自須即時籌備而值此兵饑兩缺驟興萬里之防究

將從何著手又况此時布防亦有緩不濟急之勢此又議

戰之難也又有議以籌兵練餉為自固之計者亦屬正論

然只可爲事後之緩圖非所語於目前之急務也現在諸臣籌議若何臣不得而知特以情事度之大約所主者惟議駁與備禦兩途耳特議駁則我有負約之名備禦則東北之防全虛時勢至此一舉一動亟宜精密而出非可以空言得力也臣愚謂爲今之計無論議駁議戰均須求一實在辦理之法而後事乃有濟且議駁則戰即因之亦勢所必然尤須先爲騰挪時日而後戰事可次第與辦大要在於此時先擇一二真能任事之人置死生禍福於度外者再履俄人之庭與之重申前言設法辯論惟俄現責我以背盟其氣甚怒使臣一入俄境勢將拒而不納要不爲其所屈而發端務審夫機宜及其與俄官會議議而不合

奏稿卷十八

奏

俄必以威相脅要不爲其所撼而持論益務爲堅忍又察其平日之舉動以與爲周旋審其臨事之機變以相爲因應但能虛與委蛇強忍力爭百折彌固彼俄人既以大國自居或且顧惜名義而可期轉圜如稍得有轉機能將崇厚所與議定各條爭得一分中國即有一分之益而國體與全局亦不至大虧至於敵情莫測使臣雖強爲辯論期於有濟萬一俄人堅執不回亦可乘此餘隙將內地東北沿海一帶防務妥籌速辦庶期計出萬全不馴至於倉卒坐困一誤而復再誤也夫以我國家設官養士二百數十年值此事勢危迫之秋自必有二三忠誠効命之人飲恨椎心出而爲

朝廷分憂任患者伏惟

皇上慎重遴選急於任使不可再事遷移馴至事愈久而變愈多以後更難措辦儻一時或無其人則事變當前豈容坐視臣本極庸劣何足仔肩大事然受

恩深重理難自全螻蟻愚忱竊願以犬馬微軀一登俄人之堂稍効涓埃之報至臣在川三年諸事已漸就理即鹽務責任較重現屆二次奏銷臣日來查核銷數甚暢除邊計額引全銷外帶銷積引已及八成即滇岸數十年額引不行之地本年辦理甫閱十月額引亦已全銷轉瞬奏銷到部自可一覽而知查看此時情形已成復准之局是鹽務一事局勢已定以後但能堅持定見專任唐炯再爲經

奏稿卷十八

奏

理一二年不令局外旁撓自必益臻完密臣此外並無未完事件正可及時報効惟願聖明及早定議現在內有總理衙門相爲維持外有直隸陝甘各督臣相爲策應而臣憑此一身剛柔並用與之周旋以冀顧全大局不令遽啟兵端但能上紓主憂雖萬死亦何所惜區區之愚如蒙

俯允一俟奉到

諭旨臣卽星馳北上與總理衙門王大臣及直隸督臣妥商辦法卽行起程以速事機不容稍涉遲延所有具陳接收伊犁事宜緣由是否有當謹由驛四百里馳奏伏乞皇太后

皇上聖鑒訓示謹奏

奏稿卷十八

籌款解直募勇片 光緒六年二月初一日

再接收伊犁一事臣已謹就管見據實具陳惟思崇厚所議各條多不能准而俄人恃強一經議駁恐啟兵端必然之事臣前摺所陳請再行遣使前往與之重申辯論亦冀據理力爭或可將前議挽回一二以全大局不令遽啟兵端如萬有不濟與之言戰則可借此為緩兵之計以布東北之防護衛

京畿俾免陪事倉卒庶幾計出萬全此臣之用意也第此時東北之防遠近約數千里兵饒籌措匪易即撥之各省亦恐曠日需時臣之愚見擬請選派誠實將弁先行在直東一帶選募精壯勇丁五六千人就直東交界處駐紮操

奏稿卷十八

練以備緩急其五六千人之饒約計一年必需銀三十萬上下臣擬即由川省籌撥解濟期於布置一處即得一處之益惟募兵一層若由臣自川遴派將弁前來恐其距臣太遠督查不能周到擬請將此項饒銀撥解直隸督臣李鴻章查收由李鴻章揀委將弁妥為招募即就近駐紮天津一帶操練則督飭較嚴稽查較密數月之後可期得力以助一臂且於京師聲勢亦壯但此項饒銀川省司庫協撥過多亦難籌措現在官運局鹽務銷數甚暢收數亦多臣擬將此項饒銀即專由該局撥解接濟無庸再向司庫籌撥庶可各路兼顧如蒙俞允臣即趕緊照辦並請

勅下直隸督_臣李鴻章迅速查照辦理_臣為謀定後動起見是否有當謹附片具奏伏乞聖鑒訓示謹奏

奏稿卷十八

罕

川鹽濟楚請減引辦理片 光緒六年二月初一日
再從前疊准部咨飭禁川鹽濟楚規復淮岸_臣自到任後復疊次接准咨催照辦在案其時以川省應行之滇黔兩省邊岸軍興後荒廢多年川鹽賴濟楚始有出路而川鄂兩省抽收鹽釐實為饒源鉅款若不求川鹽出銷之路並籌衛鄂省應支之饒即議停止不惟商情不順且坐失自然之利於

奏稿卷十八

罕

國計民生關係實非淺鮮然復淮終屬舊制萬不能因循中擬惟欲復淮必先開本省邊岸使川鹽有路可行商竈不至坐困庶辦理始能允協是以到任之時即先擬規復本省滇黔兩岸以為停楚復淮地步奈川省鹽綱墮壞已數十年若仍積習相沿終無成效再四思維惟有仿照雍正年間川省官運商銷成法於光緒三年酌擬章程具奏咨部議復照辦荷蒙

俞允於瀘州設立總局委道員唐炯綜理其事因帑本短絀僅得先辦黔邊一岸仰賴

聖主福庇開辦後銷鹽頗暢額引全完並帶銷積引徵收稅羨截釐各款著有成效四年續經奏准接辦滇邊迄今兩次奏銷行引俱能足額各處口岸亦漸次開通各廠鹽勛均漸有銷路此時若議停楚復淮在川省已可照辦惟念川鄂唇齒相依鄂省自川鹽入楚每年抽釐百數十萬兩實為饒需大宗川鹽一停此項即歸烏有而應行協撥

各款為數甚多究從何出是欲停川鹽不能不亟為鄂省
饒源計而後可彼此兼顧不致貽誤大局擬請

飭下部 臣及兩江督 臣議定每年撥解鄂省有著之款一

百二三十萬兩俾其支撥稍舒不致短絀然後川淮引鹽

始得各歸各岸復還舊制以全三省之利如以議撥鄂饒

不能如數抑或所撥之款不能坐實則川鹽自未便驟停

致礙鄂省饒需查上年前兩江督 臣沈葆楨以濟楚如不

能遽停擬由川省酌定行引數目以示限制函商之 臣

以現在開辦黔滇兩岸即是歸還淮岸地步所商酌定行

銷引數以示限制係屬釜底抽薪之法應可照行今若部

臣及兩江督 臣因籌撥鄂饒一時不能應手則鄂饒無出

奏稿卷十八

聖

川鹽自未便即停似可查照沈葆楨所議酌定引數行銷

之法每年川鹽濟楚准令行引八九千道以示定限不得

逾額俟鄂饒議有實款後再行全數復還庶三省均可兼

顧而鄂饒得有實濟復准之說自不致徒託空言 臣為統

籌三省全局起見應請

旨飭部議覆施行伏乞

聖鑒訓示謹

奏

官引票釐局戊寅綱徵收豐旺片 光緒六年二月初

再據滇黔官運局建昌道唐炯詳稱該局會於光緒五年

正月間將富順隄為各縣自三年十一月改辦官引票釐

各局起至四年十一月底止一年期滿比較從前銷引甚

多收釐倍旺詳蒙具奏茲查自光緒四年十二月接辦起

截至五年十二月十九日封篆日止又屆一年期滿應將

各局徵收引釐票釐各數目比較上年有無盈絀以昭核

實迭據各局按月冊報自四年十二月起至五年十二月

十九日止富榮官引局共行潼水引一萬六千四百七張

共收釐銀二十九萬五千三百二十六兩又行計岸水陸

各引折合水引三千六百零二張五則二色共收釐銀六

奏稿卷十八

聖

萬四千八百六十三兩三錢六分兩共收過引釐銀三十

六萬一百八十九兩三錢六分又帶收潼引稅羨截銀一

十四萬三千二百兩零總共收銀五十萬三千三百八十

九兩有奇比較四年分徵收引釐及帶收稅羨截共銀三

十七萬五千二十餘兩計多收一十二萬八千三百六十

餘兩隄樂官引局共行水引三千六百五十八張陸引一

萬七千六百三十九張共收引釐銀九萬一千二百四十

四兩一錢六分比較四年分收數相去不遠渝城鹽釐局

自五年正月初四日開關起至十二月十九日止共驗過

潼水引一萬三千九百七十七張又代銷水引四百八十

一張陸引一千四百五張又各計岸水引三千六百四十

九張陸引六千一百六十九張共收釐銀三十六萬四千七百一十七兩零比較四年分收釐銀三十四萬二千零八十八兩計多收銀二萬二千六百三十餘兩統計三局共收銀九十五萬九千三百五十兩零加以官運局徵收黔滇邊計廠渝銀四十七萬七千一百五十三兩六錢五分總共收銀一百四十三萬五千五百零三兩六錢五分不特較未辦官運以前通省釐數幾至加倍即較四年分核實抽收亦多收二十餘萬兩之譜現在停積滙引業已銷竣臣擬令以次行銷歷年計引實為成效倍著又查富榮票釐局接辦一年期滿共收鹽釐九七市平銀十二萬六千八百零二兩二錢零比較四年分收銀九萬五千

奏稿卷十八

聖

五百六十三兩計多收銀三萬一千二百三十九兩零健樂票釐局共收釐銀六萬一千八百九十六兩零比較四年分收銀五萬七千五百餘兩計多收銀四千三百餘兩等情由該局會同鹽茶道崧蕃詳請具奏前來臣覆加考覈無異至官引各局原由鹽道委員經理其銀兩係全數解交鹽道庫兌收撥解藩司以供年中協撥各饌之用臣上年因力求考核復飭令各局員將收數按月分報官運局與鹽道互相較核以昭確實其票釐局抽收釐銀前因三年初開辦官運時鹽本一時不能湊集而局已開辦購鹽發運腳費無出且井廠易錢較難乃令該局將每月零星所收釐錢暫行撥解接濟運費曾經上年明晰奏咨有

案現在官運局兩年以來徵收正雜甚多鹽本運費足資周轉現據道員唐炯詳稱於本年二月起即將此項借撥運費之票釐銀兩陸續分起如數解還道庫聽候撥用以免轉轉理合附片縷悉具陳伏乞

聖鑒謹奏

奏稿卷十八

聖

滇黔官運戊寅綱行銷引數經徵各款摺 光緒六年

二月初十日

奏為滇黔官運局行銷戊寅綱邊計各引均已足額並帶銷積引數目經徵稅羨截釐一律全完恭摺仰祈

聖鑒事竊 據滇黔官運局建昌道唐炯詳稱該局於光緒三年冬間開辦黔邊及近黔十三廳州縣計岸官運鹽務前已將丁丑綱行銷額積引數經徵款目分晰造報詳請奏銷五年正月復兼辦滇邊及近滇十二廳州縣計岸鹽務並將附近黔邊之巴縣江北廳計岸提歸官運併入黔邊局戊寅綱辦理查五年正月開運之初適值欽差來川查辦民間傳官運將停商情疑阻不獨滇邊

奏稿卷十八

吳

初開之岸商人畏累不前即黔邊已開之岸各商亦相率畏懼不肯領銷而地方官又乘閒陰為阻撓是以各岸鹽餉一概停積是年春夏兩季半年之內幾至一引不行雖經各委員百計頻催商人無有應者不得已始將滯銷實情詳請具奏仰蒙

聖明洞鑒自六月後欽奉

諭旨仍飭辦理官運羣疑洞釋各商始踴躍領銷自七月後銷行日暢黔邊自四年十二月十六日起截至五年十二月十五日止應行邊計額水引一萬四千零三十五道陸引一萬三千一百六十一道均已銷竣並帶銷積水引六千九百二十五道陸引一百二道滇邊自五年正月初

一日開辦起截至十二月十五日止應行邊額陸引二萬五千一百五十四道計額陸引一萬三百四十五道水引一千一百五十一道俱已銷竣並帶銷積陸引二百五十一道以上各引應徵稅羨截銀二十一萬三千一百三十一兩零應收各廠局邊計引釐銀四十七萬六千一百五十三兩零又代收黔釐護本引底防邊勇糧餉驗局費等雜款銀五十一萬零二十四兩有奇統共徵收正雜各銀一百一十九萬九千三百餘兩一律全完無欠伏查滇邊額引自道光以後從未能按年全數行銷歷年積滯引數甚鉅今甫試辦官運即將全年額引銷竣實非始念所及本應遵照奏限截至本年二月十五日扣滿一年再行造

奏稿卷十八

吳

報因滇黔兩岸統歸一局若分兩次奏銷不獨案牘紛繁亦恐款目轉轉是以提前兩月截至五年十二月十五日隨同黔邊官運鹽務併案造報以便稽核而省煩瀆應請奏明立案嗣後滇黔兩岸官運鹽務照戊寅綱奏銷限期一律辦理等情會同鹽茶道崧蕃詳請具奏前來 查黔邊官運局辦理戊寅綱邊計鹽務實因上年春夏兩季甫經開運民間即傳停止官運商情疑畏不肯領銷大局岌岌可危 萬分焦急幸六月初商情始定七月以後引銷日暢核計半年之內除邊計額引銷竣帶銷積引尚及五成殊非意料所敢及至滇邊鹽務廢弛已逾二十餘年私販充斥幾成棄岸一旦規復舊制本屬萬難遠近傳言

官運諸多不便各商人徘徊觀望裹足不前自正月開辦起至五月杪局報銷引寥寥方慮額引萬難全竣幸於六月初奉

旨令臣悉心經理勿以浮言而滋疑懼等因臣即恭錄出示徧貼曉諭從此商情鼓舞踴躍領銷合計行銷僅及半年不但黔滇兩岸全綱額引全銷尚能帶銷積引至七千餘道若非春夏兩季訛言淆阻則帶銷積引必較丁丑綱為多自可概見此皆仰賴

聖主乾綱獨運洞燭機宜臣等得以上乘

宸謨遵循辦理俾得藉收成效實不勝欽感忻幸之至至滇黔兩岸合計戊寅綱共銷邊計水陸額引六萬三千八百四十六道又銷水陸積引七千二百七十八道該局請

奏稿卷十八

哭

一律截至五年十二月十五日止併案造報係為便於稽核起見應請

勅下部臣查照立案除俟該局造齋清冊由臣另行奏疏

題銷外所有戊寅綱滇黔兩岸官運銷引總數及經徵正雜各款銀數理合先行繕摺附驛具奏並分繕引數銀數暨經徵委員銜名清單恭呈

御覽伏乞

皇太后

皇上聖鑒訓示謹

奏

保舉人才堪備任使摺 光緒六年二月十九日

奏為遵

旨保薦人才敬舉所知據實具陳恭摺仰祈

聖鑒事竊臣接准吏部咨開光緒五年八月初八日欽奉上諭前因時事多艱需才孔亟疊經諭令各直省督撫隨時保薦人才以備錄用現在所舉各員量材授任者頗不乏人第聞見難周尚未盡登薦剴頻年講求吏治經武整軍各該省文武歷練既深必多堪備任使者著各直省大吏加意訪求秉公保奏候旨錄用欽此臣跪讀之下仰見皇上求才若渴惟恐遺賢至意莫名欽服竊維

奏稿卷十八

哭

也甚難而人之成才也亦不易或操行謹篤而幹濟未見宏通或條理精詳而猷為未能開展或優於處常而難期其應變或務於精細而難任以重遠一德之長庸或多有兼全之詣所在難求現值時勢多艱自非得明體達用為守兼優之品不足以宏遠謨而光郵治臣謬任封圻與士大夫相接者眾每於特行之士既詳考其品詣復密審其才猷十餘年來所為私心佩服者不過數人謹開具清單列其行誼登之薦牘用候

簡拔以期仰副

聖主旁求俊彥之至意所有遵

旨保薦人才敬舉所知緣由謹恭摺具奏伏乞

皇太后

皇上聖鑒謹

奏

奏稿卷十八

辛

謹將堪備任使各員臚陳行誼謹繕清單恭呈御覽

二品頂戴按察使銜四川建昌道唐炯

該員秉性剛毅操守謹嚴識見宏遠才氣深厚前在四川統兵勦賊忠勇冠時及歷任道府各官察吏安民除弊興利事事精實所到之處勞績卓著民情悅服洵為文武兼資緩急足恃堪當大任之才

按察使銜山東候補道張蔭桓

該員器局開展才具閎通治事精密究心世務前在山東湖北總理營務兵勇咸服嗣在山東署理海關道於通商事務操縱合宜華洋輯睦洵為為守兼優舉重若輕堪任

奏稿卷十八

辛

司道之才

布政使銜貴州候補道吳自發

該員心地質實血性過人急公忘私勇於任事前在貴州帶勇防勦以及歷任道府道除暴安良整飭寮屬勤苦堅卓勞績最著洵為實心任事公忠自矢堪任司道之才

四川候補知府薛福保

該員志行高潔才識閎通器局淵深見事明決前在閩敬銘及軍營規畫戎機算無遺策在山東辦理洋務悉資經理秩然有條嗣以同知分發浙江各任撫遇事與商極深推重洵為體用兼賅偉略濟時堪任道府之才四川龍安府知府署理成都府知府王祖源

該員治理通達心術正大清操自勵守正不阿在龍安府任多年正值崇尚侈靡公事廢弛之時獨能講求吏治不少遷就現署成都府審結積案掃除陋規表率有方勤勞卓著洵為為守兼優振奮特立堪任司道之才

山東候補知府全士琦
該員心思縝密事理精詳操守堅貞才具沈毅在山東歷任繁劇州縣吏畏民懷治行卓著輿論交推洵為有膽有識振拔異常堪任道府之才

四川候補知府易履泰
該員廉潔自好才氣深穩力求真實不隨俗移在四川候補正當風氣奔競浮夸日甚該員獨秉堅貞遇事盡心任

勞任怨洵為清介拔俗幹練有為堪任道府之才

奏稿卷十八

五

丁文誠公奏稿

卷之十九目錄

覆陳勇營酌裁一成各局未能合併摺光緒六年二月二十六日

遵 旨據實覆陳摺光緒六年二月二十九日

甘肅階州番匪倡亂派兵防堵摺光緒六年四月初七日

藏番驅逐洋人派兵彈壓保護摺同日

覆陳戶部籌備饑需摺光緒六年四月十六日

遵 旨覆奏都江堰工成效顯著摺光緒六年四月十六日

都江堰涸出田畝並無虛飾片同日

鹽務官運商銷成效片同日

蓬溪南部釐務情形片同日

奏稿卷十九 目錄

派陳辦理鹽務情形片同日

甘肅階州番匪就擒邊境肅清摺光緒六年五月十一日

湖北入州縣計岸鹽務改歸官運摺光緒六年五月十九日

覆陳勇營酌裁一成各局未能合併摺光緒六年二月二十六日

奏為遵

旨覆陳川省勇營僅敷分布現擬每營酌裁一成所設各局皆有專責勢難議減各緣由恭摺仰祈

聖鑒事竊臣等於本年二月初六日承准軍機大臣字寄

光緒六年正月二十二日奉

上諭昨日據王大臣等奏議辦邊防請籌饒節流等語軍興以來各省招募勇營設立各局原屬權宜之計事平以後留防各營疊經諭令裁減現在水陸勇數尚多原為彈

壓地方緝捕奸宄起見而意存瞻徇或安頓勇丁或調劑

統領營官者實亦難免至每辦一事動設一局徒有局務

之虛名並無應辦之實事薪水口糧糜費滋甚其釐金海

運督銷等局甚至有官紳並不在事安坐而得薪水者尤

屬不成事體前因御史黃元善戈靖先後奏請疊次降旨

令各省迅即裁併仍多視為具文似此年復一年饒源何

由充足除直隸陝甘等省須辦邊防雲南廣西營勇無多

均無庸議減外其餘各省將軍督撫務將該省勇營詳細

斟酌大加裁減某處裁去幾營某營歸併某營即行分晰

具奏仍一面嚴查缺額暨剋減名糧等弊並著懍遵前旨

迅裁各局其某局應裁某局應併應留之局實在有事可

辦者約須幾員所有員役等薪糧共需若干銀兩務當詳

晰奏報不得因委員等無可位置稍有遷就沿海各省向

奏稿卷十九

一

奏稿卷十九

二

有額設外海水師原為平日殺靖海疆之用自輪船駛行後此項戰船全無所用亦宜變通舊制分別裁汰各該將軍督撫目擊時艱饒需支絀諒能破除情面實力奉行不至僅聽營官委員藉口之詞一奏塞責以上各節每省每年可騰出饒需若干經費若干務須不避怨嫌悉心酌核於奉旨一月內迅速妥籌具奏一面咨報戶兵二部由該部隨時稽查以昭嚴實將此諭知戶部兵部並由五百里諭令各將軍督撫知之欽此遵

旨寄信前來跪聆之下仰見臣等忝膺疆寄目覩時艱朝廷力裕饒需顧全大局至意

凡可以籌畫圖維敢不力求樽節遵即會飭籌饒報銷局

司道查議去後茲據該司道等覆稱查咸豐十年川省軍興以後節次招募營勇雖時有裁減亦時有增添大抵裁

者少而增者多至同治七八年共計楚黔川勇多至六萬

餘名歲需饒銀三百餘萬兩嗣經前督臣吳棠斟酌情形

陸續裁撤截至光緒三年止僅存營勇一萬五千餘名歲

需饒銀一百一十餘萬兩較前節省一百數十萬兩而庫

儲搜括已空度支仍苦不繼是年三月臣寶楨莅任查悉

前情時以籌饒日艱民生日蹙為慮因川省幅員大闊西

北一帶數千里全屬夷疆東南則與滇黔三面接壤橫袤

亦數千里存勇不敷分布勢難再減遂訪求大利所在開

辦黔邊鹽務並督同司道整飭交代釐金一面將營勇之

疲弱者撤換歸併又以川省所用楚勇口糧過重大加刪減概照東省章程支發計每歲實省銀十數萬兩復因鹽務開辦後司庫拮据將安定全營月餉改令黔邊局自就鹽務籌款供支不准動司庫丁津捐釐分毫亦不准動該局所收鹽務稅羨截釐各正款計每年又省庫儲銀十四萬兩有零是皆於時事艱難之會設法節省現查兩年以來川省夷氛雖較安靜而夷性犬羊時虞出巢滋擾其界接滇黔各境伏莽實多內地之囑匪會匪梟匪及各邊界游勇散練不時出沒處處均須防捕除安定營及峩馬雷越四廳土勇外僅存營勇一萬二千九百餘名以之分布邊防各地要隘尙形單薄而節省正款餽項通計已及二

奏稿卷十九

三

十五六萬之多司道等再四籌商確察情形實無可再裁之勇再併之營若必曲爲裁減設有他故轉虞格外糜費此川省勇營僅敷分布勢難再減之實情也至現存川省各局如籌餉報銷局捐輸釐金局洋務局採訪忠節局各有專辦之事不能不分設各局用專責成此數局中應用委員書役人等薪工紙張火食等項亦經 寶楨於到任後分別裁減歸併現在各局人數實只勉敷辦公並無一員一役浮多至省外分設各卡局所以重抽收而防偷漏非此則稽查難周弊端叢起餽源愈絀若裁去一員必立減一卡一局之釐於餽項轉覺有損至局中員役人等薪水多寡不一向惟籌餉局每年准報銷書吏口食銀二千

數百兩採訪局每年准報銷員役薪糧銀二千四百餘兩餘俱由外量事籌給從前朦蔽虛浮誠所不免自 寶楨嚴加整飭涓滴歸公近年各項釐金較前豐旺並無以前積弊司道等悉心體察亦無可再裁之局再減之費此各局皆有專責勢難議減之實情也等情具詳請奏前來 臣等竊維盡職之道當以

國計爲先而

國計與民生實相維繫果能少一分浮費即多增一分餽源所謂下恤民生即以上裕軍儲者也惟川省勇丁前已疊次大加裁併就目前時勢而論實難再減但既奉諭節省自不能不於萬無可省之中酌量核減用濟急需

奏稿卷十九

四

除安定營勇分紮滇黔兩邊道里縣長且須時時護送商鹽巡緝私匪現在該局督辦黔滇各邊鹽務甫有成效未可議減且該營勇餉又係由唐炯於鹽務項下全數自行設法籌撥不動正款分毫於帑項已屬節省仍請照辦外其餘各營現存勇一萬二千九百餘名察度情形雖稍爲裁減尙可勉爲支持茲擬令於每營勇數裁減一成計每年可省銀五萬餘兩俟裁定後再行造冊咨部備查以昭覈實此外各局員役委無可撤亦請照辦 臣等惟有隨時隨事極力體察如有可以設法騰挪節流濟餽之處再行奏請辦理若意存瞻徇或安頓勇丁或調劑統領營官及聽委員等一面之詞遷就塞責不特有所不敢抑有所不

忍惟就時勢反覆斟酌不能不內外兼權期於無誤所有
臣等議覆緣由是否有當謹會同成都將軍宗室臣恆訓
合詞恭摺由驛四百里具陳伏乞

皇太后

皇上聖鑒訓示遵行謹

奏

奏稿卷十九

五

道 旨覆陳摺 光緒六年二月二十九日

奏為遵

旨據實覆陳恭摺仰祈

聖鑒事竊臣於本年二月初六日承准軍機大臣字寄光

緒六年正月初九日奉

上諭有人奏丁寶楨褊狹欺罔瀘州知州田秀粟奉旨撤

任延至上年十一月間始委人更換顯係有心袒護省城

鹽價較未開官運以前每觔增制錢二十文小民不便私

梟充斥在在堪虞宜賓縣石梁子地方有匪徒燒會又有

腳溪痞棍打劫折燬鐵鑪場協鑫長豐兩號官鹽店之事

上年十一月二十二日健為縣有私鹽三四十挑隨帶兵

奏稿卷十九

六

勇數十人並無號片各執槍礮等件向馬邊一路前去屏

山樂至宜賓等縣均有盜賊梟販連日滋事等語著丁寶

楨分別據實覆奏不准稍涉回護致干咎戾將此諭令知

之欽此遵

旨寄信前來跪聆之下惶悚莫名謹將各節情形分別為

皇太后

皇上據實陳之如所奏瀘州知州田秀粟奉

旨撤任延至十一月間始委人更換顯係有心袒護一節

查田秀粟前因

欽差來川查辦經臣將其撤省嗣恩承童華查無劣迹奏

奉

諭旨飭^臣督同司道再行確查旋據司道切實查明委無庸劣聲名並以該州地方緊要詳請先行回任經^臣於去年七月二十五日專差附片具實覆奏九月二十一日齎回原片軍機大臣奉旨另有旨欽此^臣自應敬候辦理迨至十月二十八日接准部咨奉

旨知州田秀栗雖據奏稱並無庸劣聲名仍著留省查看等語^臣即於十一月初五日行司兩司初九日詳委署華陽縣巴縣知縣李玉宣接署計准咨委員更換之日未逾半月行司撤任詳委係照例辦理之件並無所用其袒護也又如省城鹽價較未開官運以前每觔增制錢二十文

奏稿卷十九

七

小民不便私梟充斥一節查省城向銷健爲簡州兩處廠鹽健爲距省較遠腳費較重簡鹽距省僅數十里腳費較輕查自同治以至光緒二三年間場市價值約每觔健鹽值錢四十八九文簡鹽值錢四十三四文合之銀價健鹽值銀四分簡鹽值銀三分上下自四年至今據查成華兩縣摺報鹽價健鹽每觔均係三分與簡鹽價值一律是省城鹽價不惟並未會加貴而遠道腳費之健鹽且較以前減輕此則有各該縣摺報可考又有鹽號可詢無從掩飾且官運鹽筋係專行邊引暨近邊之十餘州縣不至省城省城係商人自運自銷與官運亦風馬牛不相及民間何從不便現飭據該府縣查復委無增價二十文及附近私

梟充斥情事均屬共聞共見不待問而知者也又如宜賓縣石梁子地方匪徒燒會又有腳溪痞棍打劫折燬鐵鑪場協鑫長豐兩號官鹽店之事上年十一月二十三日健爲縣有私鹽三四十挑隨帶兵勇數十人並無號片各執槍礮等件向馬邊一路前去屏山樂至宜賓等縣均有盜賊梟販連日滋事一節查川省匪類之多甲於天下有囑匪會匪梟匪教匪各名目數十年來久成錮習會匪以成都府屬之崇慶溫江什邡金堂崇甯彭縣灌各州縣及邛州屬之蒲江大邑爲最夥此外敘州府屬之宜賓筠連慶符興文高珙敘永應屬之永甯西陽州屬之秀山黔江彭水各縣處處與滇黔接界爲盜匪出沒之區其間濫練流

奏稿卷十九

八

民互相勾結搶奪頻仍而梟匪則滋擾於重慶府屬之巴縣合州涪州永川瀘州屬之江安合江嘉定府屬之犍爲樂山一帶從前地方州縣大半相率諱盜^臣甫到任時查詢搶劫之案成屬極多即省城亦多搶劫皆由地方官相率諱匿習爲固然間有詳報搶奪傷人之事乃爲申明功令嚴禁隱諱而盜案遂層見疊出復經檄飭編聯保甲以清盜源分派防軍認真搜捕節年破獲盜案二百八十餘起訊明批飭就地正法劫梟匪犯九百餘名所有擊獲梟匪江大煙桿任韋馱等川黔交界西陽州逆首龍頭帽頂吳才標尙角豹等資州樂至謀叛匪犯吳上鼎曾文東漆士賓等謀襲鎮雄州城川滇著名兇匪張玉停侯易和

朱騾子等均因情節重大正法後先後奏明在案其餘照例彙題及逾限不獲開參者指不勝屈去年十一月訪聞張玉停等餘黨在宜賓石梁子各處燒會立飭防營會縣緝拏旋各逃散並未滋事又據宜賓縣稟報十月初十日夜脚溪場復美和鹽酒店被匪拒傷櫃工劫去銀物逃逸遺火延燒舖房三間會同達字右營拏獲鄭老五羅應江二名又據親兵營參將李成齡稟十月二十二日夜健為縣鐵鑪場協鑫長豐兩鹽號被匪劫去銀錢鹽包打傷雇工逃逸會縣拏獲王洪儒王朝棟二名以上四犯均係地方官稟報獲匪批該府縣研訊確供稟候核辦又查馬邊宜賓屏山等處係與雲南大關永昌等廳縣接壤向於每

奏稿卷十九 九

歲冬春之間有土豪湊集資本雇募脚夫結伴合夥號為大幫由滇省販運洋藥竹筍分赴富榮犍樂廠市發賣隨買鹽舫回滇銷售各廳縣因其係屬販夥貿易不在查禁之例並未查禁去年十一月二十二日有前項大幫販鹽三十四挑隨行數十人身穿號衣手持兵器由犍為峰門山直向馬邊而去該處團甲見其穿有號褂以為兵勇巡緝地方未便攔阻既因查無號片始知係此項鹽販假冒勇丁且明帶軍械恐滋別故報縣經 臣飭派親兵營武字副前營撥勇丁兩哨馳往縣屬高身壩一帶巡查入春以來尙稱斂迹此外屏山樂至飭據查覆委無盜賊梟匪滋事重件原奏所稱打劫鹽店即係此事惟經獲匪辦理疊

飭嚴拏未敢稍形鬆懈現又飛札敘州府犍為縣各提獲犯嚴審實情稟報並飭敘州府嘉定府嚴催宜賓犍為勒限緝拏各匪盡數務獲稟報俟定案後應行分別具題至謂 臣福狹欺罔惕懼尤深伏念 臣渥荷

天恩忝膺重寄舉凡用人行政固不敢居心刻覈更不敢曲意寬容且現值整飭官方之時尤必嚴明約束此中自少包容之度福狹之奏 臣實不敢辭咎至 臣到蜀已及三年凡有裨於

奏稿卷十九 十

國計民生者惟有殫竭愚誠認真經理斷不敢一言諱飾一事欺朦區區隱衷差堪自問此後 臣惟有勉益加勉倍懷冰淵督飭各屬嚴拏賊匪以靖地方搜捕私梟以疏引岸萬不敢因循貽誤上負

朝廷倚任至意所有遵旨覆奏各緣由理合據實恭摺具奏伏乞 皇太后 皇上聖鑒謹 奏

甘肅階州番匪倡亂派兵防堵摺光緒六年四月初七日

奏為甘省階州番匪倡亂現經調派兵勇馳赴松潘之南坪並龍安府屬暨昭廣等處地方嚴密防堵以遏竄擾恭摺由驛具陳仰祈

聖鑒事竊查四川松潘廳屬之南坪地方與甘肅階州文縣境界處處毗連其間番種繁多頗難控馭屢經臣等隨時檄飭綠營將弁各嚴邊備以備不虞茲臣寶楨於本年三月二十九日巡閱川東行次臣恒訓在省接據署松潘鎮總兵陳濟清署松潘廳同知劉廷植轉據南坪營都司范永福巡檢李樹榮稟據斜坡大驛橋頭三寨民人劉玉樹等報稱甘肅階州屬楊馬二土司所管番夷於三月初

奏稿卷十九

十一

旬藉迎活佛為名聚眾搶殺城中荒亂不定范永福當派千總白振清等帶精兵一百名往交界之甲窩溝防禦次日復據逃出難民口稱楊邑番匪陡起大亂殺斃漢民無數並聞欲竄南坪范永福復調附近團練二百五十名隆康各寨土民一百六十名派弁岳增華等帶往野豬關東山梁大葉子溝一帶擇要扼防又據文縣營都司譚應春飛稟准階州陳遊擊移稱該番匪三月初二日用雞毛令箭傳至弓壩鐵壩等河陰山陽山陵家山句串各處番民不從即殺裹脅約數千人燒殺擄掠等語陳濟清以事關重大復派署鎮標左營遊擊楊世昌帶領精兵二百名迅赴南坪協同范永福遇為聲援各等情續又接據署松潘

廳劉廷植探報該番匪現已圍攻階城並有句煽南坪所屬各番夷之事具稟前來臣等查楊馬二土司所屬生番膽敢藉迎佛為由糾眾搶殺並私傳令箭脅制各番隨從燒擄圍攻城池現在起釁確情尙未准甘肅咨會而叛形已著勢頗鴟張亟應實力嚴防以遏奔竄現在范永福陳濟清等所調漢土兵練七百餘名僅敷分布而南坪與階文兩屬犬牙相錯道路紛歧且龍安府屬之平武石泉各屬與保甯府屬之昭化廣元一路均係該匪可通松潘川北之道誠恐捍禦稍疏致釀燎原之勢自非添調勁旅不足以資防勦當由臣寶楨飛檄統領壽字營候補總兵李培榮督飭壽字中營參將李修德壽字後營遊擊汪期紳

奏稿卷十九

十一

兩營星夜兼程馳赴南坪會同楊世昌范永福等所帶練兵一面扼要分防力阻奔逸之路一面撫綏彈壓潛杜句結之萌不准鬆懈致匪攔入大干參辦並飛咨陝甘督臣左宗棠飛飭階州文縣各營與川兵隨時聯絡妥為辦理如該番匪等被勦情急突突川疆即飭李培榮嚴督各該營兵勇合力攻勦迅期撲滅臣等復查松潘番眾曾於咸豐年間戕官踞城嗣經派兵勦辦畏罪投誠迄今雖未出巢滋事而夷性犬羊反覆無定且階州所屬密邇南坪又值上年階文地動異常南坪毗連亦屬較重災害之餘民人洞徹儻交界番夷設被該匪煽誘生心乘機附和地方蹂躪何堪臣等惟有嚴督該鎮將認真扼堵解散脅從並

嚴飭各屬剴切示諭各番令其各安住牧不許隨同滋事自蹈危亡以期匪黨日孤不致蔓延益甚用副

朝廷軫念夷疆至意除札飭保甯龍安等府轉行與階州連界之廣元昭化平武石泉等縣選派兵團聯合各營兵勇一體嚴防並行松潘鎮廳查明起釁緣由並將堵剿情形隨時奏報外所有階州番匪滋事圍城現調派兵勇防堵各情謹合詞恭摺由驛五百里具陳伏乞

皇太后

皇上聖鑒再 寶楨於川東途次接據松潘鎮稟報後即於四月初七日回省辦理一切並即日札調統領長勝營記名提督莫組紳督帶長勝右營都司劉功化前赴龍安

奏稿卷十九

十三

府管帶壽字右營參將何炳元前赴昭廣一帶嚴行防禦又飭安定營副將劉德順前赴巴州各路妥慎巡防俾資周密合併陳明謹

奏

藏番驅逐洋人派兵彈壓保護片光緒六年四月初七日

再 臣等前接據巴塘糧務委員稽志文稟稱前因奧斯馬加國游歷官攝政義等欲由川境赴藏當其未到巴塘之先藏中番眾一聞洋人入境譁然聚兵攔阻情勢洵洵時駐藏大臣恐其別釀事端特派夷情部郎主事開泰帶領僧俗番官七員馳詣巴塘妥為開導詎開泰等到巴已在攝政義等改道入滇之後而藏番仍舊不靖連日據探差報稱由藏派來番官頗琇香噶及三大寺替身等行至阿足山溝被三岩野番搶劫馱隻傷其從人該番官憤恨不休分調昌都乍了疊蓋江卡四路夷兵多名大張聲勢莫測所由又准夷情開泰函稱藏番立意驅逐洋人調兵

奏稿卷十九

十四

多名剋日赴巴該夷情力阻不允又據該藏番投遞夷稟聲稱必須巴塘文武土司將各處洋人逐去勒令土司出具示無洋人進藏切結方可罷兵否則直到巴塘焚燬教堂及土司房屋等語並探聞該藏番徧札巴塘裏塘霍爾章谷疊蓋各土司及雲南所屬阿墩子中甸維西等處寺院僧俗人等以後一體不許洋人過境亦不准各處迎護接送各等情前來 臣等查岩番搶劫傷人該番官調兵攻勦蠻觸相爭事所恆有川省只須嚴防邊界保護教堂斯為正辦今該藏番等乃竟以直至巴塘驅逐洋人焚燬教堂及土司房屋之語公然具稟出言無狀更敢稱兵挾制土司出結徧諭川滇交界僧俗不准洋人入境不許護送

洋人實屬橫悖無理毫無忌憚雖所稟驅逐焚燬尙無實據而該藏番疊次聚兵攔阻洋人不服理諭已成積習此次竟敢無故興兵百端脅制若竟不為戒備設該番兵逞其故態突入巴境地方必遭蹂躪且恐傷害洋人更屬難於辦理臣等現已會札阜和協副將况文榜酌帶漢土弁兵三百名馳赴該臺會同設法先以解散番兵為主一面防範彈壓並飭糧員稽志文都司李萬春督率勇目兵丁會同扼防金江要隘一面保護教堂不得妄行出結以杜後衅仍於紮定後親赴該藏番營中曉以大義剴切開導務將番兵撤回不得妄為干咎並飛咨駐藏大臣迅將該番官頗琿香噶等剋日調回速遣撤番兵以免日久滋事

奏稿卷十九

五

並分別咨行雲南督撫暨打箭鑪文武轉飭各該土司漢夷人等切毋聽其煽惑致違條約各辦理去後茲復接據稽志文稟該藏番自帶兵江卡月餘以來百方開導一味強橫意在必得永無洋人游歷入藏結據並允以後驅逐法國教堂始肯退兵二者缺一不可並經數次催促正在無可勸諭之時適駐藏大臣將該夷情番官嚴行申飭檄令迅速折回該番官等始各連日撤回其巴臺以及莽里等三處教堂均幸獲安全無事等情查該藏此次無端尋衅實出情理之外今經色楞額嚴行申飭令其折回巴臺地方及各教堂均獲安堵殊為幸事臣等以後惟飭該糧員等妥為辦理隨事設法維持以冀內外不致生事至前

次俄官尼等現准護理西甯大臣鄧承偉呈稱已至郭密烏作俄博恐沿河直入蜀境冒險而行請飭松潘等處妥為接護等情當以松潘屬之南坪與甘肅階州地面毗連該處現有番匪滋擾查照各國條約不准前往暫有匪徒省分之文咨會陝甘督臣護理西甯辦事大臣飛飭各屬如遇俄官尼等到境取道來川務將階州番擾情形告知令其改道行走在案除咨總理各國事務衙門外所有派兵前往巴塘解散彈壓藏番保護教堂並藏番續經檄令折回各緣由謹會同成都將軍宗室臣恆訓合詞附片具陳伏乞

聖鑒謹

奏稿卷十九

六

奏

覆陳戶部籌備饑需摺 光緒六年四月十六日

奏為遵

旨查照戶部所議各條通計川省近時籌饑情形據實覆

陳仰祈

聖鑒事竊 臣 接准戶部咨光緒六年正月二十五日欽奉
上諭戶部奏籌備饑需一摺國家歲入歲出自有常經軍
興以來供億浩煩以致京師及各省庫儲均形支絀事平
之後帑藏仍未裕如皆因本有之財源不能規復可緩之
用款未盡減裁既無以備緩急之需亦非慎重度支之意
如該部所稱各屬墾荒一條果能認真查辦行之數年何
嘗不可漸復舊額其指收兩淮票本一條既與改票初章

奏稿卷十九

七

不相刺謬且亦不至病商至通核關稅及整飭釐金各條
均屬目前要務必須嚴定章程核實辦理州縣經徵錢糧
絲毫皆關國帑豈容任意虧短該部所請嚴查州縣交代
及嚴核各項奏銷各條係為裕饒源除積弊起見其專提
減成養廉銀兩及催提減平銀兩各條或循名核實或申
明舊章均可次第施行若停止不急工程及核實釐料級
疋兩庫折價等條亦係撙節帑項之道均著照所議辦理
總之有治法須有治人任事諸臣果肯實力實心行之以
漸持之以果自可著有成效若徒敷衍從事則雖有良法
美意不過視同具文仍於治理無補此次戶部所籌各節
除停止工程核實折價應由該部籌辦外其餘皆疆臣之

責各該督撫平日受國厚恩當此時事多艱豈可懈弛因
循不知振作著於奉到此旨後督率藩運各司並該關監
督等振刷精神悉心經畫各盡其職所當為毋避嫌怨毋
涉瞻徇毋畏艱難毋任粉飾總期國計民生兩有裨益方
為不負委任仍將如何辦理情形趕緊妥籌定議限兩箇
月據實覆奏不准稍有延宕至各省物力民情並著各就
地方近日情形通盤酌度如有可籌之款可興之利無損
於民而有益於國者各抒所見一併奏聞以備擇採欽此
跪誦之下仰見

聖主思患豫防周諮博採之至意莫名欽感當經恭錄行
知司道按照部議逐條悉心查酌如戶部原奏各屬墾荒

奏稿卷十九

六

一條川省人民繁庶窮困居多現在民間田土凡山巔水
涯田墜土埂無不栽種麥菽報官上糧實無荒地可墾故
川省地丁向係征收足額年清年款即從前都江堰失修
成都府屬溫江灌縣郫縣金堂崇慶州等州縣連年被水
淹沒之地不下二十餘萬畝歷未報部豁免錢糧每年征
收仍復照額至光緒四五年修理堰工後統計成屬州縣
已陸續潤復地八萬九千餘畝現查民間隨涸隨種漸次
成熟亦係復還故業無科可升此外並無未墾之土又如
戶部原奏捐收鹽商票本一條 臣 於隔省准鹽事宜未曾
身歷其境不能了悉惟川省鹽務滇黔邊岸業經開辦四
五兩年正引積引銷行甚暢征收稅羨截釐各款亦逐年

加增現復清查計岸積弊綜計邊計兩引溯自咸豐初年至今虧短羨截至一百四十餘萬兩內前任鹽茶道撥釐作羨先後不過五六年虧短羨截計有四十餘萬兩而暗中虧短鹽釐又不下數十萬兩迨丁丑綱開辦官運除雜款開支外征收課稅羨截釐金至六十餘萬兩戊寅綱征收課稅羨截釐金至七十餘萬兩以後循章辦理則逐年加增不可勝計現在除二三貪吏奸商不遂其中飽之私不免騰議外其餘商民得免從前官吏婪索私派之累無不樂從行銷已屬暢旺又現收各局引釐則歸本省司鹽兩庫撥解各省軍餉官局所收課稅羨截等項則按年奏銷按照部議隨時遵照部撥分解滇黔兩省以爲善後之

奏稿卷十九

九

需其餘暫作運本藉資周轉隨時可以聽候部撥委解非似從前漫無著落僅以空言搪塞者比但能從此恪守定章年年認真辦理自無從前侵蝕營私諸弊不但正引課羨可望足額已也又戶部原奏通核關稅銀兩一條查川省僻處西陲不濱湖海關稅一項惟恃夔州一關爲大宗從前額解銀十八萬餘兩近因上下游洋票盛行占去稅銀過多迭據該關監督稟請將短征稅銀劃出洋稅撥抵前經 臣據情奏明由戶部會同總理各國衙門議令川鄂兩省會同具奏而此時洋票日多一日無法禁止該關之稅以後萬難足額惟有嚴飭該監督等認真征收嚴杜偷漏涓滴歸公但正稅爲洋票所占既形不足則溢解更難

細則均細係屬實在情形又戶部原奏整頓各項釐金一條川省釐務貨釐向以夔府嘉定兩局鹽釐向以重慶一局爲征解最多之區軍興以後前任原定釐數本較稅額爲重然從前征解一切非若關稅之確有定準悉聽管局委員隨意報解各上司皆視爲調劑差使全無考核 臣到任後重定上下各局卡互驗釐票章程通飭各局按月造報收支實數清冊 臣督同司道逐月比較近三年對月收數以收數之多寡定委員之功過考核既嚴局員無從避就如夔府釐局從前無洋票侵占查每年至多收二十七萬兩自比較後上年核計征收實數除洋票免釐銀十六萬數千兩外尙報解銀三十一萬數千兩比從前無洋

奏稿卷十九

十

票侵占之年收數加至十餘萬兩嘉定釐局從前收解至多不過三萬餘兩自比較後四年即增收四萬三千餘兩五年則增收至五萬一千餘兩此外各局均經 臣照章比較前三年收數無不加增開支各項悉歸核實辦理又重慶鹽釐局從前濟楚每引征收銀三十七兩五錢檢查每年收數不過二十七萬兩 臣到任後既爲之除去鹽包加重之弊因爲之酌減釐銀定爲每引完釐二十五兩而四五兩年收數皆至三十四五萬兩轉較未減之時多收五六萬兩此外如富隄兩廠餘鹽票釐三四年前隄廠所收每年不過數千兩至多不過萬餘兩富廠每年所收至多不過四五萬兩合計兩廠收數約有六七萬兩自四年

整頓以後健富兩廠所收票釐四年則收至十四萬數千兩五年則收至十五萬數千兩其潼川府一卡從前收數不過數千兩至萬餘兩不等自四年整頓後每年收數增至三萬數千兩不等合計通省貨釐鹽釐每年所入已不下四十餘萬兩就從前額定之款已設之局核實整理但使利歸公家不入官紳私囊至於釐數皆有減無增並無分毫病商病民此近年辦理鹽貨釐金之明效舍此更別無可整頓也又戶部原奏嚴查州縣交代一條川省交代向多逾限經年累月不清不結臣到任後即查看情形參酌時勢明定章程通飭查辦其從前虧挪交代延不清解者均已次第參劾勒限嚴追現在各州縣交代均飭依限

奏稿卷十九

三

結報四五兩年以來以前挪虧之款催繳既多而以後實少虧空之弊是以司庫去年撥解協饒尚有贏餘即其明證臣當再督飭藩司恪遵此次諭旨力守定章隨時確查埽除一切疲玩積習斷不敢回護縱弛以重

功令又戶部原奏嚴核各省奏銷一條以地丁為大宗川省地丁額征六十六萬餘兩均係年清年款其餘田房稅契魚牙當課及鹽茶課稅等項亦屬正款各州縣如有短欠於奏銷時即開具分數清單將經征不力之員奏參摘頂勒限嚴追逾限即照例參處部中有案可稽並無停壓不辦之弊又戶部原奏停止不急工程一條川省一切工

程久經停止間有工作多係民間捐辦惟都江堰歲修工程有關十數州縣農田為萬不可少之需現除例定歲修銀兩外如有隨時搶險應撥之款均係自行設法籌辦並不開銷正款又戶部原奏核實緞疋折價一條川省前准內務府並戶部咨年辦綢緞貢貨一次自本年為始已停止採辦其五年分已經派辦之貨前經督飭鹽茶道查照成案遴委委員核實經理仍比較歷年所需價值切實核減詳細報部以上所陳各節皆近年辦理實在情形此外如有未盡事宜容再博訪周諮籌度辦理總之興利不外除弊能多除一分之弊即可多興一分之利如只知取盈於終歲勤動之民有傷元氣臣決不敢為也至臣渥荷

奏稿卷十九

三

殊恩重膺疆寄凡利國利民之事惟有知無不為為無不力斷不敢因循怠玩罔念時艱致貽九重宵旰尤不敢遠嫌避謗稍事遷就希圖見好寅僚况蒙

聖訓周詳益當刻自惕厲率同司道守令潔己奉公各盡職分所當為輔臣力所不逮總期有裨帑藏共濟艱難上副聖主安不忘危之至意除扣平減廉兩款銀兩向歸藩司彙收彙解容俟飭司查明已經撥解若干存贖司庫若干另行分晰具奏外所有川省近年籌備饒需情形理合查

照部議各條先行據實由驛四百里恭摺縷 伏乞

皇太后

皇上聖鑒訓示謹

奏

奏稿卷十九

三

遵 旨覆奏都江堰工成效顯著摺光緒六年四月十六日

奏為修復都江堰工成效顯著於民生確有裨益謹遵

旨據實覆陳恭摺仰祈

聖鑒事竊 臣於光緒六年二月二十九日承准軍機大臣

字寄光緒六年二月十二日奉

上諭前因有人奏四川修築都江堰隄工奏報不實等情

當諭令恆訓按照所奏各節確查具奏茲據該將軍先後

奏稱勘明都江堰外江淤沙堆塞地勢高於內江丈餘丁

寶楨復將內江挖深一丈七八尺水勢全注內江連年堰

工衝塌實由分水不勻所致灌縣等處並無涸出農田八

萬餘畝之多又據恆訓奏稱鹽務辦理官運實係病商病

奏稿卷十九

三

民流弊甚大蓬溪南部鹽釐局改立新章釐數加增鹽價

日昂小民益困各等語丁寶楨疊次所奏修築隄工整飭

鹽務各情均稱具有成效朝廷以該署督辦理地方事宜

尙能破除情面認真整頓故責成始終經理信任不為不

專丁寶楨若果事事措置合宜何至人言嘖嘖此次恆訓

所奏竟與該署督奏報情形迥不相同著丁寶楨按照恆

訓覆奏各節據實明白回奏如敢意存掩飾貽誤地方恐

該署督不能當此重咎也恆訓摺片四件著鈔給閱看將

此由驛四百里諭令知之欽此仰見

聖主邇言必察實事求是至意 臣跪讀之下欽悚莫名伏

查都江堰之壞非壞自 臣之修堰並非將該堰遷移而

改置之也亦就其自來形勢為之疏其壅塞培其隄埂以順民之情而救時之弊耳且堰工關繫十餘屬農田百姓利害切身若不應修而妄修與修之有不如法民必羣起攘臂而爭之即如上年恩承童華擬將分水大魚嘴退修四十丈甫有是議而十餘屬之紳民早已譁然呈稟紛投經臣多方開導司道會詳請據情奏罷而後已此可概見今堰工修理已經兩年隄無衝缺田無被淹年豐穀賤迥異從前田家者流毫無異議而論者乃輒以空言訾詆實不知其何故茲敬承

垂詢敢就該將軍所奏各節謹為

皇太后

奏稿卷十九

奏

皇上詳悉陳之如恆訓奏稱原修人字隄金剛牆一百三十丈前經恩承童華查勘時已衝刷過半嗣復衝毀殘缺現僅存石工三十一丈又竹籠培修者四十五丈其餘石子堆疊者五十四丈等語查人字隄一段自離畢前面起至分水魚尾止原長一百三十丈臣三年十月經勘時見隄身石籠完砌者三十餘丈其餘均零星殘毀無所謂隄也當時民間俱稱歷年歲修工程草率以致如此又查向來人字隄皆籠石鋪砌只能經歷一年次年非另換籠裝修則必不可用因令署灌縣知縣陸葆德會商紳民等試將籠石改為石工以期永久而省帑項適逢江水奇漲致金剛牆突被衝決至十月水涸隄身全現當飭丁士彬等

前往確查衝缺之處連隄身共計長三十七丈有零隨即欽遵

諭旨飭令補修今查自人字隄頭段逐一丈量至第二道泮缺長二十五丈石條完整其第二段二道泮缺金剛牆四年經水衝刷者約長八丈係前培修時已改用石籠其第三段計長三十六丈原無損傷因丁士彬等嫌隄身略高過水不便遂將下截二十丈面石拆去四層照舊培修竹籠其第四段三道泮缺金剛牆長八丈即係當日衝毀之處其第五段直接離畢長五十三丈石條完整者約三十丈其隄根隄面當日間有衝刷者二十三丈此段石條五十餘丈上年已同第四段一律改用石籠補齊以復舊

奏稿卷十九

奏

觀皆係培修時改石為籠始全行拆換並非五十餘丈當日全被衝刷也茲恆訓於此僅將大數查量而於各段落辦理情形未曾明悉其所稱石子堆疊者意必以為原工如此不知都江堰所用石籠連年經水泡日曬即形剝朽每年冬令必須淘沙另換其有各隄岸石籠朽爛者均任附近居民取以代薪仍將石子堆存原處以備另裝此二百年來歷辦成法恆訓於臘月初旬往勘正六年分歲修辦工之時舊籠全撤新籠未安其所稱為原修人字隄金剛牆者既非四年大修時情形亦並非五年歲修時情形乃於此並不能分悉其不明堰工辦理事宜可見至原奏所稱人字隄金剛牆一百三十丈前經恩承童華查勘時

已衝刷過半嗣復衝毀殘缺查臣修堰在三年十二月起至四年三月初旬止人字隄衝缺在四年五月下旬丁士彬等補修在四年十一月至五年二月恩承童華往勘係在五年正月是時補修隄工已將及半二月即行完竣經丁士彬等稟請驗收臣於三月初率同成縣水利道崇綱親往收工驗明一色齊整兩岸人民觀者如堵如使當時修理不能堅實崇綱職司水利固不肯默無一言代人認過而百姓受害切身豈能一無異議迨四月下旬水勢大發適臣正在灌縣查水則已過十八晝可謂盛漲臣終日與水利同知劉廷恕在二王廟查看極慮波濤洶湧而人字隄宣洩合宜全隄晏安是時川北道董潤因公來灌與

奏稿卷十九

毛

臣同親情形此可查而知也迨至六七月後民無報災之處年豐穀賤昭然耳目實不知恆訓所謂復衝毀殘缺者果係何時果係何處也况恆訓前往查勘時悉取有水利同知盛時彥灌縣知縣陸惠疇出具隄工並無衝毀切結何乃一概抹置而竟憑空以置詞乎此所言人字隄工段落之實在情形也又所稱分水大魚嘴用石條當頭陡砌加高一丈一週盛水反致衝激漫溢等語查索橋上分水魚嘴歷有歲修向因工程偷減裝籠卑薄不能得分水之用臣以此處當大江正流之衝且賴以為截水關鍵所繫極重非堅厚高大安能抵禦乃用大石砌高而於魚嘴之前及兩旁均加石籠外護數層自三年十二月工竣後至

四五兩年迭經大汛衝擊至今屹立中流毫不動損是其得失不辨自明乃恆訓反謂加高一丈盛水反致衝激漫溢試問加高一丈盛水猶且衝激漫溢設再卑薄則水將駕過魚嘴二丈以上是一片汪洋更何從藉以分水其漫溢又將何如事非親歷又不得其肯綮第懸空妄論實亦難矣此所言分水魚嘴之實在情形也又如所稱勘得太平橋各處橋梁旱地水田多有衝毀天齊寺前橫衝大河一道訪詢紳耆咸稱本年五月二十一日江水泛溢過人字隄金剛牆並離埠之腳均有衝損等語查堰工專重民田灌縣崇郛各屬田地當四年奇漲時實未分毫衝淹前恩承等查勘覆奏已稱民田並無被淹至上年水勢較四

奏稿卷十九

天

年稍殺各屬田地一律豐收不能掩人耳目如果多有衝毀則民間完納丁糧津捐為數甚多何竟無一呈懇求減免州縣亦無一稟懇求撫恤設謂州縣盡皆諱災則歷查光緒二年以前各屬凡有被水衝沒田畝者民間無不呈報州縣無不據稟皆有舊卷可考即現在四五兩年如江津綦江彭山秀山等處稍有被風被雹被蛟者該州縣無不稟請撫恤均經臣籌發具奏有案茲灌縣等處衝毀旱地水田既多而民間不聞一處言災不見一戶報災且完納丁糧異常踴躍豈成屬百姓獨有私於臣乎至都江堰向分官工民工官工則責之官民工則歸之民定制久遵歷無異議緣江堰首分內外中三江三江以下則分為支

河十數道支河以下又分大小堰三千數百餘道其各處小堰原只用以過水地窄溝淺易淤易塞歷係民間自辦與官工不相牽涉至川省橋梁甚多皆係民間自行募造官不過問其中有歷百餘年數十年者日久失修不無毀壞如所稱太平橋各處內惟玉帶橋係木橋四洞建造有年其靠東岸一洞木柱早經朽壞民間無力遽修用木支撐臣於三年十月查勘河道兩過此橋目擊如此四年盛漲將中流量水之柱衝側東岸支撐之木刷動數根餘未倒壞此外各橋均查係光緒二年及同治十二年所衝嗣後已多修整內有長甯橋甚大長約一里其水係由彭縣小魚洞發源不與堰水相干其橋有隄三道係同治十二

奏稿卷十九

三

年衝開隨即修復光緒三年又復衝開因非堰水所經至今尙未全修又三道堰無損其西名金沙堰光緒二三年連次衝開係屬民工現復修砌又天齊寺前衝開橫河一道係光緒二年前所衝四年經陸葆德修整堅實田多涸復何可率意牽混又人字隄一段向來江水漲發過水則十三四晝以外即須令由泮缺上面漫出以免內江泛溢一定之理今所謂五年五月二十一日江水泛濫漫過人字隄金剛牆者實係修理合法宣洩得宜之效何得妄以爲非至離隄之脚均有衝損此係同治三年之事與此次堰工更渺不相涉何能張冠李戴此則旱地水田並未衝沒之實在情形也又所稱外江淤沙堆塞一丈有奇上年

大修又將內江挖深一丈七八尺水發全注內江連年堰工衝塌實由內江挖淘過深分水不勻所致等語查堰工未經大修以前內外中三江自人字隄以下率皆沙石堆積三江已連爲一片臣督飭委員先將內外中三江地形高下用繩牽平測量以定淘挖深淺之準故內外中三江各有淘深丈餘者有淘深至七八尺者皆各憑江形地勢及淤塞高下酌量淘挖有報部尺寸清摺可核且向來歲修定法係先淘外江再淘內江何至有僅淘內江之說至江水盛漲力疾勢猛沙石俱下每年一遇大汛內外中皆有淤積之所次年則酌量挑挖是以定有歲修之例又內江挑挖古制向以挖見鐵柱爲準殆所謂深淘灘也四年

奏稿卷十九

三

所挖內江即係遵照辦理至外江口地段先經夏漲水退沙積至是年冬經承辦五年歲修委員淘挖一次五年夏汛復有新淤又經承辦六年歲修委員淘挖一次此堰工自來辦法臣無所用其捏飾恆訓去臘往勘其所見淤塞情形乃四五兩年夏漲後新淤情形中隔歲修兩次安得仍混作大修至所謂外江高於內江丈餘水即全注內江堰工易致衝塌是未知兩江高下若至相等則內江受水必不足六成外江亦必不止四成更與古人遺制不合若外江過於挖深附近田畝固可免潦而下游分水之處必苦於旱今乃謂外江農民利於決口田水始足臣三年來於河堰尙未體察實未得其解此外江口挖深通塞之實

在情形也又所稱離隼當水之衝已有塌裂之處設全行衝塌省門恐為澤國等語查離隼本係開鑿內江時特留山石一角以資屏蔽至今呼為離隼正當南江口之衝向恃上游北面山脚石巖三道將水一擋折使紆回免致直射離隼因同治三年修工時前署成縣道何咸宜誤將三道巖全行鑿去水勢直衝離隼次年夏間即將離隼衝塌一隅經該管丞令稟報補綴有案嗣該縣士民屢請補砌各前任因此石本係天生人功無能為力尤恐補砌之後盛漲衝擊石必毀墜填塞堰口關繫極重是以未敢辦理亦經前任道丞確切查明詳稟在案臣三年大修時三次親往查看亦慮離隼不可久恃曾與委員等百計籌思實

奏稿卷十九

三

無善策因戒委員等只要每年歲修將人字隄完密鋪排使盛漲大水安然由人字隄面泝缺滾出外洋則水勢雖急尚有處宣洩以殺其怒離隼或不致遽損而內外江田畝亦皆獲益緣人字隄之為用春令則借以蓄水之不足夏漲則借以洩水之有餘與別河隄借以束水攻沙者迥別其隄係水行外江舊路並無田畝若水大不能泝洩一逾寶瓶口必將農田全衝臣前奏稱水從金剛牆衝缺而去內江各堰但有灌溉之利略無泛溢之患者係屬實在情形非敢張皇創論也至謂離隼全衝省門即為澤國一層恆訓所慮誠是然省門成為澤國不必在離隼全衝之時但使內外中三江久任淤積則江水挾建瓴之勢阻遏

橫流盛漲即為可慮臣初次奏請修辦堰工即引前兩年福建省城被水為言實見及此至此處日後果有衝塌此則同治三年時承辦堰工之失意其中或有數定臣於歷次查勘時深思遠慮百計籌維竟苦於天工人力之不可相敵而無法補救於數十百年之後此則智細材短負疚神明問心難安者也竊臣之辦理堰工惟有於人字隄一段因泥於經久省費之說易籠為石致盛漲時堰工衝損三十七丈有零無可辭咎至於疏濬壅滯修固隄埂兩年以來各屬農田既無以前淹沒之害且獲以後涸復之利年穀屢豐人民和樂即以歲修而論較前省費亦多而民間無復隨時派累之擾此皆可憑諸天日詢諸輿論雖人之多言臣儘可與共質不敢有所避也所有修理都江堰成效實著各緣由謹遵

奏稿卷十九

三

旨據實回奏伏乞

皇太后

皇上聖鑒訓示謹

奏

都江堰涸出田畝並無虛飾片光緒六年四月十六日

再恆訓片奏該將軍履勘隄工沿河逐一查看仍然支流錯雜亂石縱橫並無涸復田畝及抵灌縣札調六州縣卷宗詳覈半屬子虛金堂縣於光緒四五年衝毀民田旱地七千餘畝郫縣崇慶溫江連年被水衝壞糧田亦各數千畝數百畝不均係丁士彬授意委員會同地方官捏報虛飾光緒五年正月恩承等踏勘數日情形最為詳確臣惑於丁士彬之言含混鋪張率行具奏圖為開復地步欺罔情形於此可見等語查修堰一役臣原為民生起見非別有所為而為也當未大修時各屬士民紛紛以田畝久淹賦入無出呈請興修臣隨檢光緒二年至同治初年各

奏稿卷十九

三

卷查核灌縣溫江崇慶郫縣崇慶州金堂各屬稟報民田被水淹沒者不下二十餘萬畝後至灌縣查看江身淤墊太甚復詳詢知縣陸葆德及各鄉民均稱該縣逼近江干連年堰隄潰決民田淹沒實不下十餘萬畝臣隨言下為惻然迨四年三月堰工修竣至五月下旬適逢江水奇漲沒過水則人字隄金剛牆一段突被衝決水勢照常流出外江內江田畝晏安無事臣時恐外江各屬或有漫淹隨委員分投往查據稟外江亦毫無淹沒至七八月內農田收穫普慶豐登穀價頓賤是年冬閒糧價較三年前每石減少銀二兩五六錢不等臣私心竊喜以為水災既免前被淹民田必有涸復其時丁士彬署成縣道當飭其委

員前往各該縣會同地方官切實查勘有無涸復之田並在涸復若干據實具稟查考嗣據會同查明各屬涸出之田核計實共四萬九千六百餘畝至五年堰工自三月開堰至八月秋成江堰順流年穀大豐比四年收數有加而省城委員買穀煮賑穀價較四年冬閒加賤臣又札派委員分赴灌崇各屬仍會同地方官履勘確切據實稟報復據該印委員查明將成熟可墾共三萬三千三百一十餘畝明晰開摺具稟臣綜核兩年共涸復田八萬二千九百餘畝當經據實奏報今恆訓乃謂履勘隄工沿河查看仍然支流錯雜亂石縱橫不知都江堰在離隄之前共分內外中三江以下則派別支分散為堰河十數道分流各

奏稿卷十九

三

屬再下則又散為大小堰三千數百道分溉各鄉各村田畝其勢愈遠分派愈眾江身本係石河有河即有石民間皆以之填砌溝瀆是所謂支流錯雜者乃都江堰分堰自然之勢所謂亂石縱橫者乃都江堰生成自有之形孰能改易至於州縣委員查案稟報查各省辦公凡關繫錢糧倉庫以及命盜緊要重大事件無一不由州縣申詳以昭實際或慮州縣不實不盡則再委員會辦以為稽考成憲昭垂同此遵守今恆訓謂臣等委員會同該州縣查明涸復之地畝調卷詳核皆屬子虛夫以州縣委員之印稟清摺而謂之子虛則是身任地方之員印文皆不足憑國家何須用州縣且恆訓亦係委查誠不知其所委者係

何等賢員所查者又何以若此之盡可靠也至謂金堂縣五年衝毀田七千數百畝崇慶溫江等處更衝毀數千畝數百畝不等真乃任意妄言誠不解其何據又謂年來涸復田畝州縣爲之申詳奏請

加賜江神封號匾額又以江流通暢農田安堵公懇臣爲之奏請

頒發

關帝

文昌匾額是州縣可謂工於迎合豈百姓公懇亦謂之工於迎合耶至謂民田淹沒恩承童華踏勘數目情形最爲詳確查上年恩承童華查勘堰工只言人字隄修法不合

奏稿卷十九

謹

與衝刷情形至於地畝則奏稱尙無被淹之處亦未奏有勘明實數恆訓不知何指至謂丁士彬授意委員捏報虛飾臣有惑於丁士彬之言含混鋪張率行具奏圖爲前案開復地步等情查從前各屬民田淹沒均非臣等任內之事此時卽無一畝涸復臣等並無責成且臣前修堰工其意只求現在之民田可以免害並未計及從前之民田能以涸復本無功之可言亦何功之可冒至四年丁士彬委員查勘地畝已否涸復係地方官分所應爲况其時並不知有查辦堰工之舉更不知有因此革職之事何須授意委員代爲捏報且委員與各州縣兩次共二十餘員若使田畝並無涸復亦安能合二十數員同爲一心將無作有

甘蹈虛誣之咎又况丁士彬革職後成屬紳民因兩年來農田豐收多有涸復在臣署紛紛呈懇代爲奏請開復計者百數十起臣均諭飭不行各紳民等又在該將軍處以民田獲利等情再三公呈懇爲代奏開復卽該將軍去冬前往灌縣亦云該紳民等又爲之公懇查明代請開復向使大修之後田地仍復被淹且無涸復是丁士彬已革之員與民無與該紳民何能至再至三爲此不情之請此而謂其授意捏飾亦誣甚矣臣前爲丁士彬奏請開復係按照河工定例請

旨辦理原不與涸復田畝相干恆訓乃謂爲含混鋪張圖爲開復地步何臆度之甚也夫臣措置未當怨尤交集蒙

奏稿卷十九

美

聖主逾格矜全不加譴逐咎已寬諸既往過思補於將來亦何敢用其鋪張更何忍肆其欺罔且國家有欺罔之臣法令所不容貸恆訓與臣同官川省川省從前時事之敗壞若何與臣現在辦事之難易若何夫豈不知之乃不能諒臣辦事之苦衷原不足計至並不究事之虛實殊有難堪現今聖明在上臣復何所置辯惟有仰求俯加查實俾臣稍解欺罔重咎不勝悚慄懇款之至所有都江堰地畝涸復並無虛飾各情謹據實覆奏伏乞聖鑒訓示謹

奏

鹽務官運商銷成效片 光緒六年四月十六日

再恆訓具奏鹽務辦理官運病商病民無裨於

國等語 臣詳閱所言如所指營勇口糧委員薪水一切局用及護本引底平餘各款此皆 臣開辦時議章奏各核覆並經上年詳晰具陳有案無可再辯且鹽務辦法各章程要皆出示刻本發交商民人人共知共行其有病無病商民自能言之非 臣可得而掩飾其收支款項行銷引張各數目皆奏明分咨釐爲案據處處可稽可考其有裨無裨部臣自能核之非 臣可得而朦混是亦辯無可辯者也惟其中有不可不辯者如 臣前請抵撥京外捐輸銀二十五萬餘兩原聲明在徵收稅羨截釐項下撥解並非另有誅

奏稿卷十九

三

求自丁丑戊寅兩綱奏銷於水陸額引全銷外又帶銷積引數萬道除正額稅羨截釐全收外其帶銷積引所收稅羨截釐又七八十萬兩均係以無用之廢紙變而爲有用之正供且皆

國家從前所視爲不可必得者即以撥抵滇黔捐輸使川省出項至數十萬而入項仍依然無損謂爲贏餘當不爲過而該將軍乃謂止多得數萬兩 臣不知其何說且謂以數十萬成本博取數萬之利乃擬之發商生息是真不曉官運之辦理爲何如又不究明原辦之章程案卷爲何如貿然上疏其誣罔 臣者本屬無損而其眩惑朝廷者實不可不急爲分明以留此公家之鉅款也又謂

徵收之款並未實徵在庫此尤關係甚重者 臣更不敢緘默查

國家徵收款項惟在實有著落報入奏銷聽候部撥爲準官運徵收丁丑戊寅兩綱共收正款銀一百三十七萬餘兩現除撥解滇黔抵捐銀十二萬餘兩實存銀一百二十五萬餘兩又解還帑本銀二十五萬兩外合之欠解帑本暨票釐兩款現共實存銀一百六十四萬餘兩此時憑之以源源購運接濟商行以鹽合銀分毫具在如有軍饑急需部中何時提撥即應時委解若竟不辦官運則各岸局三四月內即可全數收回不短絲毫譬之有源之水分注不竭此中安可含混如有含混設部中一旦提銀在 臣等

奏稿卷十九

美

固甘心受累而隨同具詳之藩司鹽道亦何故代人認咎即各岸局委員當此微差亦何竟無一二懼禍之人盡甘心與 臣等受無窮之累乎此情理所必無者矣至謂發商生息一款乃係本省自行籌備辦公必不可少之款因發交當商不肯加息承領無款支發始不得已而謀之官運局代爲發商生息其領銀有商名其繳利有商號此各省所通行而乃謂之爲弊誠不知其弊安在也至謂聞該局近有虧折等語查虧折必須指出款項又須指明數目方能責人若含糊而加人以虧折之名恐大小各局委員必不甘受誠不知該將軍何所聞而出此也至奏銷係以鹽引到局爲局成之始即以開局發鹽爲奏銷之期均係先

事據實奏明辦理何為含混嗣官鹽到岸商人以費除價輕情願領售何為居奇又唐炯在瀘州修有裕濟鹽倉並於各岸建倉儲鹽係仿劉晏常平辦法以備冬令井河水涸為滯運時接濟此乃正辦並經各部查照查戊寅綱報銷時倉內之鹽早於上年十一月銷運完竣何得謂非實銷且該將軍既云滯銷其於既銷之鹽忽又以為勒銷忽又以為非實銷在民非實銷在邊如果未銷何以前綱水陸殘引現已照章由局全數詳咨繳部是此項鹽勛不銷在民在邊竟銷歸於無何有之鄉耶臣愈不可解也且銷一引即有一課如果未銷則款已列入奏咨臣與唐炯亦有身家獨奈何徒博虛名而受實禍乎至謂臣前奏滯銷

奏稿卷十九

奏

情形係屬巧於談過查上年春夏間各商傳聞官運有停辦之說懷疑觀望行銷大滯闔省皆知嗣欽奉

諭旨臣恭錄出示曉諭後局勢乃定行銷遂仍踴躍自秋迄冬銷引過倍本年正月銷冊到臣細加查核實屬有盈當經據實奏咨即此臣閱伍至瀘接見永甯道延祐亦向臣言上年春夏間謠傳官運將停鹽務變更大局幾壞幸事機早定自八九月以後異常暢銷實為可喜等情查官運局設在瀘州永甯道亦住瀘州此其目睹言當不謬今乃謂商疲引滯由於委員夾私售賣所致則夾私售賣者究係何員何不指明撤之以置於法而乃為此含糊之詞是安足以服人乎至謂引底為困商是又未知引底一

層係發給坐商以示體恤曾經部臣駁斥不准臣以該坐商等從前行引時急公可憫特為懇懇

恩施准發今該將軍乃指恤商為困商臣實未得其解又平餘一項係官運局購鹽發鹽出入四五百萬兩零星雜湊集少成多故有此款本非格外所得又查各省藩鹽糧關各庫凡有徵收皆有平餘歷係經徵之官吏一切人等領取辦公公家從不過問今官運局此項平餘各大小委員終歲辛勤不敢蹈常習故情願分文不取全數歸公洵為潔己自愛乃反以之為咎天下庸有是理乎况此項平餘臣奏明作為將軍副都統及各道府公費從優酌給裁去各項節壽陋規以端吏治蒙

奏稿卷十九

奏

恩俯准在案何得以之為過且該將軍於定給公費之時意欲求多臣已經照辦嗣又以公費不敷為言臣復飭令唐炯極力湊挪酌量加益今忽指平餘為困商是該將軍何言之頓異也又所謂涪岸大興公號為唐炯隱名所開此更不知憑何而出查官運開辦以來增設商號數十家非止大興公一號而大興公實係川黔商人湊資開設照章繳本認岸准其承辦緣官運本係招商但使有商繳本承岸唐炯即應聽辦理豈能阻遏商路今以此為隱名開設則凡滇黔各岸商號均可指為唐炯所開隨意妄言致使任事者無故蒙冤人亦焉能忍受哉總之官運辦法用意全在除弊疏引弊除則引疏引疏則課裕自然之理

查前次部臣奏稱鹽務之利病當視運銷之暢滯徵收之盈虧為斷實為扼要之論執此考核分毫不能支飾非空談可能動聽也伏查川省鹽務為

國家第一自然之利亦為川督第一應辦大事自咸同以來貪吏奸商勾結攘奪至此為之收回實於此輩大有不利非阻撓之使不能行決不甘心恆訓此中或不免有誤聽人言之處亦未可知至自願無能仰蒙

聖主畀以重任即年來措置失當動招指摘復屢荷矜全逾格不加重譴身非木石能勿感泣圖報此次恆訓所言實自信無他然亦不敢稍自寬貸自查閱營伍出省二日後欽奉

奏稿卷十九

望

諭旨飭明白回奏撫心自問官運辦理實為有益或者耳目為人所蔽亦不可不察因於所過之嘉定敘州重慶瀘州敘永各府廳州縣均係滇黔邊計引岸所有各道府廳州縣及各處佐雜教職等官並沿途接見各鄉場保正牌長紳耆士民行號各商並繞行犍富各廠延見各竈戶人等無不虛心探問訪求官運之害而官紳士庶商號竈戶人等眾口一詞均稱開辦官運以來民皆食賤商皆獲利私販稀少實無稍害均係實情何能矯強又密派人於經過場市改裝潛行買鹽一三三四觔以資考察鹽價較前實賤毫無疑義如有一毫欺飾甘斧鑕之誅現雖身被不韙而受

恩極重不敢尤人惟有督飭唐炯董率各員振刷精神益矢清白將一切廠岸事宜照常悉心經理決不稍墮志氣益期推行盡利顧民生而裕公款稍可無負初心並以仰

答高厚生成於萬一所有川省鹽務實著成效委無困商病民帑項確大有裨益各實情謹遵旨附片明白回奏伏乞

聖鑒訓示謹奏

奏稿卷十九

望

蓬溪南部釐務情形片 光緒六年四月十六日

再恆訓片奏查覆蓬溪南部釐務情形以爲困民而仍無裨於

國等語 臣詳閱所言於此中事理多未明悉事關蜀中民生饑需有不敢不縷晰直陳者查蓬溪產鹽地方一爲西廠一爲東廠共計十六處西廠則行銷安岳遂甯中江東廠則行銷南充岳池廣安銅梁大竹合州亦有分行安岳遂甯者而惟合州之銷路爲尤寬以其可以下浸江巴長壽等州縣也乾嘉年間潼川各屬引鹽歸商採配鹽法至爲肅清嗣道光中年鹽務漸壞私鹽漸行充斥商疲課滯不得已遂將潼引改歸健富帶銷而蓬溪一縣私鹽私銷

奏稿卷十九

聖

各州縣如故至咸豐六年前督 臣黃宗漢見蓬溪私鹽充塞太多乃創設潼屬康家渡水路鹽釐以資軍饗而該縣行水路者不過十分之一因復於陸路各廠議派釐金而該縣屢次滋事乃設爲班口釐錢定納釐錢八千串而又歸之於紳收官解亦可見該處民情之狡黠矣夫所謂班口者卽就井設車推水二人爲一班一人爲半班也班口之名本屬不正而當時議派之際苦樂又屬不均是以行之未久弊竇叢生有井竈昔多今少而班稅仍不能減者有井竈昔少今多而班稅亦不能增者有愚懦抑勒重派漸至蕩產傾家者有強梁包攬分肥積欠估霸抗官者始欠在紳繼欠在官久之而竈欠亦復不少甚至官紳日事

追求至有令書差擡墊繳出而責竈民償以十數倍者溯

自同治以來班口釐八千串其實解鹽道者多不過二三千串其餘大半侵吞以故愚樸之民受累日深含忿日久往往聚而報復千百成羣時相爭鬪實爲可慮且查蓬溪之鹽本有額定井口額行引張定例係以本縣額煎井鹽銷本縣額行引張自咸豐以後該縣私井日開近年則幾於無處不有歷來官不查究一任將鹽私販紛向有引各岸灑賣以致各岸正商引滯不行虧本歇業控告不休而該縣之私鹽直若行所無事殆不知井之爲私井鹽之爲私鹽矣 臣三年到任後初不知該縣之販私如此其甚第核其所謂班口釐者收解大相懸殊乃欲爲之更正始令

奏稿卷十九

聖

鹽道確查辦理而該縣各竈戶遂紛紛呈懇減釐 臣以該竈戶既屬困窮自應體恤因爲酌減錢三千串以爲可以如數呈解矣乃年餘仍不行解繳 臣又詳加查訪均以爲該縣人情狡強已成故習後 臣由川北閱伍道過南充等處沿途所見撓販成千累萬無非蓬溪竈心竊憂之又因其積習已深且均係營生小民未可操之過蹙仍欲以抽釐之法作化私爲官之舉又緣該縣前定班口釐金本屬偏枯因爲仿照富健辦法就竈抽釐一可以稽其井口之增減一可以核其私販之多少而且令竈戶有鹽出賣始爲抽釐鹽未賣出則不抽釐使井多鹽旺之戶不得獨專厚利井少鹽乏之戶不致隨從賠虧現在分別水陸兩

路以定等則上等近水巴鹽每挑抽錢一百二十文花鹽每挑九十文下等行陸巴鹽每挑抽錢九十文花鹽每挑六十文層層體恤減之又減至今竈販均皆稱便近且有恐昔日班口釐金之復行而票釐之不行者人心助順實非虛語若恆訓所稱為三文四文者皆係初時試辦之事且於現辦水陸分別情形實亦未悉至該縣上年私販聚眾滋事殆因查釐委員湯桂生驗有無票之鹽驟行查拏各私販見該委員人少恃眾滋鬧經蓬溪縣知縣派該縣團總周煥堂帶領團丁前往彈壓該私販等不服遂在周煥堂所開之錢鋪肆鬧該團丁等上前阻攔互相爭鬪致戩傷私販六人後該私販糾眾多人復欲尋仇經派紮太和鎮之營勇前往諭導亦即時散去惟營勇未到之先該私販已將周煥堂之祖墳挖毀臣亦經札飭該縣查拏兇犯究辦此外並未別滋他事至南部一事從前該廠鹽秤兩若何迄不可知惟就同治二年知縣黃起元奉札赴該縣抽釐係以九十六兩為一觔作秤每觔抽錢一文後又定為解釐銀六千兩而歷年以來收解頗多不實臣上年飭南部縣切實稽查始據稟報自同治二年起至十一年止各首事共虧挪釐銀八千兩又自同治十二年起至光緒三年五月止四年之間又虧挪釐銀一萬二千三百兩其同治十三年以前虧挪者無可查究十三年以後虧挪者現仍飭縣著追臣以此項釐銀本為助饒乃盡供貪

奏稿卷十九

聖

紳侵漁肥己抽釐奚為當即將該縣釐局改為委員抽收不准劣紳包攬而又以該縣從前九十六兩作為一觔之秤實屬大違例禁當飭鹽道酌議改辦旋據鹽道詳請該縣之秤不可為訓應改為十六兩天平為一觔每二觔抽收釐錢三文並稱所定較他屬井小之處尚從輕減臣即批准照辦嗣據抽釐委員又因竈戶呈懇求減復經議明以每觔天平節半秤為一觔每一觔抽釐錢一文具稟臣當以該縣原秤核計照從前九十六兩作一觔之秤應合六觔作一觔今以天平節半秤每一觔抽錢一文合計僅只抽釐錢四文較之鹽道原議所定十六兩天平作一觔每二觔抽錢三文者又減去五文實屬無可再減嗣經該委員等又以前議廠秤一觔抽錢四文固屬因地制宜辦理然較原議太覺懸殊今始議定改為照每包一百八十觔除去皮耗四十五觔作為每包一百三十五觔共抽錢一百三十五文較之原議減少錢三十文等語臣以所減之數較原議所減有限當批飭姑准照行私意原恐此後尚有必須酌減之處是以未肯遽為定斷以便委員等隨時詳查辦理且使各處釐局亦不能藉口觀望以顧饒需至於抽收之法則令仍照富榮釐局章程以除一切抑勒偏私之弊其酌改釐章以後所有光緒三年五月後各竈戶尚欠餘釐銀四千九百兩經該竈紳懇懇減免臣亦允為照辦以示體恤是臣於南部釐金因去不經之秤而為

奏稿卷十九

聖

一再議減均經鹽道委員通盤酌量比較通省鹽釐大加核刪而臣猶遲徊審慎批行亦可謂委曲求盡矣惟此項酌定釐金反覆斟酌稟詳至十數次而後定故前奏未能一一縷陳此該將軍所言與原奏有不符者此也至南部蓬溪之鹽行銷川北一帶與川東鉅岸不同臣亦知之惟犍富均行正引而該二縣全係販私臣職司鹽務萬不能不設法箝束以肅嵯網且犍富釐金每觔照天平秤現收錢五文蓬溪之鹽水路極便又遞減一文陸路較難者則遞減至三倍此皆因地制宜未敢稍形拘泥然用意全在恤商此人人所共知共見不待臣之強辯至鹽販糾眾闖關不服盤驗久為川中積習即如從前梟首任韋馱江大

奏稿卷十九

聖

煙桿陳海山等皆有礮船陸師拒敵官兵到處搶掠地方鎮道莫敢過問臣三年到川時始全行拏獲辦理是川私之甚實不止糾眾闖關今鹽販雖未能盡絕然較以前實多斂迹水路行旅均可查問並非虛語該將軍乃以為係釐數較增所致豈可謂為定論又所稱釐數日減一日者則有各局冊報可考鹽價日增一日者則有商店簿據可查其減與不減增與不增更未可以架空虛言即為定論矣伏念川省隱患一日會匪一日私梟會匪中不僅游民光棍即家道殷實紳士亦有與之聯絡通氣如從前包攬鹽釐之奸紳土豪平日賂削竈販侵蝕公帑皆必分潤會中之人始得高枕無恙否則劫奪不免相習成風毫不為

怪甚至會匪事發而劣紳反為之出名營救若不變通整頓地方何以望其久安至川省私梟必須善勸與其緝之而難盡不如化之於無形上年臣等建議改設富榮犍樂井研各票釐局減輕釐錢體恤窮販不惟各岸商號私養巡丁妄拏票販即是化私為官之意行之將近三年收釐日豐成效大著前之持刀擡礮千百為羣者今則安然謀生不干有司之禁此其故何也蓋立法貴乎嚴密先不使肩挑背負之徒與竈戶僥倖舞弊則所過之處人自不能挾制磕索既屬正當營生又何須匪徒保護是前日之所謂梟即今日之所謂販也臣方冀竭慮殫精日漸月摩為川省潛銷此患至於釐金本係軍饌日迫為萬不得已之

奏稿卷十九

聖

舉臣原知此事即使極力從減總非便商便民之道而無如時勢艱難有非此不能裕國者亦不能不隱忍遷就從權辦理然以臣所定之釐較之從前數目之孰增孰減報解之孰寡孰多川中百姓公論自在未可誣也所有遵旨覆奏蓬溪南部釐務緣由謹據實附片具陳伏乞聖鑒謹奏

遞陳辦理鹽務情形片 光緒六年四月十六日

再官運鹽務 臣既灼見從前積弊因遵照雍正年間成法辦理又復上秉

宸訓下集羣力苦心經營今將三載商樂價輕民喜食賤各有實據而職司度支之司道亦共見其推行無弊深資周轉乃局外不知憑空橫議 臣忝任疆圻非無知識頻遭誣詆能弗腆顏自顧清潔之身亟思將一切帑本及兩年來徵收各款一百數十萬兩全數繳還以明心迹惟 臣自念受

恩深重分有當為况值時勢艱難公用竭蹶今每年不事他求而坐獲百萬自然之款殊非易易且現在鹽務官吏

奏稿卷十九

兗

亦深知前日之非漸次轉移惟王余照等一二奸滑之徒挾其多貲仍冀官運不行復得壟斷獨登肆其橫霸 臣前參革拏辦以其避匿甚巧未遽弋獲浮議之生外間傳言皆其私造或非無因仰維

朝廷洞鑒萬里極為主持然後川省數十年糜爛之鹽務與

國家數十年已失之大利 臣賴以一力廓清而收回之此後極望循章辦理則民生

國計更當蒸蒸日上如今日之充裕是 臣之所以上報

主恩而亦即以下對商民者也如或慮事有難行則此二

年徵收各項以及帑本百數十萬 臣即於數月內飭令各岸局承辦委員一面將應發之鹽毋庸再運即一面將應交之款悉數歸還決不分毫短絀惟惜已成之局既壞即難復振而

國家百餘萬正供隨之而去欲求此日之循法恤民而帑項自足或恐不能天下事為之甚難言之甚易成之甚難隙之甚易由今溯前確有明徵犬馬何知惟思顧主實不能不撫膺增痛也拳拳愚忱惟懇聖明洞察不勝愧汗惶悚之至謹附片具陳伏乞聖鑒訓示謹

奏

奏稿卷十九

辛

甘肅階州番匪就擒邊境肅清摺光緒六年五月十一日

奏為階州番匪首逆就擒川甘邊境肅清恭摺馳陳仰祈聖鑒事竊臣等前將甘肅階州番匪倡亂調派兵勇嚴密防堵緣由具奏在案旋於本年四月二十九日承准軍機大臣字寄四月十七日奉

上諭左宗棠等奏番匪滋事兵團勦辦獲勝現籌辦理情形一摺該匪既有入川之語著丁寶楨加意防範如有餘匪竄擾立即派兵勦辦毋任貽患地方又於五月初二日由兵部火票遞回前摺內開軍機大臣奉

旨知道了仍着懍遵本月十七日諭旨加意防範毋任匪徒竄擾各等因欽此謹即欽遵轉行各將領知照隨查

奏稿卷十九

至

等前次拜摺後續據松潘龍安文武具報階州遊擊陳再益於三月初十日四更出隊攻克黑松坪番莊殺賊甚多擒獲逆首哈力等正法其瓜子溝逆番亦經西固哈河壩團民拒殺七十餘名生擒十四名訊供梟示又三月二十五日甘省道員譚繼洵龍錫慶等調集虎威安左等營在殺賊橋分投接仗殺斃生番數十人奪獲牛羊甚多陣亡哨弁一名勇丁帶傷十餘人番匪仍退入瓜子溝四月初三等日陳再益麾兵進勦疊獲勝仗現有番寨投誠等語臣等竊以甘軍雲集逆番兇燄頻摧諒不難指日撲滅第南坪與該番地犬牙相錯而平武等處均與階文密邇四路可通既防窺竄川疆更慮潛句內匪疊飭各將領妥慎

籌防毋稍疏懈隨據統領壽字營候補總兵李培榮稟報奉檄後即派管帶壽字中營參將李修德由灌縣兼程馳往松潘該總兵親督壽字後營遊擊汪期紳取道江油星夜直抵南坪會合嚴防並據調署松潘鎮總兵陳濟清署松潘廳同知劉廷植報稱四月初二日有代巴旂逆番千餘由蜂園子直撲南坪要隘經署鎮標左營遊擊楊世昌右營都司范永福等督率兵團竭力堵勦轟斃番匪七八十人陣傷團兵唐宗元等八名餘匪潰退回巢又稱南坪界內之嚴利七舍等寨番人頭包紅帕藉口禳災有搭棚糾眾之事其東南兩境九六關十餘番寨現亦聞風串結等情臣等以土番異類原屬犬羊無知但有奸徒煽誘即

奏稿卷十九

至

思肆其鴟張一經枕以兵威又無不退而竄伏且向來番夷滋事從不輕易離巢批令該鎮廳會同李培榮妥為彈壓設法撫綏又據統領長勝軍記名提督莫組紳呈報督率管帶右營都司劉功化馳赴龍安協同署知府熊紹璜都司佟順祖平武縣知縣王元培查看該縣路徑紛歧隘口二十餘處當將所部勇丁及原派汛兵團練調紮最關緊要之鐵鑪關北雄關摩天嶺等隘防範認真無虞奔竄並據管帶壽字右營遊擊何炳元安定後營提督劉德順報稱分起馳紮昭化廣元巴州一帶擇要扼防等情臣等以龍安昭廣布置綦嚴匪勢斷難紛竄所慮內地伏匪潛蹤出沒即批令莫組紳等約同各縣文武不分畛域務將

昭廣通南巴等屬游勇土匪實力搜拏懲辦以免勾結茲據李培榮莫組紳先後報稱四月十五日甘省大軍直抵瓜子溝賊巢匪等驚惶無措立將賊首叔兄並逆子偽活佛捆獻古旦巴乘間潛逃並准兼帶甘肅剛毅副中等營前署蘭州道劉璈移稱四月二十日由兩水進紮瓜子溝與河州總兵沈玉遂籌商將就撫之男婦老弱妥為安插一面招集在逃各番曉以利害責令捕擒首匪用贖前愆二十三日即據捆獻納麻點周雙劍二名訊係助逆要匪二十四日傍晚復據該番根協仁武等同弁勇在粗武札罕山將逆首古旦巴及逆婦羊子滿逃匪五觔半擒獲餘匪搜捕殆盡並據陳濟清等稟南坪巖利各番寨現均悔

奏稿卷十九

奏

罪赴營結懇投誠各等情飛報前來 臣等查此次番匪跳梁蓄謀甚大仰賴

天威遠播督 臣左宗棠調集劉璈譚繼洵龍錫慶陳再益等督飭兵勇會合五坪等莊民團分投攻擊悉協機宜勦撫兼施收功甚速而且首要各犯無一漏網川中各將領及地方文武防禦甚嚴故使逆番無從勾串計窮力竭相率歸誠川甘邊境現已一律肅清洵足上紓

宸廑除由 臣等飭令松潘文武將來降番衆開誠布公善為控馭務令各安住牧不准民團人等任意欺陵用消隱患而固邊陲並將前調各營兵弁民團暨壽字長勝勇營隨時酌撤歸伍歸農暨另屯要地巡防外所有階州番匪

首逆就擒川甘邊境肅清緣由謹合詞由驛五百里具陳

伏乞

皇太后

皇上聖鑒謹

奏

奏稿卷十九

奏

湖北八州縣計岸鹽務改歸官運摺光緒六年五月十九日

奏為川省鹽務向有湖北八州縣計岸近因改配漏楚引積課懸辦理無從下手亟應設法變通籌辦以資整頓恭摺仰祈

聖鑒事竊查湖北所轄之鶴峰一州及長樂恩施宣恩利川建始咸豐來鳳等七縣於乾隆二年奏定為川鹽領行計岸每年共額領水引一千一百九十九張又陸引四千七百十五張應配夔州府屬之雲安大甯兩廠酉陽所屬之彭水一廠鹽船運往八州縣以濟民食如有墮銷即咨查湖北八州縣職名咨部議處立法本極周密自道光以後該八屬正商亡故鹽務廢弛咸豐年間川鹽濟楚多係

奏稿卷十九

奏

健商捏名將此項引紙領出呈由鹽道改配健富兩廠之鹽重價轉賣楚商灑售該省各岸並無一引運歸八州縣本岸行銷其鶴長兩岸則由湖北委員將引領出在巴東所屬之萬戶沱設店行銷並於正引三百一十八張八則八色外復增行票鹽四百張嗣健商何繼祖互相爭利構訟始由湖北查明將委員增票撤去令與該商在萬戶沱灣潭漁洋關長樂城等處公同湊本設立總店配銷其實仍將引紙轉賣楚商改配漏楚不惟紊亂鹽法亦復不成政體而湖北八州縣既未承領引紙又無商運到岸故川省每屆奏銷咨查經征不力職名鄂省僅以空文回覆以致正引停積課款虛懸現已查明恩施等六縣自咸豐七

年起至光緒四年止各商領積未行水引七千六百三十

一張陸引九千六百四十九張又積存夔府通判衙門未

發水引四百三十四張陸引三百二十九張而鶴長及六

縣積存鹽庫未發之引尚不在內該八州縣數十年來已

無正商招募無人現值整飭離綱議復淮岸之初若不亟

籌善辦之法一任其日積日深流弊伊於胡底由鹽茶道

崧蕃商明官運局唐炯會同悉心核議請將湖北八州縣

計岸改歸官運併入總局辦理並咨明鄂省將萬戶沱委

員即行撤去以正引岸而符定制且查八州縣引鹽起埠

轉運之處不外萬縣巫山所屬之兩大溪口巫山所屬之

上洋坪巴東所屬之萬戶沱數處均係報部埠口今八州

奏稿卷十九

奏

縣既歸官運若經過之萬縣巫山仍聽商運商銷則官商混淆勢必影射攙越輾轉漏楚防不勝防亦為大害並懇將萬縣巫山兩計岸一併提歸官運以作藩籬即於萬岸設立分局委員照章辦理並於大溪口上洋坪萬戶沱等處設立分卡委員專司稽查以固門戶而維離政等情會詳請奏前來臣查川省邊計各岸現已釐定章程剔除諸弊實屬綱舉目張秩然不紊川省鹽務為之肅清惟湖北八州縣引積課懸官商通同舞弊積習已深若非改歸官運辦理則鹽道距該處遠無從稽核而該官商因仍作弊徒有整頓之名毫無行銷之實是以一隅而漸壞全省鹽綱殊為可惜臣再四體察情形自應如該鹽道等所詳

辦理而後整飭可期得手至該八州縣口岸既已改歸官運則八州縣運鹽必由之萬縣巫山兩計岸自應一律提歸官運以清界限而肅鹺政惟此次開辦湖北八州縣及川省萬縣巫山官運鹽務計委員到局已在五月下旬而一切設號招商運鹽到岸尙需時日約在八月以後始能售銷官鹽是時距已卯綱奏銷之期僅止四月爲時過促斷難全綱運齊相應奏明請旨飭下戶部查照准將湖北八州縣及萬縣兩縣各計岸官運鹽務奏銷推展至庚辰綱歸併辦理除分咨部科及湖北督撫外理合恭摺具奏伏乞
皇太后

奏稿卷十九

奏

皇上聖鑒訓示謹

奏

丁文誠公奏稿

卷之二十目錄

- 請復鋪兵舊額摺 光緒六年五月十九日
- 遵 旨復開機器局摺 光緒六年五月十九日
- 保薦薛福辰片 同日
- 查看南坪番寨並勘水災片 光緒六年六月十八日
- 義邊夷匪滋事派勇勦捕片 光緒六年六月十八日
- 覆陳司庫歷年減成減平各款無存摺 光緒六年七月十七日
- 川鹽濟楚未能即停仍減引辦理片 同日
- 查彙野番滋事派員查辦片 光緒六年八月十九日
- 黔省鹽稅各款由川徵解片 光緒六年八月十九日
- 勦辦義邊夷匪並勦捕雷波野夷摺 光緒六年九月初二日
- 時局多艱敬抒管見摺 光緒六年九月二十三日
- 黃林材游歷回川片 同日
- 勦辦義雷夷匪獲勝分別勦撫摺 光緒六年十月二十三日
- 野番尙串贖夷攻圍官寨查辦情形片 同日
- 夔關短徵額稅由宜漢兩關劃抵摺 光緒六年十二月二十三日
- 義邊夷匪肅清摺 光緒六年十二月二十八日
- 攻克查彙裏塘肅清摺 光緒六年十二月二十八日
- 請 飭駐藏大臣勘明內地疆域劃界立碑片 同日

請復鋪兵舊額摺 光緒六年五月十九日

奏為川省請復鋪兵舊額以速文報恭摺仰祈
聖鑒事竊查川省一百數十廳州縣額設鋪司兵三千八
百四十四名每年額支工食銀二萬四千一百四十餘兩
歷由各廳州縣在於地丁銀內扣留支給嗣於咸豐四年
部議令照山西省裁減章程以裕經費經前督臣飭司議
減有驛各廳州縣酌留工食十分之四計每年實支銷銀
七千四百餘兩共節省銀一萬六千六百餘兩奏奉
諭旨在於案嗣於同治十一年接准部咨以安徽巡撫具奏
鋪兵循舊安設一案他省事同一律飭令體察情形或酌
量裁汰或仍復舊章等因時值軍書旁午征調紛繁各州

奏稿卷二十

縣先已另設民捐夫馬局作為支應過境兵差及接遞文
報工食之用經費既充文報亦無貽誤遂以毋庸仍復舊
章咨部迨後軍務一律肅清並無過往兵差而各廳州縣
仍沿舊習按糧捐派夫馬有較正糧加至數倍者所收之
項多歸不肖官紳侵漁中飽民情困苦怨嗟盈路京控上
控之案層見迭出臣到川後廉得其情嚴飭各該廳州縣
將向設之夫馬局永遠裁撤不准按糧攤捐惟自北路廣
元至西路清溪等十數州縣為西藏各番及西南二路土
司進京
朝貢之路酌留夫馬一二成津貼驛費由官親自經理核
實報銷概不准派紳設局以杜虛糜綜計每年節省民捐

夫馬雜派不下一百數十萬兩歷經奏明在案惟夫馬既
裁各州縣頭失利藪於接遞上下公文往往屢擱遲誤雖
委員確查照例參處而陋習尙未全革茲據布政使程豫
按察使黎培敬查明川省有驛地方計四十一廳州縣惟
成都首站及川北八州縣每站額設驛馬二三十匹尙敷
馳遞其東南二路數十廳州縣每驛僅設額馬數匹及無
驛州縣額設鋪司兵工食自咸豐初年裁減之後僅留二
成四成各處山路崎嶇道長站遠兵役太少不敷遞送且
所領四成二成工食又須遵照部章減平折票該兵役難
資餬口文報之不能依限馳遞情實可原由司酌議請將
上年所裁鋪兵工食銀兩全行復還舊額照例支發免其

奏稿卷二十

減成以資辦公而示體恤會詳請具奏前來臣查鋪兵例
定工食數本不多咸豐年間復經奏減僅留二成四成部
臣雖有仍復舊章之議事未果行近年川省各屬夫馬局
業已裁撤節省民財甚多惟鋪兵工食不敷接遞文報勢
難迅速係屬實情合無仰懇
天恩勅部核議將咸豐四年所裁鋪司兵工食銀兩復還
原額免其減成仍照例扣平支發以期無誤文報並責成
臬司隨時確查儻有不肖官吏私自扣減致缺兵額即詳
揭從嚴參辦以肅郵政是否有當理合恭摺具奏伏乞
皇太后
皇上聖鑒訓示謹

奏

遵 旨復開機器局摺 光緒六年五月十九日

奏為遵 旨復開機器局製造洋槍各件現已擇日開工謹恭摺具 奏仰祈

聖鑒事竊 臣於光緒三年奏設四川機器局製造洋槍以 資利用經營兩年費用極省規模已定旋因恩承等奏請 停辦 臣謹即遵

旨茲撤嗣欽奉

上諭仍飭 臣酌度辦理 臣時因局已停撤所有承辦委員 候選同知曾昭吉已經回湘隨帶來川之製造工匠均與 偕歸其在川招募入局教練者亦各以無業紛散而 臣於

奏稿卷二十

三

奏稿卷二十

四

設局之初並未雇用一洋人曾昭吉等既已遣歸即無人 可以承辦一時驟難舉行當經據情奏請暫緩在案嗣又 欽奉

批諭著 臣仍設法興辦毋使廢墮欽此 臣跪誦之下欽悚

莫名當即商之原辦該局成縣道崇綱候選道黃錫燾候 補道勞文翹等派員攜札前赴湖南飭調曾昭吉並令將 熟習機器製造各工匠隨帶前來茲於六年三月抄會昭 吉等始行到川 臣即飭令擇期於四月十八日開局仍令 製造洋槍等項務求精良以期合用查 臣在川所設機器 局係照前在山東時辦法凡製造一切不稍借助洋人而 川局於不用洋人製造之外所有應用機器多係自行創

造亦並不全借於洋而其中尤有可取者臣設局時以製造一切煤炭最爲大宗而川省煤價素昂製造需用尤鉅所費頗爲不資此在各省機器局皆然卽外洋亦不能於此稍有節省臣因與會昭吉熟商欲得一辦工而兼可省費之法乃會昭吉心思精一積思數月竟能設法造爲水機器專取水力而不用火工辦成之後臣詳細查看其用水僅三五寸而卽可以敵二十四匹馬力之鍋爐日可省煤一千數百觔合計每年約可省煤銀四千餘兩此誠爲機器之利用去年奏請停辦臣於此深爲惋惜此時復開已令將水機器所用之水輪鐵板閘座等項從新整理現均一律完善亦經開辦此時局中惟鍊鐵一項尙需用煤此外則全資水力極爲便宜臣以後惟有嚴督該員等殫精研思悉心經理務令製造精益求精俾臨用時可期得力以仰副

奏稿卷二十

五

聖主慎重武備實事求是之至意至該局機器事務極爲繁細臣現又訪得高啟文一名係貴州監生於機器各項亦極練悉從前曾在上海歷練多年堪與會昭吉相助爲理臣已延之赴局酌給薪水俾其一同承辦製造庶多一得力之人卽多收一得人之效所有川省復開機器局現已擇日開辦緣由謹恭摺具陳伏乞

皇太后

皇上聖鑒訓示謹

奏

奏稿卷二十

六

保薦薛福辰片 光緒六年五月十九日

再查添設機器製造槍礮軍火實為今日要圖從前臣在
山東創辦機器局製造火藥早經迅速告成現在山東撫
臣周恆祺悉心經理隨時與臣往返函商均謂該局軍火
精美足與外洋相埒工費亦極節省頗敷各海岸防軍之
用臣不勝欣幸因念該局辦理成功亦殊不易當日創辦
之始賴有二品頂戴按察使銜前山東濟東泰武臨道薛
福辰精強廉正於購器則洞曉利弊於督工則嚴明有法
用能規模閎整製造精良其經營創始之功殊不可沒且
該員於中外大勢尤能洞澈機宜確有心得素為會國藩
李鴻章所重竊維現在籌辦海防不獨東北各省關繫緊

奏稿卷二十

七

要即東南如福建等省皆有外洋交涉要務本有製造事
宜均屬需才孔亟近日復欽奉

諭旨飭令各直省保舉各項人才所有堪膺保薦人員應
俟體察確實即行恭疏遵

旨陳奏查薛福辰係臣久經任使且曾任煩缺之員其於
諭旨內熟悉中外交涉事宜善製船械各條均能勝任用
之已著明效臣不敢壅於

上聞謹據實附片具陳以供

聖明錄用伏乞

聖鑒謹

奏

查看南坪番寨並勘水災片 光緒六年六月十八日

再川省南坪營地方與甘省階文所屬番地處處毗連犬
牙錯處此次階文番匪倡亂南坪一帶番寨亦有暗被煽
惑者幸經派往防勦之總兵李培榮督隊兼程馳進直抵
瓜子溝逆巢連界之野豬關扼紮絕該匪往來通信要道
該匪聲息遂不能通而提督莫祖紳又帶隊駐紮平武縣
屬之青口各隘以杜該匪等南竄之路又經甘省派出各
兵勇勦辦迅速首逆就擒兩省邊境一律肅清現在地方
均屬安靜惟查南坪至松潘一路縱橫千餘里番寨林立
且人情強悍從前曾經叛亂破城戕官頗費兵力此次階
文番匪煽亂辦理雖尚妥協而犬羊之性難保不暗蓄戎

奏稿卷二十

八

心臣因就此兵威札飭該總兵李培榮於撤回勇隊時令
由漳臘松潘一路整隊徐行所過之處順道傳喚各該番
寨土目喇嘛人等來營見面休之以利害曉之以大義俾
其震我兵威懾其異志庶期日久相安茲據該總兵李培
榮稟稱該總兵於南坪拔隊之時即取道漳臘松潘一帶
經歷各番地共大小三百數十寨所有各寨番目喇嘛人
等均經先期一日傳知前來行營聽候宣諭各番目喇嘛
等有一經傳喚而即至者有不待傳喚而已至者沿途經
過之處各皆環立迎迓極為小心該總兵均一一接見剴
切諭導宣布

朝廷威德令其各安住牧毋許生心各該番目喇嘛等均

一馬了心丹書卷之四 返反外

皆感懼伏地叩頭同稱願出具永不致滋事甘結查看情形實係出於至誠似可永遠安輯足以上慰

宸廑惟據稟南坪地方於五月二十日雷電交作大雨如注歷半時許各處山水陡發低窪地土多被淹浸牲畜亦有衝沒幸人口尚無損傷等語旋據該廳營地方官稟報亦同查南坪上年地動成災甫經委員賑恤本年又復被水荒微番夷遭此災害頻仍情殊可憫惟是否成災及成災輕重若何現已委員前往會同地方官確切查明稟復再行籌款分別賑濟以恤災黎而廣

皇仁所有南坪撤回營勇飭令沿途鎮撫松潘漳臘一帶番夷及南坪地方被水委員查辦各緣由謹附片具陳伏

奏稿卷二十

九

乞
聖鑒謹
奏

我邊夷匪滋事派勇勦捕片 光緒六年六月十八日

再嘉定府屬我邊廳夷地與敘州府屬馬邊夷地接壤查我邊夷匪同治十二年曾經滋事經前督臣吳棠派兵勦撫始各畏罪投誠臣等到川後查悉該夷等犬羊成性狡黠難馴且該夷有生熟之分生夷向不輕易出巢熟夷則與邊民素相往來往往貪得邊地民財輒勾引生夷不時出沒以圖搶擄習為故常迭經嚴飭該廳營文武率同廳營兵勇隨時巡防茲據我邊營參將倪天元我邊廳通判楊銘稟稱本年四月二十一日有馬邊烏拋夷匪百餘人鼠至廳屬鹿子溝杉林岡燒燬房屋擄掠漢民男婦並牲畜衣物多件殺傷張壽潰田大倫並女孩三口又於二十

奏稿卷二十

十

九日五月初三等日復潛竄大香鐘麻池岡一帶擄掠男婦數十餘人殺傷三人燒燬民房數十間已派鎮遠營哨弁吳國昇外委戴占彪趙得勝各帶兵勇分路堵勦請派撥勁勇前往會同勦辦等情前來臣等查該夷匪等敢於糾眾出巢肆行擄掠焚殺情殊頑梗惟其性情反覆無常非示之以兵威不足以資震懾當派管帶泰安右營副將林叢文代理武字副前營總兵唐珊峯各帶所部勇丁馳往峽邊會同該廳營文武查看情形妥籌勦捕務將為首搶擄之兇夷嚴拏懲辦俾其畏威帖服並飭將擄去之難民牲畜各件一律繳出清還給屬領回完聚再行妥為撫綏庶幾知懼知威免致時形反側惟據該廳營文武稟稱

此次出巢之夷係馬邊烏拋夷匪殊屬含混查馬邊夷支
出巢竄至該廳境內必由峩邊夷地經過峩邊夷人如果
毫無妄為何以不行攔阻致令竄越是此次夷匪即使果
係馬邊夷匪亦必峩夷句結所致顯然可見今該廳管文
武具稟情形難保非本廳夷人搶掠之後藉名馬邊意圖
嫁禍抑恐該廳管文武有希冀推諉卸過情事必須確切
查明辦理以免兩地夷人挾嫌生心別滋事端而亦可以
儆地方官遇事諉卸之弊臣等現飭委員確切查明據實
稟辦仍一面飛行馬邊廳轉飭該管土千百戶等一併確
查該廳烏拋夷支果否糾眾出巢不准稍涉朦混並即嚴
飭認真約束該夷毋得出外滋事自干誅戮除將辦理情

奏稿卷二十

十一

形續行奏報外所有峩邊夷匪出巢搶擄派勇勦捕並飭
查明馬邊夷支有無句結在內各緣由謹會同成都將軍
宗室臣恆訓合詞附片具陳伏乞

聖鑒訓示謹
奏

覆陳司庫歷年減成減平各款無存摺光緒六年七月十七日
奏為查明川省歷年扣減文武養廉暨各項減平銀兩已
湊解京協要饒及奏撥本省防勦經費例支各款勢難再
扣再減司庫無從另籌恭摺據實覆陳仰祈

聖鑒事竊臣前准部咨欽奉

上諭戶部奏籌備饒需一摺其專提養廉減成銀兩及催
提減平銀兩各條或循名核實或申明舊章均可次第施
行著照所議辦理仍將如何辦理情形趕緊妥籌定議據
實覆奏等因欽此欽遵行司籌議聞旋准戶部咨催飭將
歷年扣存未解平銀趕緊委解其挪移之款亦令次第籌
還報解等因復經飭司速籌去後茲據藩司程豫詳稱遵

奏稿卷二十

十二

查川省歷年支放各款遵照部章扣收二兩平一款每年
約收三萬一千兩至三萬五千兩前已造報至同治
七年止添扣六分平及核減役食二成一款每年約收銀
五萬四千餘兩前亦造報至同治七年止武職養廉饒乾
等項免搭官票大錢減扣六分平一款每年約收銀六萬
兩前已造報至光緒元年止均陸續湊解京饒及各省協
饒分起奏明其自同治八年起至光緒五年止計收二兩
平銀三十六萬餘兩添扣六分平及核減二成銀五十九
萬餘兩又自光緒二年起至五年止計收武職俸廉等項
免搭官票減扣六分平銀二十四萬餘兩除歷年奏明分
撥京饒准饒及甘肅伊犁哈密貴州雲南各省協饒銅本

等項共應存銀三萬五千餘兩亦歸入本年協撥案內湊解復查文武各官養廉照章核減三成二成一成不等文職自咸豐三年起年收三萬三千餘兩武職自咸豐五年起年收二千二百餘兩截至光緒四年止共收養廉減成銀九十一萬九千七百餘兩除逐年湊解京餉工程西征新饒甘饒等項銀一十四萬九千二百兩外墊撥本省兵饒防費及歷年鹽茶奏銷案內不敷額支雜款共銀七十三萬九百五十餘兩應存司庫銀三萬九千餘兩儘數歸入光緒五年奏銷案內造報茲奉部催飭將從前造報湊解軍饒案內減平減成銀兩速議籌還解部係爲籌饒固本起見如果川庫實存有項曷敢稍涉推諉惟查歷年已

奏稿卷二十

十三

收減平銀兩均已分解京外要饒並非川省支用減成銀兩除抵撥京協各饒外雖有分撥本省防勦經費暨奏銷項下不敷例支之款均逐年詳明奏咨報部尤非私自挪移溯查川省額征賦稅自咸豐以前本屬入不敷出必賴鄰省協濟至軍興後鄰省協饒不至復由川省撥濟各省軍饒每年不下二三百萬兩於是津貼不足兼辦釐金釐金不足又辦常年捐輸彼時因本省防勦喫緊復援甘援陝援滇援黔征軍四出供億浩繁各營欠發勇饒積至二三百萬迨後鄰省軍務平定欠饒分年找清裁減勇營十分之七適值楚省規復淮綱川鹽壘滯邊計鹽務墮廢過久截羨釐金逐年短欠爲款極鉅前任鹽道不知補救至

光緒三年冬間始蒙奏借鹽本開辦黔邊鹽岸四年冬間又借本開辦滇岸按年添解滇黔兩省抵捐饒項二十五萬餘兩其借運鹽本尙須分限歸還又值宜漢洋關盛行子稅軍免征內地釐稅關稅釐金亦日形短絀又以捐輸已久民力拮据逐年減辦較同治年間已少十分之五就司庫近年歲入之款計之其正款僅止地丁稅課等項一百三十餘萬兩此外津貼銀五十餘萬捐輸七八十萬幸年來整頓釐金諸從核實較前共入貨鹽釐金銀一百三四十萬兩計入款不過三百八九十萬除去本省滿漢官兵俸饒文武各官養廉臺廠屯防各費共銀一百五六十萬兩又各路防邊兵勇口糧極力撙節尙須銀八九十萬

奏稿卷二十

十四

兩僅餘銀一百三四十萬兩以爲協濟京外各饒之用而近年奉撥京外各饒每年總需銀二百五六十萬兩以入抵出尙短十之四五戶部及各省疆臣奏咨嚴催幾無虛日中外協饒迫不及待歷任藩司點金乏術不得不隨時騰挪湊解濟急需而免貽誤本年復奉撥東北防費銀十七萬兩烏魯木齊饒銀十二萬兩青海王公俸銀一萬八千有奇已較前數年撥款多出三十萬有奇縱多方兼籌尙難照數撥解若再將已撥已解京饒協饒之減成減平銀兩另行籌解部庫則從前司庫已經扣發之款萬無再扣再減之理卽云另籌補解而當此撥款遞年加多縱極力另籌亦恐不敷現時急用安能再籌補解舊款所有歷

年扣收減平減成各項銀兩由該藩司查明已撥已解實在銀數開具簡明清單詳請奏咨前來臣復查戶部原奏籌備饑需各條均為規復財源綢繆未雨起見所關甚重內如催墾荒捐票本核關稅整釐金查交代核奏銷停工程減折價各節中外兼賅雖非盡屬川省之事臣竊以為凡職所當為力所能為俱應預為籌度實心整頓前已將川省辦理情形逐條據實縷陳在案惟減平減成各銀兩向由歷任藩司彙收存庫分案詳解歷年既久案牘紛繁臣連日迭飭清釐籌辦現據藩司程豫查明歷年扣收減平減成銀兩業已分解京饒協饒及奏撥防勦經費暨鹽茶奏銷案內不敷例支之款分年分款開呈清單臣核與

奏稿卷二十

十五

歷年奏咨各案接解款數相符委非虛飾此時若飭將已解已用早經奏銷之京協各饒提回解部勢必有所不能若責令該司將支發多年之養廉各款再照部章重複扣減亦覺有乖政體實亦無款可扣且川省因頻年奉撥各省營協饒過多歲入之款不敷歲出之款已至百數十萬兩現在百端核實計較已不遺餘力若復別開利孔格外搜求轉傷閭閻元氣非特臣所不敢為即揆諸部臣力籌饒源之本意亦大相刺謬臣於接准部議後與藩司再四熟籌其中萬難再行扣解情形實不敢掩飾於君父之前自滋罪戾惟有仰懇天恩俯念川省從前扣收減平減成各款已全數接解京

外要需藉以維持大局均經歷次奏咨動用有案現無存款准予開除免解仍由臣嚴飭藩司自光緒七年春季為始將此項減成減平銀兩另款存儲分年悉數解部不准再有截留借撥以裕部庫而昭核實出自聖主逾格鴻慈除將藩司詳送節年撥解要饒銀數清單分咨軍機處戶部查核外所有查明司庫減成減平兩款均已撥解無存無從另籌緣由理合恭摺據實覆奏伏乞皇太后皇上聖鑒訓示謹奏

奏稿卷二十

十六

川鹽濟楚未能即停仍減引辦理片光緒六年七月十七日

再查禁楚復准之議經部臣迭次奏奉

諭旨嚴飭照辦前兩江督臣沈葆楨亦首以此為急務迭經籌議整頓准鹽包認釐饒意以為復准之舉若有不俟終日者在部臣及前兩江督臣籌念大局至費苦心臣本年二月內接准部咨以具奏禁川復准有關課饒請

旨飭下兩江川楚各督臣迅速籌辦等因查原奏內稱查川鹽行楚當時原祇暫為通融故於官不計考成於商不報名姓邊計套搭混雜難稽其間重照影射重飭夾帶百弊叢生迄今久假不歸商竈既使其私圖官吏且倚為利藪是不獨南饒大受其害實並為川鹽之巨蠹尤不可不

奏稿卷二十

早為禁絕等語臣以楚岸本准鹽引地

成憲昭垂不容紊越况現經部臣及兩江督臣竭力籌辦大局不可不顧

廷旨不可不遵部議不可不從禁川實屬要務但川鹽自濟楚以來為日既久井竈日添而且從前定例富場原應配行邊引故每竈多燒巴鹽少煎花鹽以資轉售今因濟楚一行該廠井竈大半多燒花鹽其煎巴鹽者不過十之一二今若議禁楚復准必先將該廠井竈所出之鹽籌出銷路又必為行楚之商號覓路營生方為妥協是以臣自三年到川後即極力籌開黔滇邊岸莫為該廠各商竈籌畫銷路使鹽有售處雖濟楚停止商竈仍各安生理不致

歇業苦累期為萬全之策幸自官運開辦以來滇黔引路漸通每年所行邊引計已可抵從前濟楚之數從此逐漸疏通川鹽銷路日寬准岸自可漸復所以為川淮商竈計者無善於此近因兩淮認包釐饒尚無定局楚岸本未即刻停止詎富廠奸猾利徒時藉楚鹽刻即停運之說以惑弄商號為射利之計而商人聞此謠言不察虛實遂謂即日停楚爭相搶買囤積冀停楚後可以獲數倍之利不顧成本之輕重不計銷路之寬窄誠恐囤積過甚鹽飭壅塞必為販戶把持不至折本歇業不止且鹽飭囤積在楚者日多一旦真能復准則銷行不及不惟川商受累無極即淮鹽亦必阻遏不行臣因念鹽價日增目前之商本既蹙

奏稿卷二十

後來之辦理殊難不得不預為之計以期面面兼顧因於本年二月內以禁川復准如鄂饒一時無著則濟楚自未可即停乃查照前兩江督臣沈葆楨函商減引行楚以為釜底抽薪之法奏請於行楚引張每月准驗配七八百引以示限制漸定復准張本庶

朝廷諭旨及部臣奏議均可以次遵辦其時富廠又有以六月即行停楚之說捏造謠言廣為散布愚弄商人而商人為其所惑不察虛實羣起爭購以致居奇擡價變化百端殊不知濟楚本未即停若不明白曉示限制一任奸徒影射愚弄將來商鹽成本過重楚岸銷路只有此數勢必至鹽飭充塞受人把持貴賤賤賣則折本歇業自在意中

臣職司鹺政不能不體念商情因於具奏之後即將現議川鹽每月限行七八百引之數一面行知示諭俾各商知卽時停止濟楚之說係屬謠言不致受人惑弄並令各商竈知行引有定數亦可免彼此爭購致令井戶居奇惟昨准部咨以川鹽之浸灌淮岸者有增無減若非停運川鹽則淮銷終無起色若徒酌減引數恐官鹽雖減私鹽更增有損於楚無益於淮等語是欲將川鹽概行停止實爲正本清源之論第此時鄂釐無著濟楚尙未能卽停而射利之徒乃因以藉端搖惑使商人貪多搶買致楚岸愈囤愈多銷路必滯商本虧折情殊可憫且鹽積太多卽將來禁楚定局川鹽既經壅積淮鹽不能暢銷似亦未爲得計又

奏稿卷二十

九

况川人多謠若停楚之成規日久不定致廠竈之浮議日久愈多卽官運購配黔滇各岸亦因此諸多牽制部臣所云濟楚不停不獨南鹺受害實並爲川鹽巨蠹者誠爲洞燭隱情可否請

旨飭下部臣查照再行核議如濟楚現時未能卽停仍請查照酌減引張以示限制之奏暫爲通融辦理俾行引確有定限則浮議不能惑人井戶自無從居奇商竈亦不致折本俟日後復准一定楚鹽既少囤聚淮岸自可暢銷實爲兩全之策是否有當謹附片具奏伏乞

聖鑒訓示謹奏

查衆野番滋事派員查辦片 光緒六年八月十五日再裏塘交界地方有下瞻對所轄查衆野番一支其人兇悍強橫向難馴服咸豐年間該野番疊次出境搶劫裏塘土司帶兵往擊被其槍斃經前督臣先後派員勦辦初未痛加懲創該野番自知不容於衆遂降於中瞻對附和工布朗結爲逆迨後中瞻對被藏兵勦平地歸達賴喇嘛該野番復降於藏歷年由藏派委番官彭饒巴帶兵戍守瞻對隨時鈐制該野番尙知畏懼後因月派接戍之番官若康撤約束稍寬該野番舊態復萌肆行糾擄裏塘境內土民糧食牲畜以及漢塘官馬甚至逼勒裏塘所管木拉石番民三百餘戶歸彼屬下致土司等忿極不甘本年七月

奏稿卷二十

三

初旬臣等接據阜和協副將况文榜署打箭爐同知李忠清稟據裏塘正副土司德讓江錯更登丹批並四家曲宗喇嘛等譯稟稱伊等因查衆野番屢次欺陵擄搶不堪其苦已調集土兵數千分作兩支欲與野番打仗該野番亦聚兵抵禦稟請作主並據裏塘守備馬文英報同前由等情轉稟前來臣等當查裏塘糧員章紹曾已於本年三月委赴雲南中甸交界會審夷案尙未回臺接管糧員何焜亦尙未到任僅守備馬文英一人料理恐難蒞事兼值駐藏幫辦大臣維慶正由裏塘進藏深慮稍有疏虞隨飛飭李忠清酌帶漢土弁兵一百名兼程馳往彈壓查辦旋據李忠清報稱六月二十九日抵裏查悉該土司喇嘛帶兵

一支已於六月十五日與查彙接仗獲勝擒斬野番二十餘人並收回木拉石番民三百餘戶仍屬土司另有一支往攻查彙巢穴相持未下李忠清當經選派番民敬信之呼圖克圖分往切實開導令兩造迅速罷兵聽候查辦並探聞若康撒亦派藏兵三四十騎來與兩造和解等情臣等以查彙野番從前頻年搶奪逼勒番民固屬頑梗而裏塘土司喇嘛等並不先稟請示辦理輒擅自調兵攻擊亦殊藐玩現經李忠清派人前往開導該土司喇嘛已否遵諭息兵尙無確信雖蠻觸相爭事所恆有設因此尋衅不休釀成邊患貽害非輕當即會商揀委候補知府楊福萃酌帶親兵六十名並阜和營弁二百名星馳前往裏塘會

奏稿卷二十

三

同該處糧員何焜等相機籌辦設法解散諭令兩造罷兵靜候分別持平查辦以靖邊荒一面由五百里飛咨駐藏大臣色楞額嚴飭藏酋飛行戍守瞻對番官若康撒將查彙野番認真約束不准妄行滋事自干誅戮除辦理情形容再續行具奏外所有裏塘土司喇嘛調兵攻擊查彙野番現在派員查辦緣由謹會同成都將軍宗室 臣 恆訓附片具陳伏乞

聖鑒謹

奏

黔省鹽稅各款由川徵解片 光緒六年八月十九日

再黔邊鹽務上年改辦官運因黔省凋敝之餘鹽釐過重有礙銷路當經奏定每年四川認解黔釐銀六萬兩計每引不過攤銀四兩俾成本輕減商販易於行銷冀可漸次規復舊岸嗣開辦後疊據各商呈稱黔省釐卡雖已裁撤釐金由川認解而運鹽入黔經過各關卡徵收鹽稅及各項經費合計每引共須納銀四五十兩不等商力實難支持懇請咨商裁減 臣 伏查黔省鹽稅部定科則每年止七千餘兩惟地地方向來瘠苦又經兵燹之後辦理一切撫綏善後事宜如各處舊設書院義學孤貧義助棲流所育嬰堂報資站費硝磺工本緝捕經費修河修路以及塘卡哨

奏稿卷二十

三

房等項經費均須籌款羅掘為難不得不設法徵收藉資挹注第不議裁革則成本過重加以官吏需索書役留難各商畏阻不肯運鹽直入腹地銷售荒廢口岸終不能一律開通於川省引課既多停積亦於禁川復淮大局有礙若盡予裁革則黔省各項經費均無所出地方公事又無從措手三月間 臣 與貴州巡撫 臣 岑毓英在赤水晤面再四籌商並核算黔省各項經費每年需用實數計連稅銀七千兩每水引一道須共徵銀十兩始敷分撥議即於川鹽入黔之永仁碁涪四岸按引總徵解黔一稅之後黔中各關卡概不准分釐重徵需索留難庶能涓滴歸公不致別生弊竇第此項收數雖較以前裁減三分之一然必須

出自各商情願始能照辦若商情稍有不順即不能稍事
抑勒當飭唐炯傳集各邊岸商號到局公同妥議該商等
深明大義僉以為現議收數較前已減去大半黔省地本
瘠苦若不稍資商力地方公事亦難辦理商等具有天良
豈敢不思急公遂各欣然樂從頗形踴躍今試辦兩月銷
引較多鹽價亦減商民毫無間言並據各該商情願永遠
遵守官運並現議稅釐一切章程辦理呈懇唐炯詳請具
奏立案以資恪守臣等查現在時勢艱窘官吏之浮收亟
宜嚴禁而辦理地方一切亦實有不能不稍為變通之勢
但商情一有不便諸事即滯礙不行今鹽稅復歸定章而
各項經費又照從前裁減三分之二且不受各關卡需索

奏稿卷二十

三

刁難商人暗中多獲便宜是以羣情大順爭先領運以期
深入行銷使黔民得以食賤而黔省辦公經費有著亦不
至動形掣肘自可永遠遵行至徵收稅釐及各項經費既
議由四岸總收本應由黔委員辦理惟現屬試辦一切情
形黔省委員或不能熟悉現議仍由川局代為徵收分解
勿庸輾轉以免商情疑懼所有會同妥議黔省總徵鹽稅
及各項經費銀兩商號樂從試辦兩月均無異議各情形
謹會同貴州巡撫臣岑毓英合詞附片具奏伏乞

皇太后

皇上聖鑒謹

奏

勦辦我邊夷匪並勦捕雷波野夷摺光緒六年九月初二日
奏為派員勦辦我邊出巢搶掠夷匪迭次獲勝現經分別
辦理勦撫並另調勇營勦捕雷波句串野夷各情形恭摺
具陳仰祈

聖鑒事竊臣等前將我邊夷匪出巢搶掠派勇勦捕並飭

查馬邊夷支有無句結各緣由附片奏明隨於本年八月

初九日專差齋回原片內開軍機大臣奉

旨知道了著即飭令派出之員確切查明並令馬邊廳轉

飭該管土司一併確查認真究辦毋任稍涉朦混欽此欽

遵轉行各廳營一體查辦去後伏查夷性犬羊最易反覆

全在地方文武隨時妥為控馭庶相率馴服不致生心臣

奏稿卷二十

三

等前於拜摺後查明我邊此次出巢滋事係由文武官撫
馭失宜並非馬邊竄入現將該廳通判楊銘營參將倪天
元撤任另委候補通判姚建寅儘先副將彭炳輝接署廳
營篆務並令會同前派泰安武字兩勇營認真妥辦前據
楊銘等報稱六月初一日夷匪在城外之觀音巖捆擄初
七初十等日又竄核桃坪劉家溝擄去男婦多名燒燬民
房礮堡勢甚披猖臣等以姚建寅等均係新任必得明幹
大員督同籌辦方能得力查有管帶達字左營補用知府
張世康紀律嚴明夷務熟悉當飭率領所部勇丁前往督
同相機勦撫又因夷地林深箐密道路紛歧必須四路兜
截勦捕方不致落空復調壽字右營遊擊何炳元率勇馳

往與泰安武字兩營暨廳營哨弁兵勇均歸張世康調遣
以一事權茲迭據張世康稟稱查明義夷十三支惟胄扭
雅紮別挖等支族類極繁向多滋擾並探悉甸串雷波廳
烏拋等支生夷乘閒夥同搶掠當即審度地形距廳城六
十里隔河之化林坪羊腸一綫地勢極險為夷匪出入咽
喉化林坪以外蠻寨聯絡必先扼其出巢之路而後勦辦
乃有把握隨派隊前往分營扼紮遂有哈什等三支聞風
震懼由附近團約繳械投誠張世康察其歸順真心分別
犒賞給示令安住牧一面派泰安中營副將林叢文暨署
參將彭炳輝率兵勇由左路進紮梯子巖大礮臺各隘口
堵截胄扭各支派武字副前營總兵唐珊峰暨遊擊李飛

奏稿卷二十

奏

龍率廳營各勇由右路進紮龐兒埂鵝項頸各隘口堵截
別挖各支張世康督隊居中策應搭造浮橋攻雅紮堅巢
七月二十七日渡河夷匪呼號蜂湧而來我軍槍礮環施
轟斃兇夷三十餘名傷匪百餘名該夷被創奔竄墜巖落
澗數百人張世康督勇直前立將化林坪險要占據並將
營壘登時築成該夷失險叫謀疊爭各兵勇密排槍礮四
面轟擊即紛紛潰退八月十一日左路林叢文等督隊進
勦團包山夷匪約數百人由山半突出有騎馬夷酋二人
揮眾直前拒敵署雙溪汎千總王春芳率馬兵王經緯羅
天元及各兵奮勇直前攻擊立將夷酋二人生擒到營復
殺斃兇匪三十餘名帶傷十數名餘皆向深林奔匿汎弁

戴占標復擒獲悍夷一名訊名木雞牟扭搖千供認屢出
燒槍不諱當在軍前正法十二日張世康督隊前攻忽山
腰中突出蠻匪數百矢石齊飛各兵勇奮不顧身縱橫直
進斃匪十餘人匪勢不支千總朱國祿遇一兇悍夷酋持
矛刺貫左耳該千總裹創血戰遊擊李鴻順乘勢進前將
該夷酋矛桿挽住遂將該夷砍斃夷眾全行奔潰十四日
右路唐珊峰暨千總羅占魁薛占龍賴占虹由白沙溝搜
勦又傷夷匪數名並生擒夷娃夷婦五名連日計殺斃悍
匪約三百餘名奪獲氈衣木弓弩箭刀矛七百餘件救出
難民七十餘人陣亡勇丁孫國壽七名兵勇帶傷者十餘
名夷匪漸知畏威多欲投誠等情前來 臣等以夷人慣技

奏稿卷二十

奏

恃其山深路險專以埋伏見長每遇官軍輒不戰即退及
官兵乘勝跟追而四山之埋伏猝起往往受其傷害自須
各營步步環攻方能遏其竄逃得以大加懲創當諭張世
康聯合各營層層接應務將該夷匪設法痛勦使其力蹙
勢窮自行帖服然後准其投順以冀日久相安正批飭聞
接據駐防雷波經武營提督邵永齡署普安營參將周興
祿署雷波廳通判趙席珍稟稱涼山野夷庚紮烏拋阿忽
各支約數百人前於七月內因我邊夷匪句結由沙灣老
林出擾經兵勇出擊斃匪五名救出難民十餘人又竄大
漢汎山王廟燒燬民房多間傷斃團丁八名邵永齡等各
督兵勇擊退突於八月初六七八等日有夷酋木姑糾匪

二三千人竄至廳城附近一帶邵永齡等一面防守並派
總兵周勝得向集梧千總毛廷魁軍功許洪順等分帶隊
伍出城勦擊木姑率匪撲近城下向集梧直前抵禦被木
姑拒傷左項復忍痛揮刀力擊砍傷木姑肩臂周勝得等
繼進立將夷酋木姑生擒回營向集梧傷重逾時陣亡各
夷見該頭目被擒登時驚潰四散官兵乘勝跟追殺斃兇
夷七八十人該夷匪退出城外三十餘里之牛喫水地方
因目前兵勇不敷分布請兵添勦等情當經 臣等會商飭
令提督銜補用總兵李培榮統領所部壽字各營剋日馳
往督同該廳營認真勦辦並飭該文武悉聽李培榮調度
俾免意見參差復令隨時知照我邊各營互相勦擊迅速

奏稿卷二十

毛

藏事已於八月二十一日率隊啟行 臣等查夷匪野性難
馴貪利無厭其平日皆以擄人搶掠為事又多恃其地居
荒遠山箐叢密易於藏身官兵勦捕多不能及故往往一
股滋擾羣夷即從而附和迨官兵勦捕前進事急則請命
投誠事過則又潛出肆擾此其積習我邊雷波與馬邊各
夷緊連夷人性情欲令懷德先使畏威故必於生亂之夷
嚴加誅戮歸化之夷加意撫綏俾其畏而知感地方庶期
安謐 臣等惟有督飭各將弁分別相機勦撫以期服柔伐
叛又安邊境仰慰

聖懷除行馬邊文武防營一律嚴防並俟張世康李培榮
將以後籌辦情形具稟續行奏報暨此次陣亡弁兵應候

事竣彙案請卹外所有派員勦辦我邊夷匪迭次獲勝並
調勇助勦雷波廳夷匪各緣由謹會同成都將軍宗室 臣
恆訓由驛四百里具陳伏乞

皇太后

皇上聖鑒訓示謹

奏

奏稿卷二十

天

時局多艱敬抒管見摺 光緒六年九月二十三日

奏為時局多艱事機宜審謹就 微臣 管見所及籌畫情形

恭摺密陳仰祈

聖鑒事竊查俄人以伊犁之約未經准行陰蓄狡謀冀填
慾壑本屬意中前

特派曾紀澤赴該國會商議辦刻未知議論若何近自八
月以來外間屢聞俄人有向各國借銀五千萬兩以作兵
費並有鐵甲兵船多隻在粵閩各海面停泊游駛有漸入
北洋之語川省僻處西偏虛實未能確探第以俄人用心
很鷙此次發難殊屬可慮五中憂憤寢饋難安用敢審察
時勢殫心籌畫稍冀有裨大局敬為我

奏稿卷二十

无

皇太后

皇上陳之 臣 維禦敵之道其審端在於知己知彼其作用
在於蹈隙乘虛方今俄人恃其強梁動輒構兵議者觀其
情形謂彼必與我戰此尚未深明敵情者也 臣 以為俄人
此次之事其居心仍欲與我和耳其所以借饜徵兵張大
聲勢者特係故作一戰局挾以為脅和之具其實俄人之
慣技而亦中國所深忌者也我於此若直以論戰則俄人
轉謂我失信恃強必將羞惱成忿而兵連禍結日後之事
未易轉圜 臣 愚以為此時仍當故為說和以緩其目前暴
厲之氣而特不可輕以定和以折其日後覬覦之心且俄
人注意在以戰脅和而我亦必以戰制和以與之抵持第

能持之稍久當可於難解之中得善解之法故戰事斷不
可不備而尤不可不嚴備蓋俄人必謂我之不敢戰故動
言戰以怵我我之戒備不嚴則窺我形勢單弱必將出死
力以與我爭設使其一爭而勝事益費手此開關繫閒不
容髮 臣 愚以北洋為津沽門戶而津沽又為

畿輔藩籬竊計此時之事要以西路新疆為輕而東北路
海面為重東北路之中又以東三省為稍輕而津沽山海
關為最重俄人揣我所忌固必趨赴東北直達津沽以思
一遂狡謀 臣 近窺

奏稿卷二十

三

東北防局可謂悉臻周密然 臣 鯁鯁過慮者則以我注重
津沽所有布防之兵全在該處一面而俄人進逼津沽其
後路毫無牽制則津沽僅以一面制敵此外全屬空虛似
非萬全之策也或云俄人得力全在海面後路焉能設兵
不知俄人恃海面為駐兵之地以圖進取迨其進取要非
離海登陸不為功夫其離海登陸之處即是俄人後路亦
即是津沽前路今俄果與我議戰勢必徑犯津沽使津沽
以前無兵則俄人舍舟登陸其後路即可脫然得以全力
制我而津沽之勢孤至於機勢緊迫而後別調他兵以相
援姑無論山海關之防其勢萬不能分顧即使勉強分顧
而山海關為其掣動俄人又得乘虛扼我要隘分兵旁援

而津沽之勢愈以難支此誠得失關頭毫釐千里決不容
 誤臣愚以為現在津沽山海關之防既經籌布更須於津
 沽以外查明俄人由海登陸之地擇要屯紮勁兵二三萬
 人以作俄人後路旁擊牽制之師如其進逼津沽則李鴻
 章之兵扼其前而後路牽制之師或截其後或抄其旁使
 彼有腹背受敵之虞而我得前後互擊之勢庶津沽之防
 不致遂成孤注而俄人亦斷不能遽犯津沽但能力持數
 月令其師久自老則戰事既不至失機即和事必易於為
 力似為計之得者也惟臣竊有慮者俄人果欲用兵總以
 力犯津沽為上策若其後有旁擊牽制之師則進不得逞
 其狡謀勢必將我後路屯紮之師悉力攻擊以去其所忌
 是後路屯紮之兵轉獨當俄人之衝其勢本屬喫緊而其
 局實覺寬舒惟洋人堅忍悍驚如其併力於此則非尋常
 能戰之將可戰之兵遠能勝任伏乞
 皇上慎加揀派並將臣所陳情形局勢速行
 密飭軍機大臣暨李鴻章等詳細審度奏明辦理切毋以
臣言為迂不勝迫切懇款之至至臣受
 恩深重才智疏庸當此多事之際
臣宵旰備極焦勞而臣乃安處西陲不能竭智效忠以稍分
 主憂於萬一負心抱咎無地自容現在情勢若何傳聞未
 足為據而局勢隨時更變實為憂心此時惟冀事機順手
 如果稍形緊迫伏乞

迅賜諭旨臣即當簡率精銳刻期兼馳以赴事機力維大
 局決不敢稍形委靡坐貽
 君父之憂至臨時一切饒事臣當預行籌措不敢上煩
 宸廑拳拳愚忱惟祈
 俯鑒所有微籌畫現在局勢情形是否有當謹恭摺由
 驛五百里密陳伏乞
 皇太后
 皇上聖鑒訓示謹
 奏

奏稿卷二十

黃林材游歷回川片 光緒六年九月二十三日

再臣前以西藏密邇印度英人占據獨吉嶺加意經營尤與藏衛逼近曾奏派江西歲貢生黃林材游歷印度察看形勢繪畫輿圖以資考證奉

旨允准在案經總理衙門照會英國公使給發護照黃林材隨於光緒四年七月由成都啟程行至巴塘因番人攔阻遂由番地繞至雲南中甸經麗江大理永昌各府至騰越廳出關過野人山人緬甸國境至蠻暮新街附輪船沿金沙江而下過緬甸阿瓦都城以達漾貢海口又附輪船行六晝夜抵東印度孟加拉僑寓該處隨復乘坐火車游歷各境北至獨吉嶺東北至亞山東至達喀姑斯替西至

奏稿卷二十



厄納特亞加拉得希等城西南至孟買信地等部五年九月由阿拉干喚家亞航海回至濠貢徧歷南洋檳榔嶼麻六甲新嘉坡諸島暨安南西貢等埠由香港入口本年六月回抵成都銷差繪成五印度全圖一冊譯出印度博物院所藏西域回部圖一冊四川至西藏路程雲南至緬甸路程圖各一冊所著游歷芻言一卷西徼水道一卷除咨送總理衙門存覽外查該貢生於天文輿地算學俱研精有年經前江西學臣許庚身奏保在案此次游歷所至輒用西法測算如川滇徼外雅魯藏布江及瀾滄潞江龍川檳榔諸水道因隔野番山寨人迹罕到中西輿圖多所沿誤黃林材親履其境頗多考正其所譯西域圖參考中土

各家圖志究悉古今沿革所有慈嶺東西天山南北裏海鹽海諸部落形勢並俄人新建鐵路電綫之類略用顏色區別亦極精審至其經歷雪山天險野番山寨瘴霧毒瘴之區往往旬日不見人煙晝不粒食夜即露宿其堅忍耐苦之概尤堪嘉尚相應仰懇

天恩俯念微勞足錄准予獎敘所有江西歲貢生黃林材請以國子監學正選用其隨同游歷繪圖之文童裘祖蔭逾格鴻慈謹附片具奏伏乞

奏稿卷二十



勦辦我雷夷匪獲勝分別勦撫摺光緒六年十月二十三日
奏為官軍分勦我邊雷波兩處夷匪大獲勝仗分別勦撫
恭摺馳陳仰祈

聖鑒事竊臣等前將派員勦辦我邊出巢夷匪疊次獲勝
分別辦理勦撫並另調勇營勦捕雷波句串野夷各情形
由驛具奏茲於本年十月初四日遞回原摺內開軍機大
臣奉

旨另有旨欽此同日承准軍機大臣字寄光緒六年九月
十七日奉

上諭該處夷匪疊次滋事必使之懷德畏威方可安其反
側著丁寶楨飭令張世康李培榮等認真勦辦分別良莠

奏稿卷二十



勦撫兼施並飭該處地方文武一律嚴防妥籌辦理毋稍
大意等因欽此臣等跪誦之下莫名欽服當即恭錄

諭旨宣布各營暨該文武一體欽遵照辦臣等前於拜摺
後迭據委辦我邊夷務管帶達字左營補用知府張世康
稟稱我夷自經八月半前痛勦後即有蜚爪馬家窺西等
支陸續畏罪投誠惟雅紫胃扭別挖各支恃其人眾力強
據險負隅並聞有再句涼山野夷拒敵之信張世康以該
夷狡誦異常非大加懲創不足懾其氣而服其心且恃其
化林坪一帶路險巢深官軍未能深入計必招募熟諳山
徑土人用資引導免中埋伏包抄以期制勝當於八月二
十三四等日先籌墊經費挑選鄉導五六百名分給各營

奏稿卷二十



即派左路泰安中營副將林叢文署我邊營參將彭炳輝
分率勇兵由大礮臺進紫沙堆關校場壩派右路武字副
前營總兵唐珊峰管帶應勇遊擊李飛龍分率各勇由龐
兒梗進紫乾溪坪魚兒坪蘿葡坪張世康由中路化林坪
進紫梨兒灣跑馬坪剋期激勵勇丁層層掃盪並派管帶
壽字右營遊擊何炳元分哨屯紮距鎮遠營二十餘里之
團寶山平壩等處游隊扼防為後路策應派參將倪天化
帶領營兵以顧運糧要路九月初一日達字營遊擊李鴻
順都司駱宗保帶隊由梨兒灣進攻熱水堅巢悍匪數百
人潛伏山腰矢石如飛各勇槍礮齊施轟斃三四十名更
有兩溝伏匪繼起衝突駱宗保等分頭力戰連斃兇夷百
餘名賊始奔潰我軍乘勝跟追落澗墜巖者二三百名縱
放火箭噴筒焚燬蠻房一百餘間初四日守備冷洪高都
司吳占才督隊由跑馬坪進攻鍋圈巖該處一綫羊腸蠻
酋屬聚有雅紫悍酋連梗胃扭悍酋搭涼各糾黨六七百
人潮湧而來木石弩箭勢同雨下我軍勇氣倍增屢戰數
時斃匪二百餘名該夷分數股拚命拒敵冷洪高受矛
傷又被巨石擊傷左膀皮開肉綻猶裹創血戰砍斃兇酋
連梗勇丁楊鴻順劉得慶等生擒兇酋搭涼乘勢追殺又
斃匪五六十名值李鴻順等帶勇攀藤附葛繞出鍋圈巖
前路拋擲火蛋焚燒蠻房二百餘間該匪見官軍擣其巢
穴勢不能支俱竄入老林而逃李鴻順等立將該險要奪

據收隊屯營其左右兩路林叢文唐珊峰等亦各連日出隊斃匪二百餘名並生擒別挖悍酋鐵脚兒正法計連日陣斃夷匪五六百名奪獲刀矛弩箭三百餘件救出難民三十五名陣亡勇丁十三名受傷五十餘名分別恤賞醫調其呆得蒲雞哈兒等支見我軍勇悍難當心膽俱落自願繳械輸誠此外雅紫等各支尙形負固張世康現已督兵深抵夷寨擬再督飭各營奮勇進攻此張世康勦辦夷夷之實情也又據提督銜補用總兵李培榮稟稱九月十一日馳抵雷波查得烏拋阿忽等支與峩夷雅紫胃扭狼狽爲奸而所糾涼山吳奇石租各野夷甚爲獷悍此番出巢焚擄甚多殺掠亦衆飽載而還恐羣夷相率效尤且查

奏稿卷二十

三

雲南永善縣所屬之副官村金沙江與雷波處處毗連時有匪徒出沒尤慮該夷乘機勾結更易滋蔓因查雷我各邊山深箐密路徑紛歧夷匪恃爲天險每於山徑叢雜之處多設埋伏兵勇一經深入輒易迷惑失道爲其所敗是以向辦夷務必須多招鄉導步步照應乃能得力臣等因令李培榮招選本地及金沙江一帶精壯可靠熟悉夷巢之人千餘名分交各營作爲鄉導以期深入進攻力破堅巢奪其所恃然後可以震懾其心隨派經武營提督邵永齡都司謝文瑛各率勇三哨進紮黑角馬頸子防賊旁竄派副將張占鼐楊斌率勇四哨由滇岸金沙江直越猓子村繞出明子槓山梁遙爲援應以遏賊後李培榮親督各

營進紮該夷出沒之三稜岡居中調度土司楊德壽被夷匪擾害甚深志在復仇選土練數百名隨軍效用並派普安營弁兵及廳勇分紮夾夾石仁溝汎以顧糧路分撥已定二十二三兩日遊擊汪期紳副將李修德總兵劉鎮湘由三稜岡進取丁家坪田家壩各隘口該處地勢雄峻巢穴如林該匪見我軍初到乘其安營未定蜂擁來撲汪期紳等帶勇直前槍礮環攻斃賊四五十名匪勢不支紛紛敗竄立將丁家坪夷巢攻克趁勢立營二十四日都司黃仕明帶熟習路徑鄉導復由三稜岡小路繞越田家壩直撲長河壩生擒夷匪五名斃賊三十餘名乘勝焚燬蠻棚二百餘間其時田家壩之賊見官軍逼近於二十五日黎

奏稿卷二十

三

明糾集三四人分投拚命撲營喊聲震動林谷汪期紳等帶領鄉導率隊分投迎敵刀矛相接往來鏖戰三時之久夷匪佯退汪期紳知有埋伏密飭黃仕明千總洪成炳分帶鄉導另由小徑繞出焚燒蠻棚以亂其心賊見煙焰四起驚惶無措黃仕明回軍掩殺兩面夾攻斃賊一百餘名餘猶拚死抗拒李修德劉鎮湘等乘勝直前邵永齡從旁橫出截爲兩斷復斃匪二百餘名生擒十八名賊勢大卻我軍勇直向卡隘衝殺忽見卡內火起則張占鼐楊斌兩隊已將後路攔截該匪見腹背受敵紛竄狂奔立將田家壩賊卡攻克乘勝前驅又將羊子橋一帶堅巢踏平計連日殺賊四五百名落洞墜巖死者亦數百名奪獲蠻

刀弓弩矛桿五百餘件生擒二十三人解營訊明正法救出男婦難民四十二名口分別資遣勇丁亦傷亡三十餘人查明月報此李培榮勦辦雷波夷匪之實情也臣等查歷辦各邊夷務叛則勦之降則撫之原期羈縻懷柔不忍盡加誅戮誠如

聖訓當分別良莠勦撫兼施惟該夷反覆無常旋撫旋叛已成鋼習若不先示以威而遠懷之以德則野性難馴兵勇一撤又將生事百姓受害實深自非大張撻伐未易一勞永逸業經批令張世康李培榮等將現在畏罪投誠各夷多張示諭結以恩信厚加撫綏俾安住牧而資觀感一面督同各將領將負隅抗拒之夷匪一鼓作氣歷險奪隘

奏稿卷二十

奏

穩慎進攻總使之畏威乞降再行妥為安撫現探悉該夷匪頗覺窮蹙再能認真勦擊一二次兩處夷匪即可俯伏輸誠然後宣示

朝廷寬大之恩相機收撫勒令繳出捆擄搶掠之難民財物並捆獻滋事兇夷妥議定章分別安置以仰副

聖主訓示周詳軫念邊陲至意再署雷波廳通判趙席珍於該處蠻匪蔓延滋擾疏於防範業已將其撤任另委候補同知王寶書前往署理合併聲明謹合詞繕摺馳陳伏

乞

皇太后

皇上聖鑒訓示謹

奏

奏稿卷二十

奏

野番句串瞻夷攻圍官寨查辦情形片光緒六年十月二十三日
再等前將裏塘土司喇嘛調兵攻擊查彙野番派員查辦緣由附片奏陳在案茲於本年十月初七日承准軍機大臣字寄光緒六年九月二十四日奉

上諭著恆訓丁寶楨卽飭派出員弁妥爲相機籌辦法解散一面選派番民敬信之呼圖克圖分往切實開導務令兩造罷兵聽候查辦並著色楞額維慶嚴飭戍守番官若康撤認真約束以弭衅端等因欽此遵卽恭錄分別咨行欽遵照辦等前於拜摺後隨飛札裏塘糧員何焜趕緊到臺任事會同營弁嚴諭該土司喇嘛不准開仗一面飛飭委員候補知府楊福萃兼程前往相機妥爲查辦毋

奏稿卷二十

聖

任蠻觸相爭釀成邊患旋據楊福萃陸續稟稱九月初二日馳抵打箭鑪探悉裏塘土司等業經遵諭回臺詎查彙野番恃瞻對爲護符抗不遵照句結番官若康撒色空賽等於八月二十日糾集瞻夷三四千直抵裏塘東路之大竹卡西路之曲奎桑營官壩等處連營駐紮兇戾甚張二十四日及九月初旬四出搶劫疊次攻圍土司官寨勒索土司印信要求重賄方允退兵該土司出兵抵禦互有傷亡復分三路直撲臺垣適有巴塘專派軍功三人齎遞駐藏大臣拜發奏摺一匣行至熱水塘被野番殺傷大路梗阻楊福萃聞報以所帶弁兵力薄難資彈壓隨會商阜和協副將况文榜打箭鑪同知李忠清添調土兵一百名另

募親兵一百四十名連前派弁兵共計五百名星夜由鑪起程九月十六日行距裏塘一百二十餘里之西俄洛地突遇野番二百餘人假冒夾壩踞山吶喊攔截楊福萃督率弁兵排隊齊放洋槍轟斃十餘名始行潰退軍火等項並無遺失等情前來並據何焜李忠清巴塘糧員嵇志文各稟報大致相同等查裏塘土司喇嘛與查彙尋仇購衅一經開導卽遵約束該查彙野番本屬野性素慣搶擄茲復句串瞻夷糾眾妄爲撲圍官寨臺垣並傷齋摺差弁實屬凶頑法難寬宥該番官若康撒等附和肆兵滋擾尤爲無理橫行惟該野番等此次恃強犯境總由土司喇嘛擅自興兵攻擊致啟爭端現在相持日久若不設法撫綏先行遣散不特邊地土民遭其蹂躪更恐臺垣亦有疏失關繫匪輕當經批令楊福萃迅速前進督同該塘文武察看情形妥爲解散再行分別持平查辦如果該野番抗不遵諭始終拒敵卽飛報察核由等酌派勁兵相機懲辦現一面飛札况文榜挑備得力官兵五百名札明正土司挑選精壯奮勇土兵一千人預備整齊聽候調遣先示聲威俾該野番聞風斂戢並飛咨駐藏大臣嚴飭藏酋迅將若康撒等撤回究辦另派曉事番官接戍瞻對以遏亂萌至巴塘所派摺差果否因傷殞命摺匣會否遺失已飭楊福萃等確切查明如果失落卽稟報咨由駐藏大臣補繕奏陳至現在欽奉

奏稿卷二十

聖

諭旨令相機籌辦臣等現又添派委員趙光燮前往會同楊福萃並打箭鑪同知李忠清等妥籌辦理臣等惟有督飭該委員糧務等悉心籌畫剴切開導各番曉以利害務令解釋仇怨迅速撤兵番眾聽候查辦不徒妄為自干誅戮以期邊境乂安設該番眾恃強不服仍行搶奪攻寨自非稍示懲創則犬羊之性愈肆兇橫臣等當再詳審機宜斟酌辦理固不可輕議加兵亦不敢稍涉疏縱用副

朝廷綏靖荒服至意除辦理情形續行奏報外所有查衆野番向串瞻夷圍攻官寨臺垣殺傷摺弁暨現飭查妥辦緣由謹會同附片具陳再正繕摺間復接楊福萃來稟該員行抵裏塘時日擊番兵情勢甚覺披猖即經諭令該番

奏稿卷二十

聖

等迅速撤回聽候查辦乃候至兩日竟無一人前來隨復飭派阜和營通事李朝富暨文生楊福益直赴該番營婉為開導不啻再三該番兵等只允暫不開仗至欲令退兵則必須瞻對番官索康色信到始能照辦等語查係實在情形當復專弁星夜馳往瞻對札調索康色來裏聽候查辦現在該番官索康色已遣專弁施澤王懷義二人先行回裏報稱定於十月初一二日親至裏塘聽候辦理視此情形似尚不難解散等語臣查查衆野番雖素極橫霸搶掠為生然此次敢於攻撲臺垣官寨擾入內地實倚瞻番為護符現在瞻番索康色既願到塘聽候查辦則查衆已無所恃辦理自易就範臣等現已批飭楊福萃於索康色

到塘後剴切諭導令其迅將瞻兵即行撤回再為查明查衆與裏塘滋事各情秉公辦理以靖邊地而免兵端容俟續有稟報再行恭摺具奏合併陳明伏乞

聖鑒謹

奏

奏稿卷二十

聖

夔關短徵額稅由宜漢兩關劃抵摺光緒六年十二月二十三日

奏為會議夔關免徵額稅請照宜漢兩關每年所收出入

川省子口半稅銀數開除奏銷恭摺具奏仰祈

聖鑒事竊臣等前准戶部咨會同總理各國事務衙門議

覆夔關驗放洋票過多照章免稅免釐短徵愈鉅擬請核

實辦理一摺令查明此免彼徵確數據實會奏無涉兩歧

至洋稅定則較常稅本屬輕減並令約計每年夔關免徵

常稅若干核之宜漢兩關稅則應征洋稅若干查明數目

奏報核辦等因當經臣瀚章臣寶楨分飭遵辦去後旋據

江漢關監督道員何維鍵宜昌關監督道員董雋翰會詳

遵查華洋各商運洋貨入川及辦土貨出川海關與夔關

奏稿卷二十

呈

稅則輕重懸殊彼此徵免之數本不能符合况洋貨入川

先完宜漢兩關子稅而後過夔關其預領宜漢兩關運照

報單由川運出之土貨則又先過夔關而後完子稅宜漢

兩關征稅之日與夔關免稅驗放之日既屬先後參差勢

難隨時核對數目至稅則之輕重宜漢兩關係徵子口半

稅而夔關則照科則全征本係兩歧實屬無從比對惟有

將宜漢兩關光緒三四五年征收入川洋貨並出川土貨

各子稅銀數繕具清摺檢同海關稅則詳咨川省核辦等

情又據管理夔關稅務知府黃毓恩詳查夔關近年驗放

洋土兩貨單照以光緒五年為最多計是年共免稅銀十

五萬七千餘兩各商趨利若鶩此後日新月盛更難預計

經征之員實無力賠此鉅款惟夔關係免全稅與宜漢兩

關僅收半稅銀數既不相符彼徵此免月日又先後互異

銀數斷難一致該府再四籌維若照夔關每年全免銀數

劃抵宜漢兩關之稅則免多徵少未免上虧庫帑惟有按

照宜漢兩關每年實收入川洋貨出川土貨稅銀數目作

夔關免稅數目則兩省事歸劃一辦理較為核實除光緒

四年以前夔關短徵稅銀已由經征之員賠解足額分年

奏銷不計外應請自光緒五年正月為始變通辦理伏查

宜昌關開報光緒五年分徵收入川洋貨出川土貨半稅

銀一萬一百二十三兩一錢三分九釐江漢關開報五年

分徵收入川洋貨半稅銀六萬四千九百三十四兩四錢二

奏稿卷二十

呈

分兩關共收半稅銀七萬五千零五十三兩五錢五分九

釐夔關即照此數作為光緒五年分免徵之數於奏銷時

據實開除俾關員稍輕賠累計夔關每年額征正餘稅銀

十八萬三千七百餘兩光緒五年開除宜漢兩關預徵子

口半稅銀七萬五千零五十三兩有奇尚應徵解額稅銀

十萬零八千六百餘兩以後開除宜漢兩關每年征收川

稅之外川省再不能徵解足額即責成經徵之員賠解庶

國課仍無出入而夔關已免之稅不至虛懸無著等情由

司道核議明確詳請奏咨前來臣等覆查近年夔關免徵

之稅即係宜漢兩關已徵之稅該司道等議請照湖北宜

漢兩關所收子口稅銀實數劃作夔關免徵之數免於川

而徵於鄂既於

國課絲毫無損與通商章程條約均無違背臣等往返咨商似應如詳辦理相應請

旨敕下戶部暨總理各國衙門會覈議覆自光緒五年正月為始所有宜漢兩關每年所收川省出進口半稅儘數抵作夔關免徵之稅由鄂開單咨川按年奏銷所有臣等會議夔關免徵額稅請照宜漢兩關所徵出入川省半稅銀數開除奏銷緣由除分咨外謹合詞恭摺具陳伏乞皇太后

皇上聖鑒再此摺係臣寶楨主稿咨商臣瀚章臣祖賢核定會同拜發因川鄂往返路遠不及會印合併陳明謹

奏稿卷二十

聖

奏

峩邊夷匪肅清摺 光緒六年十二月二十八日

奏為勦辦峩邊夷匪疊破堅巢殲除首逆各支一律就撫境肅清恭摺陳仰祈

聖鑒事竊臣等前將官軍分勦峩邊雷波兩處夷匪連獲大勝分別勦撫情形具奏旋於十一月十八日承准軍機大臣字寄光緒六年十一月初六日奉

上諭即著飭令該官兵等實力進勦務將滋事兇夷設法殲除所有勦撫機宜及善後各事該將軍總督務當隨時酌度悉心規畫妥慎辦理期於一勞永逸等因欽此仰見聖慮周詳臣等莫名敬服謹即恭錄行知各營暨兩廳文武一體欽遵照辦先是臣等查閱峩邊輿圖知錫圍巖以外之金巖溪為悍夷膺聚堅巢異常險峻自道光同治年間迭次用兵均未破及該處是以雅紫等支盤踞猖狂有恃不恐若非痛加懲創不足以制其兇燄當經函諭張世康相機勦撫去後續據該員稟稱自錫圍巖獲勝後九月十三等日遊擊李鴻順等各率兵勇由蘿葡坪分路繞出別立洗高巖村三戰皆捷殺斃夷匪四五百人焚燒蠻房六七百間遂有烏拋蜚爪窺西別拖白窺落底馬家哈

奏稿卷二十

聖

喇別色等支震懼求撫均認捆獻兇夷清還被擄難民繳呈軍械歃血上班張世康察其真切分別撫綏惟雅紫自扭胆巴三支負隅不服且到處句約夷匪拚力抗拒張世康以前路伏莽搜剔已盡定計進取金巖溪老巢即派總

兵唐珊峯由別立洗母豬灣攀藤附葛轉入金巖溪山後派遊擊李鴻順等徑趨巖灣子直逼金巖溪前面張世康督勇分投策應均於十月十八日四更起行將及天明唐珊峯親率弁勇偷進後卡遙聞槍礮聲震知前路得手登山梁分飭隊伍起伏環攻李鴻順率千總王大元等乘勢先登兩面夾擊陣斬雅紫胄扭著名首逆三羊兒扭扭子二名匪眾紛紛潰敗我軍乘勝跟追殺賊五六百名墮巖落澗死者無數奪獲槍礮刀矛弓箭鐵牌千餘件牛馬豬羊數百頭燒燬蠻房七八百間踏平碉卡二十餘座救出難民六十餘名弁勇傷亡四十餘名立將金巖溪老巢攻

奏稿卷二十

兇

克雅紫胄扭等支退遁老林十一月初四日復派總兵喻仁傑副將林叢文等分攻挪落姑巢穴又斃匪三四百名焚燒蠻房二百餘間該夷等勢蹙力窮遣人納款察其屬實勒令獻出被擄難民准其歸降飭具木刻並繕給投誠免死告示令持往涼山一帶互相招集因道途寫遠至十二月初八十二等日各夷始奔走偕來張世康即大張軍威督同該廳文武各營將弁於熱水營次曉以利害反覆諭導此後務當格心向化毋再滋擾自取滅亡各夷首環跪俯伏咸稱此後悔悟誓不再叛即令飲血歃盟各鑽牛皮賞以鹽酒布疋並將歷次陣擒之夷婦夷孩悉交領回各安住牧皆踴躍歡欣而去計前後繳出逃出難民男婦

九百六十餘丁口均分別資遣回籍張世康即將夷漢交涉條約參酌向章妥為籌議稟候核示等情前來伏查邊蠻匪此次構兵倡亂燒殺搶擄勢極鴟張而雅紫胄扭等支實為禍首遠近皆能號召兼以該夷地山深林密路徑紛歧深入進攻易為所困經 臣等檄調張世康等各率所部馳往勦辦一戰於化林坪再戰於錫區巖匪勢已覺不支尙敢負隅抗拒因有金巖溪之舉查金巖溪乃該夷腹心重地從前兩次用兵傷亡兵勇極多圍攻不下遷就了事兼有渠魁三羊兒扭扭子等兇橫獷悍擒斬尤難幸

奏稿卷二十

幸

天威遠播將士用命勦撫兼施殲除首要用兵未及五月遂使內外十四支蠻眾十餘萬人乞命歸附我邊全境肅清此實 臣等所不及料現已批飭張世康等仿照馬邊成案將建碉築堡看路保哨責令黑夷上班及遴選土目添設土兵數大端悉心規畫次第舉行為一勞永逸之計用副 聖主軫念邊隅至意此次在事將領員弁出險入深大小二十餘戰備歷艱辛出師於蠻煙瘴雨之天奏捷於積雪堅冰之地功深戰苦與用兵腹地不同謹擇其異常出力者願懇 天恩先行鼓勵其餘尤為出力員弁可否容 臣等查明彙案請獎出自

逾格鴻慈所有勦辦我邊夷匪疊克堅巢殲除首逆各支一律就撫我境肅清緣由謹合詞恭摺由驛五百里馳陳伏乞

皇太后

皇上聖鑒訓示再雷波夷匪迭據李培榮稟稱節次攻勦大獲勝仗現在匪勢實形窘蹙投誠甚眾並有從未歸化之涼山以內各支夷酋均亦震懾軍威各攜婦女詣營歸服勦撫甚為得手容報肅清再行馳陳合併聲明謹奏

奏稿卷二十

至

攻克查衆裏塘肅清摺 光緒六年十二月二十八日
奏為官軍勦辦查衆巢穴殲擒首逆收回侵占各戶口裏塘一律肅清恭摺馳陳仰祈

聖鑒事竊 臣等前因查衆野番勾結瞻夷圍攻官寨臺垣焚殺搶擄勢頗熾張將查辦情形附片具奏十一月十八日承准軍機大臣字寄光緒六年十一月初六日奉上諭即著檄飭委員諭導該番官將瞻對之兵撤回一面將滋事各情秉公查辦務令兩造帖服永弭衅端等因欽此謹即恭錄咨行欽遵照辦 臣等前於拜摺後迭據委員知府楊福萃稟稱十月初一日瞻對番官索康色到裏謁見舉止言語極為狂悖楊福萃先責之以大義繼撫之以

奏稿卷二十

至

溫語令其撤兵不准附和該番官狡詐支吾遲延三日僅將兵退紮臺垣山後仍暗支查衆首逆工卻得且達馬貢大等帶領千餘人日肆滋擾楊福萃以查夷此次句結外番恃橫無忌非示威無以懾其心即索康色亦不知做隨派都司張洪得千總馮漸遠等帶弁勇三百名屯紮拉捕地方密令正副土司調集土兵約期攻擊初六日查逆四出焚掠張洪得等會合土兵前後截勦斃賊多名軍功李朝富奮勇當先刺殺工卻得且割獲首級達馬貢大等紛紛潰散連夜率眾敗歸三寨始將寨垣圍解瞻番乃陸續撤回惟索康色尙帶三百餘人盤踞裏塘要求賞需楊福萃多方駕馭賞茶六百包該番官仍復逗遛楊福萃因密

諭該弁兵等不准擅動軍械但揚言如敢抗拒即行攻擊並聲稱已調阜和明正漢土官兵不日即到懾以聲威索康色聞風惶懼始於十四日徑帶查衆首逆格桑登舟工布朗杰札祿工呷三首犯逃回瞻對楊福萃以查逆被該番官帶回則查裏構衅之事無憑訊辦不得已一面將各處被難土民酌發銀兩撫卹一面調毛了崇喜曲登三處土兵一千數百名派都司楊福恆張洪得等帶領分攻上下兩寨而自率弁兵進圍中寨二十八九等日三路齊集先行大張示諭准其投誠免罪詎達馬貢大等乃敢率黨抗敵楊福恆手執洋槍將其擊斃我軍乘勝槍礮環施各番見逆首殲除羅跪寨前泣稱均係各土司部民誤被煽

奏稿卷二十

五

惑情願悔罪歸誠不敢再叛楊福萃察其真切許以不傷一人即令引官軍入寨搜捕餘逆贖罪旋據張洪得等各擒獲索朗江策札衆阿葱丹者汪學喜札此日及格桑登舟之子汪清工布汪杰之弟成勒以業吳則江策等十餘首犯回營訊明分別辦理並飭弁兵將寨內圍牆及碉樓十餘座概行折毀三寨一律蕩平木拉石數百番戶仍來歸土司管轄其投順各番楊福萃先恐嚇以同惡共濟必加誅戮之言而密令各土司代求恩貸邀懇再三方飭核實造冊將其領回各安住牧面諭以後務受土司約束不准妄爲均感激歡欣而去楊福萃即於十一月初八日帶兵折回裏塘籌辦善後等情先後具報前來_臣等查查衆

野番原係裏塘部落其始不過數十家歷年逼脅土民遂多至一千七八百戶自咸豐初年即恃其獷悍強橫冒充夾壩搶劫爲生嗣又投附工布朗結黨惡助逆歷經前督_臣派員辦理率皆敷衍彌縫愈縱愈驕毫無忌憚本年裏塘土司喇嘛調兵攻擊實亦忿極使然並非無故尋仇詎該野番更串瞻夷圍攻官寨臺垣實屬異常頑梗若不相機懲創將來擾亂益深自楊福萃督同兵弁斃匪多名而查逆膽寒擊退瞻夷而番官氣沮帶兵進取碉寨悉平遂使索朗江策等成擒授首木拉石番戶仍隸裏塘該野番從此或可冀其安靜且從前每次查辦糜費總在七八萬金此次楊福萃體念時艱力求撙節且辦理迅速用銀不

奏稿卷二十

五

過二萬數千兩尤爲事半功倍_臣等現飭該員務將善後事宜悉心籌畫議明條約永遠遵行並令嚴諭各土司將投順各番加意撫綏不准陵虐苛斂別釀衅端一面飛咨駐藏大臣轉行商上勒令索康色迅將帶回之格桑登舟等三逆交出歸案究辦以杜後患並將該番官索康色撤回治以越境滋擾之罪另派曉事番員接戍以期邊地乂安至委員鹽運使銜即補知府鼓勇巴圖魯楊福萃不辭艱苦於冰天雪地中蕙功安速洵屬勤勞卓著相應仰懇天恩准其俟補缺後以道員用並

賞換清字勇號出自逾格鴻施其餘出力員弁可否容_臣等擇尤酌保以示鼓

勵所有官軍攻克查衆巢穴殲擒首逆裏塘地方一律肅清緣由謹合詞由驛五百里具奏伏乞

皇太后

皇上聖鑒訓示謹

奏

奏稿卷二十

奏

請 飭駐藏大臣勘明內地疆域劃界立碑片 光緒六年十二月二十八日

再查中瞻對地方自上年工布朗結爲逆經藏兵勦平適值川省軍興饟需告匱無以償藏中兵費遂奏明將此地賞歸達賴喇嘛由藏派番官前往戍守在達賴喇嘛渥荷天恩原不敢夜郎自大卽藏酋商上亦莫不就我範圍惟所派番官鮮知大義以爲得此重地與我抗衡遂每肆鴟張漸恣蠶食如從前之彭饒巴勒令曲登土司投誠每年納丁銀五十兩近年西北兩路之孔撒朱窩魚口德蓋及裏塘屬之阿巴三村竹巴籠五村各頭目土民畏索康色兇燄勉強歸附納賦當差而且內地夾壩逆番盡以瞻對

奏稿卷二十

奏

爲逋逃之藪該番官既縱令肆行搶劫又袒庇爲之護符一遇有事臺員土司等慮開邊衅不敢過問卽或稟報咨藏行查不但累月經年毫無端緒並敢抗詞推諉奸狡不承遂致跋扈強橫日甚一日至此竟敢大肆猖獗稱兵犯境圍攻臺寨焚殺百姓據此情形已成邊荒隱患幸楊福萃辦理尙爲得法有以戢其兇志以後或可相安惟臣等以爲欲杜侵陵之漸必嚴疆界之分溯查雍正年間前川陝督臣岳鍾琪等會勘界址奏明以邦木南礮適中之疑靜山爲界並於喜松工達拉兩山各立界牌且有邦木係通宗鄂城大道不可使藏界包入川界之議昔人思深慮遠具有先見茲查瞻對緊逼鎭廳接連內地一自歸藏

節年蹂躪邊氓不堪言狀在

朝廷廣示懷柔原無須既予復取而界限不清隱憂甚鉅相應請

旨敕下駐藏大臣嚴行商上將索康色撤回後飭令接成番官約期會同裏塘糧員打箭爐同知暨各土司等前往勘明何處係內地疆域何處係瞻對地方劃清界址分立界牌以後土司所轄部落番官不得越境逼勒滋擾瞻對所管地方土司亦不得朦混侵占如有彼此越界滋事即惟各所轄之番官土司是問如此嚴為區分庶土民各安住牧邊隅永息紛爭臣等一俟奉到

硃批敬當刊刻膳黃徧貼各臺站曉諭漢番人等一體周知是否有當謹合詞附片具陳伏乞

聖鑒訓示謹

奏

奏稿卷二十

三

丁文誠公奏稿

卷之二十一目錄

動撥歷欠黔饗歸還援黔的饗摺光緒七年正月二十七日

雷波夷務肅清摺光緒七年三月二十日

機器局購地添製火藥片同日

勇糧長夫難再減裁摺光緒七年三月二十七日

查明無著殘積各鹽引請飭部註銷摺光緒七年三月二十八日

查明鹽務無引羨截請予豁免摺光緒七年三月二十八日

恭慰大孝摺光緒七年四月初四日

請仍頒官運鹽局銅質關防摺光緒七年四月二十九日

補授川督謝恩摺光緒七年五月二十一日

議抽煙釐大概情形摺光緒七年七月十一日

勸辦積穀收有成數摺光緒七年閏七月二十九日

懋功同知等缺改章揀委片同日


岩番劫殺洋人查拏辦理片光緒七年八月二十一日

太甯奉節分別添設學額拔額摺光緒七年十月初二日

籌撥鹽釐辦理川北積穀片光緒七年十一月初五日

西藏官兵鹽糧月費請復舊制片光緒七年十一月初五日

靖遠夷匪肅清摺光緒七年十一月三十日



動撥歷欠黔饒歸還援黔的饒摺光緒七年正月二十七日
奏為川省動撥歷欠協黔兵饒歸還同治九年以後前貴
州提督周達武援黔案內的饒以清款目恭摺仰祈
聖鑒事竊查同治九年九月初六日欽奉

上諭會璧光奏黔省軍務緊迫各摺片崇實等惟以節省
饒需為事殊屬不知緩急著迅速進兵與楚黔各軍聯絡
夾擊不得遷延干咎等因欽此當經前任成都將軍臣崇
實四川督臣吳棠會商具奏請飭貴州提督周達武督飭
武字等營赴黔援勦即以川省原協黔饒改為每月協黔
的饒銀五萬八千兩專供周達武援軍口糧奉
旨允准在案周達武旋於九年十月十五日到黔接防維

奏稿卷二十一

時川省分撥各省協饒為數已多司庫倍形支絀兼顧為
難吳棠等分飭川東富榮各釐局及司庫經收釐捐項下
盡力湊撥陸續解赴黔營計自周達武到黔接防之日起
至凱撤止計由川撥解釐金一百數十萬兩是時以援黔
軍食為重不能不先其所急而川省應籌京外協饒以及
本省臺費向俱賴釐捐以資接濟竟至無款可籌嗣由司
查得川省歷年部撥地丁鹽課等項協濟貴州兵饒因值
軍務倥傯庫藏匱竭尙有未經撥解銀數十萬兩自應以
之撥作援黔的饒儘數歸還前動釐金俾以協黔之饒作
為援黔之用以符名實而司庫應解京外各饒亦得將所
還釐金次第勻撥藉免顧此失彼當經前任各藩司在於

奏稿卷二十一

欠解常年協黔兵饒項下動撥同治五年部撥地丁銀六
萬兩六年部撥地丁銀八萬兩七年部撥地丁銀六萬兩
十年部撥地丁銀十萬兩十一年部撥地丁銀十萬兩十
二年部撥地丁銀十一萬兩十三年部撥地丁銀十六萬
兩光緒元年部撥地丁銀十一萬兩以上共動撥銀七十
八萬兩陸續撥還前籌援黔的饒內動支川東富榮各釐
局及司庫釐金銀兩並將所還釐金銀七十八萬兩隨時
撥解京外協饒及本省臺費等項在案惟係陸續撥還之
項當時未便瑣屑入奏至撥還之後值前任藩司交卸漏
未詳請彙案奏咨茲據現任藩司程豫清理庫款挨年查
明補詳請奏前來臣查同治八九年以前黔省軍務糜爛
先後凡十數載幾於掃蕩無期自唐炯率軍進勦而清水
江北岸始能肅清自周達武統師深入而全省遂克底定
固由各營將士血戰之勞而前任四川督臣藩司籌措饒
精實亦不遺餘力當時庫儲未充東挪西湊悉索供應但
期馬騰士飽早竣全功原未暇各分各款迨後因京外各
饒無可分撥始將前提援黔的饒在於欠解部撥黔饒內
分年撥還而京外各省管協饒藉以分清無誤均係實在
情形現據該司查明歷年在部撥黔饒項下歸還援黔的
饒內所用釐金分濟各省協饒彙案具詳到臣隨覆加確
查無異除咨部查照外理合恭摺具奏伏乞
皇太后

皇上聖鑒訓示謹

奏

奏稿卷二十一

三

雷波夷務肅清摺 光緒七年三月二十日

奏為官軍勦辦雷波夷務疊破堅巢殲除悍匪內外二十支各夷一律投誠就撫邊境肅清恭摺馳陳仰祈

聖鑒事竊 臣等前於奏報我邊蠻匪肅清摺內聲明雷波夷務迭據總兵李培榮稟報連獲大勝匪勢已形窘迫投誠甚眾容報肅清再行馳陳在案先是 臣等查得雷波夷匪以烏拋阿忽庚扎等支為最強悍庚扎向分三大支內又各分十餘小支歷恃路險人強出巢滋擾非大加懲創則犬羊之性桀驁難馴終為邊境大患因隨時切諭李培榮相機妥辦去後旋據陸續稟稱自攻拔田家灣一帶後步步扼險屯營抽派精銳協同添募鄉導土勇四路搜勦

奏稿卷二十一

四

九月二十七二十八九等日官軍節節進攻疊有新獲夷酋楊曲賀盧恆學朱黑達曲挪楊曲耕姑基曲哈散達等均各釋械來營求撫十月初八九等日負主寨夷酋米月鵠盧那巴胡木于八欠丁洪牛等各在對面山頭喊稱投誠當令守備張世傑傳諭如能捆獻為首兇夷繳出槍擄難民始准歸降詎該夷限期認繳連日毫無動靜李培榮當傳各將弁面授機宜於十四日進攻負主寨副將張占龍總兵周勝德提督邵永齡等督隊行至阿托地方夷匪悉眾二三千人憑高力拒我軍以槍礮仰攻斃賊數十人軍功安天壽立新紅衣悍夷一名總兵劉興旺等率兵勇由後路抄出賊眾驚潰退踞漂漂石抵拒遊擊汪期紳等

亦帶隊從小路馳至猛戰十數次殲斃悍夷二百餘名逆勢不支始紛紛敗退官軍追過河岸立將山脚蠻房數百間一律焚燬適總兵劉鎮湘等由長河壩後山繞出因見各軍追賊過河揮隊急前夾攻該夷腹背受敵又斃賊三百餘人生擒四十二名外委卿祖訓湯有能軍功徐連升均因中槍陣亡劉鎮湘跟追至負主寨礮口時已天晚卽收隊就寨外紮營十五日汪期紳郝錦富等率隊由中路邵永齡劉鎮湘等由左路楊斌張占鼇李修德等由右路各帶勇丁蟻行進攻汪期紳先登手刃守礮賊數人砍倒木柵左右兩軍一齊綠柵而上奪據要隘斃賊四五百名生擒五十七名逆夷倉皇失措奪路狂奔落澗墜巖不計

奏稿卷二十一

五

其數立將負主寨攻克平燬礮樓八座焚燒蠻棚八百餘間餘匪俱由母狗坡遁入大小谷堆隨有石租吳奇阿著阿陸金區補節阿合熟租板都各支率土目赴營泣求免死李培榮察其情真優加犒賞而庚扎阿黑等支仍恃其人衆地險負隅如故李培榮隨飭張占鼇等分督勇丁在負主寨左右山梁修築土礮成犄角之勢並於箐林中虛豎旗幟設爲疑兵而自率勁勇千名進紮母狗坡並孳獲奸細訊知庚扎搬來涼山悍黨千人爲抵死拒敵之計適二十五六兩日大雪瀟漫該夷以我兵難於出擊羣在對山呼跳李培榮見其有恃不恐密派李修德劉鎮湘潛由山徑帶兵埋伏一面令汪期紳等出營誘敵二十八日黎

明後夷匪數千盪擁來撲汪期紳等領隊迎擊哨弁賈保勝帶悍勇數十名殺至山腰猝被飛石打傷腦頂陣亡外委丁高全張和保曾占春奮勇衝突生擒庚札敢戰悍夷鵠窩迭忽噠伊三名立卽陣斬該夷拚死鏖戰經黃仕明親督洋槍小队迴環施放擊斃夷匪二十餘人守備黃仕瀛躍入賊隊砍斃夷酋二名突遇兇酋牛滋阿播二人乘閒用矛刺中小腹登時殞命外委丁高全等三員亦中弩矢陣亡黃仕明忿弟之死鼓勇大呼立將牛滋阿播刺殺各夷見悍逆殲除殆盡悉向老林竄逃不虞溪澗深處李修德劉鎮湘等伏兵齊起噴筒火蛋前後拋擊又斃匪二百餘名生擒二十七名該夷奔逃無路擁擠撲河約數百

奏稿卷二十一

六

名我兵追殺二十餘里將大小谷堆立時攻克平燬堅卡二十三處搜殺著名兇夷十數名生擒十二名是役也傷斃夷匪極多而我軍亦傷亡三十餘名庚札等見各夷多已投誠勢成孤立中情惶恐卽令夷酋到營呈懇歸順李培榮以該夷夙稱狡詐根株之盤結旣固黨類之頑悍復多現雖悔罪乞降恐其心猶未死未經允許其時積雪封山李培榮仍日日激勵將士鼓勇前進不少休息本年正月二十四日有庚札亡弟簡巴躬之寡妻母子同其妯娌孀婦五六人率領黑夷眷屬男女數百邀集已降之楊曲等代具連環保結傾巢詣營伏地哀懇施恩至再至三並願全繳難民軍械以表真心李培榮見其投誠屬真准其

歸順並飭傳木刻往大小涼山互相招集於二月十三日各支夷酋率領千餘人均來營飲血歃盟大鑽牛皮李培榮宣布

朝廷伐叛服柔德意曉以利害反獲開陳各夷酋指天誓日永不敢再萌叛志自干誅戮仍各支認輸派令黑夷在雷波廳衙門上班當差隨卽照例賞給鹽酒布疋將歷次擒獲未經斬戮之夷娃等悉交領回各感泣歡呼而去夷務一律肅清具報前來臣等查雷波夷地緊接涼山遠近共二十餘支其間庚札阿黑吳奇石租等支各自爲雄不相統率屢經蹂躪邊疆實屬罪魁禍首歷來進兵勦辦官軍以該處山深箐密進退俱難無敢深入該夷亦從未歸

奏稿卷二十一

七

化此次與我邊雅扎胄扭等支狼狽爲奸出巢滋擾近逼雷城勢極鴟張加以界連滇省之永善縣副官村金沙江等處又爲匪徒出沒之區更慮乘機勾結滋蔓難圖自李培榮帶兵勦辦又添鄉勇引導前驅並約會滇軍嚴密防範阻其勾結竄逸之路籌維布置備極周詳於是節節進勦歷險入深將田家灣長河塌羊子橋負主寨等處該夷自恃爲堅巢者悉予焚燬而大小谷堆尤爲該夷地第一要隘歷來官兵所不及到今一戰奪其所恃則扼其死命該夷自知無能爲力自不得不悔罪輸誠計前後殲除悍匪約一千餘名生擒一百八十餘名奪獲牛馬豬羊數百頭弩箭刀矛一千餘件救出繳出難民男婦數百餘名從

前侵占地土均行收復內外二十五支蠻衆數十萬人及時歸誠雷波全境肅清查投誠之簡巴舫孀婦母子最有膽識伊支人衆均聽指揮李培榮以該夷婦此次深明大義又能約束夷衆事無大小呼應極靈特優給賞需用示羈縻而資箝制復經妥擬善後事宜以該夷支數過繁議添設土千戶二名百戶九名夷兵二十七名酌定章程嚴保甲肅營伍修礮堡平斗秤禁漢奸以及按期關發夷饌責令黑夷上班等條均屬謀深慮遠洞合機宜臣等已飭該廳文武遵奉刊碑永遠照行並委員前往勘明應添礮卡要隘籌款興修期於一勞永逸一面飭李培榮將所募鄉導土勇妥爲遣散歸農用副

奏稿卷二十一

八

聖主綏邊節饒至意至此在事將領員弁枕戈卧雪出入於深林峻坂之中功深戰苦備極艱辛與用兵內地不同不無微勞足錄謹擇其冒死出力者籲懇天恩先行鼓勵其餘尤爲出力員弁可否容臣等查明彙案請獎出自

逾格鴻慈陣亡總兵向集梧等並懇勅部分別從優議卹以慰忠魂此外陣亡士卒由臣等再行查明分別奏咨請卹其受傷各勇現均查明給賞醫調以作士氣而勵戎行所有勦辦雷波夷務疊破堅巢殲除悍匪內外二十五支夷衆一律投誠就撫邊境肅清緣由謹合詞由驛五百里馳奏伏乞

皇太后

皇上聖鑒訓示謹

奏

奏稿卷二十一

九

機器局購地添製火藥片

光緒七年三月二十日

再臣於去年五月將遵

旨復開機器局製造洋槍等件擇日開辦緣由專摺奏明在案現查開局以來仿照西法督工造辦槍礮均有成效可觀惟洋槍須用洋火藥方能發機迅速命中致遠歷年經臣派員前赴山東上海購運來川分撥各營應用所費實屬不貲亟應仍添設機器製造俾資節省而備要需第機器局向設城內人煙稠密只能鑄造洋槍若製造洋火藥則慮別有疏虞自須覓僻靜寬敞之區另建藥局以資分造當飭總理局務成縣道崇綱補用道黃錫燾督同局員等踏勘地基去後旋據勘得省垣南門外離城較遠之

奏稿卷二十一

十

古家壩地方四圍空闊寬廣約六七里絕少民居且濱鄰江干以之安設水機修造藥局甚為相宜並有趙姓民田一處自願出售隨令委員等攜帶官弓眼同丈量計田六畝七分一釐七毫四絲議照時價每畝銀五十兩共銀三百三十五兩八錢七分書契交局價銀如數面給田主趙天佑等親手領訖委無抑勒短少等情臣即飭局員於上年十一月初十日動工修造局房一面派員前往敘永懋功等屬採買硝磺隨時仿造洋火藥所有監造事宜仍歸總局經理所需田畝契價暨修局木石磚瓦等項與泥水匠作工食銀兩仍在機器局奏明之土貨釐金項下開支事竣一併開單核實報銷臣惟當督飭局員樽節興修不

准稍涉虛糜以期工歸實用除咨部外謹附片具陳伏乞
聖鑒訓示謹
奏

奏稿卷二十一

十一

勇糧長夫難再減裁摺 光緒七年三月二十七日

奏為川省勇糧勢難再減各營長夫亦難按照直隸練軍
章程隨時雇募據實陳明恭摺仰祈

聖鑒事案查前准戶部咨川省裁減口糧改換營名核計
東勇每名日支銀一錢一分與前任山東巡撫閻敬銘奏
定東勇口糧每名月支銀三兩數目不符行令將川省各
勇口糧遵照東勇章程每名月支銀三兩造報以節糜費
又准兵部咨以川省各營定章必須雇用長夫以供拔營
運送軍裝之用核與直隸練軍遇拔營之時始行添雇長
夫章程不符行令改照直隸章程遇拔營之時始准雇用
以防冒濫仍將改支日期先行報部各等因當即轉行籌

奏稿卷二十一

十二

釐局司道遵照核辦去後茲據該司道等會詳遵查川省
支發勇糧向祇有楚黔川三項章程原無東勇名目前因
楚勇口糧每名日支銀一錢五分黔勇日支銀一錢三分
每勇百名設正副百長二名口糧倍給設長夫五十名每
名日支夫價銀八分似覺稍優本擬照東勇章程量為刪
減旋查川省錢貴銀賤物價加昂不能不因地制宜使各
勇足敷日食兼之北省運送軍裝均用車輛以代人力川
省跬步皆山既無車輛挽運不能不另給長夫勢所必然
且採買軍食離營或數十里或百餘里亦藉長夫背負是
以未敢議減惟仿照東勇章程摺節定議將勇糧核實支
銷每勇一名日支口糧銀一錢一分每勇百名設正副百

長二名口糧倍之外設長夫五十名每名日支夫價銀八分總計每營每月較楚勇章程節省銀六百十二兩較黔勇章程節省銀三百零六兩已於光緒四年六月初五日奏明在案嗣准戶兵二部來咨以勇糧應照東省定章每月支銀三兩長夫應照直隸練軍章程遇拔營之時始准雇用等因覆查前次酌減勇糧原為力求樽節起見當此庫藏竭廩之時如果勇糧長夫稍可再減不致債事自應恪遵辦理無如川省銀價日低食物日昂各營駐紮之所多係邊瘠之區其價又昂於腹地即照前議章程支給各營勇丁無以贍家已覺拮据若於議減之後復又減支誠恐該勇丁等食用不足難期得力於邊防大有關係且查

奏稿卷二十一

十三

東省勇制有東勇治勇之別亦不盡支三兩每營有馬勇差勇有正副管官哨官支款在在浩繁川省現議章程並無此項開銷若以每營銀數匯總計之仍屬彼此大略相同萬難再省至川省各營雇募長夫誠以川省地方遼闊東西南三面均界夷地接壤滇黔邊隘繁多伏莽時發營勇難於分布均應隨時抽調巡防並非經年累月駐守一處即如上年各營勇丁調赴松潘龍安我邊雷波等處防勦並無一日餘閒又均係於奉調之日隨調隨往並未片刻耽延是其明證如必遇移營始准雇募短夫設遇有急務奉文調遣各該營原駐之所地多荒涼無人應募而一時人夫雇募不及不能立時就道必致貽誤防務溯自軍

興十餘年來川省各勇營均係常年雇用長夫實由於調遣不時况各省物價不齊地勢險夷尤異若必勉強遷就減而又減一遇征調營勇有所藉口深慮軍心不一難期得力再四熟商與其貽誤於臨時曷若籌畫於事先懇請仍照前定章程每勇一名日支銀一錢一分每勇百名不分征防照舊設長夫五十名每名日支銀八分俾得足敷日食征調便捷等情請奏前來 臣查川省界連滇黔秦隴湘鄂六省兼鄰衛藏幅員太廣沿邊數千里苗夷環伺時虞蠢動內地人心浮囂成習滇黔各邊伏莽亦屬堪虞原設防營本屬分布難周即如上年階州生番滋事松潘龍安一帶紛紛告急又值我邊雷波夷匪同時出巢均係抽

奏稿卷二十一

十四

撥他處防勇星夜馳往迅速勦辦朝令夕行毫無瞻顧遷延確著成效各營勇糧在光緒三年未經裁減以前實屬優裕至裁減以後銀價愈賤每勇每日所領之饌僅換獲錢一百三四十文而川省米糧較之他省為貴除食用外毫無餘贖實難再減分釐至長夫一項因川省岡嶺重疊跬步皆山所有軍裝一切不能用車輛推送舉凡油薪米糧粗重之物無不藉人力以資挽運既與直隸等省平原廣漠便於馳騁之處迥不相同且直隸防營堪以調遣者尚多並不專用練軍亦與川軍朝東暮西時時互調並一切地勢險峻隨地皆登山陟嶺者情形互異在部 臣意從核實樽節援案核議不違他計 臣自東來川將及四載周

覽通省形勢深嗟蜀道之難異於他省而四面夷疆環繞時有征調之事欲期軍行迅速無慮遲滯非雇用長夫不能為力相應仰懇

天恩俯念川省勇糧較前刪減已多各軍効命疆場日用飲食不能令其短缺似應略加體恤准照臣奏定章程每勇一名日支銀一錢一分每百名仍舊雇用長夫五十名每名日支銀八分俾得士飽馬騰庶有事之時星馳電掣可免貽誤事機不勝屏營待

命之至再臣於庫款極知慎重前見川軍口糧稍優則不待部議已先自切實大加核減通計全年所省不少至既減之後目擊礙難再減實情亦不敢惜小利而昧大計惟

奏稿卷二十一

五

有據實直陳於

君父之前所有川省勇糧已減實難再減及查看地勢未能裁撤長夫緣由謹恭摺具奏伏乞

皇太后

皇上聖鑒訓示謹

奏

查明無著殘積各鹽引請 飭部註銷摺 光緒七年

三月二十八日

奏為查明川省歷追無著殘積各引懇

恩飭部註銷以免虛懸恭摺仰祈

聖鑒事竊臣上年督飭司道在於省城設局清查通省殘積各引當經奏定章程六條嗣後各計岸額引於奏銷報完後扣限半年追繳殘引永遠不准展限從前改配推代之引未經繳殘者責成地方官追繳均以八箇月為限逾限不繳無論已行未行一概作為廢紙嚴飭各廠關卡隨時扣留申繳由部臣議准覆奏奉

旨依議欽此欽遵嚴飭照辦臣復先後出示剴切曉諭各

奏稿卷二十一

六

屬商人如有收存光緒四年以前積滯鹽引已行繳殘未行繳引依限赴各州縣呈明造冊通報准將所繳未行各引發局以次帶銷收回稅羨由局查明凡有從前由商墊完課稅羨截尚未行銷之引仍准商人赴局請領歸還墊款一面行知各州縣廠局關卡認真盤驗如有前項逾限積引隨時扣留申繳並迭次催傳商人勒限全繳迄今原限早滿據各州縣將遺失引張分年造冊詳送鹽道逐細句稽查明光緒六年辦理四年奏銷案內聲明未繳部引一百十萬五千九百三十三道餘引四千三百四十道又加五年分全額十六萬八千四百七道總共一百二十七萬八千六百八十道內除黔滇鹽務總局丁戊兩綱已繳

行過殘引外實存總局未行水陸引五十一萬一千九百九道官引局已行水引五千四百六十八道陸引三萬四千七百二道道庫存留積引殘引水陸共三十萬一千七百七十七道外綜計成都等八十二廳州縣自道光年間起至光緒四年止實共未繳無著水陸引三十一萬八千八十三道或因商人配鹽失事落河漂沒當時漏未呈報者或因軍務時配鹽在途被賊焚劫無存者或因推行楚省歷年過久商引皆無著落者或因輾轉改配不知商人存亡及押引抵債為債主遺失者實在無從著追經該道崧蕃唐炯會同逐細查明按年分縣造具清冊懇請奏咨註銷仍嚴飭各關卡認真盤驗如有前項引張隨時扣留

奏稿卷二十一 七

以杜重照等情前來 臣查此項遺失引紙從前應由地方官及鹽道加具印結始能咨部註銷但現查遠年商人均已逃亡故絕無從傳訊聞有近年商人大都素乏資本早將此引押人抵債而各債主輾轉推出迭易數主究竟何年在何處遺失盤詰本商均無從知悉雖地方官嚴刑追問而該商等始終茫然惟有俯首認咎無從訊取確供即無從平空取結若久押待質徒開差役詐索之端仍於公事無補况引紙既多歷年又久未便再任遷延拖累現惟嚴飭各關卡認真盤驗如有商人夾帶此項遺失之引影射私配即將原引商人一併扣留從嚴究辦追出廢引隨後送部燬銷備關卡員役查有賄縱含混情事一併從嚴

參辦似此力杜弊端自無慮重照私配除將清冊咨部立案查銷外所有歷年遺失無著鹽引造冊咨部註銷緣由理合恭摺具奏伏乞

皇太后

皇上聖鑒訓示謹

奏

奏稿卷二十一

末

查明鹽務無引羨截請 子豁免摺光緒七年三月二十八日
奏為查明川省鹽務積欠羨截銀兩帶征已確有成數其
屢追無引之羨截懇

恩准子豁免以清界限恭摺仰祈

聖鑒事竊 臣 上年奏定鹽務章程清釐積引聲明勒令各
州縣將已銷未銷在官在商逐年分造清冊連引送局查
辦官運總局先行完新引以次帶銷積引官引局專銷滄
引並帶銷計積各引頻年一律照辦並示諭各商勒限六
月八月已行繳殘未行繳引逾限不繳作為廢紙咨部註
銷經部 臣 議准在案茲據各州縣遵式造冊連追繳殘積
各引一併申送由鹽道詳細旬稽自道光三十年起至光

奏稿卷二十一

九

緒五年止共積欠羨截銀一百七十七萬一千八百七十
九兩零內官運局丁戊己三綱帶銷積引二萬四千六百
四十一道官引局專銷滄引並帶銷計積各引三萬二千
四百一十道零三年之中兩局共收回從前積欠銀四十
八萬六千五百二十七兩零已撥出銀二十二萬餘兩填
補從前積欠入冊具報又據各商繳存官運局未行水引
七萬七千二百八十道零又存鹽茶道庫未行水引一萬
五千一百一十道零此項未行之引將來官局陸續帶銷
共可收回銀七十三萬一百四十八兩零約計五六年中
即可銷竣全完是通省積欠之一百七十七萬一千餘兩
除已完之四十八萬六千五百餘兩又追存引張實可收

回之七十三萬一百餘兩共計已征未征有著羨截銀一
百二十一萬六千六百七十五兩零此係將以前無用廢
紙變為實銀從此官運不廢必能確有把握至此此外尚有
積欠羨截銀五十五萬五千二百三兩零實因從前鹽務
紊亂無章無人整飭又值川滇黔三省軍興口岸廢弛廠
困商亡迨後改章濟楚官商又復以改代改配舞弊營私
歷數十年迭經嚴追實已無著由道查議與其空負追欠
之名永無收回之日徒以虛懸之款項為各書役訛詐需
索之端不若據實具詳奏請豁免俾得劃清界限永杜轉
轄所有歷年商已亡故無引羨截銀五十五萬五千二百
三兩零據咨藩唐炯會詳奏請寬免前來 臣 查鹽從引銷

奏稿卷二十一

十

銀從引出能銷一引之鹽方能完一引之銀川省自咸豐
年間軍興以後滇黔邊岸久困兵燹內地亦迭遭蹂躪商
人慘罹鋒鏑嗣創議濟楚又復改代改配套搭攙混上下
恣意營私以致前後積欠羨截一百七十餘萬兩 臣 自光
緒三年冬間開辦官運以來督飭道府州縣頻年多方設
法勒限追繳並出示曉諭通省州縣凡商人已領之引如
已墊完課羨尚未配行者准其將引呈繳官運等局帶銷
發還商墊稅羨銀兩商人知繳引之後不但無害而且有利
是以依限踴躍完繳不肯握匿三載以來由局代銷收
回羨截銀四十八萬兩有奇又繳存道局未行之引計尚
可收回羨截銀七十三萬餘兩計原欠羨截銀一百七十

餘萬兩內除已經收回並現在有著者已逾三分之二此外積欠之五十餘萬兩實係年遠人亡引早遺失無從著追且其中有十六萬兩有奇係道光三十年以前潼商虧欠無著之款推交邊商代完查明實係因人受累軍興後家破人亡更無人代繳確係實在情形臣自抵川後痛疾此省鹽法弊壞太久力圖整頓凡於鹽務應追之款無不大聲疾呼雷厲風行不容絲毫掩飾遺漏各該廳州縣均慮干嚴議亦竭力追繳乃時閱三載竭盡心力舌敝唇焦止能得此收回有著之一百二十餘萬兩較之從前一百七十餘萬兩全行無著已屬便宜至其餘欠款查係無引無人實無從追還不特微臣無法可施以後雖有才力百倍於臣者遇此亦必束手終歸無著再四思維惟有據實

奏稿卷二十一

三

奏懇

天恩俯念該商等往年格外捐釐報効歲近百萬其積欠此項無引羨截五十五萬五千餘兩多係因人連累實在無從著追

勅部一律豁免以清界限而杜轉轄至此次寬免後通省無無著之引張卽無虛懸之羨截自光緒七年為始責成各廳州縣及局卡委員恪遵先課後引定章每領一引卽先完一引之銀無論正銷帶銷正款雜款不准帶欠分毫似此一免一徵截然不紊則涓滴皆歸實在官商不能再有朦混趨避無難年清年款從此川省鹽務一律廓清洗

盡從前掩飾牽抵之弊實於整飭鹽綱之法大有裨益所有川省歷年積欠羨截帶徵已有成數應請將實在無引羨截懇

恩豁免以清界限緣由理合恭摺具奏伏乞

皇太后

皇上聖鑒訓示謹

奏

奏稿卷二十一

三

恭慰 大孝摺 光緒七年四月初四日

奏為瀝陳下悃籲懇

節哀仰祈

聖鑒事竊 臣於四月初二日忽接禮部遞到藍印公文驚

駭莫名戰慄啟視欽奉

諭旨三月初十日戌刻

慈安端裕康慶昭和莊敬皇太后仙馭升遐伏地呼號神

魂俱失當即會同成都將軍宗室 臣恆訓等率在省僚屬

敬詣公廡齊集成服朝夕哭臨伏維

大行慈安端裕康慶昭和莊敬皇太后

德媿坤厚

奏稿卷二十一

道協乾剛二十年來與

慈禧端佑康頤昭豫莊誠皇太后

奠安區宇

親裁萬幾

宵旰憂勤中外欽服我

皇上孝思維則

定省承歡久申

奉養之隆備極

尊崇之盛方祝

遐齡永享同

覆載以無疆詎期

大故猝乘棄 臣民而奄逝

聖心哀痛本於至誠非 臣下所得名言惟念我

皇上繼

鴻緒垂貽之重承

鳳闈眷顧之深

付託至鉅

紹述方長伏祈保衛

聖躬勉節哀戚庶克上慰

大行慈安端裕康慶昭和莊敬皇太后在天之靈亦即以

仰釋

慈禧端佑康頤昭豫莊誠皇太后願復之意率土 臣民同

奏稿卷二十一

深泣禱 臣職任邊圻尤不勝瞻

天呼籲懇款屏營之至謹恭摺具奏伏乞

皇太后

皇上聖鑒謹

奏

請仍頒官運鹽局銅質關防摺光緒七年四月二十九日

奏為川省官運局事關數省擬仍照前議請

旨飭部鑄造銅質關防發局開用以昭慎重恭摺仰祈

聖鑒事竊臣前因川省邊岸鹽局款鉅事繁關涉數省責

任綦重奏請由部頒發銅質關防俾昭信守嗣准部咨查

無辦過成案未便率准等因茲查瀘州設立官運鹽局已

逾三載始則創辦黔省全岸嗣復添辦滇岸並將界連滇

黔之各廳州縣計岸及湖北例食川鹽計岸共四十餘廳

州縣一併歸入官運統計黔滇川楚四省地界均飭該總

局委員設立分卡頒移文告招募商人配發引張分收稅

羨嚴禁販私明定界限時有稟移鄰省督撫司道府縣互

奏稿卷二十一

奏

商之作案贖之繁較鹽道加至倍蓰而催提各分局稅羨

勇糧公費及批解數省協饒每年共百數十萬兩途長道

險關繫更形重大若僅用木質關防文書通行數省地面

當鹽務荒廢年久之後事多創行沿途郵驛及隔省官民

不免疑信參半慮有貽誤而總局距省太遠若每辦一事

必俟移商鹽道蓋用印信則往返周折動形遲滯勢實難

行數年來詳細體察該局事繁款鉅規畫久遠現在奏銷

已辦三綱共收稅釐等項三百數十萬兩實為西南數省

另開大宗饒源以後但能恪守定章即成

國家久遠之利迥非尋常公局止辦一省一時之事可比

不能不格外慎重况木質關防摹刻甚易行之日久難保

無以偽亂真之弊似未便泥於成案致廢建圖再四思維

惟有仍照前議請

旨勅下部臣鑄造銅質滿漢篆文四川辦理滇黔邊計鹽

務局關防一顆頒發該局鈐用俾得永昭信守臣為慎重

帑項起見理合恭摺具陳伏乞

皇太后

皇上聖鑒訓示謹

奏

奏稿卷二十一

奏

補授川督謝 恩摺 光緒七年五月二十一日

奏為叩謝

天恩恭摺仰祈

聖鑒事竊 臣 接准吏部咨光緒七年四月十八日奉

上諭丁寶楨著補授四川總督欽此 臣 跪讀之下感悚莫

名當即恭設香案望

闕叩頭謝

恩伏念 臣 才質駑鈍知識庸愚前以辦理地方事宜措置

不能悉協負戾滋甚迺迭蒙

聖主棄瑕錄用

曲加寬典頂戴

奏稿卷二十一

生成涓埃莫報五中循省悚惕彌深茲復渥荷

殊恩補授川督自維

隆施之逾格實非捐糜所能酬聞

命自

天抱慙無地 臣 惟有益勵官方殫竭愚悃凡遇應辦事宜

敬遵歷次

明訓盡心經理稍冀仰答

高厚鴻慈於萬一所有 臣 感悚下忱謹恭摺叩謝

天恩伏乞

皇太后

皇上聖鑒謹

奏

奏稿卷二十一

天

議抽煙釐大概情形摺 光緒七年七月十一日

奏為遵

旨籌議川省抽收土煙釐金先將大概應辦情形恭摺覆
陳仰祈

聖鑒事竊查光緒七年五月二十一日承准軍機大臣字
寄光緒七年五月初九日奉

上諭左宗棠奏禁食鴉片請先增洋藥土煙稅捐以收實
效一摺鴉片流毒中國為害甚深近因民間吸食愈多銷
路愈廣於國計民生大有妨礙朝廷軫念時艱何難申明
禁令齊之以刑惟慮陷溺既久輿販吸食之徒日眾空文
禁制既屬徒法難行而訟獄滋繁又將別增擾累左宗棠

奏稿卷二十一

无

所奏擬加徵稅釐參用罰懲冀可漸挽頹風不為無見各
省原定洋藥釐捐本較洋稅為重乃總計所收釐金竟遠
不及進口之稅是承辦各員奉行不力減成折收任令奸
商隱匿偷漏巡役包庇分肥所致情弊顯然現照左宗棠
所擬每洋藥百筋統稅釐合計共徵銀一百五十兩內地
土煙價值較低稅釐准照洋藥推算徵收亦尚平允此項
係取之於吸食鴉片之人與華洋各商並無干涉著南北
洋大臣各省督撫將各關口及各地方情形詳細體察將
稽查徵收章程悉心妥議於一月內覆奏候旨定奪此事
務在必行該大臣等當熟籌辦法期於大局有神實為至
妥原摺均著鈔給閱看將此五百里諭令南北洋大臣各

直省督撫知之欽此遵

旨寄信前來當即恭錄分行司道督同籌議伏查洋藥流
入中國已數十年吸食之人無不形消骨立志氣昏惰而
內地之種罌粟者遂視稼穡為末務以致民財日耗蓋藏
日少而民生日蹙為害之烈無過於此道光年間嚴申禁
令峻法懲辦卒未能絕其根株今議加增稅釐以收禁煙
實效是誠釜底抽薪之法第查川省種植罌粟較之雲貴
山陝等省情形稍異蓋其地素沃土產蕃多不若雲貴等
省專恃土藥以資生計故栽種猶未甚廣且距海口寥遠
從無專販洋藥商人入境其本地之販賣土藥亦尚不為
多惟鄰省土煙甚廣價值亦輕斯吸煙者眾溯查川省咸

奏稿卷二十一

无

豐九年奉文抽收洋藥稅釐按每百筋水路抽銀三十兩
陸路抽銀二十兩即經分飭各關並委員前往重慶廣元
瀘州萬縣雅安綏定敘永嘉定等處設局抽收所得無幾
夔關而外其餘各局核計每月收數尚不敷員役人等一
月薪工之用嗣經戶部奏提鉅款更兼指撥臺費無可籌
措遂於咸豐十年冬間更章改辦除夔關藥稅仍責夔州
府徵解外餘局概行停撤通飭各廳州縣體察情形酌定
數目責令收解仍屬寥寥於是出州縣捐賠者有議按
糧攤解者蓋因川省僻處西陲不通海口向無巨商大賈
販運洋藥入境川省吸煙之人慣用雲貴及本地所產土
煙亦不以洋藥之有無為重檢查夔關歷年冊報所收均

15707 册 卷之四 全書第 0 版 反文內

屬土煙並無洋藥而徵收稅銀則按洋藥章程每百觔徵銀三十兩此外各處分收亦僅止土煙一項絕非有所趨避以洋藥報爲土煙確有明徵迨同治十一年因御史吳鎮之奏停止糧攤各釐局委員誤會其意輒將應抽之藥釐一概停免光緒三年臣由東抵川查悉前情以爲洋藥土煙同係害民之物禁令既有不行正宜重抽稅釐以遏其弊况煙土乃百貨之一釐捐何可停免仍飭各釐局隨同百貨一體照前抽收復嚴札各廳州縣禁種罌粟以塞其源數年以來認真督辦平疇曠野之間栽種罌粟者已覺漸少訪查肆市貨賣多係雲貴土煙爲數亦屬有限竊惟鴉片一物蠹民敗俗流毒無窮雖重徵厚斂並不爲苛

奏稿卷二十一

三

左宗棠原奏每洋藥百觔合徵稅釐銀一百五十兩土煙價值較低准照洋藥推算議加查洋藥進口每箱百觔賣銀五百兩議徵稅銀一百五十兩計每觔徵銀一兩五錢係按實價見十抽三今川省市賣土煙每百觔約值價銀一百六十兩計每觔價銀一兩六錢照洋藥見十抽三章程每觔應徵稅釐銀四錢八分夔關向徵三十兩尙應加徵銀十八兩共徵銀四十八兩儻有洋藥入川應仍照每百觔徵稅釐銀一百五十兩用符原奏而歸畫一至稽查徵收之法大要總不外設卡設巡遴選公正委員會同各地方官勤加稽查而又明定偷漏繞越示罰之條並嚴懲丁役人等暗中賣放訛索等弊舍此別無長策第土煙之

弊全在偷漏繞越而查禁此弊實難蓋土煙爲物較輕而價值較重攜帶極便不比他項笨重之物難於掩藏故一人之身即可夾帶二三十觔之土此二三十觔之土姑以每觔一兩六錢計之一人即可得價五六十兩加以偷漏釐金即可得銀百餘兩所獲甚多人情見利必趨見害必避查之愈密則避之愈工一定之理而川省販賣土煙之人絕少巨商多係小本營生之徒以土煙較他物本小利大每不憚禁令甘於嘗試希冀厚獲當其出境販煙之時率皆結伴夥行多則數百人爲一起少則數十人爲一起謂之煙幫查禁之法若不從嚴則不能抽收若從嚴則土販倚煙爲命一卡之巡丁幾何必多恃衆抗拒不服抽查

奏稿卷二十一

三

甚至闖關毀卡無所不爲此皆事勢所必致况川省稽查尤有甚難者蓋稽查必須設卡設卡必須有扼要之路庶一卡可以堵截數路斯易爲力川省江河一路支流極多此外則叢山雜嶺路徑紛歧處處均有小道可通而土販繞避釐金恆不畏艱險又多私雇本地土著給以厚資令其於人迹罕到之區暗爲引導此處設卡則往彼處潛行此路設巡則往他處偷越究之設卡愈多則設巡愈衆而每卡日需費用已屬不貲儻者此不給則巡役枵腹從公雖鞭之亦不聽命設卡與無卡同且卡局多設在不肖之委員州縣糜費固不必論卽眞能實心任事之員耳目亦恐難周兼以所用巡役人等不能盡屬正人勢必潛行賄

放卽查之亦不勝查凡此情事若不預爲計慮設將來利少害多徒歸咎於委員辦理之不善亦屬無益 臣上年通飭各州縣規復以前停免之土煙釐金亦暗寓重本抑末之意因川省道路紛歧土販趨避太熟至今尙未辦有頭緒今議以海口內地各關局一體加重稅釐使吸煙之民不能出重價以購土藥寓禁令於無形之中風氣或可默爲轉移亟應遵

旨實力奉行現仍應委員再行確查水陸兩路何處尙可繞越何處必須添卡何處應設巡役幾名必將通省地勢詳細查明始能逐漸辦理至煙販結幫而行已成錮習一旦嚴爲查禁加重稅釐打局劫卡之事實在意中尤應預爲防範非倉卒所能定局除俟委員查覆督飭妥議嚴密稽查章程分飭各州縣關卡委員認真照辦外所有 臣督同籌議川省抽收洋藥土煙釐金大概辦理情形謹恭摺

奏稿卷二十一

奏

由驛四百里覆奏伏乞

皇太后

皇上聖鑒訓示謹

奏

勸辦積穀收有成數摺 光緒七年閏七月二十九日

奏爲川省勸辦積穀以備荒歉計已收有成數恭摺仰祈聖鑒事竊查川省幅員遼闊生齒浩繁各屬山多田少戶鮮蓋藏游民日衆人心浮動異常匪類常多伏匿以現在情勢而論卽在中稔之歲尙難望其比戶安居若遇偏災飢民無以謀生動輒聚衆成羣估向殷富坐食謂之吃大戶此風已成錮習斷不能不先事綢繆况上年山陝大祲百姓流離死亡過半雖費千百萬

國帑尙難設法挽救幸該省民情樸厚未至驟生他變設使川民偶罹此荒其局勢萬不堪設想 臣從前在湖南長沙府及山東巡撫各任內均經籌辦積穀頗有成效上年

奏稿卷二十一

奏

茲川後卽聞山陝報災倍深慮卽擬照前舉辦積穀以作備荒之計嗣因接續辦理晉賑陝賑豫賑未能兼顧兼恐勸辦官紳一時不得其人轉致擾累地方是以前二三年雖連慶豐收仍未敢遽行舉辦去今兩年仰蒙

聖主如天之福年穀尙屬順成糧價較減若再因循延誤不思圖匱於豐恐天時不可久恃勢必後悔無及爰斟酌時地人情悉心妥議章程刊刻告示徧行曉諭除瘠苦州縣無庸議辦外其餘豐收之處一律通飭勸辦惟川省舊辦常監社濟各項倉穀綜計不下數百萬石 臣於到川之次年卽委員前赴各屬認真盤查惟常監各穀尙不致大形虧短其餘民間社濟各穀自成豐初年以來有因奉文

變價解銀以充軍需者有被滇粵各匪焚掠全數無存者有因經管各社首暗中侵漁早已貧故難追者兼有並不盡心經理以致霉變蟲蝕不堪應用者遂令從前義舉大半歸於烏有殊深惋惜此次勸辦積穀小民鑒於前車恆多以此藉口臣迭發告示章程苦口勸諭又令其從少捐輸俾其力能有餘不致畏難故定章糧戶每收穀百石積穀一石以次遞推百分捐一不許顆粒苛派抑勒此時民自積之他年民自食之雖湊儲公倉不啻藏諸私室官吏只司稽查不得挪用分毫於是大小糧戶咸知此舉為該民保衛身家始各欣然樂從現查一州一縣至多者或捐至萬數千石及數千石至少者亦可數百石均係紳民自願隨力捐納毫無勉強現據各廳州縣陸續稟報業經辦理者共有一百一十餘處計共已收倉斗穀五十五萬三千二百石有奇臣委員前往確切查驗會同各地方官取具各經管紳首實收切結存案其未收之穀約有四萬數千餘石飭催各牧令於秋收後次第趕收限九月內一律上倉但存儲貴乎經久立法稍不盡善必致復蹈從前社濟各穀故轍恐致有名無實應俟穀石全數收齊再妥議經管倉儲定章刊示通飭各屬永遠遵守以為荒年救急之助免至臨時束手指望他省挽輸徒致緩不濟急至捐穀最多較多之戶無論捐紳士庶有捐數至二三四百石足敷議敘者應請由臣查明彙案懇懇

奏稿卷二十一

五

恩施獎勵以示激勸而資鼓舞此後仿照章程查看情形再積一年俾豐年多一分儲蓄凶年即得一分賑撫庶於國計民生均有裨益所有川省預辦積穀計有成數以備荒歉大概情形是否有當理合恭摺具奏伏乞
皇太后
皇上聖鑒訓示謹
奏

奏稿卷二十一

美

懋功同知等缺改章揀委片光緒七年閏七月二十九日

再川省新疆懋功同知一缺及所屬懋功章谷撫邊綏靖崇化五屯屯務暨分駐藏衛之裏塘巴塘拉里察木多西藏後藏六臺糧務例應揀派現任人員或試用人員管理各以任事之日起扣滿三年撤回內地如果經理無誤分別題咨報部現任人員以應升之缺註冊卽升試用人員歸入候補班內儘先補用自同治以來因實任州縣均有地方要務未便紛紛更調而候補之員人數日多往往通融委派屯務糧務事非一年茲查候補大小各員中固有自愛之人而見利忘義者實屬不少近來管屯管糧各員聞有長支借領因而挪用公項之事現經委員嚴行查追

奏稿卷二十一

三

以憑據實參辦若不另議章程亟籌整頓其弊伊於胡底臣督同兩司悉心籌議懋功同知所屬懋功章谷撫邊綏靖崇化五屯經管各屯倉糧及漢夷詞訟未便仍委佐雜管理擬請於實缺州縣中酌量揀派至裏塘巴塘拉里察木多西藏後藏六臺糧員專管藏衛各處兵饗有領發饌需要件並由藏進京往返差務責任亦重擬請於實任同通州縣中一體揀委在各該州縣均係實任調委當能自顧考成辦理或不致貽誤至懋功同知總管五屯地方體制較崇擬請照知府直隸州之例專以實任知府同知直隸州三項揀委管理以便統轄所委之州縣惟屯臺各地多在遠邊蠻方煙瘴甚重派往之員每多不服水土常生

疾病定例三年期滿為期似覺稍久非所以示體恤擬請酌減一年以任事之日起扣滿兩年撤回內地本任如果經理無誤照例題報以應升之缺註冊卽升儘有虧短錢糧撫輯乖方等事卽行從嚴參辦如此變通辦理似於屯臺邊地均有裨益據藩司程豫署臬司崇綱署成縣龍茂道錦瑞會詳前來除咨部外是否有當理合附片陳明伏乞

聖鑒訓示謹奏

奏稿卷二十一

天

岩番劫殺洋人查拏辦理片

光緒七年八月二十一

再據調管巴塘糧務候補知縣嵇志文稟稱該員本年六月奉文赴打箭鑪廳會算交代於七月二十八日折回閩七月十六日行至距巴三站之奔义木地方接該臺專差飛報巴塘教堂司鐸梅玉林被三岩野番劫殺情事該員星夜趕回詢據同住教堂司鐸畢天祥面稱本月十五日梅玉林押運西國帶來鹽井等處教堂應用物件箱隻十三馱前往鹽井交收分送因係自騾自馬並有乍了番商人夫馬匹同行恃無妨礙未經赴臺署知會照料詎意乍番商人落後梅玉林獨行上前隨身僅帶數人插帳核桃圍蠻塘側近被野番劫殺又詢據同行教民向興順供稱

奏稿卷二十一

完

是日隨梅玉林行抵距大石包二十里之核桃園因乍番落後即在蠻塘上手支下帳房等候時有蠻兵四郎洛布聞信趕至向稱夾壩野番出沒無常此地斷不可紮千萬請回梅玉林以業經到此不願退回隨即住下初更時聽聞犬吠令向興順出帳查看突有三人將伊按倒並有數十人擁進帳棚梅玉林在內施放洋槍立即轟倒一人匪眾稍退旋復四面圍攔擲石亂打梅玉林持槍疊放受傷倒地賊人上前砍戮殞命惟向興順乘間掙脫躲避天明折轉查點失賊計劫去馱騾十三頭騎馬二匹箱二隻茶包一隻各等語經該員親詣驗明梅玉林頭面均被刀石砍擊血汗模糊右手腕骨斷左手腕亦被砍傷實係受傷

身死協同司鐸畢天祥將屍棺殮當時出具並未知會地方衙門不能相怪洋字結一紙請為查緝番匪究辦現在該臺員已調土兵並請酌調營兵勦捕等情前來 臣等查該司鐸梅玉林來川省巴塘傳教已歷數年地方民教甚屬相安此次押運箱隻馱騎前往鹽井因不知會漢土臺官土司派護徑行前往迨蠻兵得信後速行前往再三勸阻又復執意不肯轉回以致慘遭劫殺其畢天祥洋字結稱並未知會地方官不能相怪是明知梅玉林禍由自取惟三岩野番在該番地劫掠為事實屬兇頑前駐藏幫辦大臣雜慶由川入藏行至大石包該番匪膽敢攔路搶劫殺斃引馬人夫奏奉

奏稿卷二十一

單

諭旨飭該文武認真緝捕伏查三岩野番本係另種野夷向不歸漢官與土司管轄欽奉前因正設法拏辦聞詎該野番野性不馴又復劫殺洋人雖梅玉林任意獨行自蹈危險然其地究屬附近土司轄境似未便以無人約束稍從寬宥現將該土司等摘去頂戴該員嵇志文雖公出未回仍應一併嚴加申飭勒令督率所調土兵六百名剋日深入番巢懸立重賞務將滋事首夥各兇番四面兜拏並設法購捕擒獲追賊給領盡法懲辦又以該野番地險山深並無定處一面飛飭阜和協副將况文榜挑選該營兵丁二百名泰甯營兵丁一百五十名飭派得力都守一員管帶起程以資兜拏並檄委打箭鑪同知李忠清馳往督

同該糧員土司等趕緊查拏追賊懲辦以期迅速而慰遠人除俟獲犯後續行奏報並將畢天祥所具並未知會護送洋字親筆結一紙咨送總理各國事務衙門查照暨咨部外謹將大概情形會同署成都將軍臣托克滿附片具陳伏乞

聖鑒訓示謹

奏

奏稿卷二十一

聖

大甯奉節分別添設學額拔額摺光緒七年十月初二日奏為請增大甯縣學額並添設奉節大甯兩縣拔額以育人才恭摺會奏仰祈

聖鑒事竊查夔州府屬之奉節縣原係中學雍正年間分設大甯縣治將奉節縣學取進童生十二名奉節分得八名大甯分得四名原額廩增各二十名以十三名歸奉節以七名歸大甯仍照縣學二年一貢之例兩縣輪流出貢應俟人文充盛之日學政具題再議載入學政全書在案又乾隆十八年議准四川蘇州及德陽羅江等八縣自雍正八年分設迄今二十餘年化治人衆從前分撥取進學額誠屬過隘嗣後蘇州學加取三名定為十名德陽羅江

奏稿卷二十一

聖

二縣各加二名定為六名又科場條例內載同治八年議准新繁彭縣兩縣及郫縣崇甯榮縣威遠等縣均自分設以來文風蒸蒸日上准其各設拔額一名又同治十二年議准健樂富榮兩商學准各選拔一名各等因亦在案茲查大甯縣於雍正八年與奉節改為分治彼時應試人少是以文武學額定為各四名兩縣輪拔迄今百數十年多士爭自濯磨文風蒸蒸日上應試人數較之奉節不甚懸殊卽與榮縣威遠德陽羅江大致相同徒以限於學額每科僅取四名不免有遺珠之歎又拔貢一途定例必須學校人數多至百餘名始准選拔但大甯縣每科取進僅止四名日增月除難足百名之實數固於學額太少之故近

年新繁彭縣等處均蒙分定拔額而奉節大甯兩縣同一分設近日士子亦多嚮化情形與新彭等處相同獨不能邀此

曠典情實向隅惟查同治十二年健樂富榮兩商學請增選拔報部商學檔冊每學僅二十餘名今以大甯學冊計之已屬有盈無絀其間敦品勵學堪膺選拔者實不乏人請增文武學額各二名並與奉節一學分設拔額由藩司具詳前來等覆查該司所詳係為鼓勵學校起見亦與成案相符合無仰懇

天恩俯准將大甯縣文武學額援照乾隆十八年德陽羅江威遠等縣成案改作中學之半各加二名定為六名並

奏稿卷二十一

聖

照同治十二年健樂富榮兩商學增設拔貢之案准與奉節縣各拔一名毋庸兩縣輪拔以彰

樂育人才之盛如蒙

俞允卽請自下屆乙酉科為始由等會同秉公遴選認真考覈用副

聖主拔取真才至意謹合詞恭摺具陳伏乞

皇太后

皇上聖鑒訓示謹

奏

籌撥鹽釐辦理川北積穀片光緒七年十一月初五日

再臣以川省生齒日繁人浮於食而民間又鮮蓋藏設遇水旱災荒饑民麇聚求食其情形實為可慮幸近數年來比歲豐收穀價平減查看民力漸紓可以捐辦積穀預防荒歉因飭通省各屬一體妥為勸諭民情甚為踴躍現據稟報已經驗收上倉之穀共五十五萬三千二百餘石未收之數尚有五萬餘石亦可陸續收納前經奏明在案惟川省川北保甯潼川順慶涪州各府州山多田少產穀無幾且道路艱險一旦遇有饑荒本境既無穀可籌購買又難以轉運辦理實虞掣肘萬不可不先事綢繆為有備無患之計惟預籌莫要於積穀而買穀又無他款可籌

奏稿卷二十一

器

再四思維以各該府州籌辦鹽釐本為接濟軍餉之用而民為

國本食為民天鹽釐之能抽收必令百姓於荒歲得免流離斯生聚可恃而後有餘力以煎鹽因得售鹽以納釐此必然之理是以飭令各鹽釐局酌量勻撥銀二萬八千九百五十餘兩於涪州三臺中江射洪閬中南部西充蓬溪樂至鹽亭遂甯共十一州縣所屬地方酌度磽瘠貧戶眾寡情形量為發給採買乾潔穀石存倉以資備禦現據各該州縣稟報已陸續按照市價採辦容俟採買齊全後再行具奏所有因川北一路不產穀米積穀為難酌撥鹽釐銀兩預為儲穀備荒緣由謹附片陳奏伏乞

聖鑒訓示謹
奏

奏稿卷二十一

聖

奏稿卷二十一

聖

西藏官兵鹽糧月費請復舊制片光緒七年十一月初五日
再據藩司鹿傳霖詳竊查西藏官兵應支鹽糧月費向係三年一次撥解銀十三萬兩如有不敷隨時詳請題咨酌撥歷經遵辦在案嗣於同治年間因川省軍務倥偬庫儲支絀撥供壘費之洋藥釐金又所收無幾以致應解藏餉未能年清年款同治十二年駐藏大臣奏准由川補解銀九萬兩以償前欠此後按年解銀六萬兩用濟供支其時川省因積欠藏餉尚未解清是以遵照按年籌撥銀六萬兩計自十三年起至光緒七年止共解過銀四十八萬兩如按三年解銀十三萬核算已較原額銀數多解十萬有奇藏中兵餉月費向有定數前項多解銀兩自必空留藏庫無款支銷查近年西藏雜款奏銷冊內有將委辦夷務每案支用兵糧銀一二萬兩並例外一切支款一併造入臺費項下開銷雖由駐藏大臣奏明有案究為臺費款內向來所無之事截至光緒四年止前後兩藏糧庫尚存臺費銀數萬兩加五六七三年先後撥解銀十八萬兩按照例支核計又應多餘銀四五萬兩併計存項數已不少西藏為邊防重地固不能不稍留儲備以應緩急但當川省庫項萬分支絀撥款頻仍亦不能不斟酌盈虛量為挹注况川省應解藏餉本係舊有定額之案當此藏臺無事之際理應遵循舊例撥解藉以樽節請自光緒八年起仍照從前定額三年解銀十三萬兩如果不敷應用或另有需

用之處卽照原案隨時酌撥接濟等情詳請具奏前來臣查川省籌撥藏餉向章按三年解銀十三萬兩如果按年清解本數藏中支用嗣因軍興以後積有舊欠經前駐藏幫辦大臣德泰於同治十一年冬間奏明補解九萬兩以清欠款並將額餉改爲按年解銀六萬兩較原定額數計每年多銀一萬六千餘兩藏中兵餉月費向有定額前項多解銀兩原以邊防重地留備緩急乃近年駐藏文武員弁因有此項存款往往任意私挪迭經駐藏大臣咨川勒追有案是此項多解銀兩川省籌撥既屬維艱徒供各糧員虧挪肥己自應仍復舊制按三年解銀十三萬兩既於川庫可稍資周轉於藏餉亦無缺乏之虞且可免虧挪之弊除飭藩司以後照章按年清解不准稍有帶欠並分咨外是否有當謹附片陳明伏乞

奏

聖鑒訓示謹

奏稿卷二十一

聖

靖遠夷匪肅清摺 光緒七年十一月三十日
奏爲官軍進剿靖遠夷匪疊獲勝仗現已一律投誠就撫邊地肅清恭摺陳仰祈

聖鑒事竊臣等前將靖遠猓夷竹落等支劫卡戕弁攔搶商民札飭署建昌鎮總兵莫組紳督帶長勝營勇添募鄉導土勇復調派管帶武字副前營記名提督胡國珍等率隊前往隨同相機籌辦並署靖遠營遊擊張錫卿摘頂示懲暨委員往查前署遊擊胡定清有無剋扣情事附片具陳欽奉

奏稿卷二十一

聖

諭旨知道了仍當認真查辦以靖邊隅欽此遵卽轉行去後旋據該鎮及甯遠府知府于宗毅稟報竹落各支因此次劫卡戕弁攔搶商民自知罪無可逃遂暗地勾結涼山交脚普雄各賊仍復出巢肆行擄掠查閱輿圖竹落一支地面縱橫五六百里內分十大堡曰木落日哇哇谷曰哈里磨曰勒格木窩以聚其族類又以窩蛇堡鬱兒堡逞噉漢堡三處爲老巢崎嶇深險爲歷來官軍所不能到而與竹落狼狽稱雄者爲阿勒爲哈嚕爲羅洪爲吧切爲謝家爲戈噉爲凹赭均屬犷悍異常又有落摩合嘯黑茲合切合呢卜噴暮西阿克各小支隨聲附和而各支內兇悍夷會則以哈徒格徒鐵呷傑立哈朵和切烏茲石牛阿額瓦札的加凹嘯摸合石都芥都擠虎等爲最且從前大軍圍困髮逆石達開時該夷曾經擄掠髮匪多人入巢教以槍

法自是頻年搶劫多用烏槍狙擊官兵命中較準更非靈便洋槍不能與之相敵並查進兵要路必由緊靠靖遠營之東山寺橫擔山甘相營之洗密窩木廠溝以達於木落哇哇谷等處自非節節進攻難期戡定因批令該鎮府督飭各營將弁穩紮穩打務於出隊時隨探隨進收隊時嚴整槍斃將後作前連環而退並於兩旁高處多派勇丁瞭望一有尾追旁竄之匪前隊均可周知使無所施其伎倆疊據莫組紳于宗綬稟稱該鎮抵任後查夷巢縱橫千餘里路路皆通從前督臣駱秉章曾派武字等共三十餘營進攻均難制勝此次所帶舊部長勝軍只有左右兩營兵力過單遵札挑募土著鄉導土勇共二千五百人分爲前

奏稿卷二十一

癸

後左右四營派參將定長遊擊黃耀龍提督唐珊峰總兵喻仁傑分帶並將該府保哨練勇招足成營令提督王聚蘭管帶又調建標中左兩營精兵六百名靖遠營弁兵二百名派署遊擊張錫卿管帶隨營調遣又調越巒甯越保安制兵五百名派署越巒營參將蔣宗漢管帶分紮相嶺柏香坪一帶以防東竄又派管帶武安軍參將李錫成率所部勇丁分紮白泥灣等處堵禦以防西逸土司嶺承恩等自備黃斧招集土兵一千六百名隨營接應又領回新造洋槍五百桿配帶鉛藥分授各營作爲前鋒七月十五日各軍戰於橫擔山陣斃夷匪一百三四十名生擒十餘名十六日又戰於東山寺陣斃悍匪二百餘名平燬勒格

木窩等堡堅巢六處奪獲弓箭刀矛烏槍氈笠二百餘件救出難民趙添禧等男婦四十餘名口我軍陣亡六名受傷十四名二十一日戰於哈里磨巖斃夷匪三百餘名踏平木落哇哇谷蠻房七百餘間我軍陣亡哨弁一員漢土勇丁七名受傷四十五名二十四日管帶長勝右營遊擊劉功化管帶鄉導右營唐珊峰管帶定邊後營黃耀龍由洗密窩進攻逞噉漠定邊前營管帶武字副前營胡國珍鄉導左營喻仁傑由馬廠溝進攻鬱兒堡天色黎明馳抵哈里磨山頂胡國珍見左手勒格木窩雖經平燬而附近蠻房尚多遂派喻仁傑帶領鄉導縱火焚燒該夷望風遠颺並不接仗胡國珍親督副前營徑趨鬱兒堡三面環攻

奏稿卷二十一

辛

唐珊峰隨與定邊前營分哨前進由哈里磨山溝橫取逞噉漠劉功化及幫帶營官參將丁鴻臣各帶劈山礮隊奮猛前衝長勝鄉導各勇梟河競渡差弁李金華龍友桂首先登坎逆酋瓦札持矛挺拒李金華將其砍斃龍友桂亦手刃兇夷數名將七郎磨蠻房燒燬一空劉功化丁鴻臣唐珊峰直搗前卡該夷死拒逞噉漠喻仁傑帶隊直攻鬱兒堡副前營戰氣愈奮哨弁陳芝祿張又勝等躬冒矢石力抵卡門拋擲火蛋噴筒堡中蠻房盡燬羣夷呼號失措拔開後堡奔逃喻仁傑督隊跟追胡國珍搜捕餘匪當將鬱兒堡燬平而勒格木窩等匪復由老林抄截幫辦武字副前營知縣穆秉文署遊擊張錫卿埋伏山坡左右兜出

掩殺該夷奔避不及傷斃無數劉功化丁鴻臣唐珊峰戰至日中亦將寢漢堅巢攻破遂同率大軍直抵窩蛇堡二十六日堡內夷匪肆出各營以五成隊伍接仗五成隊伍茶營斃悍匪四五百名始向老林奔潰各營乘勢追逐並調大礮二十尊轟倒石牆十數丈哨弁席玉德張得勝劉正邦梁壽亭蔡鴻彪各帶奮勇由缺口衝入該匪冒火窮奔翻山越嶺竄過柏香坪又經蔣宗漢督帶防兵攔截追殺二百餘名是役也共斃悍匪九百餘名生擒二十五名搜獲弓箭刀矛氈衣皮甲各數百件牛羊牲畜千餘頭並獲該夷匪所搶客商廣布三百餘包搶哨原贓至此始行搜出覓主發還具領立將窩蛇堡平燬此七月間連日

奏稿卷二十一

至

攻克各堡之實在情形也竹落各堡既平其分支之黑茲滋布佈出吉額租咀嚕咄阿克加吸布約樸租勒烏等支聞風股慄均於閏七月初旬陸續投誠並捆獻不法黑夷擠虎都牛吁茲吸錢四名白夷十二名小槍柴弓蠻刀竹箭數百件搶擄商民藍白布疋數百包惟兇夷格徒哈徒等仍率醜類抵死抗敵閏七月十五日夜胡國珍等督率各軍暗傳口號分三路銜枚前進劉功化帶領長勝右營奮勇數百名由卓谷循山而下什長曾有名首先泗水哨弁成鳳翔陳源濟督隊繼之繞過已焚窩蛇夷巢遙見樹林火星隱現遂合長勝右營定邊前後兩營武字副前營分二千八十面圍攻該匪分兵相拒互有殺傷唐珊峰急

率定邊前營由大溝坎翻過老密坡哨弁曹文盈土司嶺承恩土目嶺廷福遙聽礮聲星馳接應曹文盈大呼上前砍斃戈噶奮勇逆會鐵呷餘匪始敗向右手深溝而逃定邊後營武字副前營鄉導左營已由曲里暗渡小河越嶺包抄截殺砍斃羅洪逆會摸合的加二人喻仁傑督隊埋伏山腰迎頭截擊斃匪七八百名生擒四豬逆會烏茲石牛二名滾巖落澗者三四百名千總黃明龍正砍殺聞突遇紅巾悍會由林內跳出挺矛刺傷黃明龍左肋黃明龍忍痛奮躍而前同兵勇將其生擒訊係爲巨逆格徒黃明龍旋卽因傷殞命勇目彭三元劉有勝張得魁等七名亦皆衝鋒深入受傷陣亡哨弁傅定遠李本立陶發安莫得

奏稿卷二十一

至

成深入險阻格殺謝家著名悍夷石都哈朵牛立拉蛇切紅五名割取耳級四十五隻生擒悍夷三十二名我軍帶傷者五十八名自格徒成擒後各該夷始望風瓦解其逃往相嶺白泥灣等處者均經蔣宗漢李錫成截殺殆盡連日又投誠四十餘支二十三等日定邊兩營鄉導左營進攻阿勒羅洪等支力戰於魚黑堡生擒悍夷二十八名陣斃三百餘名二十七八等日長勝右營武字副前營進攻哈嚕戈噶謝家等支於茹谷地方生擒悍匪二十一名陣斃四百餘名哨官遊擊胡鎮欽勇丁王占標等十四名均中槍箭陣亡於是羣夷相率詣營求撫願將滋事凶悍各夷捆獻贖罪莫組紳等准其投誠飭傳木刻互相招集

八九兩月陸續捆獻兇夷哈徒孛立等百餘名呈繳刀矛六百餘件藍白布疋七百餘包皆歷次搶哨真賊並先後救出難民王祥興等九百餘人均經資送回籍九月初五日莫組紳于宗綬親詣靖遠老營飭傳所轄一百三十餘支得力夷酋五百餘名率領大小夷眾二千餘名齊集校場飲血歃盟大鑽牛皮該鎮府宣布

朝廷寬大之恩曉以利害反覆開誠論導各夷指天誓日不敢再萌叛志造具戶口清冊住牧地址情願出上班並出具永不滋事甘結各保各段隨即照例賞以銀牌鹽酒布疋並將擒獲兇夷哈徒格徒和切喀拉凹咄嗎黑阿額別母子等對眾聲數其罪梟首正法各夷畏喜交集羅

奏稿卷二十一

奏

拜而去一面妥議章程飭令各營永遠遵守此又蕩平哈嚕各支一律就撫之實在情形也 臣等查靖遠所轄夷地週環千里山深林密寒暑無節總其名曰涼山其間竹落阿勒哈嚕凹緒大小百餘支迭為雄長竹落首逆格徒等恃其族大人繁頻年搶擄商民焚燒堡市已屬形同叛逆本年二月間乘新舊交接之際劫卡戕弁意圖大搶蟲會經莫組紳帶兵彈壓始獲保全迨後窺我兵單嘯聚兇夷六七千人直撲我隊是以 臣等會商不得不添兵調營力籌勦撫以戢兇頑仰賴

朝廷威福文武和衷將士用命歷時六月之久大小三十餘戰擒斬兇夷計數千名剪除積年滋事兇悍最著之逆

酋五十餘名掃平地面五六百里邊境一律肅清洵足彰天討而快人心至此次在事文武員弁酷暑徂征出深入險其間瘴毒交加備嘗艱苦與用兵內地情形不同不無微勞足錄茲謹擇其尤為出力者籲懇

天恩俯准給獎陣亡各員應請

勅部從優議卹以慰忠魂其餘軍功勇目團丁容俟查明再行彙案辦理所有進勦靖遠夷匪疊獲勝仗一律投誠就撫邊地肅清緣由謹合詞恭摺馳奏伏乞

皇太后

皇上聖鑒訓示謹

奏

奏稿卷二十一

奏

丁文誠公奏稿

卷之二十二目錄

覆陳川省辦理盜案請免解審摺光緒七年十二月十四日

擬纂四川鹽法志片同日

旨查覆劉長佑參款摺光緒八年正月二十三日

拏獲岩番分別嚴辦片同日

漢奸句引邊夷滋事漁利分別參辦片光緒八年正月二十八日

保舉華聯輝片光緒八年正月二十九日

委夏峇接辦滇黔邊官運鹽務片光緒八年三月二十九日

黔省獨山荔波仍歸川省運鹽行銷摺光緒八年四月三十日

奏報唐炯起程日期並陳管見摺光緒八年五月初四日

奏稿卷二十二目錄

四川鹽法志成書恭呈 御覽摺光緒八年五月十五日

川鹽濟楚未能驟停摺光緒八年五月二十四日

官運鹽務帑本還清餘款分別存留備撥摺光緒八年五月二十九日

勦辦岩番大道肅清片同日

夔關溢解稅銀不為定額片光緒八年六月三十日

解部減成減平等款留川備撥摺光緒八年八月三十日

松潘等處短收餘茶息銀情形片光緒八年九月三十日

夔關應解督署公費照舊留支片光緒八年十二月初六日

做照晉省清查庫款片光緒九年正月二十九日

覆陳川省辦理盜案請免解審摺光緒七年十二月十四日

奏為遵

旨議將盜犯仍請就地正法免其解審恭摺具奏仰祈

聖鑒事竊臣於光緒七年九月二十四日准刑部咨光緒

七年七月二十日內閣奉

上諭御史胡隆洵奏請將盜案仍照舊例分別首從辦理

一摺著刑部議奏欽此經部議請將就地正法章程先行

停止請

旨飭下各省督撫將軍都統府尹體察情形將夥眾持械

強劫案件仍照成例解由該管上司覆勘分別題奏不得

先行正法迅速妥議具奏等因當經臣檄飭臬司遵照確

奏稿卷二十二

切體察地方情形妥議去後茲據署按察使崇綱詳查川

省幅員遼闊鄉間戶口並非聚族而居匪徒最易窺伺是

以報劫之案甲於他省且道路遙遠解省招審近則百里

至數百里遠或千數百里二千餘里每案人犯多則十餘

人少亦五六人不等長途押解疏脫堪虞兵役既多解費

更鉅各犯自知所犯必死一經解省翻易原供以冀苟延

殘喘輾轉行查提貨動輒經年累月案始了結事主畏受

拖累每多隱忍不報州縣解費難賠亦必相率諱匿遂至

匪徒愈肆盜賊橫行不得已於咸豐三年變通辦理奏明

就地正法以靖地方非盡因軍興始用重典自定章以來

凡各屬稟獲盜犯或由本府親提或委員前往會審如有

犯供游移賊證不確則暫行監禁俟拏獲夥犯再行訊辦果係贓證確鑿始稟請就地正法核明辦理不為不慎茲奉

諭旨以御史胡隆洵具奏請復盜案舊例經部議請停止就地正法飭令妥議詳辦竊思川省自辦理就地正法以來已歷年所盜案尙未盡絕一旦改歸舊例照常招解則拖累煩費勢所不免誠恐地方官力難賠累諱飾消弭迨發覺嚴參地方業已受害殊非除暴安良辟以止辟之意惟刑部議請停止就地正法以各省辦理未能畫一竟有地方官拏獲盜犯徑行處決始行詳報其中誠難保無規避處分藉盜銷案自應仰體

奏稿卷二十二

二

朝廷寬大之仁格外慎重以恤民命體察情形籌商再四照常招解實多窒礙惟有於委審之中再加詳慎庶免流弊擬請嗣後凡遇州縣報獲盜犯如係道府同城即飭該管道府就近親提審訊如非同城而距省近者由省遴委道府大員遠者即酌委本管上司或鄰封州縣前往提訊果係贓證確鑿情無可疑仍稟請在本地正法俾已犯者不至久羈囹圄另生他變未犯者亦得觸目警心稍知畏懼且案經委員提訊即與解省招審無異遇有翻供狡展就近傳質亦甚便捷該委員既無承緝之責奉委審辦民命攸關斷不敢遷就迴護自取咎戾庶於慎重人命之中仍寓懲創匪類之意等情請奏前來 臣復就川省現在情

形細加查核覺寬嚴既貴因時而情法尤宜允當川中地密民稠人心浮動囑匪會匪梟匪實繁有徒近又加以游勇散練動多勾聚盜劫之案層出不窮 臣到任後復屢飭嚴拏並委營勇隨地隨時會同地方文武嚴查懲辦而盜風仍未盡息足見治蜀宜嚴實非虛語該署臬司議請照前就地正法免其解審實係因地制宜起見合無仰懇天恩俯念川省盜案過繁礙難招解准如該署臬司所議以後州縣報獲盜犯分別是否與道府同城及距省遠近酌量委員提審如贓證確鑿仍行稟請就地正法以昭炯戒而省擾累所有遵

旨核議緣由是否有當理合恭摺具奏伏乞

奏稿卷二十二

三

皇太后

皇上聖鑒飭部核覆施行謹

奏

擬纂四川鹽法志片 光緒七年十二月十四日

再查各鹽務省分均有

欽頒鹽法志以資遵守定制昭然凡在官商竈戶無不奉行維謹罔敢逾越以干刑章是以各省鹽務弊竇恆少非實在商疲竈困

國家課稅無敢或虧且商竈或至虧課而部頒引張均係存庫在官在商均無敢私發私領一引從未有引張發出百數十萬之多而課羨亦虧至百數十萬之鉅駭人聽聞轉晏然自以為得計如川省之昏瞶極甚者也 臣嘗推求其故固由官商之敢於貪詐然亦因鹽務初辦之時雖有成法可循究未經定為志乘頒發通行以資準則是以官

奏稿卷二十二

四

商均恃其無籍可考相率營私任意舞弊只知肥己而不知病

國病民迫有人從而矯正之彼則冥然悍然不自知其身之罹於法網也 臣自創辦官運後將鹽務一切積弊委員確查清理迄今綱紀秩然百弊略盡然事久則變不可不防因擬為久遠遵守之計與鹽茶道崧蕃建昌道唐炯等悉心商酌稽考成法仰稟

宸謨仿之各省之成規準以川省之情勢遠搜近考擬輯鹽法志一書期為四川省日後不易之定則容俟纂輯成編敬謹繕寫恭呈御覽飭部覈議覆候

欽定頒發川省遵守庶後來辦理者確有率循不敢稍萌貪詐之弊是亦考鑑之一端也所有擬纂川省鹽法志恭進緣由謹先附片具陳伏乞 聖鑒訓示謹 奏

奏稿卷二十二

五

遵 旨查覆劉長佑參款摺光緒八年正月二十三

奏為遵 旨確查雲貴督 劉長佑吸煙廢事各情形據實具陳恭 摺仰祈

聖鑒事竊 臣於光緒七年十一月二十三日欽奉

上諭有人奏雲貴總督劉長佑吸食鴉片有年莅任以來 泄泄沓沓溺於嗜好暮氣漸深難免貽憂覆餗等語著丁 寶楨確切訪查據實具奏毋稍徇隱將此諭令知之欽此 當即欽遵密派委員候補知府張世康前往慎密訪查據 實稟復茲據張世康稟稱該員前赴雲南由滇邊至省城 均係改裝易服不露形迹於經過各處遇有紳民人等或

奏稿卷二十二

六

借地方中他人他事相與閒論因漸次詢及雲貴總督作 官情狀據該省紳民均稱總督劉長佑自到雲南以來清 正自持並未聞有吸煙之事其該省自軍興後政務營務 敗壞不堪迨軍務平定而文武紀綱仍復不振地方應辦 公事亦多廢弛總督劉長佑到任設法整理數年之間文 武官吏始就範圍地方公事亦漸次興復各處伏匪辦理 亦甚嚴速滇中士民甚為感戴至詢其辦事如何則稱總 督劉長佑人甚勤謹年逾六十又前在軍營帶勇多年積 受寒溼身體不時疼痛然每日公事仍照常辦理惟於尋 常官員晉謁遇有無關公事稟陳者常不接見此外實別 無可議此訪之城鄉紳民眾口僉同應即據實密稟以憑

察核等語 臣查督 劉長佑吸食鴉片一事 臣前在山東 時該督在直隸總督任內曾與之共辦東昌宋景詩軍務 彼此營壘相接每日均有籌商戰攻事宜朝夕過從無虛 日並未見該督有吸煙形色即其營中文武將弁亦從無 言及該督吸煙者惟 營中有將官從前曾隨該督軍營 帶勇者 臣當時每問及該督在營管束勇丁及臨敵打仗 情形據言該督由湖南至江西各省勦賊甚為勇往耐勞 後又調赴廣西防勦因煙瘴甚大該督前在江西營中身 受寒溼過重至廣西煙瘴之地遂患腹泄日久不愈其時 營中難覓醫藥多有謂鴉片可除寒止泄者該督以軍營 勞苦久泄難支遂信其言每至夜吸食數口冀以療病嗣

奏稿卷二十二

七

服之數月病果痊愈隨即禁絕不食今已多年等語又現 任四川布政使鹿傳霖前在廣西廣東均與該督共事日 久 臣密加訪問亦云該督從不聞有吸煙情事 臣以今昔 所聞證之張世康密訪似該督吸煙之事雖不為無因然 人但知其昔年軍營治病之事而其病愈後之禁絕或不 得而知也至該督在滇泄沓沓溺於嗜好一節查滇省 與川省三面毗連多係夷地邊境每多輻輳之事隨時皆 須會辦 臣到川後與該督交涉事件咨函往返商辦極多 從無延擱又川省應協滇饜滇省派委提釐之員每月一 至即川省官幕及在川貿易者絡繹不絕 臣於未經奉 諭之先每於滇省委員及在川官幕人等謁見詢及該督

辦事精神何如及起居服食何如均稱該督嚴絕餽送辦事樸勤整飭地方亦頗盡力紳民均多感戴是該督之泄沓沓溺於嗜好實亦無迹可指至該督之清正持躬臣在山東時已親覩而深佩之嗣該督前赴雲南任所道經黔省沿途弊絕風清實為從來所僅見此又不敢稍為訾議者也茲欽奉

明諭飭臣訪查具奏謹將委員所訪與臣親訪之雲南委員及在川官紳並參以臣從前所聞見實不敢一毫虛飾至現在疆臣中如劉長佑之廉正不苟洵屬難得應請朝廷加意保全以期共濟拳拳愚衷合併附陳謹恭摺由驛四百里具奏伏乞

奏稿卷二十二

八

皇太后

皇上聖鑒訓示謹

奏

拳獲岩番分別嚴辦片 光緒八年正月二十三日

再三岩野番劫殺洋人一案前經臣寶楨會同前署成都將軍臣托克湍附片具奏欽奉

上諭野番肆行劫殺實屬兇頑著丁寶楨托克湍督飭派出官兵並嚴檄該地方等務將滋事首夥各兇番剋日拏獲追贓給領盡法懲辦不准稍涉遲延致洋人有所藉口別生枝節等因欽此當經轉行該糧務委員等一體欽遵辦理去後並隨卽飭令勒限嚴緝嗣成都將軍宗室臣岐元到任後又經會同嚴札飭催迅速妥辦旋據委員知州楊鞏打箭鑪廳同知李忠清巴塘糧務委員稽志文稟稱前經拏獲夾壩工布曲批策珠二名並起獲原贓騾馬等

奏稿卷二十二

九

件給洋人認明承領訊據工布曲批供稱是夜行劫有丁林寺喇嘛在內夥同搶劫當又設法將喇嘛降巴納小殺熱根堆二名獲案提同工布曲批等質訊明確供認不諱並據隨同司鐸梅玉林之雇工聞天順等認係當時為首兇犯確切無疑雖餘匪在逃未獲而該四犯既據供證確鑿自應照章懲辦惟巴塘地方全係土番獲犯並無監卡可禁若令久稽顯戮不惟恐滋事端在洋人亦必藉口遲延別生枝節應請將情罪重大之工布曲批殺熱根堆二犯先行正法以昭炯戒其策珠降巴納小二犯卽押回拘禁打箭鑪廳待質一俟續獲有犯再行訊辦庶免狡展所劫各贓除起獲外據該教堂估計應賠銀一千九百三十

五兩七錢一分惟此案雖係岩匪為首而喜松工僧俗竟有多名在內夥劫又該處甲瑋烏金澤旺本係岩人兩土司膽敢派令充當甲瑋以致內甸外結出此重案是該巴塘正副土司與丁林寺勘布約束不嚴均難辭責所有前項贓銀應飭令巴塘正副土司暨丁林寺勘布分別賠繳以為約束不嚴者戒該教主畢天榮見如此辦理兇犯既經正法失賊亦復有著心極悅服毫無異議當經領銀出具洋字圖記了案切結以憑結案等情具報前來 臣等查該員等辦理此案甚為妥速並取具該教主畢天榮了案切結尤為結實可靠惟三岩野番頻年擄搶行商上年並拒斃駐藏幫辦大臣維慶引馬人夫實屬兇頑此次又復

奏稿卷二十二

十一

劫殺洋人雖畢天榮自知理屈不與為難俾得速為結案而該匪等迭次越境搶劫滋事若不將此案逸匪悉數拏獲嚴行究辦實無以示儆將來現經批飭該糧員嵇志文督飭該土司隨時購綫設法密捕務將在逃餘匪上緊弋獲盡法懲辦庶野匪稍知斂迹大道可期通暢仰副聖主懷柔遠人綏靖邊隅之至意除將教主畢天榮所具洋字圖記了案切結咨送總理各國事務衙門存案備查暨咨部外所有拏獲三岩野番劫殺洋人兇匪分別正法監禁案已了結緣由謹會同成都將軍宗室 臣 岐元附片具奏伏乞

聖鑒訓示謹

奏

奏稿卷二十二

十一

漢奸句引邊夷滋事漁利分別參辦片光緒八年正月二十八日

再查川省之我邊雷波馬邊越傷及松潘理番龍安暨甯遠府各屬概係夷巢縱橫不下數千里其間大小各夷約計數百支內有黑夷白夷之分種類極繁不相統攝互爭雄長所居夷巢均係崇山峻嶺密菁深林人迹難到又近接涼山尤極險遠該夷本屬犬羊成性而所處之地亦復崎嶇是以川省歷來無一二年不辦理夷務者職此之故然臣到川後詳察情形始知該夷之所以易於出巢者固屬犬羊之性反復無常然亦多由於漢奸所致緣漢奸居心狡詐當夷人安靖之時則陰搆其出擾從中隨同搶掠漢民及至夷人搶劫不休派兵勦辦則又從中倚勢焚擄

奏稿卷二十二

三

夷人表裏為奸坐獲漁人之利臣深惡此弊屢嚴飭各邊地廳營密行查辦並為之定立規條冀除錮習而安邊圉並節年將疏玩之我邊通判楊銘雷波通判趙席珍等參革馬邊廳營各員撤省查辦惟積弊過深一時實難驟除前據樂山縣知縣張明毅稟報有我邊黑夷牛牛等帶同白夷目瞿木資等前赴樂山求撫自願與馬邊夷支約同保守縣境不令各夷滋擾等情該縣因其來意甚誠妥為遣回當派有團勇護送前進詎行至我邊地界即有趙山地方團民趙三毛牛率領多人將該夷目等殺斃並將護送團勇毆傷捆縛割取夷首赴我邊廳請賞該夷聞信後即糾邀各支夷出巢以圖報復經該縣會同防營嚴密防

禦該夷等始行歸巢等情臣現嚴飭我邊廳通判王桐華

速行查拏趙三毛牛等到案審明治罪以服夷人之心茲又據署雷波廳通判李中敷會同該廳參將蔣繼榮稟稱該廳夷人自去歲辦理肅清各支尙屬相交詎於十二月內忽有夷札勿奇兩支夷或十餘人或數十人不等在於該廳境不時滋擾經該廳會營查辦適該廳就撫之夷共二十三支內有二十一支俱已來廳領賞獨庚札勿奇兩支尙未前來該廳營即當堂傳訊各支夷目詢以庚札勿奇何以領賞遲延之故即據板都支夷甘洛米吐等供係毛千總傳知令伊等帶領夷人出擾可以從中獲利等情並據該夷等出具切結存案查毛千總即毛廷魁前署三

奏稿卷二十二

三

稜岡千總復保升守備都司乃竟暗句夷匪教令出巢滋事似此貪奸武職亟應參革提省確訊治罪應請旨將候補都司毛廷魁即行革職以憑嚴行審辦用昭炯戒而安夷情至各該邊夷愚頑無知性情反覆而各該廳又多奸民句引臣覆經派委明幹之員前往會同各防營密為稽查認真巡哨以資周密所有川省各邊夷務近多漢奸句引滋事漁利並請旨將通夷武職斥革審辦及委員前往巡查各情謹會同成都將軍宗室臣岐元附片具陳伏乞聖鑒訓示謹奏

保舉華聯輝片 光緒八年正月二十九日

再官運鹽務本屆奏銷已及四綱引岸日疏課釐增旺已定成規此皆上稟

宸謨下資羣力幸克臻此然臣以為

國家之至計貴有治法尤貴有治人回憶官運創辦之初凡在中飽之徒無不危言震恐百計阻撓又以其時成本過細事事掣肘辦理殊屬為難臣與建昌道唐炯互相勉策以事關

國計民生甚大惟當場誠圖維利害均可弗計唐炯以事屬艱鉅辦理必須得人查有貴州舉人揀選知縣華聯輝才智閎達為守最優若得之參助必能多所規畫底於有

奏稿卷二十二

五

成臣即函致來蜀與之諮商一切華聯輝初謂臣曰川省

鹽務名為不及兩淮然辦理覈實亦兩淮之次奈攘其利者已百餘年遂至毀壞不可收拾今欲開辦官運為疏引裕課之計非專意於恤商便民不為功臣以引岸甚繁成本甚細呼應不靈將若之何華聯輝謂成本甚細當可設法准口岸甚多商情必通而後根基可固竊願親赴各岸一行審量情勢再為定奪臣當促令前往於所到各岸即與各商開誠布公講求現在官運辦法而又與之區畫領鹽繳本各事宜計不及一月各岸商號之繳本領鹽者已不下四十餘萬唐炯見事機已順即由此推廣而行故官運一辦便有成局此後則剔弊除奸逐漸展布事事求實

遂致年勝一年今則規模大定但使恪守舊章即可安坐而理是川省鹽務之振興實華聯輝之力為最也臣竊維大學言平天下之道首重絜矩繼重理財誠以聚人曰財古今不易之理現值時局憂貧理財尤亟然理財若出於培克聚斂是以利為利實亦不足以利

國家華聯輝初謂臣以恤商便民為主是根本已立宜其以後諸事皆迎刃而解也臣數年來詳查華聯輝操行正大識見閎達才力堅卓條理精詳而其公忠自矢清白盟心在局數年不受一毫薪水尤為近今罕見當茲需賢孔亟似此拔出之才儻蒙

聖明採擇破格錄用必能隨處適宜有所建樹決不致上

奏稿卷二十二

五

負

任使臣為

宵旰求賢孔殷而人才又實難得茲既有其才臣又確有

所見不敢自匿謹附片具奏伏乞

聖鑒訓示謹

奏

委夏崧接辦滇黔邊官運鹽務片

光緒八年三月二十九日

再臣准軍機大臣字寄光緒八年二月二十八日奉

上諭唐炯現已簡放雲南布政使其四川官運鹽務向係唐炯一手經理頗著成效現須交卸赴任所有該局事務關繫緊要即著丁寶楨遴選妥員奏明委辦並嚴飭各該員等認真經理毋任日久廢弛將此諭令知之欽此臣跪聆之餘仰見

聖主慎重鹽務至意當即欽遵督同唐炯暨藩司鹿傳霖鹽茶道崧蕃等熟商接手之員以期恪守成規妥協辦理俾鹽務日增暢旺查該局地廣事繁其間調劑商民等接餉課督銷引運稽核征收事事均關緊要非同他局可比

奏稿卷二十二

六

現在人才難得遴委實非易易而藩司鹿傳霖鹽茶道崧蕃又各有本署應辦公事萬難兼顧茲查有四川候補道夏崧操守廉正才敏心精前到川時臣查其結實可靠曾經飭派該道在鹽局幫同唐炯經理各廠暨各分局事宜藉資歷練該道鉅細必親耐勞任怨極為得力現值官運局接辦需人臣查夏崧允堪勝任第該道前因丁憂回籍終制刻計五月內應行起復回川除由臣咨明湖南撫臣查明該道已經服闋即給咨飭其趕緊回川接辦局務並請

勅下該撫臣查照毋任逗遛於局務大有裨益謹附片具奏伏乞

聖鑒訓示謹

奏

奏稿卷二十二

七

黔省獨山荔波仍歸川省運鹽行銷摺光緒八年四月三十日
奏為查明黔省獨山州荔波縣實係川鹽引地應仍歸川省運鹽行銷以符原案恭摺仰祈

聖鑒事竊查黔省獨山荔波等州縣向為川鹽銷引之地近因粵商恃眾走私引銷疲滯經臣咨請示禁在案旋准貴州撫臣林肇元咨轉准廣西撫臣慶裕咨開查兩廣鹽法志開載西櫃各埠廣西桂林柳州慶遠思恩泗城平樂梧州潯州南甯太平鎮安等屬府州縣貴州黎平府屬古州在開泰縣境內兼銷永從獨山荔波地方謹按黎平府屬古州係新闢苗疆向無額引雍正十年前撫臣金銜奏請委官運鹽至古州永從丙妹三角壘各地試銷乾隆三

奏稿卷二十二

六

年前督臣鄂彌達奏請招商定額引四封設古州總埠而以丙妹永從三角壘隸焉八年雲貴督臣張廣泗咨准黔之荔波縣舊隸粵西慶遠府原食粵鹽今改隸黔省粵鹽不至川鹽價昂民苦淡食今古州埠商人添領額外餘鹽或撥難銷埠引鹽一封運至古州聽該處苗民自赴買銷以上連古州兼銷之永從獨山荔波共六十廳州縣均歸西櫃等語今准來咨黔省荔波獨山等處向為川鹽行銷之地核與兩廣鹽法志載永從獨山荔波均歸西櫃之條未符查粵鹽頻年滯銷稅課缺額正在招商設法整頓行鹽之際引地實為饒課攸關未可稍涉歧誤咨請核辦等因當經轉行去後茲據黔滇官運總局道員唐炯鹽茶道

崧蕃詳查兩廣鹽法志轉運部疆界門內載自謹按黎平府古州係新闢苗疆起至聽該處苗民自赴買銷止均與來咨所引相符惟原文並無以上連古州兼銷之永從獨山荔波共六十廳州縣均歸西櫃三十四字又查粵鹽行銷各省運道總圖內只列黎平古州並無獨山荔波又查前廣西撫臣金銜兩廣督臣鄂彌達兩次奏內均無獨山荔波字樣即以前雲貴督臣張廣泗原奏而論亦祇稱運至古州聽荔波苗民自赴買銷並非令粵商運往獨荔售銷况部頒鹽引內載都勻府與貴州各府一例則獨山荔波自在其內而廣西撫臣金銜原奏亦明有都勻為川鹽引地之語此獨山荔波從前實為川鹽引地之確證也如

奏稿卷二十二

九

謂兩廣鹽法志係乾隆年間所修以後或有變通則宜以最後之案為斷四川於道光三十年經前督臣徐澤醇奏請委員帶商赴黔將行鹽引岸逐一清釐分疆畫界以杜爭執造冊送部覆准通飭遵照重刊引根引紙明載獨山荔波在內有案可稽此又獨山荔波現在實為川鹽引地之確證也至三角壘係獨山州一隅之地兩廣鹽法志內雖有隸古州埠一語不得以一隅而概一州並牽及荔波亦為粵鹽引地今欲禁止川商不令販鹽赴獨荔行銷則商人手執引紙尚不足據誰肯認銷於川省鹽法大有關係不但僅失獨荔引岸等情詳請奏咨前來臣覆查無異相應請

旨勅下廣西撫臣查照原案嚴禁粵商恃眾走私攙塞獨
山荔波川鹽引地俾清界限以肅鹺綱庶商人不致疑畏
引岸不致混淆實於鹽法官運兩有裨益除分咨外理合
恭摺具陳伏乞

皇太后

皇上聖鑒訓示謹

奏

奏稿卷二十二

三

奏報唐炯起程日期並陳管見摺光緒八年五月初四日

旨飭催雲南藩司赴任奏明起程日期並因探聞滇邊情
形敬陳管見恭摺仰祈

聖鑒事竊臣承准軍機大臣字寄光緒八年三月二十四
日奉

上諭前有旨將唐炯補授雲南布政使著丁寶楨傳知該
藩司迅速馳赴新任無庸來京請訓並著將起程日期奏
聞將此由五百里諭令知之欽此欽遵轉行該藩司飭催
迅速起程茲據唐炯稟稱已將經手四川官運鹽務清釐
交代清楚定於五月初七日起程赴任呈請代奏前來惟

奏稿卷二十二

三

臣前聞法國與越南構釁稱兵滇粵兩省邊境毗連現均
增兵籌餉防務喫重日來又欽奉

諭旨令由四川官運局每年撥銀二十萬兩協濟滇省以
資募勇之費等因當經隨時籌計此次

朝廷飭催唐炯赴滇任事是否注意於此臣未得知惟近
復得之傳聞均稱法國已取越南東京並有添調兵船併
吞越南之說邊防十分緊要又現有紛紛議論或謂宜練
軍自衛者或謂宜出境略地者傳聞不一未能得其確實
然竊謂練軍之說在又安無事之日尚宜思患預防况勁
敵強鄰眈眈窺伺兵法云無恃其不來恃我有以待之自
應厚集兵力以固藩籬斯為正辦至出境略地則有關中

外大局稍一輕舉所繫匪輕臣不敢安於緘默敬為我皇太后

皇上詳陳之查為略地之議者不過謂得尺則尺得寸則寸拓之可以固吾圉留之仍以裨越南立言似正為謀似遠而不知有不可行者夫兵出有名師直為壯法國恃其貪黷既取越南東京其屬地亦必多所侵占今我師將略其已侵之地乎抑略其未侵之地乎如略其已侵之地彼方據之於前我即奪之於後法國豈能甘心必以加越之兵移而向我此時不與之戰則勢必不能然與之戰則無論勝負構怨方深一不可也如略其未侵之地該兩國不知我兵出何意在法必謂我祖護屬國併力相圖在越南

秦稿卷二十二

三

且謂我乘彼之危坐收厚利即徇定其地而孤軍虛懸豈能久守儻不旋踵而復失徒損

國威於事仍無所補一不可也查自中外交涉以來各國中最強盛者莫如俄最橫暴者莫如法加意防維猶虞乘隙而動矧復貽以口實啓其釁端決裂之情不待再計彼議者特未置身局中統籌大勢深思熟慮且為目前計臣愚以為排難解紛事原往古而交鄰字小此時甚重然遽由

朝廷派員前往宣

諭殊覺

國體不尊亦恐難以轉圜應請

皇上密飭滇粵督撫臣一面照會法國統兵領事等官揀派明幹大員前往詢其稱兵之由責以大義示以公法謂越南如果開罪彼國自當奏

聞請飭令該國謝罪取和如並未啓釁無故加兵則是彼國顯背條約不惟失和好於中國抑且失信義於泰西殊為彼國不取以此敷陳剴切據理力爭則在各省本有救災恤鄰之誼而於邦交亦得講信修睦之體且朝廷可得坐觀其勢徐為布置即法人亦見我各省同聲義舉必難窺我淺深一面仍調集各省大軍出屯邊境以壯聲勢如此辦理或使法人知難而退還其侵地既於全局無損而越南亦得保有疆土翼戴

秦稿卷二十二

三

皇仁如果法國恃強逞貪必欲兼併至不得已則猶有為越南保全之一策緣臣聞從前髮逆自撲滅後餘黨散入越南尚以萬數千計率皆剽掠為生越南深受其害而無如何並探聞上年法國兵加越南該國會資以退敵敵其上將始克保全後因乏饒旋復散而為盜此等不逞之徒尤恐法人鑒於前轍陰為收集以供彼用則不獨為越南目前大患實亦中國日後隱憂臣愚以為莫如

密諭滇粵督撫臣慎選機變可靠之員知會越南陰為設法招撫收輯令其捍禦法兵惟越南被兵有日一切軍儲器械糧餉或有不敷應由滇粵各省酌籌明為撫恤越南暗則資其接濟俾其為法國別樹一敵儻該匪幸而獲勝

越南既感代籌之

德而我並不居保護之名法國亦無以藉口設此類竟爲
法國所殲亦隱爲中國除一大患驅狼鬪虎似屬一舉兩
得然臣竊查洋人用兵多尙整齊若不得已而與之戰自
當避其所長攻其所短乃能得力此起匪衆素習野戰果
能收爲我用與法相持深合以散擊整之法而又有越南
之兵以斷其後抑亦法人之一厄其勝負實未可逆料也
至滇粵各省仍須力圖自強切實練兵分布要隘慎固邊
防乘機以觀其變而爲之應或爲萬全之道事關天下大
局必須通籌遠慮謀定後動應請

勅下軍機大臣並總理各國衙門會同妥議籌辦臣無任

奏稿卷二十二

三

懇款之至唐炯子身赴任時艱在即察其忠勇沈毅膽識
俱優必可有爲惟慮藩司責專籌餉兵事非其所屬雖滇
省本有防軍近日復加招募然一切非藩司所得自主亦
恐呼應不靈動形掣肘查該藩司舊部安定五營分屯川
境現在川省稍爲靜謐可否令其酌帶兩營赴滇無事則
令遊巡邊徼藉壯聲威有事則可供調遣聯絡各營從容
部署較倉卒招募者倍爲得力如蒙

俞允臣俟奉到

批諭後即知會該司並派員率帶前往交替似於滇省邊
防不無裨益所有遵

旨飭催雲南藩司赴任起程日期並因探聞滇事敬陳管

見緣由是否有當理合由驛四百里具奏伏乞

皇太后

皇上聖鑒訓示謹

奏

奏稿卷二十二

三

四川鹽法志成書恭呈 御覽摺光緒八年五月十五日
奏為纂輯四川鹽法志成書敬謹繕冊恭呈

御覽仰祈

聖鑒事竊 前以四川鹽務為川省第一大政因向無鹽法志頒發遵行以致官吏商民恃無遵守任意紊亂百弊叢生敗壞至於不可收拾是以奏明纂輯鹽法志一書俾資率循欽奉

諭旨允准伏查鹽法志一書從前雍正二年戶部以長蘆山東鹽法志纂輯告成具題請

旨勅下淮浙兩廣河東福建四川雲南等管鹽督撫一體遵照纂輯奉

奏稿卷二十二

三

旨依議欽此欽遵通行在案查鹽法志實為鹽務省分必不可少之書經 督同前總辦官運局新授雲南藩司唐炯暨四川鹽茶道崧蕃等悉心考究稽古準今編輯成書現已完竣謹繕具黃冊咨由軍機處恭呈

御覽仰懇

勅部覈明覆議具奏候

旨定奪勅下以憑欽遵刊發各屬敬謹遵守用肅嵯網謹繕摺具陳伏乞

皇太后

皇上聖鑒訓示謹

奏

川鹽濟楚未能驟停摺光緒八年五月二十四日
奏為遵

旨查明川鹽濟楚未能驟停尚須展緩辦理以順輿情而維

國計恭摺覆陳仰祈

聖鑒事竊 於光緒八年五月初九日接准軍機大臣字寄光緒八年四月二十七日奉

上諭前據左宗棠奏准鹽擬加引票當以增引恐致滯銷諭令詳議具奏候旨遵行旋據左宗棠奏籌復楚岸派員

辦理官運撥營前往巡緝及淮北加引各情已諭令戶部妥議具奏茲據彭祖賢奏兩淮議禁濟楚川鹽有關鄂省

奏稿卷二十二

三

饒源客軍緝私窒礙難行請飭暫循舊章各摺片據稱鄂省出款半取給於川鹽釐稅若禁川復准則饒源大減此時未與四川議定停運限期先行設卡堵截恐無以取信於民恩施等州縣例應行銷川鹽不能概行禁絕監利縣已到川鹽限三箇月銷盡窒礙殊多等語川鹽濟楚行之已久此時議復准引固為規復舊制起見惟川鹽能否即行停運鄂省饒源有無關礙必須通盤籌畫從長計議且將來如果復准亦必須酌定期限曉諭商民行之以漸方不致激生事端此事惟視民生國計所宜或准或川朝廷並無成見總須妥慎辦理以期商民相安著左宗棠涂宗瀛丁寶楨彭祖賢悉心會商妥議具奏候旨遵行現在仍

著循舊辦理川鹽行銷楚岸尙未能剋期禁止遽派勇營前往恐致民閒疑懼著左宗棠飭所派親軍二營暫行停止赴鄂將此由五百里各諭令知之欽此欽遵寄信前來

臣跪讀之下仰見

聖主平均天下一視同仁莫名欽感伏查川鹽濟楚從前係通行鄂省自軍務肅清後建議禁川復准經鄂川各督撫以川鹽驟禁勢有難行乃議分鄂省安襄鄖荆宜五府荆門一州並湘省澧州一州爲川鹽行銷之岸此外不得攬越議定之後行之歷有年所然禁川復准之說屢欲照辦迭經部臣請

旨飭下江鄂湘川四省會議妥籌各省往復咨商均以事

奏稿卷二十二

无

多窒礙尙須從緩辦理方免貽誤等情具奏各在案竊禁川之議臣前在山東巡撫任內卽熟聞之以爲復准本國家大計不容緩圖迄到川後始知川鹽濟楚行之過久百姓添增井竈改煎鍋口已成積重之勢一旦遽議禁川則鹽無出路勢必扞格難行復查明滇黔本爲川鹽引地特因兵燹口岸荒廢亟應設法規復節次開通俾川引自有銷路方可徐圖復准乃爲善辦是以奏明先行開辦黔邊官運次及滇邊四五年來辦理漸有成效而楚省五府二州淮岸迄未能復則以商情尙有不順一時未可驟圖非敢稍分畛域置淮岸於不顧也今兩江督臣遵議全行停止濟楚川鹽未免操之過急查酌情形實有難以遽行

者請爲我

皇太后

皇上縷晰陳之川省井竈產鹽行銷本省及滇黔兩邊向煎整塊巴鹽並無散粒花鹽自鄂省始議借銷川鹽其時川省歷任督臣深恐引岸混淆且慮楚省食慣花鹽巴鹽不便行銷未肯照行嗣因鄂省奏咨不已不得不爲委曲與辦以顧全局乃多方勸諭令民間多開井眼仿照兩淮煎曬花鹽將鍋口酌改並增添大半復招徠行商湊集費本領引行銷極力圖維始有成局維時全楚均食川鹽岸廣銷暢商情極形踴躍富順縣廠新開之井二百餘眼改燒鹽鍋二千餘口濟楚行商不下百數十家鄂省始則借

奏稿卷二十二

无

之以濟民食繼乃借之以抽釐助饒歲收百數十萬兩饒源亦由此而裕迨軍事大定淮綱復興卽有禁川之舉初議分成搭配繼議畫界分銷又復加重釐金川省屢致虧折而猶不至歇業滋事者則以歷年已久商欠民欠以及存贖在鄂之鹽通計成本不下數百萬一旦禁止則成本無從歸還惟恃有此五府二州之一綫銷路以爲生活也自臣開辦官運滇黔引路雖漸通暢奈該兩省從前本係瘠區自兵燹後村落成墟近雖肅清數年而流亡戶口復還者尙不及十之三四食鹽之人既少銷鹽之路不寬且該兩省惟食巴鹽不食花鹽尤難勉強遽舉此濟楚八九千引之花鹽銷歸烏有計自官運辦後每年設法勸諭改

鍋煎巴舌傲骨焦應此卒寡似非一二年間所能驟致若必決然辦理勢必塞井夷竈抑勒從事從前川民一聞禁川復淮之說輒環聚泣訴人心皇皇必俟定議循舊辦理始克安定如常本年三月臣甫經接到兩江督臣咨商停止濟楚當經據實咨覆乃愚民無知聞淮軍已到鄂省設卡堵截即謂禁川事在必行人情驚懼異常旋據自流井閩廠商民並濟楚運商大生厚等一百數十餘家聯名呈訴井商則謂工艱費鉅每鑿一井多者費銀十餘萬兩少者亦數萬兩核計近年產鹽之數除運銷滇黔及本省計岸食鹽外每年尚餘鹽一萬餘引今若停運驟加封禁是商等以二三十年之舊業一旦廢棄工本憑何取償運商

奏稿卷二十二

三

則謂湊賞運鹽到楚發販多係零星賒欠該商等承運近三十年所放楚省商販民欠各帳項每家或數百數千兩或萬餘兩或二三萬兩總共不下五六百萬兩非七八年中不能收回而存積在鄂之鹽又不下二三百萬今若停運各債憑何收取各鹽如何出售借本無歸破產傾家生機頓絕而尤難為之解說者則僉謂開井運鹽從前皆係奉文應募並非私辦即令停止亦應曲體民情寬限數年俾商等資本鹽勛漸次收回售盡何以不為安頓遽行禁止蚩蚩之氓眾口一辭並謂江省蜀省同隸版圖淮南商川商同為赤子

朝廷一視同仁必不稍有厚薄歷陳苦衷哀懇代奏展限

前來平心而論當濟楚之初則招之惟恐不來有復淮之議復過之使必立止揆諸情理殊屬未安臣實無詞以對此停止濟楚川鹽不能不展緩辦理之實在情形也且臣自到川後無時不以復淮為念查從前川鹽運楚包口每包加重至五百餘觔一引行兩引之鹽實計每年已加銷一萬五六千引占擱淮引不下四十餘萬道臣極知淮岸日久應復應先善自為謀以免後來掣肘因首將包口改歸舊則每包連皮照舊僅重二百二十六觔暗為釜底抽薪之法繼以滇黔銷路漸暢復為奏定限制每月濟楚減為七八百引以現在行銷而論每年實僅八九千引是明已減去五六千引合之以前行楚包口實已暗減去一萬

奏稿卷二十二

三

二千餘引綜前後情形而計明減暗截實較從前川鹽占行淮引減去不下三十一二萬道讓還難岸之計畫不為不至地步不為不寬茲僅餘此九千餘引分銷楚省五府二州似可立復舊制然設使果係川民自為浸灌臣何難繩之以法無如當日實係百計招徠其曲在我又設使今日滇黔戶口無異全盛臣又何難舉濟楚之鹽導入該兩省行銷俾各省無所藉口無如兵燹之區生齒凋敝萬分驟難復元鹽勛難覓銷路又况商情趨利稍有虧折即難勉強若令將數百萬資本化為烏有尤慮變生意外誠如聖諭必須行之以漸方不致激生事端為今之計莫如將停楚之議暫不求速俟將川引查照部議再行量為酌減

每月以六七百引爲率俟數年後滇黔流民招徠漸多川
省鹽鑛改煎較順楚商資本藉此展緩漸次稍可收回斯
時江省卽不議復淮川省亦自能禁川畫清引岸各歸各
地不勞而理較之目前辦理窒礙者難易迥殊且查以前
每年川鹽行楚多至三萬餘引今不過四年卽已減爲九
千餘引若再緩數年此九千餘引或尙不難禁絕此臣行
之有驗者並不敢徒託空談稍涉粉飾至楚省歲收川鹽
釐金不僅供本省軍需兼顧別省協撥卽以現在減引而
論每年亦不下一百餘萬查楚省五府二州應行淮引十
四萬六千餘道以淮鹽章程課釐併計不過九十萬兩而
前據署兩湖督臣翁同爵咨稱武漢黃德等府四十三萬
餘引之地竭力緝私並無川鹽浸灌每年所銷不過二十
萬引今卽將荆宜鄖安襄荆澧等府州十五萬引地面全
歸淮銷照武漢黃德四府現銷引數比較至多不過銷至
五六萬引楚省歲入課釐不過三十萬兩該省雖有竹木
牙釐歲收亦不過十餘萬兩一旦空此七八十萬現成有
著之饒源而取償於虛懸不可必之淮釐能否不致動形
支絀上煩
宸廑臣固不能越俎代謀而唇齒相依思慮所及亦不敢
不據實直陳應請
勅下部臣妥議施行所有川鹽濟楚現在未能驟停尙須
展緩辦理以維大局各情形臣愚昧之見是否有當理合

奏稿卷二十二

三

恭摺由驛五百里具奏伏乞
皇太后
皇上聖鑒謹
奏

奏稿卷二十二

三

官運鹽務帑本還清餘款分別存留備撥摺 光緒八年五月二十九日

奏為黔滇官運局帑本還清應將丁戊己庚四綱支存各款留局作為運本嗣後再將支存之款存儲備撥恭摺仰祈

聖鑒事竊查黔滇官運局自光緒三年開辦後借撥藩庫銀五十萬兩嗣山東解到借款銀八萬兩當由司庫扣收銀七萬七千兩總計官運局祇領到本省東省借撥鹽本銀五十萬三千兩原議分作八年歸還前經奏報在案茲據官運局新授雲南藩司唐炯詳查官運局前借本省東省鹽本銀兩已於光緒四年還過司庫銀六萬兩五年還

奏稿卷二十二

三

過銀十二萬兩七年還過銀十五萬兩本年還過銀九萬三千兩共計解還過司庫銀四十二萬三千兩又六年還過東省銀二萬兩七年還過銀二萬兩本年還過銀四萬兩共計解還過東省銀八萬兩所有官運局原借本省東省銀五十萬三千兩均已悉數還清至丁戊己庚四綱征收稅羨截釐各正款銀兩除每年撥解滇黔兩省協饒抵捐及北洋鐵甲船價總共銀八十六萬四千七百五十兩外實存銀一百八十九萬四千七百七十九兩九錢零均經發廠購鹽分運各岸行銷惟查每綱額行邊計各引並帶銷積引約共計引三萬道每配一引鹽價水腳須一百數十兩不等以三萬引而計約須銀五百餘萬兩總局鹽

奏稿卷二十二

三

本向係隨發隨收邊岸途遙每年僅可周轉一次計岸則可周轉二三次通計每綱各岸局所解亦約有五百餘萬兩足敷購運固可無庸加多實亦不能減少辛巳綱以後所收正款除撥解滇黔兩省銀二十五萬一千兩奉撥接濟藏中公費銀一萬二千兩現又奉撥滇饒銀二十萬兩尙可餘銀二十餘萬兩應請將此款銀一百八十九萬四千七百七十九兩九錢零永遠存留局中作為運本嗣後所收稅羨截釐各款除撥解滇黔兩省外每年支存餘款應存儲聽候撥用即自光緒九年為始按年照辦一綱再山東解到借款銀八萬兩當由藩庫扣收銀七萬七千兩仍係在五十萬之內未經列入撥用以免重複牽混等情詳請奏咨前來 臣查官運局撥借本省東省帑本原議分作八年歸還現計四年之間即將所借原本悉數還清是該局此後即無官本而鹽局仍須購運以利疏銷所有丁戊己庚四綱征收正雜各款銀一百八十九萬四千七百七十九兩九錢零自應存留在局作為運本以資購運而裕征收其自本年辛巳綱以後所收稅羨截釐各款應妥為存儲以備指撥而重帑項於鹽務庫儲兩有裨益除飭各委員照章實力經理不准稍有虧挪作弊並咨部外所有官運局還清原借帑項及四綱支存各款存局作為運本並按年將支存各款聽候撥用各緣由理合恭摺具奏伏乞

皇太后

皇上聖鑒訓示謹

奏

奏稿卷二十二

奏

勦辦岩番大道肅清片

光緒八年五月二十九日

再三岩野番劫殺洋人一案前經臣寶楨會同臣岐元將獲犯訊明分別正法監禁取具洋字切結了案緣由附片具奏欽奉

上諭該部知道欽此當經轉行該糧務委員等一體欽遵在案查三岩野番頻年擄搶行商上年駐藏幫辦大臣維慶由川入藏行至大石包該番匪膽敢攔路搶劫殺斃引馬人夫嗣又將法國司鐸梅玉林殺斃實屬兇頑已極現雖擊獲兇匪分別正法監禁惟在逃餘匪未獲若稍涉輕縱殊不足以戢其野心自應將在逃餘匪悉數弋獲盡法懲辦庶野匪稍知斂迹不至復出滋事隨即飭令勒限嚴

奏稿卷二十二

奏

緝去後茲據糧員嵇志文稟稱該員於辦結教案後親赴竹巴籠地方查看岩番歷年出劫各處將調派泰甯營兵丁逐段駐紮飭令該土司等實力嚴拏比時幫辦大臣維慶亦奏請揀帶漢番官兵馳往查辦已將紫打圍攻該番均有投順之意嗣聞維慶有奉

旨調京當差之信各番又思反覆並派人赴上中兩岩乞援該糧員當即飛繕漢夷雙文告示遣派熟悉岩境夷人馳往上中兩岩徧貼曉諭各清各界毋得聽人唆弄自罹罪戾自是兩岩番等各懷畏懼不肯助惡該糧員即飭令前敵速為進攻並飭後路隨時帶隊入山搜捕該東打岩番猶敢糾合納窪尾角暮洗等族共九百餘人前來紫打

寨前耶隆拉山會戰欲解紫打之圍我兵分路迎擊該番勢力不支四散敗逃我兵乘勝追擊殺死各族二十餘人受傷逃回者不計其數復斃紫打賊首霞朵一名於是紫打寨中男婦均哀哭求饒情願投誠以後不敢劫搶大道迭據擦納喇嘛汪根代各族再三懇求該糧員以該番頻年剽掠劫案如林原屬法所不宥但伊等自乾隆年間搶劫至今歷有案卷可稽從未稍受懲創此次攻克堅巢斬擒首要實足以寒賊膽而快人心除將紫打一村查明不法之家將其房產盡行燒燬田畝分賞良番其餘東打納窪尾角模西即暮洗宗巴各村概准投誠以免勞師糜費並以族番等狼子野心難保日久不至反覆當飭令兩

奏稿卷二十二

奏

土司及擦納喇嘛轉諭該番等各獻有身家之頭目前來巴塘查照越嵩夷卡之例在巴押質儻日後大道稍有搶劫查出係何族夾壩即惟該族在押人是問押質之人是否可靠責成擦納喇嘛出結具保該番等畏其攻擊均紛紛請降送質許予投誠仍飭令擒獻拒斃引馬人夫及劫殺洋人各逸犯當據宗巴將洋案兇番納雍噶熱布兩犯擒獻該番匪因拒捕格鬪受傷過重未及到營即因傷身死當將首級知會教堂梟示河干以昭炯戒至前次陣擒之卓奔奪吉訊據供稱曾經在大石包劫掠且與官兵對敵此外尚有劫殺兩案夾壩數人均經該投誠各族許以設法擒獻並先以有身家之人送巴作質俟擒獻夾壩後

再行掉換岩番從此知威感德大道可以暢行地方得以安謐該主教畢天榮見如此辦理逾覺心悅誠服現已於四月二十五六七等日分別將各土兵撤回各遣歸牧所獲各匪俟餘匪解到即行訊明稟請核辦等情前來臣查岩番為患巴塘已歷百有餘年傷人無數以馳驛大道行旅戒嚴實屬不成事體此次調兵勦辦該糧員嵇志文即率領官兵實力進攻數月之間奪壘擒渠卒能將百餘年地方大患設法懲創荒外野番均能輸誠向化辦理尙為妥速並查照越嵩夷卡之例飭令該番等各獻頭目在巴押質責成擦納喇嘛出結具保俾免日後復出搶劫辦理尤為切實現在來往漢夷無不同聲歡慶川藏大道可以

奏稿卷二十二

奏

一律肅清堪以仰慰聖懷除飭該糧員勒令投誠各族將兩案逸匪數人剋期擒獻一體研訊明確按擬究辦並將善後一切事宜妥為籌辦具報外所有勦辦岩巢現已就撫並獻人押質永不致再行劫搶川藏大道肅清緣由謹會同成都將軍宗室臣岐元附片具奏伏乞

聖鑒訓示謹奏

夔關溢解稅銀不爲定額片 光緒八年六月三十日

再查夔州府經徵關稅前因驗放洋票免稅日多短徵日鉅經 臣 奏明請以宜漢兩關收數劃抵嗣經部議准自光

緒六年爲始由宜漢兩關開具實徵數目咨川劃抵如再徵不足額卽著該關自行賠解又迭准部咨飭令各該關各就實在情形按年溢解斷不引以爲據將溢解之數編爲定額等因茲據布政使鹿傳霖詳查夔關每年應徵正額盈餘銀一十八萬三千七百餘兩光緒五年分因驗放上下水洋票照單未經劃除計短徵銀六萬六百餘兩已據該府賠解足額至六年分應徵正額盈餘銀兩除宜漢兩關徵收子口稅劃抵銀七萬一千九十餘兩外該關祇

奏稿卷二十二

罕

應徵解銀一十一萬二千六百餘兩今據徵解銀一十三萬八千七百餘兩計多徵銀二萬六千餘兩又七年分連閏應徵正餘銀一十九萬六千餘兩除宜漢兩關徵收子口稅劃抵銀八萬六千餘兩該關祇應徵解銀一十一萬兩零今據徵解銀一十二萬三千餘兩計多徵銀一萬三千兩零綜計六七兩年共多徵銀三萬九千餘兩均分別詳解題報在案惟查近年自行洋票以來夔稅之徵不足額雖由於洋票侵占過鉅然商販之偷漏恐亦不免屢經嚴飭認真稽查整頓期有起色不得收多報少該府尙能竭力遵辦藉得頻年溢解第以後能否豐旺仍難預料惟有責成該府實收實報有餘則儘數批解不足則照額賠

填應請仍照部議不以溢解爲例俾免歧誤等情詳請奏咨前來 臣 覆覈無異除咨部外理合附片陳明伏乞 聖鑒訓示謹 奏

奏稿卷二十二

罕

解部減成減平等款留川備撥摺光緒八年八月三十日奏為川省應解減成減平各銀兩暫請留撥各路饒需恭摺具奏仰祈

聖鑒事竊查光緒八年正月初四日准戶部奏催各直省欠解減平銀兩行令按照定章於每年二八月埽數解部儻有挪移拖延比照地丁錢糧完欠分數分別議處又於五月十二日復准部咨以臣奏委解八年分頭批京饒及固本兵饒案內指撥七年京平銀二萬兩作為固本兵饒以奏明解京之項不應再行動挪行令速籌抵補解部各等因均經飭司遵辦去後茲據布政使鹿傳霖詳稱遵查川省僻處西陲賦薄徭輕額征課稅入不敷出向來兵饒

奏稿卷二十二

聖

臺費等項全賴鄰省協濟供支迨自軍興以來非惟鄰省不復協濟反由川省協濟而逐年解撥京外各饒及本省旗綠兵饒並防勦經費已不下六七百萬兩所賴以周轉者皆由勸辦津捐抽收釐金並將歷年扣收減成減平銀兩隨時通融挪湊勉強支持是以歷奉催提減平減成各銀兩均未能撥解絲毫光緒六年奉部續催復詳經奏請自光緒七年起將減平減成銀兩另款存儲解京以裕庫儲原以京師為根本重地自應盡力籌供詎奏報以後復奉添撥償款銀十六萬兩又加撥東北邊防經費銀六萬兩合之原撥京饒兵饒及各路協饒本省防費為數加鉅待用尤急川省每歲進款不及四百萬兩而用款則有六

百數十萬兩有奇出入不敷已有確數可稽今入者已極羅掘之術出者日有增鉅之憂實屬無從挹注萬不得已始將七年減成減平各銀兩先為通融劃解固本京饒及西路協饒藉以顧全大局茲准咨催籌解本應遵辦無如庫儲異常匱乏現實無款可籌兼之各路協饒欠解過多委檄頻催均有迫不及待之勢若非權宜緩急酌量騰挪則貽誤要需所關更鉅等情詳請奏咨前來臣查川省賦稅原屬無多而撥解各項日益增劇頻年因庫儲竭蹶屢請展辦津貼捐輸其艱窘情形早在

奏稿卷二十二

聖

惟臣屢與藩司通盤籌畫奉撥京協各饒尤關緊要萬不能分釐緩解與其勉符原奏貽誤饒需曷若據實直陳力維大局合無仰懇天恩俯念川省撥款日增准將養廉減成及各項減平銀兩暫行留川備撥一俟各路協饒減少即行遵照前奏按年按數補解俾不致兼顧為難並請勅部將歷年完欠分數暫免核計出自逾格鴻慈除咨部查照外是否有當理合恭摺陳伏乞皇太后皇上聖鑒訓示謹奏

松潘等處短收餘茶息銀情形片

光緒八年九月三十日

再查前准戶部咨以四川省松潘廳等處每年行銷餘茶給發照票收獲息銀六千餘兩滿城地租錢易銀四百四兩四分四毫一案行令將咸豐七年起歷年徵收餘茶票息及滿城地租等銀迅速按年造具清冊暨咸豐六年分應存前項銀十萬九千一百八十兩零是否實存在庫出結專案送部其該廳同知邱瑀完繳及折抵墊款銀兩亦即敘入該年管收項下造報等因當經分行藩司鹽茶道迅速造報去後茲據鹽茶道松蕃詳稱遵查此項照票起自乾隆二十三年前因城垣坍塌奏明借支院司養廉由鹽道印給照票發產茶州縣圍戶茶商領本配茶繳息

奏稿卷二十二

署

以作修理城工之資二十六年即經停止至二十七年復經前總督阿爾泰奏明照舊領行作為城工及夷務賞需之費旋於三十六年追勦金川即經停運迨至凱撤已配茶包霉爛以致前發成本歸於無著隨後又由灌茂等州縣茶商以茶園餘茶廢棄可惜情願自備成本領票照行繳息充公以作城工及夷務賞需之費此項茶票原無定額所繳息銀亦無定數因商人自出資本總視餘茶之多少以為行票之等差時有盈餘短絀亦難苛責從前川省西南兩路口岸暢行每年可得息銀五六千兩至嘉慶年間南路夷岸疲滯兼以餘茶無多叩商歇業惟西路灌茂照行每年祇可收銀三千餘兩迨至咸豐九年川省軍興

奏稿卷二十二

署

十一年逆番倡亂松城失守久未克復岸失票停至同治四年松城克復而灌商又早故絕歇業惟茂州一處商人獨力支撐前任各鹽道於松城被擾後票停未發款無所出歷年既久籌補維艱即飭茂商行新代舊意在彌補前此數年未行票項期歸有著詎知銷路既滯產茶無多歷年湊填萬難足數以致愈拖愈久舊年之應納既難填補而本年之新票復多停滯此二十餘年奏銷不能報部之實在情形也該道到任責令代舊行新冀可彌補足額而兩載以來竭力整頓查辦迭飭叩灌茶商照舊領行各商均以樹老枝枯產茶短絀每年除配額引之外所賸餘茶無幾兼之口外銷路疲滯屢催未據請領且川省茶園祇有此數天地所生斷不能以人力使其踴躍所有兵燹後未足之數欲其補足實所不能况此案係由商人自備成本採配餘茶既非維正之供亦無准定額數若再操之過急不但於政體未宜且恐於商情未協轉致裹足不前無益有損該道逐項句稽除豁免已革前任松潘廳同知邱瑀挪用咸豐七八兩年票息銀兩應請免造銷冊外其完繳及墊款銀兩敘入管收項內結報今自咸豐九年起到光緒六年止另造總冊移送藩司彙詳請銷等情請奏前來臣查松潘廳等處餘茶票息收數短絀實因川省兵燹後商人久未復業岸失銷滯所致至此項票息前存銀十萬餘兩嗣因雷波廳夷匪滋擾借撥銀八萬八千四十兩

應行籌還以及應銷滿城地租錢文均係藩司撥發管理之款除飭催藩司趕緊分別查明按年造冊是否一併實存在庫出具切實印結另行送部外所有查明歷年短收餘茶息銀大概情形理合先行奏報伏乞
聖鑒訓示謹
奏

奏稿卷二十二

吳

夔關應解督署公費照舊留支片光緒八年十二月初六日再四川夔關向章除額解正額盈餘及攤賠渝關木價等款外均定有本省各署及各地地方辦公津貼暨攤捐各項多寡不等俱視公事繁簡為等差內惟督署公費較優者以該關為總督專司公務極多而總督又兼管巡撫尤增繁累故每年酌定解銀一萬二千兩而兩任中辦公丁役人等役食亦每年定給銀一千二百兩歷來無異臣光緒三年到川知此項公費為督署向有之款而賦性迂拘向於公項不敢妄取此項雖係公費究屬私財是以決不取用分釐當時即擬裁革嗣查川督歲支養廉銀一萬三千兩自經扣成減平再加攤本省捐款外每年所支僅八千

奏稿卷二十二

吳

餘兩而總督又兼巡撫事以之辦公實不足用全賴該關所解津貼通融挹注始能敷衍今規禮盡裁若再將公費裁革在窮苦自甘者已覺竭蹶不遑設費用稍多之員必至無以自給誠恐窘迫日甚別計營謀勢必變本加厲從前川省各任於取用公費外仍照收規禮即其明證臣再四思維不敢以一己之淡泊貽後人之重累是以勉為存留惟裁之既不能取之又不可因見川省地大人眾窮苦過多年終不乏應辦公事輒以無款中止時為扼腕遂將此項公費儘臣任內改解藩庫暫作餘款遇有地方要事無法籌辦即於此內動支所有數年來舉凡施濟貧苦資助窮民幫補極苦州縣支應例差以及年中各項獎勵士

子賞恤兵丁暨此外來往駐藏差使費重難籌者津貼川資以免需索而於寅僚中有夙行自愛病故累深者亦於此中酌給以此連年辦理既不損公家一錢而於地方實多裨益至定給丁役役食一項臣亦未令收用仍諭其一律捐入地方以濟貧民該丁役等尙不以爲難均皆照辦此臣歷年中借此不費之惠稍得以辦理地方之實情也惟此項公費實督署萬不可少之需在臣任雖儘以辦公然斷不可援以爲據應仍照舊存留俾後來之員辦公有所挹注不致竭蹶貽誤共飭廉隅以資表率是以後大法小廉悉賴

聖主砥礪成全之所致也所有夔關向解公費應請照舊

留解以資辦公緣由謹附片具陳伏乞

奏

聖鑒謹

奏稿卷二十二

吳

依照晉省清查庫款片 光緒九年正月二十九日

再臣准戶部咨御史梁俊奏請各省藩庫依照晉省章程一律勒限設局清查一片光緒八年九月十一日奉

上諭前據張之洞奏請設局清查晉省庫款當經降旨准行茲據御史梁俊奏藩庫積弊恐不獨晉省爲然請勅各省將籌墊濫支撥抵借動隱匿等弊一律設局清查等語各省庫備款項國帑攸關不容絲毫弊混歷年以來籌辦軍需善後等事款目繁多官非一任難保無前項情弊著各直省督撫依照山西省清查章程將藩庫各款一律勒限清查務當破除情面認真辦理以重帑項而清積弊至應放應緩各款尤宜隨時察核毋任稍涉含混欽此等因

奏稿卷二十二

吳

咨行欽遵辦理當經轉行去後茲據布政使鹿傳霖詳稱遵查川省司庫正雜各款自道光二十八年清查以後迄今三十餘年咸豐同治以來初則籌濟鄰饑辦理夔防繼則本省軍興需餉益鉅騰挪挹注在在有之以致收支混淆紛如亂絲幾至各款盈虛茫然莫辨各前司任內雖經隨時清查不過一時一事該司去秋莅任隨即澈底清釐自道光二十八年清查竣事起逐款尋求底蘊趕將歷年軍需用款及收支津貼捐輸鹽釐貨釐鹽稅等項分晰確查應更正者更正應撥還者撥還正在上緊查辦間欽奉上諭飭令依照山西章程一體設局清查自應仍以道光二十八年清查竣事起在於司署設局委員逐款窮究原

委接續前案凡牽涉軍需款項尤當力求核實庶期正本清源條分縷晰一律澄清惟事越三十餘年款逾數千百萬句稽核對事實繁難必須遴委明白諳練之員幫同逐一澈查始克有濟請自光緒九年正月二十一日設局起一體入局清查等情請奏前來 臣查川省藩庫自道光二十八年清查以後至今三十餘年款目紛繁收支牽混亟應委員幫同清查以昭詳晰除批司督同委員勒限認真逐款清釐不准稍涉含混一俟事竣另行奏報外所有川省設局委員清查庫款緣由理合附片陳明伏乞 聖鑒訓示謹 奏

奏稿卷二十一

辛

丁文誠公奏稿

卷之二十三目錄

- 查明歷年添裁營勇並現存勇數摺 光緒九年三月初六日
- 勇營難再裁減摺 光緒九年三月初十日
- 裁撤夫馬局奏請立案摺 光緒九年六月二十九日
- 辦理積穀上倉數目摺 光緒九年六月二十九日
- 四子壽鶴以主事用謝 恩摺 光緒九年六月二十日
- 城口廳添設學額片 同日
- 土司構衅委員查辦片 光緒九年七月二十日
- 川省盜案仍照前奏章程辦理片 光緒九年七月二十九日
- 復開機器局報銷用款摺 光緒九年八月三十日
- 清查庫款完竣摺 光緒九年九月二十九日
- 變通補缺章程摺 光緒九年九月二十九日
- 土司構衅查辦完結摺 光緒九年十一月初二日
- 官運鹽局實支實銷並無閒款片 同日
- 法人併越擬練川兵以備緩急摺 光緒十年正月十日
- 預防法人句結日本片 同日
- 成都駐防添設拔額摺 光緒十年正月二十四日
- 川省應解京餉仍發商匯兌片 同日
- 喇嘛攘奪廓商財物派員查辦摺 光緒十年二月二十二日
- 解部減平減成等款仍留川備撥片 光緒十年二月二十八日
- 查明收支庫款並弁勇數目摺 光緒十年四月二十九日

奏稿卷二十三

目錄

查明歷年添裁營勇並現存勇數摺光緒九年三月
奏為查明川省歷年添裁營勇數目起止月日及現存勇
數恭摺具奏仰祈

聖鑒事案准戶部咨將現在軍需辦理善後章程暨現有
兵數勇數支發章程並奏咨各案遵照奏定三箇月限期
趕緊詳細造冊送部以憑辦理並開具前奏條款一紙又
查八年十一月三十日准戶部咨將歷年添裁各勇名目
起支住支口糧日期以及欠饟已否找清暨現存勇數月
需饟銀若干迅速據實逐一查明分晰報部各等因准此
當即先後轉行籌餉局司道遵照辦理去後茲據該司道
等會詳遵查川省辦理軍需以來陸續招募裁減兵勇數

奏稿卷二十三

目前已按年造具征防處所清冊報至光緒元年年底止
其自二年正月起先後添裁勇丁數目均隨時奏明計截
至八年年底止除裁減外實存東勇九千六百一十名川
勇二千一百四十五名漢土兵丁六百七十二名操演旗
綠各營精兵一千五百名均係逐名核實歷有奏案可查
至前募傑勇一百名楚勇二千名亦係前護督臣文格於
光緒二年五月初七日附奏川省實在情形議請添募楚
勇摺內一併奏明之件茲將二年起至八年底止歷次添裁
兵勇名數起住月日奏報原案及現存兵勇數目謹遵新
章逐一造具清冊並鈔錄前募傑勇楚勇原奏先行送部
查核各營文武員弁銜名容於征防冊內趕緊挨年造報

又川省支發勇糧章程向有楚黔川勇之別歷年支銷數
目前經按年造冊銷至光緒元年年底止後因楚黔勇糧
過優於光緒三年援照山東勇章量為裁減期歸樽節亦
經隨時奏明奉

旨允准所有光緒二三等年支發楚黔川勇口糧三年以
後支發東勇川勇口糧並一切員弁薪水軍火雜支等項
均係按照奏定章程軍需則例准銷成案核實支發並無
格於定章例外支銷之款亦未另立善後章程又現存各
營兵勇照章應領口糧並應支員弁薪水軍火工料暨一
切雜支之項除安定營勇糧由黔滇鹽務局支發外約計
每歲尚須銀八十餘萬兩又歷年裁減勇丁應找口糧均

奏稿卷二十三

已找清惟同治七八等年援勦黔匪採辦軍糧尙欠管帶
果毅副營記名提督劉鶴齡墊支運費銀一萬三千零八
十七兩二錢六分管帶振武軍記名提督唐友耕等墊支
運費銀七千五百一十兩八錢八釐均係報部准銷之項
因值庫儲竭蹶未經給發現奉戶部奏定新章第十一條
內開司庫未發軍需欠饟截清數目報部以後補發之時
專案咨報方准核發等因所有前項欠發銀兩係已報部
開除之項現既多年未經給發應請收回軍需項下歸入
光緒二年報銷案內作為收款造報俟將來補發之時再
行報部動款支給以昭核實等情並造具清冊四本具詳
請奏前來臣覆查無異除將清冊咨送兵部查核暨咨戶

部工部查照並札飭籌餉局司道等以後遇有增減隨時
專案奏咨一面將光緒二年起應造各營員弁兵勇征防
處所清冊並支發勇糧雜用等項上緊挨年造報請銷外
所有查明川省歷年添裁營勇數目起止月日及現存勇
數緣由謹恭摺具奏伏乞

皇太后

皇上聖鑒訓示謹

奏

奏稿卷二十三

三

再營難再裁減摺 光緒九年三月初十日
奏為川省勇營勢難再議裁減請俟邊防靜謐匪類肅清
再行酌辦據實陳明仰祈

聖鑒事竊照前准軍機大臣字寄光緒八年十二月初四
日奉

上諭兵部奏請飭裁各省防勇確核兵額以節餉需一摺
著該督撫等各就該省情形悉心酌度奏明辦理原摺均
著鈔給閱看將此諭令知之欽此遵

旨寄信前來並鈔錄原奏一紙等因承准此當即轉行籌
餉局司道欽遵辦理去後茲據該司道等詳稱查川省僻
處西陲幅員數千里西北緊連夷地時虞番蠻出擾東南

奏稿卷二十三

四

接壤滇黔又屬伏莽繁多兼以內地之囑匪會匪梟匪以
及各邊游勇散練或聚或散不時出沒最易滋生事端全
賴各營勇丁隨時更調實力防範藉以消患未萌上年奉
旨飭裁勇營以節經費而通盤籌畫極力騰挪僅於各營
酌減一成共裁勇一千二百名實以地方遼闊防不勝防
出乎萬不得已非不知中外庫藏支絀不復設法樽節也
茲經兵部奏奉

上諭飭令於制兵中查缺額汰老弱裁汛鋪挑補管勇作
為練軍洵為裁勇節用之美意良法如果川省兵勇尚可
設法裁汰敢不竭力遵辦以期有神庫儲無如川省邊防
緊要隱患實多前已極力裁減現存各營勇丁尚屬不敷

分防斷不敢曲爲塞責致留意外之虞此川省營勇勢難再減之實情也至川省各營制兵雖有三萬餘名除換防臺藏兵丁二千餘名分防一百餘廳州縣塘汛兵丁數千名又分駐松建維懋馬雷峩越各邊防營汛兵丁一萬數千名其兵力已極單薄卽邊營兵丁一萬數千名而分布於數十營中亦屬爲數無幾且各邊營汛近接夷疆隘口紛歧近來番夷狡詐異常旋服旋叛時有出巢滋擾之事各營兵丁擇要設防不敷布置尙須借資勇營之力如再另議裁減於邊防不無關繫其各州縣塘汛兵丁雖覺散處無多似於地方無裨但川省囑匪會匪素稱難治近年加以游勇散練不時往來竊發緝捕巡邏尤關緊要各州

奏稿卷二十三

五

縣額設捕役爲數有限全賴汛兵通力合作亦尙有不敷緝捕之時前曾招募傑勇團勇等營藉資巡緝卽可概見若再汰除塘汛兵丁則捕務益鬆匪勢益熾尤於地方關係匪輕况近年營務事事核實亦無虛懸名糧及以老弱充數堪以汰除挑補之額此又川省制兵不能議裁之實情也所有部議汰兵裁勇之處似未便稍涉遷就遽議更張致滋貽誤請從緩酌辦以維大局各等情詳請具奏前來查酌裁勇營節省饒需爲當今第一要務臣自東到川至今六稔目擊川省庫款支絀每於接見司道時未嘗不動色相告勸以節省查川省庫款除綠營兵饒而外以勇糧一項爲大宗茲值庫款支絀之時又欽奉

明諭飭裁勇營正可及時減裁上以裕

國家之經費下以遂節省之初心無如詳查大局勢有難行患多伏於未萌事每誤於大意據該司道等具詳各節均屬實在情形並無虛飾若徒爲節省起見強爲曲從於川省不無關繫臣再四思維與其遷就以貽誤不如據實以直陳相應仰懇

天恩俯念川省防務緊要隱患實多容臣查看情形將來地方實在安靖再將勇營酌量裁減以節饒需而維大計不勝屏營待

命之至再前准戶部議奏外省報銷章程十四條內載各州縣添設防勇於三月內一律裁撤等因覆查川省各州

奏稿卷二十三

六

縣從前辦防招募勇丁均於事後悉數裁撤惟馬雷峩越四廳夷匪不時滋擾兵力不敷分防不能不酌留勇丁分頭防禦以衛地方核與內地州縣情形不同且現當巡防緊要勢難再議減裁合併陳明所有川省勇營難再裁減請俟邊防靜謐匪類肅清再行酌辦緣由謹恭摺具奏伏乞

皇太后

皇上聖鑒訓示謹

奏

裁撤夫馬局奏請立案摺 光緒九年六月二十九日
奏為裁撤夫馬局請

旨立案以垂久遠恭摺具奏仰祈

聖鑒事竊查川省自同治初年本省鄰省軍務緊急各處
徵兵防勦地方供給兵差始創設夫馬局由地方官委紳
設局按糧派錢預備支應其初專為防勦緊要辦理兵差
而設原為萬不得已之舉迨後軍務肅清兵勇大半遣撤
而各廳州縣積習相沿仍藉支應兵差名色任意苛派夫
馬盈千累萬有較正供浮多加至數倍地方官以此為應
酬入私之具局紳以此為迎合漁利之階小民脂膏半入
官紳私囊二十餘年視為固有民力幾何豈堪長此剝削

奏稿卷二十三

七

雖前督臣吳棠查明分別裁撤酌減而各局仍多藉口差
使大都陽奉陰違臣於光緒三年到川民間具控夫馬之
案層見疊出民情嗟怨困苦堪憐當經通飭一律裁撤惟
查南路之雅安邛州上至省城由省至北路廣元出境十
八州縣為藏差喇嘛學差試差往來要道例有支應不能
不稍為酌留以資津貼仍飭由臣親為核定於向派錢數
大加刪減以杜侵蝕而紓民力其餘各屬均自光緒三年
起一律全撤不准再派民間分文如違嚴參懲辦嗣據各
廳州縣陸續稟報裁撤復經遴委賢員分赴各屬明查暗
訪亦尚無巧立名目影射私收情事至今數年以來民力
稍紓應供之差亦無貽誤現在各廳州縣均尚恪遵辦理

第恐歷久弊生不肖官紳復萌故智仍藉詞添設夫馬局
亦不可不預防合無仰懇
天恩俯准

勅部立案以垂久遠以後如有不肖州縣擅自開端私行
攤派一經發覺除將該牧令嚴行參辦外並請將遽行批
准及失察之總督藩司一併降級示懲俾川中士民長獲
休息上副

聖主軫念民艱之至意除將酌留夫馬之十八州縣另繕
清單恭呈

御覽並咨部外理合恭摺陳奏伏乞
皇太后

皇上聖鑒訓示謹
奏

奏稿卷二十三

八

謹將酌留夫馬各州縣開列清單恭呈

御覽

北路

成都縣新都縣漢州德陽縣羅江縣綿州梓潼縣劍州昭化縣廣元縣

南路

華陽縣雙流縣新津縣邛州名山縣雅安縣清溪縣榮經縣

以上十八州縣爲駐藏大臣喇嘛及學差試差往來必由之路例有支應應請酌留夫馬

奏稿卷二十三

九

辦理積穀上倉數目摺 光緒九年六月二十九日

奏爲川省初次勸辦積穀收齊上倉並二次三次續辦積穀收有成數恭摺具奏仰祈

聖鑒事竊查川省山多田少戶鮮蓋藏生齒日繁民無蓄積卽比歲豐收尙恐人多糧少不敷使用一遇水旱偏災更有不堪設想者 臣於光緒三年到川目擊情形深爲顧慮當經通飭各屬一律勸辦積穀以備荒歉業將勸辦大概情形奏報在案又因川北一帶不產穀米積穀爲難復經奏明酌撥鹽釐銀兩發給縣州三臺等十一州縣分別買穀存倉以資備禦嗣據各該廳州縣先後稟報共捐積倉斗穀七十三萬一千九石零又撥發鹽釐共採買倉斗

奏稿卷二十三

十

穀二萬七千六百三十八石零隨即遴委賢員分往各屬查驗均係乾圓潔淨堪以經久會同各該地方官取具經管紳首實收切結存案嗣於七八兩年連慶豐收糧價較減 臣察看情形尙可續辦積穀以期圖匱於豐爲有備無患之計先後通行各屬體察地方情形酌量勸辦仍照上屆章程百分捐一不許格外苛派抑勒該大小糧戶亦以上屆辦理並無紛擾所積穀石均由該紳糧等自行經管絕無弊混均各欣然樂從爭先恐後實非意料所及除邊瘠州縣及偶被偏災收成歉薄之區免辦外旋據各廳州縣陸續稟報二次共收倉斗穀二十九萬一千七百七十一石七斗零三次共收倉斗穀一十六萬六千四百三十

六石九斗零復經臣委員前往查明實存在倉取結稟報其餘已捐未收之穀為數無幾或因收成較歉或因穀質不佳均限本年秋收後完納容俟收齊上倉再行奏報除將各廳州縣捐穀數目分別按年造冊送部查核外所有川省初次積穀收齊上倉並二次三次續辦積穀收有成數各緣由理合恭摺具奏伏乞

皇太后

皇上聖鑒訓示再六年初辦積穀各屬稟報收數倉斗市斗不一現在一律折合倉斗是以數目與前奏已收之數不符合併聲明謹

奏稿卷二十三

十一

四子壽鶴以主事用謝 恩摺光緒九年六月二十奏為叩謝九日

天恩仰祈

聖鑒事竊臣接閱本科會試新貢士等引

見邸鈔得悉臣子壽鶴由庚辰科貢士恭應

殿試第二甲

欽點主事分部學習感激私衷匪可言喻伏念臣黔陬下

土三升列選造之班蜀土備員六載乏涓埃之報影纓瀛

島慚貽翼之無方振佩石渠幸傳薪之有在臣子壽鶴質

原庸魯雖勤肄夫楹書性實頽蒙未徧窺夫典籍分職榮

膺乎部屬寸衷彌惕乎淵深臣惟有勛子以專心供職勿

奏稿卷二十三

十二

忘鵝翼之箴規潔已從公稍答

鴻慈之高厚所有微臣感激下忱理合恭摺具奏伏乞

皇太后

皇上聖鑒謹

奏

城口廳添設學額片 光緒九年六月二十九日

奏為請增城口廳學額以育人才恭摺具奏仰祈
聖鑒事竊查綏定府屬之城口廳自道光二年議將太平
廳移設城口改為城口廳太平仍復為縣太平額定文武
學各五名城口廳額定文武學各三名迄今六十餘年士
子亦多嚮化人文日盛應試人數較之太平不甚懸殊光
緒二年前學 臣 張之洞以該廳文風頗有可觀撥進府學
歲科各一名徒以限於學額不免有遺珠之歎應請增文
武學額各二名連原額三名共成五名俾與太平學額同
歸一律免致向隅由藩司具詳前來 臣 覆查該司所詳係
為鼓勵學校起見合無仰懇

奏稿卷二十三

十三

天恩俯准將城口廳文武學額各加二名連原額定為五
名以育人才出自

鴻慈除咨部外謹會同學政 臣 邵積誠合詞恭摺具奏伏
乞

皇太后

皇上聖鑒訓示謹
奏

土司構衅委員查辦片 光緒九年七月二十日

再川省藏衛地方各處夷地均歸各土司管轄該土司等
自為雄長各不相下其地又犬牙相錯每因細故彼此動
輒稱兵攻擊雖蠻觸相爭事所常有而互相殘殺究屬目
無法紀若不及時妥為查辦既屬不成事體且尋衅不已
竊恐另滋事端 臣 等每於各臺文武員弁到臺必諄囑將
各路土司妥為駕馭令其各安住牧俾得永靖邊陲固未
敢稍涉大意也茲據建昌道寶森接據打箭鑪廳營暨糧
員嵇志文等稟報該廳北路麻書孔撒各土司以骨肉之
親肇忿爭之禍彼此攻擊互相殺傷各向所親乞師助戰
現在探得麻書章谷瞻對為一黨孔撒朱窩白利為一黨

奏稿卷二十三

十四

各土司等前赴打箭鑪廳營具訴經廳營會同委員前往
開導諭令罷兵章谷麻書土司均已遵斷惟孔撒執拗不
遵圍困章谷官寨燒燬夷房多間並殺斃夷民多名麻書
土司遂糾邀瞻對番官派來馬上四五十人搬來綽斯甲
四五百人孔撒亦搬來德格五六百人盤踞甘孜一帶地
方相持不下現在擾及大道進藏茶路亦多梗塞商賈裹
足夷民間風亦紛紛搬徙稟請遴委大員前往查辦示威
懲創以彰法紀等情據此查各土司地界距前藏甚遠距
打箭鑪廳城亦遠夷性犬羊其稱兵構衅事所恆有但孔
撒土司既經打箭鑪廳營委員開導諭令罷兵章谷麻書
均已遵斷該孔撒土司竟敢抗違不遵實屬目無法紀且

瞻對歸達賴喇嘛管轄與各路土司各有界限茲亦聽糾恃強助虐尤屬膽大妄為况茶路梗阻尤關繫藏中大局此時若遽聲罪致討則動眾興師似亦非宜惟有遴委明廉大員前往籌辦務令兩造及時撤退一面根究起衅緣由持平斷結方為正辦查有候補知府慶善人極明練熟悉夷情現已札委該員並調派打箭鑪官土兵三百名隨帶前往相機妥辦務令該土司等各息紛爭共安住牧以期仰副

朝廷綏靖邊陲之至意除咨明駐藏大臣嚴飭商上轉飭番官毋得妄為生事外所有麻書孔撤各土司稱兵構衅委員前往查辦緣由謹會同成都將軍宗室 臣 岐元附片

奏稿卷二十三

七

具陳伏乞

聖鑒訓示謹

奏

川省盜案仍照前奏章程辦理片光緒九年七月二十九日再光緒八年六月三十日准刑部咨尋常盜案現已解勘具題者仍令照例解勘未經奏明解勘者統于限一年一律規復舊制儻實係距省寫遠地方長途恐有疏虞酌照秋審事例將人犯解赴該管巡道訊明由督撫分別題奏不准援就地正法章程先行處決以重刑典而免冤濫於光緒八年四月初三日奏奉

諭旨依議欽此隨查光緒七年七月二十日欽奉

上諭以御史胡隆洵奏請將盜案仍照舊例分別首從辦理一摺飭部議奏經部議請將就地正法先行停止仍請旨飭督撫 臣 體察情形迅速妥議具奏等因 臣 就川省現

奏稿卷二十三

六

在情形詳加查核照前署臬司崇綱所議擬請嗣後州縣報獲盜犯如係道府同城即飭該管道府就地親提審訊如非同城而距省近者由省遴委道府大員遠者即酌委本管道府或鄰封州縣前往提訊果係賊證確鑿情無可疑仍稟請在本地正法俾已犯者不致久羈囹圄另生他變未犯者亦能觸目驚心稍知畏懼等情奏奉

諭旨刑部知道欽此欽遵在案茲准部咨欽奉前因查川省於八年六月三十日接准部咨予限一年現在已屆一年限滿自應遵照辦理何敢再事煩瀆但 臣 詳釋部議必須奉到部覆後始准正法不准先行處決意在慎重刑章用以推廣

皇仁惟讞獄固貴詳慎而立法尤在因時查咸豐三年前督臣裕瑞奏請就地正法緣以川省盜匪之多甲於天下其名目有囑匪會匪梟匪之分近復加以燒香結盟之徒暗中糾聚匪黨之多至為可慮故近年辦理雖嚴而搶劫之案尚復層見疊出又川省地方遼闊各屬距省多有三十餘站之遠每解一犯所費甚鉅地方官多因解費無措往往諱飾銷弭然緝捕稍一廢弛盜賊愈肆強暴從前川省百姓之畏盜甚於畏虎甚至官紳之家亦多有與盜潛通者殆懼其搶掠報復不得不為自保之計也地方情形如此不得已始籌變通辦法訊明後即在本地方立予正法俾該處人民觸目驚心知所畏懼固非因軍興後始用重

奏稿卷二十三

七

典况繩之以法必須實有真贓給主認領及夥盜互相質證訊明其何人起意糾搶何人喝眾行強何人把風接賊何人下手拒捕何人知情分贓何人臨時不行亦未分贓一一訊實乃為之據情定案分別輕重擬辦原非一係搶案即概為駢誅是川省之辦盜案尚覺詳慎今一旦責令層層解勘分別題奏於奉旨後然後正法固為正辦但其間往返航延至速亦須半年之久且在省處決時過境遷該匪之正法與否本地匪徒毫無見聞百姓亦無從知悉殊不足以昭儆戒又近省與遠省雖有招解不招解之分而四川省城以成縣所屬為最近亦以成縣所屬盜案為最多即成縣所屬州縣亦

有距省在三四百里以外者長途之疏脫堪虞差役之解費難辦各地方官藉此諱飾銷弭均屬意中之事又若輩兇狡性成自知所犯甚重招審無不翻供即不得不提失主保甲質證一經提質則廢時失業者又不知凡幾是正盜率得稽延顯戮而平民既經被搶於前復受拖累於後更非所以安良善也雖委員提審亦常有翻供提質者而就近備質與解省備質其受累之輕重迥然不同况既經該管道府提審又由省委道府大員鄰封州縣往訊核與招解到省事異而情同如果案情稍涉疑竇孰肯以人命作人情草率了事妄行稟請就地正法自干嚴譴即州縣或有含混之處而臣等於盜案重情亦必詳細推求以賊

奏稿卷二十三

六

證確切為憑斷不敢遷就率准照辦也查自東到川至今業已六稔川省情形知之最熟奉旨後復悉心體察歷時又屆一年盜風迄難遽息只緣川省地廣人稠而邊境遼遠異常夷漢雜居極易藏奸而人心又極浮動囑匪會匪梟匪無處無之而游勇散練又復時虞勾結且地方貧民極多失業之人徧地皆是名為無事實則可憂籍隸貴州目擊從前撫臣賀長齡諸事務從寬大由是苗教各匪各立名目毫無忌憚一經倡亂蹂躪全省至今尙未能復元又前此髮匪洪秀全等之亂實由前廣西撫臣鄭祖琛意在姑息將地方官已經拏獲之首匪全數寬縱遂至虎兇出柙天下均遭荼毒前車可鑒

後患難防况治蜀尙嚴古有明訓就川省現在情形而論
臣旦夕籌維實有稍縱即逝之勢若稍依違遷就恐養癰
貽患必至不可收拾故臣於盜案不敢遽言規復舊制者
實關繫川省大局亦即關繫東南各省大局其解省之中
途脫逃證佐之因案受累猶其小焉者心合無仰懇
天恩俯念川省與別省情形不同准如臣所奏以後州縣
報獲盜犯道府同城即由該管道府提審如不同城而距
省近者由省遴委道府大員遠者即酌委本管上司或鄰
封明幹州縣前往提訊如實係賊證確鑿案無疑實仍准
請就地正法再由臣督同臬司詳細推究可准則准稍有
疑義嚴飭再行確訊另稟核辦將強暴知戒良善獲安庶

奏稿卷二十三

九

以仰副

聖朝刑期無刑辟以止辟之至意實為因時因地起見
固不敢希圖簡便置

成憲於不顧亦不敢草菅人命予地方官以生殺之權更
不敢固執已見執原奏而期在必行自問無欺用敢據實
直陳所有川省盜案請仍照前奏定章程辦理俟地方實
係安靖盜賊果能斂迹再行照舊辦理實為大有裨益除
咨部外理合附片具陳伏乞

聖鑒訓示謹

奏

復開機器局報銷用款摺 光緒九年八月三十日

奏為川省機器局支用經費開單具報恭摺仰祈

聖鑒事竊查川省前設機器局自光緒三年十月起至五
年三月撤局之日止業將支用經費數目據實開單奏報
在案茲據辦理機器局署成縣龍茂道丁士彬委員候補
道黃錫壽等會詳查川省上年創設機器局製造槍藥經
營兩年規模甫定旋即停撤諸事既已廢弛而工匠人等
亦均紛散回籍嗣於光緒五年奉

奏稿卷二十三

三

旨復開當經分別札調前管委員帶同工匠來川遵於六
年四月十八日開局做造外洋機器槍藥等件辦理漸已
齊全現計修理水輪機器及各項機器九千七百四十件
各營舊洋槍三百零五桿續造機器二百五十五種造成
前後膛洋槍四千八百一十五桿已成藥彈二千顆銅帽
二萬顆已成洋火藥四萬九千六百六十五觔均經試放
合用已陸續運送籌餉局加謹存儲以備應用其未合成
槍藥多件歸入下次報銷所有按月支用經費仍照原奏
不動司庫正款均於土貨釐金項下支用計自光緒六年
四月十八開局起截至八年十二月底止共支用過庫平
銀一十六萬四千五百一十八兩一錢七分五釐二絲四
忽七塵連委員薪水匠作工資及修理廠房局庫購買彈
壳銅帽機器全部鋼鐵銅鉛硝磺等項一併在內均係實
用實銷該道等督同各委員逐款核算明確尚無浮冒撥

照前案開具清單詳請奏咨前來臣覆加查核無異惟此項製造一切均係做照西式辦理即購買之機器銅鐵各件向無例案可循是以上屆報銷按照各省機器局開單奏咨查銷此次報銷自應援案辦理除分咨總理衙門暨戶工二部查核外理合恭摺陳奏並照繕清單恭呈御覽伏乞

皇太后

皇上聖鑒訓示謹

奏

奏稿卷二十三

三

謹將川省機器局自光緒六年四月十八開局起截至八年十二月底止實支實用經費數目開具清單恭呈御覽

一管收先後支領成縣道收存土貨釐金庫平銀共一十六萬四千五百一十八兩一錢七分五釐二絲四忽七塵一開除給發製造委員會昭吉等來川盤費庫平銀四百二十二兩八錢

一給發修理廠房鑪座煙筒並購買地基營造火藥局火藥庫並局中加高機器各廠振樓安置彈壳銅帽機器及添修熟鐵鍋鑪等廠房屋項下共支庫平銀二萬八千四百六十六兩九錢四分三釐一毫四絲九忽三微五塵

奏稿卷二十三

三

一給發兩次上海購買外洋彈壳銅帽機器全部及各機器鍋鑪洋銅鐵銼物料等件並運腳盤費等項共支庫平銀三萬八千二百七十一兩五分九釐

一給發製造洋槍洋火藥銅帽藥彈機器等件購買鋼鐵銅錫煤炭硝磺及一切雜用物料等項共支庫平銀二萬八千四百九十四兩九錢二分六毫五絲一忽八微二塵一給發委員司事薪水並機器匠作辛工及一切夫役工食等項共支庫平銀六萬八千八百六十二兩四錢五分二釐二毫二絲二忽九微

以上統共支用庫平銀一十六萬四千五百一十八兩一錢七分五釐二絲四忽七塵前領之款別無存贖

清查庫款完竣摺 光緒九年九月二十九日

奏為遵

旨清查川省庫款完竣恭摺具奏仰祈

聖鑒事竊查前准部咨奉

上諭前據張之洞奏請設局清查晉省庫款當經降旨准行茲據御史梁俊奏藩庫積弊恐不獨晉省為然請飭各省將籌墊濫支撥抵借動隱匿等弊一律設局清查等語各省庫儲款項國帑攸關不容絲毫弊混歷年以來籌辦軍需善後等事款目繁多官非一任難保無前項情弊著各直省督撫做照山西清查章程將藩庫各款一律勒限清查務當破除情面認真辦理以重帑項而清積弊至應

奏稿卷二十三

三

放應緩各款尤宜隨時查覈毋任稍涉含混欽此等因咨行轉飭欽遵辦理嗣據前藩司鹿傳霖詳請設局委員清查業經 臣將設局日期奏明在案茲據布政使張凱嵩詳稱前藩司鹿傳霖任內奉札清查庫款於光緒九年正月二十一日設局委員清查未竣交卸該司莅任復督飭委員自道光二十八年清查竣事起至光緒八年年底止按照簿籍分年分款窮源竟委澈底清查得川省正雜錢糧歷係年清年款年例應支之項歷係按年支銷軍需另立專支不與司庫牽混放款遇事詳明無不力求覈實並無籌墊濫支撥抵隱匿等弊惟咸豐同治以來籌濟鄰省協饗支應本省軍需一時難於周轉騰挪挹注在所不免

各前司任內雖經隨時清查未能條分縷析現經分款核

明應更正者更正應撥還者撥還一律各清各款其有應報撥而未報撥者共銀五千餘兩俟於十年春撥冊內入冊報撥又應解還各省尚未解還者共銀一萬餘兩一俟遇有便員即行詳明委解又歷年收支津貼捐輸釐金軍需等項尚未報銷者現均趕緊分款造銷又軍需項下尚有報部准銷撥黔運米腳價銀二萬五百九十八兩六錢八釐前因庫儲竭蹶未經支給業經奏明提還原款俟將來請領至日再行詳咨覈發又歷欠各營出師官兵裹帶鍋帳藥鉛等項工料銀十七萬四千餘兩並前後傷亡弁勇截至光緒八年止應領卹賞銀二十萬七千餘兩已於

奏稿卷二十三

三

另案造冊咨明戶部俟將來有款支發再行造報補銷此外並無積年緩發現應補發之項其餘報部各款截至光緒八年年底止實在存庫銀六十四萬六百一十一兩九錢四分九釐二毫八忽四微四塵七纖數與八年年年底盤查銀數相符並無虧短挪移至甯遠府打箭鎗廳經管邊備臺費等項容俟隨時稽查覈辦又寶川局每年加鑄四卯餘息不敷撥供武職養廉自嘉慶年間以來積欠已鉅近因銅鉛短絀寶川局頻年缺鑄欠發廉饗錢文為數尤多均應分別緩急別籌變通章程另案辦理等情請奏前來 臣查四川藩庫自道光二十八年清查以後歷今三十餘年收支款項數逾數千百萬其間籌濟鄰饑以及本省饑

精款目繁多偶遇不能周轉之時騰挪挹注勢所不免茲經設局分款清釐覈與上年年終盤查數目相符實無虧短挪移情弊除飭藩司嗣後經管收支一切務須各歸各款永不准稍有籌墊濫支撥抵借動隱匿弊混以重庫款並咨部外所有清查川省藩庫完竣緣由理合恭摺具奏伏乞

皇太后

皇上聖鑒訓示謹

奏

奏稿卷二十三

三

變通補缺章程摺 光緒九年九月二十九日
奏為川省候補知縣人員壅滯擬將參革一項仍歸外補請

旨飭部覈議恭摺仰祈

聖鑒事案查前准吏部咨嗣後各省知縣參革一項缺出概歸部選又終養與降補二項所出之缺暨修墓等項比照終養之缺一併改歸內選不得扣留外補則內選有丁憂終養參革降補四項歸選之缺而外補仍有升調病故休撤回改教迴避等八項留補之缺庶內外俱得其平等因當經轉行遵辦在案茲據布政使張凱嵩署按察使崧蕃會詳遵查定例題調要缺專歸外補各項選缺原歸內

奏稿卷二十三

三

選嗣因捐例頻開分發各省人員多於內選是以准將選缺扣留外補今內選漸形壅擠自宜量為變通現奉新章以丁憂終養參革降補四項選缺專歸內選而以升調病故休撤回改教迴避八項選缺留歸外補固係斟酌損益第查升調病故休五項選缺扣歸外補者向以各班人員挨輪序補其撤回改教迴避三項扣留選缺則係一即用一候補相間輪用且此三項之中呈請改教者寥寥無幾參劾改教如在六月限外例歸休致迴避一項見缺更少是則候補班可望酌補者僅止撤回一項川省候補知縣積至二百餘員從前原有丁憂參革兩項選缺可以專補自丁憂缺歸選以後望補已難若將參革缺一併歸選則

軍功候補一班將同廢棄未免向隅夫內選原貴疏通而外補亦當體恤畸輕畸重此通彼塞均屬窒礙難行再四熟商悉心參酌除升調病故休五項選缺歷歸各班輪補毋庸置議外擬請將參革一項仍歸外補否則統計參革終養降補撤回改教迴避六項選缺各積各省做照選缺知州辦法留補四次咨選一次或照選缺直隸州辦法二留一咨抑或統將丁憂參革終養降補撤回改教迴避七項選缺一留一咨截缺無虞轉序補亦無偏枯庶候補人員不致望補無期而內選外補亦兩得其平等情請奏前來臣查川省候補知縣人員壅滯補缺無期委係實在情形且查各候補人員內亦多有堪以造就之員若竟令

奏稿卷二十三

七

補缺無期未免有棄才之歎合無仰懇

天恩飭部覈議將參革一項仍歸外補或統計分別咨留

出自

聖主鴻慈除咨部外理合恭摺具陳伏乞

皇太后

皇上聖鑒訓示謹

奏

土司構衅查辦完結摺 光緒九年十一月初二日
奏為麻書孔撤各土司等構衅滋事派員前往查辦現已辦結川藏地面一律肅清恭摺仰祈

聖鑒事竊照前據建昌道寶森暨糧員嵇志文等稟報北路麻書孔撤兩土司因事忿爭各向所親乞師助戰經臣等先派候補知府慶善並調派打箭鎗官土兵三百名前往辦理附片奏明茲於十月初一日差弁齎回原片欽奉批諭覽奏已悉該土司等稱兵構衅亟應開導解散即飭令慶善等相機妥辦務令兩造及時撤退並查明起衅緣由持平斷結是為至要欽此謹即欽遵行知該委員等遵照又以夷性桀驁支庶繁多復添派熟悉夷情之署成縣

奏稿卷二十三

天

道丁士彬前往酌辦茲據該員等具稟霍耳五家土司本一脈相承後因年久世系無考遂分為五姓互為婚姻即麻書孔撤朱窩章谷白利等是也上年章谷土司甲木參讓竹無子麻書土司四郎汪杰將生子汪欽瞻登贅婿於章谷甲木參讓竹故後汪欽瞻登即接管章谷土司事務娶孔撤土司俄珠彭錯之妹為妻生子蔡喜旺甲嗣因蔡喜旺甲之母病故俄珠彭錯與汪欽瞻登即舅之閒漸起猜嫌光緒六年俄珠彭錯與伊甥蔡喜旺甲為媒說訂朱窩土司四郎多登之長女為婚旋被麻書土司四郎汪杰查知因未由汪欽瞻登主婚遂令將此女送回另與蔡喜旺甲說訂懋功所屬綽斯甲之女為媳孔撤與朱窩羞惱

成怒遂與麻書有兩不相容之勢時有瞻對番官作康色
從中勸解令將所訂兩家之女均作罷論永遠不許過門
以全和好而麻書土司四郎汪杰仍將綽斯甲之女訂妥
孔撒土司等遂與麻書興兵械鬪經該處文武查知前往
開導章谷麻書均已遵斷惟孔撒執拗不遵各土司等遂
相持不下並各向所親乞師助戰麻書章谷瞻對爲一黨
孔撒朱窩白利爲一黨各於要隘處所修築木柵樓礮
臺互相攻擊商賈聞風裹足道路幾致不通此各土司等
起衅爭鬪之實在情形也當孔撒之執拗不遵也其咎並
不在孔撒緣朱窩土司有胞姪登澤羅布者其人陰賊險
很向來交接匪類意圖乘機起事茲見朱窩章谷兩家因

奏稿卷二十三

完

事械鬪惟恐各土司等遵諭罷兵伊即無隙可乘遂向孔
撒播弄使各土司相持不下以便伊從中倡亂查該處有
壽甯寺一所內有喇嘛二千餘人其中有科上紅牛克珍
羅布崇旺登珠谷於甲果沙當布與登澤羅布向來交好
又與章谷土司汪欽瞻登有隙登澤羅布遂糾串該喇嘛
等煽惑羣衆將章谷官寨圍困一面燒燬夷民房屋擄掠
人畜並聲言扶登澤羅布作章谷土司擾亂二十餘日之
久經慶善帶領官兵前往查拏並先行出示曉諭飭令
各土司等將兵撤退聽候官爲判斷各土司等均各將夷
兵撤回慶善至壽甯寺適崇旺登珠潛行回寺當即拏獲
登澤羅布暨科上紅牛等聞大兵將至遂棄章谷官寨率

黨百餘人至卡衆居弓地方土寨內聚集意圖抗拒慶善
當派委員候補府經歷陳凱署角洛汛候補把總賈慶年
外委馬紹鄰明正頭人包文明各帶土兵分往卡衆地方
四面兜緝登澤羅布於寨內飛石抵禦並施放槍礮我軍
受傷者四十餘人慶善與隨員等督同官兵丁奮力攻
撲一面挖濠斷其水道該匪力不能支下寨拒敵登澤羅
布手執蠻刀大聲喊殺我軍槍礮齊施刀矛並舉鏖戰三
時之久始將登澤羅布科上紅牛谷於甲果沙當布四名
殲斃陣中生擒克珍羅布工達阿珠等二名餘黨潰散經
官兵按名按獲訊係脅逼同行當即取保省釋此朱窩土
司之姪登澤羅布乘隙倡亂殲斃陣中之實在原委也查

奏稿卷二十三

完

慶善於將至未至之時瞻對番官聞省中委員將至即行
帶領番衆退回巢穴慶善查拏登澤羅布章谷麻書朱窩
孔撒白利五土司均在場目擊慶善隨傳集該土司等三
面鞠訊該土司等均俯首認錯懇求公斷慶善以此案本
由婚姻起衅必須將婚姻一事判斷清楚爲緊要關鑿查
蔡喜旺甲所訂朱窩土司之女與訂綽斯甲之女均已過
門成婚若照作康色所議兩家之女均作罷論永遠不許
過門殊非情理此時惟有分別嫡庶乃爲名正言順查朱
窩之女訂在先綽斯甲之女訂在後斷令以先訂朱窩之
女爲嫡妻後訂綽斯甲之女爲側室兩女分居各住庶名
分正而紛爭息又復再三開導各土司等均各悅服遵斷

並具永不滋事切結備案慶善復親詣械關處所周歷查勘飭將木柵碉樓礮臺悉行折毀百姓所失牛馬器具斷令各土司等逐件清還原主其燒燬房屋亦斷令按戶賠修勒限完結傳集兩造夷人取具賠還無事夷字甘結在案並請將各土司等議處具稟請示前來 臣等查川省藏衛地方南北兩路夷地均歸土司管轄該土司等自為雄長各不相下是蠻觸相爭之事所在多有但一經臺員開導亦無不俯首聽從此次麻書與孔撒兩土司以婚姻細故逞忿相爭並不聽臺員開導糾黨助戰焚燒民房抄擄牲畜器具嗣經派員查辦而該土司尙意圖抗拒飛石抵禦並施放槍礮致傷官兵四十餘人實屬毫無忌憚雖事

奏稿卷二十三

三

後尙知畏罪痛悔前愆而事前之兇頑亦屬膽玩可惡應請將各土司等各予罰俸一年以示薄懲其瞻對番官始雖聽糾附和惟於慶善將至未至之時一聞委員前來查辦之信卽率領番衆退回瞻對尙知畏法姑准從寬免其置議登澤羅布等犯以不干己之事輒敢乘機倡亂負隅抗拒致傷官軍多名形同叛逆罪不容誅既與科上紅牛等臨陣殲除應毋庸議登澤羅布仍應截取首級於該夷地揭竿示衆以昭炯戒克珍羅布一犯聽糾燒燬民房肆意搶劫亦屬罪大惡極當經批飭卽行就地正法崇旺登珠工達阿珠等犯訊係逼脅同行其情稍有可原惟燒燬殺擄均經在場未便稍涉輕縱亦應如稟監禁永不省釋

以示懲儆至署成縣道丁士彬候補知府慶善辦理此案往來於冰雪之中出入於煙瘴之地備極辛苦蕙事迅速不無微勞足錄相應籲懇天恩准給丁士彬隨帶加二級慶善俟補缺後以道員用以昭激勸其餘隨同出力各員弁兵勇並傷亡各兵勇應由 臣等分別酌給外獎及埋葬銀兩用勸勤勞而示矜恤除將該員等訊取各供結附卷存案並咨部外所有查辦完結各緣由合詞恭摺由驛四百里具奏伏乞

皇太后

皇上聖鑒訓示謹

奏

奏稿卷二十三

三

官運鹽局實支實銷並無閒款片光緒九年十一月

初二日

再前准戶部咨議覆光祿寺少卿延茂奏各省災區甚廣
亟宜寬籌賑款一摺據原奏內稱四川官運局每年所得
餘利甚多屢見奏報大著成效戶部有案可稽至於前總
辦局務之唐炯幫辦局務之文天駿每年薪水皆各五千
兩此皆有卷可查者竊恐此外無名之費不報部者不可
稱數如於此等無名之費略加核實挹彼注茲似亦賑恤
之一助等語經部覆奏四川鹽務總辦歲支薪水萬兩查
報部係每員每月支銀二百兩與該少卿所奏之款不符
其或積有閒款或糜費薪水或款不歸公部中皆無從考
核行令逐一清查趕緊酌提解交部庫等因當經轉行該

奏稿卷二十三

局切實查明詳辦去後茲據總辦滇黔邊計鹽務候補道
夏崑幫辦局務刑部郎中文天駿會詳遵查開辦官運業
經五次奏銷徵收支撥款目均照奏定章程辦理未嘗稍
有參差稅羨截釐四項為徵收正款每綱支存款目迭經
造冊詳請咨部有案非奉文提撥不敢妄動分釐此外局
費平餘防邊經費護本籤驗引底六項為徵收雜款每綱
據實造報可以按冊而稽亦不敢妄有混淆如局員薪水
應由局費項下開支總辦一員月支銀二百兩幫辦一員
月支銀一百兩總局四所及各廠岸分局凡正委一員月
支銀五十兩副委一員月支銀三十兩著有定章從無冒
濫延茂所奏總辦幫辦每年薪水皆各五千兩想係得之

訛傳並非事實即如辛已綱收局費銀十四萬六千七百
七十兩所有開除薪水細數皆具於冊其支存銀一千一
百三十四兩零前曾明晰報部絲毫未敢漏遺此局費之
實支實報也平餘一項奏明提作道府州縣公費辛已綱
計入銀二十二萬七千七百零除支公費銀十九萬五
千四百五十六兩並撥補護本銀三萬一千一百八十七
兩外其存銀連上綱支存共銀一千六十一兩零亦經報
部在案此平餘之實支實報也防邊經費一項收銀十四
萬六千七百六十兩除支安定營月餉十四萬五千八百
八十三兩七錢外其存銀八百七十六兩零並已報部在
案此防邊經費之實支實報也護本一項每引徵銀一兩

奏稿卷二十三

而近兩三年內川河險灘層疊江水盛漲鹽船日有失事
每年補配不敷甚鉅即如辛已綱收銀僅二萬九千三百
五十二兩而補配應需銀六萬六千五百三十九兩有奇
若非有平餘局費所餘借以挹注尚不可知此款由何而
出至籤驗每引每關徵銀一錢五分隨即照發各關縣引
底每引徵銀一兩年終盡給舊商無有盈絀每次奏銷均
經報部查考此護本籤驗引底之實在情形也以上雜款
六項或出入相抵或盈絀不過數百兩至千餘兩不等惟
平餘一項除支撥本省道府州縣各公費外即略有贏餘
尚須彌補護本之不足况收數多寡視行引之暢滯能否
相抵無虧尚難預定固不得遽指為餘利也統計前數綱

雜款下支存銀僅三千七十兩零係存儲在庫備提公用者本年奉撥京員津貼銀八千兩儘數詳解短絀猶多尙盼江行順利年終或有銖累之餘始能填補此外實無未歸公之閒款亦無所謂無名之冗費現在各岸河道因大水傾崖倒石窒礙船運亟需鉅款修理尙無所出至各員薪水暨司事人等工食似應仍舊以資辦公而勵廉隅卽令再行遽減錐刀之末無濟於事等情詳請奏咨前來臣查四川未辦官運以前鹽務每年正雜所得不及二十萬自開辦官運後每年正雜兩項收數均在一百萬以外所云利盡歸公者尙非虛語况年中收支一切均經嚴飭該管局員力求核實不准絲毫浮冒隱匿臣按月令開摺呈

奏稿卷二十三

奏

報稽核並無一月廢弛又須於奏銷時再爲逐細句稽考核實屬實支實報委無未盡歸公閒款除咨部外理合據實陳明伏乞

聖鑒訓示謹

奏

法人併越擬練川兵以備緩急摺光緒十年正月十一日奏爲法人併越大勢將成現在中國亟於拯救勢恐再變北洋近接

京畿急須多方戒備不可偶失以固根本現擬將川省留防各勇營勤加操練以備緩急恭摺密陳仰祈

聖鑒事竊維法人之謀併越南其端雖著於越南其意尤注於滇粵而臣私計滇之受害必先於粵而甚於粵現在

越南君臣舉國求和已屬名存實亡中國若不急於拯救則滇粵藩籬已撤後患滋大然急於拯救而法人視已覆

之越不得逞志心斷不甘勢必到處滋衅則爲患又不止於滇粵而將及於北洋雖洋面有南北之分而輪船所歷

奏稿卷二十三

奏

處處可至但使滇粵兵勢一盛法人必由廣東福建江蘇山東洋面直趨天津或分擾山東

盛京各路令我彼此牽掣防不勝防且聞法人亦習陸戰性尤忍鷙年來在越南與劉永福相持亦多陸戰乃屢敗

而氣不沮卽可概見儻彼不得志於越南突入北洋舍舟而陸又恃其槍礮精利併力於我恐非尋常之兵勇所能

爭勝况現值直東多被水災饑民頗衆中國雖竭力賑撫亦有時而力窮設此輩逃亡之餘乘間內譟又或法人乘

機動之以利誘之以食使爲前驅則一呼四應自在意中臣謂法人計若出此則中國備多力分到處牽制此更宜

早爲計及又北洋各路密邇

神京多者十數日少者數日便可擾及兼以京城地大人
眾風鶴稍警易致倉皇尤極可慮臣思念及此寢食不安
自維受

國厚恩當此時勢無可為報何堪為人現擬將川省留防
各營勇親加訓練逐日勤操庶使一力一心有前無怯以
備緩急而期致果如將來查看法人有北趨情勢仰懇

密諭到川臣即督率星馳前來與北洋大臣李鴻章等稍
助一臂共衛

神京冀遏狂氛而定眾志臣之此舉非敢好為多事冒昧
上陳誠念時事艱難至此亟欲為

國効命稍盡區區圖報萬一不勝懇款待

奏稿卷二十三

七

命之至謹恭摺密陳伏乞

皇太后

皇上聖鑒訓示謹

奏

預防法人句結日本片光緒十年正月十一日

再查外洋各國自入中國以來均多以通商為要務惟俄
法日三國雖曰通商僅有虛名其實皆藉口以攪擾中國
此真所謂封豕長蛇不可以情遣理論者也臣謂此次法

人欲併越南其意以為與中國毗鄰而居諸可任性圖便
且前聞曾發狂言有圖越不得將南犯廣東北闖天津之

語固係恫喝之詞然果與用兵則到處竄擾勢所必至而
臣尤有意外過慮者現在橫恣狙詐莫甚於俄法日三國

而俄人自逞其雄且新定中俄界務一切已多得便宜必
不屑與法通且法人若併越南亦其心所最忌惟日本素

無信行直同無賴上年高麗之事中國辦理得手私心已

奏稿卷二十三

天

不甘服臣竊恐法人以兵力不及中國或陰與日本句結

分之以利約其於閩浙一路從旁牽擾或暗中啖以厚賄
俾其合力以肆擾於北洋日本惟利是圖斷無不樂從之

理臣但願法人計不出此則北洋事尙稍緩若為此詭謀
則禍必速而害且大此誠目前急務不可不思有以備之

臣擬請

皇上速諭駐日本大臣黎庶昌悉心密探該國情形但與
法人有交通消息即行密報來京以便迅為調度一切預
伐其謀愚昧之見是否有當謹附片密陳伏乞

聖鑒訓示謹

奏

成都駐防添設拔額摺 光緒十年正月二十四日

奏為請增拔貢定額以宏作育恭摺會奏仰祈

聖鑒事竊照成都駐防自嘉慶初年准令旗童凡遇歲科兩考就本省學政考試入學歷年以來士子皆深自振拔爭相濯磨所有廩膳生

恩貢歲貢均經照例充補惟拔貢一階未經舉行茲據八旗協領塔斯杭阿等稟稱本省歲科兩考駐防旗學每次已取進十名多士涵濡日久人文蔚起現在應試文生實有一百餘名其間敦品勵學堪膺選拔者殊覺不少懇請添設拔額等情稟請具奏前來 臣等會查無異核與學校人數至百餘名再增選拔之部議相符且此後士氣奮興

將來人數必有加增合無仰懇

天恩俯准將成都駐防旗學添設拔貢二名俾遇選拔之年照額拔取以彰

樂育如蒙 俞允即請自本屆乙酉科為始會同秉公遴選認真考核用副

聖主鼓舞學校拔取真才至意謹合詞恭摺具陳伏乞 皇太后

皇上聖鑒飭部議覆施行謹 奏

四川省應解京餉仍發商匯兌片 光緒十年正月二十四日

再 臣准戶部咨開片奏停止匯兌一案行令各省自光緒十年為始所有應解部庫地丁鹽課各項銀兩概令籌備足銀委員裝鞘親齎到部交納勿得再行匯兌以重餉項而杜弊端等因當經轉飭遵辦去後茲據署藩司如山詳稱細察部咨令委解現銀原為慎重庫款起見惟查川省情形與他省不同西商銀號與南商迥異他省南商銀號或根底未深或交易太濫不免凌空蹈虛之弊其倒閉實由自取川省銀號向無南商止有西商均係家道殷實懋遷有無多歷年所公私款項從無虧短與南省阜康有別川省西號現在承領官項者有九家皆連環互保以每次

解銀二十餘萬兩計之每號每次不過匯兌銀二萬餘兩

為數無多交納不致遲誤即有意外之虞一家倒閉八家

分賠斷不能同日歇業公款不慮無著銀數以分而見少追賠亦易為力且該西商諗知每年必有銀兩匯京亦必預為籌備京都市廛貿易亦可藉此周轉茲一旦頓改舊章不特委員齎解現銀赴京長途跋涉疏失堪虞而目下山東直隸一帶饑民覓食良莠不齊亦甚可慮近聞山西各處亦多搶劫之案兼以沿途州縣應付車則需七八十輛馬則需百數十匹夫則需三四百名傳乘既多擾累輾轉更延時日不若匯兌之較為穩便再四體察由商匯兌既於民廛無疑復於餉需利便等情請奏前來 臣查餉項

要款首以慎重為主尤以迅速為先川省撥款繁多轉運為艱沿途護解不易委係實在情形合無仰懇天恩俯准將川省應解餉銀仍發商匯兌赴部呈繳實銀用期安速俟直東饑民漸少道路安靖再行照章改辦委解實銀亦係慎重辦理是否有當理合附片具奏伏乞聖鑒訓示謹奏

奏稿卷二十三

聖

喇嘛攘奪廓商財物派員查辦摺光緒十年二月二日奏為前藏喇嘛攘奪巴勒布商民財物日久未結恐滋他事懇懇

天恩派員查辦以清邊患恭摺由驛具奏仰祈聖鑒事竊查光緒九年九月准駐藏大臣咨以本年三月初一日前藏喇嘛乘間攘奪巴勒布商民財物一案當經具奏奉

旨安辦曾將奏稿咨鈔到臣查原奏內稱該喇嘛照約退還漢銀七八千兩巴勒布商民未肯承領等語臣以該喇嘛攘奪廓番其曲實在喇嘛現經飭查該喇嘛乃僅稱所據銀止七八千兩之數而巴勒布則稱被劫有三十餘萬

奏稿卷二十三

聖

兩銀數大相逕庭即使巴勒布果有浮報似不應如此懸殊竊恐該喇嘛所稱不足憑信且查廓番在藏貿易有年尚不滋事為非此次喇嘛恣意攘奪取怨鄰封臣以事關中外如不早為完結勢必別滋他事當即據情咨詢駐藏大臣並作函諄囑務必轉飭前往濟隴交界會辦之委員等秉公安辦切毋稍有偏護轉致日後為難等情迄今數月之久未據咨覆前來究竟目前是何情形不能懸揣然心竊憂慮每於接見僚屬及由藏公回委員詳加詢訪有謂喇嘛認賠銀過少廓番誓不甘心招來番眾數萬聚集交界地方勢將用兵而喇嘛橫不依理不知自咎輒擬與之迎敵者有謂該大臣等派去委員劉鈞趙咸中已被

廓番擄去者道路之說紛紛不一雖未足憑信而揆情度理決非無因查廓番被劫屬實在事後浮開賊數原難保其必無然以_臣所聞擄奪實有三十餘萬之多今喇嘛僅止認賠銀七八千兩不足十分之一即欲了結此案揆之情理本覺難安而喇嘛虛狡如常頑梗不化難以言論理遣今得賊銀數十餘萬兩各族俵分不能全數完繳自在意中但似此兩相抗拒已成不了之局若不設法早結勢必釀成大事為害甚深伏思川省之與藏衛唇齒相依曷敢稍分畛域致誤事機但擬即由_臣等就近委員往辦殊於體制有乖若請

奏稿卷二十三

聖

旨簡放大員前往西北相距萬有餘里至速亦須八九月始到現在為日已久枝節叢生若再遲延將有不可收拾之勢再四思維竊擬由川揀選委員請旨特派前往辦理較為便捷而川省亦難求此得力可任之員惟查有候補道丁士彬人甚明幹辦事深穩現已委赴裏塘查辦劃界事務距藏較近可否籲懇天恩特飭該道就近前往查辦其一切機宜由_臣等隨時籌畫妥為指授至事機辦理如何之處得有頭緒由該道稟由_臣等據情轉奏聽候
飭遵惟查廓番被劫過多此次辦理斷難平空了結此時若不妥善策終恐無以折服其心難期濟事第思不賠賊銀則巴勒布誓不甘心而該喇嘛所得各贓早經分散

亦難望其賠還藏中又無款可墊如飭由他處代籌賠款不惟有失朝廷體制亦愈長該喇嘛等刁風_臣等愚擬俟派員辦有端倪後由_臣等再行仰懇

天恩推柔懷遠人之意明降

諭旨於被劫三十餘萬之數或賞給廓番銀三四分之一以示矜恤似屬名正言順至此款若須應用暫時由川措給俟完案後必令藏中分作三四年繳還歸款一面仍飭該駐藏大臣勒令鐵棒喇嘛將為首滋事搶奪之喇嘛交出照例懲辦明正典刑以彰

奏稿卷二十三

聖

能迅速了結本難辭咎惟近來藏番族數既眾又復異常桀驁該大臣辦理此事其中實有許多為難之處應懇天恩曲加鑒原出自
諭格鴻慈_臣等為中外交涉恐滋事端起見知而不言寢饋不安籌計稍遲又恐貽誤用敢不避嫌怨冒昧直陳不勝悚惶迫切待命之至所有前藏喇嘛擄奪巴勒布商民財物日久未結請員查辦以弭邊患緣由是否有當謹會同成都將軍宗室_臣岐元合詞具奏伏乞
皇太后
皇上聖鑒訓示謹

奏

奏稿卷二十三

呈

解部減平減成等款仍留川備撥片光緒十年二月二十八日

再川省應解減成減平各銀兩前經臣據實奏明暫請留備各路饒需嗣准部咨行令按年按款提還補解等因當經轉行遵辦去後茲據署布政使如山詳稱遵查川省減成減平等項銀兩本係應行解京之項前因川省庫儲萬分支絀京外各饒籌無可籌詳請奏明仍留川省湊濟急需實出於萬不得已嗣奉戶部議覆仍令如數解京並於動撥減平銀兩案內節次飭令如數提還如再挪移拖欠卽照地丁錢糧例參處等因如果川庫稍可支持又何敢故意違延致干嚴譴第川省地丁課稅向來入不敷出勸辦津捐釐金歲只收銀二百六七十萬兩除撥補本省例

奏稿卷二十三

呈

支兵饒臺費等項又本省巡防兵勇口糧每歲需銀八十餘萬兩約只餘銀一百五十萬以為協濟京外各饒之需覆查京外協饒近來愈撥愈多卽以光緒九年計之共奉撥京外饒銀三百餘萬兩除由官運局籌解外共由司庫撥解銀一百八十九萬兩較之餘存津捐釐金計多解銀二三十萬兩全賴庫存無論何款隨時通融籌撥勉強顧全大局而欠解各路協饒尙有數十餘萬之多若將減成減平銀兩再行提解赴京則此後奉撥各路協饒既無挪湊之資又乏生財之術必致愈欠愈多設誤要需所關更鉅况川省收支津捐釐金均已按年造冊報部現又將光緒六七兩年收支正雜各款趕緊造冊具報所有川省

津捐釐金等款是否足濟京外協饒及本省兵饒臺費防費等項其減平減成銀兩能否如數解京上納部中不難通盤酌核等情詳請奏咨前來 臣查川省庫儲支絀撥款日增應解饒需無項湊撥委係實在情形合無仰懇天恩俯准將養廉減成及各項減平銀兩暫行仍留川省湊撥各路饒需容俟日後撥款減少籌解不致為難再行遵照如數解京以期中外兼顧出自逾格鴻慈除咨部外謹附片陳奏伏乞聖鑒訓示謹奏

奏稿卷二十三

聖

查明收支庫款並弁勇數目摺 光緒十年四月二十九日
奏為查明川省光緒六七兩年額收實收額支實支並官弁兵勇各數目恭摺奏

聞仰祈

聖鑒事竊照光緒九年八月准戶部咨奏准裁撤派辦處歸併北檔房行令將各該省無論司庫釐局營防善後鹽關漕等該管各衙門所有一切舊有新增有額無額正雜出入各款項由各該省督撫彙總查照光緒六七兩年歲出歲入款項數目官數兵數勇數簡明清單送部入項逐款先列額收次列實收出項逐款先列額支次列實支散款散數開齊再以散合總開列一省通收通支總數並令

奏稿卷二十三

聖

各該省將此兩年有無應收未收應支未支之款一併詳開無論從前已報未報此次均仍通查一次勿稍含混遺漏限於本年十二月封印以前到部以備考核等因當經分行遵辦去後茲據署布政使如山詳查川省額徵地丁課稅並一切雜款歲僅收銀一百三十餘萬兩而每歲例支之款共需銀一百六七十萬兩故川省向為留備省分所入不敷所出歲須鄰省協濟銀二三十萬以濟供支軍興以來不惟鄰省協濟毫無並須川省勸辦津捐等項接濟京外饒需近年奉撥京外協饒愈撥愈多即以光緒九年計之奉撥不下三百餘萬兩津捐釐金歲只收銀二百五十萬兩除撥供本省兵饒臺費銀三十萬兩防軍口糧

約需銀八十餘萬僅餘銀一百四五十萬兩尚不及奉撥銀數十分之五應解京外各饒均關緊要斷不敢概置不顧不得已暫將奉文提解之減成減平及歷存正雜各款儘數搜括挪湊九年分共解京外饒銀一百八十餘萬兩而各省催解之文尙復紛至沓來應解減平等款又准部咨催解現計十年撥款愈多收款愈絀誠不知作何籌維是以前次奏請將減成減平等款暫行留川湊撥原出於萬不得已茲准部咨飭將川省官數兵數勇數並六七兩年額收額支實收實支一切款項全數造冊齎呈自係統籌各省出納斟酌盈虛起見應即遵照趕緊造報俾川庫支絀情形部中得以洞悉謹將官數兵數及現在勇數逐

奏稿卷二十三

覽

一查明造成一冊並將六七兩年收支各款逐年查明額收實收額支實支各數目無論已報未報一律造具清冊至各年奏銷內有由此案撥供彼案之項或六年補銷五年七年補銷六年之款無關各該年實收實支者均一概不造入冊其有六七年收支之項而歸入七八年造銷者仍造入六七年冊內並於冊內登註明晰以便按年稽核並免重複混淆統計光緒六年分共收銀四百四十八萬四千六百八十三兩零共支銀四百五十六萬四千六百兩零七年分共收銀四百六十一萬九千一百五十五兩零共支銀四百八十六萬四千七百二十二兩零其支數溢於收數係動有六年以前存項所致收支各款中間有尙

未造報者現在趕緊按年造銷斷不敢久事稽遲等情詳請奏咨前來臣覆查無異除冊咨部查核外理合恭摺具奏伏乞

皇太后

皇上聖鑒再川省款目繁多誠恐錯漏是以造報稍遲又官運局收支各冊前已咨送合併陳明謹

奏

奏稿卷二十三

辛

丁文誠公奏稿

卷之二十四目錄

為唐炯懇 恩摺 光緒十年五月二十一日

查覆鮑超病痊尙堪重任摺 同日

酌撥防勇五營交鮑超統帶赴滇摺 光緒十年閏五月二十四日

喇嘛攘奪廓番財物查辦完結片 同日

瞻對裏塘劃界刊碑摺 光緒十年閏五月二十九日

夔州府添設拔額摺 光緒十年七月初二日

官運鹽局捐建公所請免報銷片 同日

酌添鮑超勇營並撥餉項軍火摺 光緒十年七月二十日

自請帶兵防法片 同日

奏稿卷二十四目錄

與唐炯前後所帶黔勇建祠合祀摺 光緒十年七月二十九日

丁士彬入藏中途被阻片 同日

遵 旨覈計川省籌解海防需費摺 光緒十年八月初三日

鮑超饒需軍火煩重據實陳奏片 同日

續籌鮑超軍餉催令起程並請 飭部籌撥接濟摺 光緒十年九月十八日

江省加抽濟楚鹽釐事多窒礙摺 光緒十年十月初一日

川鹽做照兩淮行票窒礙難行摺 光緒十年十一月初一日

請 派員帶勇赴援臺灣摺 光緒十年十一月初二日

密陳渡臺機宜片 同日

為唐炯懇 恩摺 光緒十年五月二十一日

奏為人才可惜謹昧死瀝陳實蹟懇 恩

聖慈恭摺仰祈

聖鑒事竊 臣 恭閱邸鈔光緒十年三月十七日奉

上諭已革雲南巡撫唐炯著派員解京交刑部治罪等因

欽此伏讀之下不勝惶懼伏念我

皇太后

皇上厚德深仁同符覆載此次唐炯必有不可追之罪而

後

朝廷乃有不容寬之條 臣 自願何人豈敢冒昧妄瀆渚

聖主執法之公開人臣冀倖之路甘自蹈於重咎而莫知

奏稿卷二十四

避也惟思用法極貴於嚴明而人才實亦可軫惜唐炯罪

在當誅 臣 不敢為之妄置一議而才有可用 臣 亦不容不

為之縷悉一陳查唐炯與 臣 在川共事五年其於川省歷

辦之鹽務夷務以及理財查吏諸大事 臣 皆迭經據實具

奏毋庸再瀆惟其奉

命撫滇迄今未及兩載 臣 每於滇省之官四川及從前熟

識之紳士來見者必歷詢唐炯近日之行事以考證其得

失據稱滇省久亂之後官吏之鑽營差徭之繁重賦稅之

浮加釐務之因循已成銅習自唐炯到任後破除情面極

意整理氣象漸新而銅務一事辦理亦極得手尤為裕財

救時之大端蓋以前開辦數年奉撥百萬帑金而迄無成

效今則不煩部撥僅就地設措而大局竟成現在報解京
銅源源起運而廠地所產尙層出無窮此其明驗臣以所
言與唐炯歷次致臣信函及咨會公牘證之均各無異而
銅筋近由川運尤臣所目擊而知者蓋唐炯秉性剛正操
守清嚴心思樸誠辦事真實實有大過人者故其作事大
都不徒託空言也此次該罪臣回省臣確訪其防營如故
非智力有所不及徒以增兵籌餉事機重大急思與省中
各員妥商定局以免顧慮乃遽恩促回省疏忽萬狀罪無
可辭

朝廷此時處以重罪誠爲至公第臣之所惜者當此用才
之時而才實有可用與其立于駢誅而仍於事無益似不

奏稿卷二十四

二

若暫爲寬貸而尙有效可圖臣於該罪臣本屬同鄉極知
遠嫌但區區愚忱實因時正需才而有才不得終其用誠
爲可惜是以捫心自問不敢避袒徇之私見急欲以一言
冒死陳於

君父之前也至使功使過

聖明自有權衡儻該罪臣仰蒙

聖慈俾其帶罪自贖若果無實效可觀不惟將該罪臣立

置重典即臣亦甘當欺罔之咎應請一併重治臣罪以塞

天下不勝悚惕屏營待

命之至謹恭摺附驛具奏伏乞

皇太后

皇上聖鑒訓示謹
奏

奏稿卷二十四

三

查覆鮑超病痊尙堪重任摺光緒十年五月二十一
奏為遵

旨查詢在籍養病提督並查明能否出膺重任恭摺先行
覆陳仰祈

聖鑒事竊臣准軍機大臣字寄光緒十年三月二十六日
奉

上諭前任湖南提督鮑超帶兵有年戰功卓著奮勇可嘉
前因患病准其開缺朝廷實深廩系該提督現在已否痊
愈著丁寶楨傳旨詢問以示眷念並著察看該提督精力
能否出膺重任迅即覆奏將此由四百里諭令知之欽此
當即欽遵恭錄飛咨該提督鮑超迅速咨覆辦理去後復

奏稿卷二十四

四

查省城距夔州一千八百餘里誠恐往返稽延不能迅速
上慰

宸廑當於由夔來省之官弁紳士等詳加詢問僉稱鮑超
苦戰多年軍營積勞致疾前奉

旨准其回籍調理即加意醫治兩年以來病已痊愈精神
亦仍如舊等語臣查提督鮑超年甫五十氣體素強現查
詢其病已就痊精力仍復照舊至其帶兵軍匪勇戰多年
軍事是其熟悉刻值多事之秋該提督圖報情殷若蒙
責以重任自必忠誠奮發効命致身以期仰酬
高厚於萬一也所有遵

旨查明在籍提督鮑超病痊及精力尙堪重任各緣由謹

先行恭摺由驛四百里覆奏伏乞
皇太后
皇上聖鑒謹
奏

奏稿卷二十四

五

酌撥防勇五營交鮑超統帶赴滇摺光緒十年閏五月二十四日

奏為遵

旨酌撥川省現有防勇五營交鮑超統帶馳赴雲南擇要

駐紮各情形恭摺馳陳仰祈

聖鑒事竊臣於光緒十年閏五月十九日承准軍機大臣

字寄閏五月初七日奉

上諭丁寶楨奏遵查鮑超現已病痊精力尙堪重任一摺

鮑超病體已痊深慰廑系現在法人於諒山一帶無故開

衅我軍接仗獲勝並有攻犯保勝之說雲南邊防緊要著

丁寶楨於四川現有各營中酌撥五營交鮑超統帶赴雲

南擇要駐紮為岑毓英後繼之師一切糧餉軍械由丁寶

奏稿卷二十四

六

楨趕緊撥給嗣後隨時接濟毋任缺乏等因欽此臣當即

欽遵恭錄知照鮑超遵辦去後即將川省現有各營中酌

撥得力勇丁五營飭各該營原帶將官哨弁等整頓軍裝

器械等項送交該提督鮑超統帶迅速起程前赴雲南駐

紮並令藩司籌餉局將該五營從前欠領月餉速行找清

一面趕緊添製鍋帳發給隨帶應用現在各營業經分飭

妥當指日即可啟行不致延緩惟臣思向來各省支給勇

丁口糧多有不同又有應給各營長夫夫價名數及統領

營官薪水公費等項均不可少此次鮑超帶勇赴滇其口

糧一切彼必須查照湘楚各軍向章辦理查四川從前勇

營均係照湘楚各軍章程支發臣到川後以防勇口糧過

重庫儲不支乃將所有各營口糧章程概從節減現在每

營每月大建共支給銀二千零二十三兩小建共支給銀

一千九百六十兩零五錢其各營之官弁薪水長夫夫價

各項一併在內數年來應支餉數實較他省為輕此次鮑

超赴滇道里甚遠且均係陸路行程頗屬不易恐將來必

有另議加增勇丁口糧長夫名數及營哨官弁薪水公費

各項情事應由該提督自行酌核奏明候

旨遵辦至以後應給該軍之糧餉軍械川省本有撥滇協

餉軍火自應遵

旨隨時接濟俾免缺乏而重邊防所有遵撥五營交鮑超

統帶赴滇並將川省勇糧輕減遠道遣征恐鮑超或有議

奏稿卷二十四

七

請加增等項應由其自行奏請辦理各緣由謹恭摺由驛

五百里馳奏伏乞

皇太后

皇上聖鑒訓示謹

奏

喇嘛攘奪廓番財物查辦完結片光緒十年閏五月二十四日再前因西藏喇嘛攘奪廓番財物為數甚鉅恐日久拖延致釀邊衅奏請

飭派大員查辦欽奉

諭旨飭派四川候補道丁士彬前往辦理臣於奉

旨後即催令丁士彬於四月十一日由省起程現據報稱已經行過巴塘臣適接准駐藏大臣咨稱廓藏之事巴勒布商民所失財物該廓王允讓銀十餘萬兩其餘不能再少現經該委員等議明償銀十八萬三千四百兩廓番已經遵斷了結並公同書立條約蓋用關防圖記各執完案該大臣一面具奏一面鈔稿咨會到川臣查廓番此次所

奏稿卷二十四

八

失財物為數頗鉅該國王現已允讓銀十餘萬兩僅議償銀十八萬三千四百兩於理尚順自可允准惟議定償銀十八萬三千四百之數經駐藏大臣極力設法祇能湊足銀十萬四千餘兩其餘尚短銀七萬餘兩據稱實難勒迫奏請

天恩將不敷之款全數賞給達賴喇嘛及闔藏僧俗番眾催令趕緊清還並請

飭下四川先行籌撥銀八萬兩解藏備用等情臣查藏番此次攘奪廓番商民財物數至三十餘萬行同強盜可惡實甚現經該大臣竭力諭導廓番頗覺知感僅議償此數辦理尚為妥協而藏番無故滋事大肆攘奪經廓番允讓

之外該藏番尚不知改悔將劫奪之贓全行繳出以便湊足銀兩如數了案乃竟一味告苦行若無事是攘人者得利實無情理若蒙

天恩准令四川即行籌撥墊解事原可行但恐以後該藏番必以渠等無端孽衅代墊有人動輒生事則無底之壑川省亦難盡填現在此事既經辦理就緒大局所關臣自不能不稍從權宜以靖邊圉而慰

宸廑刻已飭司道等妥為設法籌撥俟該藏委員來川即行分起解交俾資應用然此項撥款雖經四川竭力籌畫似應由駐藏大臣嚴飭該藏番等分作三年歸還川庫不得延欠方合體制至此案雖結其當日滋事之首犯人等亦應

奏稿卷二十四

九

飭知駐藏大臣勒令該管喇嘛查明交出照例究辦庶於政體無礙且使藏番知朝廷恩威並用或以後稍知儆懼不敢任性妄為亦為有益至丁士彬奉

旨赴藏原因事關重大令其前往辦理今藏事既已辦結撥款已分半認還條約亦已立定蓋用關防圖記各執完案揆之此時情勢該藏已無事可辦丁士彬似可飭令回川以省沿途需費儻仍須該員前往一行查看俾昭周密之處均候

聖裁飭知到川臣即恭錄知照丁士彬欽遵辦理所有藏

事辦結其不敷償款雖由四川籌措解藏應仍令該藏分
年解還川庫歸款暨道員丁士彬應否
飭令回川各緣由謹會同成都將軍宗室 臣 岐元附片具
奏伏乞
聖鑒訓示謹
奏

奏稿卷二十四

十一

瞻對裏塘劃界刊碑摺 光緒十年閏五月二十九日
奏為瞻對裏塘界址不清迭滋事故現已遵
旨劃明界限刊碑立案地方一律靜謐恭摺具陳仰祈
聖鑒事竊查光緒七年 臣 寶楨與前成都將軍宗室 臣 恆
訓片奏請

旨劃清瞻裏界址一摺准軍機大臣字寄欽奉

上諭恆訓丁寶楨奏請飭勘明內地與瞻對地方界址分
立界碑等語此次中瞻對地方番官索康色膽敢稱兵犯
境圍攻臺寨焚殺百姓現經恆訓等派令官兵辦理完竣
惟瞻對地方緊接內地必須劃清界限以遏亂萌著色榜
額維慶即將番官索康色撤回後飭令接成番官約期會

奏稿卷二十四

十一

同該處地方官暨各土司等前往勘明內地與瞻對地面
劃清界址分立界碑以後土司所轄部落番官不得越境
逼勒滋擾瞻對所管地方土司亦不得朦混侵占如有彼
此越境滋事即惟各所轄之番官土司是問以息紛爭等
因欽此謹即恭錄分咨轉行在案一面會派候補知府楊
福萃前往查辦尚未辦有端倪該府旋即丁憂回籍守制
隨委候補知府慶善接辦亦未辦結因事調省另有差委
隨查有卸署巴塘糧務候補知縣嵇志文上年辦理岩番
劫殺司鐸梅玉林之案尚屬妥速當即專檄飭辦並以該
處係建昌道所轄該道寶森熟悉該處夷情並飭與該員
指授機宜俾有把握嗣見日久未經辦結 臣 等恐又另生

枝節復專委前任川東道候補道丁士彬馳赴裏塘督辦去後茲據丁士彬轉據嵇志文等稟稱緣贍對與裏塘界址本屬分明並無紊亂贍對在大道之南係西藏所轄裏塘在大道之北係川省所轄裏塘舊有三壩查衆木拉石地方三處向來由該土司收納夷賦咸豐年間贍對叛番勦戮遂將贍對地方一併

賞給唐古忒經管而三壩仍爲贍對所有裏塘土司未免心懷怨恨迨後查衆頭目格桑汪清因慕贍對勢強又背叛裏塘私投贍對特爲護符於裏塘反戈相向由是裏塘土司於查衆已痛心疾首乃裏塘土目洛宗策登中澤阿雍東尼麥色丹珍彭錯三人又狼狽爲奸陵虐木拉石百

奏稿卷二十四

十三

姓格桑汪清唆使木拉石百姓背叛裏塘往投贍對於是裏塘恨查衆入骨帶領土兵問罪並赴臺員處具控該臺員等以查衆本係裏塘所屬始則背叛繼則唆使木拉石百姓私投贍對大屬不合卽督飭土兵嚴拏查衆格桑汪清治罪詎該番句結贍對派兵相助圍困臺寨經楊福萃督飭官兵奮勇擊退並將查衆三寨平毀由是查番退伏贍番亦因之奪氣楊福萃辦理善後以爲必將界址劃清日後方冀久安因丁憂未得辦竣嵇志文奉檄飭辦後當將贍對番官戴琿丹巴明足爾調到裏塘傳集毛了崇喜曲登瓦述各土司到來三面環質聽候剖斷查查衆三村地方本係裏塘土司所轄而查衆句結贍番圍臺實由裏

土司之先攻查衆起衅裏土司之攻查衆實由於查衆之唆使木拉石百姓私投贍對所致木拉石百姓之私投贍對又由洛宗策登等之陵虐百姓使然就事論事贍對與裏塘兩造均有不是此時若不持平辦理使兩造平其心而懾其氣縱勉強將碑豎立日後難免不滋他事詎該兩造到裏以來在裏番欲將三壩查衆劃還並欲將查衆頭目全行滅絕始覺稱心藏中又不欲退還三壩猶欲奪回查衆又以裏土司稱兵肇衅罪與查衆相等堅請一併治罪爲抵飾之具各執一詞兩不相下經嵇志文多方開導曉以利害兩造始漸就我範圍正籌辦開格桑汪清因見各番屬集裏臺思欲乘勢作亂潛行來裏與其舊日黨羽

奏稿卷二十四

十三

私相聚議行蹤極爲詭秘嵇志文訪問知會地方文武隨帶弁兵在裏塘寺院圍拏該犯膽敢放槍拒捕及傷土兵四名經漢番兵練奮力兜拏始將該犯格傷垂斃卽梟首傳示查衆三村俾昭炯戒又探得裏塘土目洛宗策登等三犯逃赴明正地方潛匿嵇志文又檄飭明正土司按名拏獲解赴裏塘經嵇志文訊明該三犯狼狽爲奸實據與裏塘土司無涉將三犯解赴打箭鎗廳監禁以示懲儆並將歷年裏贍交涉各案逐件爲之剖斷清楚裏番之心始平贍番之氣亦懾兩造俱各輸服甘願具結導斷嵇志文於本年三月二十八日限同三面在裏塘之噶壩穹壩阿壩三壩之北雄赫山豎立川藏界碑一座又於三壩之南

裏塘之北立碑一座以示區別三壩仍係川疆歸裏塘管
理其大道差事近年久已不支仍飭令查照向章分別應
差三壩應上夷賦按年上納查衆木拉石地方仍歸川屬
由裏塘管理其一切未盡事宜均明晰刊入碑中以資遵
守從此西藏不得預聞查衆之事取有番官土司遵依了
案分劃清楚各夷結連刷印碑文繪圖貼說一併申齎稟
由丁士彬轉懇分別奏咨前來臣等覆查瞻對地方從前
奏請

賞給唐古忒之時未將界址分別清楚本屬朦混但南北
大致瞭然豈容稍有混淆只以歷年既久強者因便乘利
弱者積不能平前辦各員又未秉公速斷以致瞻裏兩番

奏稿卷二十四

古

積忿成讎構衅稱兵幾至擾及大道實屬不成事體茲該
員等遵

旨奉差查辦先究肇衅之裏番以釋藏番之疑復殄首禍
之查番以平裏番之恨兩造均已折服各案悉就範圍從
此裏塘所轄部落番官不得越境逼勒滋擾瞻對所管地
方土司亦不得朦混侵占川藏相安邊民永資樂利堪以
上慰

宸廑所有在事出力各員之候補道丁士彬督率有方不
負委任現任建昌道寶森盡心指授悉合機宜候補班前
先補用知縣嵇志文往來於瘴雨蠻煙之地出入於冰天
雪窖之中歷有年餘力顧大局不避艱險均屬著有微勞

可否仰懇

天恩將丁士彬

賞給隨帶加三級寶森

賞給二品頂戴嵇志文歸候補本班儘先補用以示鼓勵
之處出自

逾格鴻施其餘出力各員弁由臣等查明給予外獎以勵

勤勞所有瞻對裏塘界址不清晰滋事故現已遵

旨劃明界限刊碑立案瞻裏地方一律靜謐緣由除分別
咨部並將各夷結碑文圖說附卷存案外謹會同成都將

軍宗室臣岐元合詞具奏伏乞

皇太后

奏稿卷二十四

古

皇上聖鑒訓示謹

奏

夔州府添設拔額摺 光緒十年七月初二日

奏為請增拔額以育人才恭摺仰祈

聖鑒事竊查四川省夔州府學額原係二十名每逢酉科拔
貢二名前於雍正十二年撥去六名以四名歸梁山二名
歸達州復於乾隆四十四年撥去六名歸石碛廳府額僅
存八名未符府制始將巫山雲陽各撥一名改歸府學每
科取進十名酉科拔貢一名嗣於同治九年奏添學額十
名奉

旨允准在案十餘年來每科皆取進學額二十名惟拔貢
尙未請添查定例歲試生員滿百名准選拔一名現在夔
州府學廩增附生已逾二百名核與增添拔額定例相符

奏稿卷二十四

七

由藩司具詳請奏前來 臣等覆查該司所詳係為鼓勵學

校起見亦與定例相符合無仰懇

天恩准予定額一名之外增設拔額一名以廣登進而資

鼓舞如蒙

俞允請自下屆丁酉科為始由 臣等會同秉公選拔用副

聖主樂育英才至意是否有當謹合詞恭摺具陳伏乞

皇太后

皇上聖鑒訓示謹

奏

官運鹽局捐建公所請免報銷片 光緒十年七月初二日

再查川省開辦黔邊官運鹽務前於瀘州南關外暫佃民
房設立總局價昂地窄既不足敷分布又處城外河濱野
曠人稀川省匪徒極多每值解交銀兩之時存儲甚難防
護實非慎重之道茲據總辦鹽務候補道夏崑詳查州城
內側近瀘州營地有民房數十間出賣相度地勢以之設
立總局甚屬相宜事雖應舉而款無可籌礙難措辦嗣各
局委員等皆以鹽務為久大規模責成甚重均願極力贊
成集議各捐薪資以襄盛舉因由該道及幫辦文天駿倡
捐銀一千二百兩前總辦局務唐炯留捐銀一千二百兩
在局大小各員合湊捐銀六千兩共銀八千四百兩按照

奏稿卷二十四

七

市價議買興工修理正屋三層建造庫房一座文案收支
引目票據各兩所餘屋數間作為司事吏書暨帳目收存
檔冊之地現已一律告竣工料尙無偷減所有捐資各員
在局有年所捐皆係薪工均不敢妄邀議敘並請免造冊
報銷等情詳請奏咨立案前來 臣覆查無異除咨部外理
合附片具陳伏乞

聖鑒謹

奏

酌添鮑超勇營並撥餉項軍火摺光緒十年七月二十日

奏為遵

旨酌籌添募鮑超勇營並撥餉項軍火俾資利用以速師行恭摺仰祈

聖鑒事竊臣於光緒十年七月十三日承准軍機大臣字寄七月初二日奉

上諭鮑超奏傷病尚須調攝兵力不敷調遣一摺該提督傷病尚未大愈覽奏殊殷廬念即著加意調治以期早日就痊據稱四川五營不敷調遣擬招集舊部將士等語前日已有旨諭令岑毓英督飭各營陸續出關進規越南北圻必須有繼進之師以厚兵力即著鮑超會商丁寶楨酌

奏稿卷二十四

六

量調派舊部將領迅速招募勇營期於敷用所需餉項即由該督籌撥務當源源接濟毋任缺乏將此由六百里諭令知之欽此欽遵正在迅速籌辦聞又於七月十七日復准軍機大臣字寄七月初六日奉

上諭前據鮑超奏四川僅撥五營兵力不敷調遣擬令舊部將領招募勇營當諭令會商丁寶楨酌量增募期於敷用現在福州口岸被法人傷壞船隻焚燬船廠軍情緊急本日已明降諭旨一意主戰期於力挫兇鋒著鮑超與丁寶楨悉心會商迅即募勇成軍不必如原奏添募多營但期足資戰守剋日部署啟行由湖北乘輪下駛俟到江西暫行駐紮聽候諭旨所有餉項軍火丁寶楨當力籌接濟

毋任缺乏將此由六百里各諭令知之欽此臣欽遵即飛行知會鮑超並以另函商辦去後覆查現既決意主戰亟應厚集兵力以期挫彼兇鋒惟募勇首先籌餉餉項不充則勇多亦難得用籌備不預則事後必致倉皇臣現就川省出入各款通盤計畫以定鮑超一軍接濟之需俾事機確有把握查川省歲入之款合之歲出之款雖極力撙節實不敷銀一百三四十萬兩今再加鮑超一軍若如該提督原奏所稱招募之數合之應撥軍火一切每月增餉十數萬合計每年加增餉項約一百五十餘萬是川省每年不敷之餉已及三百餘萬力量萬有不及此時事關緊要臣斷不敢不力願大局亦不能不先事籌維庶免後來竭

奏稿卷二十四

七

蹶貽誤戎機再四思維謹已遵照不必如原奏多募勇營但期足資戰守之諭函商鮑超請其再行添募十二營合之前次奉撥川省現有之五營共成十七營計勇數已有八千二百五十人亦足自成一軍並飭司道移緩就急先行湊撥銀十萬兩又令機器局撥給十二營應用洋槍二千四百桿洋藥四萬觔銅帽四十萬顆鉛丸配齊足用即日委員分解至夔州府城交該提督查收現在軍情緊急查夔州至省一千六百餘里若鮑超再行來省往返必須兩月有餘曠日必多茲特函商其不必來省即在夔州調集舊部速行開招或就近前赴湖北各處招集尤為簡捷臣刻已飭令前撥

川勇五營即日截清舊饒由省啟行前赴夔州聽候調撥俟將所添之十二營成軍後合為一軍即由鄂乘輪船下駛暫住江西候

旨遵行至 臣所撥川勇五營雖係就素所得力之勇挑出候用猶恐該提督以勇必自募乃能應手亦已咨商由其就近將該營遣撤另募五營以歸一律如此辦理則事機可期迅速不致緩不濟急至 臣現酌量函商添募十二營加以所撥之舊有五營合計勇數尚不為少用款亦鉅以川省支應各路協撥通計實已竭力無餘若以軍少尚不敷用則川省萬無可騰挪之款惟有仰懇

奏稿卷二十四

三

天恩或於他省軍事較緩之處每月另行酌撥以資接濟若必川省一力供支則除京饒及東北邊防固本兵饒不計外或請於現在應協各路營饒內每月酌量減解庶支應無虞短絀否則各路之協撥既多而川省四路邊防均屬夷疆時虞滋事必須設法自固免生意外之患又多一番顧慮此乃攘外安內之法斷不可不先為計及所有遵籌酌添鮑超勇營及籌備饒項軍火各項是否有當謹恭摺由驛六百里馳陳伏乞

皇太后

皇上聖鑒謹

奏

自請帶兵防法片 光緒十年七月二十日

再欽奉

上諭據鮑超奏稱傷病尚須調攝兵力不敷調遣自係實情茲 臣現已遵

旨為之酌量添募十二營合之前撥五營已有八千數百人兵力尚不過薄惟所稱傷病未愈將來能否邁行尚未可必當此事機喫重 臣再四思維若該提督再有他請則緩不濟急無裨於事 臣願即將現撥之川勇五營於各防所再行酌抽五營其餘尚有之勇川省地大人繁自應留為彈壓巡防之用 臣於此外加募五營共成十五營自行督率迅往湖北江西一帶或即到閩省候

奏稿卷二十四

三

旨遵辦夫兵貴精不貴多乃行軍要義若兵多饒乏譁潰堪虞易滋他事且兵法有知己知彼之說即以法人而論遠隔重洋征調甚費其兵雖多默揣亦不過三五千人或七八千人而止此外則多虛張聲勢 臣今以七千五百人當之亦足相敵况兵少則心志齊較為可靠且 臣自帶勇辦賊迄今二十餘年於軍勢機宜雖無他能而察看情形亦稍熟習若此次鮑超或有他請仰懇

皇太后

皇上宸衷獨斷勅 臣前往一行會辦必當臨事應變迅赴事功且就 臣所籌辦理則兵不加多饒不過費兩者均有餘力而於川省邊防內地亦尚有備禦此誠內外兼顧之

法方今

宵旰憂勞臣職任疆圻受

恩深重當此有事之際尚不思激發天良力圖報稱自問

何以為人區區愚忱非敢妄為夸大也臨穎不勝迫切之

至謹具實密陳伏乞

聖鑒訓示謹

奏

奏稿卷二十四

三

與唐炯前後所帶黔勇建祠合祀摺光緒十年七月二十九日

奏為微臣及已革雲南撫臣唐炯前在籍勦賊所帶員弁

勇丁捐軀効死情堪憫惻謹具實懇陳恭頌

天恩俯准建祠合祀以爰忠蓋而廣

皇仁恭摺仰祈

聖鑒事竊臣自咸豐癸丑通籍後卽丁母憂正值貴州逆

匪楊澂洗倡亂擾及平遠各處烽火逼近里門其時各兵

均在上游遵義一帶赴援不及堵勦無人臣不得已乃倡

率親族自出已資招募本籍壯丁共得八百人親率堵勦

幸數戰皆捷該匪遂奔竄定番一路平遠間境遂以保全

臣方擬回籍撤勇適安順之狎匪又復滋事官軍屢戰不

奏稿卷二十四

三

利經前雲南布政使吳德溥署安平縣事以書致臣率所

帶勦楊逆之勇赴彼救援該處距臣籍亦近義不能不往

以過狂氛預保鄉里因復率勇赴援甫及一月擒斬首匪

多名破其堅砦十餘處賊遂以平維時省城下游教匪突

起而鎮遠各屬苗匪亦同時鬪聚苗教兩匪人數既衆勢

頗鴟張各路紛紛告急前貴州撫臣蔣爵遠以賊氛甚熾

省城戒嚴兵饟兩乏奏請臣幫辦勦賊事宜臣奉

命後乃增募壯勇四千人以防守省城繼思守城無益不

如以勦為防遂率軍出省親督勦辦自貴州省城起至下

游都勻鎮遠各屬轉戰六七年殲滅各匪黨及攻克各城

均經蔣爵遠奏明在案厥後咸豐庚申年臣奉

旨簡授湖南岳州府知府始遣散各勇赴任所可念者臣自貴州帶勇幫辦勦賊初係自備勇糧因力難獨支始由官量予接濟維時貴州以瘠苦之區到處皆賊入款毫無而各省正值粵匪披猖自顧不暇亦無可指撥之款糧饟俱窮困苦已極臣所帶之勇每名須五六十日始得饌銀四五錢尙須扣除米折乃該弁勇等飢餓之餘至掘草根樹皮以食毫無怨言每一遇敵猶復以弱敵強攘臂爭先所向必捷至今黔中父老猶嗟歎之臣初帶勇時誠不料其困極愈奮忠義之氣若斯極也而尤可憫者各省勇丁軍興初起時陣亡者必有卹賞臣勇自從戎以來從不知死敵有卹賞之典臣亦以貴州饑項奇絀決不與之言

奏稿卷二十四

西

及故歷次戰歿員弁勇丁六七年來不下數千人並無一名言及卹賞者臣撤勇之日所欠勇糧積至百餘萬臣至僅措得六百餘金給之遂相泣分散寂然不諱似此忍飢致死口不言苦軍興以來實所未見又已革雲南撫臣唐炯於同治六七年經四川督臣吳棠奏派援黔自遵義府之上游起其時黃白號匪與下游各路苗匪合而爲一聲勢極大唐炯率數千之衆自遵義起至下游之平越鎮遠各屬節節埽盪轉戰無前遂將各匪以次削平正可漸冀肅清而四川忽有兵饑不繼飭令撤勇之說唐炯恐日久遷延欠饟太多難以遣散遂一面稟知川督一面卽行撤勇厥後黔省上下游不一二年卽以勦平實唐炯初辦之

力爲多而其員弁勇丁之戰死者前後實亦不下數千人情形亦極慘烈今日者黃沙白骨悉化青燐瘴雨之鄉兵戈已淨在該士卒生爲義旅歿作忠魂自問夫復何恨惟是臣去黔後服官數省渥荷

隆恩唐炯亦屢邀

天眷有加無已而回憶三十年前之舊部身膏原野當時之卹賞無聞骨碎疆場死後之孤忠罔託是患難皆士卒所同安樂乃臣二人所獨清夜以思能無隕涕方今

聖德含宏恤死褒忠之典備極仁厚而臣與唐炯兩軍同一殉命行聞迄今二三十年並無瓣香片紙莫彼忠魂若再不據實懇請代額

奏稿卷二十四

東

恩施是臣等負義實深九原有知必多銜恨合無仰懇天恩俯念該士卒等致身効死實有可矜

准於貴州本籍建祠合祀春秋二祭悉如典禮並請

飭部立案施行則該員弁勇丁等雖死之日猶生之年感

沐

皇仁益當結草於世世矣所有懇陳黔勇忠瘁情形及懇懇建祠合祀各緣由謹恭摺具陳伏乞

皇太后

皇上聖鑒訓示謹

奏

丁士彬入藏中途被阻片 光緒十年七月二十九日
再等前因前藏喇嘛擄奪巴勒布商民財物日久未結
恐釀事端奏請派員查辦欽奉

諭旨飭令道員丁士彬前往謹卽行知該道啟程赴藏嗣
准駐藏大臣以此案業經賠償了結等情咨會前來臣等
以案既辦結丁士彬或應飭令回川以省需費抑或前往
察看俾昭周密之處未敢擅專具奏請

訓茲於光緒十年六月二十六日遞回原摺內開軍機大
臣奉

旨覽奏均悉所辦甚是與前次寄諭正相照合此案業經
辦結丁士彬卽著毋庸前往等因欽此正在恭錄轉行間

奏稿卷二十四

三

適接據丁士彬稟稱本年閏五月十九日該道由巴塘起
身二十三日行至川藏交界莽里地方突有江卡番官所
帶頭人領衆數百以差事帶有俄國洋人奉商上傳知不
准放過阻回公拉該道當派通事前往宣示詳晰開導並
告以此次進藏係奉

旨察辦藏廓之事原爲爾等息事並無一洋人在內可以
一望而知該番等聲稱洋人易辨投教之人難知並言廓
番之事業已了結無須該道前去再四開導該番不惟不
遵瞻敢於邦木山廩集番兵數百名各執槍矛槍傷塘兵
並以亂石拋擊狂悖情形百口不入只有暫住該處請示
辦理等情據此臣等伏查藏番阻止洋人原非一次上年

洋人攝伯爵由川入藏行至巴塘該番聚衆阻攔經糧員
趙光燮將該洋人多方護送幸取得道由雲南中甸一路
回國又臣寶楨奏明請派貢生黃楫材赴印度游歷行至
巴塘該番等無端以黃楫材與洋人通氣糾衆攔阻黃楫
材無奈亦只得取道雲南中甸前行是該番之阻止洋人
已成慣技但此次該道入藏係奉

旨特派之員該番等乃竟敢糾衆阻攔且明言廓事已了
毋庸該道前往明係不欲該道入藏查辦滋事喇嘛遂藉
有洋人爲詞肆行無忌實屬狂悖已極若不加以懲創桀
驁之氣愈熾日後難保不釀大患惟當此時事多艱若因
此無知蠢番致與大舉實覺不值惟有仰懇

奏稿卷二十四

三

天恩飭令駐藏大臣嚴飭商上將現充江卡營官巴蒼奪
吉撤退懲辦並勒交聚衆抗阻之頭人一併懲治仍一面
嚴飭該管喇嘛將擄奪滋事之首犯人等查明交出照例
究辦以懲刁玩而儆將來除行知丁士彬遵

旨回川外所有該道入藏中途被阻情形謹會同成都將
軍宗室 岐元合詞附片具陳伏乞

聖鑒訓示再現准西甯辦事大臣來咨以洋人俄官尼擬
由西甯取道入藏游歷咨請照約保護臣等接報之後卽
飛咨駐藏大臣一面檄行川界文武員弁如遇該洋人到
境卽行善爲開導妥慎護送毋得稍有疏忽在案此次丁
士彬入藏該藏番藉口洋人任意阻攔則將來俄官尼一

至藏境其阻攔自在意中所願俄官尼聽信員弁開導改道折回或可幸免無事上紿宸廑但洋人自有入藏探路之約而入藏游歷者絡繹不絕洋人又固執性成聞此次俄官尼在西甯一帶查探入藏各路已歷數年立意甚堅將來恐不聽開導勢在必行該藏番又不可以理論一味顛預力阻難保不有意外之虞臣等再四思維除在川境竭力開導保護外一入藏界別無善策實不得不深切隱憂仰祈預為飭知駐藏大臣設法妥辦以免生事合併陳明謹奏

奏稿卷二十四

天

遵 旨覈計川省籌解海防需費摺光緒十年八月初三日奏為海防需費喫緊擬就本省力量可籌之數通盤覈計以備應用恭摺仰祈

聖鑒事竊臣接准戶部咨開以刻下沿海防務正緊奉旨通盤籌畫接濟令不濱海各省一意裁節限兩月內籌畫若干一面迅速籌備一面奏明再行覈議以歸畫一等因具見部臣統籌全局苦心經營不遺餘力臣等備員封圻曷敢不激發天良竭慮殫心詳細覈度以期眾擎易舉共濟艱難惟思量人為出乃制用之常經酌盈劑虛實因時之妙用當此時事孔急若祇知自固而昧於遠略者拘墟之見也矜言驚外而遽忘本圖者膚淺之計也拘墟者

奏稿卷二十四

天

固以鮮通而罔濟膚淺者亦恐一發而無餘二者似皆不可常恃臣謹將部臣所籌議者就川省實在情形悉心參酌敬為

皇太后

皇上陳之夫部臣之所謂裁減者原祇令節其有餘並非欲增其不足伏查川省歲入之款通計錢糧課稅及各雜項實收銀一百零數萬兩又加津貼捐輸兩項共收銀一百六十餘萬兩又貨鹽兩釐實共收銀八十餘萬兩皆可按册而稽而地丁津捐數項每遇年歲稍歉約計民欠亦尙有十數萬兩釐金多寡則視商賈之暢滯盈絀本難預定總計通省歲入實不過三百五六十萬兩而歲出之款

自京饒以及各海防邊防暨各省營協餉仰給於川者甚多除酌量不急各處稍爲緩解外每年計須實解銀二百五六十萬兩加以本省旗綠各營官兵俸饒實銀一百四十餘萬兩又本省分防各邊夷及內地巡防各匪勇饒須銀五十餘萬兩以入抵出每年實短銀一百餘萬兩而隨時或有加撥之項尙不可計川省年來所有進款均盡數供支各處協撥之需而本省兵勇兩饒皆係參前補後移彼發此百計騰挪以爲周轉補苴之術拮据實已不堪現又加鮑超之募勇若必盡如所請無論該軍一營合計已增饒至二百零數萬兩軍火各項鉅款尙不在內卽儘全省所入概供該軍亦萬無此大力卽以現在遵

奏稿卷二十四

三

旨商令添募十二營合之前撥五營共十七營計饒每年亦在六七十萬兩均應隨時百計籌畫而能否不致有缺或須奏請分指他省協撥實不敢知而况應給之軍火尙不在此數此川省現時實在情形也 臣前准部咨卽與各營密商除駐防旗兵外議將綠營各兵酌裁一二成而各兵已噴有煩言 臣未敢操切從事復與各營將官商令以後各營開除名糧不准隨時募補須俟查明准補方能照辦思爲釜底抽薪之法俾免兵心渙散別生枝節然亦祇能緩圖未可急就至各營防勇川省近年所裁已多今除撥出五營歸鮑超統帶赴防外所餘僅十四五營而川省西南松建一帶數千里全屬夷疆又近腹地之馬雷峽越

各邊夷概係生番漫無統率獷悍異常現以十營分布邊地爲保境制夷之用多屬不敷此外內地百二十餘州縣噶匪會匪無處不有又加生齒過繁無業貧民日集日多無處安插今祇以四五營分防查拏奔走殆無虛日是今日勇營似亦不能再裁且以馬雷峽越各邊而論從前歲歲夷人出巢滋擾每次必費帑七八萬或十餘萬不等習以爲常近數年來防範精密夷人稍知畏懼間遇有出巢生夷亦只就各邊勇移緩赴急或檄令招募鄉導百餘人或二三百人而止夷退卽撤決無從前糜費卽以此數年而論此中節省已不爲少若再議裁恐邊地太寬夷人太衆一有意外之事是此時甫裁去一營轉瞬又添出數營

奏稿卷二十四

三

得不償失殊非至計是目前勇數亦似不可裁也又川省錢糧課稅從前本省所入本不足供支本省必須他省指撥接濟近數十年津捐兩項每年皆格外加銀一百五十餘萬兩民力實覺不支亦屬無可再加至川省之機器局原辦局面極小且開辦甫經四年所有出洋購買機器各要件並修造廠局各房用銀不過八九萬兩又除隨時添買機器並製造槍藥之銅鐵硝磺各項以及局中之工匠司事委員工食薪水等費每年亦不過用銀三萬餘兩通計開局至今四年所用銀實不過二十一二萬兩而所造之槍彈洋藥除本省操練足用外撥解滇粵兩省者亦不爲少近又撥解鮑超新募勇營洋槍銅帽洋藥爲數頗多

是以十一二萬兩之工資供各處不時之用並不似上海等局辦理已二十餘年每年用銀至數十萬者比今若再裁是局可不必設矣至現在各局如交代局已全裁保甲發審各局從前員紳均有薪水今已裁去八成其餘採訪洋務釐金籌餉各局凡稍有可省者無不從減目前冗費冗員年來大半搜括殆盡自問實無可再裁此皆川省共見共曉之事並非敢稍為含混也現 臣與司道等逐加覈計到處搜求實別無節省增益之術惟海防大局必須兼顧日來極力斟酌計惟有於通省貨釐鹽釐項下將各路進出水陸各口細加考察嚴禁偷漏賣放之弊又將各局員詳加考察可裁即裁一有作弊立即撤參此外又將現在之官運局密益加密並令設法招徠商販以期多銷一引即多增一引之課釐以此盡力辦理每年約可節省銀十一二萬兩分批解部以備非常之用舍此更無他策至 臣等處此時勢恨不得殫其地之所出以供急需而事必求其可行若盡情羅掘恐欲盈轉絀不惟無益而且有損刻下海防固為緊要內地尤宜加意撫綏安集刻不容疏緣天下之患每出於所備之外與其備之於有事不如解之於未形此正不可不深長思也所有 臣等通盤籌議川省款項現在出入實情擬於無可設法中每年籌解銀十一二萬兩以備應用緣由謹據實由五百里馳陳伏乞 皇太后

奏稿卷二十四

三

皇上聖鑒訓示謹奏

奏稿卷二十四

三

鮑超饒需軍火煩重據實陳奏片光緒十年八月初三日

再臣前奉

諭旨以鮑超具奏新募勇營令臣會商該提督可不必多募但期足資戰備等因欽此臣當即欽遵飛咨該提督遵照道商請新招十二營合之前撥五營共十七營前往辦理又以軍行宜速復一面飭知司局無論何款先行籌撥勇糧十萬六千兩洋槍二千四百桿洋藥四萬觔銅帽四十萬顆鉛丸足用於七月二十七八等日分批委解交收茲接該提督鈔錄奏稿並將該營需用勇糧軍裝一切大數鈔單咨會預為備辦前來臣查單開所稱募步隊三十六營馬勇十營共四十六營每年軍饒共實需銀二百數

奏稿卷二十四

五

萬兩而軍火軍裝各軍所需不下數十項每項多者數萬件少亦數千件不等臣與司局核議通計每年需銀約在三百餘萬兩是舉四川全省所入儘數供給該軍一軍尙難敷用即以所需洋槍一項姑無論川省開辦甫經四年局面甚小自難應數即合各省機器局悉以供支亦恐一時不能備齊至其餘各項尤多縱竭一省之財力人力剋期製辦亦非年餘不能為功至馬隊一項必須出口購辦鞍轡亦以京城購者為佳歷來軍營所用皆係如此川省更無從措手查海防喫緊但使力所能為臣等決不敢稍形推諉無如該軍所需無一不備雖屬軍中應需之物亦未免過於煩重令人措辦為難現已將實情飛咨該提督

酌核自行請

旨分飭各省撥濟聽候遵行或期通力合作俾該軍不致延緩時日有誤師期且該營一經開幕不日即可成軍將來饒項軍裝一有不全又須守候而成軍之勇所有一應行糧即須照發耽延一月即虛糜十數萬月饒尤屬非宜是以不敢不據實上陳伏乞

聖鑒訓示謹奏

奏稿卷二十四

五

續籌餉超軍餉催令啟程並請 飭部籌撥接濟摺
光緒十年九月十八日

奏為遵

旨再行酌籌餉超勇糧俾令迅速成軍起程並請

飭部將該營勇數餉數核計應支餉項定章暨另指他省

分籌有著之款以期眾擎易舉免致貽誤恭摺仰祈

聖鑒事竊查餉超募勇赴滇 迭次欽奉

諭旨令募勇萬人並將軍械等項會商妥辦其軍中應用

之物只須敷用不准稍涉鋪張到滇後按月軍餉著戶部

籌撥有著的款支給等因欽此嗣接戶部咨令該提督詳

細查核所募練軍萬人內馬隊若干步隊若干所需月餉

若干連各項章程一併查明詳細奏咨再行由部酌撥餉

項以昭核實如該提督啟行較速即由四川預為籌撥兩

三箇月餉銀解交支用續又欽奉

諭旨以該軍現擬招募二十六營著照所請辦理目前餉

需前由四川撥銀十萬六千兩恐尚不敷著丁寶楨無論

如何為難即酌量添撥俾其迅速前進所有月餉著戶部

速議具奏欽此 於奉到

諭旨後正在會同司道極力設法酌量籌撥即接准該提

督來咨以該軍現募二十六營每月應需餉銀十萬六千

餘兩令 趕為籌撥五箇月餉需速行解往應用其前撥

之十萬六千兩該提督已分作為製造鍋帳刀矛及買備

鞍馬等項之用所餘僅一萬五千數百兩等情 接閱之

下不勝焦急查該軍應用洋槍已先由 撥給二千四百

桿分起陸續委解其川省撥出五營所需洋槍鍋帳一切

均由 在省發足前往此時所製鍋帳刀矛及買備鞍馬

等項據稱已用銀九萬兩之多似此辦理四川一省入款

何能支應現據稱所募二十六營每月共需餉十萬六千

數百兩令速籌撥五箇月餉銀解往支用以該提督所咨

核計該軍五箇月之餉即需銀五十餘萬兩為數極鉅 非

不願竭力供支祇以川省現在應行接濟緊要餉項除

該軍外尚有應解之京餉及東北邊防淮餉滇粵黔省各

軍餉均係緊急即須分起撥解而西路新疆伊犁等營月

餉現在時時坐催必得陸續接濟又本省綠營兵餉及留

防各勇口糧亦應支發若照該軍所用則各路指撥之款

紛至沓來如何籌給殊屬為難然現時軍情喫緊 等即

艱窘萬狀亦應勉力撐持惟軍營口糧必須確有限制乃

能隨時籌維以備臨時支應且

國家當此用兵之時餉項拮据日甚一日 等職司其事

縱不能力圖撙節亦豈能毫無計畫任便取攜以致跋前

疐後貽誤將來復查自咸豐年間軍興以來各省支發勇

糧多少不一然綜而計之以黔省為最輕山東次之此時

四川係照山東支給亦屬從輕其餘如湘楚淮各軍均照

章每營五百人其餉項係定為每月二千八百餘兩一切

奏稿卷二十四

奏

奏稿卷二十四

奏

在內歷來各營口糧之多無逾於此今鮑超所募之勇二十六營如照各軍營五百人爲一營計勇則一萬三千人卽照湘楚淮各營餼項核計支發每月共需銀七萬數千兩今臣與司道等會商該軍勇數餼數卽查照口糧最大之湘楚淮各軍一律酌發惟川庫近年指撥之款爲數過多司庫所入隨收隨盡實無存餘茲擬暫爲通融於各兵勇等應支月餼內湊借銀六萬四千兩又於暫時可以稍緩之解款等項內挪湊銀七萬六千兩共暫湊借銀十四萬兩解交該營照此核計則連前解之十萬六千兩又加以臣隨後撥解該營製造軍裝之銀六千兩共已解銀二十五萬二千兩卽前解之十萬六千兩該提督已作爲製

奏稿卷二十四

美

造鍋帳刀矛及買備鞍馬等項用去刻計已經解存該軍之銀尙有十六萬二千餘兩想足供該軍兩月口糧別無短絀况川滇相距不過一月有餘卽沿途稍有耽延計五十日亦必可到滇現發之口糧亦尙從容敷衍其到滇後戶部籌撥之款亦可陸續解濟似此辦理該提督想可成行惟有催令迅速啟程庶餼項不至日耗一日轉成虛糜也若該軍必須再催多發則川省兩月之內撥發該軍者已二十五萬二千餘兩竊計軍興以來數十年各省軍營撥款之至多且速恐未有如此之甚者夫川省之力接濟已半天下到處搜括力盡筋疲此皆部臣可考而知實難再有贏餘現尙亟須撥解各路要款臣等實不知作何籌

措憂慮如焚不可終日應請

天恩於此次酌撥銀十四萬兩後催令該軍剋期啟行毋久耽延以致人多食衆坐耗餼需無益於事並懇

勅部將該軍每月實在應發餼項速行籌議指撥接濟俾可衆舉易舉至川省此次前後撥解該營餼項軍火一切應由該營自行造報川省無憑辦理以免軫轉而滋舛錯合併陳明所有籌撥鮑超勇糧及請催令迅速成軍啟行並由部速籌有著之款接濟各緣由謹由驛六百里馳奏伏乞

皇太后

皇上聖鑒訓示謹

奏稿卷二十四

美

奏

江省加抽濟楚鹽釐事多窒礙光緒十年十月初一日奏為江省加抽濟楚川鹽釐金在萬戶沱設局事屬窒礙且於三省大局有損無益恭摺仰祈

聖鑒事竊臣准戶部咨開兩江總督曾國荃奏江南饒絀擬做兩湖鹽釐加價成案在萬戶沱設局加抽川鹽釐金每觔三文以濟軍饑一摺光緒十年七月十九日奉

旨著照所請該部知道欽此欽遵咨行到臣當即轉飭遵辦去後茲據總辦鹽務候補道夏崑曾同鹽茶道崧蕃詳稱伏思江省議加川鹽釐在萬戶沱設局抽收自係為籌畫饒需起見若於川省引課楚省釐金均無關礙而又有益於江省饒源亟應權宜辦理然而揆度情勢實有窒礙

奏稿卷二十四

罕

難行者查川鹽近年成本過重每引萬觔運至宜昌實需本銀三百餘兩在楚售鹽每百觔價僅三兩一二錢上下是川商每引獲利不過數兩多至十餘兩而止現在楚省每觔加抽二文川商利息已微而猶勉強運銷者誠以生業血本攸關不得不借運行新引為收還舊欠地步且川淮並收亦難獨有所藉口是以竭蹶從事然已嘖嘖嗟怨今若每觔又加三文則每引必虧本二三十兩又獨抽川鹽不抽淮鹽同一行商相形之下川商益覺危懼勢將羣相裹足川省每年濟楚應行七八千張之引廠竈所添七八千萬觔之鹽從何銷售商疲廠困引積課懸其有害於川一也楚省近年所抽川釐已不逮前然每年尙能收銀

奏稿卷二十四

罕

八九十萬至百萬不等大宗饒源全恃乎此一旦川鹽不行釐金驟絕失此鉅款饒需何出其有害於楚一也江省務於萬戶沱扼要抽釐設使各商畏阻停舟不下勢不能憑空抽取且以川省行楚本岸一朝正商歇業必至私販羣起多方繞越巧為偷漏川楚疆界犬牙相錯道路紛歧防不勝防緝不勝緝宜沙一帶固易充斥卽武漢等府亦不難浸灌欲抽釐而釐無可抽欲復淮而淮終難復徒使楚省坐失自然之大利川省亦少數千之引課而於江省仍未見有神益其無利於江又一也况萬戶沱係湖北川鹽計岸埠口每年額行鶴峰長樂等八州縣計引二千數百張且例准歸州巴東等處居民購食而宜昌下游之灣潭漁陽關等處則又為峰長本岸運道必由之路川省計鹽與淮岸行銷之川鹽迥別今江省若於川省埠口設局必致引岸混淆恐各計商因之觀望惶惑停引不行不特額引積滯而八州縣亦復淡食堪虞

國課民生兩有關繫詳請據情奏咨前來臣覆查川商在楚售鹽近已由楚省加釐二文若江省再加抽三文較楚省所加猶多商力實有不支况川江險灘林立節年鹽船失事虧本已多川商持本求利誰肯甘心折耗勢將擡價顧本而楚民食慣川鹽誰肯任從加增勢必尋釁滋事減價則病商而商不願加價則病民而民不願且病商則慮走私病民則慮生事商為川民岸為楚地萬一釀成事端

咎將誰歸况乎正商阻絕梟販橫生引既不行釐亦無出
弊有不可勝言者又查萬戶沱乃川鹽行楚計岸埠口今
竟聽江省設局抽釐則川省引岸消混江楚疆界不分恐
亦無此政體臣極知時事艱難何敢稍存畛域之見無如
通籌再四實於三省有損無益合無仰懇
天恩俯准敕下兩江督臣另行設法籌辦以卹商力而清
引岸誠為大局之幸是否有當理合恭摺具陳伏乞
皇太后
皇上聖鑒訓示謹
奏

奏稿卷二十四

聖

川鹽做照兩淮行票窒礙難行摺光緒十年十一月
奏為查明川鹽做照兩淮行票窒礙難行請仍照川省定
章辦理恭摺仰祈

聖鑒事竊查前准軍機大臣字寄奉

上諭翰林院侍讀龍湛霖奏請將川粵鹽引改票以裕餉
源一摺據稱籌餉以鹽務為大宗請將川粵鹽務做照兩
淮之法除本省應作食岸不計外其餘一律改作票鹽招
商承領大票行五百引繳票費銀六千兩中票十分取一
小票百分取一應繳票費亦如之由部發給執照其設局
督銷及抽收釐課之法均做照准鹽章程等語臣體察
情形能否裨益饒源於商民有無窒礙詳細妥籌奏明辦

奏稿卷二十四

聖

理等因欽此當經轉行遵辦去後茲據鹽茶道崧蕃官運
局總辦鹽務候補道夏昔會詳查川省鹽務自清釐以後
除本省應作食岸不計外所有邊岸如配行積引以濟楚
者為商運其配行正引並帶銷積引運往黔滇兩邊及湖
北八州縣者為官運商運則鹽道主之官運則總局主之
伏思商運以川鹽濟楚特以前此江楚用兵准綱道梗奏
借川鹽以濟民食其繳清課稅者便可持引配銷商無定
名引無定岸亦並無年限之可期嗣因兩省軍務肅清准
鹽上駛復經奏明每年濟楚只准配行八九千引不准多
銷以為復准張本是楚岸原非川商子孫世守之業且川
商資本微薄遠不逮淮商之厚購鹽運鹽需本納稅納釐

需本設店雇工又需本籌本既難兼顧獲利尤覺無多以故近年歇業者不少今若做照兩淮復添票費不惟鹽本愈重無計行銷先已商號改業無從勒認此商運礙難行票之實在情形也至官運各岸無論銷行暢旺徵解無愆整飭正當得手未可輕議更張即行商認岸之始飭令黔邊先繳銀一萬兩滇邊先繳銀四千兩即為領鹽資本誠以川無巨商行號大半皆三四人朋充尙覺筋疲力竭如再加以票費商力其何能逮兼以引路之險夷迥別引包之多少懸殊引地之寬窄又復各異自鹽務提歸官運商販各已安業茲若另行改票舊商必以官運失信而去新商必且懷疑畏阻不肯復來顧後瞻前實為可慮此官運

奏稿卷二十四

鹽

礙難行票之實在情形也當此饑需支絀儻無病於商有神於饑亦何憚而不為無如川淮相較情形各有不同兩淮鹽法不能行之於川猶川省鹽法不能行之於淮遷地弗良其揆一也事關

國課民食未敢以籌饒之虛名反致誤籌饒之實效應請據實具奏等情前來臣覆查川省鹽務商運官運均無實在厚貲斷不能做照兩淮行票委係實在情形合無仰懇天恩俯准仍照川省現在定章辦理俾得無誤離網用守成法出自

鴻慈除咨部外理合恭摺具奏伏乞

皇太后

皇上聖鑒訓示謹

奏

奏稿卷二十四

鹽

請 派員帶勇赴援臺灣摺光緒十年十一月初二日

奏為臺灣軍情緊要巡撫孤軍待援甚切必應設法赴援擬請籌備十營勇丁刻日由川至鄂雇覓輪船急駛赴閩設法渡臺以維大局恭摺陳仰祈

聖鑒事竊維自與法夷用兵以來一切戰事川省僻在西隅多係得之傳聞言人人殊未能確有實耗近日外間又聞言臺灣軍事十分緊急法人已將海口封堵閩撫劉銘傳孤軍力禦勢甚危迫求援各省尙乏應援等語臣聞信之下憤激莫名竊查臺灣為中國腹心內地又係閩省菁華聚集之區南東咽喉極為扼要勢不能不與力爭而劉銘傳謀勇素優賦性忠誠臣與共事有年實所深悉今獨

奏稿卷二十四

吳

蹈危地若不一為援手設令稍有蹉跌則中國正值需人棄此良才大為可惜且於

國體亦殊有損言念及此寢饋不安在劉銘傳求援鄰省各省非不欲共抒公忠而迄無應者原以此時海口封堵無路進取事極為難故不敢輕蹈危機反致喪師之失但以事機緊要若必動計安危則畏首畏尾天下亦無易辦之事臣念切於心亟擬設法援應力顧大局雖明知杯水車薪遠道涉險亦難濟事且川中財賦現因協撥過多力亦恐有不足而事變所值聞之輒為疚心萬難漠視因與司道等百計圖維正計議聞適接鮑超來咨以其奏明招募舊部勇丁二十六營川省撥出之五營應不在內現在

該營已部署分招成軍川省五營或令從征或行遣散或

即調回由臣核酌自辦等語臣查川省撥出五營係臣年來親為操練尙屬可用但其勇數口糧均屬從減與鮑軍多少迥殊臣向會帶過楚勇頗知湘淮各統領募勇必須官弁勇丁一手自招乃能合用鮑超歷帶楚軍前撥五營臣會以此議與之函商請其或將五營勇丁查照該營現定人數餉數辦理以歸劃一俾一營之勇不致兩歧心志克齊臨敵庶免參差川省五營既歸該提督統帶如須將營勇撤散另募或另添足五百人一營並須更易舊時將弁均由該提督酌定奏明辦理會於前次各摺內奏咨在案今准其來咨以自奏准募舊部二十六營川勇不在其

奏稿卷二十四

吳

內容明由臣自行核辦臣思該五營已經調出自應令其隨同赴滇為正辦而據來咨所云五營弁勇非其舊部未諳該營營規恐不合用等語亦係實情因再四思維似不如調回為是第該五營勇丁皆係熟練之師刻下川省力量十分支絀而夷疆極形寥闊且生熟各番雜處不相統率時有出巢滋擾之事必須分布扼防以顧內地本擬將該五營撤回後即令分紮各夷地方稍資控制繼念此時臺事喫緊劉銘傳望援甚急以目前大勢而論似宜先其所急方為協宜因與司道往復籌維以川勇撥出五營鮑超既稱不在奏請二十六營之內咨請撤回且該軍二十六營已較

諭准萬人之數多至六千餘人合之滇省現在各營兵力已屬甚厚值此臺灣待援孔殷若再募多勇中國饑力萬來不及擬卽以此五營再由川中添湊五營共成十營揀派能戰敢死之將二員分起統帶前赴閩省相機取道赴臺亟為策應於川省兵事饒事所增無幾而閩事稍得臂助似為善策該司道等意見相同臣擬卽查照辦理特揀調松潘鎮總兵夏毓秀記名提督候補副將吳奇忠作為統帶各營五營如蒙

俞允該十營均係操練數年迥異尋常烏合之眾聞命卽行臣於奉

諭後卽飭領隊前往令其由川江駛赴湖北武昌雇輪

奏稿卷二十四

哭

船駛至上海再由上海另雇可靠輪船赴閩相機渡臺亦為迅捷惟到閩之後進趨臺灣節節必有戰事臣當密與該鎮將等熟籌機宜令其臨時設法妥辦期於生死不渝總以得抵臺灣為定不准稍形畏縮但得駛至臺地劉銘傳有此相助壯氣定增足以力與持久徐為後圖此臣之私衷所切切自勵者也夫人之作事言易行難臣素不敢飾為浮說以自欺而欺人然事勢所迫義有必為臣亦不願遇事退意以自負而負

國至此事如蒙

俯允則統兵既已有人而該軍遠涉應援糧饒軍火必須籌及尤應得誠勇任事夙有機謀之文員一二人為之辦

理後路軍火糧饒庶無前進後竭之虞臣查川省藩司易佩紳忠誠自矢慷慨赴義亟願前往實屬得力可靠惟該員現任藩司籌餉尤要恐難分身臣應再切實揀派素有謀略之員令其會同前進必不貽誤事機至此次派往援臺之軍所有一切應用各件均由臣與該司道等勿論如何為難自行設法力辦不惟不敢上勞

宸廑亦不敢貽累他人所有傳聞臺事喫緊籌派兵勇應援各情形出自愚誠毫無強飾是否有當謹恭摺由驛六百里馳奏伏乞

皇太后 皇上聖鑒訓示謹

奏稿卷二十四

哭

奏

密陳渡臺機宜片 光緒十年十一月初二日

再臣此次奏請援臺明知事屬艱難不易措手但迫於義憤中心如焚不能自己因思天下至難之事有志者竟成若皆以觀望處之不惟難者不易即易者亦難臣是以不避冒昧之譏決而爲此也惟渡臺非易臣竊思此時與法人言戰徒以力拒或難與爭若兼以智取容有一得現在海口已被封堵則渡臺非難進口實難必須別籌調度臣現與揀派之統領等悉心妥議到閩以後渡臺機宜思仿漢臣張良明修暗渡之計令於到上海後用重價雇募堅好輪船二三隻裝載勇丁赴閩到閩後另於閩省沿海就近雇覓民間漁船及小貿商船二三百隻約俟渡臺時以輪船發言赴臺作爲行商而暗以另雇民間小船易載勇丁每船或十人八人或十餘人不等令各勇均改裝易服作爲漁人及沿海貿易形狀即自雇之輪船亦不令得知且先令各小船散泊沿海近處洋面或捕魚或賣物時來時往法人必有巡海之船使之熟視不疑乃於早夜間乘其不防不必數十船爲一幫只以三五船即作一幫均作捕魚賣物狀暗向臺地散行一經得聞即行急駛如此乘虛偷渡法人一時或不及知即使知之而船小人少又全係散行洋礮亦易趨避即經洋人擊中亦祇能及一船兩船所傷無幾聞臺灣距省大洋不過六七百里船小載輕急駛約二三日可到但能設法駛到則兵法之所謂虛虛

奏稿卷二十四

辛

實實者祇須稍有謀略皆可隨意所爲古人云忠信涉波濤又云真誠所至金石爲開此決非欺飾後人之語誠使此去在事各統領將弁勇丁共成一心出以忠誠死生以之仰蒙
聖主威福庇蔭或可冀得機得勢未始非竭盡人事之一端至臣揀派之統領夏毓秀吳奇忠二員皆十數年經歷戰場臣親見其裒創力戰不避危險極爲可靠應俟奉旨遵行後臣當諄切密囑令其相機辦理毋稍疏率或致有誤愚昧之見是否有當謹附片密陳伏乞
聖鑒訓示謹
奏

奏稿卷二十四

辛

丁文誠公奏稿

卷之二十五目錄

遵議安置軍流徒犯摺 光緒十年十一月初七日

慶典議敘謝 恩摺 光緒十年十二月初二日

行黔鹽釐請仍由川征解摺 光緒十年十二月十六日

歲協黔饟請仍由川撥解摺 光緒十一年正月初七日

降級留任謝 恩摺 光緒十一年正月二十七日

京察議敘謝 恩摺 光緒十一年三月初五日

懇 准乍了入 貢片 同日

英人窺伺後藏豫為籌備片 光緒十一年四月初三日

越嵩應添設學額並稟增額數摺 光緒十一年五月初四日

奏稿卷二十五目錄

長子體常 簡河東道謝 恩摺 光緒十一年五月初四日

議覆戶部開源節流各條摺 光緒十一年六月初二日

查明川庫收支數目摺 光緒十一年六月十六日

明儒來知德請從祀兩廡摺 光緒十一年七月初四日

遵議安置軍流徒犯摺 光緒十年十一月初七日

奏為遵照查明川省地方安置軍流徒犯籌議情形恭摺

覆陳仰祈

聖鑒事竊 臣於光緒九年十二月初七日准刑部咨以各

省軍流徒犯脫逃日眾亟應變通整頓請

旨飭下各省體察地形妥議安置以維法紀一摺光緒九

年十月三十日具奏本日奉

旨依議欽此欽遵咨行到 臣當經飭司核議去後茲據按

察使如山具詳前來 臣覆加考核伏維立法貴探其本意

王道不外乎人情五刑之中設有徒流而徒流之外加以

軍遣所以權衡於出死入生之際以廣其悔罪遷善之途

奏稿卷二十五

法至善意至良也迄今奉行日久本意浸失軍流徒犯既

無差役以拘其身又無月糧以餬其口安置未有良法主

守徒存虛名此種罪犯大率素不安分竊盜之徒尤多處

此餒凍交加欲其循循法守勢有不能誠如刑部所云有

不能不逃之勢更有可以脫逃之機洵為至論今求變通

之法加逃人之罪名彼實迫於難已嚴主守之條律犯本

散而難稽若云錄長授食其守法者固能自謀生理而偷

惰者勢難強以相從且事甚瑣煩安得人人而濟至興築

以濟要工則修城挑河負糧運炭及一切力作不能時時

皆有况工役未有定所編管尤慮難周夫防川者必濬其

源療疾者宜固其本今配所逃亡人犯既苦於生計之窮

迫復峻以法令之森嚴是何異以壅塞防川以攻伐療疾其不至潰敗幾希矣揆諸

聖祖

列宗矜恤罪人之本意亦失其平茲經悉心籌畫成法具在未敢妄議更張欲廢其身莫若不令散處欲束其志莫若給以口糧就川省各屬安置人犯計之大處不過二十名中處十五名小處十名每名日給口糧銀三分計大處每日銀六錢中處每日銀四錢五分小處每日銀三錢爲數無多籌款尙易擬飭通省各廳州縣每處於城內設立徒流所一處每犯五名選派妥實看役一名在所常川看管各犯朝出夕歸不在外散處並令各犯或編草鞋或

奏稿卷二十五

二

織篋席准其售賣仍照例由該典史吏目等專管其事十日往查一次稟報該管廳州縣每月點卯一次當堂散給口糧不經胥役之手免其剋扣禁止勒派紳糧以杜擾累不准動用三費以節公項仍造具月冊徑報院司按季彙報刑部查考如有能執生業之犯聽其自便應給口糧卽由各廳州縣按月捐廉散放其創設徒流所一款應飭現任各廳州縣墊款建置以墊款之多寡定記功之上下總期事不煩而民不擾方可垂諸永久如此一調劑間在畏法者固可從容執業而懶惰者亦可苟且偷安儻復在配脫逃是

朝廷布寬大之恩該犯冥然罔覺嚴懲之不爲過主守之

人亦屬咎無可辭並應將逃犯及主守看役與專管兼管各官照例分別加等治罪議處庶情法兩盡別無窒礙矣查五軍罪犯自邊衛裁撤徒存其名刑部所擬與現在流犯無異輕重倒置酌留極邊四千里及煙瘴充軍二項其餘附近近邊邊遠三層量加刪減之處誠爲核實惟事關數百年舊法可否變通應由刑部彙核辦理非臣與該司一隅之見所敢妄議至新疆能否發遣作何安插亦應由該省酌量核辦以昭周妥所有遵照查明川省地方安置軍流徒罪人犯籌議緣由是否有當除咨部查核外理合恭摺具奏伏乞

皇太后

奏稿卷二十五

三

皇上聖鑒飭部核覆施行謹奏

慶典議敘謝 恩摺 光緒十年十二月初二日

奏為恭摺叩謝

天恩仰祈

聖鑒事竊 臣於光緒十年十一月三十日接吏部咨十月

初一日內閣欽奉

慈禧端佑康頤昭豫莊誠皇太后懿旨本年五旬萬壽疊

沛恩綸四川總督丁寶楨著加恩交部議敘欽此又同日

咨十月十一日欽奉

上諭本年恭逢

皇太后五旬萬壽普天同慶所有王公及京外文武官員

現在議降議罰及前有革職留任降級罰俸之案著加恩

奏稿卷二十五

悉予寬免欽此 臣伏讀

天章當即恭設香案望

闕叩頭謝

恩欽惟

皇太后蕃釐似幄

受祐娥臺慶溢

璇宮歡騰

玉陛

月瑤啟瑞

延齡披益地之圖

樞電呈祥

衍策協昭華之琯合千百國之衢歌巷舞伏地稱觴統億

萬年之長治久安呼嵩獻

壽仰維

皇上邁武承

顏踵虞順

志宥百工之不逮

帝澤覃敷

嘉庶績之咸熙

聖仁廣被 臣未效涓埃渥露

雨露翹瞻

北闕喜戴

奏稿卷二十五

慈暉効職西陲恆依

福蔭惟有和衷勳翼肅聆

媯陛之笙簧宣力鞠躬稍答

堯天之覆幬所有 微臣感激下忱理合敬謹具摺叩謝

天恩伏乞

皇太后

皇上聖鑒謹

奏

五

行黔鹽釐請仍由川征解摺光緒十年十二月十六日

奏爲川省代黔征收釐稅擬請仍由川省征解赴黔交收以省周折而資便捷恭摺仰祈

聖鑒事竊臣准部咨指撥光緒十一年分甘肅新饟銀四百五十五萬兩擬指撥四川省銀一百二十萬兩又准咨開四川省每年應協貴州饟五十萬兩內鹽釐應協貴州兵饟六萬兩按糧津貼應協貴州兵饟五萬兩夔巫鹽稅應協貴州兵饟五萬兩改令湖北省於光緒十一年批解銀五十萬兩湖南省批解銀十六萬兩各等因查川省原議協黔之饟每年祇解四十九萬兩並無五十萬之多建議之始蓋以黔邊鹽務局每年應解協黔抵捐銀四萬兩

奏稿卷二十五

六

又准部咨於奏請解京饟內改解黔省銀十二萬六千兩又行黔鹽引內黔省應收釐稅議明由川省代黔征收釐稅銀十八萬兩又因司庫頻年奉撥協黔軍饟十三萬四千四百兩又奉撥茶課鹽釐鹽稅津貼等項銀解供黔省兵饟銀二十三萬兩統計每年撥銀三十六萬兩兩司庫實因撥款日增黔省既有撥解勇饟銀又須指撥常年兵饟是一省而兵勇兩籌實屬無從設措前撫臣岑毓英目睹艱窘情形極知其難因與川省議定無論勇饟兵饟每月解銀一萬二千兩年中共解實銀十四萬四千兩連黔邊局應解抵捐協饟及代征釐稅等項每歲一切共批解黔省銀四十九萬兩一併在內今准部咨指爲歲協貴

州軍饟銀五十萬兩據文內所稱應撥兵饟之鹽釐鹽稅

津貼等銀十六萬兩並文內未經敘及之每年指撥兵饟茶課銀六七萬兩查川省解黔饟項均卽在原議解黔四十九萬兩之內並未另有多解茲既將議定解黔之四十九萬兩改歸他省撥解又指出應協黔省兵饟之鹽釐鹽稅津貼等項應行免解而又將兵饟案內向來一同指撥之茶課一款並未提及如提出此款銀兩仍應由川解納則是川省於議定解黔四十九萬兩之外復須多解此款銀六七萬兩似與川省以前解數稍涉參差至原議解黔四十九萬兩之內有黔邊局代黔征收釐稅銀十八萬兩者原因黔省行黔川鹽向因地方瘠苦民鮮殷實從來行

奏稿卷二十五

七

岸各商土著者通行不過二三百戶餘皆西商各挾巨貲分布各岸設立鹽號由川購鹽運黔轉發本地小販零星承賣不似他省鹽商均係本境富戶自行開設是以向例黔省額定解部鹽稅僅七千餘兩不便多征實爲體恤商民至意乃黔省向不遵照定制於定稅之外各府州縣無不私設關稅任意自收橫征無度商民疲困日深後值黔省苗教各匪倡亂歷二十餘年延蔓閩省地方全行糜爛戶口逃亡幾盡其時西商受害者亦十之八九遂各歇業不前黔省鹽務勢已中絕其間因民苦淡食間有零星小戶朋集貲本輾轉購販以圖微利而黔省官吏猶不知稍加體恤仍照未經兵燹以前到處設卡私收商民愈不堪其

苦無所赴懇嗣經_臣於光緒三年到川查知黔省鹽岸已廢而川省鹽務弊病又已極深乃毅然更改擬復黔岸創辦官運計初辦之時黔省以各處皆立私稅招商並無一人願至不得已而招西商又皆復畏累裹足不前勢極萬難官運幾於中止因不憚艱苦多方設法經營議以黔省私稅不除商人招必不至因與前黔撫_臣岑毓英往返函商議革黔中一切私稅賴岑毓英公忠夙著痛念黔省商民之困已非一日無計可蘇惟有與辦舊有鹽岸可漸為招集流亡之地乃與_臣商定將黔中私稅一概刪除又議以黔中餽項支絀私稅既革則鹽商等一切苦累較輕可以諭令仿照收釐之法略為征收稍助軍餉_臣復與之徧

奏稿卷二十五

八

行示諭各商等知私稅橫征之弊盡除僅與抽釐減累實多情願遵辦乃為議定四岸共抽釐十八萬兩又恐收釐之後官吏不知檢改復行私設為害實多且議收鹽釐若必由黔委人易致別滋他弊乃再三商定奏明川鹽抽釐即由川省官運局員於發商領引時遵照定數一體代為抽收包解庶商人無可偷漏委員亦無從滋擾自此章定後川鹽行黔始毫無窒礙漸次暢行銷數遂日有起色是川鹽之暢實由於代收鹽釐一層黔省既得川利即不能不力為維持大局今一旦改此黔釐十八萬歸湖北代解無論解款日久未盡可靠即使源源接濟而黔中待用孔殷緩不濟急且必視為協饒常款與川省無涉則黔省數

千里引道尚能必其照舊保護乎若地方官稍有漠視雖川省執法相繩川鹽之行即難保其不窒且又安能禁其不似從前私設關卡征收鹽釐無所底止乎川省之官運本以黔邊為主而黔中又皆係瘠苦無聊之地值此時事必須多方體恤然後民情樂於從事不致變更今若此項鹽釐改歸湖北代解_臣早夜熟思實不能不為黔省計更不能不為川省計據_臣愚見川省代黔征收係為杜絕大弊以歸核實起見並非川省協濟之項如將川省代黔征收釐項同川省應協黔餉一併改解甘省交收復由楚省另籌解黔勢必輾轉周折恐黔中緩不濟急據藩司易佩紳查明詳請奏咨前來_臣覆查屬實合無仰懇

奏稿卷二十五

九

天恩俯准勅部再行核議准將川省黔邊局每年代黔征收鹽釐稅銀十八萬兩仍由川省以代征之項陸續解黔其原撥湖北協濟黔省銀五十萬兩只由湖北撥解黔省銀三十二萬兩以符原數餘銀十八萬仍解甘肅交收以抵川省撥解黔省十八萬之款如此一轉移閒甘餉既不至稍有短絀黔餉亦得以隨時濟用川省尤得以永保邊岸一舉而三省均便似可照行除咨部外理合恭摺由驛四百里具奏再現在部撥協甘新餉一百二十萬令於本年解交三成餘歸十一年全解_臣以甘肅需餉甚急而本省庫撥太多實難設措又前奉撥鮑營兩月之餉亦須陸續解濟現值年盡本省各兵勇餉項待領者日集司署勢

不能不分籌支應因與藩司籌議先行撥銀二十四萬兩
由商號於十二月二十二二十三兩日承領匯解甘省交收
以期迅速其餘尙欠解本年一成及明年全數應解之項
均俟十一年內如數籌畫源源撥解不敢稍有延誤理合
一併陳明具奏伏乞

皇太后

皇上聖鑒訓示謹

奏

奏稿卷二十五

十

歲協黔饒請仍由川撥解摺光緒十一年正月初七日
奏為黔省瘠苦異常協饒必需按時解至方能有濟額懇
天恩將部中改指川省解黔之五十萬兩仍由川省照解
另將改指解黔之湖南湖北兩省抵解甘饒以期應手而
維全局恭摺仰祈

聖鑒事竊臣去歲准戶部咨議撥甘肅新饒內四川省應

撥解甘饒銀一百二十萬兩其每年應解黔省之五十萬

兩另改指湖北湖南兩省分撥抵解等因當將川省代黔

征收包解之鹽釐十八萬兩係黔省應得之款並非川省

協撥且係為痛除川黔兩省官商積年痼弊以利行銷關

繫川省鹽運甚重業於十年十二月二十六日將此項代

奏稿卷二十五

十一

征釐銀照舊由川代為征解以免各官商再蹈故轍鹽務
始能持久各情形據實奏陳請另行改解在案惟查川省
解黔之款尙有川省自認抵捐銀四萬兩又准部咨川省
奏明官運局解京銀內改解銀十二萬六千兩又司道各
庫奉撥解黔省兵勇饒銀三十三萬餘兩川省因協撥過
多萬難全解與黔議定無論兵勇饒項年中實能解銀十
四萬四千兩共合應解黔省銀四十九萬兩自議定後川
省每月按解四萬餘兩從無延欠黔省得此鉅款支應一
切於今五六年艱窘瘠區幸得稍能整頓者賴有此耳蓋
黔省闡境跬步皆山無寸田尺土之賦壤可望生計自
國初迄道光末季二百餘年皆仰藉江浙湖北等省歲修

銀兩將就敷衍軍興以後江浙各省協款不至經苗教一行稱亂兵勇俱窮全省五十餘廳州縣無城不破蹂躪殆徧人民死亡百不存一可為寒心嗣經川楚援兵廣集將上下兩游漸次平定其時黔省供支各項全賴於各省減成收捐藉濟窮乏至光緒四年臣到川開辦官運甫經定局時

朝廷卽有停捐之令臣以捐事議停實為

國家第一美舉第念黔捐停後來源卽竭無以為生乃奏請於開辦鹽務征收正款項下認明解部及援解黔省抵捐銀兩復蒙部臣體念黔中極苦情形將川省解部之銀十二萬六千兩一併改歸黔省接濟是大部之於黔省誠

奏稿卷二十五

十一

可謂知之最深恤之備至矣今若將此常年得用之款一併改解甘省而令湖南北分款抵解黔饑在部臣統籌指撥具有精心而黔中官民一聞此議向臣哀籲羣相驚恐雖經部中指有抵解省分而無奈黔中毫無生計專靠按月協款應時必到上下乃有措手茲川省一旦停解改指他處無論解款未能如數接濟卽使能如數接濟而黔中窮極之後其望饑也若嬰兒之望乳刻不能緩臣屬黔人知之最悉正擬代為籌計忽接署撫臣李用清致臣信函稱其在黔辦理諸事甫有端緒適逢川饑改解之文私心憂危深虞饑源一或不濟恐有束手無措之勢此誠實在情形查署撫臣李用清自到黔後公忠自矢力崇儉樸辦

事實心實為黔省歷任撫臣所罕見今以該省糜爛至深流亡未復之地該撫臣苦心孤詣竭力撐拄通省方冀大有轉機卽臣在川疆辦理黔邊鹽務一切皆深仰其維持之力茲將此項全數改解甘省另撥他省抵解卽臣撫心自揣亦切隱憂萬不得已用特懇陳下悃仰懇

天恩飭部另議或將川省歷年解黔之銀四十九萬仍按前照數每月分解不少短絀而另將扣抵解黔之湖南湖北兩省照數改撥抵解甘饑如此稍為轉移則部撥甘饑仍無分毫短絀而黔省得以按月解款勉供支應辦理不至拮据地方亦可望有起色至所指湖南湖北兩省撥解黔饑者卽以之抵解甘省就道里而計該兩省至甘相距

奏稿卷二十五

十二

少或十餘日多或二十日亦尙不甚寫遠臣為無損於甘而有裨於黔起見是否有當謹不揣冒昧由驛五百里據實上陳伏乞

皇太后

皇上聖鑒飭部速議施行謹

奏

降級留任謝 恩摺 光緒十一年正月二十七日

奏為叩謝

天恩仰祈

聖鑒事竊 臣於光緒十一年正月初九日接准吏部咨光緒十年十二月十二日奉

上諭軍機大臣大學士會同刑部定擬已革巡撫唐炯徐延旭罪名各一摺四川總督丁寶楨以唐炯人才可惜代為乞恩且於陳奏摺內臚舉唐炯從前戰蹟尤屬有意鋪張著交部議處等因欽此經部擬照不應重私罪議以降三級調用係私罪毋庸查級紀議抵等因光緒十年十二月十八日具奏奉

奏稿卷二十五

西

上諭著加恩改為降三級留任欽此欽遵咨行到 臣 祇奉之下當即恭設香案望

闕叩頭謝

恩伏念 臣承乏蜀疆自慚魯鈍涓埃未報隕越滋虞前此為已革巡撫 臣唐炯代乞

恩施已屬冒昧又因奏請建黔勇專祠致涉鋪張尤為不合荒謬之咎實無可辭乃荷

聖恩曲加寬宥改為留任

帝德之含宏備至 臣心之惶悚實深渥被

溫綸彌殷欽感 臣惟有勤加砥礪勉策駑駘冀酬

高厚鴻慈於萬一所有 臣感激下忱謹繕摺叩謝

天恩伏乞

皇太后

皇上聖鑒謹

奏

奏稿卷二十五

五

京察議敘謝、恩摺 光緒十一年三月初五日

奏為恭謝

天恩仰祈

聖鑒事竊 臣於光緒十一年二月二十九日准吏部咨開

正月二十四日內閣奉

上諭欽奉

慈禧端佑康頤昭豫莊誠皇太后懿旨三載考績為國家
激揚大典中外滿漢諸臣有能恪恭職守勞勩最著者特
加甄敘以示優眷四川總督丁寶楨久膺疆寄任事實心
著交部議敘欽此伏讀

綸言感殷囊悃自維譴陋渥荷

奏稿卷二十五

六

哀嘉

高深莫贊慚悚難名乃蒙

皇太后

皇上不棄庸愚

特加甄錄值

綜覈吏治之時寸長胥邀

藻鑑際

澄敘官方之盛樛材亦沐

榮施 臣拜

命自

天汗顏無地惟有祇奉

宸謨恪供職守郊圻申畫嚴春冰虎尾之防僚采寅恭悚
赤帝為梁之誦鞠躬罔懈於夙夜冀竭駑駘庸冀益効乎

涓埃勉承

鴻訓所有 微 臣感激下忱理合恭摺叩謝

天恩伏乞

皇太后

皇上聖鑒謹

奏

奏稿卷二十五

七

懇 准乍了入 貢片 光緒十一年三月初五日

再據署打箭爐同知石光熙管理巴塘糧務周上達稟稱
據乍了尼們罕呼圖克圖總堪布洛宗丹增及倉儲巴江
彩登達大頭人札喜魯秀澤旺多吉札什饒登舟登達及
僧俗眾百姓等呈稱乍了僧俗百姓自康熙年間歸順
天朝伺應藏道夫馬東至江卡界西至察木多界共十二
站又乍地界連上中下三岩時防夾壩野番出沒又早年
尼們罕呼圖克圖會自捐兵費口食奉調隨征廓爾喀及
贈對共三次出派民兵一萬四千餘眾傷亡五千有餘
及今計一百八十餘年未敢有誤差徭惟自思巴塘察木
多各鄰均得呈請進

奏稿卷二十五

六

貢獨乍了一處未得隨班無可報我

大皇帝之恩叩懇轉稟請奏准其隨同進

貢等情復訊據該頭人等面稱食毛踐土無非

天朝恩德今願隨班進

貢實係出於至誠未便阻其向化之心據情轉稟到

臣臣

查口外各番乍了最為地廣人強與巴塘察木多德爾格
忒江卡等處壤地環而又素為三岩野番所憚早年雖有
呼圖克圖名號未及親領號紙咸同以來邊外各番紛紛
滋擾近年勦辦三岩畫分瞻對疆界並訊結麻書孔撒等
鉅案各夷漸就範圍惟綜籌邊圉情形瞻對既已歸藏乍
了與三岩兩番實未便令其漫無統屬究為西南邊防一

隅罅隙况值西陲近日外洋每有覬覦之心此等強悍番
族縱或不敢倚為外援亦斷不能置諸不論不僅目前藉
禦三岩野番為以夷制夷之計也上年道員丁士彬道
旨赴藏查辦廓案行抵巴臺即據該乍了再三呈懇該道
溫言拊勉得其輿圖戶冊諭令循舊當差並密稟到

臣臣

細加察訪無異茲復據該管丞倅轉稟前來察其歸化出
於至誠合無仰懇
天恩俯准該番與巴塘察木多各族於例應貢之年一體
隨班進

貢伸其百餘年湮抑之忱於邊庭大局實有裨益再該乍
了頭人稟稱從前隨征廓番等處會奉

奏稿卷二十五

九

賞給呼圖克圖號紙及總堪布洛宗丹增大頭人札喜魯
秀虛銜頂戴可否並懇

飭理藩院查明原案

俯准賞給以資撫馭而固邊防為此附片具陳伏乞

聖鑒訓示謹

奏

英人窺伺後藏豫為籌備片光緒十一年四月初三日

再臣現接西藏委員候補通判趙咸中密稟多吉嶺一路夷人蠻子等往來日眾漢人亦復不少聞洋人深為得計廣行要買接待蠻子尤極殷勤漢人次之有放債與蠻子者有賒貨與蠻子者現在蠻子皆樂於前往又探聞該處鐵路已修過多吉嶺欲直達怕克里而止怕克里即界後藏地距前藏僅十二站趕行八九日可到竊查洋人用意大非良善不得不密為稟陳等語查英人之窺伺藏地已非朝夕可慮自在意中况該夷久踞五印度地方與藏地相去不遠現在巴勒布哲孟雄等處亦多歸附該夷中僅隔廓爾喀一隅然亦在依達兩可之間上次該國遣人入

奏稿卷二十五

三

貢臣曾經密奏請厚加

賞資該國使臣及其國王以示聯屬又於上年法夷與越南構兵時復奏明該國此時從旁觀望應妨其乘隙而動今該夷鐵路已修過多吉嶺且接待來往番漢人等甚殷是其意懷叵測端倪已露昔年法夷構兵越南其蓄謀早在二十年前待至一旦蠢動駸駸不可復制是其殷鑒况法夷欲謀踞越南尚未即遂所欲而其國又遠在數萬里之外彼越國鄙遠中國幾為所疲今英夷久踞印度印度全境歸附日久其根蒂深固幾與該夷內地無異稍有不測印度至藏瞬息可到而西藏一經有事勢萬不敵必將求援於蜀蜀中亦萬不能坐視且該國如不幸滋事則

與川境固屬毗連即以各省而論彼由印度行駛輪船已履戶庭固不若法夷之有事定須向該國往返商辦緩不濟急也臣謂英夷之禍幸而不發則已不幸妄動其害更甚於法夷而滇蜀必首當其衝今既接有此稟是該委員就近在藏探明決非虛語亟應於無形中早為之備免致臨事倉卒臣向來作事最忌張皇此事近在切膚曲突徙薪正在今日臣惟有暗將川省所有防營分起調練勤習槍礮陣法並精練打靶等事一面密飭機器局將洋藥筆碼銅帽及快利之洋槍洋礮加工添造以備應用不敢稍涉怠玩或期思患豫防庶免貽悔將來臣愚昧之見為此

奏稿卷二十五

三

謹附片密奏再臣前經片奏請將乍了夷人准令隨班入貢尙未奉到

批示查乍了番夷人極強健其地又屬川藏交界之閒該夷因同一夷人久不得隨班進貢殊切向化臣查其人尙勁勇若蒙恩准其入貢該夷必傾心效順將來遇有事故內可以捍衛川疆外亦可援應西藏即現在之三岩野番等亦可藉其控制伏懇天恩俯准飭行不勝感激伏乞聖鑒訓示謹

奏

奏稿卷二十五



越巂應添設學額並稟增額數捐光緒十一年五月
奏為請增越巂應文武學額及稟增額數以復舊制而勵
人才恭摺會奏仰祈

聖鑒事竊查越巂應舊設學額歲科兩考各取進八名原
額稟增各二十名均於乾隆年間先後裁減文武學各二
名稟增減去五名改為三年一貢自裁減以來迄今百有
餘年人文日盛夷人亦多習射讀書爭就小試現計閩廳
煙戶不下三萬應試者已數百人較前加至十倍今每考
仍祇取進六名情有向隅據越巂廳同知蹇鏡稟由藩司
具詳請復舊額等情前來臣等查學政全書內載乾隆二
十六年議准四川松潘廳越巂衛等處均屬邊徼地瘠向

奏稿卷二十五



學寥寥而取進額數松潘越巂各八名人少額寬各減二
名應俟人文稍盛之日奏請增給其取進武童及稟增額
數均照此增減又乾隆二十七年議准四川松潘越巂原
額稟增各二十名二年一貢應減去五名三年一貢各等
因覆查該廳從前地廣人稀是以酌量裁減學額嗣因地
漸開辟升為衛廳改守備為通判復改通判為同知地雖
邊徼而戶口歲有加增漢夷亦多向化應試已數百人每
有額滿見遺之歎合無仰懇

天恩俯准將越巂應從前裁減之文武學額仍加二名並
加稟增五名二年一貢以復舊制而勵人才出自
鴻慈除咨部外謹會同學政臣邵積誠合詞恭摺具奏伏

乞

皇太后

皇上聖鑒飭部議覆施行謹

奏

奏稿卷二十五

五

長子體常 簡河東道謝 恩摺光緒十一年五月初四日

奏為叩謝

天恩仰祈

聖鑒事竊臣於四月二十日得閱二月初一日邸鈔恭悉

臣長子體常奉

旨補授山西河東道聞

命自

天感悚無地當卽望

闕叩頭恭謝

天恩伏念臣黔陬下士一經乏教子之方蜀土備員七載

少觀橋之訓臣子體常材庸質陋豈識官箴智淺學疏何

奏稿卷二十五

五

知吏治一塵出守尙未著夫循聲三晉分巡敢冀膺夫

寵命乃渥被

聖慈過叨

恩遇循涯揣分時虞艱大之難勝捫臆銘心永矢忠貞之

世篤臣惟有勛臣子以共勵寅恭慎乃司而無慚清白勉

為午可婉從令而上答

生成所有臣感激榮幸下忱理合恭摺具陳叩謝

天恩伏乞

皇太后

皇上聖鑒謹

奏

議覆戶部開源節流各條摺

光緒十一年六月初二日

奏為遵照部議籌擬開源節流二十四條以裕餽源行令各省查照辦理茲謹將川省現在應辦情形分別敬繕清單恭摺具奏仰祈

聖鑒事查臣於光緒十年十二月二十八日接准部咨法人構難戰事未已日覩時艱敢不同竭愚忱力圖匡濟惟自古理財之道不外開源節流二端今將商擬開源節流各事宜另繕清單恭呈

懿覽一俟

命下由戶部分行中外欽遵照辦限四五箇月一體認真分別舉辦等因准此竊維現在海防緊要餽需浩煩屬在

奏稿卷二十五

美

中外臣工無不同深焦灼在部臣通計全局籌備不憚周詳而臣等責任地方利害尤須兼顧固不敢遷就以敷衍亦不敢鹵莽以生事茲將所議各條會同司道暨府州縣體察時宜反覆商推查其中有可以從權酌辦者有必應恪遵照行者有事經從前敷實的辦現在實難以再議者有查明地方事勢不同民情多異難期勉強以從事者相與再三審度盡數月之力悉心辦理並連增辦豬釐合計通省約可得銀三十餘萬兩專備海防要需當此時勢艱窘勉強籌此鉅款實已不遺餘力若必操之過急或致人心疑畏輒行歇業轉費周章殊失政體茲將二十四條中現經酌議增辦及現應照舊遵行並實在難以舉行者分

別敬繕清單恭呈

御覽除咨部查照外謹恭摺具奏伏乞

皇太后

皇上聖鑒訓示謹

奏

奏稿卷二十五

毛

謹將奉准部議開源節流各事宜參酌川省情形分款議
覆繕具清單恭呈

御覽

開源十二條

一領引行鹽酌令捐輸一條部議飭照兩淮票商章程以
五百引為一票按年收捐等因查川省鹽務現分官商兩
運商運行銷本省腹地計岸兼行濟楚而究以楚岸為大
宗前因規復淮網分岸減引行銷已不大暢而楚岸抽釐
甚重每引計抽錢一百八十串近因辦理海防湖北江南
又每引加抽釐錢五十串商力益疲且資本微薄商力遠
遜於淮官運專行邊岸而滇黔兩省皆久經殘破之區人

奏稿卷二十五

天

民未復售銷極難且運道盡係旱路腳力甚貴銷路更不
及淮十分之三四現經開辦邊岸稍為得手繳本開號規
模漸定歷屆七綱雖引岸狹窄尚能勉及奏銷自未便改
招票商致滋紛擾轉生疑懼前經翰林院侍讀龍湛霖奏
奉

上諭行令妥籌辦理已將川省官商兩運礙難行票實在
情形據實覆奏在案今奉飭議復加確察川省鹽務商情
萬不能仿照兩淮行票應請仍照川省現在定章辦理
一整頓礙務一條部議飭照原額加成抽收等因查川省
鹽務井竈引商半多租給他人承辦額定課稅礙難議增
至所收鹽釐為時既久章程屢更光緒三年整飭鹽綱改

奏稿卷二十五

天

包疏引恪遵道光三十年定章每張水引配鹽五十包陸
引配鹽四包每包巴鹽一百六十觔花鹽二百觔不准稍
有加增應收釐銀富榮健樂四廠皆查明地方商情酌定
每引巴鹽收銀十七兩花鹽收銀十八兩潼屬各廠本重
銷滯每引收釐銀七兩五錢皆係就廠抽收商人配鹽出
廠經過重慶由委員驗收濟楚鹽釐每引巴鹽收釐銀十
九兩五錢花鹽收釐銀二十五兩其餘邊計各引運費極
重行銷甚絀無論花巴每引只收釐銀二兩名曰渝釐其
餘歸丁州縣計岸均係地方貧民分赴各廠購買配釐引
鹽分運銷售委員就廠計勛抽收每觔巴鹽四文花鹽三
文謂之票釐所辦情形各有不同皆係因地制宜斟酌辦
理今奉飭議加收復詳加查覈濟楚引鹽現在銷路既窄
領引又減統計行楚一引原幫准課舊定楚釐以及楚省
江防江南加抽每引花鹽兩省已抽釐錢二百三十千再
加以川省渝釐廠釐銀錢併計共合釐銀二百餘兩揆諸
商情委難再加其滇黔邊岸民多未復又道遠費重湖北
八州縣計岸已經准鄂加抽均未便再行議加惟有於本
省計岸引鹽不論商運官運及歸丁州縣票鹽每觔照山
東一文加價辦法酌量加收釐錢一文引鹽責成經征州
縣票鹽即歸各局委員分別加收於正稅正釐之外分提
另解專供海防軍需或定以一二年為限先行試辦海防
平靖即請停止以紓商力統計全年本省計岸及歸丁州

縣額引共折水引二萬二千八百五十六張零計應行鹽
二十二千八百五十六萬餘劬每劬一文計可收錢二十
萬串所行票鹽均照歸丁額引計劬併算在內應免再計
一就出茶處所征收茶課一條部議飭照甘肅甯夏等處
設局給照加收等因查川省茶質最粗價值極賤並無出
洋茶劬額定邊土腹三項茶引十三萬餘張每引配茶百
劬腹引行銷內地邊土各引分由松潘廳打箭鎗兩路行
銷藏衛番地課稅羨截每引自五錢八分八釐起至九錢
二釐不等早年歲路不通番地滋事積欠稅羨多至四十
餘萬近雖連年整飭嚴催彌補積欠一時難清欠數仍屬
不少是願課且覺不遑何能再加再四籌思惟有試辦茶

奏稿卷二十五

三

票之法擬請於向來銷引較易不甚欠課地方酌量情形
發給茶票照引課銀數收取票息計尙可得銀一萬五六
千兩專供海防軍需撤防之日仍請卽行停止
一推廣洋藥捐輸一條部議行令不分洋藥土藥發給華
商行坐部票按票捐銀等因查川省僻處西陲並非沿海
口岸向無洋商行運卽華商首運離口之時應給行商部
票固非川省所能籌辦至洋藥一經離口散漫難稽私帶
私販在所必有川省既無大幫華商盈箱整包販運入川
亦無富商大賈坐設行棧所有別項客販自滬漢零星夾
帶而來沿途輾轉售賣事無承總勢難稽查若欲徧地杜
防更屬得不償失是給發華商坐票亦屬難以照行卽如

川省前此奉文征收洋藥釐金無從遵辦不得已派諸各
州縣隨糧征收納勉數部定銀數歷時不久因事極窒礙難
行旋於同治十一年經人奏參遂行停止此其明證又夔
州關稅向本設有征收洋藥一項而歷查從前收數均屬
無幾細查實情來往販運果屬寥寥尙非經征不力至川
省所產土藥本屬有限加以年來禁種罌粟出產愈少故
向無坐商坐店以及行銷定地實無從責領部票按票捐
銀勢難照辦

奏稿卷二十五

三

一推廣沙田牙帖捐輸一條部議飭照廣東江蘇等省辦
理等因查川省不近海岸向無沙田沿江間有蘆洲亦隨
驗隨墾與廣東江蘇情形迥不相同至牙帖一項川省歷
無捐款亦從未抽收牙釐與陝鄂等省情形亦異查川省
現在承領牙帖開設之店鋪僅四百一十五張每張定例
歲納課銀一兩至三兩不等本小利微徒資餬口凡各衙
門均無陋規近復貨物鮮通商賈停滯以前牙行動致虧
折招募無人若就現領之帖四百餘張卽責令均按照下
等每張捐銀五十兩該商民等聞之輒相驚駭查看情勢
萬難遵行而上中兩等更無論矣再四籌商實屬難以勸
辦
一煙酒行店入資給帖一條部議飭照牙帖辦法頒給部
帖覈其成本大小明定科則按年交納課銀一次等因查
川省所產葉煙僅止什加温江郫縣數處農人各以本年

自種田畝栽植收成後自行肩挑赴各市行銷出貨本屬不多間有零售鋪戶均係向種戶自行價買並無一定行市獲利亦薄向無行棧囤積歷來歸入本地土貨抽釐收數頗屬無幾勢不能定則交課至市肆所售之酒川省向無著名酒行如浙江之紹酒山西之汾酒等項通行天下利息甚厚川省概係旋釀旋賣僅供本地沽飲即重慶所有滄酒行銷多而資本亦屬無多若責令納課亦覺紛擾苦累然既有所出亦應查照辦理現已飭川東道就近體察情形或為酌抽釐金之計應俟勸辦能有成效再行覈定收數多寡另案辦理

一匯兌號商人資給帖一條部議飭令查明殷實富商責

奏稿卷二十五

三

具連環保結承領部帖方准匯兌每年令納課銀六百兩等因查川省開設匯兌票號祇有天成亨協同慶蔚豐厚協和信新泰厚元豐玖百川通日昇昌蔚泰厚等九家均由山西平遙介休等縣承領東本來川開設店號川省因近年報解京饒及各省協撥等款甚多以道路遠近不一又值各省多事委解頗難皆令該九號承認分領匯兌以期省便此外該號貿易之多少有無並不得知現飭成都府督同成華兩縣飭傳開導諭令遵辦該商等咸稱上年山西大災之後東號出本漸次收小兼之近年生意蕭條易放難收各處均係勉力支持萬無餘力繳茲鉅款以領部票且本號各有東家即須辦理亦必責之號東乃可承

辦等語查該商等均係領本貿易並非自擁厚資京都山西尚有坐號該商不能自主自係實情似須由坐號如何設法辦理庶期集事未便勉強認辦徒託空言

一劃定各項減平減成一條部議飭將練勇饒及一切雜項均照湘平每兩扣銀四分之數一律扣平支放其折合洋銀錢數亦宜明定章程等因查川省支放各款並無折合洋銀及折放錢文之項其司庫常例支銷各款歷有扣減定章前於道光二十三年減扣二兩平咸豐四年搭放官票八年十一年又陸續添扣六分平及應敷減二成各款均經分晰造冊咨部有案至勇饒一項從前係照楚軍章程每名月支庫平銀五兩六錢八分光緒三年以後大

奏稿卷二十五

三

加覈減勇數既裁口糧又減每勇僅月支銀三兩一錢較之原定楚章已減十分之四有零且川省人民極眾米糧柴炭無不增昂各勇所得口分亦僅勉強自給若再每兩扣銀四分必致不敷口食再四籌酌應請仍照舊章支發俾免短缺枵腹從事至司庫一切放款前已遵照舊章辦理其應扣減成減平各數目容即逐一清查造冊報部查覈

一嚴提交代征存未解銀兩並嚴定交代限期一條部議飭將交代案內征存未解銀兩分年分款分任逐一開具清單咨報戶部一面勒限解清交代冊結送部不准逾二參之限等因查川省歲征錢糧較少歷係年清年款從無

拖欠分毫及遲留不解之弊近日撥款愈多催饒甚急錢糧解款按月均委員摧提不容片刻延緩間有欠解均係隨時查明奏參勒追有案現復嚴飭各屬隨征隨解遇有前任征存未解各款即由後任接收批解不准存留亦不准造報違逾交代例限有則嚴參

一嚴催虧空應繳應賠各款一條部議飭將追賠關稅查明因公虧短及事非因公各案分別勒繳等因查川省短征關稅之案有袁祖惠葛之鏞宋恆山徐期匡數起實因商貨稀少征不如額查覈尙無侵虧情弊迭經嚴飭賠繳尙未報完有項而各該員多已病故現在分別行查有無子孫可賠照例辦理

奏稿卷二十五

五

一入官產業勒限變價解部一條部議飭令查明地畝房閒應令招佃議租者一律出示定價招買勒限半年變價解部等因查川省入官田產本屬無多歷奉查鈔各追各案有早經變價解司者亦有尙未變出報解者現經逐一詳查另行覈辦

一酌提漕糧漕規鹽務鹽規餘款一條部議以湖南巡撫龐際雲奏該省鹽務緝私經費可以移作軍需又山東漕糧應解部庫扣存經費積至二三十萬餘兩如有似此經費可以移緩就急者奏明辦理等因查川省並無漕務鹽務事件歷來經征課稅羨截尙由各州縣照額征齊自行傾銷備文派書親齎道庫眼同庫大使用部頒砵碼兌收

隨時印給批迴所收鹽釐亦由該管局員恪遵奏定章程轉解道庫收納均無私毫浮收從前稍有款目不清自光緒三年奉文設局澈底一體清釐俱已詳明更正道署委無收存別項規費可以提撥

節流十二條

一裁減釐局經費一條部議飭令各省將釐局經費分別裁汰等因查川省山路崎嶇灘河險阻商賈買遷不易抽收釐數尙不及江浙湖北之多加以近年滬漢商販因海防江防有事陸路行商入川既少水路船隻又被洋票侵占過半較之東南各省盈絀懸殊是以釐局經費尙章僅扣一成支給各費自光緒三年以後又復大加裁減力杜

奏稿卷二十五

五

虛糜川省多係旱道地方遠闊繞越路多省局勢難遙制必須設局委員分頭辦理方克有濟惟祇此一成經費藉資辦公實難再行裁減復詳細酌覈係屬實情未便強辦致委員等賠累

一裁減各關經費一條部議飭將從前留支太多之關查提歸款備撥等因查川省成都夔州甯遠敘永雅安廣元各府廳縣均有經管關稅例支書巡飯食筆墨紙張等項數目多寡不等此係在所必需無可裁減應請照舊辦理惟夔州府雅安縣兩關尙有可以酌裁之款現經詳細查明夔州關自署向來原定之辦公經費一萬二千兩丁役等工食銀一千二百兩經前次奏明應歸本省地方

隨時籌辦夏季施送藥材及冬季賑撫各貧民衣食並地方應辦之修理河道橋梁及一應公事之不能動用公項各事即於此項內撥用歸於藩司及成都府經理支用外現擬籌減銀四千四百兩餘仍請留於本省地方以應隨時必需費用免致動即掣肘此外所有向章津貼各署及各地方一切公費亦經覈實裁減銀三千七百兩共裁減銀八千一百兩其雅安關稅向亦有幫貼該道府等辦公經費各款茲亦詳加查覈亦可酌減銀一千五百兩合共兩關酌裁銀九千數百兩以供海防經費其餘敘永甯遠等關向係爲稽查來往偷漏而設征收實屬無多應無他項浮費無可裁減應行免議

奏稿卷二十五

美

一覈定各省局員額數銀數一條部議飭將局卡裁併酌定員數覈定薪水實力整頓據實奏咨等因查川省設立各項總局業經節次裁併報部有案現在實無冗設之員其支給薪水原係辦公之用以後能否再加裁併酌減應飭司道隨時會同各局分別能否照辦確覈酌議另案辦理

一隨營文武分別裁汰及酌定額數銀數一條部議飭照河南省辦法無論統帶營數多寡概不准開報隨員薪水以杜濫支等因查川省歷辦軍需報銷案內均係先將各營員弁銜名勇數造冊咨達隨後造報支款由部覈銷本不准以閒冗充數濫支現在留防各軍所有文武隨員近

因庫儲支絀均令一律裁撤閒有收留在營預備各營營哨各官閒有事故及緊要差事必須派委當差之官弁前往查辦此等勢難一概裁汰者均係各該營自行捐給薪水司庫並不動用分釐公項應毋庸再行酌定

一酌減內地各省防軍口糧一條部議飭將腹地防軍不能遽裁者仿照綠營兵餉量加撙節等因查川省十數年征防各營勇數多至五萬餘人口糧無分征防悉照楚軍章程支給嗣經歷次裁汰營頭勇丁亦分別酌減口糧光緒三年以後復將前定勇餉大加覈減每勇僅月給銀三兩一錢川省土勇月僅支銀二兩四錢比前實減四分及五分有餘此時無可再減後又於每營五百人之數酌裁

奏稿卷二十五

毛

五十名僅以四百五十人爲一營更屬減之又減查川省幅員遼闊而四面皆逼處番地從前每年義馬雷越各邊地無年不有夷匪出巢滋擾每次派撥兵勇防勦或費十數萬或八九萬庫款不等近三年中始稍安靖所省實多而內地之匪徒復不時竊發滋事現僅留勇萬餘人到處分布雖名防勇調派刻無虛日且日勤操練以備征調非綠營兵丁駐守塘汛可比實難再爲撙節應請照舊辦理

一酌減內地防軍長夫一條部議飭將各省防軍每營五百人祇准用長夫一百名不及一營者即按此數推算自光緒十一年爲始一律照辦等因查川省勇營每營五百名用長夫二百五十名照東勇章程每名日支銀八分現

在防勇已節次裁減僅存勇丁一萬二千餘名勇饜亦遞相覈減較之從前舊章已減四五成矣此項長夫如能再裁亦應遵照酌減以節饜需惟揆度川省情形勢有不能酌減者其故有三緣川省跬步皆山鳥道蠶叢甲於他省且防軍各營並非安坐無事駐定一處移紮已屬無常又須不時請遣一遇拔隊開差川省路遠動輒四五百里或竟千餘里搬運軍裝輜重每夫只堪背負五六十筋崎嶇繞越日行亦止五六十里不比河南山東有車輛可及川省十餘人之用此人數之不能減少一也長夫每日僅支口糧銀八分設或人夫不足臨時雇募民夫應照民價支給每名每站非給腳價銀二錢數分不甘受雇此又覈算銀數之欲節轉糜二也勇營長夫各有姓名住址按籍可稽遠道隨行各遵約束無虞脫逃拋棄設以軍事緊要倉卒雇夫而軍旅與行旅不同川省游民混雜良莠難分偷竊脫逃之弊尙淺通賊內應之患尤重此又各營非用長夫不可三也以此而論勢實不能再減致令欲省益費應請照舊辦理

一防軍有營房者不准再領帳棚折價一條部議飭將修築營房之處嚴行查覈加意撙節毋得率請更換等因查川省留防各軍時時調派無一定駐紮之所並未設有營房不能不給帳棚且川省地氣陰溼風霜較大亦不能不按期更換向來各營帳棚係照軍需則例每頂住宿四名

奏稿卷二十五

美

光緒四年更章改爲每頂住宿五名現擬加倍撙節改爲每頂住宿十名卽以光緒十一年各營更換帳棚爲始一律覈減支發是雖無減領之名而減領實較他省爲多矣一覈定內地各省兵勇饜數一條部議飭將制兵空額及老弱之兵認真裁汰並將各路防戰營勇現有人數饜數分別奏報其緣營制兵酌定兵數饜數立案等因查川省僻處邊陲壤地寫遠定制緣營兵額共有三萬三千餘名分隸各標營汛駐紮操防卽一百餘州縣城守塘汛亦在在需兵又加以年中派撥西藏駐防並須於此內挑出差遣僅敷分撥當此軍需緊急庫藏支絀之時自應力籌撙節以資挹注茲擬將緣營制兵不論馬步戰守統行酌裁一成在汛防尙不至竭蹶而兵饜藉可資節省此項約可裁省銀六七萬兩藉濟海防至川省制兵裁減一成後應歲需饜銀若干及現存營勇需饜若干數目容另案造冊辦理

一確估各項軍饜按年指撥一條部議飭將各省練饜勇饜分造估冊按實在應支數目一併請撥等因查川省常年旗綠各營官兵俸饜向係由司照例預爲造冊估撥至防勇口糧及軍火軍裝等項歷於本省津捐釐金款內隨時酌撥支給一面將籌撥款內銀數專案奏報歸於報銷案內列款支銷近年收解日絀協撥日多遇有急需東挪西應縱有撥定防饜亦難專款存儲如上年餉軍需饜孔

奏稿卷二十五

美

急卽奉撥制兵額饑以及屯防經費亦復挪移暫用尙未
籌還卽其明證若於撥定之後仍復彼此牽扯徒有指撥
之名於事何濟然不牽扯動用則出款多於收數又無從
以濟急且川省每年收支款數已經分晰造冊有案庫項
之盈虛撥款之多寡部中自有稽考應請照前仍由川省
隨時籌款奏明撥用免其預計造冊請撥致多煩瀆
一停止不急工程一條部議以海防籌餉緊要其興修一
切尋常工程應支庫項者概行停止三年等因查川省近
年以來庫藏羅掘一空緊要軍餉尙無法支撥安有餘款
以資工用凡有各項工程早經一律停止並未動項請修
一各項欠發勒限清釐各項預支分別覈辦一條部議飭

奏稿卷二十五

呈

將補還舊欠及每年必須預發之款分別造冊咨報等因
查川省度支向本入不敷出從前須待鄰省協濟軍興以
後不惟協饒不至而由川省協濟各省以及各路軍營者
愈出愈多所賴以周轉者惟在津貼捐輸釐金三項綜計
每年一切收款共約四百餘萬每年支發則需五百餘萬
實屬入不敷出是以指協各省營之款亦未能按年解足
常有拖欠而本年入款已經支發無餘至次年入款又須
供本年支用以致補還無期此等款項容卽造冊送部查
覈分別停發至預支之項除時憲書而外尙有採銅供鑄
價腳銀兩向係先支後銷誠以採買銅觔多寡不能一定
腳價亦遠近久暫不一不能不隨時酌辦事後造報然皆

歷有定例無虞滋弊勢難報部覆准再行開支應請照舊
辦理

一另定各省起運存留一條部議飭將經征錢糧實支應
留數目通查更定等因查川省征收地丁銀內尙有留支
養廉役食等項近因節次扣平搭票減成各州縣承辦書
吏均未能一一扣清以致往返行查多煩案牘現經通飭
各廳州縣將經征之款全數起運解司由司分別劃扣減
平等項再將應留之款發給承領從無留多用少之弊

奏稿卷二十五

呈

查明川庫收支數目摺 光緒十一年六月十六日

奏為遵

旨查明川庫收支實在數目逐款分晰開單恭摺由驛具

奏仰祈

聖鑒事竊查光緒十一年五月十九日准軍機大臣字寄

上諭現在海防善後用項浩繁必須通盤籌畫覈實經理方足以裕度支而紓國用各該省關每年所入之款究竟實有若干其常年例需及現在添支防勇局卡餉需薪水各款實在費用若干此後常年可以裁減歸併節省之款若干著切實覈計逐款分晰開單限於奉旨一月內詳細

奏稿卷二十五

呈

奏報毋得稍涉含混藉詞延緩等因欽此遵即轉行欽遵辦理去後茲據布政使易佩紳詳查川省司道各庫每年額征地丁火耗田房雜稅鹽茶稅羨共銀一百二十八萬五千四百餘兩又收各項支款內應扣截曠及減平減成並鑄錢易銀四十一萬餘兩又收津貼捐輸釐金銀二百五十三萬兩又收滇黔鹽務局經征稅羨截釐銀七十二萬兩又代辦征收稅釐銀一十八萬兩總計每歲共收銀五百一十三萬餘兩司庫每年應支旗綠各營官兵俸饟文職俸廉役食並臺費屯防一切雜款銀一百八十八萬二千餘兩又籌餉局歲需留防兵勇口糧及鍋帳藥鉛等項銀七十萬兩機器局歲需製造工料銀六七萬

兩統計本省歲支銀二百六十五萬二千餘兩又司道兩

庫每歲奉撥京外協餉銀三百七萬七千餘兩滇黔鹽務

局奉撥滇黔協餉抵捐西藏臺費運鉛脚價並應解代黔

征收稅釐共銀六十四萬九千餘兩共應撥京外餉銀三

百七十二萬六千餘兩連本省支款一併覈計每歲共需

銀六百三十六萬八千餘兩以前項收款五百一十三萬

餘兩計之實不敷銀一百二十三萬餘兩皆於各項應發

款內通融騰挪以願急需隨後籌款彌補歸還此川省收

支各款之實在數目也值此邊防多事需用浩繁但有生

財之道節省之方敢不盡力圖維無如川省連年勸辦津

捐民力已異常竭屢開源節流之道久已搜索無遺每歲

奏稿卷二十五

呈

例支之款悉皆一再扣減支發亦無可再行裁減歸併之項現復於無可籌措之中極力經營飭令通省各營停募一成馬戰守兵裁減各關經費各營帳棚以及試辦鹽釐茶票並抽收豬釐計每歲約可節省及增收銀三十餘萬之譜此外應支各款一時實屬無可撙節分晰開單詳請具奏前來 臣覆查川庫收支各款入不敷出早經分晰造報有案除現議停募一成制兵裁減各關經費以及各營帳棚而外其常年例需及防勇局卡餉需薪水各款實無可再行裁併均係實在情形除咨部外理合照繕清單由驛四百里恭呈御覽伏乞

皇太后

皇上聖鑒訓示再川省代黔征收稅釐一項並非川省收
款因前議改解甘黔協餽案內具報有案是以仍列收支
款內以備稽覈又此次查明覆奏係在奉文一月限內合
併聲明謹

奏稿卷二十五

署

謹將川省每年收支各款數目開具清單恭呈

御覽

一收每年經征地丁銀六十六萬九千一百三十一兩六錢六分八釐七毫

一收每年經征地丁內加一五火耗銀一十萬一百六兩八錢六分一釐五毫三絲五忽

一收每年田房稅契銀八萬六千一百七十七兩八錢五分八釐

一收夔關涪口每年應征雜稅銀一十八萬三千餘兩除宜漢兩關劃抵外約征銀一十二萬兩

一收渝關每歲木稅及兌出積總平餘銀五千一百五兩八錢五分九釐

奏稿卷二十五

署

一收成都甯遠敘永雅安廣元閬中等州縣每年經征雜稅銀二萬三千餘兩

一收打箭爐關每年經征雜稅茶稅等項兌支阜和等營兵餉及雜款銀二萬餘兩

一收各屬每年經征魚牙當碾等課並鐵稅變價銀三千三百兩

一收打箭爐廳及建昌松潘等營每年應征各土司番民認納夷賦及雜糧貝母折征兌支兵餉銀四千三百二十兩三錢七分八釐

一收甯遠府會理州每年經征西流甲豹等廠水銀乾銅

課並白銅青礦課銀二千九百餘兩

一收每年防邊生息不敷應收各官公捐籌備經費銀一萬兩

一收鹽茶道每年額征鹽課稅除撥歸官運局外實征銀七萬三千六十五兩三錢五分七釐二毫

一收鹽茶道每年額征茶引課稅銀七萬一千八百三十九兩二錢九分

一收鹽茶道應解每年鹽茶羨截紙硃脚力除鹽務撥歸官運局征收外實征銀九萬六千四百七十七兩八錢九分三釐二毫

一收寶川局舊鑪制錢每年搭放文職養廉銀及役食約

易回銀三萬餘兩

一收寶川局舊鑪賞番大錢搭放各款每年約易回銀一萬二三千兩

一收寶川局賞番項下鼓鑄餘息並滿營馬廠地租每年撥供武職養廉銀一萬四百七十六兩五錢

一收每年兵馬建曠及兵餉搭錢易回銀兩歸入建曠支銷銀十一萬餘兩

一收朋馬支贍每年約收銀一萬餘兩

一收每年武職養廉減成銀二千五百餘兩

一收每年文職養廉減成截曠銀四萬一二千兩

一收每年廩生餼糧文職俸薪截曠暨文武降住罰俸共

奏稿卷二十五

吳

約收銀七八千兩

一收驛站夫馬餼補夫價每年支贍銀五千餘兩

一收每年支發各款內扣收二兩平銀三萬三四千兩

一收每年支發各款內扣收添扣六分平及減成銀五萬二千兩

一收每年支發各款內扣收折放官票覈減銀三萬五六千兩

一收每年支發武職俸饌等項內約收免搭官票減扣六分平銀六萬餘兩

一收每年按糧津貼除免征外約收銀五十八九萬兩

一收每年通省捐輸除解費外約收銀九十萬兩零

一收鹽茶道每年抽收鹽釐銀四十二萬兩

一收川東道每年抽收鹽釐銀一十六七萬兩

一收各釐局每年抽收貨釐銀四十四五萬兩

一收黔滇鹽務局每年約收稅羨截釐銀七十二三萬兩

一收黔滇鹽務局每年代黔征稅釐銀十八萬兩

總計司道兩庫並滇黔鹽務局共收地丁稅羨及一切雜款暨減成減平津捐釐金銀五百一十三萬餘兩

計開現籌節省及創辦各款

一自光緒十一年夏季起停募通省各營一成馬戰守兵每歲節省餼乾米折銀六萬八千餘兩

一裁減留防各營一半帳棚每歲節省工料等銀一萬八

奏稿卷二十五

吳

千餘兩

一飭各屬抽收豬釐現甫籌辦尙無成效約計每歲可收錢十萬餘串

一裁減各關經費每歲節省銀九千五百兩

一試辦加收鹽釐每觔一文計每歲可收錢二十萬餘串

一試辦茶票照引課銀數收取票息計每歲可收銀一萬五六千兩

以上六款每歲約可節省及增收銀三十餘萬兩

一支通省文職各官每年俸薪銀二萬七千二百七十八兩八錢九分六釐

一支每年文職衙門衙役民壯禁吏捕作倉夫斗級工食

奏稿卷二十五

哭

銀八萬九千六百五兩八錢八分六釐

一支文武兩廟祭祀廩生餼糧孤貧口糧銀二萬九百三十二兩三錢三分

一支每年驛站鋪司救生船渡夫工食餼鞘夫價銀四萬四千七百四十八兩九錢三分二釐八毫

一支每年甯遠府收買耗銅變價並榮經石硃等廳縣銅鉛腳價約需銀三百餘兩

一支每年旗綠各營兵丁白事約需銀五千數百兩

一支每年夔鑪二關管關養廉書巡工食等項銀二千四百八十一兩九錢七分

一支每年達賴喇嘛徒弟茶葉脚價泰甯喇嘛及解銀兵

丁口糧賞需打箭鑪廳譯字口食裏塘土司口糧等項由打箭鑪廳雜稅內就近兌支銀六千五百四十七兩三錢七分四釐七毫六絲二忽五微

一支每年鼓鑄錢文採買銅鉛脚價約需銀十一二萬兩

一支每年前後藏巴裏察拉打箭鑪廳等處需用臺費並支換防官兵行裝駝馬等項銀十四五萬兩

一支每年屯防經費銀一萬三四千兩

一支文職各官養廉銀一十九萬五千二百二十兩

一支督署將軍都統各衙門雜役工食心紅紙張滿城倉夫加增養廉餼鞘搬駭等項每年約需銀一千九百餘兩

一支每年鹽茶奏銷內除文武養廉外應支奏銷飯食祭祀賞需哨船工食囚糧衣袴故兵月米等項銀五萬六千餘兩

奏稿卷二十五

哭

一支每年成都滿洲營官俸兵餼米折馬乾等項動支奉撥兵餼銀一十七萬七千七百餘兩

一支每年通省綠營武職員弁俸薪蔬燭兵丁餼乾米折等項動支奉撥兵餼銀七十三萬九千餘兩

一支每年通省各營應支公費動支奉撥公費銀三萬四千八百三兩八分

一支每年將軍公費滿營孀婦告退甲兵養膳綠營署事及候補員弁世職俸銀屯兵殘廢兵月餼麻書角洛二汛官兵鹽菜昭忠祠祭品動支兵餼建曠銀七萬餘兩

一支每年各營買補倒馬價值及解部朋馬奏銷飯食約支朋馬銀八千餘兩

一支每年通省綠營武職員弁養廉銀八萬四千六百五十六兩

一支每年各營防邊練勇饟米公費白事藥鉛銀三萬二千餘兩

一支每年維懋等營屯兵養膳屯弁世俸江卡土兵麪茶羊折麻書角洛二汛兵丁鹽菜等項銀三千四百餘兩

一支考取武職月課獎賞每年約支銀七八千兩

一支靖遠營新兵每年守饟米折銀一千五百餘兩

一支籌饟局每年應支留防各營官弁勇丁糧饟並藥鉛

帳棚一切雜支銀七十萬兩零

一支機器局每年應用工料銀六七萬兩

一支京饟每年兩次共指撥銀四十八萬兩

一支東北邊防經費每年指撥銀二十三萬兩

一支固本兵饟每年指撥銀六萬兩

一支解京存儲備荒經費每年應撥銀一萬二千兩

一支雲南協饟原撥每年銀一十五萬六千兩

一支雲南協饟新奉指撥每年銀一十二萬兩

一支廣西協饟尙欠奉撥銀三萬兩

一支貴州協饟每年由司籌解銀一十四萬四千兩

一支甘肅新饟每年奉撥銀七十九萬兩

奏稿卷二十五

辛

一鮑超勇丁月需饟銀八萬七千九百五十四兩每年約需銀一百五萬五千四百四十八兩

一滇黔鹽務局每年應解貴州協饟抵捐及代黔征收釐稅銀三十四萬六千兩

一滇黔鹽務局每年應解滇省協饟抵捐銀八萬五千兩

一滇黔鹽務局每年應解協濟滇邊防饟銀二十萬兩

一滇黔鹽務局每年應解駐藏大臣公費銀一萬二千兩

一滇黔鹽務局每年應解京鉛運腳每批銀六千三百餘兩

總計川省司道兩庫及籌饟機器滇黔鹽務等局每歲共需本省支款及奉撥京外各饟銀六百三十六萬八千餘兩

奏稿卷二十五

壬

明儒來知德請從祀兩廡摺光緒十一年七月初四日

奏為請將故儒從祀

文廟以彰聖學恭摺仰祈

聖鑒事竊據前署布政使如山轉據梁山縣知縣鄒放詳
准教諭張仕文牒稱伏查前明故儒來知德生於嘉靖乙
酉年幼有至性鄉里稱為孝童以禮經中嘉靖壬子科舉
人三試禮闈不第聞親抱病決計歸養迨二親繼歿廬墓
六年服闋後終身布衣疏食不見有司其家產則盡讓於
兄友愛極至尤篤志好學專講大學致知格物之功窮研
經史所著日錄分內外兩篇共計十餘種皆振興正學維
持名教而其著述極深微者則尤在周易集注一書嘗有

奏稿卷二十五

至

思至十數夜不能成寐者一日忽讀見豕負塗之句遂深
思有得頓悟易象又悟文王序卦孔子雜卦之意後閱數
年始悟卦變之非蓋積二十九年之久而書始成其宗旨
以伏羲圓圖為錯以文王序卦為綜以錯綜二字極易象
之變發千古之祕四聖之所欲言者幸不外乎此萬曆三
十年經四川總督王象乾貴州巡撫郭子章舉薦授翰林
院待詔因老力辭仍飭有司月給米三石終其身三十一
年該儒既歿三十五年奉旨建設石坊三十六年入祀鄉
賢祠崇禎十六年巡按劉之勃題請從祀予諡京師戒嚴
未及議行伏讀

欽定明史已將該儒列入儒林傳所著易注收入四庫是

該儒之著作早邀

朝廷洞鑒矣竊思該儒研窮易理專注易象闡發河洛之
奧旨遙承羲孔之淵源揆之

功令實與咸豐十年部議相符應請從祀

廟廷等情請具奏前來臣覆查該故儒來知德躬持名教
學究天人當其矢志養親時即大書願學孔子四字縛於
臂是其銳志聖賢已可概見所著日錄大致謂大學一書
歸本格物致知而其間所發各議於聖門體道功夫實能
推闡盡致至其羽翼聖經師表後學者則莫如周易集注
一編周易自有明以前諸儒皆以象失其傳不言易象止
言其理究之象不著明則理亦無所附麗遂使四聖微言

奏稿卷二十五

至

秘旨幾於塵封該儒乃殫精研思注明易象隱萬縣求溪
山中晝夜刻苦越二十餘年而始悟洵足以啟迪後來默
契前聖允宜附饗

廟廷以彰異數查該儒在前明時僅得入祀鄉賢並於學
宮旁修建特祠至從祀之請雖經劉之勃剴切疏陳而時
屆鼎革未及議禮是發微闡幽之典實有待於我
朝矣伏考該故儒事蹟

欽定明史已載、儒林傳並將其所著易注收入四庫全
書且恭讀

御纂周易折中其說兼採

御纂周易述義其旨多符是該儒學術精粹久在

一第... 卷之二十六

聖明特賞之中而耐饗鉅典尙復闕如合無仰懇

天恩俯准飭部核議來知德從祀兩廡以表遺德而彰聖

學出自

鴻慈除咨部外理合恭摺具奏伏乞

皇太后

皇上聖鑒訓示謹

奏

奏稿卷二十五

善

丁文誠公奏稿

卷之二十六目錄

因病請假調理摺 光緒十一年八月二十三日

遵 旨查覆川省礦務情形摺 光緒十一年十月初三日

因病奏請開缺摺 光緒十一年十月初三日

遵 旨籌議裁減勇營局費摺 光緒十一年十月二十六日

西藏通商事多後慮摺 光緒十一年十月二十六日

通商先向藏番開說片 同日

通商儻有格礙盡力以圖片 同日

俄官尼由新疆入藏片 同日

遵 旨訓練綠營制兵片 同日

奏稿卷二十六目錄

因病仍懇開缺摺 光緒十一年十一月二十九日

甘饑等款無可籌畫懇請改撥摺 光緒十一年十二月初六日

海防捐輸撥還借支軍款項摺 光緒十一年十二月初六日

請嘉獎廓番堅其內嚮片 光緒十一年十二月初十日

擬定乍了貢品人數摺 光緒十二年二月初十日


籌備邊防摺 光緒十二年二月初十日

力疾銷假任事摺 光緒十二年三月初四日

川省撥款過多請 飭部酌覈摺 光緒十二年四月初三日

籌解電綫經費片 光緒十二年四月十五日

叩謝 天恩遺摺 光緒十二年四月二十一日



因病請假調理摺 光緒十一年八月二十三日

奏為 微臣 舊疾舉發精力難支仰懇

天恩賞假四十日以資調理恭摺仰祈

聖鑒事竊 臣 前在貴州湖南山東各省軍營帶勇十七八年為時既久積受寒溼甚重年來每遇舉發祇以年力尙強服藥旋愈不以為意自光緒九年二月病勢大作週身筋骨疼痛臥不能起者四十餘日當蒙

賞假兩月調理在案嗣經多方醫治服利溼建脾之劑兼補氣血雖漸就痊愈奈標病雖去元氣實已大虧後經勉力支持四肢總覺委頓動須人扶當以時事多艱仍復竭力撐拄詎本年八月初入闈辦理科場於十九日辰起頓

奏稿卷二十六

覺手足發冷繼以麻木運動維艱舌本亦形蹇澀語言稍多即難轉運頭目又昏暈異常幾不自持再四思維惟有仰懇

天恩俯准

賞假四十日俾得延醫調治一俟病勢稍愈即當趕緊銷假以圖報効決不敢自安逸至 請假期內所有署中日行公事暫委藩司代折代行緊要事件仍由 臣 力疾自行辦理現在場事已畢毫無貽誤 即於二十日出闈趕為廷醫診治以冀速痊合併陳明所有 因患病請假緣由謹恭摺具奏伏乞

皇太后

皇上聖鑒訓示謹 奏

奏稿卷二十六

遵 旨查覆川省礦務情形摺光緒十一年十月初三日

奏為遵 旨查明川省礦務開辦情形未見確有把握謹據實覆陳 恭摺仰祈

聖鑒事竊 臣准軍機大臣字寄光緒十一年七月二十八日奉

上諭現在籌辦海防善後所有鼓鑄製造事宜銅鐵兩項需用甚殷疊經諭岑毓英等開辦礦務事在必行茲據維慶奏四川雲南宜及時開辦銅廠臚陳九利暨川省擴充局務兼開鐵廠請飭分別籌辦各摺片尚多可採丁寶楨平日辦事認真即著責成該督會同岑毓英張凱嵩按照

奏稿卷二十六

三

該將軍所陳各節並體察各該處地方情形先行籌款實力舉辦覈計確需經費若干即行奏明由戶部籌撥的款應用原摺片均著鈔給閱看將此由四百里各諭令知之欽此仰見

聖主裕國阜財厚生利用 臣跪誦再三莫名欽佩伏查川省向稱出產五金然皆僅有空名究未得覩實效惟甯遠府屬烏坡池北金馬等銅廠開採多年在盛時亦難與滇產相埒近日具報硯老山空銅劬產薄每年以洪省局鼓鑄尚多缺額鐵廠則樂山瀘州所產較多考其形質亦多不堅緻皆本地民人用作器具之物在機器局中製造槍礮亦祇得將就需用此外從未經人開辦虛實有無均不

敢豫必且向所謂五金並產者查其地盡屬夷疆該夷等總以為山靈所在地脈攸關為一方之保衛一聞開廠鑿不驚心駭目而夷性至愚最難理諭若稍事勉強勢必聚眾阻攔定滋他事聞有一二夷地設法開導許人開挖然未經入手即索分成並多要挾稍不遂意立滋事端是川中辦廠未曾獲益先防生事且此處人情浮動無業者極多見利羣趨廠務一開不逞之徒旬結嘯聚又無富商大賈專心攻採之人即使招商不逞無賴之輩各湊微末資本冀微幸於萬一以圖一己之私得利則爭失利則散求其堅持耐久勢必不能至欲遠招他省商人皆怵於此地人心風俗之浮滑多詐聞之輒為裹足此又川省廠地商

奏稿卷二十六

四

情難以開辦之情形也 臣思今日之謀富國濟用誠莫善於開廠無論金銀銅鐵但使得地均可攻取 臣會於上年由滇雇募熟習廠事之工師數人來蜀捐給川資徧於內地及各夷疆行山望氣廣為覓採歷年餘之久查看各處山形外面似有礦苗一經切實考較地脈均不堅結開辦徒糜工本難望成效故數年來極欲舉行而未果者職此之由嗣於本年覓得天全州所屬大歇山一處似屬銀礦據言形勢頗厚露有礦苗當即前往雲南雇覓礦師並派切實可靠之員弁前往由 臣捐備工本試辦自四月開辦起其初尙覺可觀當將試辦情形附片具奏在案隨飭盡力攻採詎料愈挖愈深概係峽石不能成

刷連堂迨六月以後則杳無所得僅初辦之一二月內獲
生毛銀二千餘兩之譜均飭令煎鍊解存司庫備充軍饌
隨又飭令多開礦巢而進山愈深挖出之銅多出冷風陰
寒之氣砭人肌骨錘手勇夫觸之輒病以故均不敢再行
深入且一無所獲徒糜工本只好飭令停挖此外實難覓
可以開採之處論者謂此乃天地自然之利得失不定變
化多端絕非人力所可強求亦似近理 臣 欽奉
明諭諄諄惟有再行悉心搜尋但得其地無論金銀銅鐵
可以開採必當奏明興辦以仰副

聖主力圖富強至意至雲南廠務 臣 未親歷其境其情形
亦不能深悉該省督撫 臣 辦事結實見聞較真現已招商
開辦又經部撥有款自能盡竭心力設法謀維可不待 臣
旁參除恭錄

奏稿卷二十六

五

諭旨咨明督 臣 岑毓英撫 臣 張凱嵩切實查明近來各廠
能否豐旺招商能否得力候咨覆到川再行會商覆奏外
所有查明川省礦務開辦情形據實覆陳緣由謹恭摺具
奏伏乞

皇太后

皇上聖鑒訓示謹

奏

因病奏請開缺摺 光緒十一年十月初三日
奏為 微 臣 病勢增劇未能依期銷假而川省任重事繁自
揣病軀實難勝任謹懇

天恩賞准開缺回籍就醫恭摺仰祈
聖鑒事竊 臣 前因在闈中舊疾忽發手足拘攣動轉不靈
兼舌本木強語言蹇澀頭目昏暈難支不得已奏懇
賞假四十日以便醫治原冀速痊刻即銷假詎自請假後

逐日延醫診視至九月二十一二日病勢不惟未見稍減
而兩股骨愈加疼痛且漸形浮腫兩膝痛如鍼刺稍一起
立即覺颯搖不能舉步舌本愈加遲鈍語言自三四句後
便難出聲復加肝氣大作腰脇脹痛牽連心腹勢同怔忡

奏稿卷二十六

六

頭暈轉甚醫者云寒溼漸積已久深入筋絡肝脾大虧心
氣耗竭據此情形斷非數月所能調理見效 臣 自揣病勢
心急如焚竊念川省地廣事繁雖在無病之時儘全力以
赴之猶形竭蹶茲若以病軀尸位必致貽誤厥咎匪輕中
心惴惴不得不叩懇

天恩俯念 臣 病勢已深准其開缺俾可回籍加意調理儻
稍得痊癒即當趨詣

闕廷叩求

賞給差使 臣 自維受

恩深重大馬餘生當此時勢多艱苟可勉力撐拄斷不敢
自耽安逸實因病勢無可如何若再因循必成痿痺勢將

終身成廢辜負

天恩至臣現在未能銷假而辦事輒形恍惚實難力疾從公祇得仍委藩司照舊代折代行人一面籲懇

天恩迅

簡督臣來川任事以重地方感戴

鴻慈實無暨極臣不勝悚切待

命之至所有微臣因病懇請開缺緣由謹恭摺具奏伏乞

皇太后

皇上聖鑒訓示謹

奏

奏稿卷二十六

七

遵 旨籌議裁減勇營局費摺光緒十一年十月二十六日

奏為詳籌裁減勇營局費各情形據實覆陳恭摺仰祈

聖鑒事竊臣奉准軍機大臣字寄光緒十一年八月二十

二日欽奉

慈禧端佑康頤昭豫莊誠皇太后懿旨前據侍郎薛允升

奏請飭裁減勇營將中外各旗營加餉訓練一摺等因欽

此欽遵知照前來仰見

朝廷節糜費求實濟之至意臣維時局艱難至今已極中

外臣工各具天良但有一分可以節省財賦裨益實用之

計若再不盡力圖維不惟無以仰對

君父清夜捫心何以自解第各省地勢今昔既有不同即

奏稿卷二十六

八

時事人情亦復各異若不兼籌熟計只圖敷衍塞責設有

變局甚非所以盡職分而體時艱也臣謹再就川省情形

披瀝言之惟

皇太后

皇上詳查焉查四川邊省也情形與腹地省分迥然不同

即以邊省論亦與滇黔閩粵各省迥殊川屬如馬邊雷波

峩邊越嶲等廳全係夷地兼係生番未通王化又緊接邊

外涼山近二千餘里徑路險絕人迹罕通各夷恃為心腹

動輒生事前經川省督提各臣設法防勦並未敢徑進一

步猶不時挫絆每多損失經我

宣宗成皇帝大加申斥不准妄動乃翻然而止松潘理番

各處界連西甯新疆地方幾四五千亦盡夷疆其甯遠敘永各府廳在在與滇夷比鄰打箭鎗等處逼近西藏番蠻錯處尤極寥闊是川境之接連夷地者東西南北四面近夷地者十之六七近夷界者十之三四合計總不下一萬數千里之遙他省向無是也至內地匪徒亦因地大物繁處處可為逋逃藪故他省盜匪之多亦絕無如川省者正不獨囑匪教匪儘可自為風氣茲將欲求攘外安內之法斷難倚萬餘經制之兵願此遺彼即可為鎮靖撫綏之計前十數年川省養勇至四五萬之多邊腹猶時時告警者職此之故臣於光緒三年莅蜀目擊勇多饑細勢難為繼因力排眾論裁撤各勇毅然按照東勇口糧支發節省

奏稿卷二十六

九

已屬不貲而心常惴惴不敢稍逸迨頻年加意整飭地方幸賴稍靖亦尚恃有此裁贖營勇東調西防靈便迅速半以靖邊夷半以防內地前數年馬邊之役甯遠之役三岩之役穆坪之役以及上年大邑之警皆得迅速肅事然維州各邊夷等處仍隨時蠢動亦皆得此二十數營勇丁到處雕勦幸免糜費重饜是其明驗而臣猶刻以或有等漏為懼總緣地方太闊人類過繁若恃本地舊有之兵縱使成營訓練恐不知又費帑若干此非臣之敢為虛言其地勢民情實係如此皆川人所共見者也至川省本不近海疆而現時情勢頗有更重於海疆者英人占據印度已經多年近在西藏肘腋稍一有事即掣動全川脈絡必在意

計之中臣前已迭次密陳未敢妄言動聽現在英修鐵路已抵後藏將日逼內地而獨吉嶺修房尤甚似此意欲何為且俄人近亦窺藏恐將由西甯外草地一路前進以圖窺伺臣慮之甚早防之甚密曾於去年請將介在川藏向未受撫之乍了等番部准其內附亦非敢好勤遠略無非欲借番力以助我邊防默計南路棧局斷不能二三年無事是以越法起事之後臣即深謀遠計於上年曾將所留各勇營更番勤操逐日變換練為洋式訓練拊循冀備一日禦侮之用差省咄嗟招募之需近年幸成勁旅自信足供一戰不至甘心讓入此臣年來臥薪嘗膽意固非若借練勇為名自便私圖者比也今若驟裁已練之隊別操經制

奏稿卷二十六

十

之兵臣以此時必言裁勇即裁去四五營有何不可第恐轉瞬即將有事又須別圖另募烏合磨湊句串蹀躞如上年越法兩軍之事言戰多時卒無一師一旅慨然出力以作長城可為殷鑒查此時川省情事臣身在局中曾未敢偶爾漠視方今左藏空虛中外羅掘且仰釋懿旨加練旗營尤屬根本至計如果省分多屬腹地外患不致間發則早裁一日之勇即多裨一分之用况川庫近年困於供億支絀萬分如能裁勇截饜上可副朝廷久遠之計下亦紓本省籌措之艱臣何憚而不為者無如統籌時局依違實難臣待罪川疆先後九載若知之甚悉而不據實瀝陳直待地方大害貽誤不可收拾微臣

負罪甚重實無顏自立於人世之間臣現在假中仍力疾與在省將軍提督臣及司道反覆籌商不敢不據實詳陳伏乞

聖明熟審而切計之至川省局務現祇發審籌饒採訪洋務機器釐金共六局其委派人員亦經臣到任後節次刪減且祇准機器釐金兩局作正開銷餘或本無薪水或由本省官吏自爲津貼者多亦無從搏出鉅款合併陳明謹會同成都將軍宗室臣岐元合詞恭摺由驛五百里具奏伏乞

皇太后

皇上聖鑒訓示謹

奏稿卷二十六

十一

奏

西藏通商事多後慮摺光緒十一年十月二十六日奏爲西藏與英人通商事多後慮不可不慎之於始謹據實敬陳恭摺仰祈

聖鑒事竊臣於光緒十一年九月十六日准軍機大臣字寄光緒十一年九月初五日奉

上諭總理各國事務衙門呈遞會紀澤信函據稱英國現派使臣馬科蕾來京專議印度西藏通商一事等語藏地通商英人蓄志已久前欲由川入藏游歷卽爲通商地步今該國專派使臣來京商議通商之事必應先事網繆詳加區畫西藏番衆仗喇嘛爲長城視洋人如深仇若不商議妥協貿然前往必致開釁生事然番族恃衆好勝祇有

奏稿卷二十六

十一

阻遏之心並無堅拒之力設彼族恃強逞兇藏番無從抵禦後患何可勝言殊於時局大有關係向來通商之地不至遽啟兵端是經營商務未始不收保護之益况游歷載在條約目前卽不違許通商須先與藏番定議准其游歷俾得暢行無阻但使西藏與洋人耦居無猜將來通商一事庶不至始終膠執著丁寶楨詳細籌度會商色楞額崇綱遴選明幹委員向該番衆將此時一切事理切實開導必使覺悟而後已番衆頭目中當有明白曉事之人所派委員必須通達大體而又熟習藏番情性方能於事有益該督等務當詳慎籌商並將遵辦情形先行迅速覆奏會紀澤信一件著鈔給閱看將此由六百里各諭令知之欽

此竊查外國人之用心也強很而爲謀也陰鷲每作一事不得其所欲固不止卽偶不遂其所欲亦不止歷來皆然非自今日如英人之欲與西藏通商說者謂彼志在通商是尙與我以自主之權不敢遽言侵奪在我正宜因勢利導不拂其所請則可遏其侵奪之謀而並可以獲通商之益其說固是然臣謂英人之與西藏通商是乃外洋多年故習而用心陰鷲卽露端倪我不可謂彼之不言侵奪第專意通商爲得以自全遂可如其願而卽止也臣蓋見洋人向來立國之初未始不顧名思義決不妄舉輕動其意殆不欲遽受侵奪之惡名也且一言侵奪則必啟戎機而通商必不能成不如與我專言通商則可以陰遂所圖而

奏稿卷二十六

十三

不覺迨其繼也以通商之事暗中潛移默化彼固可以陰竊中國之利權積之既深或彼此稍有齟齬將不至於侵奪不已是洋人陽借通商之美名實陰以肆侵奪之秘計設使事機不順彼既得中國之利權卽欲占中國之土地勢不至易通商爲侵奪不止彼時我之虛實彼盡知之我之人情彼盡悉之此理之固然不幾全受人以柄乎或者謂我之上海香港等處通商多年何以不聞有侵奪之事其說誠是不知中國之上海香港各處皆全係中國之人勢全非彼族類且久爲該處文物之地深知洋人之用心很而且鷲不過欲貪彼之利雖與通商決不肯遽中其毒苟與之通商而通商外若別有所謀彼亦不甘隱受此中

國人之所可自信者也是洋人之於香港上海各處通商其以通商爲事而不遽言及侵奪者迨明知中國之不受其籠絡不若姑爲通商之計漫與委蛇以徐觀其變此一定之理也然則爲今之計將如何曰通商者今日外洋之美名我若於此時直拒其通商則彼有可藉之詞似不能不姑從其請以杜其噤舌但西藏之能否必與該國通商在番人自有命意我固不便遙執其柄使遙執其柄或西番逞其偏強與我驟然生釁此時我若必爭執通商之說以臨之是將強彼以就我則兵端已先肇於西藏我先無詞以對而洋人且轉移其禍於我是我先爲西藏受害而英人且自矜爲得計古所謂鷸蚌相持漁人得利英人之

奏稿卷二十六

十四

巧誠巧矣然則彼固執意通商而我乃以權詞卸之彼又將謂我不欲其通商於藏故以此相難二者交執是通商先旣不敢取必於西藏不通商又將開蚌於洋人然則將如之何臣愚以爲古之善爲國者莫切於審度時勢之尙有可爲而必亟亟焉專勤於自治決不輕予人以可伺之隙斯爲得耳彼英人雖強亦固非絕無顧忌者比卽如上年俄人與阿甫汗等構釁時彼卽深畏俄人之強俄一動而印度之全境俱震僅僅自免復以議和中止是其畏強欺弱已有明徵臣竊謂英人之敢於恃強殆自詡其善於戰陣耳然彼固非有出神入妙之奇術也又非有挾山扛鼎之大力也不過恃其船礮之精利遂自以爲天下無敵

耳不知戰陣豈可常恃卽槍礮之利亦不可久居特患我
之視彼皆異能而未嘗專心以求之盡力以習之故讓彼
以獨擅其術耳臣於西藏地方已逆料英人之必有此舉
會於法越爭戰之始一再言之慮法人有事於越英必將
乘機觀釁窺我西藏必得陰爲之備今則果如所見矣幸
臣先將所留川省之勇二十餘營逐日操練其一切皆效
彼之所爲舉凡戰法陣勢槍礮軍火無不悉仿其意而務
求精密蓋將欲與之爭而不能盡彼之所能則我之士氣
先怯萬難取勝惟悉彼之所能行之既熟再以中國之所
長攻彼族之所短屆時若我有必用彼之所能者臨事固
有以應之卽不必用彼之所能者亦可以因勢而隨地變

奏稿卷二十六

五

通用之似此則勝負之情差可以自主而又必使我之兵
力與彼之兵力久足相持縱或不能全操勝算而顧謂效
烏合之衆見戰卽潰斷不至此此臣之微意也臣竊惟洋
人之欺我也已甚究其意不過在於蠶食且彼又先料我
之全無可恃事事求借於人可得以逞強一時耳又其甚
者洋人最爲難及全在作事行兵處處皆以實心處之不
似中國徒逞虛鋒不能踏實夫以虛應實萬無一勝固不
待智者而知此洋人之大可慮也臣今練勇之法必一切
反其所爲者蓋欲士卒知洋人之所長者如此若使我兵
與洋兵虛實相敵不爽分釐則心無所怯而氣自定但能
盡其在我以與之較得失於疆場之間斷不致甘讓彼以

獨勝也臣愚以今日西洋之勢已成積習前日該國所行

之事其初盡施之於外夷今則轉而施之於我若再不爲
破釜沈舟之計必不能以自固誠不得不決然變計非敢
妄爲大言其情勢實不得不如此耳至於洋人通商西藏
臣謂其意殆別有所在蓋洋人之印度密邇西藏瞬息可
通如果欲通商則光緒年間重慶所立之約尙在何不可
以遵行乃必援乾隆初時一百餘年之一紙空文又不查
其虛實漫謂足以爲據是其意固明明可知矣且通商已
展轉有年而藏地率多瘠土素無別項生產之物可供貿
易卽有所產亦不過若金銀之類然此乃西藏自夸其地
利其實甚不可知何有於通商臣謂此舉該洋人決非注

奏稿卷二十六

六

意於西藏殆暗借此以通四川大道耳夫四川通商前本
有重慶之約特因彼之輪船不便行駛故未能舉行今乃
另出此一計又欲於重慶後路別開一隙以逞其謀設藏
路一開則四川全境終失川中一失則四通八達天下之
藩籬盡壞此非臣之過爲危詞誠以情勢所在實不可不
深長思也臣職司守土在川言川川中一日有事卽臣一
己之責勢無中立臣現雖病難得力然此乃
國家重計決不敢悠悠以貽異日之憂而敗臣一生之名
節若苟可隱忍臣斷不敢妄言多事但恐別有他慮臣惟
有盡心竭力期無失其在己以冀上報
朝廷之厚恩而已他非所敢計也臣愚拙之見是否有當

謹由驛五百里馳陳伏乞

皇太后

皇上聖鑒訓示謹

奏

奏稿卷二十六

七

通商先向藏番開說片 光緒十一年十月二十六日
再 臣 欽奉

上諭以西藏通商關係甚重事在必行令 臣 遵派明白曉
事妥員前往藏中與駐藏大臣色楞額崇綱等傳諭藏番
人眾剴切開導不令固執據實奏明辦理等因 臣 跪誦之
下亟應欽遵照辦惟現在西藏情形傲很强橫勢難理論
由來已久即如前日西人攝伯爵等赴藏游歷並未言及
通商該番遠四路派兵阻攔執戈相向不許前進後不得
已始由滇省中甸地方繞道而去幸得無事又前四川委
赴印度游歷委員黃楸材暨四川委員候補道丁士彬一
則赴印度游歷並與藏中無與一則為該番與廓爾喀滋

奏稿卷二十六

六

事川中代為賠贖之案事屬為彼乃亦不准前進百計與
論仍復據兵攔阻執意不允前行此歷次明驗此次 臣 欽
奉

諭旨派員前往開導若該番尚似此橫行勢難姑容必將
生釁是未與英人通商已先與藏中喇嘛構禍似覺不合
臣 於奉

旨後刻已馳函致駐藏大臣請其先行傳知西藏僧俗人
等示以大義不可固執免致有失中國保護伊等至意如
能開說允准然後委員入藏彼此自能和衷商辦設有不
聽即專函星馳赴川容 臣 別尋計較庶免因人而先受鄰
封之累似為有益謹附片具奏伏乞

聖鑒訓示謹

奏

奏稿卷二十六

十九

通商儻有格礙盡力以圖片光緒十一年十月二十六日

再自法人與越南交戰以來中國糜帑鉅萬所費不貲人皆以此為鑒咸謂洋人不能以力敵也不知法越之事中國已極盡力與謀因越南君臣不能一心一德甘為人欺致有大挫誠未可盡謂洋人之能戰也至西藏之與英人其勢固與越南迥異蓋洋人之所恃在輪船駛行甚速中國誠有不便而西藏則舟楫不通水行艱急閒有行舟者亦祇能過渡上下皆用皮船祇能一人一載多則傾覆洋人雖巧亦無所用之此其與洋人異者其一又洋人大半皆履平地為宜戰陣亦大抵皆然而西藏則徑路崎嶇形勢絕險且皆高山峻嶺來往行人無不歎道路之艱是洋人與我主客之形已分必難強越此與洋人異者又其一又洋人之所恃在槍礮便利軍火迅捷且不假手外人處處合用而川省自上年至今鑒於前事多作馬蹏尼等槍又自製格林礮位應用其所造槍礮軍火皆較洋人為精且係自造自用從不假借外洋一人其視前與洋人爭戰時動須購自彼廠勞逸難易迥別與洋人之自用槍礮者無異又其一綜此三端差可與之相等其目前急需精選者則在將領之得力用命營哨各隊之齊心耐勞此外則別無可慮臣謂此時之四川雖不必與洋人爭能然亦何至全讓以獨步此理之顯然可見者也此時通商之事若事機順而無難固無庸與之競勝儻中有隔礙則彼此相

奏稿卷二十六

三

較似亦甚不足畏固不必先事懼怯致墮將士之心臣現值病軀萬一川藏有事實不得不盡力以圖雖病亟亦不敢自卸致負我

皇上養育之深恩區區愚忱非敢妄言自用也謹附片具

陳伏乞

聖鑒謹

奏

奏稿卷二十六

三

俄官尼由新疆入藏片光緒十一年十月二十六日

再前數年間俄國會遣員俄官尼赴藏游歷初本擬從新疆哈密一帶由四川前進嗣因川中道路難行遲遲不前者將及五年上年總理衙門復有函來謂其仍欲進川往藏令妥為護送前進臣屢派人遠探尚無來川消息頃聞藏中來言並打箭爐同知石光熙來稟俱云俄官尼現擬改道由新疆赴和闐一帶前行可以直抵後藏並探聞俄人欲覓纏頭回民為之引導等語如俄人果由和闐赴藏誠為便捷第恐纏頭回人向其引導一路可抵後藏殊為隱憂無怪英人之畏彼通其後路是以欲先與藏通商正為此也然臣謂俄人若果有是舉則以西藏一隅而兩大並爭其閒辦理洵屬不易且此事亦恐我駐藏大臣一人不能了結焦急愈深刻尚未據駐藏大臣來函其虛實尚在未定但願俄人不從此用意則事或有可為耳臣得信之後以事關外洋大局不得不先事密陳可否請旨飛飭駐藏大臣迅速將實情具奏以便早為防備庶不至臨時倉皇也是否之處伏乞

聖鑒訓示謹

奏

奏稿卷二十六

三

遵 旨訓練綠營制兵片光緒十一年十月二十六日

再臣正將裁勇節餉籌議間續准軍機大臣字寄光緒十一年八月二十七日奉

上諭各省勇營糜費甚鉅已欽奉

懿旨令各將軍督撫汰弱留強覈實辦理惟向來撤勇一事流弊滋多不可不謀之於豫且此次撤勇固貴節省餉項移作要需尤在整飭營規練成勁旅等因欽此欽遵知照前來臣祇奉之餘彌深兢勉所有川省地方緊要遠難裁勇實情已於摺內披瀝上陳非敢蹈常襲故飾詞遮掩仰懇

聖主垂察訓示惟地方時事月異而歲不同儻以後邊防

奏稿卷二十六

事緩洋事晏安臣仍當斟酌情形可裁即裁斷不敢以奏

免裁撤在先稍存因循執守之見至川省綠營經前督臣

奏定章程抽練十營精兵行之已久各兵操演頗屬認真

臣與將軍臣岐元不時訓練申警實較舊營差勝自無庸

另議新章即舊存制兵勤加整飭使有起色不得以未經

抽練任其疲弱為辭此皆臣等分內之事萬不敢視為泛

常謹會同成都將軍宗室臣岐元合詞附片陳明伏乞

聖鑒謹

奏

因病仍懇開缺摺光緒十一年十一月二十九日

奏為臣病勢沈重萬難任事仍懇

天恩俯准開缺迅

賜簡放督臣來川以免貽誤恭摺仰祈

聖鑒事竊臣前因舊病忽發手足拘攣舌本木強言語蹇

澀事繁任重病體難支奏懇

賞假四十日起緊醫治以冀速痊嗣因病勢日增公事廢

弛不得已於十月初三日復懇

天恩賞准開缺回籍就醫昨於十一月二十五日專差回

川齋奉

恩旨著賞假兩箇月安心調理毋庸開缺欽此臣自問何

人邀茲

奏稿卷二十六

恩遇跪誦之下感激涕零伏念臣受

三朝厚恩洊膺全川重寄迄今九載報稱毫無乃以衰病

侵尋仰荷

天恩逾格矜恤即願指日銷假為

國宣力稍盡犬馬之忱無如自冬以來病勢日見沈重現

在偏身麻木兩股絲輒寸步難動雖扶持亦不能行舌本

木強異常語音模糊費盡氣力不能宣達隻字始則口不

能道者尚可代之以筆今則執筆欲書亦不成一字加以

肝火上炎面色發赤飲食銳減津液全無而腰痛頭暈日

甚一日每夜輾轉牀褥神思恍惚不能片刻成寐據醫者

云肝脾大虧心氣耗散非息心靜養年餘不能奏效臣自揣病勢萬難速痊委實不能任事伏思川省民稠地廣事務繁多比歲以來川東一帶疊患荒歉亟需實力經理至協撥各饒為數三百餘萬若非督臣悉心籌畫勢必左支右絀周轉不敷尤可慮者英人欲於西藏通商用心莫測事關切要更非空言所能敷衍臣值此時艱正我皇上卧薪嘗膽之際深維古人鞠躬盡瘁之義自恨不能即時起假盡心任事以期仰答高厚於萬一然微臣之病勢如此四川之事體如此臣惟有仰懇

天恩俯念川省關繫緊要斷非病軀濫廁所能措拄迅

奏稿卷二十六

奏

賜簡放督臣來川以專責成俾四川全局不致貽誤微臣

幸得及時開缺回籍調理臣自維受

恩深重誠不敢惜此餘生實非甘為引退上煩

宸廬但使稍就痊瘳即當泥首

宮門竭力自勉以圖報効決不敢隱忍偷生自外

生成至臣現在病勢不支萬難任事一切公件仍不能不

委藩司代折代行專俟

簡放督臣來川得免貽誤嬰咎臣不勝惶悚迫切待

命之至所有微臣因病仍懇開缺並請迅

賜簡放督臣緣由理合由驛四百里馳奏伏乞

皇太后

皇上聖鑒謹奏

奏稿卷二十六

奏

甘饒等款無可籌畫懇請改撥摺

光緒十一年十二月初六日

奏爲川省奉添撥甘饒及造船設綫經費無款籌解請另
行改撥恭摺奏祈

聖鑒事竊查前准戶部咨籌撥光緒十二年分甘肅新饒

一摺奏奉

上諭指撥四川省銀一百二十八萬兩於本年十二月底
趕解三成來年四月底再解三成其餘四成統限九月底
解清儘有延欠照例奏參欽此並於原奏內聲明四川省
應協甘肅新饒銀數較上年加增銀四十九萬係自鮑超
一軍裁撤騰出的款是以量爲改撥俾甘饒有著等因又
准兩江督臣咨南洋應增鐵甲雷快等船擬由川省每年

奏稿卷二十六

毛

協濟銀二十萬兩又准直隸督臣咨改接鄂省由川入滇
電綫擬由川籌借銀十萬兩先後各行到川均經行司籌
解去後茲據布政使易佩紳詳稱遵查川省僻處西陲素
爲留備省分歷來兵饒臺費均須鄰省協撥軍興以來不
惟鄰省協濟全無並須由川省協濟京外饒需不得已連
年勸辦津捐抽收釐金舉凡稍有遺利靡不盡力羅掘藉
以顧全大局近因釐捐勸辦多年民力異常竭蹶又屢遭
水旱偏災以致收數大爲減色庫儲益形拮据而奉撥京
外各饒又復愈撥愈多且均係京饒邊防要需誠不知如
何籌撥前奉

上諭飭查每歲收支數目當將川省司道兩庫暨滇黔鹽

務局每歲共收地丁課稅津捐釐金並一切雜款共銀五

百一十餘萬除本省兵饒臺費及一切例支之項並巡防
兵勇口糧歲需銀二百六七十萬僅餘銀二百四十餘萬
以爲京外協饒之需而本年奉撥京饒邊防固本等銀七
十七萬兩甘肅饒銀七十九萬兩貴州饒銀四十九萬兩
雲南饒銀五十六萬餘兩加以西藏公費京鉛運腳廣西
欠饒共奉撥銀二百六十餘萬兩卽不敷銀二十餘萬兩
再加霆軍饒銀一百五萬餘兩計不敷銀一百二十餘萬
兩前經詳請奏咨在案是川庫歲收各款卽裁去鮑軍饒
銀亦屬入不敷出部中均有確案可覈茲因霆軍全行裁
撤復於原撥甘饒七十九萬之外又添撥銀四十九萬兩

奏稿卷二十六

毛

在大部酌盈劑虛自以本年霆軍全饒均經川省一力供
支來年所增甘肅饒銀應亦可力爲設措無如川省歲收
之項除本省支用外實不敷解原撥京外協饒之用霆軍
全饒歲逾百萬焉有如此鉅款可籌前之未敢推卸無論
何款盡力搜括挪貸勉解銀八十餘萬兩幸於海防不致
貽誤實爲中外大局起見並非川庫歲有盈餘足以支持
所有先後挪借各款均有隨時奏案可查且所挪各款內
如屯防饒銀五萬六千餘兩鹽茶存公銀六萬五千餘兩
鼓鑄工本銀七千餘兩鹽務局銀十五萬兩均係多年存
積不能再有之項海防捐輸銀十七萬兩並非川省例有
之款至於春秋撥冊內留撥本省兵饒之鹽茶課稅銀十

萬三千餘兩本省制兵餼銀十四萬兩生息本銀六萬兩
息借商號銀八萬兩更係剗肉補瘡暫救眉急之計隨後
均須陸續歸還其川庫一切艱窘情形於此已見無遺况
本年軍應用餼銀尙有滇省奏明墊發應由川省歸還
者是來年川省收款內既有川滇欠款應行騰挪歸給則
於舊有京外協餼亦恐萬難解齊今於舊有協餼之外復
添撥甘肅餼銀四十九萬兩並指撥製造南洋鐵甲船經
費銀二十萬兩鄂省改接川滇電綫銀十萬兩共於舊餼
之外復添撥銀七十九萬兩合之來年應還借項並舊有
京外餼銀則共需銀二百七十餘萬兩以川省收數計之
實不敷銀一百二十餘萬兩當此司道各庫悉皆搜括如

奏稿卷二十六

无

洗其不能遵照解納情形不得不據實直陳矧甘肅新餼
銀兩均係口外營勇計口授食斷不能短缺之項卽造船
設綫之費亦係待用急需若不先事陳明懇請改撥則川
庫匱竭無款籌解將來貽誤要需關繫實屬非淺等情詳
請奏咨前來 臣查川省庫儲匱竭撥款過多本年挪解總
軍糧餼尙須來年設法歸還卽舊有應撥京外協餼來年
亦萬難解足所有添撥甘肅新餼及造船設綫各經費銀
兩委屬無可籌撥合無仰懇

天恩俯准飭部另行改撥俾不致貽誤要需是否有當理
合恭摺據實直陳伏乞

皇太后

皇上聖鑒訓示謹
奏

奏稿卷二十六

三

海防捐輸撥還借支霆軍款項摺光緒十一年十二月初六日

奏為動撥海防捐輸歸還前解霆營軍餉挪借各項銀兩恭摺仰祈

聖鑒事竊查霆軍赴越援勦應用軍餉銀兩除由廣東雲南撥解外統計川省先後十二次共籌撥銀八十四萬八千六百三十一兩六錢六分八釐六毫陸續匯解交收在案前因霆軍需餉浩繁行軍緊急刻難稽遲川省當悉索殆盡之餘實屬籌無可籌萬不得已曾於十年冬間第四次籌解案內挪借川省制兵餉銀十四萬兩第五次籌解案內挪借各項生息本銀六萬兩十一年夏間第九次籌解案內息借川省各商號銀八萬兩藉得解濟軍糧幸免

奏稿卷二十六

三

貽誤之虞第先後挪借銀二十八萬兩現在司道各庫均已搜索如洗一時既難籌款歸還而所借生息本銀六萬兩各商號銀八萬兩又須按日認給息銀若不及早清償於庫儲殊有關繫因思川省現辦海防捐輸前准部咨聲明此項捐輸因海防而開必實濟海防之用等語覆查霆軍赴越援勦原為海防緊急起見川庫前因無款可籌借款解濟霆軍餉銀亦係接濟海防要需現在省城海防捐局收捐實官等項業已集有成數以之歸還前項借款正係實濟海防之用核與部咨相符所有前借生息本銀六萬兩各商號銀八萬兩應請即於海防捐輸項下動撥銀十四萬兩分別如數歸還所需各項息銀另於釐金項下

撥給至原借川省制兵餉銀十四萬兩現既無款歸還不能不挪後蓋前暫願兵糧容俟續籌有款再行詳請撥還完案等情由藩司易佩紳詳請奏咨前來臣覆核無異除咨部外理合恭摺具奏伏乞

皇太后

皇上聖鑒謹

奏

奏稿卷二十六

三

請嘉獎廓番堅其內嚮片

光緒十一年十二月二十

再西藏爲全蜀第一道藩籬廓爾喀又爲西藏切近屏蔽
臣抵川時特請

賞准廓使循例入貢正所以示羈縻也上年該國巴勒布
商民被藏番劫擄一案藏中議給賠款虧折甚大該國噶
箕有言若非前次展覲蒙

大皇帝厚恩難與唐古忒罷兵息事又上年法越事亟
聞廓酋曾越藏呈懇自願助攻法人稍圖報効是其感恩
嚮義確有明徵當此英俄窺藏事機緊要多重門戶卽
多固一處疆圉可否仰懇

天恩准予該番嘉獎令益堅其內嚮之心不但邊域增一

奏稿卷二十六

奏

障蔽兼使異族少一內助川藏全局均有裨益謹附片密

陳伏乞

聖鑒訓示謹

奏

擬定乍了貢品人數摺

光緒十二年二月初十日

奏爲查明乍了歷蒙

恩賞年分及擬定貢品人數恭摺具奏仰祈

聖鑒事竊查前准軍機大臣字寄光緒十一年五月十三
日奉

上諭理藩院奏遵議丁寶楨請准乍了入貢一摺據稱該
呼圖克圖所請隨同察木多進貢一節未便阻其嚮化等
語乍了情殷歸化係屬出於至誠卽著准其一體入貢惟
事屬創始應如何按班呈進及酌定貢物人數著丁寶楨
會同駐藏大臣詳細妥議明定章程請

旨遵行餘著照理藩院所奏各節詳悉聲覆毋稍含混原

奏稿卷二十六

奏

摺著鈔給閱看將此由四百里諭令知之欽此欽遵並原
摺內開 臣等詳查乍了諾們汗前因勦平瞻對案內

賞加呼圖克圖名號並換敕印迄今尙未請領該督所奏
乍了尼們罕呼圖克圖或卽係前次乍了諾們汗所稱從
前隨征廓番等處給予該呼圖克圖號紙一節並未聲明
何年所得且未悉號紙係何執照難免夷字譯漢之誤其
所請查照成案給予頂戴之頭目又非當年瞻對案內之
名僅稱從前隨征廓番等處給予究係何年亦未聲敘若
以現在欲行呈進

貢物遽行請給頭目頂戴勢難照准查番官番目戴用何
項頂戴 臣院無案可稽駐藏大臣自有查考 臣等公同商

酌擬請

飭下四川總督會同駐藏大臣逐一詳細查明辦理至該呼圖克圖所請隨同察木多進

貢一節自係出於至誠未便阻其嚮化惟事屬創始是否隨同察木多按班一併齎京呈進何項

貢物人數若干該督均未聲敘勢難含混且現在各直省差徭苦累究應如何辦理擬請由四川總督會商駐藏大臣詳細妥議明定章程請

旨遵行等因知照到臣遵即轉行去後茲據署打箭鎗同知石光熙管理巴塘糧務周上達查明該乍了前輩喇嘛

洛宗射甲於康熙五十八年蒙

奏稿卷二十六

奏

賞諾們罕職銜印信號紙旋因寺燬於火號紙被焚化乾

隆二十四年洛宗巴登丹必吉村蒙

賞黃教傳法呼圖克圖諾們罕職銜道光十九年土登局

墨曲吉甲錯蒙

賞給號紙又因隨征廓爾喀出力咸豐六年蒙

賞加各羅旗簿本鄂烏布味千世銜名同治五年鄂汪龍

都丹必吉村因勦平瞻對出力蒙

賞加諾們罕呼圖克圖職銜並換敕印尙未請領總堪布

蒙

賞加呼彌勒罕職銜頭目等均蒙

賞給頂翎各在案今擬選派大堪布一名隨帶跟役四名

管家郎索一名隨帶跟役三名大通事一名跟役二名小

通事譯字房各一名各帶跟役一名業巴一名跟役二名

徒眾五名共二十四名恭齋吉祥哈達一根銀曼達一箇

珊瑚瑪萬壽佛一尊金字長壽經一部金塔一座銀八寶一

副貢香二百把各色藏片十方各色璿璣二十五根乍參

佛手參黃連各八百兩蟲草五十兩知母長壽果各一百

勛虎皮烏雲豹皮金錢豹皮艾葉豹皮捨狸皮狐皮沙狐

皮各一張定於十二年敬謹呈進以後照此按察木多例

貢之年一體隨班進

貢等情具稟請奏前來臣查乍了諾們罕即諾們汗尼們

罕譯音原無定字該番自康熙乾隆迄於咸同歷蒙

列聖恩賞職銜此次呈請入

奏稿卷二十六

奏

貢又蒙

俞允該番等尤異常歡欣感戴合無仰懇

天恩俯如所請准照擬定貢品人數於十二年入

貢並准以後照此按察木多例貢之年隨班齎京呈進以

遂其瞻

天嚮化之忱應用夫馬口糧按人數照察木多之例動支

其此次進

貢人等各用本身頂戴到京後如荷

恩施所有諾們罕呼圖克圖擬請

賞加阿吉呼圖克圖名號換給敕印並請俟

頒發敕印後再令將原領敕印呈繳俾資信守倉儲巴總
堪布洛宗丹增請

賞加呼彌勒罕名號四品花翎頭人札喜魯秀五品花翎
大頭人鄂烏白登江錯均請

勅理藩院從優議獎隨從番眾按例一併給賞用示懷柔
而固邊圉是否有當謹會同署成都將軍臣托克湍合詞

恭摺具奏伏乞

皇太后

皇上聖鑒訓示謹

奏

奏稿卷二十六

毛

籌備邊防摺 光緒十二年二月初十日

奏為查明川省邊防應行籌備之處謹恭摺具奏仰祈

聖鑒事竊臣於上年十二月初十日承准軍機大臣字寄
光緒十一年十一月二十九日奉

上諭以英人現併緬甸恐狡焉思啟之心因此益甚四川
邊防著丁寶楨密籌熟計先事圖維一切情形隨時探明

具奏將此諭令知之欽此欽遵知照前來又於光緒十二
年二月初二日據總理各國事務衙門咨以新授駐藏大

臣文碩奏稱西藏應如何辦理各情欽奉

諭旨交該衙門議奏欽此茲將所議各節咨會駐藏大臣
囑其確探奏明籌辦等語臣查川省之於西藏向分前後

奏稿卷二十六

天

兩處由川省至後藏計程九千餘里以每站七十里計之
約共需行一百三十四日前藏則七千數百里計需行一
百一二十日道路之遠莫逾於此而所極難者藏中素來
不產米糧並無採辦之處間有一二購買者聞均向廓爾
喀及印度而來到者極少所買亦無多藏中祇出青稞一
種向惟本地土生土長之人慣於服食外人則多不能食
之輒易生病是以四川歷來派往駐藏之兵至多僅一千
四百餘人官則自遊擊以至千把外委至多不過五十餘
員不敢多派以其道路之甚遠兵糧之甚艱脚力之無有
也其駐藏兵丁口糧則自四兩九錢及三兩七八錢二兩
五六錢不等皆以地之遠近為等差又各兵按月皆發雙

讓官弁則加倍於尋常以道遠無米可買故必寬為給發始克有食至駐防之兵定以三年期滿則換不能久待亦常有不及三年而已死亡者皆由駐藏大臣於藏中擇人充補知照來川照發口糧此二百年之定例也今英藏設將有事川省自不能不預備以固邊圉而道里之遙遠如此糧饟之艱難又如此若由川省勞師遠涉諸凡掣肘有損無益臣與在省司道文武酌定核議擬在四川緊接藏中邊防內自行籌辦斷難及遠茲擬於巴塘駐勇二千人又於裏塘駐勇千餘人以爲策應藉壯聲威且英人現有事於雲南此處駐兵亦可就近兼顧現暫爲駐紮如須再加兵勇應俟隨後查酌辦理又巴塘地方向有三岩野番

奏稿卷二十六

美

不時出巢搶奪正可藉此爲名辦防既不予英人藉口滋釁之端亦不啟藏人有恃無恐之念則川省防邊似出有名較爲妥協惟巴塘裏塘駐師三千餘人亦不甚易蓋該處由打箭鑪而外徧地夷人盡屬蠻荒素不知米糧爲何物今兵勇皆派自內地非糧不行似必早爲預備至軍火之費亦軍行要著更不得不早爲計及以爲後日之用臣現擬籌三四月之糧其軍火亦籌足以供三四月之用庶利軍行但所費實屬不貲應由臣酌量情形辦理所有查明四川邊防應在巴裏二塘駐紮並籌預辦糧運軍火各情形是否有當謹據實具奏伏乞

皇太后

皇上聖鑒謹奏

奏稿卷二十六

單

力疾銷假任事摺 光緒十二年三月初四日

奏為 微臣 假期又滿病仍未痊特以受

恩深重不敢再行瀆請上勞

聖慮用特力疾銷假強為支持以免誤公恭摺仰祈

聖鑒事竊 臣 上年十一月瀆奏陳懇開缺調理本年正月

初三日接奉

批諭該督莅川有年辦事認真成效卓著朝廷倚畀方深

豈可遽萌退志著再賞假兩箇月安心調理無庸開缺欽

此 臣 跪聆之下感戴莫名伏念 臣 受

三朝豢養深恩得有今日督川十載報稱毫無疊蒙

矜宥自維叨竊

奏稿卷二十六

望

異數捐糜頂踵不足以酬此次兩請開缺實因病勢難支

非敢遽萌退志乃仰沐

鴻慈渥邀

策勵 臣 自顧何人當此事機艱鉅之時適值

宵旰憂勤之日亟欲加意調理勉支病骨力起任事以期

稍釋

宸廑所以不敢自必者緣 臣 病已及六月雖經延致多醫

斟酌方脈服藥總未大效現在舌本蹇澀如故語言仍多

模糊兩骸依舊疼痛非獨不能拜跪即尋常接見僚屬亦

極為難至慮事則恆多遺忘作字則艱於執筆此皆實在

情形並非強飾然日內假期又滿自顧養病之日已屬不

少地方難保不無廢弛况值邊境有事之秋內地伏莽尤

虞蠢動午夜旁皇刻抱不安在 臣 平日無病自不難力圖

振作弭患未萌目下衰病交侵雖激發天良有志終恐不

逮第欲退則

優詔屢加自顧無顏瀆請欲止則病軀尸位或致貽誤多

端再四躊躇無法自處惟有力疾銷假不敢再行瀆請庶

期仰慰

宸衷儻蒙

聖主洪福從此漸可復元自當竭力圖維俾得遂以身報

國之私全終如始不勝懇切之至所有 微臣 假期又滿病

仍未痊現擬力疾銷假勉強任事緣由謹恭摺具奏伏乞

奏稿卷二十六

望

皇太后

皇上聖鑒謹

奏

四川省撥款過多請 飭部酌覈摺

光緒十二年四月 初三日

奏查明川省庫儲匱竭原撥添撥各饒無款解足據實開單懇

恩飭部核明分別指飭遵辦恭摺仰祈

聖鑒事竊查川省添撥甘饒及造船設綫經費無款籌解前經奏請另行改撥嗣准戶部議覆川省入款光緒八九兩年實收銀皆在五百五十萬兩上下本年收數不致大相懸殊原奏謂僅收五百一十餘萬兩係除官運等局坐支各款而言較之前兩年收數實少報銀三四十萬兩今照光緒八九兩年收數覈算此項甘饒該省以入抵出計短銀十一二萬兩至應協南洋造船北洋電綫等款共銀

奏稿卷二十六

呈

三十萬兩並非部中指撥之款亦非計口授食之項應由該督酌覈辦理不得藉為諉卸之地至所短之十一萬餘兩應由江蘇浙江兩省運米節省項下應行解部之十一萬七千八百一十九兩即令全數改解甘肅作為抵川新饒川省即照數免解此外川省應解之一百一十六萬二千一百八十一兩行令依限批解不准稍有遲誤帶欠等因咨川轉行遵辦去後茲據署布政使游智開詳稱遵查川省歲征各款前因收數日絀撥饒日多通計盈虛不敷較鉅深恐有貽誤之虞當將每歲收支各款逐一詳晰開摺奏咨查覈嗣因本年甘肅新饒添撥四十九萬共撥一百二十八萬兩又新撥川滇電綫經費十萬南洋造船經

費二十萬覈計川省庫項實屬無可籌撥又將川庫匱竭

情形縷晰奏咨改撥在案茲准部咨以川省鹽局坐支之項未經開入實少報收數三四十萬且前撥霆軍饒銀會免解准饒三十六萬節省解部銀十一二萬新疆城工銀二萬四千共銀五十萬零此次添撥銀四十九萬係於前次免解銀內動撥並非格外加增祇於江浙兩省改撥甘饒十一萬零其餘甘饒一百一十六萬二千餘兩仍令照數解甘並以電綫造船經費並非部撥之項應由川省酌辦等因復查前詳所開收款係將鹽務局坐支之項一收一支全行刪除祇以實收之數開報並無少報之數至前籌霆軍饒銀奉文免解之項如准饒三十六萬兩川省歷

奏稿卷二十六

呈

年祇解九萬新疆城工銀二萬四千兩川省從來無款解納節省解部銀十一二萬兩去歲甫經議定每歲裁減兵饒等銀六七萬兩是前項免解銀五十萬餘兩實在僅祇十五六萬兩其免解准饒九萬兩統在前報收數之內並非另有存項可以動撥且近來添撥京外協饒除前請改撥各款銀七十九萬兩續又奉撥雲南兵饒銀三十六萬兩較之原撥滇饒計添撥銀二十萬四千兩亦係聲明以免解准饒作抵並有添撥東北邊防經費銀四萬兩統計共添撥銀一百三萬四千兩除已改撥銀十一萬餘兩亦尚添撥銀九十餘萬兩合之川省照舊奉撥京外協饒綜計本年應解銀三百八十餘萬兩溯查川省司道兩庫及

滇黔鹽務局每歲僅收正雜錢糧津捐釐金銀五百一十餘萬兩加以去歲節省兵饟加增鹽釐等項約收銀二十萬兩共祇收銀五百三十餘萬兩除本省兵饟臺費及一切例支之項並巡防兵勇口糧咸需銀二百六七十萬兩實祇餘銀二百六十餘萬兩以爲京外協饒之需今奉撥銀三百八十餘萬兩實不敷銀一百一十八萬餘兩當此司道各庫早已羅掘罄盡舉凡工財之道又已搜索靡遺誠不知作何支持又况藏中將不有事尤不能不預爲顧慮以免臨時倉皇因思近年防邊緊要需饒浩繁中外之庫項有常各路之加撥靡已在部中通盤籌畫酌盈劑虛自係出於無可如何然川省之出納早已縷析陳明其於

奏稿卷二十六

望

添撥之項能否勉力籌撥自亦在大部燭照之中况甘肅新饒銀兩乃係邊外營勇計口授食之急需雲南所增饒銀亦係創更營制之急用合之京饒邊防等項絕無一款稍可短缺現計川省歲收之項既不敷銀一百一十八萬餘兩其餘電綫造船經費固屬無力兼顧即甘滇等省之急用亦萬難如數解足若明知將來無款解足而不及早據實陳明設使日後軍饒短缺致有意外之虞實於邊防大局關繫匪淺再四熟思惟有將川省司道兩庫暨鹽務局歲收歲支及奉撥京外協饒一併縷析開單詳請奏咨指飭遵辦等情前來 臣覆加查核委屬實在情形合無仰懇

天恩俯念川省庫儲匱竭撥款過多

飭部核明川省收支各款數目將不敷撥解京外饒銀一百一十八萬餘兩酌定何款應撥何款應緩並何款應行改撥或應緩解若干明晰分別指飭遵辦俾得款歸覈實不致有貽誤之虞出自

鴻慈除咨部查照外謹照繕清單呈

御覽伏乞

皇太后

皇上聖鑒訓示謹

奏

奏稿卷二十六

哭

籌解電綫經費片 光緒十二年四月十五日

再查光緒十一年九月十六日准兵部火票遞到軍機大臣字寄光緒十一年九月初五日奉

上諭李鴻章奏遵籌雲南電綫擬改接鄂綫由川入滇請飭四川籌借銀十萬兩交電局委員領用等語著即如數籌解以資應用欽此遵

旨寄信前來遵即轉行去後茲據署布政使游智開署鹽茶道丁士彬會詳遵查川省歷籌京外協饒不遺餘力凡有庫存之項以及可挪之款無不搜索罄盡本年於舊有協饒之外復添撥京外饒銀並電綫經費共計百有餘萬實屬籌無可籌前經奏請飭部改撥旋准部咨以電綫經

奏稿卷二十六

吳

費非部撥之款應由自行酌覈辦理等因覆查此次應接鄂川滇三省電綫前已由總辦電報局飭委江西通判盛富懷由川至滇查勘綫路現又委候補知縣蔣文霖帶領洋匠學生由漢口開工設綫一面委候補知府吳中彥來川請領原撥經費前來事關三省電綫要需無論川庫如何竭蹶不能不勉力設法藉維大局茲於司道兩庫盡力騰挪惟有永甯道沈守廉等捐助海防捐輸銀三千兩又海防鹽釐銀五萬兩暫行挪湊以濟急需又湊得奏提夔雅兩關經費銀五千七百兩貨釐銀二萬五千兩十二年捐輸銀一萬六千三百兩共銀十萬兩其借撥海防釐捐等款覈與楚北借項相同實出於萬不得已應請如數撥

撥於光緒十二年三月十八日給發委員吳中彥承領作為採辦綫料木植之需庶期採辦安設悉皆迅速不致有停工待款之虞等情詳請奏咨前來 臣覆查無異除分咨外理合附片具陳伏乞 聖鑒訓示謹 奏

奏稿卷二十六

吳

叩謝 天恩遺摺 光緒十二年四月二十一日

奏為 微臣 病勢陡增危在旦夕伏枕哀鳴叩謝

天恩仰祈

聖鑒事竊 臣 自去冬因病兩請開缺荷蒙

溫旨慰留自願受

恩深重不敢再竄謹於三月初四日力疾銷假具奏在案

起假以後連日督同司道籌畫京協各饗整飭捕務鹽務

會商護理將軍 臣 署提督 臣 將邊防營務藏衛各事宜擇

要辦理用心過度氣血愈傷本月初十日過堂定擬秋審

忽感外邪牽動舊疾日增一日至十七日晚肝風陡作更

形危篤當將 臣 署日行公事委藩司代行代折二十日省

奏稿卷二十六

吳

城文武均至 臣 榻看視尙可與言延至本日氣急痰喘食

不下咽即刻將總督關防文卷等件交藩司分別存庫 臣

沐

三朝參養之恩頻叨

異數犬馬餘生尙願以身報

國今遠鐘漏向盡區區微悃結草何年瞻望

闕廷罔知所措 臣 在籍勦匪即誓効命沙場今行年六十

有七獲保首領以歿尙復何憾惟念川省東連長江北通

關陝地接滇黔民情浮動加以英法兩夷逼處雲南狡焉

思逞英人俄人又均有入藏之議將來必肇兵端 臣 前所

陳防邊一切尙未及時布置返之寸心徒呼負負大抵外

洋和約萬不足恃海軍既已創辦即應實力操練腹內防

軍不宜再議裁撤只可以安為攘不宜重外輕內抑 臣 更

有請者

皇上春秋鼎盛指日

親政應請舉行日講以裕

聖功帝道之隆要以近賢人君子遠宦官宮妾為圖治之

本勿以財用不足而進言利之臣勿以時局多艱而行苟

且之政固結民心即所以深培

國脈此皆 臣 戀

主之忱所耿耿不能自己者也至 臣 在川十年深知利弊

所裁之夫馬局不宜再開所辦之官運局不可遽改機器

製造為西陲異日之軍需積穀倉儲備全川不時之荒歉

愚昧之見伏維

鑒察 臣 病勢至此萬無生理伏枕哀鳴望

闕叩頭口授 臣 幼子體晉恭代清摺叩謝

天恩伏乞

皇太后

皇上聖鑒謹

奏

奏稿卷二十六

平

右外伯舅平遠丁文誠公奏稿二十六卷經始於壬辰九月迄癸巳八月而刊成屈指距公之歿已八載於茲矣公練鄉兵捍梓里受 特達知由郡守七年而躋開府秉節鉞撫東督川垂二十年卓然爲中興名臣天下知與不知靡不想望風采同聲折服無異詞是編所錄悉體道之宏規經世之要略而尊 主庇民安內攘外胥寓乎其中類無不言之必詳而行之必力間有密陳一議當時未盡施行積之久而成效大著者抑或姑存一說旁觀且笑其迂不閱時而所言皆驗者然後歎公之結 主知而立臣極營八表而亘千秋學有本原故才資幹濟非偶然也夔龍於公爲同鄉後學重以南宮之誼往歲甲申乙酉閒謁公

後跋

於成都節署談次悉當日平捻治河諸方略而鹽法之改革隄堰之興利夫馬之裁撤倉儲之積貯凡茲善政又在川所目覩雖秀言亂政致來譏謫之口而百折不變一意孤行卒能伸素志而持大體致使繼任者不能變一新法增一裨政所謂其量十世其量百世者非耶迄今海疆多故通商奚止五口大河又無歲不決靡一日之晏安而印度偏近前後藏鐵路肇興四通八達如履戶庭無復藩籬之衛憂 國籌邊亦豈無人讀公是編當有奮然起爽然失者然則杞人之憂蓋不僅西州之痛云光緒癸巳八月姪婿貴陽陳夔龍謹識